





334

KOPRU
334
M.
ASIM BY.

ایمن ز سیدون

448

(*) فهرست ترجمة كتاب ابن زيدون من الادب (*)

٢	سبب ترجمته اين كتاب	٩٥	حكايه كليب وجساس
٤	مقدمه كتاب		ووقعه حرب البسوس
٨	سبب انشاء اين كتاب	٩٩	وقعه مهلهل بن ربيعة
١١	ذكر رساله وشرح تاريخها		ومحاربته لقاتل اخيه كليب
١٧	الحج بـ كـ ذ ب	١٠٤	حكايه سمول في وفاء العهد
٢١	معشوقه نك ابن زيدونه	١٠٥	مناقب اخنف بن قيس
	مراسله و معاتبه سي		وحسن امارته وحلمه وسيادته
٢٨	بيان حسن يوسف	١١٤	حكايه حاتم طي
	عليه السلام		وسخائه وكرمه
٣٠	حكايه قارون عليه	١١٩	مناقب يزيد بن مهلهل
	ما يستحق		وجودت ركوبه وشجاعته
٣٧	بيان كثر النطف	١٢٦	مناقب سليك ابن السلكة
	بيان نسب ملوك فرس		وقوة مشيه
٤٩	مناقب قيصر روم	١٣١	حكايه عامر بن مالك
٥٢	حكايه اسكندر ابن		وجودة ملاعبه رحمه
	فيلقوس وغلبته على	١٣٦	مناقب قيس بن زهير
	الممالك والبلدان		ومحاربته
٦٥	حكايه اردشير بابكي	١٤٣	مناقب اياس بن معاويه
٧٠	حكايه ضحاک عنود		وشدة زكائه
٧٦	حكايه جذيمة الابرش	١٥٠	فصاحت سمجان بن
٨١	نوشروان قرزي شيرينك		اياس الواثلي
	حكايه سي	١٥٣	بلاغه عمرو بن الاهتم
٨٥	حكايه بلقيس ملكه سباء	١٥٦	وقوع الصلح بين قبيلة
	وزباء بنت ملج		بكر وقبيلة تغلب
٨٨	حكايه مالك بن نوره	١٥٩	قبيلة عبس ايله قبيلة ذيباني
	وواقعته خالد بن الوليد		ميا ننده واقع اولان قتالک
٩٣	مناقب عروة بن جعفر		دبت غرامتري

١٦١	داحس نام كحيلان اسبك	٢٧٨	بيان اختراعات الالحان
	وصفي		وتأليف الاوتار
١٧٠	حيلة هرم بن قطيبه	٢٨٢	مناقب عبد الحميد الكاتب
	بين علقمة وعامر		الماهر المشهور وخروج
١٧٧	مناقب حجاج وتقليد		ابامسلم خراساني وانقراض
	ولاية العراق		دولت امويه
١٨٨	خطبة حجاج لاهل العراق	٢٩١	مناقب سهل بن هارون
١٩٧	حكايه اعرابي مع الحجاج		وظهور علوم عقليه
٢٠٤	مناقب قتيبه وفتح		وفلسفيه
	ما وراء النهر	٢٩٨	مناقب عمرو بن البحر
٢١٧	ممانعة قتيبه لاسلميان ابن		المشتهر بلقب جاحظ
	عبد الملك من عزله	٣٠٧	مناقب مالك بن انس
٢٢٢	مناقب مهلب ابن ابي صفرة		صاحب المذهب
	ومحاربته مع الخوارج الازارقة	٣١٢	تعريف الادلة واقسامها
٢٣٧	مناقب هرمس الهرامس	٣١٣	تعريف الماهية والكيفية
٢٤٤	مناقب افلاطون	٣١٤	تعريف الجوهر والعرض
	وارسطا لبس	٣١٥	بيان المعنى واول من
٢٥١	مناقب بطليموس وتدير		اوجدها ومناقب امام خليل
	اسطرلاب وتصوير الكره	٣٢٠	تعريف الاسم وما يسمى
٢٥٤	مناقب بقراط حكيم	٣٢٢	تعريف الاسماء والافعال
٢٥٨	مناقب جالينوس حكيم	٣٢٧	تعريف الظرف والحال
٢٦٣	مناقب قاضي ابي معشر	٣٣١	مطلب اديان مختلفة
٢٦٦	مناقب جابر بن حيان المشتهر		ومذاهب متفرقة
	في فن علم الكيمياء	٣٣٤	بيان مذهب ماني زنديق
٢٦٧	مناقب الشيخ نظام المعترلي		وغيلان
٢٧٥	مناقب الشيخ كندی	٣٣٨	قتل وصلب ماني زنديق
	المشتهر بفيلسوف الاسلام	٣٤٠	ذبح جعد بن درهم زنديق

٣٤٢ قتل بشار شاعر ماهر
 ٣٥٣ بيان خارق العادة
 ٣٥٧ بيان ضرب المثل كل الصيد
 في جوف القرا
 ٣٥٨ مناقب ابو نواس
 ٣٦١ مناقب ابى تمام
 ٣٦٣ مناقب البحري
 ٣٦٨ حكاية ضابي بن ارطاة
 ٣٦٩ حكاية دمستق قبصر
 ٣٧١ مناقب عبد الله بن معاوية
 ٣٧٣ مناقب لبلى ومجنون عامري
 ٣٧٨ مناقب عمر بن عبد الله
 المخزومي
 ٣٨١ مناقب دريد بن ضمرة الشاعر
 ٣٨٣ مناقب تميم بن ملحان
 خبر من ان راه
 ٣٨٤ مناقب ملاك نعمان بن منذر
 ٣٩٠ مناقب سهيل بن عمرو
 ٣٩١ تعريف التميمي والعميمية
 والفهمية
 ٣٩٣ بيان قتل زنادقة لعنه الله تعالى
 ٣٩٥ مناقب هبة الاحق
 ٣٩٧ مناقب طويس لطيفة كو
 ٤٠٠ الاشياء انما يجذب
 الى اشكالها
 ٤٠٣ مناقب بشار المشهور
 بمثل بشار الكواكب

٤٠٦ مناقب فرزدق الشاعر الماهر
 ٤٠٩ حكاية وافد البراجم
 ٤١١ مناقب متمس وطرفة
 ٤١٢ مناقب عقيل بن علقمة
 ابن الجهمي
 ٤١٧ مناقب هند بنت الحس
 ٤٢٠ مناقب دحتران همام ابن مره
 ٤٢٤ فقرة والناس رولا العار
 ٤٢٦ مناقب اعشا الشاعر
 ٤٣١ تعريف الميسر والقداح
 ٤٣٢ مناقب خنساء الشاعرة
 ٤٣٦ حكاية محرق البردين
 ٤٤٠ فقرة قرطين ازدر يكتا
 ٤٤١ مناقب عمرو بن معدى كرب
 ووصف الصمصامه
 ٤٤٩ مناقب حطيئة الشاعر
 ٤٥٢ وكيم من يعتمدني بالقوة
 ٤٥٤ مناقب ابو العتاهيه
 ٤٥٨ فقرة اشأ من براقش
 ٤٦٢ فقرة وان العصا قرعت
 لذي الحليم
 ٤٦٦ حكاية منذر جواز بشار
 الشاعر بمائة دينار
 ٤٦٧ مناقب بشار المشهور
 بمثل بشار الكواكب



٤٧٤



* * بسم الله الرحمن الرحيم * *

مپاس بحد و شکر لایعبد اول خالق فرد و صمد اولسونکه نوع
انسانی اشرف انواع خلایق و اتم اصناف ممکنات و جمله سنه
فائق و کرم و احسانه شایان و لائق خلق و ایجاد و علوم ظاهره
و باطنه ایله اراسته و معارف صوریه و معنویه ایله پیراسته و ارامت
مبیل رشاد ایلدی * و افضل صلوة و اکمل تحیات اول اشرف
مخلوقات اولان نبی کریم و وسیم رسالت پناه حضرت تبری اوزرینسه
اولسونکه مظهر سر اولاک و سبب خلق انس و جن و ملائک
و افلاک اولوب هر کیمک که آخر الرسل و خاتم الانبیاء اولدیغنه اقرار
و ایمانی و شریعت مطهره سنه انقیاد و اذعان اوله نعم دارین ایله
متعم و سعادات ابدیه ایله مستسعد و مقنن اولدی * و درود و سلام
آل عظام و اصحاب کرام حضرت ائمه اولسونکه هر بری رهبر راه هدایت
و ره نمای صراط مستقیم سعادت در * بعد ازین * بو بنده کتر و ناچیز
و عبد احقر حیرت آمیز محمد و عبد این قره خلیل طاملمها الله بلطفه
جلیل اگرچه قلیل البضاعه و عديم الاستطاعه در مالایدرك

کله مهمما مکن تدریس و تعلیم ایله وقت گذار و تحصیل و تفهیم ایله
پیغوله اشتغالده تمکن و قرار ایدوب هر چند که فنون غامض المدرکی
ذهن کلیل در کدن عاطل و علوم صعب المنالی فهمیدن قاصر و زاهل
اوله کتب ادب و محاضرات و تاریخ ایله تفکله لذیذ اولمغله فراند
نفسه منی رشته نظره کشیده و صفحه درونه سرد و نهید ایدردی
بر کون خاطر فازه خطور ایتدیکسه رساله ابن زیدون و ابن نباته نک
شرعی که شرح العیوندر نظم و نثری مشتمل و تاریخ و ادب و محاضراتی
محتوی و متکفل اولوب فوائد کثیره سی و لطائف و فیه سی اولمغله
لسان فصاحت بیان عربیدن زبان ملاحظت نشان ترکی به نقل اولنسه
ایکار معانی و مضامینته لباس فاخره الفاظ ترکیه الباسبله بر بوزدن
دخی خوب صورت ایله جلوه نما و طبایع معارف شناسان هندنده
معتبر و معتنا اولوردی دیور شوقی القدا سبیل الخلد بر اعة ناسج
نور و نظام و اخذ جوده کلام ایله بیاض روی شاهد صحایفه فراید
کلماتی نظم و زبین و خال صیه مثال نقط و حروفی ایله ترشح و تحسین
یلیم اما مهب محندن رباح خواطر مشته و وزان و تشنت قلب
فاتردن اوراق امانی منساقط و پریشان اولمغله قوه دن فطله
و نیتدن عمل کنور مک مبسر اولماشدی لکن بر روز فیروز و بر دم
نشاط بخش بخت افروز ده کوشه نشین ازوا و دوام دولت علیه
دعاسنه دست برداشته درگاه خدا ایکن طبیعت میدان عمکساریده
کبت بند و نصیحت سوار و هر جانبه جلوه و جولان و آخر کار ارخای
عنان ایله * دلا کر آیدت روزی غمی پیش * جو یاری باشد و غمخوار
غم نیست * بینی ایله ترغ ساز اوله رق بو ازوا و فراغت نیجیه دک و بو
حجاب و نواری نه زمانه دک حد الله که سنک کلک غیر افشاک طرز انشاده
دخی رشیح لاکی ایلر خصوصاً بو زمان سعادت نشاند ارباب کمال
مکرم و مرغی و اصحاب فضل و افضال محترم و محیی و هر بر مشهور
و دانشور ربده سنجه محسود نادان و مغبوط جهلای بی ادعاند * نه زمان
کوسه کرک خبر متاع معنی * بور و ابجد ایدن کذله دعوی زبان *

دیوب رساله معهوده بی شرحه ترجمه به حث وترغیب و املاء
 وانشائی تشویق و تصویب ایلمد کده مستعین بالله تعالی تنقی
 و تخریر بنه شروع و انوب فوائدی بسیار و منافعی اکثر ایتک
 ملاحظه سبله کتب ادب و محاضرات و لغات و توار یخون ظفر یاب
 اولدیغم امثال عربیه و فارسیه و افسانه عجیبه و نوادر غریبه و ایات
 لطیفه و لغات مشکله بی هاشم ترجمه به منه تخریر و انعام ایتد کدن
 عسکره بعض کتب تکامل پیشه نیک اجرت کاتبی بر کون مقدم اخذ ایدرم
 ندیشه سی درون بطالت قرینده جایگیر اولوب اکثر منه لر بنی ترک
 ایلمدیکندن ماعدا مطالعه سبله تفکله رغبت پیوران اریاب فضل
 و کاله هاشمه نظر انداز اولمق عسیر و تکلفدن خلو ورها و بیرون حوصله
 امکان اولدیغی مستغن عن التقرير اولمغه تکرار هاشم ترجمه ده
 محرر اولان فوائد نفیسه مسطره ضم و الحاق اولمغه بدأ و شروع
 اولندی والله المبرر الانعام والاختتام * مقدمه در ذکر منشی این
 رساله * بوساله مقبوله بی رشته ثانی انشایه کشیده و پراعه در پاش
 کلمات لطایفدن صحیفه اوراقه جوهر حروفنی سبک سطور ایدن
 وزیر ادب کتبه سی ابوالولید واسم سامیسی احمد بن عبدالله بن غالب
 بن زیدون الخزومی الاندلسیدر که شعر و انشا و کاتبه یکانه و میدان
 فصاحت و بلاغته یکه تازی مثل و بی بهانه اولوب اوچبوز
 طاقسان درت سنه سی بلده قرطبه پانهاده سرای وجود اولمشدر
 ووزیر کاتب معنانه اولوب * خورشید طلعتنا وزراء تووجه من * اکنون
 سه ماه رفعت که تاخیر میکنند * بیننده و زرادن مراد کابدر ووزیر
 مشارالیه مشار بالبنان اولان علمای ذوی الامعاندن برینک نسل نجیندن
 اولمغه بر طفل نجل نجیب ظهور ایدوب هنوز نارسیده ایکن تحصیل
 معارف کلیه و جزیه به بدأ و اشتغال و علوم عربیه و ادبک نکت
 و مزایا سنه وصوله بذل مقدور ایله صاحب کمال و امثال و اترانه
 نظم و نثرده فائق و هم رتبه سنه من کمال الوجوه رائق اولد قده
 * انما یعرف ذا الفضل ذوه * مضمونی اوزره ممالک اندلسه قطب

بیان مقدمه کتاب

ایدن ملوک طوایفدن ابوالولید بن جمهور که ار باب دانشه اکرام و قدر
 و منزلت لر بنه کوره هر رینه احترام ایتکله معروف و کندی دخی بر ادب
 کامل اولمغه دامن گرمه نشیث آرزو سبله اول طرفه محمل بند عزیمت
 و ذات و حیثیتی و سبله سبله داخل کهف الامانی و ندیم صاحب سر
 و سامانی اولوب قدر و منزلتی بر تر و عالی اوصاف جبه سی معلوم اسافل
 و اعلی اولد قده ملک مومی الیه نظام امور مملکتی ایچون سائر ملوک
 اندلسه ایلمی ارسالی اقتضا ایلد کده ارکان دولتش عقل و ارشدی
 وزیر مشارالیه اولمغه * الرسول بدل علی مقدار مرسله * قولنه رعایه
 سفارته تعیین و اقتضای کوره رأی و حرکتی عقل نادره دانه تفویض
 و تقلید * و ارسل حکما و لاتوصه * امری ایله عامل و رای و تدبیر نه
 راضی و قائل اولوردی اهالی مملکت دخی ابن زید و نه ملکک میل
 و توجهنی و علو رتبه و شایسته مشاهده ایلد که تردد و انتساب ایتکه
 کوشش ایدر لر دی و فی الحقیقه حسن خلای و خصال حبیده سی
 خلقی کفدویه بنده افکنده و چاکر زر خرید ایتک رتبه سنه
 واصل اولمشدی چونکه ابن زیدونک نظام حالی نیجه زمان متمادی
 و باقی ووقع و اعتباری روز بروز متزاید و متزانی اولدی حساد
 بد نهادک آتش حسد لری شرار افشان و هر بری بر کونه راه
 فسونسازی به راهی و مکر و حیل ایله ابن زیدونک طرد و ابعاده
 مجد و ساعی اولوب لکن ملعننت جلیله لر آشکار اولمغه کار کراولمدی
 اما زمره ملعننت شعاردن بری که * الزم المرء من ظله * و فقیحه ابن
 زیدونک مجلسنه ملازم و مسورتا صدیق و غمکساری و حسدنه نک بوه قوله
 اطوار ناپسندیده لر بنه * ابکی من یتیم * و ترتیب جزا لر بنه دامن در میان
 و عازم اولوردی اما * اکبر الاعداء اخفاهم مکیده * سرا حاده
 اعانت و مکر و خدیعه لر بنه متانت و بیروب آخر الامر نفاق لری ابن
 جمهوره تأثیر و مقدمات فریب اشتغال لری نتیجه پذیر اولوب دروغ
 و اراجیف لر بنه اعتماد و غضب و عتاب ایله وضع زندان * و اظلم من لیل *
 بر محله حبس و بند بلایه گرفتار و اسیر ایلد کده ابن زیدون بورتبه

ادباردن متضجر و محزون و هر روزی * اطول من يوم الفراق * اولمغه
طاقتنزار و ناله و فریاده آغاز ایدوب هر چند که استعطاف و استعفای
متضمن رسائل عجیبه و قصائد لطیفه غریبه ارسال ایدردی آتش غضبی
مشتعل و شرار افشان اولمغه باعث اولوردی آخر کار * الفرار مما
لا یتطاق من سنن المرسلین * مسلکته سالک و پرشب دیچورده فراره
متهالك و سوی سلامتیه ز بر زمیندن سبیل و ش روان و جان شیرین
خلاصه سعی و شتابان اشبیلیه صاحبی معتضد لقبیه ملقب عباد
بن محمد کشف حجاب سینه و وصول ایلده رها یاب اولدخی تلقی بالقبول ایلده
اکرام و کامیاب ایدوب رتبه وزارت احوال و امور مملکتی تفویض
و الباس خلعت فاخره ایلده تکریم فراوار ایلدی مومی الیه ابن زیدون
رأی رتدیده عظیم المثل و فضل و هنر ده بی همتا و مسلم لکلی
اولد یغندن ماعدا اطوار پستیده سینه بنهاء محبوب قلوب عالمیان
و ممدوح کافه رعایا و اعیان و هر کسه لطف و کرمی بذول و رایکار
ایدی کتاب الذخیره ابن بسام بعض وزراء اشبیلیه دن نقل ایلده ذکر ایدر که
بر کون ابن زیدونک تسری ایلدیکی جوار بدن بری وفات ایدوب بکار
واعیان و اتباع و دامیان جنازه سینه حاضر و هر بری علی مقدار مراتبهم
ابن زیدونه تعزیه به آغاز و تسلیه بخش و خاطر نوازیده نقد بنه
در رکاتلرک صرف ایتمده اطناب و ایجاز ایلد کلمه فردا فردا
جوابه تصدی و هر برینه الفاظ و مضامین مختلفه و متغایره کلمات
دریة النظامی سلاک آدابیه نظم و بر یوزدن اطرافت امیر جواب
و یردیکه وسعت میدان فصاحت و بلاغت و استحضاری نه رتبه
اولد یغنی تکرار معلوم جهانیان اولدی و مومی الیه دور تیز انش اوج
سینه سینه و ارنجه عباد و بدری معتمد علی الله خدمت لرده مکرم و محترم
و اشرف خدمانده منصوب و مستخدم اولوب سینه مز بوره ده ارتحال
دار بقا ایلددر مورخیندن ابن حیان و ابن بسام و غیر یلمی ابن
زیدونک فضائل و اخبارندن بر رنده ذکر و بیان ایلددر از جمله
مرتب دیوانه و رسائل کثیره سی اولوب نظم و نثرده فائق الاقران

واهل ادب غنندنده مشارالیه بالساندر و وادی شعر و انشاده ماهر
و نقاد اولنلر نظمیه نثرندن اجود و احسن در دیوب حسن دیباجه الفاظه
ایضاح معانی به موفق اولد یغنه بنه بختی الغرب تسمیه ایلددر
و نثرده امثال عربی و اشعار متقدمین و متأخرین افراط ایلده ایراد ایتکله
منظومی مشورنه غالب اولوب بادی نظرده بالجمله منظوم ظن اولنلر
رتبه لرینه رسیده اولددر لکن بو وادی دخی اطلاع مجنبه و استحضار
معجزنه دلالت ایدر ایجاز نثری فصاحت و بلاغتیه نه رتبه به بالغ
اولد یغنی بور سالی بی سرد ایلده معلوم اولور که سائر نثرینه نمونه در
اشعارندن دخی بعض مرتبه ذکر اولنسونکه * لبس الخیر کالعیان *
حتی رتبه بلاغی یقینا معلوم ارباب فهم و دانش اوله از جمله مسکون
ایکن ابن جمهور خطاب ایدوب ارسال ایلدیکی قصیده در که ذکر
اولندی (قصیده) ماجال بعدک لحظی فی سنا القمر * الاذ کر تک ذکر
العين بالآثر * ولا استطلعت دماء ثیل من اسف * الاعلی الیه سرت مع
القصر * یالیت ذالک السواد الجون متصل * قد استعار سواد القلب
و البصر * بالارزایا لقد شافهت منها لها * غمرا فما شرب المکروه
بالغمر * لا یهنی الشامت المرتاح ناظره * انی معنی الامانی ضایع
الخطر * هل الراح بنجم الارض عاصفة * ام الکسوف لغير الشمس
و القمر * ان طال فی السجین ابداعی فلا عجب * قد یودع الجفن حد
الصارم الذکر * وان یثبط ابا الحزم الرضی قدر * عن کشف ضری
فلا عتب علی القدر * من لم ازل من تانیه علی ثقة و لم ابت من تجنبه
علی حذر * جال فعل ماضی اولوب جولدن و جولاندن مشتق و لحظ
مؤخر عین ایلده نظره دیرلر و سنا ضوء معناسنه در و اسف اشد حزن
معناسنه در و جون اضداد دن اولوب بیاض و سواده اطلاق اولنور
و حقن نیام تبغ معناسنه در و تثبیط بر شبئی شیء آخر دن کشی اشتغال
ایتمکه دیرلر (بو بیتلر دخی بنی جمهور حقنه در بنی جمهور احر قتموا
یحفظکم * جنائی فبا بال المرایح تعقی * تعدوتنی کالضبر الورد انما *
نطیب لکم انفاسه حین یحرق * (وله فی حق الجهاورة) ان الجهاورة

الملوك تبووا * شرفا سرى معه السماك جنبيا * فاذا دعوت وليدهم
 للمة * لبك رقرق السماح اريسا * هم تعاقبها النجوم وقد تلا * في
 سودد ومنها العقيب عقيبا * ومحاسن نبدي دقايق ذكرها * فتكاد
 توهمك المديح نسبيا * هرشي كه متلاي اوله كه رقرق دبرل (بوايات
 دخی معترضی مدح ایلدیکی قصیده دندر * اما فی نسیم الريح عرف
 يعرف * لناهل لذات الوقف بالجزع موقف * وایله وافینا الکشب
 لموعده * سرى الایم لم یعلم بمسراہ مرجف * بومطلع دخی برغرلنددر
 * یبني وینک ما لوشئت لم یضع * ستر اذا ذاعت الاسرار لم یذع *
 (مطلع دیگر) انی ذکر تک بالزهره مشتاقا * والافق طلق ومرئی
 الروض قدراقا * ومومی الیهک برقصیده نوبه سی واردر که
 شهرتی ذکر نه ماندر (در بیان سبب انشاء این رساله) ابن زیدونک
 بورساله مرغوبه بی انشاء سبب بود که مغرب زمینده بنی امیه دن
 داخل دیمکله معروف اولان عبد الرحمن ابن حکمه منسوب خلفاء
 اموییندن مستکنی بالله محمد بن منصور بالله ابن مستظهر بالله عبد
 الرحمن خلیفه نک زلیخا مانند حسن وجمال صاحبہ سی ولاده نامنده
 رد ختہ پاکیزه سی واریدی که * سینه بی مثل و بدل عارض دایره
 کوزل * عبی انجق قتی نازکدر اوتازنده کوزل * هر طرفی موزون
 ومتناسب بر محبوبه آفت جان ونونهال فتان جهان اولوب پوری
 مستکنی بالله قتل اولنوب طوائف ملوک تغلب ایلد کد نصرکه سمع
 شعر وادیه ونظم ونثر عربی میلی ونحصول معارف وانشاء شعره جلی
 هوسکار اولغسله رفع حجاب وستر وتصوفی ترک ایلد داخل مجالس
 احباب بلکه هم بزم شعر اوکتاب اولوب فرط حسن وجمالندن ماعدا
 شعر وانشاده دخی مردانه وادیانه وضع وروشی اولغله بکار وزرا وشعرا
 دلدادہ سی وعشقیله دل بوده واوره سی اولوب هربری شرف قدومنه
 خراشکر ومشاهده جمال باکانه فرصت خواه وطلبکر اولوب
 * تشریفک ایلد خانه می رشک ارم ایلد * اغلتمه بنی ایکی کوزم کل کرم ایلد *
 دیوهر بری نیاز و برینک خانه سته وارد قدده مقدوری مرتبه اکرام
 واعزاز و بر برینه معامله ناز و نیاز ایدر لدی وافتادگان حسن چهار

بیان سبب انشاء
 رساله

سوزنی معاینه ایلد که بی اختیار * لبک کلدر دهانک غنجه خدک لاله
 چرا * جبینک اوزره اول کاکل باغبیر بویا خود سنبل * بیتله ترنما ساز
 اولور لدی لکن ولاده نک میلی ومحبی ابن زیدونه زیاده واکثرالفت
 ومعاشرتی مز بوره منحصر وتنهاده ایدی حتی بوقطعه بی انشاد
 ایدوب ابن زیدونه ارسال ایلشددر

* ترقب اذا جن الظلام زیارتی * فانی رأیت اللیل اکتم للسر *
 * و بی منک مالوکان بالیدر لم یر * وباللیل لم یظلم وبالنجم لم یر *
 و ابن زیدون معشوقه سی ولاده بی فارلقبیلہ ملقب وزیر ابو عامر بن
 عبدوس ایلد مواصلت تمثیله اتهام وغضب ایدوب ایکبسی حقنده
 بوقطعه بی انشاد ایلدی

* غیر غمونا بیان صار بخلفنا * فبین نحب وما فی ذلک من عار *
 * اکل شهی اکلنا من اطایبه * بعضا و بعضا صفحنا عند اللقار *
 شهی مشتهی معناسنه اولوب صفح اعراض و ترک معناسنه در
 ولاده دخی خاطر مانده اولوب ابن زیدونی هجو و قصیده علت معهودیه
 ابتلاسی مشعر بوقطعه بی انشاد وارسال ایلدی

* ان ابن زیدونه علی فضله * بلهج بی شتما ولا ذنب لی *
 * یلحظنی سزارا اذا جئته * کما جئت لا خصی علی *
 علی ایلد ابن زیدونک علی اسمنده اولان غلامی مراد ایدر یعنی ابن
 زیدون فضل وهنزه ممتاز و مسلم ایکن بنم شتم وازارمه حر بصر اولور
 حال بوکه بی جرم وکاهم وکنندینک زیارته وارد قدده طرف چشم
 غضب آلودی ایلد نظر ایدر که کویا بن خادمی علی بی خصی ایتمک
 ایچون وارشم و برقطعه که انشاد ایدوب آستینته تحریر ایلشدی بودر
 * انا والله اصلح الیعالی * وامشی مشینی وایه تبها *
 * وامکن عاشقی من صحن خدی * واعطی قلبی من یشتهیها *
 مومی الیه ابن زیدونک ولادهیه میل ومحبی افراط ایلد اولغله اکثر غزل لری
 ولاده نک اوصاف جمیله سنده اولوب بعضه سنده اسمن دخی تصریح
 ایلشددر کذلک وزیر ابو عامر بن عبدوس ولادهیه دلدادہ ومعاشرت

والغنه تكلف وسعي واسباب بزم اماده ايدردى لكن ولاده به سوؤ قصد
 ايله دكل بلكه انجق برنگاه عاشقانه به وملاطفه ومشاعره به راضى
 وقانع ايدى ولاده ايسه ابن عبدوسى هزل ومزاح وبعض كلمات لطيفه
 امير ايله مذاق ايدردى از جمله بركون ابن عبدوسك خانه سى جانبدن
 مى ورايدوب كورديكه ابن عبدوس اتباع وندماسيله درخانه ده سر بر
 اوزره جالس ومكالمه به مشغول وپيشنده منبع چركايدن حوض
 مثال برآبكرمشاهده وبو بى انشاد ايلدى * انت الخصب وهذه مصر
 * فتدفقا فكلال كبحر * وابن عبدوس قطعا جوابه قادر اوله مبوب
 ولاده سمع آخره عزيمت وتوجه ايلدى واهالى قرطبه بو بى از برايدوب
 نغنى وقرأت ايدردى بيت مزبورهارون الرشيدك مصره والى ايلدىكى
 عبد مدحنده ابونواسك انشا ايلدىكى قصيده سندن اولوب مصردن
 مراد مصر قاهره در وخصيب هيدمز بورك اسميدور رشيدك عبدى
 والى مصر ايلسنه باعث آيت كريمه دن منفهم اولان فرعونك حكومت
 مصر ايله افتخار ايدر كه فرعونك كبر وبعينه سبب اولان حكومت مصرى
 بن برعبد تفويض وتقليد ايدرم ديوب خصيبه توجيه ايلدى
 وابن عبدوس ولاده بى تنهاجه صيد ووصالته هر خدعه ومكر ايله دام
 وقيد تدارك ايدوب نائل مرام اولم ديوسعى واهتمام ايدردى
 حتى ابن زيدون مطلع اولوب بوقطعه بى انشاد ايلدى * وغرك
 من عهد ولاده * سراب ترى و برق ومض * هى الماء تاتى على قابض *
 * ويمنع زيدنه من مخض * ومض لمعان خفيف معناسنه اولوب كالقايض
 على الماء تحصيلى ممكن اوليان شى * تحصيله سعى ايدن كپسه حقند
 ضرب اولنور مثلدركه شاعرك بو ييتنده مذكوردر * فاصبحت من ايلي
 الغداة كقايض * على الماء لايدري بما هو قابض * ومخض اينسندن
 زيدى اخذه ديرلر واول لبسه مخوض ديرلر چونكه ابن عبدوس مكر
 وحيلدن سودمند اولدى برزن مكاره وداله محتاله وغداره تدارك ايدوب
 ولاده به ارسال و هزار خديعه ايله كندويه تميل واستحصال ايلدى اول
 زن فاجره دخی ولادهك بزمه دخوله رخصت باب اولوب ابن عبدوسك

بيان منقبة خصيب
 مصرى

محاسن ومنافين تعداد وميل واشتياقنى اعلام وبيان وكندويه
 مخصوص اولوب آخرايله الفت واستيناسدن نفسى ابعاد نيازنده
 اولديغنى شرح وتفصيلده صرف مقدور وسعى نامحصور وابن عبدوسه
 منحصر وسائر ينه التفات وميل ايتوب محبى آخردن زائل وقاصر اواقى
 خصوصنده قصور ايتدى اما ولادهك ابن زيدونه * عاشقان هرچنده
 مشتاق جال دلبرند * دلبران برعاشقان ازعاشقان عاشق ترند *
 مضمونى اوزره عشق وابتلاسى ابن زيدونه برتر وفي الحقيقه بربرينه
 وافق شن طبقه مصداقچه اوفى وانسب وظرافت ومعرفته برابر
 اولمغه ابن عبدوسك قواره ارسال ايلدىكى ابن زيدونه اعلام ايدنجه
 ولاده لسانندن بورساله مشهوره بى تصنيف وارسال ابن عبدوس دخی
 عشوقه بى تأليف واستحصال ايتدن مأیوس واول مرغى صيد
 وشكاردن عاجز وبى مجال اولوب مقدمه بيان اولنديغى اسلوب اوزره
 ابن زيدون اشيليه به فرار ايدنجه دست تعرضن کوتاه وشبان روز آتش
 خسردن آه وواه ايدردى مورخيندن ابن بسام وابن حبان بو افسانه
 عجيبه بى بوكونه ذكر وبيان ايتلردر * ذكرالساله وشرح تاريخها
 كارسيم (اما بعد ايها المصاب بعقله المورط بجهله) كله اما فتح همزه
 وتشديد هم ايله اولوب نحو پيشندن برجماعت حرف شرط اولوب
 معنای شرطى متضمندر ديديلر وبومحمله تفصيلدن مجرد اولديغى
 مغنیده تصریح اولمشدر (لكن علامه عبدالقادر حرف شرط
 وتفصيلى مفيد اولسنه ذاهب اولمشدر كثر يا ظرف زمان ونادرا
 ظرف مكان اولوب زمان همچون استعمال اولندقدده جاء زيد بعد عمرو
 ومكان همچون استعمال اولندقدده دار زيد بعد دار عمرو ديرلر وبومحمله
 لفظ اعتباريله زمانه صالحه ورقم اعتباريله مكانه صالحه در وكلمه امان
 نصكره واقع اولندقدده ناصبنده اختلاف اولنوب به ضمير فعل شرط
 مقدردر ديدى وسببويه اما كلمه سى فعل مقدره نائب اولمغه بعدنى
 نصب ايدرديدى پس مذهب اوله كوره اما فعلدن معنا نائب اولوب
 علامه نائب اولم مذهب نائى به كوره معنا وعمالا نائب اولدى واصل عبار

متن

الحقيقه

مهمایکن من شیء بعد کذا اولوب مهمایکتدا ویکن شرط اولوب
اما معناه ابتداء وشرطی متضمن اولدیغی وقتده امایه فالازم اولور
و بعد بومحمله ترتیب صنایعیده استعمال اولنوب خطبا و کتاب اکثری
کلام محرر و رسائل محرره لرنده اما بعد عبارتیه بدأ ایدر لر که سامعین
کلام لرینی کرکی کبی اصغوا و استماع ایده لر حتی سبحان اما بعد ایله افتخار
ایدوب * وقد علمت قیس بن غیلان اتی * اذا قلت اما بعد اتی خطیبها
* یعنی انشاء ایلدی و اکثریا اما بعد جمله و صلوه عقیده ذکر اولنوب
اول محمله کلام اول و کلام ثانی میانی فصل ایلدیکنه بناء فصل الخطاب
تسمیه اولنور و گاهیجه عقیب بسمله ده ذکر اولنوب گاهیجه **ک**ان
عقیب فکر و رویه ده ذکر اولنوب کی ابتداء ذکر اولنور تکیم بورسالدده
ذکر اولندی و اما بعد عبارتیک ابتداء قائلی داود علیه السلام اولمق اوزره
روایت اولنوب بعضیلر قرآن کریمده مذکور اولان فصل الخطاب اما
بعد در دیدی و بر روایتده عبارت مذکور **ک** ابتداء قائلی حکماء عربدن
قس بن ساعده الیادی در لکن روایت اولی اصح اولوب قس عربده
کلمه مذکوره ایله ابتدا خطبه قرات ایلدوب و ابتدا اوائل کتب و تحریر
ایلشدر و مصاب مصیبت و نایبه ایله مبتلا اولان کیمسه **ک** اسمی اولوب
رجل مصاحب و فی عقله صابیه دیر لر یعنی عقلنده جنوندن بر طرف
وارد در **ک** اولوب معنای لغویسی سهمک مرایه وجه صواب اوزره
وصولدن عبارت اولغله اصاب السهم دیر لر پس مصیبت فی الاصل
رمیده استعمال اولنوب بعده نایبه مختص قبلندی و عقل تحریر نفع
و تجنب ضررده مستعمله معرفتدن عبارتدر و عقلک اشتقاق و معناسند
اهل لغه و متکلمینک اقوال کثیره سی اولوب بعضیلری قنده عرب اشتری
فراردن منع ایچون ساقنی ذراعنه ریسمان ایله ربط و بند ایلدیکی
وقته عقل الناقه دید کلری قوندن مشتقدر دیدی کان عقل تسمیه
اولندی و دینه عقل تسمه اولندی زیرا دیت اولمق اوزره اعطاء اولنه حق
اشرفناه ولی مقوله عقل و ربط اولنور یا خود سقک دمای حبس ایدر
و بعضیلر عقل معقلدن مشتقدر دیدی و معقل ملجاء و پناه معناسنه اولوب

بیان حقیقه عقل

بزیا بانی کندونی دشمندن منع و حفظ ایدر بر جمله النجا ایلدیکی
زمانده عقل الوعل دیر لر کویا انسان احوالنده عقله النجا ایدر و اشتقاق
عقلده بر مقدار قول دخی وارد که ذکر ی تطویل باعث و اکثری
معانی مشتر که اولغله **ک** اولندی و جاحظ عقل صواب و حق اولان
شبه معرفت و اول صواب ایله عمل زمانی زمان معرفته مقارن اولدن
عبارتدر دیدی پس علم عمله علت و قید اولوب بر کیمسه بی محاسنه
علمی محاسنی عملنه داعی و مساوی به علمی مساوی عملنه مانع اولدقده
علم عملک قیدی و وثاق اولمش اولور چونکه عقل ونهی صاحبی
فعل مستحسنه عقل و حبس و فعل مستحسینی عمل و فعل قبیحی نهی و منع
ایتمده وثاق و عقل کی اولدی اول کیمسه به عاقل دینلیدی و راغب
دیدی که عقل قبول علمه منتهیه اولان قوته دیر لر و اول قوت ایله انسانک
استفاده ایلدیکی علمه دخی عقل دید کلرینه بناء امیر المؤمنین علی کرم الله
وجهه * العقل عقلان مطبوع و مسموع و لا ینفع مطبوع اذالم یکن
مسموعا کلا ینفع ضوء الشمس و ضوء العین ممتنع * یوردی یعنی علم ایکی
قسم اولوب بری مطبوع و بری مسموع در و مطبوع مسموع اولدقده
نافع اولمز ضیاء آفتاب ناینا و مفقود البصره فائده و یرمدیکی **ک** کی
و پیغمبر علیه الصلوٰه و السلام عقل مطبوعه اشارت ایله * ما خلق الله
خلقا اکرم علیه من العقل * و عقل مسموعه اشارت ایله * ما کسب
احد شئنا افضل من عقل یهدیه الی هدی او یرده عن ردا * یوردی
یعنی باری تعالی عندنده عقلدن اکرم بر مخلوق خلق ایلدی و بر کیمسه
هدایه هدایت ایدر یا خود فاسد دن رد و منع ایدر عقلدن افضل برشی
کسب و تحصیل ایلدی و باری جل شانہ تر آن کر یمن هر موضعه که
کفاری عدم عقل ایله ذم ایلدی عقل مسموعه اشارت یوردی
و هر موضعه که عقله بناء عید دن رفع تکلیف ایلدی عقل مطبوعه
اشارت یوردی و بعض حکما عقلی تعریف ایدوب جوهر بسیطدر
دیدی و بعضیلری جسم شفاف اولوب محلی دماغدر دیدی و بعض
علمای محلی قلدر دیدوب * فیکون لهم قلوب یعقلون بها * آیت کریمه سیلا

استدلال ایلادی * و لمن کان له قلب * ای عقل ایلله تفسیر اولندی
 و جاحظ عقل اعضایه قوت ویران غدا زدن تولد ایدن ماده در بنابرین
 بلاد عقله نافع و پیاز مضر در دیدی و دیرلر که بلاد رک بر سنه دن
 اصلاح ایلدیکنی باذنجان بر آیده افساد ایدر و بعض قوم زعمنده عقل
 در به و عادتدن حاصله بر هیئتدن عبارتدر بناء علیه معللر یک
 اذهانی صبیان ایلله اختلاط سبیلله فاسده اولور و بلاد در این
 جزار روایتی اوزره عقا قیردن انقرویه دبدکاری عقار اولوب زبان
 رومیه ده شبیه بالقلب معناسنه در این عمران دیدی که بلاد قلب طیره
 شبیه لونی قلب کبی سواده مائل قرمزی و جوفنده دم کبی برشی اولوب
 اکل اولندقدده اسانه لهب و حرارت و بر بر غره در و صنددن کتوررلر
 که صقلیه ده جبل ناردده نابت اولور و درجه رابعه ده حر یابس اولوب
 فساد دهنه و دماغ و عصبه برودت و رطوبتدن حادثه اولان امراضه
 جید و نافع و استرخاء و نسیان و ذهاب حفظه مانع و رافعه در لکن دمی
 احراق ایدر استعمال و شربی اکثر ایدنلره بیس و سرسام و سهر
 و عطش شدید عارض اولور پس شتاب و برنا و حار المزاج اولنلره
 استعمالی جائد کدر و فالج اولنلر و فلج اصابت ایتمسندن خوف اولنلره
 نافع در و جیدر و ابن سینا بلاد در حلو الطعم اولوب غسل رابعه او
 بر عقار در که داء ایلله نافع در دیدی و حبش بن حسین دیدی که
 بلاد حار شدید اولوب بعض جوارشانه ادخال و مشایخ و زمره ایه
 مزاجنه بلغم غلبه ایدنلره بندقه یا خود بند قدن اصغرا صفا اولنور
 و اصلاحی خاص سمن بقرا ایلله اغلا ایلله اولور و عسانی اخذ مراد
 اولندقدده حدید کلبنین احیا و تسخین اولنوب بلادری میان کلبنینده
 عصر ایدوب عسلی سیلان ایلد کده اول غسل سمن بقرا ایلله خلط
 و اغلا اولنوب استعمال اولنه و ورطه هلاک معناسنه اولوب رویه *
 فاصحه و ورطه الاوراط * دیمشدر واصل ورطه اباب و ذهاب ممکن
 اولوب سناک و واقع اولان کیمسه هلاک او اورارض مطمنه به اطلاق
 اولنور و وراط خدیعه معناسنه اولدیغی بوندن مأخوذ در و حدیث

شربنده * لا خلاط ولا وراط * وارد اولمشدر ابو عبیده بو حدیث
 شریف * لا یجمع بین متفرق ولا یفرق بین مجتمع خشبة الصدقه *
 قولی کبیر دیدی یعنی صدقه خوفندن متفرق و پریشان اولانلرین
 ینی جمع اولماز و مجتمع اولانلرین ینی تفریق و پریشان اولماز و جهل
 علمک ضدی اولوب مفاز به مجمله دینلدیکی کان مفاز ده کیفیت
 طریق مجهول اولدیغنه بناء در راغب دیدی که جهل اوج قسم
 اولوب اولکی قسمی تفک علمدن خلویدر اصل جهل بو قسمدر
 و بعض متکلمین جهلی نظامدن خارج اولان افعالی مقتضی بر معنادن
 عبارت ایلوب علمی نظام اوزره جاریه اولان افعالی مقتضی معنادن
 عبارت ایلدی و ایکنی قسمی شیء نفس الامر ده اولدیغنه خلافته
 اعتقاد ایتمکدن عبارتدر اوحنی قسمی برشی ایشله سی حق و لایق
 اولان وجه اوزره ایشلیوب خلافته ایشله کرک اول فعل باطله اعتقاد
 صحیح ایلله اعتقاد ایلسون کرک اعتقاد فاسد ایلله اعتقاد ایلسون
 و مثال فقرتین ای مجنون و بی عقل و جهلی سبیلله هلاکده واقع اولمش
 دیمک اولور * البین سقطه الفاحش غلطه * سقط مرضی اولیان
 شیشه اطلاق اولنوب متاعک ردی اولانده سقط دیرلر و قواده سقط خطا
 اولانیدر و بر کیمسه فعلندن ندامت ایوات ایده جک شبی اتیان ایلسه
 اول فعله سقط دیرلر و برشی عالیدن سافله طرح اولانسه سقط دیرلر
 و فاحش اقوال و فعالدن قبیح عظیم و بزرک اولان شیشه دیرلر و فعله
 قبیحه به فاحشه دینوب بینکار ایلله الفت ایدن زنه فاحشه علم وضع
 اولندی و غلطه نطقا و فعلا صواب و راستدن خروج دیرلر و عرب
 غلط و غلت استعمال ایدوب بعضیله کیمسی دخی لغت اولمشتی رعم ایلدی
 و بعض قوم تکلمده خطایه غلط و حسابده خطایه غلت دینلانی زعم
 ایلدی و مال فقرتین ای خطا سی ظاهر و آشکار و افعال و اقوالنک
 صوابدن بعد و قبیح بدید و نمایان دیمک اولور * العاثر فی ذیل اغترار
 الاعی عن شمس نهاره * عثار سقوط و لغزیدن معناسنه و اغترار
 غفلت معناسنه اولوب غافله ذیل و عثار استعاره سی علام و مناسب
 واقع اولمشدر و عی فقدان البصر اولوب نابینا عی هینوب افتقاد

بیان حقیقه جهل

من

من

بصیرتند دخی استعمال اولور افتقاد بصیرت افتقاد بصری عی عد
 یورمبوب قرآن کریمده * فانها لاتعمی لابعصار ولكن تعمی القلوب
 التي فی الصدور * یوردی و بومحله شمس نهارین عبدوسک صواب
 واضحی نزل و تعرضی مذموم اولان شیئه مبادرت ایله آشکار خطایی
 کورممکدن کایه دریا خود ولاده وصولی ممکن اولماده شمس کی اولوب
 محالی طلب ایلمسندن کایه درمأل فقرتین غرور و غفلتی ذیلنده صواب
 واستقامتدن سقوط ایدیحی و آشکار و نمایان اولان شیدن غافل و ناپیدایمک
 اولور * الساقط سقوط الذباب علی الشراب * ذباب لغتده معروف
 اولان سببکه اطلاق اولندیغی کی نحل و زنبور و دوزه و سائر اطلاق اولور
 و جاحظ اجناس نخله به و سائر سببکله شامل اولدیغنه دلیل حدیث
 شریفده * کل ذباب فی النار الا الحله * وارد اولمایدردیدی و تلمس
 * فهذا اوان العرض حتی ذبابه * زنا بیر و الازرق المتلمس *
 بیتنده ذباب زابیره شامل اوله یعنی تصریح ایلمشدر و بومحله ذبابدن
 مراد معروف اولان سینکدر و مردمک چشمه ذباب العین دیرلر ذبابه
 مشابهنه بناء یا خود شعاعی ذباب کی طیران ایلدیکنه بناء و شراب
 تناول اولسان هر مایعه اطلاق اولور پس مکس کرک حلو و کرک
 حامض برآیدار و مایع شیء مشاهده ایلمسه البته طبعندن تناولی قصد
 و کندوبی اول شرابه القا ایدوب اکثر یا هلاکنه باعث اولمغله
 طبعکاران حقنده * اوقع من ذباب * ایله ضرب مثل ایدرلر و بر شخص
 کندوبه کفایت ایدر مرتبه تعبه راضی اولیه * کان کا الذباب الذی
 لا یرضی * دیرلر زیرامکس کال حرصندن کوش فیلدن سیلان ایدن
 آبه طبع و تناول قصدیه کندوبی کوش فیله القا ایدوب قبل کوشیه
 ضرب و قتل ایدوب طبعی هلاکند مؤدی اولور مأل فقره ای ذبابک
 شرابه سقوطی کی ساقط و هلاکنی طالب اولان ذبابک اولور * المتهافت
 نهافت الفراش فی الشهاب * نهافت خفت ایله ترامی و طیران معناسنه
 اولوب خفت و نهافت الشیء دیرلر خفت ایله ساقط اولدی معناسنه
 اولوب خفت و خلادن مضطرب و مقیم اولان ناس ایچون * وردت

متن

متن

هفتیه من الناس * دخی دیرلر و فراش ذباب رقیق الجسد که پروانه در
 لهذا هر استخوان رقیقه فراشه دیرلر و بعضیلر شجرک قفل یعنی
 خشک و یابس اولتنه رقیق و خفیف اولدیغنه بناء فراشه دیرلر
 و اما ذوالرمدک حارلر وصفنده * و ابصرن ان النقع صارت نطافه *
 فراشاوان البقل ذاوویابس * قولنده بعضیلر فراشدن مراد نقع که
 مانک مجتمع اولدیغی حفره در انده آب رقیق اولور دیمکدر دیدی
 و بعضیلر قطرات آب فراش طار اولور دیمکدر دیدیلر کان فراشه
 قطرات آبدن تولد ایدر مش نطاف قطره معناسنه در و شهاب شعله
 ناره اطلاق اولنوب سواد ایله مختلط اولان بیاضه دخان ایله مختلط
 اولان شهابه تشبیه ایله شهاب دیرلر و فراش نفسی آتسه القا ایله
 معروف اولمغله مثله طبعکاران حقنده * ماهم الافراش طمع *
 دیرلر وزعم فلاسفه ده نوریت حیونی جذب ایدر مثلاً لیلده طیران
 ایدن پروانه و سائر جسم لطیف اولان حیوانانی آتش جذب ایتکله
 نفسی القا ایدوب محترق اولور کذلک صیدی مراد اولان غزلان
 بطیور و وحوش و ماهی به بره بحر ده شعله آتش قریب اولنوب
 جذب شعله ایله شکار اولورلر وزعم فلاسفه ده بو عالمک صلاحی
 و رایله در وفقره مذکوره نک مأل معناسی ابن عبدوس جهلی
 و متأذی اوله جفی شبهه تعرضی سبیلله فراش کیدر که کندوبی
 مهملکه به القا ایدر دیمک اولور * اطمش من فراشه * دخی مثل اولوب
 طبش خفت معناسنه اولمغله بر شیک زیاده خفتنی بیان محکمه ضرب
 اولور * فان العجب الکذب و معرفة المرء بنفسه اصوب * فان قرلی اما
 بعدده کی امانک صله سی یعنی جوا ایدر وفا کلامک بعضیسنی بعضیسنه
 رد و ربط ایچون افتضا ایدر و عجب انسان نفسی استخوان و کالات
 و معارف ایله متصف اولمسی زعمندن عبارت اولوب کان کندینک
 بورتبه فضل و کمال ایله کامل اولدیغنه تعجب ایدر و کذب صدقک
 ضدی اولوب مقال و فعالک وصفی اولور و نفس فعل و قوله نسبت
 اولنوب فعله صادقه و فعله کاذبه دخی دیرلر و مأل معناسی مثل

متن

نفسه محجب اولان کیمسه فضلی و هنزده غایت و حسن سیرت و علم
و معرفت نه پایته رسیده اولوب ممتاز اولدم تخیل ایدو حال بو که خلاف
نفس الامر و خیال باطل اولوب تخیلی کذب محض اولمش اولور
و معرفت بر شیئت احوالی تدبر و فکر ایله دراکه دیرلر که علمدن اخصد
لهذا فلان یعرف الله دیوب یعلم الله دیمزلر زیر باری تعالی حضرت تلی بنی
بشرک معرفتی ایاتی تدبر و تفکر ایله اولوب ذات شریفی ادراکدن
عاجز در والله یعلم کذا دیوب یعرف کذا دیتلمز زیرا معرفت تفکر ایله
حاصل اولان علم قاعده دیرلر و اصل معنای معرفت عرفت کزادن
مأخوذ اولوب رایحه سنده اصابت ایلدم دیمکدر که عرف رایحه
معنا سنده در مال معنای فقره کشی کندی حد و مقیدارنی یللوب
فضول و طورنی متجاوز اولماقی صواب و اولی در دیمک اولوب
* العجب اکذب * فقره سنی مؤید اولمش اولور و فقرتین مذکورن
مثل اولوب مثل اول اکتم بن صبیقی به نسبت اولنوب مثل ثانی مزبور
اکتم * ان یهلك امرؤ عرف قدر نفسه * قولندن مأخوذ در
وموی البدا اکتم بن صبیقی بن رباح التمیمی وزمان جاهلیتده عربک
حکام و حکما و خطبا سندن اولوب نبی اکرم صلی الله تعالی علیه وسلم
حضرت تلی بنک مبعثنی ادراک و مکتوب ارسال ایلوب اسلامنده اختلاف
اولنوب اکثر قوم صحبت اسلامنه ذاهب اولمشدر هجیمی نقل ایدر که
وقتا که اکتم بن صبیقی به مبعث نبی علیه السلام واصل و بالغ اولدی
قومنه بنی پیغمبر علیه السلام ایصال ایدک دیو امر ایلدی قوم دخی
امتناع ایدوب یا اکتم والله سن کبار عربدن سن ذهابکه رضاداده
اولموز دیدیلر اکتم چونکه ذهابه مانع اولدیکز میانکزدن بری
پیغمبر علیه السلامه واروب ریندن و امر ایلدیکی اشبادن استخبار
ایدوب بکا خبر ویرسون دیدی حبیس بن اکتم دخی پیغمبر علیه
السلامک مجلسنه داخل و یا محمد ربک سنی نه شی ایله بعث ایلدی
دیو سؤال حضرت رسول اکرم دخی اوئان و اصنامی کسر و شکست
اتک ایچون بعث ایلدی پیور دقد حیس و نه شی ایله امر ایلدی

دیو سؤال پیغمبر علیه السلام دخی * ان الله یأمر بالعدل والاحسان *
آیت کریمه سنی تلاوت پیوروب حبیس پدری اکتم رجعت و رسول الله
علیه السلامک کلام شریفی اخبار و آیت کریمه بی تلاوت ایدوب
اکتم تحقیق محمد علیه السلامک ربی کریم و محاسن اخلاق ایله
امر و مساوی اخلاقدن نهی ایدر دیوب بنی تمیمی جمع و میانلرنده
ایستاده و بر خطبه قراءت ایلدی و اولوقنده عمری یوز طقسان سنه به
بالغ اولوب بو بدی انشاد ایلشدر (یت) * وان امره قد عاش تسعین حجه *
* الی مأیة لم یسام العیش جاهل * بر روایتده الی مأیة یرینه بخمس
فلم یسام اولوب عمری طقسان بش سنه اولمغله صدقه اقرب اولور
و خطبه بی اتمامدن صکره یانی تمیم مجلسده سفیه اولانلری احضار
یتیمک زیر اسفیه قومنه ضعف و بیروب قومنک هلاکنه باعث اولور
و عقلی اولیان کیمسه ده خیر اولموز و فرزندم حبیس مکه ده ظهور ایدن
محمد علیه السلامی مشاهده و کلامنی استماع و مشافهه ایلدی که محمد
علیه السلام محاسن اخلاقی اخذ و ناسی توحید باری تعالی به داعی
و اوئانی قامدر سزاردن صاحب رأی و عاقل اولانلره فضل و سعادت
نک دعوت ایلدیکی شیده در تحقیق محمد علیه الصلاة والسلامک
عون و نصرتنه ناسک احق و امثلی سزلسز پس اگر دعوت ایلدیکی شی
حق ایسه سزه نافع و سزک ایچوندرواگر باطل ایسه کف و سترینه
احق اولمش اولور سز و استماع ایلدمکه اسقف نجران محمد علیه
الصلاة والسلامی ذکر و مدح و کندی ولدی اولغی ترجی ایدوب
فرزندنی محمد تسمیه ایلدی ایمدی محمد صلی الله تعالی علیه وسلمک
امرینه امثال ائمه اول اولوب آخر اولمایک و کاره اولدیکز حالد
اطاعت ایتکزدن مقدم طایع اولدیکز حالد خاک پاینه واروب رومال
اولک والله محمد علیه الصلاة والسلامک دعوت ایلدیکی شی دین
دکل ایسه اخلاق عربده مستحسن اولور بر شیدر پس امریمه
اطاعت و بندمی قبول ایدک هر کیمسه بو امر حسنه سبقت و مبادرت
ایده فائز اولور و بطوؤ تأخیر ایلده نادم اولور دیو اتعام کلام ایلداده

مالك بن نويرة ميان قومده ايستاده اولوب اي قزم شيخكز معنوه
 وفاسد العقل اولمش كلامني اصفا و مؤاخذه سنه تعرض ايتايك
 ديد كده اكنتم * ويل للشجي من الحلي الهني على امر لم ادر كه ولم يسبقني *
 ديدى شجي هم و غم صاحبي و محزون معناسنه اولوب خلى هم و غمدن
 خالى معناسنه خلاف شجي در مثل مذكورك مال معناسي و مح و حيف
 شول كيمسديه كه هم و حزن اوليان ايچون غمك اولور ديمك ر و اهف
 حزن و تحسر معناسنه اولوب بنم حزن و تحسر برامره در كه مالك
 اول امرى درك و بنى سبقت ايلدى ديمك اولور بعده اكنتم خاك
 يار ينه رومال اولق قصد يله مطيه سوار و محمل بند عزيمت اولوب
 اثنای طريقده وفات ايلوب كندى ايله اسلامي قبول و پيغمبر عليه
 الصلاة والسلامه معاراهي اولانلرله مسلم اولديغنى تبليغ ايله لر ديو
 وصبت انلر دخی اسلامي پيغمبر عليه الصلاة والسلامه تبليغ و اعلام
 ايلديلر ابن عباس رضی الله عنهما دن مرويدركه * ومن يخرج من بيته
 مهاجرا الى الله ورسوله ثم يدركه الموت فقد وقع اجره على الله * آيت
 كريمه سي اكنتم و اكنتم تابع اولنلر حقنده نازل اولمشدر و بعض قوم
 اكنتم حضور پيغمبر عليه الصلاة والسلام ايله مشرف اولق قصد يله
 محمل بند اولوب طريقده وفات ايلدى لكن هنوز اسلامي قبول ايلماشدى
 ديدى مومي اليه اكنتم افصح خطباء عرب اولغله كلام فصاحت
 استمالتن دن شئ كثير جمع و ضبط اولمشدر ازان جمله ابن دريدك
 ابو حاتم سن روایت ايلديكي امثالك بري بنو تميمه خطاب ايدوب
 اكر دهر بنی سز دن جدا ايدرسه و عظمی جدا ايلز * ان مصارع
 الالباب تحت ظلال انطمع * ديدى مصارع مصرعك جمعي اولوب
 مصرع دوشوب بيقليجق مكان اسميدر و الباب ليك جمعي اولوب
 نقل معناسنه در و ظلال ظلك جمعيدر بو امثال دخی مزبور كدر * من
 سلك الجردا من العثار * جدد ارض صلبه معناسنه اولوب عثار
 لغزیدن معناسنه در * وان يعدم الحسودان يتعب فكره ولا يجاوز ضر
 نفسه * يعني حسود دائما زحمت كشيده اولمسن خالى اولوب

ضرري نفسه اولوب آخره نجارز ايلز * والسكوت عن
 الاحق جوابه * واشع جارك واجع فارك * يعني فاربه اكل
 ايله جك برشي ادخار ايلوب همسايه و احبائك ايله تناول
 ايله سخايشه اول يا خود فاره دن مرادی جسد و سمندن نسات ایدن
 عضلات اولوب همسايه ك كرسنه ايكن طعامكي بالكر كندك تناول
 ايلوب انلري اطعام ايله ديمك اوله و لانه عرف بملا تعرف و عرف سني
 اعجاب ایدن شبتك مدح و شناسنده اطباب و مبالغه ايتك معناسنه در
 و اكنتم حزم و احتياط ايله عملدن سؤال اولندقدده سوء الظن بالناس
 ايله جواب داده اولدى * وانك راسلتني مستهد يا من صلتني ماصفرت
 منه ايدى امثالك * صله بر شبتك قرب و بلوغنه ديرلر كه عيان و معانيده
 استعما اولنور و عذبه يله صله ديدكلى معنای مزبور دن مأخوذ در
 و فلان كيمسه فلانه متصلدر ديرلر ميانلرنده نسبت يا خود مصاهره
 اولد قدده و بو محله صله دن مراد يامودت و محبتدر كه عطا مقامنه
 قائم اولور يا خود قريدر كه اتصال مقامنه قائم اولور و صفر خلو معناسنه
 اولوب صفر الاناء ديرلر كاسه خالى اولوب صفر و صدا و برديد بكندن
 بعده هر خالى اولان شيده استعمال اولدى بر كيمسه برشيدن خالى و محروم
 اولسه صفرت يده ديرلر و عروقت غدا دن خالى اولمسنه دخی صفر ديرلر
 حتى عرب انسانك شكمنده بر مار اولور كه اكا صفر ديرلر ديو رعم ايدوب
 حديث شريفده لا صفر وارد اولمشدر مال معنای فقره سك بكار سال
 خبر و وصلت و قريبي طلب و رجا ايلدك كه اندن امثال و اقرانكك
 دست تحصيلي خالى و خائب اولمشدر ديمك اولور * متصديا من خالي
 لما رغمت دونه انوف اشكالك * تصدى جيلدن رجوع ايدن صدا
 و صوتك مقابله سندن مأخوذ اولان مقابله معناسنه اولوب خلة مودت
 و محبت معناسنه در و باري تعالي ابراهيم عليه السلامه خليل تسميه
 ايلدى ابراهيم عليه السلامك باري ته لي به افتقاري اولديغيجون در
 و غم زاب معناسنه اولوب ارغم الله انفه يعني باري تعالي اك بود نني ترابه
 ملاصق ايلسون ديرلر و فعلت ذلك لي الرغم من انفه و غم فلان ديرلر كه

غضب ایلدیکی کیمسه حقنده خلاف مرضی حرکت ایدوب اول
 کیمسه بی متضرر ایلدم دیمدن ککله ایدرلر و بعضی نسخده لمارغت
 مکاننه لماقرعت واقع اولوب قرع رشپئی شی آخره ضربدن حاصل اولان
 صوته دیرلر معنای فقره سک بنم مودت و محبتی طالب و تعرض ایلدک که
 اشکال واهمالک نائل اوله میوب غائب و انقلربی ترابه ضرب یاخود
 ملاصق ایلدیلر کان ذلیل و حقیر اولوب انقی ز مینه ضرب ایتدک لری کی
 بونلره دخی ذل و هوادن حاصل اولدی و اثبات ذل ایتده ترابه ضرب بی
 انقه تخصیص ایتدک سبب انفق محل کبر و غرور اولدیغیدر که ترکیده
 دخی متکبره بورنی بیوک دیرلر * مر سلا خلیلتک مرتاده مستعمر - لا
 عشیقته قواده * خلیله خاه جمعه ایله معشوقه و مهمله ایله زوجه معناسنه
 ارلوب ایکی صورتده دخی ارسال ایده فی ذم و قدح ایدر که خلیله و حلیله
 ایچون زوج و عاشق افراط ایله غیر تکش اولور که واسطه لقی خذمتده
 استخدام دکل بلکه برفرده نزدیک اولمعه رضاداده اولمز ایکن قواده ایلمکی
 ارتکاب ایلدیک دیمش اولور و مر تادی الاصل بکاه طالینه اطلاق اولنوب
 بعده مطلقا طالب معناسنه استعمال اولندی ورود و ترود برشی رفق
 ملائمه طلبه دیرلر و قواد بر برینه حرام اولان ایکی شخص میاننی جمع
 و تألیف ایدن کیمسه دیرلر و انقاد الشی فانقادله دیرلر خضوع ایلدی
 معناسنه و عرب قواده بی ام حکیم ایله مکنی ایدوب ابن ابی ربه و صف
 قواده ده بوقطعه بی انشاد ایلشدر * فاتها طیبة عارفة * تخاطبچدمرارا
 بالعب * ده لفظ القول اذا لانت اها * و تراخی عند سورة الغضب *
 واقود من ظلمه مثل اولرب بعضیلر ظلمه برمرام قواده نک اسمی ایدی که
 فتن وفات ایدرسم بی احراق و خا کسترله مداد ترسه ایدوب عشاق
 معشوقلرینه اول مر کب ایله نامه تحریر ایلسونلر که اجتماع و وصلت لرینه
 باعث اولور دیو و وصیت ایلشدر و بعضی آخر ظلمدن مراد ظلمت ایلدیر که
 ستر ایدوب اجتماعه معین اولدی دیدی تنکیم فالشمس غمامه و اللیل قواد
 دیمشدر مال فقره معشوقه که یاخود زوجه که رفق و ملائمه له بل
 و محبتی طلب ایتدک ایچون استعمال ایلدک دیمک اولور * کاذبا نفسک

من

من

انک

انک سترل عنانی * و مخلف بعده اعلى و است باول ذی همه * دعتنه
 لما لبس بالنائل * یعنی نفسکه قواده ایلدیک مر ام به اتصالی ترک
 و بنم تحصیل می عوض بتمک اوزره و عد ایلدک بکاه واصلت ايسه ممکن
 دکلدر پس نفسکه اولان و عدده کاذب سن یاخود عند کده نفسک
 منزله خنده اولان مر ام به اگر ولاده بی بکاه تحصیل ایدر سک سنی ترک ایدرم
 دیو و عد ایلدک ز برامعلو مدر که او مر ام نک سندن بعد و افتراقه رغبتی
 واردر بناء علیه تحصیل کاینیغی اهتمام و سعی ایدر و بوامر حصول
 پذیرا و ملق ممکن دکلدر پس وعد کده کاذب اولدک و خلف برشدن صکره
 ککنه دیرلر و سلطانه مناسبت ایله خلیفه تسمیه اولدی و خلف تحریک
 ایله مدح ایچون اولوب خلف صالح دیرلر و سکون ایله ذم ایچون استعمال
 اولنور تنکیم بو بیتدن مستفاد در * ذهب الذین بعاش فی اکنافهم *
 و بقیت فی خلف کلام الا جرب * و است باول ذی همه ییتی متنبیک
 اولوب مال معناسی سن شول کیمسه نک اول و ابتداسی دکل سنکه همت
 و هو سی نائل اولسی ممکن اولمیان شیئی داعی و تحصیلنده سعی کوشش
 ایتش اولدیغنی سندن مقدم دخی بنم و صلیه هزار شخص سعی ایلدی
 اما نائل و صالم اوله مدی دیمک مراد ایدر و بوییتی متنبی سیف
 الدوله بی برقصیده ایله و ابا وائل تغلب بن داود بن حمدانی برخارجی
 قبیله بی کلیده حبس ایتدک سیف الدوله تخلص و خارجیی قتل
 ایلدیکنی قصیده مزبوره ده ذکر ایلشدر واصل بیت مذکور بو
 کونادر * و است باول ذی همه * دعتنه لما لبس بالنائل * و مراد خارجینک
 اماره و ولایت طمعکار و نائل مرام اولوب خائب اولدیغنی اشعاردر
 پس بو محله ده بیت مذکور ایله تمثیل حسن و لطیفدر که تحصیل متمتع
 اولان شیئی طلب ایتده من جهة المعنی مطابقدر خصوصالام نائل
 ایله تصحیف مراد اولنه اعجب و انسب اولمش اولور متنبینک کنیه سی
 ابو الطیب و اممی احمد بن حسین بن حسن بن عبد الصمد الجمعی
 الکندی اولوب اوجبوز اوج سنه سی کوفه محلاتندن کشفده نام
 محله ده تولد و فقیر و محتاج ایکن علم ادبه اشتغال ایدوب زیاده و سرعت

بیان ترجمه منتهی

حفظی سیدیه زمان اندکتر بنده تحصیل معارف ایلدی حتی ایام
صباوتنده درافین دیملکه معروف اولان محله جالس و آینه و رونده
نکران ایکن دلالردن برنده یکر می ورقه دن زیاده برکاب مشاهده
و طلب و اداره نظر ایتمکی اطاله ایلدکده دلال ای فرزندا کرشراسنی
مراد ایدرسک بهاسنی تعجیل ایله اگر حفظنی مراد ایدرسک برآیده
انجق حفظ اولنوردیدی متنی دخی ای دلال اگر حفظ ایلدم ایسه
بلاثن کتاب ملکم اولسونمی دیدی دلال دخی مزاح کونه معامله ایله
حفظ ایلدکسه سکا هبه اولسون دیوب متنی کابی بدایتندن نه ایتده
وارنجه بلا تلثم قرأت و در بغل ایدوب دلال خیرت رسیده دم بسته
اولدی و علم لغتده امام اولوب ابوعلی الفارسی فعلی و زننده قج جمع
وارد دیوسوال متنی دخی بالبدیهه بحلی که جمع بحلدر و بحل
برطائرک اسمیدر و ظربی که جمع ظرباندر و ظربان برکوجنی دبدکاری
دوبیه درو بووزنده ایکسندن غیری جمع بو قدر دیوب ابوعلی زیاده
مطلع اولمق قصدیله مطالعه کتب لغته اوج کیجه پیوسته توغل و ثالث
و جدانندن عاجز اولوب متنی به سا باخوان اولدی و شعرده جمیع
شعرا به فایق اولوب نظم شعرا یله استرزاق و جائزه دن اقل و یسر
شیئه قناعت و سیاحت بلدان ایده رک بلده لاذقه به واصل
و عبادین اسمعیه نازل اولوب عبادا کرام و بذل و انعام و متنی برمدت
اقامت بعده یاده ده ناحیه عواصمدن سماوه نام موضعه واروب بنی
عیادن برقومه نازل و اسمجاع کثیره تکلم و دعاوی نبوت ایدوب قبیله
من بوره دن و سائر قبائلدن قوم کثیره تبعیت ایلدی و من بوره خلقک
تبعیتنه سبب وقایع نادره اولوب از جمله برکون اهالی قبیله متنی به قلات
محمده برناقه صعبه و سرکش وارد در که بر فرد سوار ارمق دکل زردیک
دخی اولمق لازم کلسه املاک ایدرا کررا کب اولورسک بنی اولدی که
اعتماد ایدرز دیدیلر متنی دخی ناغه جانبده واروب رکوبنه مکر
و خدمه ناغه دخی بر مقدار تنفر بعده ساکن و ملازم اولوب متنی سوار
و قبیله اولدیغی محله عطف لجام ایدوب قوم مشاهده و تعجب و اعتماد

ایلدیلر و برشپ ناسدن استخفا و توار ی ایدوب بر شخص ایله بر طرفه
راهی اولورکن برکلب اوزرینه نبج و فریاد ایلوب متنی رفیقنه
رجعنده بوکابی هلاک اولمش مشاهده ایدرسن دیوب رجعتلرنده
کلی میت بولدیلر اما متنی بعض مرتبه سحر یلوردی که مثلا صدحه
المطر سحر دن بر نوعدر که بر کیمسه عصا یله اطرافنی اداره و بر مقدار
کلام تکلم ایلسمه اول موضع بدن باران منقطع اولوردی و مرویدر که
بمنده اهل حضر موت و اهل سوا کنندن اولان عربلر صدحه دیدکری
سحره عارف اولوب کنسیدی قریه لرندن واشتر و کوسفند و کاولرندن
سحر مزبور ایله نزول بارانی منع و دفع ایدوب بر قطره باران باریده
اولز و متنبینک نسبی جعفری و جعفری بمندن سوا کن قبیله سندن بر صنف
اولوب ابو قبیله جعفری بن سعد العشیره ابن مدحیدر و نسبت اولندقدده
بنه جعفری دیرلر بر روایتده مزبورک پدری اسمی عبدان اولوب کوفه ده
اشتر ایله سقالتی ایله تعیش ایدردی و بعض علما مزبوری ابو تمامه
رجیع ایلشدر و علما دیوانیله اعتنا ایدوب قرقدن زیاده شرحی
اولوب بر شاعرک دیوانه بورتیه خدمت اولنماشدر و مزبور متنی
ایدوب مشتهر اولدقدده اخشیدی به نک حصده نائی اولان اولو اوزرینه
هجوم و اخذ و حبس ایدوب اول اعتقاد باطلدن توبه و رجوع ایتکله
ازاد ایلدی بعده او چوزا و توزیدی سنه سی سیف الدوله به انتساب
و فرق الی سنه سی مصر قاهره ده کافور الاخشیدی به واروب کرمندن
ممنون اولوب هجوم قبیله هجو و فارسده عضد الدوله ابن بویه به
انتساب و او چوزا للی درت سنه سی کوفه به محل بند عزیمت اولوب سواد
بغداددن نعمانیه به وصولنده سنه من بوره رمضانک یکر می دردی
اربعه کونی بنوعینه قتل ایلدی مرویدر که متنی بنوعینه به لاقی و کثرت
و ضربه لرین معاینه و فهم و فرار ایلدکده غلامی زبه فرار ایدرسن * الخیل
واللیل و الیاء تعرفنی * و السیف و الرمح و القرطاس و القلم * یبنی انشاد
ایلمش ایدک دیدکده متنبینک غیرت و حیثی فرارنه مانع اولوب رجوع
و دشمنه هجوم و مقاتله ایده رک قتل اولندی مومی الیهک ربه بلاغت

اشعاری معلوم ارباب کمال اولمغه به بونخله ثبت و تحریر اولمغوب
بورسالمه نک بعض محلنده استدلال طریق ایلله ذکر اولنان اینات ایلله
اکتفا اولندی * ولاشک قلتک اولم تضن بک * قلی شدت بغض
معناسنه اولوب فلان یقلیه و یقلوه دیرلر پس وای قیلانله کوره
قلودن مأخوذ اولوب قلورمی معناسنه درکه قلت الناقه براکبها قلوا
اشتر را کبی رمی ایتکلکه رمی ایلدی دیرلر و یائی قیلانله کوره قلیت
البویق والحم علی المقلاة قولندن مأخوذ اولوب مقلاة طعام طبخ
اولنه جق ظرف در وضن برشی نغسه بخل معناسنه اولوب * وما هو علی
الغیب بضنن * آیه کریمه سی وما هو بخیل علی ما یوحی الیه ایلله تفسیر
اولندی و بضنن قرأت اولنوب وما هو بمتهم ایلله تفسیر اولندی مأل
معنای فقره و شک یوقدر که قواد اتخاذ ایلدیکلک معشوقه ک سکا بغض
و عداوت ایلش زیرانی تحصیلده بخل وضنت ایتبوب کندی ترک
و بخله الفت ایتکه اهتمام ایلدی اگر سکا محبتی اولوب عداوتی اولسه
ع (بر طریق ایلله قبول ایتز محبت شرکتی) تحصیلده بخل وضنت
ایدردی دیمک اولور * وملتک اذلم تغرعلیک * و سنکله طول و دراز
تمتع و تعیش ایتکلکه حقوق قدیمه به مراعات ایدوب تحصیلده قصور
و سکا خدعه ایتدی * فانه اعذرت فی السفارة لک * عذر بر امره
اجتهاد و سعیده مبالغه معناسنه اولوب عذر الانسان دیرلر و سعی صرف
ایدوب معذور اوله جق رتبه اهتمام ایلدیکی وقتده * واعذر من اندر *
مثل مشهور در و سفارت مصالحه به مشی و سعی ایتک معناسنه اولوب
کان سفیر متباینین میانده مغمور و مستور اولان حال کشف ایدر و بر طرفه
راهی اولمغه سفر دینلدی که اخلاق مسافرینی کشف و آشکار ایدر
و فی الاصل صبحک ضیاسنه اطلاق اولنوب سفر الصبح دیرلر مأل
معنای فقره زیرا قواده سنکله بنم بنمده مواصلا حصولده
سعی واجتهاد و مبالغه ایلله مصالحه مزده مقدورنی صرف ایتکلکه
معذور اولدی دیمک اولور * و ما قصرت فی النیابة عنک * و طرفه کدن
و کالت و نیابتده قطع اقصور ایلدی * زاعمة ان المرأة لفظ انت معناه

متن

متن

متن

متن

متن

والانسانیه اسم انت جسمه و هیولاه * زعم دلیسز قوله دیرلر و مرؤة
کال المره معناسنه در رجولیت تمام الرجل و انسانیه تمام الانسان
معناسنه اولدیغی کبی و لفظ فی الاصل رمی و طرح معناسنه اولوب
لفظت الشیء من الغم و لفظت الریح الدقیق یعنی شئی دهانیدن
رمی و آردی آسیابه القا ایلدی دیرلر بعده کلامده استعاره اولوب
(ما یلفظ به الانسان او فی حکمه مهملا کان او مستعملا) کلامی ایلله
تعریف اولندی و معنی کلامک نفسنه دیرلر که لفظ دال و معنی مد اولدر
و اسم برشی انکله بیلان لفظه دیرلر و اول شبهه مسمی دیرلر و جسم
بر جوهر در که ابعاد ثلثه به قابل اوله یعنی طول و عرض و عمقه قابل اوله
کریک بر اون ایلله متلون اولسون جسد کبی کریک متلون اولسون ماء و هوا
کبی و هیولی یونانی بر لفظ اولوب اصل و صورتی مدبره ماده معناسنه
اصطلاحده جسمده بر جوهر اولوب جسمه عارض اولان اتصال
و انفصال قبول و صورت جسمیه و صور نوعیه به محل اولور مأل معنای
فقرتین او یله زعم ایلش که مرؤة که کال المره در لفظ مرؤتک نفسی
و سری سن سک و انسانیه که کال انساندر بر اسمدر که جسمی و صورتی
مدبر اولان ماده و هیولاسی سن سک * فاطمة انک انفردت بالجمال
و استأثرت بالکمال و استعلیت فی مراتب الجلال و استوائت علی محاسن
الجلال * قطعت الامر دیرلر یعنی شک و شبهه دن فصل ایلدم مراد
ایدرلر و دلیل قطعی بوندن مأخوذ در و قطع و فصل بصرا یله ادراک
اولنان اشیا مثلاً اجسامده اولدیغی کبی بصیرت ایلله ادراک اولنان
امور عقلبه ده استعمال اولنور و استبشار استیداد یعنی مستقل اولمق
معناسنه و کال کشیک ذاتی و صفاتی انکله تام و کامل اوله و خلال خله نک
جعی اولوب خله طریقت حسنه معناسنه در و استعلیت و استولیت
و جلال و خلال لفظ لرند لفظیه دن ترصیع و تجنيس اولدیغی
خنی دیکلدر مأل معنای فقرات و سنک حسن و جالده منفرد
و کال و معرفتده مستقل و جاه و جلالة رتبه علیابه و اصل
و طریقت حسنه و اطوار مستحسنه بی قطع و استیلا ایلدیکی فاطمه

متن

و جازمه اولدیغی حالده طرفکدن وصلتمه سعی بلیغ ایلدی دیمک
 اولور * حتی خلت ان یوسف علیه السلام حاسنک ففضضت منه *
 غرض طرفه دبرلر خفض طرفه معناسنه یعنی اغماض عین ایلدی و دخی
 کف معناسنه کلوب مآلی حتی بن ظن ایلدمکه یوسف علیه السلام سنی
 کندی ایله حسن و جمالده نجر به ایدوب سن اغماض عین و کف
 ایلدک بوساله ده ابن زیدون سرد و تعداد ایلدیکی اوصاف جمیله به
 حسن و جالی ذکرنی تقدیم ایلدی که طائفه زناتک رجاله رغبت و محبتنه
 باعث اولان ابتدا حسن و جمالدر بعده مال و جاهدر بناء علیه هم و علو
 رتبه بی صکره ذکر و تأخیر ایلدی و حسن و جمالده ابتدا یوسف علیه
 السلام ایله ضرب مثل اولوب حدیث شریفده * ذاك الکرم ابن
 الکرم ابن الکرم یوسف بن یعقوب بن اسحق بن ابراهیم * وارد
 اولمشر و کتاب کریمده نسوه دن حکایه * فلما رأیته اکبرنه و قطعن
 ایدیهن و قلن حاش لله ما هذا بشرا ان هذا الا ملک کریم * وارد
 اولمشر که نسوه معهوده یوسف علیه السلامی حسن و جمال ایله
 توصیف ایلدکلرنده ملکه تشبیه ایلدیلر یزیرا طبایع انسانده ثابت
 و مقرر در که مخلوقانده ملکدن احسن برشی یوقدر حتی ابراهیم علیه
 السلام ضعیفنده قوم اوط معاینه و مشاهده ایلدیلر و بودخی طبایعده
 مرکوزدر که شیطاندن افصح بر مخلوق یوقدر و نص کریمده صفت
 جهنم حقنده * طلعها کانه رؤس الشیاطین * وارد اولمشر رسول اکرم
 و نبی محترم صلی الله تعالی علیه وسلم حضرت لرندن مرویدر که لیلته
 معراجده جبریل امین علیه السلام ایله سماء ثالثیه عروج ایلدیکمده
 جبریل امیندن بو شخص مکرم کیمدر دیو سوال ایلدم یوسف علیه
 السلام در دیو جواب و بردی یورد کلرنده اصحابک بعضیسی استعلام
 ایدوب یار رسول الله نیجه مشاهده یوردیکر دیدکلرنده لیلته بدرده قمر
 کبی کوردم یوردیلر مرویدر که اسواق مصرده مشی و سیر یورد کلرنده
 شمسک آب صافی به منعکس اولوب دیوارلرده تلاء و لمعان ایلدیکی
 کبی پرتو جالی تلاء و ایدردی و نقله بو کونه نقل ایدر که حسن

یوسف علیه السلام جده سی ساره دن مرویدر که حضرت ابراهیم
 علیه السلام دن زمانک ملکی اخذ ایتک قصد ایلشدر که حکایه سی
 معلوم و مشهور در مرویدر که یوسف علیه السلام یوزسنه معمر اولوب
 انتقال دار بقا یورد کلرنده بحر فیومه دفن اولندی بعده موسی علیه
 السلام نیل دن جسم شریف یوسف علیه السلامی استخراج وینه
 کندی ایله قرق سنه حفظ ایدوب یوشع علیه السلامه تسلیم و یوشع
 علیه السلام دخی قتیح اریحادن فارغ و نواحی قدس دن یوسف علیه
 السلام بیع اولندیغی نابلسه و اصل اولوب جسم شریفی نابلسه دفن
 ایلدی منقولدر که برادر لر یکز سزه نه اشدیلر دیو صنع برادران دن
 سوال ایلدکلرنده * لا تسألونی عن صنع اخوتی و اسألونی عن صنع
 ربی * ایله جواب داده اولوب تقدیر حواله یوردیلر و اهالی سجده
 * اللهم اعطف الاخیار و لا تقطع عنهم الاخبار * دیودعا ایلشدری
 مقبول درگاه عزت اولوب بلدان و امصارده متجدد و حادث اولان
 اخباره دعا ایلدکلری اشخاصدن اعلم و اعرف بر فرد بولنماز ایدی
 و یوسف اسم عبری و عبرانی لغه یهود اولوب معنای لغویسی
 حسرت زده و محزون دیمکدر امام فرادن منقولدر که یوسفده اوج لغت
 جریان ایدر که ضم سین و فتح سین و کسر سین و یوسف علیه السلامی
 مصره کتورد کلرنده پادشاه ریان بن ولید العملیقی اولوب زمام
 امور ملکی قطفیر یا خود قطیفیر که عزیز دیمکله معروف اولان شخص
 بدنده ایدی و عمالقه بر قومدر که عملیق بن لاوده بن ارم بن سام
 ابن نوح اولادندن اولوب بلاده متفرق و منتشر اولمشر لر در عزیزک
 زنتک نامی زاعیل اولوب زانجا دیمکله مشهوره ایدی عین المعانیده
 زانجام زان و فتح لام ایله تصحیح اولمشردر اگرچه السنه ناسده فتح
 زاکسر لام ایله متداول و مشهوردر و ریان یوسف علیه السلامه
 ایمان کتوروب زمان سعادت نشانلرنده وفات ایتمشر و بهضیلر
 مزبور در یوزسنه معمر اولوب زمان موسی علیه السلامه ملک مصر
 اولان رباندر دیوب * ولقد جاءکم یوسف من قبل بالبینات * آیه

کریمه سبله استدلال ایدر لر لکن مشهور اولان بود که فرعون موسی
فرعون یوسفک اولادندن اولوب آیت کریمه ده اولان خطاب ابانک
احواله اولاده خطاب قبیلندندردیو جواب و برادی مرویدر که هر یز
مصر یوسف علیه السلامی اشترا ایلد کده سن شریفی اون بدی به
واصل اولشدی و اون اوج سنه خانه عزیزده مکث یوروپ ریان
کندویه وز بر نصب ایلد کده او تویا شنده ایدیلر و بر روایتده یوز یکر می
سنه معمر اولدی لر صلوات الله علی نبینا وعلیه * وان امرأة العزیز
رأتک فسلت عنه * امرأة عزیزدن مراد حب یوسف علیه السلام ایله
مشغوفه اولان زلیخادر و شغاف قلبی احاطه ایدر بر جلد رقیق اولوب
بر کیمسه عاشق اولسه شغفه الحب دیر لر یعنی محبت قلبی احاطه ایدن
جلد رقیقه واصل و بالغ اولدی دیمک اولور و سلی کشف و خلاص
و کف معناسنه اولوب سلاتی فلان من همی تسلیه و سلاتی دیر لر
کشفه عنی معناسنه او انسلی عنه الهم و تسلی دیر لر انکشف معناسنه
وسلو انه ضم سین ایله خرزه و بیله معناسنه اولوب زعم عربده اوزرینه
آب باران صب و عاشقه اسقا و نسبه عشقین خلاص و رها یاب اولور
زعم من بوره بنه را جز بویتی انشاد ایلشد * او اشرب السلوان ماسلیت
ما بی عنک وان عنبت * مال معنای فقره و زلیخا سنک حسن و جمال کی
مشاهده ایدوب یوسف علیه السلامک محبتدن رها یاب و خلاص
و سنکله متسلبه اولدی ظن ایلدم دیمک اولور یوسف علیه السلام مصره
مالک اولد قد نصرکه زلیخا رخصت یاب اولوب بر کون مجلسنه داخل
اولد قد (سبحان من جعل العبد ملوکا بالطاعة والملوک عبيدا
بالعصبة دیدی * وان قارون ناصب بعض ما کثرت * وقارون سنک
کنز و دفن ایلدیکلک مالک بر مقدارینه ظفر یاب اولدی ظن ایلدم
قاروندن مرادی کتاب عزیزده مذکور اولان قاروندی و بعض مفسریندن
مرویدر که من بورك نسبه اختلاف اولوب کیمی موسی علیه السلامک
عم زاده سیدر زیرا حضرت موسی بن عمران بن قاهت بن لاوی
این یعقوب اولوب قارون دخی یصهر بن قاهت بن لاوی بن یعقوبدر

متن

متن

بیان ذکر قارون

دیدی و قول من بوری سعید بن جبیر ابن عباسدن روایت ایلشد
وابن جریر و سائر علمادن اکثری قول من بوره ذاهب اولشددر و کیمی
خاله زاده سیدر دیدی و بوقولی عطاء ابن عباس رضی الله عنهما دن
نقل ایلشددر و کیمی عمیدر زیرا یصهر بن قاهت شمس بنت تباوب ابن
کبا بن یقشام بن ابرهیمی تزوج و عمران بن یصهر ایله قارون بن یصهر
تولد ایدوب عمران یحب بنت بشوئل بن کبا بن یقشام بن ابرهیمی تزوج
و موسی و هرون علیهما السلام تولد ایلدوب موسی علیه السلام قارونک
برادر زاده سی و قارون موسی علیه السلامک لاب و ام عمیدر دیدی و قول
من بوری محمد بن اسحق قولیدر و قرآن کریمده (ان قارون کان من قوم موسی
آیه کریمه سی قرابتنه و مقدا ایماننه دلالت ایدر دیو تصریح اولشددر
و موسی و هرون علیهما السلامک نصرکه قارون بنی اسرائیلک اعلم
و افضلی و حسن و جمال صاحبی اولمغله منور تسبیه ایدر لردی و منور تسبیه
اولمسی قتاده رضی الله عنه دن مرویدر و بنو اسرائیلده توراتی قاروندن
اقرأ بر کیمسه یوغیدی و بر روایتده موسی علیه السلامک اختیار ایلدی کی
یتش نفر زمره سندن ایدی لکن عدو الله سامری کی منافق و قومنه باغی
اولمغله بودخی کندوبی اهلک ایلدی که باری تعالی قارون حقنده
فبخی علیهم پیوردی و علما معنای بغی قارونده اختلاف ایدوب بعضی
قارون قومنه کبر و تجبر ایله بغی ایلدی دیدی و قول مذکور قتاده قولیدر
و بعضی قارون ثبانی قامتندن بر شبرز یاده اتمکله بغی ایلدی دیدی که
عطاء خراسانی قولیدر و بعضی تفاق و کفر ایله باغی اولدی دیدی که
قول صحاح کدر و بعضی قارون فرعونه خدمت و بنی اسرائیله ظلم
و عداوت ایدردی و فرعون قارونی مصرده ایکن بنی اسرائیل اوزرینه
ملک ایلشدی دیدی و قول من بوری ماوردی روایت ایلدی و بعضی
موسی علیه السلامه قذف و دشنام ایدنلره بر مقدار مال و بر مکه وعد
ایتمکله باغی اولدی دیدی و بوقولی ابن عباس قولیدر و بعضی لر کثرت
مال سببیله بنی اسرائیله بغی ایلدی دیدی و قارون حقنده باری تعالی
(و آیتاه من الکنوز ما ان مفاتحه انشوء بالعصبة) پیوردی یعنی بزقارونه

اموال مدخره کرم و احسان ایلدک شول مال که صنادیق یا خود خزانی
 نقلی سبیلله جماعت دوابی میل ایندیروب نهمکنده زحمت چکرلر و کثر
 اموال دن جمع اولنانه اطلاق اولنور کرک قهرار منده مدفون و ککرک
 ظاهرده اولسون و مفتاحده اختلاف اولنوب بعضیلر خزینهلرینک ابوابی
 مفتاحیدر و التمش استرقوی البندییه تحمیل اولنوردی دیور وایت ایلدی
 و بعضیلر عدد مفتاح درتوز بیک اولوب قرق عدد چواله وضع ایدرلردی
 دبدی و خیمه انجیلدن نقل ایدر که خزینهلری مفتاحلرینی توانا و ایاقلری
 سکللی التمش استر تحمیل اولنوب هر مفتاحی بر اصبع مقداری و هر بری
 بر خزینهلرک مفتاحی اولوب قارون هر نه جائیه راهی اولور سه مفتاحلری
 معا تحمیل اولنوب حدیددن اولمغله تحمیلنده صعوبت اولوب خشیدن
 پرداخته اولندی اولدخی کران اولمغله بر اصبع مقداری جلد بقردن
 پرداخته اولنوب قرق بغله یه تحمیل اولندی و مقاتل مفتاحلرین ایکبشر
 درهم وزننده اولسنی روایت ایلشدر و بعضیلر مفتاحدن ملا بسه
 طریق ایلله نفس خزان مراد در دبدی بعضی آخر قنده مفتاح علم و احاطه
 مناسنه اولوب (عنده مفتاح الغیب) آیه کریمه سبیلله استدلال ایدر
 و قارونه شول کنوز احسان اولندیکه حفظی و اطلاعی ناسدن قوت
 اصحابی اولان جماعتی اشغال و ایلام ایدر یعنی اصناف و اعدادی بسیار
 اولمغله حساب و حفظندن عاجز اولورلر ایدی و کتاب کریمده قارون
 حقنده (قال انما اوتیته علی علم عندی) وارد و ضمیر ماله راجع اولوب علم
 بر قاج قول اوزره اختلاف ایلشدر بری قارونک قومی مزبوره نصیح
 و پند ایلدکلرنده قارون باری تعالی بنده اولان خیر و صلاحه بناء مال کثیر
 احسان ایلدی و اگر بنده علم اولسه مالی احسان ایلزدی دیمک اوله
 و یوقول مجاهد کدر و بری و باری تعالی بکا مالی فضلی و علم سبیلله
 و بری دیمک اوله و علمدن مراد علم تور ایدر ز بر اقوم موسی تک اعلی ایدی
 و یوقول فرانکدر بری دخی علم کسب و تجارت و دهقانیتی و بری
 دیمک اوله و قول مزبوری ماوردی نقل ایلدی بری دخی باری تعالی
 بندن راضی اولدیغنه بناء و بری دیمک اوله که قول ابن زیددر و بعضیلر

علمدن مراد یوسف علیه السلام کنوزی علمیدر دیدیلر اقوالک
 بری دخی بودر که صنعت کیمیا ایلله و برلدی دیمک اوله و یوقولی ابو صالح
 ابن عباسدن روایت ایلدی ابن المسبیدن مرویدر که موسی علیه السلام
 علم کیمیا به عالم اولوب یوشع ابن نونه ثلثی و کالب بن یوحنا یه ثلثی و قارونه
 ثلثی تعلیم یوروب قارون یوشع و کالبدن دخی عالم اولدقلرینی تعلیم و علمنه
 اضافه ایلدی روایت آخرده باری تعالی موسی علیه السلامه علم کیمیا
 تعلیم موسی علیه السلام دخی خواهر بنده تعلیم و خواهری قارونه
 تعلیم ایدوب قارونک کثرت مالنه سبب و دنیا کنندی یه فتح اولنوب
 ذکر اولدخی رتبه مالدار اوادی لکن ابن جوزی تبصره ده زجا جدن
 نقل ایدر که قول اخیرک اصلی اولمیوب کیمیا باطلدر و ابن کثیر قارون
 صنعت کیمیا به عالم ایدی یا خود اسم اعظمی حافظ اولوب تکثیر مالده
 استعمال ایلدی قرلی صحیح دکلدر ز بر کیمیا ناک اصل و حقیقتی اولمیوب
 اسم اعظم ایلله کافرک دعاسی مقبول دکلدر و قارون باطننا کافر و ظاهر
 منافق ایدی دیوتفصیل ایلشدر و نظم کریمده (فخرج علی قوم فی زینته
 وارد اولوب بغله شهبایه قرمزی لباس ایلله سوار و بغله یی ارغوانی
 سرچ و صاری زین پوش ایلله تزین ایدوب را کافورنه اظهار حشمت
 ایدردی و روایت مقاتلده بغله شهبایه زر سرخدن زین و ارغوانی زین
 پوش ایلله سوار و کنندی ایلله درت بیک مزین اسب سوار اتباعیلله خروج
 ایدردی که فارس لک دایه لری ارغوانی زین پوش ایلله مزین ایدی
 و او چیوز جیلله و بیاض جاریه معا خروج ایدب قرمزی لباسلر لابسه
 وحلی و جواهر ایلله مزینده و اشهب استرله سوار اولورلردی حتی
 بنوا سرائیل مفتون و حیران اولورلر ایدی بعده بغی و تکبر طر یقنه سالک
 اولوب باری تعالی اهلاک ایلدی و سبب بغی و هلاکنده اختلاف اولنوب
 بعضی رواه روایتی اوزره چونکه موسی علیه السلام بحری عبور
 و باری تعالی فرعونی اغراق و اهلاک ایلدی موسی علیه السلام حیره یی
 هرون علیه السلامه تفویض و هرون علیه السلامه رتبه نبوت حاصل
 اوادی حیره دیدکلری بنوا سرائیل هدی و قربانلرین هر نه کنوروب

حضرت هرون دخی مذبحه وضع وسمادن بر آتش نازل اولوب قربانی
 اخذ واکل ایدردی وحبوره دنصکره هرون علیه السلام نبوت
 حاصله و موسی علیه السلام رسول اولغله قارون هر و نه حسد ایدوب
 باموسی سنک ایچون رسالت و هرون ایچون حبوره احسان اولوب
 بن برشی ایله بهر یاب اوله مدم صبر و تحمل ایده هم دیدکده موسی
 علیه السلام هر و نه حبوره بی بن تعیین ایلمدم باری تعالی کرم و احسان
 ایلدی دیو جواب و پردکده قارون موسی علیه السلام بکا آیت
 ارادت ایتمکجه تصدیق ایلم دیدی موسی علیه السلام دخی رؤسای
 بنی اسرائیل بر عصا احضار ایدک دیو امر و هر بری بر عصا کنوروب
 موسی علیه السلام بر قبه به وضع و باری تعالی بیان نیاز ایلدی
 عصا بن اصحابی محافظه ایچون اول کیجه انده بیتوت و صباح اولدقده
 هرون علیه السلام عصا سی سبز و طری و اوراق خضر ایله مزین
 اولوب هر کس صنع باری تعالی بی مشاهده ایلدیله و هر و نک عصا سی
 شهر لوزدن ایدی بعده حضرت موسی قارون خطاب ایله صنع باری
 تعالی به مشاهده ایلدی دیدکده قارون والله بوسنک سحر کدن اعجب
 و اغرب دکلر دیوب مکندوبه تابع بنی اسرائیل ایله اعتزال ایدنجه
 موسی علیه السلام خستنه دعا ایدوب منخسف و هلاک اولدی و بعض
 روات بو کونه روایت ایدر که وقتا که موسی علیه السلام آیت زکوة
 نازل اولدی قارون افاده و هر پیک دینارده بردیناره و هر پیک درهمدن
 بر درهمه و هر پیک شاتدن بر شاته و هر نوع شیک پیکندن برینه زکوة
 اولق اوزره مصالحه اولوب قارون مالینک زکوتی حساب و اموال کثیره
 اولدیغنه واقف و نفسی اول مقدار مال و یرمکه بخل و بنی اسرائیلی
 جمع ایدوب یابی اسرائیل موسی علیه السلام شمعی به دك هر شبی که
 امر ایلدی سز امتثال و اطاعت ایلدیکنر بناء علیه الا ان اموالکزی
 اخذ و سزی فقیر ایتک مراد ایلدی دیدکده بنو اسرائیل یا قارون سن بزم
 کیر و سیدیمزک هر نه کونه رأی و امر ایدرسک امر ایله بزمسکا انقیاد
 ایده رز دیدیلر قارون دخی یابی اسرائیل فلان زن فاجره بی احضار

ایدر سر و اول زن موسی علیه السلام نفسه قذف ایلدی دیو
 افترا ایله که بعد اداء الخدمه سکا شو مقدار دینار احسان ایده رز دیو
 وعد ایدوب زن معهوده موسی علیه السلام بو افترا بی ایدرسه جمع
 بنی اسرائیل اوزرینه خروج ایدر لریدی بنو اسرائیل دخی زنی جست
 و جوبه متفرق و دسترس اولوب قارون کتودیلر اولدخی زن بارنکی کون
 بنو اسرائیل تجمع و سن جله مواجهه سند موسی علیه السلام بنم نفسه
 قذف ایلدی دیو افترا ایدرسک سکا پیک درهم روایت آخردن بیک دینار
 و بر روایتده بر کاسه دینار احسان و کندی نسو مده الحاق ایدرم دیو زنی
 طماع و اینه سی کون بنی اسرائیلی بر محله جمع بعده موسی علیه السلام
 واروب باموسی بنو اسرائیل تجمع و سنک خروج و کندیله امر و نهی
 و دین و شر یعنی تبیین ایتکه منتظر لر در دیدی موسی علیه السلام
 دخی میان بنی اسرائیل بر ور یورب یابی اسرائیل هر کیم که سرقه ایده
 بزاو کیمسه نک بدینی قطع ایده رز و هر کیم که افترا ایله بر اول کیمسه به
 سکسن سوط ضرب ایده رز و هر کیم که متزوج اولوب زنا ایله
 بزاو کیمسه به یوز سوط ضرب ایده رز و اگر متزوج ایسه هلاک اولنجه
 رجم ایده رز دیدکده قارون باموسی افعال مذکوره سندن صادر اولورسه
 حکم نیجه در دیدی موسی علیه السلام بندن دخی صادر اولورسه
 بینه حکم و عطف ایلدیکم کیدر بیورد قلرنده قارون ایتدی باموسی
 بنو اسرائیل سنی فلان زن شو مقوله فعل ایلدی زعم ایده بورل
 دیدکده موسی علیه السلام بنی دیدی قارون دخی نم دیدکده
 موسی علیه الصلاة والسلام مرأه معهوده بی احضار ایدک دیدی
 و قارون زنی احضار ایدوب یا فلان بنو اسرائیل تکلم ایلدی کلری فعلی
 موسی علیه السلام سکا ایشلدیمی بنی اسرائیل بحری شق و توراتی
 انزال ایدن باری تعالی حقیچون راست سویله دیو استنطاق ایلدکده
 باری تعالی جل شانه زنی راست کولکه موفقه بیوروب زن تأمل
 و کندی نفسه خطاب ایله راست کوی اولوب اجر جزیه ناث اوامق
 باری تعالی نک پیغمبر بنی تکذیب و اذا صلبه مالدرا ولدن افضل و اولی در

دیوب یا موسی بنو اسرائیل تکلم ایلد کلامی محسوس و کذب و قارون موسی علیه السلام نفسیه قذف ایلدی دیو تکلم ایلد سکا شومقدار مال و یرهم دیو بنی اطماع ایلشدی ذاتک اول فعلدن بریدر دبدی وزن تکلم ایدر کن قارون سرفرو و ساقط و ناس ساکت و قارون مهملکده فتاده اولدیغنه عالم اولد قلزده موسی علیه السلام کریمه وزاری ایدرک سجده یه نازل و یارب سنک دشمنک بکا اذا و بنی افضاح مراد ایلدی و یارب اگر بن سنک پیغمبرک ایسم قارونک جزاسنی بکا احسان و بنی قارونه مسلط ایلد دیو تضرع ایدوب باری تعالی یا موسی راسکی رفع و مراد ایلدیکک جزا ایچون ارضه امر ایلد ارض سکا منقاده اولور دیو و حی ایلدی موسی علیه السلام دخی بانی اسرائیل باری جل شانہ بنی فرعونہ بعث ایلد یکی کی قارونه دخی بعث ایلدی هر کیم قارونک طرفدار یدر مکانه ثابت و هر کیم که بکاتب و مؤمندر قاروندن اعتزال ایلسون بیوردقده هر کس قارونی ترک ایدوب فقط ایکی کیمسه قارون ایلد قالدی بعده موسی علیه السلام یا ارض خذیم دیو ارضه قارون ایلد اول کیمسه لک اخذ و خسفنه امر ایلد کده ارض مزبورلی کردنلرینه و ارنجه خسف ایلدی روایت آخرده خذی قارون و اصحابه بیوردی و اول وقتده قارون و اصحابی موسی علیه السلامدن عفو طلب و تضرع و زاری ایدرلر دی حتی تماما منخسف اولنجه قارون موسی علیه السلامدن یتیم کره مرحمت طلب و سؤال ایلدوب موسی علیه السلام شدت غضبندن قطع التفات ایلدوب ارضه خذیم دیر ایدی ارض قارون و اصحابی اوزرینه منطبق اولوب تماما خسف ایلدی بعده باری تعالی یا موسی سنی فظ ایدن نه شیدر که یتیم کره سندن استغاثه ایلدیلر و من اغاثه ایلدک عزت و جلال حقیچون اگر بکادعا ایدرلر دی بنی دعا رینه قریب و مجیب بولورلر دی دیو و حی ایلدی و قتاده قارون و اصحابی هر کون بر قامت مقداری ارضه منخسف اولوب کیدرلر و قیامتد کین قعر زمینه واصل و بالغ اولورلر دیدی مر و یدر که موسی علیه السلام یا ارض خذیه دیدی قارون سریر اوزره جالس و ارض

اخذ و سریری غائب اولوب ینه خذیه دیدن زئیل اولدی حتی اکثری منخسف اولدقده قارون موسی علیه السلامدن ترجم طلب و سؤال ایدرلر دی و موسی علیه السلام التفات بیور میوب تماما غائب اولدی پس قارون و اصحابی منخسف اولدی بنو اسرائیل گفت و کوا یدوب موسی علیه الصلاة والسلام قارونی خسف ایتدیکه دارینی اخذ اید و دار قارونک برابنه سی زرسر خدن و برابنه سی سیم خامدن و اموالی دخی اول دارد موجوده اولوب موسی علیه السلام بنو اسرائیل گفت و شنیدنی استماع بیوردقده باری تعالی یه دار و اموال قارونی دخی ارضه خسف ایتد بر مسنه دعا ایدوب باری تعالی انلری دخی خسف ایتدردی و موسی علیه السلام سند نصرکه اید اطاعت ارضی بر کیمسه یه اعاده ایلد دیو و حی ایلدی * فخر فتنابه و بداره الارض * آیت کریمه سی قارون حقنه نازل اولدی و ابن کثیر ذکر ایدر که قصه قارون بنو اسرائیل مصر دن خروجلرندن مقدم اولمق فخر فتنابه و بداره الارض آیت کریمه سی قرینه سیله غالب احتمالدر زرا دارند ظاهر اولان بذیل اولمقدر و احتمالدر که مصر دن خروجلرندن صکره تبه ده واقع اوله بو تقدیرجه دار خیمه لر ضرب اولانان محلدن عبارت اولور تنکیم عنتره نک بو یدنده دارند مراد محله خیامدر * یادار عبلة بالخور انکلمی * و عی صبا حادار عبلة و اسلمی * مرأته مذکوردر که بروایتده دارند مراد منزل و مقام قاروند زرا تیده حقیقتا دار موجوده دکلدر و عرب منزله دار تسمیه ایدرلر و بعضیلر احتمالدر که وقعه مزبوره بصره ده اولمش اوله دیدی و ظاهر اولان دخی بصره ده واقع اولمقدر و بعضیلر حجه ایلد حص میاننده واقع اولان مدینه رستن قارونک شهری اولمق اوزره روایت ایدرلر والله اعلم * والنطف عثر علی فضلة ما رکزت * ونطف سنک دفن ایلدیکک مالک فضل و بقیه سنه ظفر یاب اولدی ظن ایلرم فضلدن مراد شیک بقیه سی اولوب رکز و رکاز مدفون مال جاهلیته دیرلر که حدیث شریفده * فی الکاز الخمس * وارد اولمدر و نطف عربدن بر شخصک اسمی

اولوب برمه دار ماله اصابت اینکله نطف ايله ضرب مثل اولندی
 و دیرلر که * لوکان عنده کنز النطف * ماعدا و نطفه کونه شخص
 اولدیغنده اختلاف اولوب حقیقتیه واقف اولیانلر سقا اولوب
 ارقه سبله سقی ماله ایدرکن آب تقاطر ایدردی بناء علیه نطف تسمیه
 اولندی زیرا نطف لغته تقاطره اطلاق اولنور و مزبور فقیر الحمال
 اولوب سقی ماله تعیش ایدرکن برکوب التون بولوب فقر دن خلاص
 ايله حاله نظام کلدی دیدیلر و بعضیلر وایتند نطف فقیر دردمند
 بر شخص ایکن اموال کثیره به ظفر یاب اولوب اخفا یلک مراد ایلیوب
 ممکن اولیوب بین الناس تمولی آشکار و مال ايله منهم اولغله نطف
 تسمیه اولندی زیرا نطف منهم معناسنه دخی کلور لکن بلادری
 تاریخنده ذکر ایدر که روایات اصحی دخی بودر شخص مزبور نطف
 بن خیری بن حنظله البر بوعیدر که بادیه بنو تمیم ايله اقامت ایدردی
 و کسری طرفندن عامل و والی اولان بازان کسرایه هدیه اولق
 اوزره هر سنه تحف بمن و زرد و سیم و مسک و جواهر ارسال و کند ی
 طرفندن بر مقدار معتمد علیه آدم تعیین ایلدیکندن ماعدا بمن
 جانندن مرور و عبور ایدن بنی جعد دن قافله ايله ارض بنی تمیمه و ارنجه
 معا راهی اولارینه تنبیه و ارض تمیمه نصکره تعیین اولنان مسلح اسب
 سوار بمن بهادر لری کسرایه ایصال اینک اوزرینه معتاد لری اولمشیدی
 اتفاقا برسنه بنو ربوع ارض بنی حنظله ده قافله نک سرراهن آلوب
 بنو جعد عربی و بمن عسکر بنی قتل و بازان کسرایه ارسال ایلدیکی
 اموال و بنی جعدک اموالنی جیعا نهب و غارت ایلدیلر که رؤسای غارت
 کراندن بری ناجیه بن عقال و بری حرث بن عبلیه و مزبور نطف بن
 خیری اولوب بونلر فرسان بنی تمیمه ایدی و بو غارتده نطف بن الماس
 و سائر جواهر له مرصع النون کر بند و سائر تحفدن ایکی خرج مملو نهب
 و متفرق بیع ایلدم دیدی دفعه اصابت ماله نطفه ضرب مثل اولدی
 روایت آخرده کند ی عشرینک فقر اسنه طلوع شمسه دن غروب و ارنجه
 بذل و احسان و تلف ایلدی حتی فرزند اندن بری بوییتی انشاء ایلدی

* ابی النطف المبارکی الشمس انی * عریق فی السما حقه و المعالی *
 مباره معارضه معناسنه اولوب فلان بیاری الیج جودا و سخا دیوب
 سخا ده ریحه اعتراض ایدر مراد ایدرلر و مزبور نطف سیبله فرس
 و عرب میاندن حروب کثیره جریاندن نصکره برکون نطف حتف انغه
 وفات ایلدی * و کسری جل غاشبتک * غاشیه مطلقا ستر ایدیمی
 معناسنه در واکر حاشه سنه غاشیه اطلاق اولنور زینی سائر اولدیغنه
 بناء و روز رستاخیر غاشیه دیرلر احوال و افزا علیه ناسی غشی
 و ستر ایلدیکنه بناء مال معناقواده ابن عبدوسی شول رتبه و صف ایلدیکه
 کسرای غاشیه دار و خدمتکار ظن ایلدم دیمک اولور ملوک فرسد کسری
 و ملوک رومه قیصر و ملوک ترک خاقان و ملوک حبر که ملوک بمندر تبع
 و ملوک حبشه نجاشی تسمیه اولنوب علامت و نشان وضع اولمشدر
 و نسب فرسده اختلاف اولنوب بر قولده فارس بن سام بن نو حدر
 آخرده فارس بن افریدون بن اسحق علیه السلام اولوب مملکت فرسده
 ابتدا تخت نشین و واضع قانون و این اولان فارس اولوب بعض شعرای
 عرب فارسی شعرنده ذکر و افتخار ایدردی و اهل فرس اعتقادنده
 فارس بن کیومرث اولوب کیومرث دخی آدم علیه السلام اولق اوزره در
 و فارس بن کیومرث ریاست دنیا به عدم میلندن ناشی خلقدن منقطع
 و پیغوله نشین عزلت و انزوا اولوب روز و شب کند ی صفا سنده
 ایکن فسق و فساد و بغی و عناد بین الناس متزاید و ظلمه نک ظلمی حدی
 متجاوزا اولوب عدل و داد بالکلیه مضحک و برباد اولغله حکمای زمانی
 مجتمع و اصلاح عالم بر ملک عادل محتاجدر که حتی مرجع امور ناس
 و ملجاء عجزه و ضعف او و صدر او امر و مناهی اوله زیر اجد که عالم کیردر
 صلاحنده قلبه محتاج اولدیغی کی عالم صغیرک نظام و استقامت
 اموری دخی بر رئیس مدبره محتاجدر دیوب فارس بن کیومرث
 حضورنه مجتمع و سن جله مزلک اولی و افضل و پدیر بمز آدم علیه
 السلام تعبیه و یاد ککری اولملکه سنی جله به تقدیم و امور بمزی
 تفویض و سندن مباحث اینکله ککری دیکلنده فارس کندینک

امرینه امثال و اطاعت و انقیاد ایملرینه اعتقاد ایده جک مرتبه شروط
بیان ایدر انلردخی اتباع و اطاعته عهد و میثاق و فارسه وثوق حاصل
اولدقدسه سائر ناسدن متمیز اولمق ایچون سرنه تاج شاهی وضع ایلدی
و ابتدا تاج لابس اولمق فارسک اختراعیدر بعده لسان آدم علیه
السلام اولان زبان سریانی ایله خطبه قرأت ایلدیکه معناسی باری
تعالی یه شکر و دعا و طلب توفیق و هدایت اولوب نیجه زمان تدبیر مملکت
و عدل و داد ایله حرکت و وفات ایلد کده هوشنک شاه جالس سریر
سلطنت اولدی و ملوک فرس مزبور فارسه نسبت اولنور مرویدر که
بر طفل تواند ایدنجه سمعنه السنه دن بر لسان رسیده اولیوب انساندن
خال بر محمله ترک اولنور تکلمه قدرت کله جک رتبه معمر اولسه زبان
سریانی تکلم ایملک مقتضای سرشت و طبیعتدر دیو اتفاق اولمشدر
و فرسک کیومرث وصفنده مبالغاتی اولوب بعضی حضرت آدم علیه
الصلاة والسلام اولسنه ذاهب اولوب ییک سنه معمر اولدی دیدی
و هوشنک حسن الوجه بر شخص اولوب پدری کیومرث دن صکره
بشوزسنه پادشاه اولمشدر و روی زمینه مدبر و عمارات ایجاد و معادن
حدید و زروسیم استخراج و سقی مزروعات ایچون حفر بار و انهار
مزبورک اختراعیدر و ابتدا وحوش صید و لحومنی اکل و جلودنی لابس
اولان مزبور اولوب مدت سلطنتنده دائمی خاقی اسلامه دعوت ایدوب
خلق ایله اختلاطی و بر مکانه مکشی اولیوب سیاح عالم ایدی ابتدا
حیواناتک موخی اخذ و غزل و نسج ایتدیروب خیاطنی ادریس علیه
السلامدن تلم ایتمشدر و مدت عمری یدى یوزسنه اولوب مزبور دن
صکره طهمورث پادشاه اولوب ابتدا خیل و دوابی سروج و لجام
و سائر اسباب زینت ایله تزیین ایلین مزبور اولوب اسلوب ادریس علیه
السلامده ایدی و مدت سلطنتی قرق سنه و دولت جهتندن قویسی
و سیرت حسبیه اعظمی و سیاستده اسبق ملوک فرس در و انلری درت
طبقه دیرلر طبقه اولی پیشدادیه که اول ملوک هوشنک در که ابتدا سرنه
تاج وضع و سر بره جالس اولان مزبور اولوب طرفان نوحدن ابرکوز

سنه صکره در بعده طهمورث بعده برادر جشید ملک و اقایم سبعة به
مالک اولوب نیروزی احداث ایلدی بعده یوراسب یعنی ضحاک ماری
ملک و اقایمده مالک اولوب وضع خمار و نخاذ ملاحی و مغنن ایلدی
و غرود مزبورک بر ناحیه ده عاملی ایدی بعده افریدون که بر روایتده قرآن
کریمده مذکور اولان ذوالقرنیندر که اقایمده مالک اولدی بعده منوچی
ملک اولوب فرعون موسی مزبورک عاملی ایدی بعده افراسیاب بعده
کوشناسب ملک اولدی طبقه ثانیه یکنیه در ابتدا کیقباد بعده کیکاوس
اولوب مزبورک سیاوش نامنده بر فرزندى ظهور ایلدیکه حسن و جماله
بی نظیر ایدی بعده کیخسرو بعده کهراسب ملک اولوب بخت نصر
مزبورک عاملی ایدی بعده کیاسب ملک اولوب مصنف کتاب مجوس
اولان زردشت مزبورک زماننده در بعده اردشیر بهمن که تخریب
بخت نصر دن صکره تعمیر قدس ایلمشدر و اقایمده مالک اولدی بعده
دارا بعده دارا بن دارا که مغلوب اسکن در در طبقه ثانیه اشکانیه که
ابتدا اشکان بن اشکان ملک اولوب زماننده عبسی علیه السلام تواند
یوردی بعده جوز بن اشکان بعده بثرن بعده کوردز بعده زشی بعده
هرمز بعده اردوان بعده خسرو بعده بلاش بعده اردوان اصغر
طبقه رابعه کاسره در که ابتدا اردشیر بن بابک که حاکمان این اردشیر
بهمن نسلنددر بعده فرزندی شاپور که زماننده زندیق مانی ظهور
ایلدی بعده اوغلی هرمز بعده بهرام بن بهرام بعده بهرام بن بهرام
بن بهرام بعده زشی بعده هرمز بن زشی ملک اولوب نسلندن فقط رحم
مادرده بر ولد قالبوب تاجی هنوز تولد ایتمدن اکه وضع ایلدیلر و بعد
زمان شاپور تواند ایلدیکه مزبور شاپوره ذوالاکاف دیرلر بعده اردشیر
بعده شاپور بن شاپور ذوالاکاف بعده بهرام بن شاپور که کرمان شاه
نسمید اولمشدر بعده یزدجرد بن بهرام بن شاپور بعده بهرام کور بعده
یزدجرد بن بهرام بعده هرمز بن یزدجرد بعده برادری فیروز بعده
بلاش بن فیروز بعده برادری قباد که مزبورک زندیق مزبور زماننده
ظهور ایلمشدر بعده کسری انوشیروان بن قباد ملک اولوب

ملک شدن قرق ایکی سنه مرورنده رسول اکرم صلی الله تعالی علیه وسلم
 حضرت نوری وجودیله شرف بخش عالم اولمشدر ونوشروان غلبه
 اسکننده دن سکر یوزسکسن سکر سنه مرورنده مرد اولوب عظمت
 ملوک فرس بونده رسیده انجام اولمشدر بعده هرمن بن نوشروان
 بعده پرویز بن هرمن که شیرینی تروج ایدندر بعده بنت پرویز ملکه
 اولوب رستم قتل ایلد کد نصرکه پرویزک عم زاده سی اخشنده بعده
 پرویزک دیگر دختری ارزوخت ملکه اولوب قتل اولند قده ملک اولمغه
 صالح برکیمه بولنجوب اردشیر بابک نسلندن کسری بن مهرخش
 نامنده بر شخصی تخت نشین ایلدی لرانی دخی قتل ایلجوب تجسس
 بسیار دن صکره نوشروان نسلندن اولمق زعیله فیروز نام بر شخصی
 الباس تاج بعده قتل اولنوب نوشروان نسلندن فرخ زاد ملک اولوب
 اول دخی قتل وشهر یار اولادندن یزدجرد ملک اولوب خلافت عثمان
 رضی الله عنه زمانده مروده قتل اولنوب ملک فرس ایدی مسلمانه داخل
 اولدی وکسری کافک فحی وکسری ایله جائز اولوب خسروک معر بیدر
 وزبان فارسیده مکسور اولوب یاتلفظ اولنور ونسبتنده فتح کاف ایله
 کسروی دیر کسری دخی جائز در جرمی وزننده وجعی خلاف قیاس
 اوزره اکاسره در زیر قیاس اولان رانک فتحیله کسرون ایدی عیسایک
 عیسون وموسایک موسون اولدیغی کبی کسوردخی کلور و بومحمد
 کسرادن مراد نوشروان بن قباد بن فیروز بن یزدجرد ساسانی اولوب
 مقدماذکر اولدیغی کبی نبی اکرم وحیب محترم صلی الله تعالی علیه
 وسلم حضرت نوری من بورك زمانده تولد بیوروب * ولدت فی زمن الملک
 العادل * بیور دقلری مرویدر لکن حدیث مذکور موضوع اولوب
 اصلی اولسادیفنه حفاظ احادیث اتفاق ایلد کلرین علی القاری
 مختصر الاحادیثه ذکر و بیان ایلمشدر واقعا نوشروان عادل ومحب
 رعایا تام التذیر اولوب شرق جانبده امصار عظیمه فتح ایدوب ملوک
 کثیره کندویه اطاعت وانقیاد ایلشدر در و ملک ترک اولان خاقانک
 دخترنی تروج ایلشدی و پدیری قباد زمانده مردک زندیق ظهور

وناسدن خالی الذهن اولان حقایق من بوردن انابت وامر نه امتثال
 حتی قباد دخی انقیاد وتباع ایلشدیکه جمع ناس فروج واموالده
 مساوی ومشتزک در دیوب اباحه ایدردی وجوانانندن سفک دمایی
 فجور باینبوب لحم اکل ایلزی وبرکون اتفاقی مجلس قباده داخل
 ونوشروانک مادر بکه حسن وجوالده بیهمتا ایدی بمجلسده بولنوب
 مردک مزبوره بی مشاهده وآشفته و بی صبر اولمغه قباده بنم صلیده
 برنی اولوب سنک یوزوجه که قربان ایله حاصل اوله جقدر اذنگله
 مباشرت ایدرم دیوب قبادید نهاده دخی اذن داده اولد قده فرزندی
 کسری کرچه صغیر السن ایدی لکن عقل ودانشی تام وکامل اولمغه
 بوامرک قبح وکراهنی فهم واذعان ایدوب مردکک پانی تقییل وبوفعل
 کر بهه اقدام ومباشرتدن فارغ اولسنی نیازمزدک دخی عزیمتندن
 رجوع ایلدی چونکه پدیری قباد مردوکسری تخت نشین حکومت
 اولدی ابتدایمزدکی واصحابی قتل ایله اجرای احکامه شروع وبوسبیل
 اعین فرسده مهیب وصاحب صولت اولوب جله می محبت ایلدی لر
 کسری دخی سیرت اردشیری دستور العمل ومملکتی معمور و آباد ومظالم
 وفسادی خلعیدن بالکلیه رفع ودفع واجرای عدل و داد ومبانی
 مشهوره وکثیره احداث وبنیاد ایلمشدر ازجمله جبل الفتح فرازنده باب
 الابواب نام محله قریب بر سور عظیم وبرقلعه کبر وجسیم وضع و بنا
 ورومیه نسیمه ایلجوب بر بلده عظیمه دخی بنیاد ایلمشدر بردخی
 مشهور افاق اولان ایواندر که بادی بانی سی ووضعی اساسنک شارع
 ومبتدیی شاپور اولوب کسری ترفیع واتمام متین ومستحکم بنانک
 انشعاقی معجزه نبی آخر الزمان اولمشدر صلی الله تعالی علیه وعلى آله
 وصحبه اجمعین مرویدر که هارون رشید ایوان کسرای هدم واعدام
 مراد ویحیی بن خالد برمکی ایله استشاره ایلجوب یحیی ایوان مذکورک
 بقاسنده معجزه باقیه اولمغه اعدام مناسب دکلدر دیوهارونی منع لکن
 هارون اصغرا باینبوب هدم اولمنه امر و بحیایه سوء ظن ایله مجرد فرس
 ایدمزدک اولوب ارلری مضمحل اولماقی ایچون ممانعت ایدرسن

دیوب هدم منه مباشرت و بر شرفه سنی هزار تعب و مشقت ایله کرچه
 هدم ایله دیرلکن مال بی نهاییه تلف اولغله فادم و فارغ اولدقده بحی
 یا امیر المؤمنین بو مقدار هدمه شروع اولدقده نصره تمام اهدم اقتضا
 ایلدی حتی دیمه سونلر که غیرک بنا ایلدیکنی هارون رشید هدم و اعدام
 ایلدن عاجز اولدی دیدی و هارون تغافل ایدوب ترک ایلدی مرویدر که
 بروقتده ملوکدن بر ملک طرفندن ایلچی کلوب کسری ایوانده پسر
 نشین حکومت ایکن مجلسنه داخل و ایوانده برقه دار اعوجاج
 مشاهده و سببندن استقصا ایلدکده بوکونه جواب داده اولدیلر
 ایوانک وضع و بنیادنه مبادرت اولدقده حالا معراج اولان محلی
 بر فقیره پیره زن خانه سی اولوب ملک طرفندن اشترا و ایوانه ضم و الحاق
 مراد ایلدکلرنده پیره زن امتناع و متانت عدم رضا ایله تمرد کوسروب
 اطماع و ترغیب قصد یله قیبتدن اضافی مضاعف زیاده مال و یردیلر
 بوجهله رضا داده اولدقده بویله کج و معوج بنا و طرح اوانوب
 اتمام اولندی دیو ختم کلام ایلدکلرنده ایلچی بوکونه اعوجاج مستوی
 و بی عیب اولدن احسن و اولی در دیدی مرویدر که طاق کسرا نیک
 بناسی تمامنده پیره زن ملکه کلوب امتناع و تمرد دن غرضم سندن
 صکره سنک عدل و داد که بر اثر جلی و آشکار باقی قالوب هر کسک
 خبر ایله یاده باعش اوله دیو بو خوشحوتی ارتکاب ایلدم دیوب اعتذار ایلدی
 و کسری ابوانی اتمام و اکمال ایلوب قبه به بر سلسله دراز آویخته و جرسار
 آویزه و سر سلسله بی خارج قبه به ارسال ایتدیروب هر کبکه مظلوم
 اوله بکا اعلام ایچون بوسلسله بی تحریک ایلسونکه اوزرندن رفع
 ظلم ایله احقاق حق و اجرای عدل و داد ایلدم دیو بنادیلرله خلقه تفهیم
 و اعلام ایلدی عسکری ذکر ایدر که بر کیمسه برینک حقنده حکامه سعی
 و غم ایلده * حرک فلان علی فلان السلسله * دیرلو کسرا نیک وسط
 طاقه زنجیر عدل آویزه ایلدیکی و حبسینک حضرت علی مدحنده
 اولان بوقطه سندن دخی فهم اولنور * اگر چه زنجیر عدل از بحر *
 به بندد باین نوشروانی * زمیل شهاب از برای سیاست * به یینی کنی

نبرد هر سودووانی * بحر قحیم ایله کیمسان معناسنه اولوب دیار
 عجمده بر کیمسه به سیاست مراد اولنه بورتی دلوب بر تبرک و رزق و سوق
 و بازاری عبرت ایچون کزدیرلر بناء علیه میل شهابی تیره تشبیه ایدر
 و سیاست اولنان چرخدر منقولدر که بر کون کسری ایوانده پسر
 نشین داد ایکن برمار سیه زهر افشان اولهرق باروی ایوانده لانه
 پرداخت اولان کبوترک آشپانه سنه توجه و بچه کبوتر کویا کندی به
 نزل و ما حاضر اولق ایچون آماده اولمش کبی اکل و بلع اتمک ارزو سنده
 اولدقده کسری کبان در دست و صنعت تیراندازی بی اجرا و مار
 سیاهی اهلک و افند ایدوب همسایه مر دشمنلرینه بز بویله ترتیب جزا
 ایدر زردیدی و برقاج کون کذراننده کبوتر نقارنه بر حب المش کلوب مجلس
 کسرایه الفا کسری دخی الوب زرع ایتدیروب ریحان ظهور ایلدی
 وارل و قته دکن اصلا ریحان مشاهده اولنما مشدی بناء علیه فرحناک
 اولوب کبوتر بزمباری تعالینک الهامیله نه خوش مکافات ایلدی الله
 تعالی دن رجا و نیاز ایدر مکه بزه دخی رعایایه احسانی و نعمتنه شکری
 الهام ایلده دیوب شکر یزدان ایلدی رواه کثیره روایتی اوزره کسرایه
 برقاج شی مخصوصه در که از جمله بر فیل بیاضه سوار اولوردیکه قدی
 اون ایکی ذراع ایدی و اسان سورامبله مسما بر یاقوت مالک اولدیکه
 لمعان و ضیاسی شمع و سر اجدن زیاده ایدی و فله یزداننده بر مطرب
 فرح بخشه ظفر یاب اولدیکه عود خراسانی دیمکده مشهور اولان
 عودی اون ایکی و تراوزه پیسدا و اختراع ایدوب هر چند بر کیمسه
 تحریک اوتاری ایله نغمه سنج و نوا ساز اوله الا هو صداسی استماع اولنوردی
 مرویدر که یاقوتک طبیعتی بارد و رطب او اوب طاعون زماننده بر کیمسه
 بلع ایلده اول شخصه طاعون اصابت ایلز و شیخ نظامینک بویشتندن
 اول خاصه فهم اولنور * دل راست کن از بلامیندیش * یاقوت
 خوراز و بامیندیش * و یاقوتک مقبولی رماتی قرمری اولانیدر که
 راده سنی نوش ایلده لوسواسه و خفقانه و ضعف قلبه نافه در و نوابغه
 اذا خستک یاقوت * هان علی الدر و الباقوت * شعرا دن بری باقوت اسمی

ایله سیمی بر محبوب حقنده بوقطعه بی انشاد ایدوب قول حسن اولمغه
 تحریر اولندی * یاقوت یاقوت قلب المستهام به * من المروءة ان لا یمنع
 القوت * سکنت قلبي وما تخشی تلهمه * وکیف یخشی لهیب
 النار یاقوت * مصراع اخیر یاقوت آتشیدن متضرر اولدیغنه
 تلخیص در وکسری ایچون هر کون بر کره اسب و شیر کوسفند ایله
 اطعام و تربیه اوامش برجدی زرقایی زر خالصدن پرداخته تیغ ایله
 ذبح و تنوری عود هندی ایله تسخین و کره وجدی می ناب ایله غسل
 و نمک و مسک ایله طلا و انوب زر خالصدن مصنوع سیخله بکر یلوب
 التون زنجیرله تنوره آویزه و بعد الطبخ التون خوانه وضع و کسری
 حضورینه احضار کسری دخی اکثری اکل ایلدکد نصکره
 بقیه سنی ندما سنک زیاده معتبر و ملتفت اولانلرینه اهد او ارسال
 ایدردی بعده تنور کسرو شکست اولنوب هر کون مجدد بر تنور ساخته
 ایدرلردی و کسرانک کمال شوکت و عظمتندن در سراینده یتش ملک
 حاضر و موجود اولوب التجا و استمداد ایتد کلری هزار کوره
 واقع اولمشدر و کسرانک سیرت ممدوحه سی کتب توار یخده ذکر و تفصیل
 اولمغه هر برینی بو محله سرد و ایراد تطویه باعث اولمغه بومقدار ایله
 اکتفا مناسب کورادی از جمله زیر حکومتنده اولان بلدانندن برنده
 نصبر کرده می برعامل کسرایه مکتوب ارسال و بوسنه جودت ربیع
 و وفرت مزروعات سیبیه رعایاسنین سابقه دن ازید ذو قدرت اولمغه
 رسوم معتاده دن زیاده رسم اخذ اولمغه طرفکردن مأذون اولورسم
 هر بار ارسال اولنان رسمک اضعافی تحصیل اولنور دیو افاده ایلدکده
 کسری جواب داده اولوب سکوت ایله معامله و عامل محاب اولدیغن
 فهم ایتموب افاده مراده اعاده کلام ایلدکده کسری جواب مکتوبی
 بو گونه تحریر و ارسال ایلدیکه مقدا ارسال ایلدیکک مکتوبیکه
 عدم التفاتدن عدم رضامندی فهم ایتموب مأمور اولدیغک امر دن
 منجز و ممنوع اولوب ترک ادبه تکرار نجاسر ایلدکده ایلمی مکتوب
 وصولنده کوشکک برینی قطع و بریده و شانک اولسان خصوصدن

کف ید ایده سن دیو ختم کلام ایلدکده عامل کندی کوشنک برینی
 ریده ایدوب متادب و ساکت اولدی سیرت حسنه سنک بری دخی بودر که
 بر شخص پیدا اولوب کیمدر که بدن او چ کلمه حکیمه بی ینک دیناره اشترای
 ایده دیو هر سه وق و بازاری دور و ندا و آخر الامر کسرانک کوشنه
 واصل اولوب شخص مزبوری احضار و کلمات معهوده بی استطاق
 و استخبار ایلیوب اول شخص حکمت شعار کلمات بند آمیزی بو گونه
 سلک ادایه نظم و ترتیب ایلدیکه معلوم کنز و اسونکه ناسک مجموعی خبر لو
 و کار گذار اولوب غث و سمین و متفاوتدر دیدکده کسری تصدیق
 و برندن دخی سؤال ایلدکده کرچه جمیع ناس خبر لود کلدلر لکن جمله سنه
 احتیاج امر مقرر در دیوب کسری تسلیم و کلمه ثالثه بی استخبار ایلدکده
 نتیجه مقدمین مشابه سنده اولان آخر کلام بودر که چونکه جمیع ناس
 یکسان و برابر اولوب جمله یه احتیاجدن رها امکانه اولدیغی معلوم
 و مسلم اولدی هر کسه استحقاق و استعدادی مرتبه نظر و لیاقت
 و اقتدارینه کوره التفات اولنوب خدمات رفیع و دینه اربانه توجیه
 و تقلید اولنه دیو ادای مراد ایلدکده کسری محظوظ اولوب
 ینک دیناره مستحق اولدک و یرسونلر دیو امر ایلدی و شخص مزبور
 قبول ایتموب مال ایله حکمتی اشترایتمک طالب کیمدر دیو مرادم مطلع
 اولقی ایدی حاصل اولدی دیوب کسرایه و داع ایلدی هر ویدر که
 صاحب مجلس ندما سنی استیقال و مجلسندن انصرافنی اشعار مراد
 و اشارت مخصوصه ایله تفهیم ایتکد آغی کسری وضع و قانون ایلشدر که
 هر چند که ندما سنک بردر بیرون اوللرینی مراد ایلیه بالینه اتکا
 و استناد و یارینی مد و ارسال ایدوب مصاحبلمر عتفطن و مجلسنده
 حقیقوب کیدرلردی کسرانک صکره کلن ملوک دخی اثر کسرایه اقتفا
 و اتباع و بومسلکده سالک و هر بری بر اشارت وضع ایلدیلر از جمله
 فیروز کوجک کوزلرین اوغشیدرلردی و بهرام سر بر آورده اولوب
 آسمانه نگاه ایدردی و ملوک اسلامیه دن معاویه حضرت نلری رضی الله
 عنه العزه لله دیردی و عبدالملک بن مروان دستنده بولنان شبنی رمی و القا

ایدردی و عمر بن عبد العزیز دعا به مشغول اولور دی و بو عادات
ملوک بخلا دن مالدار بر کیمسه به نقل و سزک علامت استغفال کن
نه کونادر دیوسوال اولند قدیمه باغلام طعام کنوردیمه دریدی و کسر انک
نصا یخندیدر که ابدان انسان غدادن قوته نیجه محتاج ایسه قلوب
دخی اویله حکمتدن قوته محتاج دریدی و مراع قصه سنده واقعدر که
خج که ملوک ملکی اموال رعبه ایلله معمر و تدبیر ایلله شول کیمسه به
تشبیه اولور که خانه سنک اساسنی هدم و تقضله سقنی تعمیر ایدیه
و کسری التوندن برسنی برداخت ایسه بروب در ایلله نقش و تحریر
ایندیردیکه عافیتلر اولسون بر کیمسه به طعام که مال حلالدن اوله
و بقیه سنی محتاج اولانلره بذل و اباحه ایلله و شول طعامکه اشتها نام ایلله
اکل و تناول ایدرسک حقیقتده اول طعامی اکل اتمش اولورسون اما
شول طعامی که اشتها سز تناول ایدیه سن طعام سنی اکل یلمش اولور
بر گوشه تخت خسرو نوشروان * یتیم بزرگوشه معش بدان *
* کر زهر خوری ز دست مرد عاقل * به زانکه سکر خوری ز دست نادان *
و کسریه سوال اولندیکه کنوز و دقابتک انفع و اعظمی ندر جواب
* ایلدیکه کنوز دیدکری شول کیمسه به کرم و احساندر که کفران
نعم و ایوب کندویه اولان احسانی ییلوب فرومایه ل کی اکرام ایدنلره
اسامت اوزره اولیه و دخی کنیدیدنصره علم و معرفتک اثری باقی اولوب
خلق انتفاع ایدلر بودخی کلام کسر اندر که کریمک کر سته لک
و قنده صولت و غضبندن و لبیک سیر اولدینی و قنده صوات
و مضرتندن حذر و اجتناب لازمدر و نوشروانک ورد زبان ایلدیک
کلمات حکیمه دندر که * لاملک الا بالجد و لا جند الا بالمال و لا مال الا بالبلاد
و لا بلاد الا بالرحمة و لا رحمة الا بالعدل * و هارون رشید سلاطین
معدنات شعار زمره خاطر بن کفار دن دخی اولور سده مس تراب
جسدنه شمر ایتمز خبر صحت اثرینی حصول اطمنان ایلله تصدیق ایچون
مماننده قیر نوشروانی نیش ایلدکده اون کنکره ل تاج مرصع بر سر
و بر کوه جوهر قیمدار خاتم در انکشت و سیاه اطلس کفته پیچیده

آبنوس تابوت یخنده هنوز وضع اولمش کی طری و نازه و کلمات مزبوره بی
تاج کنکره لینه نوشته و یاننده زمرد رمانی قبضه لی بر شمشیر مرصع
زرین غلاف موجود مشاهد ایلدکده هارون سیاه کزای حیرت
و بو حال تازبانیه ناموس و غیرت اولوب نیجه کار نکو هیده دن فراغنه
سبب اولدی و اول مرصعات کر اینهادست تعرضدن مصون و رها یاب
اولسون ایچون اثر قبری ازاله و اوزرینه شط و دیاله نهر لری مجمعدن
برجدول ارسال ایلدی ایمدی عدل و دادی پیش نهاد ایدن سلاطین
اسلامیه که * عدل ساعة خیر من عبادة ستین سنه * و عد مقرر
الانجازی ایلله اعزاز اولمشلر در اعلای علیبنده مقرران حضرت اولان
اولیاء صالحین ایلله همنشین اولق مقرر در * و قیصر رعی ماشینک * یعنی
قیصر سنک مواشیک رعی ایدوب چوبانک اولدی ظن ایلدم قیصر مقدمه
ذکر اولدینی کی ملوک رومه اسم اولوب روم تسمیه سنه سبب ملوک مزبوره
روم بن عبص بن اسحق عم نسبت اولمشیدر روایت اخرا ده رومیه به
منسوبلدر لکن روایت اولی صحیحدر زیرا رومیه نک بنا اولمشی ملوک
مزبوره نک ظهورندن قتی و افر زمان متأخردر و مقدمه رومیه به رماس
تسمیه اولوب رومیلر ساکن اولدقدنصره رومیه تسمیه اولندی ابن کلبی
روایت ایدر که اسحق علیه السلامک اوتوز اولادی اولوب برینک اسمی
رومدر و روم اصفر اللون اولغله اولادنه بنو الا صفر دیرلر و رومیه به
الا صفره حبشه استیلا و نسوانلرینی سبی و غارات و رومیلر بیاض
و حبشه سیاه اولغله ایکبستندن حاصل اولان اولاد اصفر اللون اولغله
بنو الا صفر تسمیه اولندی و رومیلردن ابتدا قیصر اسمی ایلله مسمی اولان
ابن انطرطوسدر که نامی قبشدر در و قبشدر تسمیه سنه باعث مادری مزبوره
حامل و وضع جل ایدیه مبوب شکمی شق و دریده اولوب مزبور ظهور
ایتمکله قبشدر تسمیه اولندی و سائر نامک تولدی کی نسادن تولد ایتمدم
دبواقتخار ایدردی بعده قبشدر قیصره تبدیل اولوب ملوک رومه
قیصر دینلدی و قیصر غایت عنید و جبار ایدی و مملکت روم ایلله
یونانی ابتدا جمع ایدن قیصر اولوب سبی بودر که قیصرک پدری

انطرطسه ملوك يونانك نسلي منقرض وقلار بطره نامنده برزن ناقص
التدبيره منحصراواوب مملكت يونانه مالكة اولدى ديواعلام ايلديار
انطرطس دخی تزوج و يونانی كندی ملكنه ضم واصافه ايتك طبعيله
قلاربطره به ايلچي ارسال وتزوجنی مراد ايلديكنی افاده قلار بطره
دخی رد ومخالفت ايلديكنی صورته مغلوبه بلکه هلاك اولسنی امر مقرر
بلديكه اجدادی منقرض اولديغی ائاده انطرطس مملكتك برطرفی
ضبط ايدوب قلاربطره نك استرداده اقتداري اولمامشدي بناء عليه
توجه هزار شوق ايله راضيه م لکن هنوز بعض لوازمده قصوريمزی
تكميل ايدنجه بني امهال ودعوت اينديكم زمان تشریف اينسونلر ديو
استمهال وانطرطس دخی وقت موعوده به منتظر اولوب قلار بطره
مكروخديعه طريقتيه ذاهبه وتخليص كريبانه رحيله تفكر وملاحظه
وكندی نفسی دشمندن اخذ انتقام ايجون فدا ايدوب ايكميز بدن
هلاك اولغه آيا چاره ندر ديركن اول طرفلرك ريكستان اولان محللر ندر
بولنور برمار زهر ناك اولورديكه زهری بر كيمسه به اصابت اينسه اول
آنده هلاك اولوردی خاطر ينه بومار خطور وتدارك ايدوب بر شيشه به
وضع ونجلكاهي بساط فاخره وجواهر نفيسه وازهار وشكوفه زله
تزين وكندی تاج شاهي لابسه وسريره جالس اولوب انطرطسي
دعوت اولدخی باب قصره واصل و داخل اولد قنده قلار بطره
شيشه دن مار زهر ناكی اخراج ايلدي واول ساعت قلار بطره بی
اهلاك وتخت اوزره اولان شكوفه خلالتده مأوی ايلدي لکن انطرطس
بو حالدن بی خبر وهزار شوق وخرام ايله تخته توجه وقلار بطره بی
سلامتده ظنيله بر طرفنه جالس وشكوفه زله دست درازو ذوقياب
اوليم ديركن دستی حيه به اصابت ايدوب اول آنانی دخی اهلاك
ايلدي روايت اخرا ده ليله زفا فده سم ايله آميخته طعام آماده واحضار
وزن وشوهره مائول ايدوب هلاك اولد قارنده انطرطسك فرزندی
قيصر لشكر يله بر محله قرار وانظار اوزره ايكن وقعه دن آسكاه
ويونانی كلوب ضبط وملك موروثی اولان زومه الحاق والي سنه ضابط

متن

مملکت اولوب قيسار به رومی روايت اخرا ده قيسار به شاهی بنا واحداث
وقبصره كه اعظم ملوك رومدر مرد اولد قنده اروام مياننده اختلاف
واقع وهر بری بر طرفی ضبط وملوك ككثيره پيدا اولدی وبعض
كتب توار بنجده مز بوره نك نامی قلوبطره ضبط اولنوب آخر ملوك
يونان اولوب بکری ايکی سنه ملكه اولمشدر وحكيمه ومنفلسفه ومعظمه
وحکما دن اولوب علم طبعه وسائر علوم حکيمه ده مصنفات كثيره
صاحبه سی وبقية حکماء يوناندر ومار مز بور بر نوع حيه در كه حجاز
ومصر وشامده بولنور مسعودی دبر كه بلاد خراسانده بر نوع حيه
مشاهده ايلدمكه بر شبر قدی وايکی رأسی اولوب زیر يکده قرار
وانسان باخود غیری حيوان مشاهدده ايلسه یردن بر ذراع مقداری
پرتاو و بر رأسی ايله لدغ وضرب ايدوب هر نه عضونه اصابت ايدرسه
من ساعتده اهلاک ايدرمز بور قيصرك اخبار ندرنر كه عقلاء دولتن
بريله بر امر مهم استشاره مراد ايلسه برسند رفاهيت اوزره تعيش
ايدم جك نفقه وكسوه سنی احسان ايدرديكه تشويش خاطری اولميوب
ذهنی تسويه وعقلي سايم اولوب رأی وتدبيری استقامت اوزره اوله
وبر مطالب ومرا دی تخلف وبر نعمت زائل اولسه حيله اندن كف
نفسدر ونيلدن بأبيدر دبردی وابتدا ملوك رومدن مشتهر اولان
غالپوس اولوب بعدده بولوس بعدده اغشطش كه لقبی قيصردر ملك
اولوب مز بور قيصرمصر وشامه مالك وبنی اسرائيل تحت حكومتده
داخل وعيسی عليه السلام مز بورك زماننده قدم نهاده سرای
وجود اولمشدر بعدده طيبار يوش ملك اولوب طبريه بی بنا ايلدي بعدده
عابوس ملك اولوب زماننده عيسی عليه السلام سمایه رفع اولندي بعدده
قلوذ يوس بعدده بارون بعدده ساسيانوس بعدده طيطوس كه ثاني مخرب
قدس شر يندر بعدده وطيطوس بعدده بارواس بعدده اوزنا يوسكه صاحب
محسطنی بطليوس مز بور زماننده در بعدده انطونيوس بعدده فوش
بعدده قومودوس كه زماننده جالينوس ظهور ايلمشدر بعدده نوطيوس
بعدده سپياروس بعدده انطونيوس ثاني بعدده اسکندر وس بعدده مكسيمينوس

بعده عزوز یانوس بعده رقیانوس که اصحاب کهنه فرار
 ایلشدر بعده غالبینوس بعده اربانوس بعده فلونوس بعده اورقلینوس
 ملک اولوب صاعقه دن مرد اولدی بعده فروقوس بعده وقلیطانوس که
 ملوک رومدن اخر عبده اصنامدر بعده قسطنطین مظفر که رومیه دن
 رنطیه به نقل و سوری تعمیر و قسطنطینیه تسمیه ایلدی و اساقفه بی
 جمع و دین نصرانیه بی وضع ایلدی و مادری هیلان بیت المقدس جانبیه
 نوجه و راهی اولوب خشب صیالی اخراج و اقامت عید ایدوب عید
 الصلیب تسمیه اولندی و قامه و کنیسه و حص و رهانی بنا ایلدی بعده
 قسطنطینیک اوج نفر اولادی ملک اولوب بعده کلپانوس که شاپور ایل
 عقد صلح ایلشدر بعده البیطیانوس بعده ایونیانوس بعده جریطیانوس
 بعده ناورونوس کیر بعده ارقیاریوس بعده ارنو بروس بعده ناودونوس
 که زمانده اصحاب کهنه منبه اولشدر بعده رقیانوس بعده والنطیس
 بعده لاون بعده زیتون بعده اسطینوس که مدینه حجه سوری تعمیر
 ایلشدر بعده اسطینوس ثانی بعده قطینوس بعده طیرنوس اول بعده
 طیرنوس ثانی بعده ماریقوس بعده مرقوس بعده قوقاس بعده هرقل
 که زبان رومیده نامی او قلیس اولوب مزبور ملک اون ایکنجی
 سنه سی هجریه نبی علیه الصلوٰه والسلام واقع اولشدر و مزبور ایل
 دولت رومیه منتهی و پریشان اولشدر و نبی اکرم صلی الله تعالی
 علیه وسلم حضرتتری بویه خبر و بر مشل ایدی * و الاسکندر قتل
 دارانی طاعتک * یعنی اسکندر در دارایی سکا اطاعت و انقیاد ایتک
 ایچون قتل ایلدی ظن ایلدم مومی الیه اسکندر بن فیلقوس یوناندر
 و بعض کتب توار یخده پدرینک نامی فیلبس ضبط و تحریر اولمشدر
 و نسبت یونانده اختلاف اولوب ابن کلبی ذکر ی اوزره یونان بن تبعه
 اولوب اسحق علیه السلام منتهی اولور و یعقوب الکندی
 روایتده یونان عربدن قطانک برادری اولوب اولاد عامردندر که
 یمندن دیار رومه نزول و رومه اقامت ایلدکن صکره لسان عجیبی
 تحصیل و اول طرفه موجود ایلان رومله تکلم ایدردی لکن اصح

متن

روایات که روایت رقاشیدر یونان بن یافث بن نوح علیه السلام اولوب
 عرب و روم ایلله قطعاً علاقه سی اولوب انجیق بحر رومی ساحلده
 مکث و اقامت ایتکله بعض اروام ایلله مجاورت و الفت ایلشدر
 مومی الیه یونان حسن الوجه و سدید العقل و کثیر الهمه اولوب
 ساحل بحر رومه براز زمان مکث ایلله اولاد و اتباعی کثیر و وفیر اولغله
 کند ی و اولادی توطن و صاحب سرو سامان اوله جق بر مکان فسج
 الاطراف تجسس و آخر کار مغرب زمینده افینه نام بر بلده ده اقامت
 و ارام و سرای و بیوت و قصور بنیاد لری وضع و اتمام ایدوب نسل
 و اتباعی متزاید و مملکت و ایالتی وسیع و صولت و قدرتی کماله رسیده
 و اقلیم عدمه احتضاری بدید و نمایان اولدقده فرزند بزرگچون
 و صیت حسنه و قائم مقامی اولسنه توصیه مستحسنه ایدوب مرد اولدقده
 و صیتی اجرا و مغرب زمینده افرنج طرفدن بلاد غربی و صقالیه
 و توابعی ضبط و تصرف و پدری مقامی جیعا احاطه ایلدی
 و بر مقدار وقت گذراننده بخت نصر که فراعنه دن مصره استیلا
 و تغلب و مغرب زمینه و اصل و بلاد یونانه هجوم و غارتگری و ملک فارسه
 هر سنه ادا ایتک اوزره یونانه خراج وضع و تعیین ایدوب اسکندر
 ظهورنه دکن خراج معین مستقر و باقی اولمشدر و مزبور بیت
 المقدسی تخریب بعده مصری ایدی قیطدن اخذ و تخریب ایدوب
 قرق سنه مصر مسکون اولوب بعده یمنه قبطه ردانلردخی تعمیر ایلدکه
 کند ی طرفدن بروالی نصب و تعیین و نیجه زمان مصر مفسوره قالدی
 و بخت ضم با ایلله این معناسنه و نصر فتح صاد مشدده و را ایلله بخت
 نصری تریه ایدن شخصک اسمی اولوب بخت نصر بابل قراسندن
 برقریه دن ظهور ایدوب مجهول النسب بر شخص اولوب سحره فرعون
 کی ایمانده اختلاف اولمشدر و اسکندرک نسبتده اختلاف الزوب
 بعضیلر ولد یونان اسکندر بن فیلقوس اولسنه ذاهدر و اصح روایات
 بودر و بعضیلر اسکندر بن صعب اولوب پدری صعب ارباب حرفدن
 و نسج نیاب ایتکله و فائده صکره مادری اولان هیلانه حیره ساکنه

اولوب یونانك قسطنطنیبه ده احداث ایلد کیری صنایع خانه که
هر صنعت اربانی مشغول اولوب اطفال سوقیان رسیده سن غیر اولد قد
اول کارخانه به کتوروب پیشه لری اراحت و قنخی سنه میل و محبت ایدرسه
اول پیشه اسنادنه تسلیم و تعلیم ایدنجه انده اقامت ایتدر لر دی دیو استماع
واسکندرله قسطنطنیبه جانبته محمل بند عزیمت و اول کارخانه عبرتنامه
واروب اسکندرله صور صنایع عیدیده بی اراحت ایلد کده اسکندر تاج
ملکه توجه و دستی اوزرینه وضع و هر چند که مادری زجر ایدردی
اسکندر مزجر اولوب تاجی دسینه الوردی و بوحاله رئیس کارخانه
مطلع و مادر اسکندرله سن هیلانه و بوطفل فرزند کیدر دیو استنطاق
ایلد کده بلی هیلانه بم و بوفرزند مدر دیوب رئیس اسکندرله توجه
و خطاب ایدوب سن بر ملک عظیم الشان سنکه شرقدن غربه وارنجه
بلادی ضبط و حکومت ایدرسک دیو تبشیر ایلدی لکن بوقول مردود در
زیرا حیر ایل یونان میاننده ازمان کثیره میور ایلشدر و قسطنطنیبه
عبسی علیه السلام اسمانه رفیع اوند قد نصره بنه اولمشدر دولت یونان
ایسه ظهور عبسی علیه السلام وقتنده منقرض اولمشدر پس روایت
صحیح اسکندر بن فیلقوس اولمشدر و حیر حله مهمله نك کسری
و ممك سکونی و یانك فتحی ایلد تمچدن ابو قبیله در که پدری سباین
یشعب بن یعرب بن قطان اولوب زمان اولده ملوک یونلردن ظهور
ایلشدر و حیرك اسمی عربچدر و مومی الیه اسکندرله ذوالقرنین تسمیه
اولمشنه باعث کتاب کریمده مذکور اولان ذوالقرنینه تشبیه ایلدیله که
ملکی قرنی شمس اولان شرق و غربه مقامی و متصل اولوب اکثر بلادی
بلکه جله سنی ضبط ایلشدر و حکیم ارستطالپس فیلقوس زماننده
اولوب تعلیم حکمت ایچون اسکندری ارسطویه تسلیم و پنج
سال خدمت حکیم مزبوره اشتغال و تعلم حکمت و ادب ایلد صاحب
کمال اولمشدر که اسکندر کی بر فرد ملازم بحاس ارستطالپس اولماشدر
یمده پدری فیلقوس علل و امارت موت آشکار اولد قدده ملکی اجانب
نصرتنه کبر خوف ایلد اسکندری دعوت و ولی عهد و جله خلق

اسکندر دن انابت ایلدیله میوریدر که تماما دنیا به درت کیمسه مالک
اولشدر بری سلیمان علیه السلام و بری مزبور اسکندر ایکبسی دخی
کافر در که بری نمرود و بری بخت نصر در و فقره مزبوره ده ذکر اولنان
دارادن مراد دارای اصغر بن دارای اسکندر شیر در که عظمای
ملوک فرسک مشهور و معروف اولانلرینک بری اولوب اسکندرک پدری
فیلقوس دن هر سنه زر خالصدن پرداخته بیکر بیضه که هر بیضه بیک
مثقال اولتی اوزره مقطوع نامبله اخذ ایدردی و بومقدار مال اخذ اولتی
دارای اصغرک اجدادی عادت لری اولمغله مخالفت اولتمازایدی چونکه
اسکندر سریرای ملک اولدی مال مقطوعی دارا طرفنه ارسال ایتیبوب
زمانی بر مقدار مرور و دارا ناخیره غضبناک اولوب تهدید و توبیخی متضمن
برنامه و بر طوب و جوکان بردستمال ایلد سوسم ارسال واکانلمیح و اشارت
ایلدیله چونکه سن هنوز بر طفل اندک سالسن بوطوب و جوکان ایلد
لعب و بازی به مشغول اول واکر مال مقطوعی ارسالدن تکاسلدن
مرادک بنم له مقاومت ایسه بوسوسم مقداری لشکر بی شمار جمع و سنک
مملکتک ضبط ایدرم دیو کوشمال مراد ایلد کده اسکندر جواب نامه سن
بو گونه تحریر و ارسال ایلدیله کوندر دیکک طوب و جوکان ایلد تمین و تبرک
ایلدم زیرادنیاطوب کیدر قریبا انکله ملاعبه و سنک ملکی کنیدی ملکه
اضافه ایدرم سوسمله دخی فال خیر ایلدمکه طعام نعمت باری تعالی
فی حد ذاته حرارت و مرارتدن بعید بر خوش غدار اول ما بکاندن
بیضه پیدا اولوردی بنانی ذبح و لحمی اکل ایلدم دیو نامه دارایه
واصل اولد قدده خشعناک عسکرانچیم شمار ایلد اسکندر اوزرینه هجوم
اولدخی لشکر بن جمع و دارایه جزیره نصیبینده مقابل اولوب دارا مقاتله به
عزیمت ایلد کده اسکندر برالچی ارسال ایدوب ای ملک عظیم الشان
غافل اولد که ملوک خوننی سفک و بران ایتک امر مستحسن دیکلدر
و خانه دان قدیمی هدم و اعدام مذمومدر و بغی و فساد و عقابده غیر محمود
و حرب و قتال غیر مأموندر و عسکرک سنک سوء خلقکه بناء روگردان
و ملامتکناندر بوعزیمندن قارغ و بند و نصیحه عامل اول دیو مشفقانه

نصیحت ایلدی لکن دارایی عجب و غرور احاطه ایدوب قطعاً التفات
ایتموب صف کشیده قتال اولد قده اسکندر دخی حربه اغاز وافر زمان
مقاتله طاقتکداز ایدوب ایکی طرف عسکرینه ملال وکلال کلد کده
اسکندر راه حبله به سالک اولوب ندا ایتدر دی که ای لشکر دارا
معلوم کرد که سزل بکانه کوه کبر و عجب ایله تهرب و تهدیدی حاوی
نامه لارسال ایلدی بکر و بن نه کونا متواضعانه مواعیدی محتوی مکتوبلر
ارسال ایلدم و تمادتی قتال ایله نیجه بی جرم بهادر و دلاوران هلاک و تلف
اوله یور امدی هر کیم که بنم طرفه کلوب دارایی ترک ایده بی نوالر بکزی
ماله سیر و توانکر لر بکزی بر ملک دلیر رتبه سنه واصل و عالیدن مستغنی
ایدرم دیوب عسکر فرسک بوندا کوشلرینه رسیده اولوب دارادن
رو کردان اولد قلری دخی محقق اولغله دارانک مقر بلرندن ایکی بهادر
قتل دارایه نجاسر و قفا سندن بر زخم شدید ایله اسبندن زمینه غلطان
ایلدی لر روایت آخرده عسکر دارایه اضطراب و پریشانی عارض اولوب
انهم زام روغون اولد قده دارا مقرب وارکان دوانشدن او جیوز نفر آدم ایله
فرار ایدوب کشته دارا اولان ماهیار ایله جانوسیار دید کاری وزیر
و خزینه دارلری معافار واثانی راهده اگر دارایی قتل ایدر سک
اسکندر بزی بر کتوره پادشاه ایدر شمعده کده دارا تاج و تختی زده
کورر دیوب خنجر ایله قتل ولی النعمی به نجاسر ایلدی لر شکیم فردوسی
شهنامه ده دیمشدر * چودارا چنان دید بر کاشت روی * کر بزان
و در گریه مویه وی * رفتند پادشاه سبصد سوار * زلشکر هر انکس که
بدنامدار * و دستور بودش کرامی دومرد * که با او بدندی بدشت نبرد *
یکی دوبدی نام او ماهیار * دگر مر و رانام جانوسیار * چودیدند کان
جنگ بسود کشت * بلند اختر نام دار کدشت * یکی باد کر گفت کین
شور بخت * ازین پس نبیند کرتاج و تخت * بیایدزدن دشته بر برش *
و باتبع هندی یکی بر سرش * مکندر سپارد بمانگسوری * برین پادشاهی
شویم افسری * همرفت با او دستور او * که دستور بودند ز کجور او *
مهرین پرچب و ماهیارش راست * چو شب تیره شد از هوا باد خواست *

یکی دشته بکرفت جانوسیار * بزد بر بر و سینه شهر بار * نکون شد سر
نامبردار شاه * از و باز کشتند یکسر سپاه * بنزدیک اسکندر آمد وزیر *
که ای شاه پیر و زرامش پذیر * بکشتیم دشمنت رانا کهان * سر آمد بر و تاج
و تخت مهان * و اول ائاده اسکندر دارایی قتل ایتموب حیایه ایکن بنده
کرفتار ایدوب حضور یمه احضار ایدک دیوندا ایتدر دی هماندم اول
ایکی شخص کافر نعمت مرده کان اسکندر کلوب احوالی بیان اسکندر
دخی شتاب ایله اسبدن نازل و نزدیک دارایه واصل اولوب قتل اولغسی
مرادی اولمدیغنی تقریر و اعلام ایلدی و اول وقتنده دارانک جان
شیر بندن بر رمق قالوب مقدر بویله ایمش دیدی * درین صحرای بی پایان
غیرا * سکندر خورد اسب عمر دار * یعنی عمری اسپ سور جدی
سکندر خورد * مثل اولوب بر کپسه نک آتی یا کندی پای لغزیده اولسه
ایراد اولنور (این از فلکست و از حسن نیست) مصرای دخی مثل اولوب
بنم صنعم یوقدر مقدر بویله ایمش دیه جنگ محله ضرب اولنور مقرری
بودر که محمد شاه نهانندینک بر چر کین فرزندى تولد ایتد کده زنده
تهمت ایدوب بویله بنم دکلدر حسن کلاه دوز نام بر چر کین کپسه
ایله زنا ایدوب اندن حاصل اولدی دیدی خانون دخی بو مثل ایراد
ایلدیوب شاعر ماجرای حکایت ایدوب دیدیکه * چون بازن خویش
گفت شد محمد * کین بچه زشت کار من نیست * این از حسن کلاه
دوزست * حقا که درین سخن سخن نیست * زن نیز جواب پخته گفت *
این از فلکست و از حسن نیست * بعده اسکندر دارایه بر وصیتک
و ازایسه شفیع ایدرم دیونوازش دارا دخی وصیتم قائم اولان ایکی
شخصی قتل ایله که کرم و احسانه نائل و دولتمده مراتب علییه واصل
اولشلردی و حرم سرای عصمتده بدختر پاکیزه م وارد که نامنه
روشنک دیرلر کندو که تزویج و فرزندک تولد ایلد کده نامنی اسفندیار
تسمیه ایله دیوب تسایم روح ایلدی اسکندر دخی اول ایکی شخص
کافر النعمی احضار و ولی نعمته خیانت ایده نک جزاسی قتلدر دیو
اشد عقوبتله قتل ایدوب سائر عسکر فرس بریشان اولوب اسکندر تختگاه

دارا اولان بابل را هی وسیر پردارایه جالس و خزینه وجواهر اسلحه سنی
ضبط و روشنگر بانوی کنیدویه تزویج و نکاح ایلدی روایت آخرده
روشنگر دارانک زنی اولوب حسن و جماله عذیم المثل ایلدی هر ویدر که
اسکندر روشنگر تقریب ایتیموب خوفم بودر که بن دارایه غالب اولدم
روشنگر دخی بکاغالبه اوله دیردی و دارانک مدت ملکی اوتوز سنه
اولق اوزره روایت اولمشدر چونکه اسکندر مملکت فرسی ضبط
ایلدی کندی عسکر یله لشکر فرسی جمع ایلیموب یک کره یک روایت
آخرده دخی اکثر عساکره مالک اولوب مملکت فرسده اولان اتشکده لری
هدم و اعدام و محوس و آتش پرستلرک علماء و دانشمندلرین قتل ایدوب
عظما و اشراف فرسی دخی قتل ایتک ایچون استادی ارستطالپس
ایله استشاره بی متضمن بر مکتوب ارسال ایلد که مال مکتوب بودر کرچه
بوکردش کردون حوادث روزگار و وقایع قباب و از کونه مساعده سبله
کام دل حاصل اولدی لکن جناب والامزله لری حکمتنه ضروری
احتیاجی و رأی سدید اصابت مدار لرینه بدیهی افتقار بمن اعتراف
واقرار اولنوب انکاره مجال امر محال اولغله هر خصوصه اعانت
وامداد بیور مکر لازم و اقدام اولدیغی حضور عالیترینه اعلامد نصکره
دارای اصغر ایله محاربه اثناسنده ایکی شخص بد سرشت قتل
ولی النعمی به تجاسر و مقابله سنده بزدن کرم و احسان و مراتب
علیایه نائل و صاحب سروسامان اولق ارزومیه تیشیر ایلد کارنده
کار بد لرینه جزاء و مکافات اولغیچون قتل ایلدم و ارض جزیره بابلدن
گذر و فارسه وصول مبشر اولد قدده ملوک زاده لری و اشراف واعیان
فارسی جمع ایدوب کورد مکه هر بری بر مرد شجیع و تمرد و عناد لری
قوی و بزه انقیاد و انباعلری امکانه اولیموب لشکر فرسه تغلبن قضا
وارادت از لیه ایلد اولمش یو خسته العیاذ بالله تعالی بر کره فرصتیاب اولسه لر
کنند و له عسکر انجم شمارله مقاومت ممکن اولدیغی معلوم اولغله
ملوک زاده و اشرافی قتل و عدم ملکنه راهی اولان اسلافه الحاق
و مقتضای عقل و دانش و مبتغای حزم اجتناب اولدیغی بی مرادر که

خوف دشمن بر طرف و قلوب امن و راحت و دفع رعب و خوف ایدردی
لکن بادی رأی ایلد عمل و عجله دأب دور بینان و عادت عاقبت اندیشانه
مخالف و غیر محمود اولدیغندن ماعددا جناب دقیقه دانه و حکمت شناس
و صاحب ادعاندن استفسار و استمداد ایتدیکجه بر امره مباشرت نه احتمالدر
امدی کرم بیوزوب رأی صائب قرینلرینه حواله اولنان عقدیه مشکلمز
حل و بیان بیوزوب سزل و بزلر دائما سلامت و عافیتده اولایز و السلام
و ارستطالپسک مکتوب اسکندر جواب اولق اوزره تحریر ایلدیکی
مکتوب بودر طرفزه مکتوب بکر کلوب اداره نظر اولنوب بزمه استشاره
بیورلدیغی معلوم اولمشدر بزم رأی بزم ملک حضرت لرینک رأیه کوره
وجود عنندنه عدم مثابه سنده در لکن امر بکره امثالا وسع و قدرتمز
مرتبه سی ملاحظه اولنوب ذهمنه لایح اولان بودر که البته هر بر بقعه
و مکانه فضل و شرفدن بر قسم احسان اولنوب ارض فارسه اقسام
فضائلدن شجاعت و مکنت و قوت و یرلشدر و اگر ملوک زاده و اشرافی
قتل ایدرسک لاجرم منازل و مراتب لرینی اسافل و ادانی و فرومایکان
وارث و قائم اولور ملوک ایسه بوندن اعظم و اکبر بر بلیه یوقدر که اسافل
غالب و عالی ذلیل اوله رأی بکر بوندن اقبیح و اشنع در که عالی و اصل زاده بی
اهلاک و اسافل فرومایه بی ضروری مقام لرینه اقامت ایتدر مکه محتاج
اولور سز امدی غایت بوندن حذر ایله که فرصت ایلدی فرومایه کانه
کیرد کده ایچلرندن بری طغیان ایتک لازم کلسه سنک عسکرک و رعایای
مملکتک اوزرینه هجوم و خراب و برباد ایدوب مملکتکی پریشان
ایتمی امر مقرر در پس مناسب اولان اصل زاده و اشرافی جمع و مملکت
فرسی میانلرنده توزیع و هر برینه برر قطعه تعیین و سرلرینه تاج وضع
و سر بر شاهی به اجلاس ایدوب هر بری ملکندنه مستقل و مستعبد
اولسون مملکتلری بر ر ناحیه صغیر الدائر ایسه ده انلر تاج شاهی لابس
اولد قدده بر برینه سرفرو و بر فرد خضوع و خشوع ایتیموب هر بری آخره
کردنکش اولوب میانلرینه عداوت دوشوب کهی معارضه و کهی مقاتله
کیمی غالب و کیمی مغلوب و هارب و کینه ادبار و کینه اقبال و نمود اولوب

هر بری سکا اموال و خزان ارسال و دعوائی تقرب و انتساب ایله مباحثات
و امریکه امتثال و حضور کده خدمت و غیابکده ثنا و مدحت ایدوب
سن مملکتکده اسایش اوزره دشمندن امین و سالم اولوب برطرفه سفر
و حرب ظهور ایتسه انلر نصرت و اعانتکه اقدام و کوشش ایدوب
مملکتک نظامی برقرار و متمادی اولور و السلام و قناتکه اسکندر
ارسطونک مکتوبنی ملاحظه ایلدی نفس الامر مطابقی و شان ملوک
بوگونه حرکت لایق اولدیغی معلومی اولدی ملوک زاده و کبار
و اعیانه ملکی توزیع ایلدی و بونلره ملوک طوائف تسمیه ایدوب شرق
جانبه توجه ایلدوب ملوک طوائف سوقبله مدینه اصفهانی و هراتی
و غیر قندی بنا و احداث ایلدی بعده اقلیم هنده راهی و تختگاه
کنید هندی به قریب اولدقده کنید هندی پیک فیل دمانه پیک
مر دتبع زن سوار و فیللرک خرطوملرینه بر تیغ هندی بند ایدوب لشکر
اسکندر ره هجوم و اسکندر عسکرینک اسبلری فیللردن هر اسان
و مدبر فرار ایلدکلرنده اسکندر بر محله نازل و نحاسدن بر فیل مهیب
الشکل صورتی برداخته و جوفنی غار مثالی خالی ایتدیروب اسبلره اراءت
و میانلرینه وضع و هزار مشقته تألیف ایدوب اسبلره فیل ایله موانست
حاصل اولدقده فیل ساخته نك جوفنی نفت و کبریت ایله مالی و فیل آلت
حر بله تزیین و کند و اسب سوارلر یله دشمنه توجه و طرفیندن آتش
قتال مشتعل و هندی فیللر لشکر اسکندر ره هجوم ایلدکده فیل مصنوعی
اوزر لرینه یوریدوب قتیله نفی اشعال ایلدکلرنده عسکر هند فرار
و فیللر دهشتلرندن حرکتیه بی مجال اولوب بی توقف فرار ایلدیلر
و عساکر اسکندر خرطوملرینک تیغ آتش بار ایله دویغنه ایلدوب
عسکر هند بالکلیه فرار ایدوب اسکندر منصور و مظفر اولدی بعده
صیندن مانگیر نامنده اولان ملک طرفنه راهی و واصل مانگیر دخی
عسکر یله اسکندر ره مقابل و طرفندن آدم ارسال ایدوب یا اسکندر
نه سبیلله بو عالمی افنا و اهلاک ایدرسن **اکرم** مرد ایسک
میدانگه کرسنکله مردانه جنک ایدلم سن بنی قتل ایدرایسک ملک
سن اولورسون اگر بن سنی قتل ایدرسن بن ملک اولوب جهانی

سنک بدگدن خلاص ایدرم دیدی اسکندر دخی مانگیرک اگر سن بنی قتل
اید رسک لفظیه بدء **کلام** ایلدیکنی فال خیر یلوب مهابت
و صلابتله میدان رخس سوروب مانگیرنی رزمه دعوت اولدخی میدانه
شتاب و مغرورانه حرکت ایله اسکندر ره مقابل اولوب بر رینه حمله و هجوم
و عاقبت اسکندر مانگیرنی تیغ ایله دویغنه و قتل و مملکتنی ضبط ایلدی
نتیکم فردوسی دیمشدر * سکندر چو باد اندر آمد بکرد * بز تیغ هندی
بر آن شیر مرد * بیریدی برو کردنش * دو پاره بخاک اندر آمدش *
بعده بلاد صینه هجوم و هر واردوغی مملکتی ضبط ایدرک اکبر ملوک
صینه مقابل برجای وسیع الاطرافده خیمه انداز و جنگ و رزمه شروع
و آغاز صد دنده ایکن نصف الیلده دربان حضور اسکندر ره دخوله رخصت
خواه اسکندر دخی مرخص ایدوب دربان تقبیل زمیندن صکره ملک
صین طرفندن ایلمچی کلوب مجلس عالیله دخوله اذن طلب ایدر دیدی
اسکندر دخی مساعده و ایلمچی **کلام** تقبیل زمین و اجرای آیین
سلاطین ایلدکده صکره اسکندر بی وقت مجیئندن استخبار و مرادندن
استفسار ایدوب ایلمچی حضور سعادتله تبلیغ ایدله حکم خصوص
خلونه محتاجدر اغیار دن تخلیه مجلس بیورک دیدی اسکندر دخی
ایلمچینک اوزرنده آلت جارحه اولماسون دیو تفتیش ایتدیروب آهنه
متعلق برشی بولنمادقده مجلسی تخلیه و تبلیغ خبره امر ایلدوب شخص
مزبور بن ایلمچی دکلم صین ملکی بم دیدکده اسکندر ای ملک صین
بندن خوف ایتدوب ضرر ممدن نه ملاحظه ایله امین اولدک دیدی
ملک صین دخی ای فرمان فرمای بحر و بر سنکله میانم زده عداوت
اولد یغندن ماعدا مسموعمدر که سن عاقل و عاقبت اندیش و حکیم
حکمت شعار بر ملک عادل سن فرضا بنی قتل ایلدک قطعا فائده مند
اولماز سن ز بر این قتل اولنسم و کلاء صین بریمه آخر ملک نصب
و سریر شاهی به اجلاس و سنکله مقاتله ایدرلر و سنی غدر و حیلله ایله
الی آخر الزمان ذکر و یاد ایدرلر لکن بنم اوزریمه عسکر چکوب کلمدن
مرادک هر نه ایسه افاده ایله بز دخی اکاکوره حرکت ایدلم دیدکده

اسکندر اوج سنه لك ايرادكي مؤجلا ونصف ايرادكي مجلا طلب
ايدرم ديدى ملك صين دخی تنزيل رجا و ايرادينك سدسنه اسکندري
ارضا اول ساعت وداع ايدوب کتدی چونکه صباح اولدی اسکندر
انی کوردیکه ملك صين لشکر بی پایان ايله صف کشیده و حربیه آماده
اولش اسکندر دخی نجب کان عسکرینه نظام ورزمکاهه توجه
و مقاتلهیه آماده و نکران اولوب ای ملک صين وغدار و پیوفا آگاه او اکه
بوکون سکا حدیکی بیلدیروب مکر و خدیعه مفید اولمديغنه واقف
ایده حکم دیوند ایلد کده ملك صين لشکر دن چیقوب منفردا اسکندره
زدیک او اوب عهد شکن دکلم لکن مرادم بودر که معلوم شریفک
اوله سکا اطاعت و انقیاد قتل و ضعف عسکر و مقاومت عدم
قدرتدن اولوب احضار ایلد بیکم عسکرک اضغافی حال تحت
حکومتده اولوب لشکر بی شماره مالکم لکن ملاحظه و مشاهده ایلد مکه
سکا عالم مسخر و دولت و ظفر مقبل و سنکله مقاومت امر مشکل
بناء علیه انقیاد ایلدیم دیور خشنیدن نازل و حضور اسکندر ده تقبیل
زمین ایلد کده اسکندر اسبدن اینوب سایه بان وضع اولنوب ایکی
پادشاه مربع نشین امن و امان اولوب اسکندر ای ملک صين سنک کبی
بر عاقل و متواضع شاهدن اخذ خراج روا اولمده غله عفو ایلدیم دیدی
و ملک صين سنک عفو کره مکافات بزه دخی لازم اولدی دیوب اسکندرک
تعیین ایلد یکی مالک ضعفی ارسال و اهدی ایلدی بعده اسکندر هر نه
جانبه توجه ایلدی ایسه ملوک استقبال و انقیاد ایدوب مملکتلرینه
مالک اولوردی چونکه شرق و غربی احاطه ور بع مسکونه متصرف
و مالک اولدی شهر زوره توجه و نیجه زمان اسایش و اقامتد نصکره
انحراف مزاجه مبتلا و کیده رک مرضی مشدد و محتضر اولوب قضاء
نحب ایلدی مده ملکی اون التي سنه و مدت عمری اونوز التي سنه روایت
اخراده متجاوز اولوب وفاتی ايله هجرت نبوی میانی التي بوز سنه در
و اسکندر ده علایم موت ظهور ایدوب محتضر اولد قدده مادری
اسکندریه ده اولمده مژ بوره به بر مکتوب ارسال ایلدیکه بر اولمده

ترتیب و اسکندریه ده موجود اولان زنائی دعوت و اطعام ایده لکن
شول شرط ايله که اهل و عیال و اولاد فقدان و افتراقندن برینک جگری
خون اولان نسوه به اذن و یرمیوب آتش حسرتله درونی سوزان
اولمسانلره اباحه ضیافت اولنه دیون باز و افاده ایلدی مادر اسکندر
خوان نعمی کشیده و آماده و هر برندن سؤال و استفاده ایلد کده
بودر ايله درد مند اولمديق برزن بولمادیکه فرزندی اسکندرک
توصیه سی اوزره اطعام اولنه اول وقت مادر حسرت زده و فرقت
رسیده نک معلومی اولدیکه اسکندر وفات ایلدوب مکتوب تعزیه نامه در
و اسکندر احتضاری حالده کندی عود و عنبر و مسک عیبر ايله
آلوده ایدوب التون تابوته وضع و اسکندریه به مادرینه ایصال ایده لر
دیو و صبت و کلاسی دخی تنفیذ ایلد کده ارستطالپس اسکندر اولدیکی
وقت اول زمانک حکمائی ایلدکاری کبی حکمادن اون عدد حکیم ذو
فنون جمع و احضار ایدوب هر بریکز برر حکمت امیر کلام سرمد و ایراد
ایدک که خواصه تعزیه و عوامه نصیح و پندی مشتمل اوله دیو امر
ایلد کده حکمادن بری مأمور اولدیغی پند امیر کلامه اغاز ایدوب
ای اسکندر بوکون عسکر و حشمت و شوکتدن عاری اولدیغک حالده
صباحلده ایکنجی حکیم بو اسکندر بر زمان ربع مسکونی قبضه تصرفنه
اکوب ضبط ایلشدی شمعی ایکی ذراع ارض اسکندری ضبط و حبس
ایلدی او جنجی حکیم عجبر که بویه قوه قاهره صاحبی اولان مغلوب
اوله پس ضمه فائک مغلوبیتی اسهل و اهوند در دنجی حکیم بو اسکندر
بر سفره آلت حرب و سلاح سز راهی اولما مشدر اما بو سفره آلتدن
عاری و تنهاراهی اولدی بشهی حکیم ای اسکندر سنک موتکله
مسرور اولانلر قریبا سکا لاحق اولورل نیکیم سن موتلریله فرخناک
اولدیغک کیمسه ره لاحق اولدک النجی حکیم ای اسکندر بر زمان
رعایایه حکومت ایدردک شمعی رعایا سکا حکومت ایدریدنجی حکیم
ای اسکندر بروقتده سن بزه حرکت ايله امر ایدردک شمعی سکونت ايله
حالت نیجه در سکرنجی حکیم ای اسکندر جوق کیمسه و ارایدی که

سنگ سکونکه حرص ایدر لردی که الان تکلمه حر بصلر در
 طقوزنجی حکیم بوصند و قه ده اولان اسکندر بی نهاییه مرد قتل
 ایلشد بیکه کندی موتدن خلاص اوله لکن بینه نجات ممکن
 اولیوب هلاک اولدی اوننجی حکیم بر زمان اسکندر بزره نطقیه
 وعظ ونصح ایدر دی شمعی سکوتیه پند ایلدی دیوهر بری ختم
 کلام ایلدکلرنده مادر اسکندر دخی اثر حکمایه اتباع ایدوب
 اسکندرک وفاته تسلیم بخش اولان بنم دخی برکون اسکندره ملاقی
 ولاحقه اولمدر دیدکده زن اسکندر اولان دختر دارا روشنگ بانو
 دخی بن ظن ایتمدم که دارایه غالب اولان مغلوب اوله دیوب اسکندری
 دفن ایلدیلر واسکندرک کلمات حکمت امیر ننددر که سعادتمند اولان
 شول شخصدر که بزی بیلیمه بزم دخی اول شخص معلوممز اولیمه
 زیرا معلوممز اولان کیمسه بنگ روزنی دراز واطاله ونومنی ازاله واطاره
 ایده رز دیردی اسکندر سؤال ایدوب سن استاد که پدرکدن زیاده
 اکرام واحترام ایدر سن نه وجهله در بیان ایلد دیلر اسکندر دخی
 پدرم سبب حیاة فانیهم اولوب استادم سبب حیاة باقیهم اولدیفیدر
 دیو جواب وپردی بودخی کلام اسکندر در که عقلک قلب وباطن
 عاقله تولى وتسلاطنى سيفک ظاهر احقه تولى وتسلاطنتدن اشد
 وازید در دیردی ومرتبه نظر رسم وجهی اراءت ایدر اما اقاویل
 حکما وعلما رسم نفسی کوستر دیردی برکون اسکندره برکیمسه حقنده
 نفاق ایدوب فلان کیمسه سنگ مثالب ومعا ییکدن بحث ایدر عقابه
 محتاج ومستحقدر دیدکلرنده اسکندر بعد العقاب معذور اولمش
 اولور دیو جواب داده اولدی وبرکون ابکی کیمسه اسکندر
 حضورنده ترافعه کلوب فصل وحکومت طلب ایلدکلرنده اسکندر
 بن البته برطرفه حکم ایدرم واول آدم بندن راضی وآخر متضجر
 وشاکى اولمدر ایددی حق قنغی طرفه ایسه اظهار واقرا ایدککه
 ایکیز معارضی وشاکراوله سزدیدی وبردزدی سرقه ایدرکن
 اخذ واسکندر حضورینه کتوردکلرنده صلب اولمشند ایلدی

ودزد فریاد ایدوب ای ملک کرچه بوقباحث بندن صادر اولدی
 لکن ارادتمله اولیوب مکرها صادر اولدی دیدی اسکندر بن دخی
 بوآن سنی مکرها رضا وارادتک اولدیفی حالده صلب ایدرم دیوب
 بردار ایلدیلر وبرکون اسکندر شهراسندن برینه غضب ایدوب کندوی
 ننی واجلا ومالنی وره سنه توزیع وتقسیم ایدوب ندماسی سببندن
 سؤال ایلد ککلرنده کندوی نفیم حرمتنه بناء اولوب مالنی توزیع
 ایلدمکه اقرباسی بندن عفو رجاسیله ثقلت ایتمیه لر دیدم وبرکون
 سریر آرای حکومت اولوب قطعاً بر فرد شکوی وشکایت متعلق
 عرضحال ایتمدکده والله بوکونمى سلطنتندن حد وحساب ایتم زبیرا
 لذت ملک خلقک طلب وحاجت لرینی قضا وحصول مراملری ایلد
 مسرور ومظلومانک ظلمی دفع وظالمه ترتیب عقوبت ومستحقینه
 کرم واحسان ایتمکله حاصل اولوردیدی بودخی کلام اسکندر که
 برکیمسه نک سندن کرم واحسان طلبی ایلد ومرام کامنه نائل اولمق
 ارزوسیه کلوب عرض وحاجت ایلشه سندن صکره کله جک
 کیمسه لر سنی خیر وشنا ایلد یاد ایلوب حسن سیرت ایلد السنه ناسده
 مذکور اولمکه سعی ایتمش اولور دیردی * وازد شیر جاهد ملوک
 الطوائف لخروجهم عن طاعتک * وملوک طوائف سنگ اطاعت
 وانقیاد کدن خروج ایدوب عصیان ایلدکلری ایچون ارد شیر ملوک
 مزبوره لره مجاهده ومحاربه وقتال ایلدی ازد شیردن مراد ارد شیر بن
 بایک در که دارای اکبرک پدری بهمن اکبر نسلنددر که بهمن دختر
 حجابی عادتلی اوزره کندویه تزویج واول دختردن دارای اکبر تولد
 ایلشدر ودخترهنوز دارایه حامل ایکن اگر بندن بر فرزند تولد ایدر سه
 ولی عهد ایدوب سرنه تاج شاهمی وضع ایلد دیوب بهمندن نیاز پدری دخی
 عهد ووعدا ایلشدی وبهمنک اخرزندن ساسان نامنده بر فرزندى
 دخی اولوب بهمن مرد اولدقده ساسان عبادنه اشتغال وسباحث
 بلاد قصه دیله برطرفه راهی وکندوفرزند وفرزند زاده لرینه
 هر قغکز سریر آرای مملکت اولور سه دارای اصغر نسلندن واسکندر بن

نصب کرده سی اولان ملوک طوائف قتلی واهلاک ایتمده اهتمام ایدیکر
دیو توصیه ایشدر و اردشیر بن بابک بعض روایانه کوره ساسان تسلیندن
اولوب فرس نائینک ملک اولیدر و ثابته دیمه دن مراد چونکه اسکندر
دارای اصغر که آخر ملوک فرس در قتل ایلوب نسل دارادن اولان ملک
زاده ره مملکتی توزیع و ملوک طوائف تسمیه ایلدی حقیقته مملکت
فرس یونانک تحت تصرفه کیروب اسکندر وفات ایدنجیه دیک قطعا
یونانه سرکشاک ایتدیلر لکن وفات اسکندر دن صکره ملوک یونانک
تقصیرات و سوء تدبیر لرینه بناء ملوک طوائفدن اصطخر ده ملک
اولانلردن بابک فرزندی اردشیر مذکور مملکت فرسی تماما اخذ و ضبط
قصیدله خروج و خلقی اغفال ایچون غرضم عم زاده م دارانک انتقام
و قضاسنی طلب و اخذ در دیوب عسکر فراوان ایله حرکت و طوائف
ملوک طویل الذیل مکتوب ارسال ایلدیکه مائی بودرنتکیم اردشیر بن
بابکم سزلی الله تعالی حضرتلرینه دعوت ایدوب اجداد مـدن
ارث ایله انتقال ایدن ملک فارسی طلب ایتمده باری تعالیدن نصرت
و ظفر امیدنده یمکه باری تعالینک مظلومانه ظفر و عدگری می اولمشدر
سزله کونه باطلی انکار و حقـه اتباع ایدر سکر اولمقدار عافیت
و سلامته اوله سز دید کدن صکره کندویه اطاعت و انقیاد ایتلرینه
حث و ترغیبی متضمن نیجه کلمات تحریر ایدوب فوای مکتوب معلوملری
اولدقده بعضیلری اردشیره اطاعت و بعضیلر عدم اطاعت و انقیاد
ایلله کردنکش اولدقلرنده عسکر انجم شمار ایلله ابتدا عصیان ایدنلری
قتل بعده جدی ساسان توصیه سنه وفاء بقیه سنی قتل ایدوب باری
تعالی اردشیره ظفر و نصرت احسان ایلوب اعداسنه غالب اولدی بعده
ملک اردوان اردشیره مقابل و میانلرنده محاربه عظیمه اولوب اردوانی دخی
قتل و سمرق طوعنی لکد کوب اولوب کندویه شاهنشاه تسمیه ایلدی
نتکیم فردوسی دیمشدر * پیامد ز قلب سپاه اردشیر * چکاچاک برخواست
باران تیر * گرفتار شد در میان اردوان * بداد از پی تاج شیرین روان *
* بدست یکی مرد خراد نام * چو بگرفت بردش گرفته احکام *

* پیا درویش جهانبجوی اسیر * زدورارد و انرا بدید ارد شیر *
* فرو آمد از اسب شاه اردوان * تنش خسته وزار و تیره روان *
* پدر رحیم فرمود شاه ارد شیر * که رودشمن پادشاه را بگیر *
* بخنجر میانش بد و نیم کرد * دل بد سـکالان پرازیـم کرد *
* چنین اسبب کردار بن چرخ پیر * چه با اردوان وجه با اردشیر *
بعده بر خطبه قراءت ایلدیکه مأل معناسی حد و سپاس الله تعالی
حضرتلرینه اولسونکه نعمتله بنی ممتاز و منح و عطایاسنه لایق و بلادی
بکا مسخر ایلدی ای قوم آگاه اولک که بزاقامت عدل و داده و رأفت
و مرحمتـه و ضعفا و فقرایه مدد و عنایته عازم اولوب شروع ایتـمک
اوزره بز قریبا قولم فاعلمـه موافق و مطابق اولدیغن معاینه و مشاهده
ایدرسز دیوب احوال رعایایه نظام و ممالکی تصحیح و ترتیب ایدوب شول
رتبه عدل و داد ایتمده تقید و اهتمام ایلدیکه مقتدی و پیشوی اولوب
خلفا و ملوک اثر اردشیره اقتفا و اول مسـلکه سالک اولوب اتباع ایلدیلر
و اردشیر ناسی اوج طبقه اوزره ترتیب ایدوب طبقه اولی حکما و فضلا
اولوب مجلسنده جانب یمنه جالس اولورلردی و بونلره بطـانه تسمیه
ایتمشیدی طبقه ثابته ملوک و ابنا ی ملوک اولوب مجلسنده جانب یساره
جالس اولوب بونلره خواص تسمیه ایتمشیدی و طبقه ثابته سپهبد
و میراز به اولوب بونلر پیش اردشیرده جالس و میانلرنده و ضیع و ذنی
الاصل و فرومایه بر مرد موجود دکلدی بعده طبقات مذکوریه وزرا
و قضاه طبقه سنی زیاده ایلدی و دنیانی درت قسم ایدوب هر بر قسمه
بررقوم تعین ایلدیکه تدبیر و تحریرنده مستقل و منفرد اولوب آخردن
برفرد تعرض ایده مزیدی وارد شیره دنیا مسخر اولوب هر نه طرفه
توجه ایلدی ایسه منصور و مظفر اولورلردی و فی الحقیقه اردشیر
ممالک فرسده شجاعت و جسارت ایلله نام آور بهادرلرک اشجع واقواسی
اولوب تک و تنها دلاوران و فیره ایلله محاربه و منهزم و پریشان ایدوب
هزار کره پیش اردشیردن فرار ایتد کلری واقع اولمشدر و شجاعت
و قیافته طویل الباع دیمکله شهرت یاب اولان ارد شیر اوله دشابه

ایدی و باع لغتده قولاج معناسنه اولوب عرفده نفس کرم و شرفدن
کایت ایدر لر وارد شیر تانبکه ابن بابکدر زمانده نیجه مدن مشهوره
بنا و ایجاد اولمشدر از جمله اردبیل و استراباد و سواد عراقده حسا
ناحیه سنده کرخ ایام ارد شیرده مبنیدر و باز نیجه زرد از شیر ایچون
وضع اولوب قضا و قدره انسان حیلله ایله مقابله ایده میوب دفعی
امکانده اولدیغنه تشبیه و اشارتی متضمن اولقی اوزره در وابتدا زرد ایله
ارد شیر ملاعبه ایتمکله اول باز نیجه زرد شیر تسمیه ایلدی لر روایت
اخراده زردک واضعی ارد شیر کندی اولوب دنیانک ناسه تقلب و تبدلنه
تشبیه و اشارت قصد ایتمکله دوازده خانه وضعی ایله شهر اثنی عشره
واوتوز پول ایله ایام شهره وایکی زار ایله قضا و قدره مثل و اشارت
ایدوب باز نیجه معهود زار لر تابع اولوب زار ددن برینک لعی زار قوتله
خصمنه غلبه اوزره ایکن عدم مساعدت زار سیبیله تکرار مغلوب
بلکه ینه غالب بعده مغلوب اولوب هزار گونه تقلبات ظهور یله انسانک
مطلبی اولان امره سعی و تدبیری قضا و قدره موافق اولورسه حاصل
بعده و قتیله زوال و فنا سی مقدرا اولغله عدم ثبات و آخره تجاوز و انتقالی
لازم کلمه سنه تشبیه قصد یله زردی ایجاد ایلدی روایت آخرده زرد شیر
دن معرب اولوب ملوک ساسانیه نک اولی اولان شاپور بن ارد شیر وضع
واحدات ایتمشدر شیخ کمال الدین دیدی که شاپور مزبور زردی شو وجه
اوزره وضع ایتمدی که رقع سنی وجه ارض منزله سنه تنزیل ایدوب
تقسیم رباعی بی فصول اربعه به مثال ابتدی و اوتوز عدد پول اوتوز
کون که اکثر عدد ایام شهر در و سواد و بیاض لیل و نهار و اون ایکی
خانه سنه اون ایکی آی وایکی مهره که کعبتین در اقصیه سماویه که
انسانک نفع و ضرر نه مؤدی اولور و عقد ابتدیکی کره انسانک سعی
ایلدیکی غرض و مرام منزله سنه در مرویدر که دیار عجمده باز نیجه زرد
مشهور اولوب یوللری شطرنج کی در وزارلری قورشون دانه سی کی
مدور اولوب کعبتین دیرلر و تاسیجه دیرلر پنجدن برقدسی اولوب ملاعبه
مراد ایلد کمرنده زارلری تاسیجه دیه وضع ورمی ایدر لر و اول قدحه

تاسیجه اطلاق فی مولانا جامینک زاهد ر یابین بوست و تسبیح حقنده انشاد
ایلدیکی بیتدن فهم اولور * مهره چند بود بی سره بن * کف از ان
تاسیجه زرد بکن * و حکماء هندی صصه بن دامن الهندی قصد
معهوده معارضه می اید و شطرنجی وضع ایلدی روایت اخراده هندی
پادشاه لرندن طلحه شاه نامنده بر پادشاه دشمنی ایله محاربه عظیمه ایدوب
مغلوب و منهزم و غیرت و غمندن بیمار و هلاک اولد قدح و والده سی
فراقنه تحمل ایده میوب مجنونه اولقی درجه سنه واصل اولغله برشی ایله
اشغال ایتمک ایچون اتباعی حکمایه می اجعت نصر دهر نام حکیم دخی
شطرنجی تصنیف و مزبوره حضورنده ملاعبه ایدوب اکلندر دی
و فردوسی بومعنا به اشارت ایدوب دیدی * همی کرد مادر بازی نگاه
* براز خون دل از بهر طلحه شاه * نشسته شب و روز پدر دو چشم *
بشطرنج بازان نهاده دو چشم * همه کام و رایش بشطرنج بود *
زطلحه جانش پر ازرنج بود * و موی الیه ارد شیر اون بش سنه سر بر
آرای ملک اولد قدح نصر کره فرزند شاپور مملکتی تفویض و تقلید ایدوب
کندی پیغوله کرین عبادت و اوج سنه مروورنده مبعث عیسی علیه السلام
دنصکره فوت اولمشدر نصایح ارد شیر دندر که دین اساس و بنیاد
و ملوک حارس و حافظ در هر بار که اساس منعدم اوله خانه ویران و منعدم
اولور و بر اساس و خانه نک که حافظ و حارسی اولیه تلف و ضایع اولسی
امر مقرر در و ملوک و رؤسایه فرومایکان و اسافل و سفها ایله الفت
و معاشرتدن اضر و اقیح برشی اولماز زیر طبیعت مباله اولوب نفس
معاشرت شرفا و عقلا و عالی ایله تحصیل شرف و کمال ایتمکله تهذیب
اخلاق ایلدی کی مخالطت سفها و ادانی عرض و وقارنه شأن و نقیصه
و یردیکندن ماعدات تأثر و هم طبع و هم خلق اولوب فساد و شقاوت
درونده جایگیر اولور مثلا باد هوا بر نفیس و طیب اولان شی اوزرندن
وزان اولسه رایحه طویه جلب و کسب ایدوب اول هوا دن نفوس انسانیه به
صفا و جوارحه تقوی حاصل اولور کذلک بر جیفه متعفننه منته دن مرور
ایله وزان اولسه نفوسه الم و کدر و مزاجه فساد و خلل و یرر خصوصاً

نفس و طبعك صلاحه ميلندن فساد و شقاوته مبلى زياده در وارد شيرك
رجال دولتن بطنه سى اولانلردن بر جماعت بنى نوالقدن تشكى ايله
عرضحال ايلدكلرنده احوالكردن شكايته محتاج ايدن كچمه سزده انصاف
و عدل ايله معامله ايتامش ديو تحريرو توقيع ايدوب عدم انصاف ايله
متصف ايلدن مرادى كندى نفسى تعيب و اعتذار اولوب هر برينه
احسان و انعام ايلدى و بر كچمه خير خواهلى قصديه بر مقدار قوم
سنگ بدخواه دولتك اولوب حقكده شو مقوله فصل و مذمت ايدوب
مثالب و معاييكدن بحث ايدرلر ترتيب جزايه مستحق اولديلر ديو بر ورقه به
تحرير ايلدكده ارد شير اول اشخاصك هر برى برر ككه ايله غيا بده
فصل و مذمت ايلشلكن سن مجموع مثالبى بر ورقه به جمع و ترتيب و بكا
تيلغ ايلدك سنگ قباحتك انلردن از يد و افح اولمش اولدى ديو ورقه به
تحرير ايلدى * والضحك استدعى مسالمتك * وضحك سنكده مصالحه
طلبنده اولدى ظن ايلدم لقب ضحاكده آك اولوب بعضيلر ضحاك ده آكدن
معربدرده اون دالك عيب معناينه اولوب ضحاك اون خصلت ذميه بنى
مشتمل اولغله عبارت مذكور هينى اكالقب ايلديلر و اول خصال
مذمومه زشتلك و قصير القامه اولمق و ظالم و بنى حيل اولمق و اكول اولمق
و بدزبانلق و كذب و عجول اولمق و حق در و نسب ضحاكده اختلاف
اولوب بعضيلر ضحك بن اهبوب بن عويج بن طهمورث بن آدم عليه
السلام اولوب زمان طوفانده نصكره چشيد بن هوشنك شاهك
خواهر زاده سى و اقاليمه مالك اولمشدر ديدى و بعضيلر خامس سلاطين
پيشداديان اولوب سيامك بن كيومرث نسلنددر ديدى و بررو ايتده
شداد بن عاد برادر زاده سيدر بو تقدير جه عربدن اولور و بعضيلر
ضحك بن علوان اولوب برادرى سنان ابراهيم عليه السلامك زمان
سعادتنارنده ضحاكى مصره و الى نصب ايدوب اول فراعنه اولمشده
ذاهب اولدى و ملوك فارسه اكاسره و رومه قياصره تسميه اولنديغى كى
ملوك مصره فراعنه تسميه ايدرلر و بعض آخر ضحاك عربدن ابوالمين
اولان خطان نسلندن اولمق اوزره ذكر ايدر حتى بونواس عربدن اولمشه

متن

ذاهب اولوب بويى اذشاد ايلشدر * و كان منا الضحك تحذره *
الهامل الوحش فى مسارب بها * و مسارب جمع مسربه اولوب مى عال
معناينه در لکن روايت اولى به ذاهب اولان اكردن و چشيد اقاليم
سبعه به مالك اولوب آلات حربى اختراع و كرم پيله پيدا ايدوب ابرشيم
تحصيل ايلدى و اهل فساد و شقاوته ترتيب جزا مراد ايلدكده اعمال
شاقه ايله اعمال و سنك خارا كسدير وب و معادن حفر ايتدير وب شكجه
ايدردي چونكه عمرى دراز و دولتى متمادى اولدى تجبر و تعند ايله دعواى
ربوبيت و الوهيت ايدوب كمال مرتبه خلقى تعجز و جور و ظلمى حدى
تجاوز ايدوب جمله ناس روگردان و زوال و اندفاعنه نكران اولغله ضحاك
ظهور و خروج و خلق اتباع و امداد ايلدكلرنده چشيد فرار ايلدى
و ضحاك در بنى و رسیده اولوب دست ايله ايكي بچد يروب اى چشيد
چونكه دعواى الوهيت ايدر دك كندى كى بنندن تخلص ايله ديو
هزل ايدر ك قتل ايلدى و فردوسى شهنامه ده ضحاكك چشيدى
اخذ و دست ايله فرق سرندن مياننه و ارنجه دويتمه ايلديكنه اشارت
ايدوب * نه من پيش دارم ز چشيد فر * كه بيريد پيور ميسانش بار *
ديمشدر كه فرس قديمده پيور اون بيك معناينه در وار لفظى اره دن
مخفف اولوب پيور دن مراد ضحاكدر زير اضحاك صحرا نشين اولغله
اون بيك اسى اولوب پيور اسب ديمككه معروف ايدى نيكيم فردوسى
ديمشدر * بكايور اسبش همى خواندند * چنين نام بر پهلوى رانددند *
بكايور از پهلوانى شمار * بود بر زبان درى ده هزار * پس پيور زبان
پهلويده اون بيك معناينه در و فردوسى پادشاهان سلفى اوج قسم
ايدوب كيومرث دن كيقباده كلنجه پيشداديان و كيقباد دن كينخسروه
كلنجه كيانيان و كينخسرون نوشروانه كلنجه ساسانيان ديمشدر كه
تقسيم فردوسى اوزره ضحاك پيشداديان دن اولور بعده ضحاك تخت نشين
اولوب روز بروز عصيان و طغيانى متر ايد و جباريه دن بر ملا عون عنيد
ظهور ايدوب دين باطل براهمه ايله متدين اولدى و براهمه ديد كلرى
قوم ار سال رسلى منكر اولوب بعضيسى پيغمبران دن فقط آدم عليه

السلامی و بعضی ابراهیم علیه السلامی مقرر اولمغله اول قوم ضلالت
پیشیه بر ابراهیم تسمیه اولندی و مطربان ابتدا ضحاک که طرب بخش اولوب
دینار و درهمی ابتدا ضحاک ضرب و تسکین ایلدی و پادشاهان
سرلینه تاج وضع ایتمکی و رعایان عشر و خراج اخذنی ضحاک ایجاد
ایلدی و ایکی **ک**تفنده مار صورتند بر لحیم زانند پیدا اولمشد بکه
وقت وقت حرکت و ضحاک از عجاج ایدرلردی و کندی حیه اولمق زعمیه
بعض ضعیفایه سری حیه لیمه جرح ولدغ ایتدیرم دیو تخویف
ایدردی و بومارلک از عجاج و ایلامدن مضطرب و بی خواب و راحت
اولوب سکونت و راحتی ایچون هر کون بی جرم ایکی دردمندی قتل
و مغزلی ایله مارلری طلا ایدوب از عجاجلری من دفع اولوب ساکن
اولورلایدی لکن ضحاک بر عاقل و صالح وزیر ی اولوب مغزلی
التمق ایچون اخذ اولنان ایکی کیمسه نیک برینی قتل و بر کوسفند مغزی ایله
مقتولک مغزی امیخته و مارلری انکله طلا ایتدیروب شخص آخری
امصار و بلدان و قراده من بعد توطن ایتمیوب کوهستانده قرار
واسایش ایتمک شرطیه ایله ازاد اول شخص دخی جان شیرینک تخلص
ایچون شواهی جبالده توطن ایدردی حتی طائفه اگر اد ضحاک قتلندن
خلاص و جباله فرار و توطن ایدن اشخاصک نسلندن دیور وایت اولندی
زیرا کردک معنای لغویسی طرد اولوب قوم مزبور قتلندن تخلص و جباله
طرد اولندیغندن کرد تسمیه اولندی * و ضحاک را بر جت ماران گذاشیم *
امثالندن اولوب بر کیمسه بر امر مکر و هی ارتکاب ایتمکله زجت رسیده
اولوب احبابدن بری تخلصه قادر ایکن کسب یدی اولمغله تخلص
ایتمدیکنی اعلام ایچون خلاص بولمسوز دیو حال اوزر ترک ایلدم دیه جک
برده استعمال اولنور و استعمال مزبور بویتمدن فهم اولنور **ک**که
محبوب رقیب ایله هم اغوش اولمسی حقنه انشا اولمشدر * زلفین
اور رقیب بکردن گرفته است * ضحاک را بر جت ماران گذاشیم *
و فی الحقیقه ضحاک جباردن بغی و فساد صاحبی اولوب بویوزدن
دخی خلق کنیدن روگردان و مدت ملکی مدید و دراز و چشمه

فرزندی افریدون دخی نو جوان و ضحاک ایله قتاله مستعد اولمغله
جمع ناس فریدونک باشنه مجتمع و اصفهانده کاوه نامنده براهنکر و ارایدی
ضحاک انک دخی ایکی فرزندنی قتل ایتمکله داغ بردل و کفن بردوش
واخذ انتقامه جاره جوی و دیده دوز و درونی پریش و پر خروش اولمغله
کاوه نیک باشنه دخی و افر خلق تجمع و ضحاک اوزرینه غلو و خروجه
اعانت ایتملرینه عهد ایلد کمرنده کاوه کندوبی شراره آتشدن محافظه
ایچون پیشنه وضع ایلدیکی سختیانی برنیزه اوزرینه وضع و علم ایدوب
خلقه پیشوا خلق دخی کاوه آهنکره اتباع و انقیاد و ضحاک اوزرینه
مجموع ایلدیلر ضحاک دخی طرفدار لریله کاوه به مقابل اولوب دست
کاوه ده علم معهودی معاینه ایلد کده باری تعالی ضحاکک قلبیه رعب
و خوف القا ایدوب منهزم و پریشان اولدقده خلق کاوه آهنکری
تخته اجلاس مراد ایلدیلر لکن کاوه بن نسل ملوکدن دکلم دیوب
خلق اسکات و فریدون بن چشیدی سر بر آرای ملک ایدوب فریدونه
معاونت و نصرت و ضحاک قتل ایلدی و فریدونک تخته جلوسی روز
مهر جانده واقع اولوب عجل اول کونده عیش و عشرت و اظهار طرب
و مسرت ایدب منبسط اولورلر و فارسسی مهرکان اولوب کوز فصلیدر
روایت آخراده ضحاک منهزم اولدیغی زمان حتف انقله مرید اولدی
بعده کاره نیک علمی ملوک قتلده عظیم القدر اولوب در و یاقوت ایله
ترصیع و تزیین اولنوب هر طرفه که محاربه قصه دایده لر علم کاوه ایله
تیرک و نیملرینه بنه پیش عسکرده تعظیم و احترام ایله چکرلردی
و اعتقاد لرنده بنو اسرائیل عندنده تابوت نه کونه عظیم القدر ایسه
علم کاوه ملوک فرس عندنده اول رتبه عظیم القدر ایدی و بوعلمه
درفش کاوی تسمیه اولنوردی حتی فردوسی شهنا مده * درفش
تختن مر اور ایدید * بدو چند اعدام هابت رسید * دیو و وصف ایلدیکی
درفش کاویدر دامن آخراش ملوکده محفوظ اولوب یا بزد جرد بن شهریاره
کلنجه شاهن شاهه ارث ایله انتقال و بزد جرد دن قادمیه وقعه سنده
عسا کر مسلمین اخذ و عمر بن الخطاب رضی الله عنه حاضر تلیزیه

ایصال ایلد کده حضرت عمر اوزرنده اولان جواهر نفیسه بنی مسلمانانه
توزیع و تقسیم ایلدی و تابوت بنی اسرائیل دیدکلی بود که وقتا که
بنی اسرائیل باری تعالیٰ تک اصطفیٰ و اختیار ایلدکارینه مملکت تعین
ایلدیکنه حجت و دلیل طلب ایلدیلر موسی علیه السلام بانی اسرائیل
آیت ملکی سزله تابوت اتیاندر بیوردی و تابوتدن مراد خشب شمشاددن
پرداخته صندوق توارت اولوب قدی اوج ذراع مقداری و عرضی
یکی ذراع مقداری اولوب زرخالص ایله تزین ایلشلردی و موسی علیه
السلام اعدا ایله مقاتله ایلد کده تابوتی پیش عسکره تقدیم ایدوب
نفوس بنی اسرائیل سکونت و ثبات تحصیل ایدردی روایت اخراده
صندوقده زبرجددن یا خود یا قوتدن سر زنی کو به نك رأس و ذنبی کی
وایکی جناحلی بر صورت اولوب مقاتله وقتنده اول صورت صیحه ایدوب
تابوت سوی دشمنه سرعت ایله حرکت ایدردی و بنوا اسرائیل تابوته
تابع و در پی اولوب تابوت مستقر اولدقده بنوا اسرائیل دخی ثابت
و نصرت قرین اولورلردی روایت اخراده درون صندوقده حضرت
آدمدن آخر الرسل اولان محمد علیه السلامه کلجه صور انبیا علیهم
السلام موجوده ایدی و بعضیلر تابوتدن مراد قلب و سکنه دن مراد
قلبنده اولان علم و اخلاص و اتیاندن مراد موجود دکل ایکن طالوتک
قلبی نك مقرر علم و قار اولسیدر دیدیلر و ایام ضحاکده واقع حکایاتندرن که
چونکه ضحاک مدت تصرفی متعادی و ظلم و فسادی حدی متجاوز
اولدی خلق تجمع و ضحاکه هجوم و کاوه آهنکر پیش قومده مجلس
ضحاکه داخل و خلق در پی حضورینه کوروب کاوه قوت ناطقه صاحبی
جسور بر مرد اولغله یا ضحاک سکا بواقلیم ملکی اولق اوزره می سلام
ویره لم یوخسه اقالیم سبعة ملکنه و یرله جک سلام ایله می سلام ویره لم
دید کده ضحاک اقالیم سبعة ملکنه و یرله جک سلام ایله سلام و یرک که
مجموع اقالیمه مالکم دید کده کاوه مؤاخذه کونه چونکه اقالیمه مالک
سک بزم اقلیمزه نیچون نواب و مصائبی تخصیص و دائماً بواقلیمدن
تعیش ایدرسن اقلیم دیگره نقل و حرکت ایله بزه بر مقدار امان و اسایش

و یروب انلر ایله جور و تعدیکدن حصه مند و بزی اراحه ایلسک اولماز می
دیونمهبید مقدمات لطائف آمیز دلفنصره حق کولکه آغاز و مثالب
و معاینی تعداد ابتدا کجه ضحاک بالضروره کاوه بی تصدیق و افعال
قیحده دن رجوعه و اخلاق حیده ایله متخلق اولغله عهد و عزیمت
ایلیوب هر کس مسرورا محللرینه منشیر و عودت ایلد کلرنده
ضحاکک بر مکاره و جباره مادری اولوب ناسک تجمع و حدلرینی تجاوز
ایدوب کلام مالایعنی تکلمنه مبادرت ایتدکلی رسید کوشی اولدقده
ضحاکه عتاب ایله مؤاخذه ایدوب سنده بو مرتبه شوکت و اقتدار
موجود ایکن اسافل حدی تجاوز و وظیفه زری اولیان کلمات نامناسبی
حضور کده سرد و ایرادوسن ملائمه جواب و مطلبلرینه مساعدده ایده سک
بعد الیوم سنک وقع و اعتبارک قالمدی نیچون جمله سنی قتل ایلدک دیدی
و ضحاک معلوم اولان تجبر و عتو ایله متصرف ایکن انصاف ایدوب
ای مادر کرچه اعتراض و مؤاخذهک برنده در لکن چونکه بنی مؤاخذه
ایدن کچمه لک حقده تکلم ایلدکلی کلام حق و نفس الامرده مطابق
ایدی هر چند که سطوة و غضب مقتضای سنجه حرکت و مجموعنی قتل
ایتمک مراد ایدرم کلام حق بنه انلرک میانده طاغیر کی حیلوات و اراعه
مانع و دافع اولور دی دیو جواب و یروب فی الحقیقه بر مقدار زمان رفع
جور و ظلم ایدوب بده ینه بغی و فساد ایلد کده مقدمات ذکر
اولد یغی وجه اوزره قتل اولندی و مادر ضحاکک اسمی و دك اولوب
ضحاکدن هزار مرتبه ظالمه ایدی و برشیده طائل و فائده یوقدر دیه جک
برده * لم یبق فی الناس و دك شر من الضحاک و دك مافیه و دك * دبرلر
* و جذیمة الابش تمنی مناد منک * و جذیمة الابش سنک ندیم
و مصاحبک اولغی تمنی ورجا ایلدی ظن ایلدم موسی الیه جذیمة بن مالک
ابن عامر اولوب نسبتی تنوخه یا خود ازده اولغله تنوخی و یازدی دبرلر که
ارد شیر بابک طرفندن عربیه ابتدا جذیمة ملک اولوب یمندن قضاعه
قیبلا سنی ضبط و تصرف ایلوب مسکن و منزلی حیره و انبار ایدی
و مرض برصه ابتلا سی سیدیه ارض تسمیه اولوب حسن تعبیر در

ملاحظه سبله جذیمه الا برش دیمکله شهرت شعار اولوب رأی و تدبیر
صاحبی و عقل و دها ایلله معروف کثیر الهجه بر ملک نام اورلیدی مرویدر که
مومی ایلله ابرش لقبیدن متالم اولمغله یا جذیمه لایرش دیو کندی به
ندا ایدرلیدی و عربدن بعضیسی افتخار ایدردی حتی راجز جذیمه بی
مدح قصیدله بو بیی انشاد ایلشدر * ابرص فیاض البیدین الکلف *
والبرص ادری بالهی و اعرف * فیاض و هاب و جواد معناسنه
و کلف و جهده ظهور ایدن حره که سواد و حره میانده اولان لون
معناسنه و ایهوه عطیه معناسنه لهی جعیدر و ملوکدن ابتدا زمانده
شمع ایجاد و مجلسنده افروخته اولان جذیمه الا برشدر و مومی ایلله
ندیم الفرقدین دیرلر زیر اهر چند که می نوش ایلله بر قدح نوش و ایکی قدح
فرقدان ایچون املا و صوب هوایه می افشان اولوب بر فردی ندیم
اتخاذ ایتزدی و فرق دانی کندی به ندیم اتخاذنه بعضیلر بو گونه زعم
ایذرلر که جذیمه تکهن ایدوب ضریبان نامنده ایکی صنم اتخاذ ایلوب
صنمردن استنشا و بردشمنله محاربه ایلسه صنمردی رزمگاهه احضار
و اعداسنه منصور اولوردی یته بر کون حجاز جایتندن ایاد قبیله سندن
برکروه اتیوه خروج و بصره ایلله کوفه میاتنه منتشر و حیره حواله بسنده
تمکن و توطن و عین اباع نام محله اجتماع ایلد کلرنده جذیمه ایادی قتل
و بریشان قصیدله حرکت و ایاده قریب بر محله خیمه انداز و صنمردی
بر محل محفوظه وضع و نکهبانلر تعیین و اول کیچه انده اسایش ایلوب
ایاد کندولر دز برقاج شخص انتخاب و جذیمه طرفه ارسال و صنمردک
نکهبانلرینه نقل و شراب و یروب عرض محبت آمیزش عبش و نوش
ایده رک نکهبانلر سرمست و ییهوش اولنجه صحبت متمادی
و عالم اغیاردن خالی اولدقده صنمردی اخذ و ایاد اولدیغی محله شتاب
و صباح اولمزدن مقدم سلامنه و اصل و صنمردی حفظ و حراست ایدوب
مراد لری حاصل اولوب قبیله ایاد جذیمه به آدم ارسال و بو گونه اعلام
حال ایلدیلر که یا جذیمه صنمردک سندن آزرده و بی زار و بزره راغب
و خواهشکر اولمغله قبیله مرده صاحبیلر اگر بزمه مقاتله و محاربه دن

فارغ اولمغه عهد و میثاق ایدرسک یسه صنمردی مکا ارسال ایده رز
والاصمردن مأیوس اول دبدیلر و جذیمه بریشان حال اولوب مقاتله دن
فارغ ولورم لکن صنمردی وعدی بن نضری طرفه ارسال وعدی انیس
و جلسیم اولوب یا نمده اقامت ایتکه راضی اولورسکنز فیهما والامقاتله دن
فارغ اولمام دیو جواب و یروب ایاد دخی رضا داده و صنمردله عدی
بن نضری ارسال ایلدیلر مومی ایلله عدی طرفای عربدن خوش لهجه
و صاحب جال بر محبوب اولوب آل نضردن ظهور ایدن ملوک مزبور
عدیه نسبت اولنور چونکه جذیمه عدی اخذ ایلدی ایاد ایلله سینه صاف
و تختگاهنه عودت وعدی کندویه ندیم و همبزم و ساقی مجلس خاص
و عبش و نوشه اغاز و فرح و شادی ایلله نواساز اولدیلر جذیمه نک
بر خواهر دوشیره سی و اراید یکه نامی رقاش و حسن و جمال و لهجه
کفتارده عذیم المثل و بی نظیر اولوب عدی دخی حسن و بهای و ظرف
و ادب صاحبی اولمغله رقاش عدی به وعدی رقاشه دلدادده و بر برینه
ذردیده نگاه ایلله عرض محبت و اشتیاق ایدرک بر کون رقاش عدی بی
تنها بولوب برادر مست و سرگردان اولدقده تزوجی طلب و نیاز
ایلسک مأمولدر که کیفیت باده ایلله رضاداده اوله دیوب عدی فرصت
خواه و عبش و نوش متمادی و ارباب بزم بشقه بر وادی طرح ایدوب
بخار باده دماغه رسیده اولدقده عدی جذیمه به عرض مرامه اقدام
ورقاشی بی تحاشی طلب و ابرام جذیمه دخی سرمست اولمغله رضاداده
اولدی عدی تا خبر ایتوب ارباب مجلسی اشهاد ورقاشی عقد و نکاح
و اول کیچه نخلتگاهه داخل و کام دلته نائل و سحرری مجلس جذیمه به
البسه فاخره ایلله کیروب جذیمه البسه جدیده مشاهده و سینندن
سؤال عدی دخی بو کیچه نخلتگاه رقاشه داخل اولوب دامادلق لباسی
اولدیغن افاده ایلد کده جذیمه کچدن مأذون اولدک دیدی عدی دخی
ملک حضرتلری اذن و یروب ارباب بزم شاهد عدلدر دید کده جذیمه
واله و حیران و الم و غضبندن ییهوش و بی توان اولوب سرفرو برده
تفکر اولدقده عدی فعل نامناسبه فادم و یشبان و تلف نفس خوفیه

فرار ایدوب نه جانبه کتدیکی بدید و نمایان اولد قده جذیمه غضبندن
 بوقطعه بی انشاد و خواهری رقاشه ارسال ایلدی * خبرینی وانت
 لاتکذیبی * ابجر زیت ام بهجین * ام بعد وانت اهل لعبد *
 ام بد و ن فانت اهل لدون * یعنی ای خواهری خبر دار ایل و دروغ
 و کذب ارتکاب ایل که حر حسب و نسب ایل می زنا ایلدک
 یو خسه فرومایه و بد اصل و لثیم ایل می زنا ارتکاب ایلدک یو خسه عبد
 ایل می که سن اکاسزا و لایق سن یا خود عبد دن ادنا ایل می زنا
 ایلدک که اکادخی سزا سن دیدکده رقاش ای برادر حاشا که زنا
 ارتکاب ایلش اولم بلکه بشدن اذنسز سنک امرگاه امرای عربانندن
 برامیر عقیه نکاح ایلدیلر دیو جواب داده اولد قده جذیمه رقاشدن
 کف ید و ند ماسنی طرد و ابعاد و فرقدینی کندوبه ندیم اتخاذا ایلدی
 و رقاش عدی دن حامل و بر پسر تولد و نامنی عمر و تسمیه و کهواره
 اغوشده پرورش و تربیه ایدوب عمرو رسیده سن تمیز اولد قده البسه
 نفیسه ایله تربین و رواج طیه ایل و وجودنی تعطیر و حضور جذیمه به
 احضار ایلدکده خواهر زاده سنی مشاهده و عظیم محبت و علاقه
 ایلوب کندی اولادی ایله معا تر بیه اولمسنی و مجلسندن منفک
 اولماسنی مراد ایدنجیه رقاش رضا و یروب بر مقدار وقت گذران
 ایتدکده لطافت هوا و جودت ربیع و بهار سبیله جذیمه دشت
 و صحرا تفریحی قصد و بر فرج بخش باغه نقل و حرکت و بر از زمان
 اهل و اتباعیله انده مکث و اقامت ایدوب اولاد جذیمه عمرو ایل بر طرفه
 کشت و گذار و سیر صحرا و لاله زار و تفرجکنان بعض محارده منترا جتا
 ایدر لردی و هر چند که منترک اعلا سته ظفر یاب اوله لر جذیمه نک
 اولادی اکل و تناول و عمرو همیانه وضع و حفظ ایدردی و تمام سیر
 اولد قلدنده جذیمه طرفه عطف عنان و جذیمه به ثناخوان اوله رق
 عمرو مجلسنه داخل و اجتناب ایلدیکی منتر لری جذیمه به اهدا و بویینی
 انشاد ایلدی * هذا جنائی و خیاره فیه * وکل جان یده الی فیه *
 یعنی بنم دوشردیکم منترک اعلا و مختاری بوهمیانه در و هر منتر

دوشیرین نم و دهانند تفریق و اسکل ایلدی جذیمه دخی محظوظ
 و مسرور اولوب عمرو ی در اغوش و کردانسه بر مرصع طوق
 وضع ایلدی و اول وقت کنجیه عرب طوق لابس اولوب ابتدا
 عمروده مشاهده اولندی * و هذا جنائی و خیاره فیه * مثالدن اولوب
 بر کیمسه بر خدمتده کندی نفسنه فائده ملاحظه ایتوب مجموع تحصیل
 ایلدیکی مالی کتورب افتدی سنه تسلیم ایلسه بو مثل ایراد اولور و بعد
 زمان عمرو صحرا ده کشت و گذار ایدر کن جنلر قاپوب نابید و نا پیداه
 اولد قده جذیمه المناک و غمناک اولوب افاتی جست و جوا ایتد یروب
 اثر و نشانندن خبردار اوله میوب مأیوس اولدی و بونک اوزرینه
 نیجه زمان مرور ایدوب قضا عهدن فار جک ایکی فرزندی که برینه
 مالک و برینه عقیل دیر لردی جذیمه زیارتنی ارزو و شام طرفندن بادیه
 پیا و جذیمه به بر مقدار هدیه نفیسه ایل شد رحل ایدوب کلور لر کن
 اثنای راهده بر شخص عجب الشکل بدید و نمایان اولدی که کرچه
 نوجوان اما ناخن لری چنگال و جعد و طره لری قتیله قتیله و کندی
 عربان براجمو به زمان که رویتندن غوله دهشت و دیوه وحشت
 کلوردی مالک و عقیل خوف لرندن سن کیمسک دیو حالندن استخبار و نام
 و نشانندن استفسار ایلد کلرنده جذیمه نک همشیره زاده سنی عمرو
 دیوب جنلر صید و شکار و هزار دردد و محنته گرفتار اولدیغنی نقل ایلدی
 مالک و عقیل دخی سر گذشتنه حیران و جذیمه به بوندن اعلا و برتر
 بر گذار و ارمغان اولماز دیو ناخنلرین بریده و وجود و کاکلرین شست
 و شوی و لباس فاخر الباس و رواج طیه ایل تعطیر ایلوب جذیمه به
 ایصال جذیمه دخی شاد و خندان اولوب کردتی طوقدن بزرک و غلبه
 مشاهده ایلدکده * شب عمرو من الطوق * دیوب جذیمه نک بو کلامی
 مثل باقی قالدی روایت اخرا ده کبر عمرو من الطوق یا خود جل عمرو
 من الطوق دیوب مثل اولدی و طوق کردن بند معناسنه در بجن بر کیمسه
 نیجه زمان دوستانندن برینی کور مسه حین ملاقاتده مرور از زمان کثیره دن
 کلاه ایله بو مثل ایراد ایدر یعنی عمرو شاب و توانا اولوب طوق کردنده

ضیق اولمش دیمک کمال سرورندن مالک ایله عقبله مرادیکنزهرنه ایسه
 سوبلیک مجازات ایده بم دیوب انلردخی جذیمه به ندیم اولتی رجا ایلدیلر
 جذیمه دخی رجارینه مساعدده وایکبسنی قرق سنه ندیم بزمی و محرم رازی
 ایلیوب مالک و عقیل بر مجلسده تکلم ایلدکلرینی مجلس آخرده تکلم
 واعاده ایتمدیلر و ندیم لره طول صحبتدن کبابه ایله ضرب مثل اولنوب
 کندمانی جذیمه دیرلر حتی مقیم بن نویره کندی برادری مالک مرتبه سنه
 * وکا کندمانی جذیمه حقبة * من الدهر حتی قبل لن یتصدعا *
 فلما تفرقا کانی و مالکا * لطلول افتراق لم یت لبلة معا * دیوانشاد ایلیوب
 ندمانی ایله مالک و عقیلی مراد ایلدی دیور وایت اولنوب بعضیلر مرادی
 فرقداندر دیدی و تصدع تفرق معناسنه در مر ویدر که بر کیجه جذیمه
 زیاده سکران اولوب مالک و عقیلی قتل و سحری صحوه کلد کده نادم
 ویشچسان اولوب مزبورلره تربیه بنا ایلدی بعده جذیمه روم ایله فرس
 میاننی حاجز اولان ارض کوفه ده مشکن ازاسنده حضر نسیمه اولنان
 بلده ده ملوک طوایفدن معدوده اولان ملکه زیاده بی تزوج قصد و طلب
 ایلد کده زیاده رضاداده و جذیمه بی دعوت و کندی مملکتده زفاف
 ایتمسنی نیاز جذیمه دخی ارکان دولتیله استشاره ایلیوب هر کس زیاده
 مملکتته راهی و دعوتیه اجابت و خاطر زیاده رعایت اولتمسنی مناسب کوروب
 اتباعندن قصیر بن سعد اللحمی دور بین و عاقبت اندیش بر عاقل
 ولیب کیمسه اولمغه جمله به مخالفت ایلیوب خلاف عادتدر که رجال
 زنان طرفته راهی اوله زیر اهر و سان خانه شوهر کله کلمشدر دیدی لکن
 جذیمه اصفا و کلامنه اعتبار ایتمیوب محمل بند عزیمت و بقعه نام منزله
 رسیده و اول کون انده اقامت و تکرار اتباعیله استشاره و هر کس عقول
 قاصر لره کوره بر کلمات بی معناسو یلیوب سوز قصیره کلد کده ای جذیمه
 بورای ناصوابدن رجوع و تخیلگاهکه عودت ایله که خونک چهره کدن
 سیلان ایده بور کندیکه مهلکه به القابده یورسک دیوب نصیحت آمیز
 نیجه کلمات سرد ایلدی اما جذیمه به تأثیر ایتمیوب ینه زیاده جانبینه عطف
 عنان و تخیلگاه زیاده قریب اولد قده زیاده طرفنده آلات حربیه مستغرق

عسکر بی حساب جذیمه بی استقبال ایلیوب اطوار عسکردن مراد لری
 نمایان وسوء قصد لری آشکار و عیان اولد قده جذیمه قصیره توجه
 و تخیلص نفسنه چاره جو و تدبیر ورای ندر دیو استمداد و تکاپو ایلد کده
 قصیر * ترک الزای بیقه * دیدی قصیرک بو کلامی مثل اولمشدر
 (بیقه جزم الامر) دخی مثل اولوب بقعه ده امر قطع اولنوب تمام اولدی
 دیمکدر و بقعه شامده بر موضعک اسمیدر بعده قصیر جذیمه نک عصا
 نامیده براسب صبار فزارنه سوارا تخیلص نفس ایلیوب سوی سلامتیه
 رسیده و قرار ایلدی و جذیمه بی لشکرز باه اخذ و حضور زیاده احضار
 ایلد کلمشدر جذیمه نک ایکی دستنده اولان عرق لری بی قطع ایتمدیروب
 خون جذیمه تمامار یزان اولوب هلاک اولدی و مدت ملکی التمش سنه در
 * و شیرین نافست بوران فیک * و شیرین سکاعاشق اولوب بوران
 ایله معارضه و منافسه ایلدیلر یعنی ایکبسی دخی سکا دلدادده اولوب
 میانلرنده منافسه ظهور ایلدی ظن ایلدم مزبوره شیرین نوشروان
 فرزندی هر مرکز فرزندی خسرو و پرویزک زیندر که بر در ناسفته یتیم
 اولوب اعیان مداینیدن برینک حجر و تربیه سنیده اولمغه پرویز دخی
 هنوز طفل نارسیده ایکن اول کیمسه نک داخل حرمسرای و شیرین
 ایله هم سن و هم طبع اولدیندن دائم ملاعبه و ملاطفه ایلیوب نیک
 و بدی فرق ایده جک رتبه به رسیده بر برینه عاشق و دلر بوده اولوب
 میانلرنده ناز و نیاز جریان و طرف چشم ایله اشارت و غمز لری صاحب
 خانه قنده نمایان اولد قده مقرب اولان اتباعندن برینه تنبیه و سپارش
 ایلدیکه شیرینی دجله به اغراق و اهلاک ایده اول شخص دخی افندیسنک
 امری اوزره شیرینی دجله کارنه کنورب القایتمک مراد ایتمدی شیرین دخی
 فریاد و نیاز ایلیوب بی اهلاک ایتمدن سکا نه فائده کرم ایلیوب بی ازاد ایله
 دیدی لکن شخص متمر د بن سنی دجله به القایتمک یمین ایلدم و افندیمه
 مخالفته اقتدارم یوقدر دیو مساعدده ایتمکده شیرین باری بی دجله نک
 بر رقیق محله القایله که خلاص ممکن اولور سه غیبوت و دیار آخره
 سیاحت ایلدم دیو نیاز خدمتکار دخی بور تبه رخصته راضی اولوب

دجله لك بر صیغ بر بنه رمی و القا ایدوب شیرین خوفیدن قهر آیده
اختفا و هلاک اولدی ظن ایلسون دیوحرکت ایتوب شخص معهود
خدمت مأموره بی ادا و اتمام ایلدم ظنیه افندی سنه رجعت ایلدی
شیرین دخی آیدن بروز بر طرفه توجه و راهی و نهایی راهی بر دیره
متناهی اولوب دیره داخل و تهرب و رهبان شیرینه اکرام و برجای
مناسب تعیین و اسکان ایلدیلر و بر مدت مرور و نیجه زمان عبور ایدب
هر مرد و پرویز تخت نشین اولوب قبصر روم تبریک ملک ایچون
پرویزه ایلمی ارسال ایدوب دیرمزبور مر اولغله ایلمی دیره نازل اولدقد
شیرینه پرویزک برخانی بادکار ایدی ایلمی به و یروب اگر خانی
پرویزه ایصال ایدرسک ممنون اولوب سکا اکرام ایدر دیر توصیه ایلمی
دخی خانی پرویزه و یروب کفیندن سؤال و شیرینک محله دن خبردار
ایلد کده فرحناک و بی صبر و قرار اولوب شیرینی احضاره آدم لار سال
و کتوردوب زر و زیوره غرق و فراشته ادخال ایدوب دفع تحسرایلی
و شیرین ظرافت و تغنی و حسن و جالده عذیم المثل و بی همتا اولغله
سائر زنانه رئیس و سرای اموری اکا تفویض و شیریندن غیری به میل
و محبت ایتمک عهده و میثاق ایدوب عراقده حلوان ایله خافقین
میانده واقع مشهور افاق اولان قصری بنایت ایدوب قصر شیرین
دینکله شهرت باب اولدی لکن شیخ نظامی خسرو شیرین نام کتابنده
صورت حکایه بی بو گونه بیان ایدر که شیرین ارمن ملکه سی اولان
مهرین بانو نیک برادرزاده سی و حجر تریه سنده اولوب شاد و روان نقاش
بهراد دست حین سیاحتده شیرینی مشاهده و تصویر و خسروه
ارأت و حسن و جالنی نقل و تفصیل خسرو دخی تعشق و تحسین
چاره جو و شاد و ردن التماس ایدوب شاد و خسروی تصویر و تکرار
شیرین جاننده واروب صورت خسروی شیرینه اراء اولدخی خسرو
پرویزه مبتلا اولوب بو تقریب ایله خسرو مهرین بانو ایله کورشوب
مهرین بانو خسروی پر باغ موضع فرح فزایه دعوت ایلدیکنی چندین
ایات ایله ادا ایدر که بونلردر * مهرین بانو زمن پرسید و برجست * بخسرو

گفت مارا حاجتی هست * هوامی کرم سیر است آن طرفرا * فراخیها
بود آب و علفرا * کرم سیر صیغی پرله اطلاق اولنور تکیم سرد
سیر یا بلاقه دیرل و نیجه زمان خسرو پرویز شیرین ایله عبش و نوش ایله
شاد کام و ذوق و صفایدوب شیرین کام اولوب بروقتده پرویزک فرزندی
شیرینه اساهت و عسکر جمع ایدوب قتل پدیره اقدام و مبادرت ایلوب
اریکه نشین مملکت اولدقد شیرینه محبت و کندی به زن ایتمک صرف
قدرت شیرین دخی هر چند که کشی پدیری فراشته داخل اولتی خلاف
عقل و دیندر دیو ممانعت ایلد یسه سودمند اولوب عاقبت شیرینه طریق
مکر و خدعه به سالک و شیرینی تهمت زنا ایله متهمه ایلوب شیرین عاجزه
و خواهنا خواه اوج شرط ایله شیر و بی شوهر لکه قبول ایدیچک اولدی
بری پرویزی قتل ایدن اشخاصی بکاتسلیم ایله قتل ایدیم و بری منبره
صعود ایدوب بکاسناد ایلدیچک چرکاب زنا ایله دامنه آلوده دکل ایکن
افترا ایلدیچک خلقه اعلام و پدیرک پرویزک قبرنی کشاد و زیارتمه اذن داده
اول که پرویزه ذی قیمت برامانم وارد رانی اخذ ایدیم بعده سکا کندی می
تسلیم ایدرم دید کده شیرینه بیک جان ایله راضی و قاتل پرویز اولان لری
تسلیم شیرین دخی جله سنی قتل بعده شیرینه زنا اسنادی کذب و دروغ
اولدیغنی ناسه اشاعت و تفهیم ایدوب شیرینی برقاج آدم ایله قبر پرویزی
کشاده ارسال شیرین دخی قبره کیروب پرویزی دراغوش و بر زمان کر به
وزاری ایله بی هوش بعده آماده ایلدیکی زهرناک فسی مص ایدنجه
جان شیرین سپرده درگاه خدا ایلوب شیرینه مباشر اولان اشخاص
توقف و انتظاردن بی تاب و میت ایله مصاحبت نیجه به دک دیو شیرینه
ندا ایلدیلر اما طرف شیریندن قطعا صدا کیروب عاجز اولدقلرنده قبره
کیروب شیرین پرویزی دراغوش ایدر مشاهده ایلدیلر و تکرار خروجه
اخر و ندا ایدوب اسماعی ممکن اولدقد قبره داخل و شیرینی قالدیروب
شیرینه کتور مک مراد ایلدیلر کوردیلر که شیرین وفات ایلش حتی نظامی
پرویز ایچون شیرین کندی و بی اهلک ایلدیکنی مشعر بویتی افشاد ایلشدر
* بخیر شیرین که در خطا کی در شست * کشی از بهر کس خود رانه کشست

و هصر ع ثانی امثال دن اولوب ظرفای عجم کیمسه کیمسه ایچون اولمز
 و اولمش اردنجه اولمش بوقدر دیه جک محله استعمال ایدر لر و جمال
 شیرین و مال زبیده و عرش بلقبس و فرش بوران و ملک زباء و عباده
 رابعه العدو به و فخر خندف و شعر خنسا ابله ضرب مثل اولنور و خندف
 الیاس بن مضربك زوجة سی اولوب اسمی ایللی بنت عمران بن الحاف
 بن فضا عه در و اولاد الیاس مزبوره خندفه نسبت اولنوب مادر لر ایدر
 مرویدر که خسرو پرویزه زمان دولتمند بش نادره روزگار نصیب
 اولدی که بری دزست افشار در که حکما حکمت ابله برالتون طوب پرداخته
 و موم کی ملایم ایدوب هر چند که پرویز دستنه اله مراد ایلدی کی صورتی
 اول التون طوپده دوزردی نتکیم شیخ نظامی دیمشدر * ملک راز دست
 افشار در مشت * کز افشاردن برون میرفت از انکشت * و بری عاجدن
 بر پنجه در که حرم سراده فرزندی تولد و ظهور ایلد کده انکشت در هم
 اولوب حرم دن مرده رسانه محتاج اولمازدی و بری برکاسه در که ایچنده
 اولان آبی نوش ایلد کده اول آنینه لبریز اولوردی و بری باریده نامنده
 اولان مطربدر که اوچبوز التمش التي مقام و نوا اختراع ایلشدر و بری
 کنج باد اوردر که خسرو قبصرک ملکنه هجوم قصد ایلدوب قبصر
 ابا و اجدادندن موروث اولان خزاینی تلف اولور خوفندن برکشتی
 عظیمه وضع و برج زریه به حفظ ایچون ارسال ایلد کده باد مخالف کشتی بی
 جانب خسرو و سوق و خسرو بالجه خزاین قبصره مالک اولمغه
 اول خزاینه کنج باد آور دیدلر نتکیم نظامی دیمشدر * زخاکش راه
 را کنج روان بود * مکر خود کنج باد آوردان بود * و فقره مزبوره ده
 مذ کوره اولان بوران مذکور پرویز بن هرمنك دختری و ترك و فرس
 میاننده نشأت و ظهور ایدن زنانك احسن واجلی اولوب شهریار
 بن پرویز نصرکه مملکت فرسه ملکه اولوب نیجه قناطیر و جسور بنا
 و تعمیر و بلاد ممالکی ضبط و احاطه ایدوب اموره موفق و مظفر اولمق
 رجالک زوری از مکر و حيله سیله دکلدر بلکه باری تعالینک عون و عنایت
 و قدرته اولوب زنان دخی قدره الله ابله هرامره موفقه اوله بیلور دیردی

و مدت ملکی بدی آی اولوب پیغمبر علیه الصلاة والسلام حضرت تلمینک
 بورانک ملکه اولدیغی رسیده سامعه شریفه لر اولدقده بر قومک که
 امور و مصالحنه مرأء تولى ایلله اول قوم ایچون فلاح بوقدر یور دیلر
 مرویدر که خراسان صاحبی فیروز بن رستم بورانی تزوج ایچون آدم
 ارسال و بوران رضا و یروب لکن ملکه اولان زنه سار زنان کی آشکاره
 نکاح عیب ایراث ایدر بر شب طرفه کسون نائل بکام ایدم دیوب فیروز
 هزار شوق ابله سر پرده بورانه داخل اولدقده قتل ایدوب فیروزك
 پدری رستم خبردار و عسکر یله کلوب بورانی قتل ایلدی روایت اخراده
 بو وقعه اردمی دخت ابله اولمشدر * و بلقبس غایت الزباء علیک *
 یعنی قواده نک مدح و شناسندن بلقبس زباء دن سنی قصه قندی ظن ایلدم
 کان زباء نک دخی ابن عبدوسه محبتی اولمغه بلقبس غیر تکش اولدی
 بلقبس بنت حارث بن سبادر که پدری حارث هد هادی عکله مشهور در
 و بعضیلر بلقبس بنت سیصیبان اولوب کتاب کریمده مذکور اولان بلاد
 سیاه ده ملکه ایدی دیدی و ابن عباسدن مرویدر که رسول الله صلی الله
 تعالی علیه وسلم حضرت تلمینک سیاه رجل میدر یو خسه مرأه میدر
 یو خسه اسم ارض میدر دیو سوال اولدقده سیاه رجلدر و اون اولادی
 اولوب التبیسی بمنده ساکن دردی شامده ساکن اولوب بمنی لک اسمی
 مدح و کهنده و انمار و اوزد و اشعر یون و حیر اولوب شامیلک اسمی فلحیم
 و جذام و عامله و غساندر بیوردیلر و سیاه عامه قبائل بمنک جدی اولوب
 سیاه بن شخب بن یعرب بن قحطاندر و بلقبس حسن و جالده بی نظیر
 و بی همتا اولوب ابوینندن بری جن اولمق اوزره مرویدر و ابن کللی روایت
 ایدر که بلقبسک پدری عظمای ملوکدن اولوب جمیع اولادی بمنده
 ملک اولمشدر چونکه بلقبسک پدری شوکت و عظمت صاحبی
 بر ملک ایدی اعتقادنه کوره اطراف و اکاف زماننده کندی به کفو و مماثل
 زن نایاب اولمغه جندن ریحانه بنت السکن نامنده برزن تزوج ایلدوب
 بلقبس ریحانه دن تولد ایلشدر و بلقبسه بلقبه دخی دیرلر مرویدر که
 بلقبسک طیو قلی سم دابه مثال اولدیغندن سلمان علیه السلام بلقبس

ایچون سرچهدن برقصه مملوس بنا ایدردی که برکجه سه هر وج
 مراد ایلده پای لغزیده اولور دی و ابکینه دن بریت بنا ایلشدی که
 هر کورن سیلان ایدر آب صافی ظن ایدردی حتی بلقبس مشاهده ایلدکه
 دامن دره بان و ساقلری آشکار و نمایان اولوب خفیفه مولردن غیر
 برشی معاینه اولمادی و سلیمان علیه السلام وزیرینه بلقبسک تختی احضار
 ایتدیروب بلقبسه اراءت ایلدکلرنده مدهوش و حیران اولوب اسلامی
 قبول ایلدی بعده سلیمان علیه السلام تزوج ایتک مراد و شیا طینه
 امر ایدوب جام و نوره ایجاد اولندیکه اووقته کلنجه معروف دکل ایدی
 و ساقلره نوره طلا اولنوب مولر زائل اولدقده تزوج بیوردیلر بعده
 بلقبس سلیمان علیه السلام دن ینه ملککنه رجعت نیازنده اولوب سلیمان
 علیه السلام شیا طینه امر و آن واحده ده ایصال ایلدیلر و جنلر
 بلقبس ایچون دنباده مثلی کباب بر قاج قلعه بنا واحداث ایلدیلر که
 ری غمدان و بری ینون قلعه لر ایدر و سلیمان علیه السلام هر آید بر کره
 ریحه امر و بلقبسک زیارته کیدردی و بلقبسک مملکتی وفات ایدنجه
 باقی قالوب بعد وفاته زائل و پریشان ایلشد و فقره مزبوره ده مذکور
 اولان زبانه بنت ملیح بن البرادر که پدیری ملیح حاضر موده ملک اولوب
 جذیمه الا برش مملکتنه هجوم و ملیحی قتل و زبانی شاهه طردونی زبانه دخی
 همت کثیره صاحبه سی برزن مردانه اطوار اولمغله جذیمه دن اخذ
 انتقام ایچون رومه لاجقه و واصله اولدی و زبانه اهالی جرهمیدن
 عمالیتی اولوب مادری رومی ایدی لکن زبانه عربی تکلم ایدردی ابن کلبی
 روایت ایدر که زبانه ک اسمی فارعه اولوب عصری زنانی میاننده حسن
 و جمال ایله ممتاز و بی همتا اولوب رفتار ایتدیکه کبکسوی معنبری زمینه
 رسیده و روی زمین سنبل زاره شبیه اولوب حق پریشان ایلده مجموع
 وجودنی سترویده دن نهان ایدردی و زبانه لغته طول شعر معناسنه
 اولمغله زبانه اسمیه ایلدیلر چونکه رومه واصل اولدی عالی همت اولمغله
 اموال کثیره صرف و جمع اشکر فراوان ایدوب ملک موروئی اولان
 حاضر موده متوجه و زور بازو ایل دست جذیمه دن اخذ و ضبط ایدوب

تخت نشین اولدقده نهر فرات اوزرینه بر برینه مقابل ایکی قلعه
 مستحکم بنا و قلعه لر میاننده لغم ایدوب دشمندن کر بر ایچون
 سردا بلر پیدا و کندوبی دایما محافظه ایدوب رجالدن اجتناب اوزره
 ازواج دن منقطعه عذر و دوشیزه اولوب تدبیر امور مملکت و نظام
 احوال رعیت ایله وقت گذار ایدی جذیمه دخی نیجه زمان زبانه طرفندن
 اغراض عین و تسامح و تراخی کوستروب تعرضدن کوتاه دست اولوب
 اخذ انتقام قصد ایله تزوجنی طلب و آدمه لر ارسال و تقریبی نیاز و سؤال
 ایلدی زبانه دخی صورتا رضاداده و صید و شکارنه شبک خدعه آماده
 و کندی مملکتنه دعوت و قدوم تشریفه اظهار رغبت جذیمه دخی
 مقتله قدم نهاده اولمغه و عداوت ایدوب فقره متقدمه ده ذکر
 اولندیغی وجه اوزره قتل ایلدی و اول وقتده که قصیر جذیمه نک
 عصا نامنده اولان اسبته سوار و بلاد جذیمه یه فرار ایلشدی زبانی قتل
 و اهلاکنده هزارمکر و حيله تصور و خیال و عاقبت انفی قطع و بریده
 و وجودنی ضرب و سینه سنی دریده ایدوب زبانه طرفنه راهی و زبانه یه
 التجا و جذیمه نک خواهر زاده سی عمرو بن عدی بنی تهمت نفاق و نجس
 ایله اتهام و غضب و قتل مراد ایدوب احباب عفو ر جاسنده اولدقلرنده
 بیغنی قطع و ضرب ایلدی بن دخی ملجاء و پناه اتخاذ و خاک کایکده قول
 و کھف اماکنده خوف دشمندن آسوده اولمغه کلام باقی امر سنکدر دیو
 تبصیر کللی ایلدکه زبانه اعتماد و باره یننه تیار ایتدیروب قصیر ایله
 الفت و اختلاط قصیر دخی زبانه وادتی تجارت و کسب اموالی تعلیم
 و تحریر زبانه دخی مائل و هوسکار و محظوظ اولوب قصیر زبانه طرفندن
 نیجه زمان کسب و تجارت ایلدوب کرکی کی زبانه تقرب و قلعه لر
 میاننده بنا ایلدی لکن لغم و غارلرک مدخل و مخرج و معبرنی مشاهده و کریر
 و فرار ایدجک محله ره مطلع اولوب ینه بر کون تجارت نیتله بر طرفه
 واهی و عمروک بهادرلرندن برمه دار مبارز انتخاب و سلاح و آلات ایله
 بر رصند و قه وضع و اشتزله تحمیل و مال تجارت کتور دم دیو زبانه
 قلعه سنه ادخال و علی الغفله مبارز لر صند و قه لرندن اخراج

وقصیر زبانی احاطه و صکر بزرگاهلری ضبط ایدوب زبانه فراره
بی مجال اولغله قتل واخذ انتقام ایلدی واول وقتده غارلک طریقنی
دشمن ضبط وزبانه فرارایده منجه * عسی الغویر ابوسا * دیوزبانه
کلامی مثل ساز اولوب هرشیدن که شرطهورایتمدن توقع وخوف اولنه
بومثل ضرب وایراد اولنور وزبانه قصه سی مبعث عیسی عایه السلامدن
صکره در و ابوس بوسک جعی اولوب بوس عذاب وشدت معناسنه در
وسبویه و ابو علی البصری مذهبلرنده ابوسا عسی نک خبریدر
وعند الکوفین محذوف یکون نک خبری اولوب تقدیر کلام عسی الغویر
ان یکون ابوسادر وعند الاصمعی محذوف اولان بصیر نک خبریدر
وعند البعض مفعول به اولوب تقدیری عسی الغویر یأتی بابوس اولوب
نوسعاجاء حذف اولمشدر وعند ابن هشام بود کراولنا نلک جمله سندن
احسنی مفعول مطلق اولوب تقدیری * بوس ابوسادر که فطفق مسحا
قبیلندن اولوب تقدیری بمسح مسحادر وغویر غارک تصغیریدر
ومعنا ی مثل * اعل الشر یأتی من قبل الغویر * یعنی اوله که غویر طرفندن
شرکه دیکدر فی الحقیقه مقدا ذکر اولندیغی کی اول طرفدن شر
عظیم ظهور ایدوب زبانه کلامی مثل اولدی * وان مالک بن نویره
انمارد فی نک * هرل کونه ابن عبدوسی ملوک جاهلیت مقامنه اقامت
ایلیوب و مالک بن نویره سکار دیف اولدی ظن ایلدم دیدی مزبور مالک
بن نویره بن شداد الیربوعی التمیمیدر که عربک فرسان وشجعانندن
اولوب ذوالخمار نامنده اولان اسب مشهورک صاحبیدر واسب مذکوره
کثرت شعری سبیلله جغول لقبیلله تلغیب ایلمشدری وزمان جاهلیتده
ایام دولت آل مندرده ردافت بنویر بوعه متعین ومخصوص ایدی
زیرا بنویر بوعه دائم ملوک حیره اوزرینه هجوم وغارت ایدوب ملوک حیره
مقاومتدن عاجز اولغله ردافت بنویر بوعه متعین اولق اوزره مصالحه
ومصافات انلردخی اهل عراقی غارتدن فارغ اولمشلر ایدی ومعنا ی ردافت
بودر که ردافت دیدکری شخص ملک جالس سیریر اولدقده جانب
راست ملکه جالس اولوب ملک شرب ایلسه بعده جمله دن مقدم ردافت

شرب ایدردی و ملک بر طرفه محاربه قصد بیله یا خود آخر وجهله راهی
اولسه ردافت ملک مقامنه جالس اولوب مال غنیمتدن ربع اخذ ایدر و راجز
بوییتی بنویر بوعه حقنده انشاد ایلمشدر * ومن ینافر آل یربوع یخب
* المجلس الايمن والردف النجب * ومومی الیه مالک یربوعی رسول الله
صلی الله علیه وسلم زمان سعادت لرنده شرف اسلام ایلله مشرف اولوب
قومی اولان بنویر بوعه صدقات اخذنه تعیین وارسال پیور مشلردی
چونکه پیغمبر علیه السلام حضرت تلمی دار عقبایه ارتحال پیور دیلر
مالک بن نویره ابصال صدقاتی تأخیر ایلدی برروایتده مرند اولدی
وخلیفه رسول الله اولان ابو بکر رضی الله عنه حضرت تلمی خالد بن ولید
رضی الله تعالی عنه حضرت تلمی مرند اولنلری قتل واهلاک ایتدکه
امرو بوادی به ارسال پیوروب هر قومه که واصل اولورسک منتظر اول
اگر اذان خوان اولدقلربی استماع ایدرسک اول قومدن کف ید ایدوب
تعرض ایلله وشول قومدن بعدالانتظار بانک اذان استماع ایتدکه سک
اول قومی قتل واهلاک ایلله پیور دیلر خالد حضرت تلمی دخی تفتش
ونفحص ایدرک وهاد و بطایح طرفنه واروب مالک بن نویره بی اتباع
واشیاعبله بولوب اولدیغی وجه اوزره بر مقدار زمان اذانه منتظر و اثرما
استماع ایتیبوب مقاتله به آغاز واثمای محاربه ده مالکی اخذ وحضور خالده
احضار ایلدکلرنده خالد ضرار بن الازوره امر اولدخی مالکی قتل ایلدی
ومالکک قتل اولنسی خصوصنده اختلاف اولنوب بعضیلر خالد
حضرت تلمی قتل مالکده مصعب در دیدی و بعضیلر طعن واعتراض
ایلدی پس اصابت ایتدی دیو طرفدار اولان مالک مرند اولمشیدی
وارتدادنه دلیل بودر که وقتا که مالک اخذ وحضور خالده احضار
اولندی خالده خطاب ایدوب رسول الله صلی الله علیه وسلمدن کتابه ایلله
یا خالد سنک صاحبک شویله دیمشیدی وسنک صاحبک وفات ایلدی
دیدکده خالد رضی الله عنه یا عدو الله رسول اکرم صلی الله علیه وسلم
حضرت تلمی سنک دخی صاحبک دکلمیدی دیوب قتل ایلدی دیدیلر
ومالک بن نویره نک برادری متم مالک ایچون مرثیه انشاد ایدرسکن

عمر بن الخطاب رضی الله عنه حضرت تلری استماع بیوروب یا متم برادرک
مالک انشاد ایلدیکلک مرتبه کبی بنم برادرم زید ایچون دخی مرتبه
انشاد ایلستک محظوظ اولوردم بیوردقلرنده متم والله اگر بنم برادرم
مالک سزک برادر یکرز بدک واصل اولدیغی درجه به بالغ اولدیغی معلوم
اولسه نه محزون اولوردم و نه مرتبه انشاد ایلدردم دیو جواب داده اولمسی
دخی مالکک ارتداده دلالت ایلدر دیلر اما خالد حضرت تلرینه طعن
واعتراض ایلدر بو کونه بیان ایلدیلر که وقتا که مالکی خالد حضورینه
احضار و خالد حضرت تلری مالکک ارتداده ذاهب و قتل اولمسنه
امر ایلدی مالک فریاد ایدوب یا خالد حاله مسلم و موحد اولوب دیغی
تبدیل و تغیر ایلدم دیدی و مالکک بو کلامنی قتاده و عبد الله بن عمر رضی
الله عنهم حضرت تلری استماع ایلشیر ایکن پنه خالد اصغایلیوب قتلنه
امر ایلد کده مالکک زنی ایلی بنت سنان که حسن و جالده بی مثل
وبدل ایدی نقاب دریده و کر بیان چاک و کسوان پریشان صوت
اعلا بله کر به وزاری ککان مالکک اوستونه دوشوب بیهوش و حیران
اولد قده مالک ای زن بنی سک قتل ایلدک دیدی مرادی خالد سنک
حسن و جالکی مشاهده و تزوجکه رغبت ایدوب قتلنه مبادرت ایلدی
دیک ایدی بعده ضرار الازدی قتل ایلوب سر مقطوعنی سه پایه
اوزرینه وضع و آتش طرفنه روکشته ایلد کده اتباع مالکدن برزن غیرت
رهین ای قوم روی مالکی آتشدن برکشته ایلدک که والله مالک کندویه
الجا ایلدره و مجاور و همسایه اولانله اکرام و عییلرندن اغماض عین
ایله معامله ایدوب هر وجهله زیر حایه سنده اولورلر دی و رزم و قتالده
شجیع و بهادر و مسافری اولدیغی کیجه اطعامنه مشغول اولوب کندی
سیر اولماز دی و قتال و غارت کیجه سی خفته اولیوب بیدار اولورلر دی
دیو مدح و ثنا ایلدی و بو وقعه غریبه عمر بن الخطاب رضی الله عنه
حضرت تلرینک سامعه شریفه لرینه بالغ اولد قده خالد بر مسلمانی قتل
و زنا به اقدام ایلدی خالدی رجم ایله دیو ابو بکر رضی الله عنه
حضرت تلرینی علیه تعزیرض و حث بیوروب علی کرم الله وجهه دخی

عمر رضی الله عنه حضرت تلرینه موافقت بیوردقلرنده ابو بکر رضی الله
عنه حضرت تلری خالد صلاح و اجرای سیاست قصد ایدوب خطا
ایلدی و بن اول کیمسه دکلک که رسول الله صلی الله علیه وسلم حضرت تلرینک
غمد و غلافدن اخراج ایلدیکی سینی اغماض و غلافه وضع ایدم یعنی
مشروعی اجراده تسامح انتم بیوردیلر و بو وقعه دنصکره عمر بن الخطاب
حضرت تلری خالد عداوت بیوروب زمان سعادت لرنده ریاست حبش
اسلامدن عزل ایدوب زمانده خالدی بر خدمته استخدام ایلیم دیو
حلف ایلدیلر و متم بن نویره دائما برادری مالک قتلده قرار و انک کرمله
نعمش ایلدیکندن قتل اولد قده زیاده محزون اولغله قصائد کثیره ایله
مرتبه ایلدی و مالک قتل اولد قده نصکره مسجد رسول الله علیه السلامه
حاضر و صلاه صبحی ابو بکر رضی الله عنه خلفنده ادا ایتد کد نصکره
کمانه اتکا و بویتی انشاد ایلدی * نعم القتل اذا الراح تنا و حث *
خلف البیوت قتل یا ابن الازور * بعده ابو بکر رضی الله عنه
حضرت تلرینه اشارت ایدوب * ادعوت بالله ثم غدرته * او هو دعاک بدمه
لم یغدر * دید کده ابو بکر رضی الله عنه حضرت تلری والله انی نه دعوت
ایلدم و نه غدر ایلدم بیوردیلر بعده متم قصیده بی اتمام و کانی اوستنه
دوشوب کر به به اغار ایلدی و شول مرتبه بکا ایلدی که یک چشم ایکن
کور عیندن دخی اشک باران مثال سیلان ایلد کده عمر بن الخطاب
حضرت تلری نزدینه واروب اگر برادرم زید ایچون مالکک انشاد ایلدیکلک
مرتبه کبی قصیده انشاد ایلستک محظوظ اولوردم بیوردقلرنده مقدما
ذکر اولدیغی وجه اوزره جواب بعده زید ایچون دخی بر مرتبه انشاد
ایلدی لکن مالکک اولان مرتبه لر کبی حسن و جید انشاد ایلوب سینندن
سوال اولد قده و الله برادرم مالکک اولان آتش حزنم زیده اولاندن زیاده در
دیدی بعده عمر بن الخطاب رضی الله عنه برادرنه افراط حزنی سینندن
سوال بیوروب متم والله با عمر خالانم ایچون کیجه لوده خواب و راحت
بو قدر زیر بر طرفدن اشتعال نار مشاهده ایتسم برادرم مالکک ناری
خاطر مه خطور ایدوب حزنمندن تسلیم روح ایده جک رتبه مضطرب

اولورم و سببی بود که برادرم مالک امری ایله صباحه دك نار ابقا د
اولور دی بر طرفدن مهمان بنی ارزو ایدر سه تار يك شب مانع و جایگاهمه
واصل اولمه دیوب آخر محله نازل و غیر یلرك مهمانی اولوب بنی مسافردن
محروم اولم خوفیه له آتشی جایگاهنه علامت و قدوم مسافره نگران
اولور دی و هر چند که بر مهمان برادر مده بیتوت ایده اول شب صباحه دك
بیدار و مسافرك توقیر و اسکرانمه مشغول و خدمتیه مقدم و مهمانه
هو ادار اولور دی که بر قوم مسافه بعیده دن اقر باسندن بر کپسه
کلوب ملاقی اولسه اول قوم نه رتبه سرور حاصل اولور سه برادر م مالکه
مهمان کلد که اول رتبه بلکه دخی زیاده فرح و حبور حاصل اولور دی
دیوتفصیل ایلد که عمر بن الخطاب رضی الله عنه یا متهم هر نه مقیدار
مرتبه ایدر سك سزا ایش بیور دیلر وینه بر کون عمر بن الخطاب
رضی الله عنه متهم برادر ك مالک حکایاتندن یاد و اشتدیکك و ارایسه
نقل ایله دیو امری بیوروب متهم بروقتده قبائل عربدن بر قبیلۀ عظیمه به
اسیر اولمشدم و تخلص کر بیانه چاره جو او اولوب آیانه کونه رهایاب اولورم
دیوتفکرده ایکن برادر م مالک اسب سوار و سیف صامی در بغل
و ستانی بر کتف علی الغفله محبوس اولدیغم قبیلۀ به هجوم و قبیلۀ نك
فرسان و دلاورانی ایستاده و مالکۀ متوجه و نیکر انیده اولدیغندن
ماعداد شکاف خر کاهلردن زنان دخی باش کوسنروب نگاه انداز
اولمشلرایکن برادر م مالک برینه التفات ایتوب اول کروه نبوه دن
بنی اخذ و بندلم کشاد و اسبنه ارداف و کلدیکی جانبۀ عطف عنان
ایدوب قبیلۀ دن بر فرد مالکۀ مقابل و ره گزار نه مانع و مبارزه سنه
اقدام ایده مدی دید که عمر رضی الله عنه یا متهم انجق شرف بودر
بیور دی بنه بر کون عمر رضی الله عنه یا متهم شجاعت و جراتندن برادر ك
سنکله نیجه ایدی بیور دیلر متهم دخی و الله برادر م مالک شول رتبه شجیع
و صاحب قوت ایدی که شب نار یکده بر زور منشد شتره سوار و براسب
صبارفتاری یانه الوب ثباب حرب و رزمی لابس و نیزه کرانی در دست
و جبال و وهاد میانده صباحه دك تجسس دشمن ایدوب کندوبه

کلال کلبوب فرحناك عودت ایدر دی دیو اوصاف جیلۀ سن نقل
و بیان ایلدی * و عروۀ بنی جعفر انما رحل اليك * و عروۀ بنی جعفر که
طوائف ملوک که رحلت ایله معرفدر سکار حلت ایلدی ظن ایلدم مومی الیه
عروۀ بنی عامر دن ابن عتبۀ بن جعفر بن صعصعه اولوب اهل بیت
عروۀ جعفره نسبت اولوب جعفر بنون دیمکله معروف اولد قلرندن
ابن زیدون عروۀ بن جعفر اولمق اوزره ذکر ایلدی و مومی الیهك ملوک
طوائف طرفنه ارتحال و ذهابی بسیار اولمغله عروۀ الرجال دیمکله
شهرت شعار اولمشدر و مومی الیه عقل و دانش صاحبی اولوب زمان
جاهلیتده ملوک ردف اولمشدر و میان عربده رأی و تدبیر و شهامت ایله
معروف اولمغله اوصاف جیلۀ سنده مبالغات اولوب نقل اولندی که
برو قنده عروۀ معاویه بنی الجون الکندی به راحل و راهی و معاویه عندنده
عظیم وقع و اعتباری اولوب معاویه بنو حنظله بنی جمع و بنی عامر دن
بر قوم اوزرینه هجوم و محاربه لایچون محمل بند و عروۀ الرحالی استصحاب
و بنو عامر ك مسکنلرینه بر مر حله قریب اولد قلرنده عروۀ یا معاویه
سنکله اولان حق صحبت و مرافقتم مقابله سنده رجا ایدر مکۀ بکا اذن
داده اول قوم اولان بنو عامره بو محملدن صبحه و ندا ایله انخاف و انذار
ایدهیم دیو اسنبدان معاویه دخی تبلیغ نیجه ممکن اولور دیو تعجبکنان
اذن و یرد که عروۀ اوج کره صوة اعلا ایله ای قوم اسکاه اولک دیو
صبحه و فریاد و وهاد و وادی اعانیه عروۀ نك صوتی رسیده کوش
بنی عامر اولوب قتال و محاربه به مستعد و آماده اولدیلر و میان عربده
حرب الفجار دیمکله معروف اولان حرب و قتال ظهورینه باعث عروهبی
براض بن قیسك قتل ایلدی و بخار ابام عربدن بر قوم مدر که
زمان جاهلیتده قبیلۀ قریش و کانه بهادر لری ایله قبس عیلان قبیلۀ سی
میانده دورت دفعه محاربه واقع و قبس عیلان مغلوب و نهزم اولوب
بو حروب و قتال اشهر حرم اولان شهر ذی القعدة و ذی الحجه و محرم
و رجبدۀ واقع اولوب فسق ارتکاب ایتیلرینه بناء قریش حرب الفجار
تسمیه ایلدی و براضك عروهبی قتل ایلسنه سبب بودر که مکۀ مکرمه

ناحیه سنده سوق عکاظ تسمیه اولنان بازاره اعراب شهر ذی القعدة دن
 قدوم حجاجه دکن مجتمع و اطراف واکافدن قوافل تجارتیه متنوعه ایله
 کلوب هر کون داد سنده اولنوب شعرای عرب قصاید لطیفه انشاد
 و بر برینه عرض معارف ایله تفاخر ایدوب موسم حجده ادای حج شریف
 ایدرلردی و ملک عرب اولان نعمان بن المنذر هر سنه اشراف عرب بدن
 بر شیخ جانبیه بر قافله متاع آماده و سوق عکاظه بیع اولمق اوزره ارسال
 و ثمنیه سختیان طائف و سائر کندیلره لازم اولان اشیای اشترای ایدر ملک
 عادتی اولمغله یته موسم سوق عکاظ کلد کده متاعی آماده و جاله تحمیل
 ایدوب ندما مجلسنه ای قوم بومناعی قنغکز محله ایصال ایده یلور دیدی
 براض دخی بن کنانه دك ایصال ایده بیاورم دید کده نعمان بنی کنانه یه
 ایصال کافی دکلدر مراد اهل نجد و نهانه یه ایصال ایدر مکدر دیوب
 عروه ارحال اول وقتده قریشدن ابوقبیل اولان هوازن بن منصور
 بن عکرمه بن حفصه بن قیس عیلانه راحل و حایه سنده اولمغله انلره
 مغرور و بی پروا متجاسر اولوب براضه اشارت ایله بو کلمبی ایصال
 ایده جکدر بن اهل شیخه و اهل نجددن قیسومه و نهانه یه ایصال ایدر
 دیوب براضه تحقیر ایله معامله براض دخی یا عروه اعلائی بنی کنانه یه
 ایصال ایده یلور مسک دیدی عروه دخی اعلائی بنی کنانه یه دکل
 جمیع ناسه جری و ایصال ایده رم دیدی بعده نعمان متاع آماده بی
 عروه یه تسلیم اولدخی بادیه بیما اولوب عازم راه اولدقده براضی کلب
 دیوب تحقیر ایلدیکی کران کلوب اخذ انتقام ایچون عروه یه در پی اولدی
 و فی الحقیقه براض غایت عیار و جسور و فاکت بی رحم و غبور و عروه
 ابوقبیل اولان غطفان بن سعد بن قیس عیلاندن اولان قومی اول
 حوالیده اولوب انلره اسناد و استظهاریله دشمندن بی پاك و بی نحاشی
 و مغرور اولوب اواره نام موضع نائل و شرب خمر ایله سرگردان
 و مغنیه جاریه سی طرب بخش و خواب غفلت هجوم ایدوب هجوم دشمندن
 غافل اولدقده براض فرصت یاب و عروه ک بن منده داخل و مشت و پایله
 سیدار و عروه رسیدن بلادن خبردار و امان خواه و کندیدن صدور ایدن

ایدن ذله یه اعتراف و عذر خواه اولدی لکن براض انتفات و ترجم ایتیوب
 قتل و خون عروه بی ریزان ایدوب مرافقه واصل و فرار ایدوب
 جای سلامت داخل اولدی و عرب فتکه البراض ایله ضرب مثل ایلدی
 افتک من براض دخی مثلدر و فاکت جری و جسور معنا سنه اولوب فتک
 بر شخص مغرور و غافل ایکن خصمی اول شخص مغروری بنده گرفتار
 و قتل ایتک معنا سنه در بعده مقدما ذکر اولند بیغی وجه اوزره عروه ک
 قتلی سبیلله حرب الفجار تسمیه اولنان حروب عظیمه میان عربده جریان
 ایلدی * و کلب بن ربيعة انما حی المرعی بعزک و جساسا
 انما قتله یا فتک * و کلب ربيعة چراگاه و مرعابی سنک عز و شرفک
 اعانتیله حفظ و حایه ایلدی و جساس کلبی سنک ناموس و عار غیرتک
 سبیلله قتل ایلدی ظن ایلدم مزبور کلب بن ربيعة بن سنان الوائلیدر که
 اعز من حی الکلب دیوب محافظه و حایه سنک بی مثل و نایاب اولمسیله
 ضرب مثل اولمشدر و وائل بن قاسط بن هنب بن قصی بن دعی بن هنب
 بن جذیله بن اسد بن ربيعة بن نزار معد بن عدنانک ایکی فرزندی که
 برینه بکرو برینه تغلب تسمیه اولنوب ایکسی دخی ابوقبیل اولوب
 کلب قبیلتنک عین الاعیان و رئیس مشارالیه بالبنانی اولمغله لشکریمنی
 پراکنده و پریشان و قبیلته معد دخی هجوم و معد کلبیه اطاعت و انقیاد
 و ملککرتنک بر مقدارنی تسلیم و سرنه تاج الباس ایلوب بر مقدار زمان
 مرورنده کلبیک تکبر و غروری برتر و متزاید و قبیلته معد اعتماد و استناد
 ایله قومنه ظلم و تعدی و بیغی و عتو ایدوب جوری شول رتبه یه رسیده
 اولدی که چراگاه و چشمه سارلی حایه و ضبط و خلقی رعای مواشی
 و شر بدن منع ایدوب اول حوالیده مواشیرینی کلبیک مواشی سبله رعای
 واروا ایده مز اولدیرو چرکا هلرده کلیدن غیری بر فرد اشغال نار
 و چراغ ایده مبوب و دأب عرب محبیب جالس اولمق اوزره ایکن مجلس
 کلیده بر فرد احتیالیده مزایدی و مجلسنده بلاذن تکلمه تصدی و آغاز
 ایتلرندن دخی منع ایلشدی احتیاقعوددن بر نوعدر که ردایی ظهرنه الووب
 فتحذیننی شکمنه الصاق ایدوب جالس اولمغله دیرلر بعض درویشان

کننده کبر و قاعد اولد قلری کی مر ویدر که چن کلب بر مرعادن
 مر و زایلسه اول مرعایه بر کلب انکی القا ایدردی که بر آدمی مشاهده
 ایلد که بناحه باشلیوب کلبیک خوفندن بر کیمسه اول مرعاده رع
 مواشی اید مر دی بناء علیه کلب وائل دیوب اول کلبی وائله مضاف
 ایدر لدی وائل ایسه بر ملک اسمی اولوب کایه مزبوره ایله استعمال لری
 غالب و مشتهر اولغله کلبیک اسمی ظن اولندی مر ویدر که بر کون کلبیک
 سر راهی بر چراگاه رسیده اولدیکه قنبره دید کلری مرغ که ترکیده
 طویغاردیر اول چراگاهده لانه برداخت اولوب بر طره سی اوسونده قرار
 و کلبی مشاهده و بیضه لرینی پروبالله ستر و خوفندن فریاده آغاز
 ایلد کده قنبره به خطاب ایدوب امین اول سن بنم ذمعه سن کیمسه دن
 خوف اتمه دیوب بو پیتی انشاد ایلدی * یالک من قنبره بمهر * خللاک
 الجوفیضی واصفری * وانقری ماشتت ان تقری * بو پیتد نصکره
 بر فرد اول مرعایه دواب و مواشی سنی ارسال ایدوب رع ایتدر مکه تجاسر
 اید مدی مصر علک مالی ای کیمسه لر بو کاه و آبی بسیار اولان صحرا ده
 قنبره دن نه استرسز یعنی قنبره بی نجیر و بی حضور ایتیکز وای قنبره
 بو فضای واسع سنک ایچون خالی و تنهادر همان بیضه لر تولد ایله
 و خوش صدا ایله فریاد ایله و مراد کجه بو چراگاهده حبوب ودانه لر
 دوشروب اکل و تناول ایله دیمک اولوب خللاک الجوفیضی واصفری
 مصرای امرنده منازع اولوب مستقل و متمکن اولان کیمسه حقنه ده
 ضرب اولنور مثلدر و فقره مزبوره ده مذکور اولان جساس بن مره
 بن ذهل الشبانیدر که خواهری کلبیک زنی اولوب قبیله تغلبدن
 بر حی اولان بنو چشم ایله قبیله بکردن بر حی اولان بنو شبیان که کلب
 و جساس قبیله لریدر بر محله خیمه و خرگاهلرین وضع و مختلط ساکن
 اولور لدی بر کون جساس بنو سعددن خاله سی اولان بسوس کندی
 فرزند ی ایله بنی مره قبیله سنه کلوب جساسه مهمان و خرگاهنده
 براز زمان اسایش و آرام ایدوب شراب نامنده بر ناقه سی کوچکی ایله معا
 اولوب ناقه بسوس اولان شراب ریسمان کسسته و کلبیک جملر ایله

حایه و حراست ایلدیکی مرعایه واروب آب و یکاهندن اکل و شرب
 ایلدی و کلب اول حال اوزره ناقه بی مرعاده مشاهده و غضبندن
 کتان دردست و ناقه بی پستانلرندن ضرب و جرح ایدوب ناقه زخمدار
 صاحبه سی بسوس خرگاهنه رجعت ایدوب بسوس ناقه سنی بحر و ح
 وزخمدار و پستانلرندن خون شیر آلود ریزان و روان اولور مشاهده
 ایلد کده غریب و فریاد و صوت اعلا ایله فغان و داد یوب زار و گریان
 اولور خواهر زاده سی جساس شترک زخمدار اولد یغندن آگاه و خاله تسنه
 تسلیه بخش و معانله و آه ایدوب ای خاله الم اوزره اوله که والله یارین
 بن بر شترک قتل ایدم بکمه زخمی سنک ناقه زخمندن اشد و ازید
 اوله دیوب شتر ایله کلبی مر ادا ایلدی و صباح اولد قده جساس قبیله سی
 مواشیلرینی اسقاواروا ایچون شیب نام نهره وارد قلرند کلب غضبندن
 منع و دفع ایلوب اهالی قبیله احص نامنده اولان نهره توجه واروا مراد
 ایدوب کلب اول نهردن دخی منع و طرد ایدوب ستره بر قطره آب و یرم
 دیوب اهالی مأیوسان نهرک سیلان ایله منتهی اولدیغی اسفل وادی به
 واروب مواشیلرینی اروا و کندیلری دفع تشکی ایلدی و جساس کلبیک
 بو ملعننه دخی واقف اولد قده اسبه سوار و کلب جاننده شتاب و لب
 جویده کلبی تک و تنه اولوب یا کلب اقر یا و متعلق ستمی جریان ایدن
 نهر عظیمدن منع و تشکیدن هلاک اوله جق ربّه نجیر و نکدیردن رادک
 ندر دیوم مؤاخذه کلب دخی قبیله کی منعمه باعث بزم حیواناتز و کندیمز
 هنوز سنی اولنوب ریان اولما مشلردی بز نصکره سیراب اولمارینه مانع
 دکل دید کده جساس یا کلب قبیله مزنی نهردن منعک دونکی کون
 خانه مک ناقه سی شرابی بیوجه قتل ایلمک کبیر دیوب رخشی کلبه
 سوروب بر نیره جانستان ضرب و طعن و کلب زمینه اسبندن ساقط
 و غلطان اولوب حرارت زخم ایله امان یا جساس بکار قطره آب احسان
 ایله دید کده جساس * هیجات تجاوزت الاحص شیب * دیوب
 جساسک بو کلامی مثل اولدی یعنی نهر الاحص ایله نهر شیبی تجاوز
 و کذر ایلوب فعلنک جزاسنی بولدک دیدی بعده کلب هلاک اولوب قومی

تجمع و دفن ایلدیلر و جساس کلیبی قتل ایلدیکی ساعت قبیلہ سنہ عطف
عنان و نزدیک اولدقدہ جساسک خواهری فضلہ برادرنی مشاہدہ
و پدرینہ برادرم جساس کلیور لکن غالباً مصیبت رسیدہ اولمش زیر
زانورین کشف و کشادہ ایدوب خلجہ لاری معاینہ اولنور و برادرم برامر
عظیم و داهیہ کبیرہ ظهور ایتدیجکہ زانورین کشف و اراءت ایلز دیرکن
جساس کلوب اسبندن نازل و پدری ای جکر کوشم سنده انفصال
و انقباض مشاہدہ ایلدم ایاسی نہ اولد دیواستعلام جساس دخی ای پدر
والا قدر بوگون بندن برکار صادر اولدی اول کار نیمہ زمان وائل
شیخلرینی اشغال و اتعاب ایدہ جکر دیدکدہ پدری ای جساس کلیبی
قتل می ایلدک دیدی جساس دخی بلی کلیبی افعال فیجہ سنہ بناء قتل ایلدم
دیدی و پدری ملول و محزون اولوب ای جساس نہ اولیدی بو فعل نا
مناسبہ مباریدن مقدم سن برادرلک هلاک اولمش اولدیکرزیرا بنم فریاد
و فغان ایلہ کریان و اولاد وائل بنلہ تشأم ایتلرینہ مؤدی اولور بر فعل
فیجہ دریدی بعدہ جساس کلیک زنی اولان خواهری فضلہ نکاہ
ایدوب بو قطعہ بی انشاد ایلدی * انی قد جنبت علیک حرباً * تفص
الشیخ بالماء القراح * فذکرہ منی ما یصح عنہا * فتی لاخر غیر صاحب *
خواهری فضلہ دخی جساسی تطیب ایچون بو بیت ایلہ جواب و پردی
انک قد جنبت علی حرباً * فلاراه ولارث السلاح * بعدہ جساس اسبندہ
سوار و بر طرفہ فرار ایلدی و قبیلتین میانندہ حرب البسوس دیمکله
مشهور اولان محاربه و مقاتلہ ظهور ایدوب نیمہ زمان منقطعہ اولمادی
حتی برروایتدہ قرق سنہ میانلرنده قتال متمادی اولدی و بو مقاتلہ خوانغان
خرابہ باهت و بادی بسوس اولغله اشام من بسوس مثل ساثر اولمشدرکہ
تشأم اولنان شی حقندہ ضرب اولنور و برکیمسہ نام اولمسی عسیر اولان
شی طلبیدہ اولسہ اول شبہ نبل و وصول سهولتله اولماز مشقہ عظیمہ بی
ار تکاید نصکرہ حاصل اولوردیہ جک بردہ دون مراکت حرب البسوس
دیرلر و جساسک صورت قتلندہ اختلاف اولنوب برروایتدہ جساس
فرار ایدوب بمقدار زمان مرور ایلدکد نصکرہ ابو نویره طریق شامدہ

جساسة مصادفہ و قتل ایلدی روایت اخرا دہ جساسک خواهر زادہ سی
هجر سن بن کلیب پدری قتل اولندقدہ طفل نارسیدہ اولوب مادر و خالری
تریبہ سندنہ رسیدہ سن تمیز و بر مرد دلیر و خوزیر ظهور ایدوب پدری
کلیبی کندی خالی جساس قتل ایلدیکنہ مطلع واسبندہ سوار و نیرہ
و سبغنی اخذ و قومی مجلسنہ عطف جام و اول مجلسدہ جساسی مشاہدہ
ایدوب ای قوم آگاه اولک کہ نیرہم و دمرناری حقیچون و سبغم و سبغمک
دشمنی زنجدار و اهلاک ایلدیکی حقیچون واسبم و کوشلری حقیچون
بر کیمسہ پدرینک قاتلنی عفو و ترک ایلز دیوب جساسة هجوم و برنیرہ
جانکداز طعن و قتل ایلوب عملری قبیلہ سنہ متوجہ و راہی اولدی
* ومهلها انما طلب ناره بهمتك * ومهلها کللیک قاتلندن اخذ
انتقام ایتکی سنک همتکله طلب ایلدی ظن ایلدم نار اخذ انتقام معناسنہ در
مثلا بر کیمسہ نک افار بندن برینی قتل ایلدہ اول کیمسہ قاتلی قتل ایتکله
اخذ انتقام ایتش اولور مومی الیہ مهلهل بن ریبہ بن الحارث و مذکور
کلیک برادر یعدی اولوب مهلهل لقبیلہ تلقیب اولغله باعث * لما توغل
فی الکراع هجینهم * هلهمت انار مالکا و صنبلا * بیتنی انشاد ایلمشدر یعنی
چونکہ اول قومک هجین وضع فی جماعت و جبشہ توغل و هجوم و غلبہ
ایلدی بن دخی مانکی یاخود صنبلی قتل ایلہ اخذ انتقام ایتکله قصد اهتمام
ایدرم یاخود مهلهل ایلہ تلقیبہ سبب ابتدا اشعار ی تدقیق و ترفیق
و تطبیف ایلین عدی اولغله مهلهل دیدیلر کہ لغتدہ هلهل رفیق
و خفیقه دخی دیرلر و مزبور مهلهل امرہ القیسک خالی اولوب جودہ
شعر امر و القیس بن حجرہ مهلهل بدن انتقال ایلدی لکن صحاح جوهریدہ
کلیک برادر ی اولان امر القیس بن ریبہ بن وائل مهلهل ایلہ تلقیب
اولنوب سببی ابتدا شعری تدقیق ایدن امری القیس اوادیغیدر یاخود
لما توغل فی الکراع هجینهم بیتنی انشاد ایلمشدر دیوب مهلهل
امر القیس اولق اوزرہ تصریح ایلمشدر و مهلهل اکثر اوقاتنی
معاشرت زنان ایلہ گذاران ایلدیکندن برادر ی کلیب زانورینسا دیردی
وقتکہ کلیبی جساس قتل و فرار ایلدی جساسک برادر ی همام بن مرہ

مهلک ندیم و صدیقی و انیس و جلیبی اولوب بر برینک اسرارنه محرم
 و دائمی همزم و همدم اولمغله معاهده ایلمش لر در که میانلرنده بر سر مخفی
 و مکتوم اولوب بر برینه کشف و افشا اید اول کون دخی هم نام ایله مهمل
 هم صحبت ایکن هم نامک مادری کلوب کوشنه برادرک حساس کلپی قتل
 و فرار ایلدی دیو تبشیر کونه تبلیغ و قعه ایدوب رجعت ایلد کده مهمل
 مادرک نه اعلام ایلدی دیو استعلام اولدخی کتم و اخفا ایلوب مهمل
 یا هم نام میانلرنده جریان ایدن عهد و میثاقدن رجوعی ایلدک یوخسه
 ذهولمی ایلدک که بنیدن کتم ایدرسک دیدی هم نام دخی یا مهمل
 برادرک حساس برادرک کلپی قتل و فرار ایلمش بناء علیه تکلمده توقف
 ایلدم دید کده مهمل یا هم نام * است اخیک اضیق من ذلک *
 یعنی سنک برادر یکک کلپی قتله قدرتی یوقدر واکر واقع ایسه بن سنک
 برادرک حساسی اندن زیاده عقوبتله اهلک ایدرم دیوب هم نام سکوت ایله
 معامله ایلدی و اسباب یزم و عشرت اماده و احضار اولوب شرب خمره
 آغاز ایلدیلر لکن هم نام مهملدن هراسان و کیفیت باده ایله بنی قتل
 ایدردیو وجودی لرزان اولوب معتادندن نقصان شرب ایدوب مهمل
 کال الم و غصبندن زیاده جه نوش و نشوه دار و ییهوش اولدقده هم نام
 فرصتی غنیمت ییلوب قبیله سنه فرار ایلوب قومی خیل و مواشیلرین
 جمع و خیمه و خرگاهلرین رفع و آخر مکانه نقل ایتمک اوزره عزیمتلرین
 مشاهده ایدوب هم نام دخی معاجای سلامت رسیده اولقی آرزو سیله
 محمل بند اولوب کتدیلر بعده مهمل صحو کلوب و کلپیک قتل
 اولد یغی جمله قومک معلومی اولدقده و جوه قبیله تغلب مجتمع و حضور
 مهمل حاضر اولوب یا مهمل برادرکی حساس قتل ایلدی لکن قتال
 و حرب به عجله ایله ابتدا و جوه قوم اولانلریمز پدیری مره به واروب
 میانلری احسن وجه اوزره توفیق ایتمک سعی ایلمسونلرنه کونه صورت
 پذیر اولورسه که کوره حرکت اولسون دیوب اعیان قبیله مره به واروب
 بر مقدار مکالمه بعده امر لر بنی اعظام ایدوب یا مره بر قاج امر میانلنده
 مخبرسک یا زه حساسی تسلیم ایله قتل و قود اولسون که لم یظلم من قتل

قائله یعنی کشتی قاتلنی قتل ایتمکله ظلم ایتمش اولماز یا خود برادری
 هم نامی تسلیم ایله قتل ایدلم یا خود نفسکی بونلردن بزه قدا ایله والا
 محاربه عظیمه ایدوب سنی و قوم و اولادکی فنا و اهلک ایدره رز دیدیلر
 و مره جوابه تصدی ایتمیوب سکوت ایله معامله ایلد کده و جوه قبیله
 تغلب یا مره حقیر و ذلیل اولان کیمسه کبی سکوت ایله جواب ویر
 دید کلرنده مره ای قوم حساس نوجوان بر بهادر مرد در خوف ایدوب
 استننه سوار و بر طرفه فرار ایلدی نه جانیه راهی اولدی معلوم دکلدر
 اما هم نام ابو عشرت اخو عشرت اولوب سزله تسلیم ایلمش اولاد
 و اقرباسی اوزریمه هجوم و هم نامی جاننی آخر ایچون قود و قصاص
 ایتدرک دیو تعجیر و تکدیر ایدرلر اما بئله قدا طلب ایدرسکن شمدیکی
 حالده رضام ایله موتی استم زیرا خیال و جنگ آور بهادر لر اسبه
 سوار و رزمگاهده دلوه و جولان ایتمک محتاج در که ابتدایمیدانه
 بن کبروب نیمه مبارزه د نصکره قتل اولم بوسودالردن فارغ اولوب
 هم نامدن غیری اولادمدن بر بنی و بریم قتل ایلدک یا خود سزه پیک
 عدد ناقه احسان ایدوب حساسدن قدا ایدیم دید کده و جوه بکر
 غضبناک اولوب بزرگا و اولادیکه ذیل اولقی ایچون و ناقه طلب و احسان
 اولتی ایچون کلدک دیو متفرق و مهملله افاده اولدخی حرب و رزمه
 شمشیر ساق و مقناله به آماده و شروع و آغاز ایدوب میانلرنده
 حرب و قتال نیجه زمان متمادی و قبیله بکردن مقتول بسیار اولوب
 قبیله حساسک عین الانبیا ایکن محاربه به قارشمایوب عزالت
 و انزوا اختیار ایدن حارث بن مالک حضور یسه قبیله بکر واروب
 یا حارث قبیله مزک مردان و بهادرلری تلف و هلاک اولدی بزه امداد
 و اعانت ایله دیو بنار ایلد کلرنده حارث (لاناقلی فیها ولاجل)
 دیوب حارثک بو کلامی مثل اولدی یعنی بنم بو محاربه ده علاقه
 یوقدر نه حالکز وار ایسه کورک دیمک اولور تکرار قوم حارث واروب
 ابرام و قبیله مز خراب و قوم مز هلاک اولدی غیرت و ناموس و قتیدر
 دید کلرنده حارث فرزند یجری بر روایتده خواهرزاده سنی مهملله

ارسال ایدوب یا مهلهل خالم ابو یحیر سکا سلام ایدوب دیدیکه
 معلوم کرد که بن حربدن عزلت ایدوب قومه امداد واعانت ایلدم
 زیرا قوم سزه ظلم ایلش لردی و میانکزی تخلیه ایدوب بر طرفه
 معاونت ایلماشدم والان برادرک کلیمک انتقامنی الوب نیجه مرد دلیر
 قتل ایلدک بو حرب وقتال نیجه دیک قبیله کی خراب و قومکی اهلاک
 ایلدک دیو یحیر تبلیغ نصیح ایلدکده مهلهل دستنده اولان نیره بی
 خواهر زاده سی حارثه حواله و خالک کچدر دیو قتلنه هجوم ایلدکده
 امر القیس بن ابان التغلبی یا مهلهل صبر و ثباتی ایله زیرا بو غلامک
 قومی محاربه مردن عزلت ایلش لردی والله اگر سن بو غلامی قتل ایدرسن
 خالک کچدر دیو سوال ایتیم لردخی قتل اولنور دیو بند ایلدی لکن
 مهلهل اصغایتمیوب نیره ایله غلامی جرح و قتل ایدوب (بو بشسع
 نعل کلب) دیدی یعنی بو غلامک خون و دمی کلیمک نعلنک نصمه سنه
 برابر و مقابلدر دیدی مثل مزبور بر شبت برشیدن افراط ایله وضع
 و دنی اولوب کلی بعضنه معادل و برابر اولماز دیه جک محمله ضرب
 اولنور و غلام حالت نزعه ایکن اگر قوم بنو بکر بنم قتلنه راضی
 اولور لسه بندخی راضی اولورم دیوب قضاء نجب ایلدی و بوقصه
 حارثه نقل اولنوب حارث بو غلام و بآ کلیمی اولاد و ایلدن نه کوزل دفع
 ایلش قتل اولند یغنه راضی اولور زیدکده قوم یا حارث مهلهل
 اول غلام سفیری قتل ایدوب بو بشسع نعل کلب دیمش دیدکده
 حارث غضبنک اولوب قوم و قبیله سیله مهلهله هجوم و مقاتله به آغاز
 ایدوب قبیله بکر و تغلب میباند مدت مدیده حروب و قتال متعادلی
 و پیوسته و اشرف واعیان قبیلتین تلف و هلاک اولوب جساسک برادر
 همام و سائری قتل اولنوب ایکی قبیله مضمحل اولق رتبه سنه رسیده
 اولدقده حارث بن عوف المری قبیلتین میباند مسالمة و مصالحه به
 سعی و اقدام و عاقبت عقد صلح و مصافقات ایلدی ان شاء الله تعالی
 تفصیلی * وان الصلح بین بکر و تغلب تم برسانک * فقره سنده ذکر
 و بیان اولنور بعده مهلهل اعوان و انصارنده جدا و نک و تنهایی

یش کردن خالری جانبیه راهی و عمری آخر اولنجه مزبور رجایه سنده
 وقت گذاراودی لکن وفاتنده اختلاف اولنوب بعضیلر حتف انفه فوت
 اولسنه ذاهب اولدی و بعضیلر مهلهل مسن و پیر اولوب ایکی غلامی
 ایله بر طرفه سفر ایدوب غلاملر مهلهلدن متضرر و متاذا اولماریله
 سر راهلری اغیاردن خالی بر مفازیه رسیده اولدقده غلاملر مهلهلک
 را کب اولدیغی شتری اناخه و مهلهلی قتل ایتک مراد ایلدکده مهلهل
 را کب اولدیغی شترک سمرینه سکین ایله ذکر آتی ییتی نقش ایلدی
 دیدی روایت اخراده عبدله وصیت ایدوب چونکه بنی قتل ایدرسن
 باری شوییتی اولاد و عیالنه قرأت ایلدک دیدی * من مبلغ الحین ان مهلهلا
 * لله در کما و درایکما * بعده غلاملر مهلهلی قتل و قبیله به عود و مهلهل
 حتف انفه وفات و بوییتی انشاد ایلدی دیو موت ملهلهل بدن خبر
 و بردکده ملهلهلک فرزندان و اقرباسی ملهلهل بو گونه بیت بی معنی
 انشاد ایلز دیو تفکر و تعجب ایدر کن فرزندانن بری بو مصرع اعلرک
 هر بری بر بیتدن اولوب پدیر عزمک مرادی بودر دیوب * من مبلغ الحین
 ان ملهلهلا * امسی قبیلا فی الغلاة مجرلا * لله در کما و درایکما *
 لا یبرح العبدان حتی یقتلا * دیو قرأت و عبدلی ضرب ایدوب عبدل پر
 قتل ایلدک دیو اعتراف ایلدکده ایکی سنی دخی قتل ایلدی لر مال معنای
 یتیم کچدر اول کیمسه که قبیله لر به تبلیغ و ایصال ایلدیه که تحقیق
 مهلهل صحرا ده مقتول و مستلق اولدیغی حالده اخشاملدی ای فرزند لرم
 سزک و پدیر یکرک نه عجب خیر او عابدی که عبدل خلاص و ترک اولنوب
 قتل اولنه دیمک اولور و مجدل طعن و ضرب اولنوب زمینه القا اولتانه
 دیرلر که طعنه بخدله ای القاء فی الاض فانجدل هوای سقط ایلد تفسیر
 اولمشدر و مهلهلک شعری اعلا ی طبقات قد مادن اولوب بوا بیات
 انکدر * بکره قلو بنایال بکر * نعا دیکم برهفة النصال * لهال دن
 من الهامات جون * وان کانت تعادی بالصقال * ونبکی حین تذکر کم
 علیکم * و نقتلکم کانا لایسالی * و السؤل انما فی عن عهدک *
 و سؤل سنک عهدک * و قال ایلدی ظن ایلدم مزبور سؤل یثرب

یهودلردن سمؤل بن عادیدار که وفاده مزبور ایله ضرب مثل اولوب
 اونی من سمؤل دیرلر و سایی بودر که چونکه امرؤ القیس بن حجر الکندی نک
 پدری کنده ملکی ایکن قتل اولندی امرؤ القیس فرار و ملک روم جانینه
 استمداد و استعانت قصد یله راهی و محمل بند و سر راهی تیمانام موضعه
 سمؤلک قله سنه واصل اولوب رجعتده اخذایتمک اوزره سمؤل یوزره
 و بر مقدار آلت حرب امانت و ایداع و روم طرفنه راهی اولدقده حارث
 بن ظالم بر روایتده حارث بن ابی شمر الغسانی امرؤ القیسک ایداعنی
 استماع و سمؤلدن اخذ قصد یله هجوم و طلب سمؤل دخی و یرمکدن
 ابا و امتناع و قلعه سنه تحصن ایلدی کده حارث سمؤلک بر فرزندنه
 ظفر یاب اولوب ای سمؤل امرؤ القیسک امانت لرینی بکاتسلیم ایله والا
 فرزندنکی قتل ایدرم دیوندا سمؤل دخی بنم ایچون نقض عهد احتمالی
 بر طرفدر قتل ایلسک دخی و بر ممدید کده حارث سمؤلک مشاهده ایده جکی
 محله فرزندنی میاننه وارنجه دوپاره و قتل ایلیوب راهی اولدی بعده
 امرؤ القیس تیمایه واصل اولمزدن مقدم فوت اولوب سمؤل و دیعه
 امرؤ القیس بر فرده و بر میوب مراد او نیجه حفظ ایلدی و صورت هلاک
 امرؤ القیس بو گونه روایت اولندی که وقتا که پدرینک قاتل لردن
 اخذ انتقام ایچون قیصر دن استمداد و قیصر التماسنه مساعدده ایدوب
 بر مقدار عسکر و یروب امرؤ القیس رجعت و اخذ انتقامه نیت ایلدی
 بعض اصحاب غرض قیصری سوء عاقبت و فتنه ایله تخویف ایتمک یله
 قیصر بر حله نسیم و امرؤ القیس اردندن ارسال ایلدیکه واصل اولدیغنی
 ساعت لابس اوله و صورت اکرآمده اولمغله امرؤ القیس لابس اولوب
 عاقبت سبب هلاکی اولدی و لهذا ظاهر استحسن اولوب ضمنده
 ارقبیج اولان نسنه یه حله امرؤ القیس دیو ضرب مثل ایدرلر و چون
 وجودنده قرحدل پیدا و مرضی مشند اولدی بو ایسانی انشاد ایلدی
 * و بدلت قرحا دامیا بعده صحه * و بدلت بالانعماء و الخیر ابوسا *
 و لو ان نوما یشتزی لاشتریت * قلیلا کتغمض القطا حیث عرسا *
 فلو انما نفس بموت صحه * و لکنها نفس تساقط انفسا * و انقره یه

واصل اولدقده وفات ایلدی * و الا حنف انما احتی فی بردک * و احنف
 سنک عبا که بورینوردی ظن ایلدم برده چارکوشه بر عبادر که عرب
 استعمال ایدر و احنفک نامی ضحاک روایت اخراده صخر بن قیس
 بن معاویه بن حصین السعدی و کینه سی ابو یحرا اولوب حلم و صیادت
 و شرافتده احنف ایله ضرب مثل اولوب احلم من احنف و اسود
 من احنف دیرلر که اسود اجل معناسنده و احنف رسول الله صلی الله
 علیه وسلم حضرت لرینک زمان سعادت نشان لرینه یتشوب اسلامی قبول
 ایلشدر لکن رؤیت دیدار شر یغلریله مشرف اولوب تابعیندندر
 و پیغمبر صلی الله علیه وسلم حضرت لرینه بر کیمسه احنفک محاسنی نقل
 ایدوب اخلاقی رسیده سامعه شریفه لری اولدقده دعا ایلد کلرینی
 بو گونه سرد و بیان ایلرلر که عمر بن الخطاب رضی الله عنه حضرت لری
 زمان سعادت لرنده احنف مکرمه مکرمه یه کلوب یت شریفی طواف اتناسنده
 آشنای قدیمدن بری مصادفه ایدوب یا احنف بنی بلدکی دیدکده
 بلی یلورم دینجه ای احنف سنی امر جلیل القدر ایله یتشیر ایدهیم
 معلوم مکیدر که بروقتده رسول الله صلی الله تعالی علیه وسلم حضرت لری
 بنی سنک قومک اولان بنو سدهی اسلامه دعوت ایتمک ایچون ارسال
 یوردقلرنده هر چند که امر یوردقلری اوزره اسلامه دعوت ایدردم
 اعراض و عناد ایدرلردی و سن ای قوم کراه بو کیمسه سزی خیر
 و حقه دعوت ایده یور و بو کیمسه دن استماع ایتمدم الا کلام حسن
 و خیر استماع ایلدم دیمش ایدک بن دخی رسول الله صلی الله تعالی علیه
 وسلم حضرت لرینه کلوب سنک قومکی اسلامه حث و ترغیب ایلدیککی
 اعلام ایلدیکمده رسول اکرم حضرت لری اللهم اغفر للاحنف یوردیلر
 دیو ختم کلام ایلدی و مومی الیه صخر بن قیس احنف تسمیه اولمسنه
 سبب حنف لغتده کچ پا و انکشتلری بر برینه ناظر و معوج اولمغله
 دینوب صخرک پالری کچ و معوج اولمغله احنف دیدیلر حتی صخر طفل ایکن
 کا هیجه مادری رقص ایتمدیروب رقصندن مسرور اولدیغندن
 و الله اولاحنف * فی رجله ماکان فی قتیبا نکم مثله (یتنی انشاد ایلدی

یعنی اگر صخره پالرنده اعوجاج اولمده ای قوم سزک اولاد بکرده بونک مثل
ونظیری اولمازدی عبدالملک بن عمر دن منقولدر که بروفته ده احنف
مصعب بن زبیر ایله کوفه یه کلدی احنفدن قبیح الشکل بر فرد مشاهده
ایتمدم غایت نحیف و صغیر الرأس و متراکب الاسنان یعنی دشمنی بربری
اوستنه و چشمانی منفتح و کشاده و تکلم مراد ایلسه ابتدا امرده صعوبت
ایله تکلم ایدردی کرچه لکن دکلدی لکن لکنه مشابه ایدی شعبی ذکر
ایدر که بروفته ده بصره قافله سبله ابو موسی الاشعری عمر بن الخطاب
رضی الله عنه حضرت تلبینه کلوب اهالی بصره ایله احنف بن قیس
دخی موجود و حضرت عمر ک مجلس شریفنه داخل و هر کس کندی
امور مهمه سنی عرض و اعلام ایلیوب احنف صف تعالده اولمغله
نوبت کندی یه کلد کده ابتدا ادای جد و صلوة بعده حضرت عمر
خطاب ایدوب یا امیر المؤمنین طالاهل مصر فرعون و اتباع فرعون
منزل رینه نازل و اهل شام منازل قیصره نازل و اهل کوفه منازل کسرایه
نازل اولوب انهار لطیفه و عذبه ساحلنده بنا ایلدیکی قصر لرده مر بع
نشین و اشجار میوه دارلری بسیار و ملتفه باغلرده ذوق و صفایله آسوده
آیین اولوب عین البقر و البعیر کی اثمار کونا کون سله ره وضع و متغیر اولدن
خانه رینه احضار و تناول ایدر اما اهالی بصره شورستان مواصده
ساکن و اما مال ایله دفع تشکی ایدوب ساکن اولدقلری موضعک بر طرفی
آبی تلخ و مال اولان نهر لر و طرف آخری یکاه و سبزه دن خالی مفازه و بیابان
و بوسجابلری باراندن نهی اولوب کردن شتر مرغ کی نحیف و رقیق
اولور ایلمدی خسب و دنی اولانلری میزی رفیع و عالی و فقیر و بی
نوالر میزی توانکر و غنی و کبیللری میزی تعدیل و در هم لری میزی تکمیل
ایدوب بر نهر شیرین حل و عذب اجرا ایله دید کده عمر رضی الله عنه
ای اهل بصره سزک بونک کی تکلمدن عاجز میسر و الله بواحنف
جله دن سید در بو مقوله کلماتی احنفدن استماع ایتمدن زائل اولما
یوروب احنف باننده بر سنه ابقا و حبس بیوروب بعده یا احنف علمک
خی اعجاب ایتمکله سنی تجربه و امتحان ایلدم زیرا رسول الله علیه السلام

حضرت تلبی (احذر المنافق العالم) یعنی عالم اولان منافقدن حذر اید بکر
بیور دیلر اول صفت مذمومه دن ساحه ذمتک بری و خوف ایلد بکمدن
عاری مشاهده ایلدم بیوروب جائزه سنی احسان و سبیلن تخلیه ایلدی
بعده احنف عمر رضی الله عنه حضرت تلبی زبیرت شریفلرندن وفات
ایدنجه منقطع اولوب ملاقاتلریله تحصیل شرف ایدردی و موی الیه
احنف عقل و حلمی سبیلله شول رتبه تحصیل عز و سیادت ایلمشدی که
امر ایلد کده یوز بیک اسب سوار تیغ زن دلاور مجتمع و فرمانبری اولور لر دی
وامر اء انصار امور مهمه لرنده احنفدن استعانت اولدخی اعانت ایدردی
واحنفک زبیرا نامنده محبوبه بر جاریه سی اولوب کمال محبتندن هرامر ده
زبیرا یه مطیع و منقاد اولمغله احنف بردشمن ایله محاربه قصد ایلسه
عرب (قد غضب زبیرا) دیوب مثل اولمشدر و اثنای مقاتله ده احنفک
غضبندن کلاه ایدر لر دی و احنف قیس بن عاصمک اخلاق حیده صاحبی
اولد یغنی وصف اثنای نموده شاگردان استاد لرندن علم تعلم ایلدیکی کی
بز قیسدن حلم تعلم ایلدک دیردی و حلم و صبرده قیس شول درجه یه واصل
اولمشدی که بر کون قیس احتیای ایدوب ندما سبله مکالمه ایدر کن اوغلنی
مقتولا و عم زاده سنی قید و بند ایله مجلسنه ادخال و نقل ماجری ایدوب
عم زاده ک اوغلکی قتل ایلدی دیدیلر قیس کلامنی قطع ایتمیوب احتیای
بوزمادی و کلامی رسیده انجام اولدقده اوغللرندن برینه ای فرزند
عم زاده میزی اطلاق و برادر یکی دفن ایلیوب مقتولک والده سنه
یوز ناقه ویرزیرا غریبه در بلکه انکله منسلیه اوله دیدی وصول طرفنه
اتکا ایدوب بو بیتي انشاد ایلدی * انی امرؤ لایعتری خلقی دنس یفنده *
* ولا افن من منفرفی بیت مکرمه * خالد بن صفوان حکایت ایدر که
بر وقته رصافده هشام بن عبدالملک مجلسنده ایدم بکا خطاب ایدوب
یا خالد احنفی وجهله کنیدی کزه ترجیح و ربس و سید قوم ایلیوب
اتباع و انقیاد ایلدی کز دیو سوال ایلدی و اول کون خبیس اولمغله هشام
صائم ایدی بن دخی جوابه تصدی ایدوب امر بکر اولور سه بر حکایه سین
نقل ایده که انجق اول سیرتی سیادتنه کافی و باعث اوله و امر ایدر سکر

ایکبسنی نقل ایدیم و مساعدده بیوریلور سه اوج سیرت حمیده سن نقل
و بیان ایدیم واکرمی ادیکز اولور سه اخشامه دل خصال مدوحه سنی
ذکر ایدوب صائم اولدیغ کزدن زهول و وقت ~~ک~~ گذار اوله سز دیدم
هشام دخی برینی بیان ایله دید کده فی العمر احنف کبی نفسنه سلطان
و غالب بر فرد معاینه ایلدی بکدن ماعدا کوشزد دم دخی دکلدر که افعال
مدوحه به نفسی اقدام و هوای نفسنه متابعدن اجتناب ایدوب افعال
مذمومه دن منع و زجر ایدردی و هیچ ایهام قبیحی اولدیغنه مطلع
اولوب حاصلی خلفادن غیریده نظیرین مشاهده ایلدم دیدم هشام
دخی پسند ایدوب فی الحقیقه بو خصلت سیاده کافیدر لکن برینی دخی
نقل ایله دیدی ممکندر که برکشی نفسنه غالب اولوب افعال قبیحه دن
عدا ایلدیکی اشبادن نفسی منع و کف ایلله لکن محاسن و قبایحی فرق و تمیز
ایده میوب نفسنه سلطنت و غلبه سنی نفس الامر مطابق اولور وجه
اوزره اجرا ایدمز احنف ایسه صاحب بصیرت و تمیز اولوب نفسی
اوزره سلطنتی محاسنه اقدام و قبایحدن اجتناب ایتمکله اعمال ایدردی
دیدم هشام استحسان و خصلت نخستینه بو خصلت تکمله در که نیک و بد
تمیز اولمقدقه مجرد نفسنه سلطنت و غلبه سودمند اولمز برینی دخی نقل ایلله
دید کده ممکندر بر کیمسه نفسنه غالب و نیک و بدی تمیز و صاحب بصیرت
اوله لکن اجرا به قدرت و مکنیتی اولمافله خصال حمیده ایلله موصوف
اولسنه مانع اولوب شهرت باب اوله مز احنف ایسه مال و جاه و لشکر
صاحبی اولوب کندیده موجوده اولان خصال مدوحه بی اجرا ایدوب
مشهور افاق اولدی دیدم هشام محظوظ اولوب بودخی مقدم نقل
ایلد کلر یکک تمه سیدر لکن صومدن بی اشغال ایده جک خصلتانی
دخی بیان ایلله دیدی بن دخی نقله اغاز ایدوب ایام سالقه ده واقع اولان
افسانه سننددر که بروقتده فتح خراسان قصد ایلله عسکرینه نظام
و یروب محمل بند و راهی اولوب تنک و ضیق بر محله خیمه انداز و ملک
عجم لشکرانچم شمار ایلله احنف احاطه و مضیق ایدوب احنف کمال
اضطرار بندن صلوة عشایی ادا و درگاه خدایه تضرع و ابتهاج ایلله

ظفر و نصرته توفیق طلب و نیاز بعده تبدیل لباس ایدوب آیاعسکرم
حمیده نه گونه قیل و قال ایدر دیو جست و جو ایچون میان لشکرده
ملول و محزون کشت و کذار ایدر کن کوردیکه بر عبد آسیابان ال دکر منی ایلله
کندم طحن ایدر و یاننده رفیقی اولان عبده عجبدر که امیر بزم مسلمانان
ایلله بو یله بر تنکناده خیمه انداز اولوب دشمن اطرافزی احاطه ایتمکله
بر طرفدن تنکی مکان و بر طرفدن تضییق دشمن طاف کداز اولدی دیدی
رفیق دخی ای برادر بو بلیه دن رهایی بر چاره ملا حظله ایدر مبدسک
دیو چاره جوا ولد قدده چاره سی بومزالدن میشه زار بر فرسخ مسافه در
بو آن کوس رحیله طره زن و عسکر یله قالقوب میشه زاره خیمه انداز
اولد قدده ظهر عسکر پیشه کلوب دشمن احاطه دن عاجز اولمافله فقط
مواجهه مزدن اولد قدده عسکر یمرزه پریشانلق عارض اولوب حرب
ورز مه مباشرت ایلسه امید وارمکه عون باری تعالی ایلله محاربه سهل
اولوب مظفر اوله بوزدید کده احنف استماع و سجده شگری ادا و رحیلدر
دیو عسکری اکاه و ندا و محمل بند حرکت اولوب اول میشه زار پیشنه
سحر وقتی رسیده و میشه بی ظهر عسکره آلوب نازل اولدی بو طرفدن
لشکر عجم دخی احنف اوزرینه هجوم قصد ایدوب هر طرفی میشه زار
اولمافله فقط بر طرفدن فرجه بولوب جهش احنف خوف و رعب
القائیم ایچون چارطبله یکسر طره اوروب هجوم احنف دخی عسکر یله
اسب سوار و کندی علی اخذ و دشمنه حمله و طبیک برینی شق و دریده
و طبیل زنی قتل و بقیه طبیل زلر خوف لرندن پریشان اولوب لشکر عجم صدای
صلا استماع ایلد کده پیش لشکر منهزم اولدی طنبله مدبراً فرار
واحنف عسکر یله قفای دشمنه شتاب و هجوم و بی نهاییه عجم قتل
و سفک دماء ایدوب منصور و مظفر اولدی دیو شمس غروب ایدنجیه
خالد هشامه احوال احنفی نقل و بیان ایلدی و رصافه مواضع متعدده نک
اسمی اولوب بری رصافه شامدر که ابو منیع عبد الله بن زیاد و حجاج
بور رصافه دندر و رصافه بغدادده بر محله در که محمد بن بکار و جعفر
ابن محمد علی بور رصافه دندر و بری اندلسده در که یوسف بن مسعود

و محمد بن عبدالله بن صیغون بور صافه دندر و بری رصافه واسطدر که
حسن بن عبد المجید مولیدر و بری رصافه بصره در که محمد بن
عبدالله بن احمد و ابوالقاسم حسن بن علینک مولیدر و بری افریقیه
ده در و قلعه اسماعیل به رصافه دیرل و حجازده عین الر صافه دیرل
بر عین ماواردر و احنفک حکایات غریبه و الفاظ محکمه و عجیبه سی
بسیار و بی نهایت اولوب از جمله بعض خدمه سندن مرویدر که
احنف شب تاب سحر نماز گذار اولوب اثنای نمازده فروزنده اولان شمعک
شعله سینه انکشتنی وضع و نفسنه خطاب ایدوب ای نفس افعال
و اطوار که حسن اول و فلان کون سندن فلان خصوص صادر اولغه
نه شی باعث اولمشدی دیونفسنی تو بیخ و ایضا ایدردی و بر کون بر شخص
درد دندان ایتلا سندن تشکی ایلد کهده احنف اوتوز سینه در که بوندن
را حتم ز نل و منعدم اولوب بر فرد شکایت و فقد اندن حکایت ایلدم
دیدي و بر کون عمر بن الخطاب رضی الله عنه یا احنف اطعمه دن
زیاده متلذذ اولدیغک طعام ندر یوردیلر احنف دخی تو و کاه یعنی قبیق
و منتردن متلذذ اولورم دیوب حضرت عمر رضی الله عنه احنفک زبد
و کاه نه تخصیص محبت ایلدیکی فی الحقیقه محبت سندن اولیوب بلکه قبیق
و منترک بسیار اولسی خصب و رخا و قریب مزروعات و قنده اولوب
عباد خط و غلاز حتنی چکمه چکرینه علامت و نشان اولدیغندن
اظهار محبت ایلدی یوردیلر و بر کون برید زبان شخص احنفی تک
وتنها اولوب شتوم غلیظ ایله شتم و دشنام و احنف سکوت ایله معامله
و اول محلدن قلعوب قومی اولدیغی مکانه توجه ایلوب شخص معهود
دخی در پی اولد قده احنف ای کشی شتومدن بقیه و ارایسه بو محله
اتمام ایله زیر قوم میانشده اتمام ایدرسک سکا ضرر لری اصابت ایدر دیدي
بر کون بر شخص احنفه بوسیدات و شرفی و بوقدر متراتی نه سبب
ایله کسب و تحصیل ایلدک حال بو که قومک شریف و سیدی دکل ایدک
دیو سوال ایلد کهده احنف و ظیفدم اولیوب اوزریمه لازم اولمسان
امری ترک ایله مثلاً سنک خصوصک اولانی تفحص ایتک بکال لازم اولیوب

اندن اعراض و ترک ایلدم نیکیم بکا متعلق اولوب سکا لازم اولمسان
خصوصی سنک ترک ایدوب التفات ایتدیگک کی دیو جواب و یردی
و بر کون بر شخص بد کو احنف غضبناک اولوب سکا بر کون شتم ایدر مکه
قبریکه سنک کله معا داخل اولور دیدي احنف دخی منفعل اولیوب
والله بنم قبرمه داخل اولماز بلکه سنک قبریکه داخل اولور دیدي
ینه بری احنفه بورتیه و شرفی نه کونه کسب ایلدک دیدي احنف دخی
خلقک استخوان ایلدیکی افعالی ترک ایتکله تحصیل ایلدم مثلاً آب
خوشکوار نوش ایتکی قبیح عدا یلسه لر عمر اولدیقه آب صافی نوش
ایتردم دیدي و بر کون احنف بر بلده که تعیش و اکنسب ممکن اولیه
اول بلده نازل اولدن محظوظ اولمام اگر چه قومی بنی البان و اطعام
ایدر سه دخی دید کهده یا ابابکر حزم و احتیاط دخی بود کلمیدر دیدیلر
احنف یلی بودر دیدي و احنفک بوسه کلامی * لاتلبشوا بدار معجزه *
حدیث شریفی اشعار ایدر یعنی رسول اکرم صلی الله علیه وسلم
حضرت لری اکنسب و تعیشدن عاجز اولدیغک بلده ده اقامت ایلد بکر
یوردیلرینه تلمیحدر و احنف عادت قبیحه بی سومم دیدي و بر قنده
احنف اهل عراق ایله معاویه رضی الله عنه زیارتیه واروب پرده دار
اهالی عراقه امیر المؤمنین هر کس کندویه متعلق اولان اموری عرض
و اعلام ایلسون آخر طرفدن و کالت ایله غیر یلرک مراملرینه تعرض
ایلسون دیوتنیه ایلدیکن افاده ایلوب اهالی عراق مجلس معاویه به
داخل اولد قلرنده احنف اگر امیر المؤمنین هر کس آخر طرفدن و کالت
عرض مرام ایتسون دیوتنیه یورمه ایدی عراقه برداهیه نزول
و بر نائبه و بر مصیبت ظهور ایلدی که اول نائبه سیدیه جمیع ناس
امیر المؤمنینک عراقه کلسنه محتاج اولدی دیو اعلام ایدردم دید کهده معاویه
حضرت لری بنم تنبیهم حاضر اولر بر برینه عرض مرآمده و کالت
ایتمسون دیو ایدی یا احنف سن حاضره و غائبه و کالت ایلدک یوردیلر
و بر کون معاویه رضی الله عنه یا احنف خاطر کده میدر علی کرم الله وجهه
حضرت لرینه طرفدار اولوب بتمله صفین نام موضعه مخار به ایلدیکن

پیورد قلزنده احنف یا امیر المؤمنین شول قلوب که بز انکله جنابکره بغض
ایلمشدک الان ایکی جنبز میاننده وشول سیفلرکه انکله مقاتله ایلمشدک
عاتقلمز اوزره آویخته اولمشدر اگر مرادش یفکر اولورسه حلمکره
تکدیر مزی عفو پیوررسز دیدکده معاویه رضی الله عنه عفو ایلمد
پیوردی و بعض خصوصده که احنف مؤاخذه و تعیب اولمشدر بری
بودر که چونکه ز بیر بن العوام رضی الله عنه یوم الجمده قتال دن فارغ
ودیارنه راهی اولدی قبیله بنی تمیم اولدیغی محلدن مرورایدوب بر شخص
احنفه ز بیر شمدی بو طرفدن مرورایدی دیدکده احنف نسلیه لم
ایکی قومی بر برینه دوشروب عداوت و بومر تبه قتال و حروب به سبب
اولدی شمدی تخلص نفس ایچون میانلرندن چیقوب دیارنه راهی اولدی
استریدی و ابن جرموز ز بیرک قفسا سندن رسیده وقتل ایلمدکده ز بیر
بو کلامیله احنف قتل ایلمدی و ابن جرموز رأی احنف ایله قتل ایلمدی
دیدیلر بری دخی بودر که حسن بن علی رضی الله عنهما حاضر تلی
احنفه مکتوب ارسال و کندویه امداد و اعانت طلب ایلمدکده حسنی
افتحان و تجربه ایلیوب تدبیر و سیاست مملکتی و صیانت مالی و مکیده
حرب و قتالی کندولده بولدم دیوب اعانت ایلمدی و بری دخی جاریه سی
ز برایه اطاعت و انقیادیدر حتی احنفدن ز برایه بورتبه انقیاد ایتمکده
باعث نه اوله دیو سوال اولندوقده نیجه انقیاد ایتم که هر روز و شب ز برایه
محتاجم دیدی و بری دخی بودر که بر کون بر عرب احنفی ضرب احنف
دخی سبب ضربیدن سوال ایلمدی عرب بر کیمسه بکا اگر قبیله تمیمه
رئیس و سیدنی ضرب ایلمدکده سکا شو مقدار درهم احسان ایده ی
دیمشدی بناء علیه بوقباحتیه اقدام ایلمد دیدکده احنف امیر قوم بن دکلیم
حارثه بن قدامدر دیدی عرب دخی کلام احنفه فریفته اولوب
حارثه بی ضرب و اطم ایلیوب حارثه عربک دستنی قطع و بریده ایلمدی
و خلق عربک دستنی حقیقتده احنف قطع ایلمدی دیدیلر و بر کون
عمرو بن الاهم احنفه هزل و مزاح قصدیله بر آدم ارسال و اول شخص
یا احنف پدرک مالدار میدی دیو سوال و احنف غرضنی فهم ایلدوب

بر مقدار ناقه سی اولوب عیالی تعیش و مهمانی انکله اطعام ایلدی
لکن آنت حربی موجود دکل ایلی دیدی سقطات احنف بو مقدار
ضبط اولمشدر بوند نصکره دخی بعض نوادر و حکایاتی نقل اولمقی
مناسب اولغله شروع اولندی بر کون احنف بر خیاطه بر ثوب و یروب
درزی خیاطنده مساحمه و نیجه زمان معاطله ایله اوقات کثیره مرورایدوب
ثوبی درزیدن اله مدقده فرزندنی درزی به کتورب ای خیاط اگر بن
وفات ایلمد رسم ثوبی بو معصومه تسلیم ایله دیدی و احنفک کلامی
پندامیدندندر که بر ذوق ولذت که انجامی ندامتی مقتضی اوله اول ذوقده
خیرو برکت یوقدر و زاهد اولان کیمسه فقیر و محتاج اولماز و اعتذارایدن
کیمسه نک عذرنی قبول ایتمک لازمدر و قطع رجدن اقبیح برشی یوقدر
و انصاف و عدالتی ایتمکده نفسکده اجرابعده آخرده اجرا ایله
و بر کیمسه به اساءت و ضرر ایتمکده نفع و احسان ایتمکی تقدیم ایله و معلومک
اولسونکده دنیاده سنکیچون بر عمل خیر ایله تحصیل عقبا و آخرت ایتمکده
قدرت واردی و مالدار ایسک اتفاق و احسان ایلدوب سندن غیری به
خازن و حافظ اولوب مالک کندیکدن نصکره قالمسنه سعی ایتمه و حسود
ایچون راحت یوقدر و کذب ایچون مروت یوقدر و شول کیمسه به
تعجب ایلمد که ایکی کره مخرج بولدن خروج ایتمکدن نصکره بینه نکبر
و غرور ایلمد دیدی و هرشی که مرام و مطلبم اولدی تخلف ایلمدی دیوب
سیندن سوال ایلمد کلزنده ز را امر محال تحصیلنه هوسکر اولدم دیدی
و بر شخص یا احنف مروت نه کونه اولور بکا تعلیم ایله دیدی احنف
دخی اخلاق فسیحه و وسیعه به ملازمت و اخلاق ردیه و قبیحه دن
کف نفس و اجتناب عین مروت و اکاه اول که بر حکمت دخی تعلیم
ایده بم اقبیح قبایح اولدر که منفعتسن مذموم اوله جق امر قبیحی ارتکاب
ایده سن که قطعاً سکا فائده سی اولیه دیدی و بروقتده میان خلفده
محبت و مودت خالص و حقیقی ابدی شمدی صوری و جعلی مودت دخی
قالدی دیدی و مومی الیه احنفک مجلسنه بر شخص ملازم و دئاسا کت
و عصامت اولوب افراط سکوتی احنفی اعجاب ایلدی بر کون

نابجا گوینده اولوب یا ابابحر شرفه مسجده مشی و حرکت ته قادر
اولور مینک دیدکده احنف ای برادر پیرونا توان اولدم قادر دیکم دیوب
بوقطعه بی انشاد ایلدی * کاین تری من صامت لک * محب * زیاده
اونقصه فی التکلم * لسان الفتی نصف ونصف فؤاده * فلم یبق الا صورة
الحم والدم * معناسی ساکن لردن چوق ساکت مشاهده ایدرسک کز یاده
سکوتی یا خود کلام بی معنی سی سنی عجب کتورر انسانیک نصی زبان
وتکلمی ونصف آخری عقلی اولوب شخص مزبور نیجه زمان ساکت
اولغله انسانیته دن نصی مفقود وتکلم ایلدکده زار خوی اولسی
عقلینک فقدانیه دلیل اولغله انسانیته متعلق لحم ودمدن ماعدای برشی
قالدی دیمک اولور و بوقطعه بی بعضی احنفک اولق اوزره روایت
ایدوب بعضی احنفک شعرندن اعلادرا احنف مجرد تمثل طریق بقیله انشاد
ایلدی دیدیلر وموی الیه احنف التمش طقوز سنه سی کوفه ده دار بقایه
ارتحال ایدوب مصعب بن زبیر ماشی اراز اریله جنازه سنه حاضر اولدی
وکار جنازه سنه امرادن بو گونه ابتدا حاضر اولان مصعب بدر و احنفی
قبره وضع ایلدکر نده برزن سرحدده ایستاده اولوب ای کفنه لف
ووضع اولسان نه عجب خیر و اعمال صاحبی ایدک بزی سنک افتراقکه
میتلا ایدن باری تعالی دن نیاز ایدر مکه قبر یکی توسیع و یوم حشرده
عنایت و کرم ایلده دنیاده اعمال صالحهیه موفق و مدوح کافه انام اولدک
آخرته دخی شهید و مرحوم اولدیغک حالدده ارتحال ایلدک و حیاته کده
ناسه نافع اولمکه بین الناس مرغوب ایدن الله تعالی بزه و سکار حجت ایلسون
دیوب ختم کلام ایلدی و بوقطعه اشعارا احنف دندر * لوندی سروی بمال
کثیر * جدت او کنت له باذلا * فان المرأة لا تستطاع * اذالم یکن لها
فاضلا (و حاتم انما جاد بوفک و لقی الاضیاف بيشرك * و حاتم سنک مالک
ایله خلقه کرم وجود ایدردی و بشاشت وجهکله خنده و مهمانلره ملاقی
اولوردی ظن ایلدم و حاتم لسان عرییده خاه مهمله و کسرتا ایله اولوب
زبان فارسی و ترکیده خاه معجمه و قح تا ایله قرأت اولور و موی الیه حاتم
بن عبد الله بن سعد الطائی و کنیه سی ابوسفیان و ابوعدی اولوب

متن

زمان جاهلیته استیجابان ظهور ایدن اوج شخصک بر بدر و اول
اوج شخص مزبور حاتم و هرم بن سنان و کعب بن ماهه اولوب سخاوتده
جمله سنک اشهری حاتمدر و حاتم مولودنی علیه السلامه بنشوب
قبل المبعث وفات ایلددر می ویدر که علی بن ابی طالب کرم الله وجهه
حضر تلری ناسک اکثری نه عجب خیر و عملی ترک ایدوب اعمال صالحهیه
رغبت ایتمز و عجبدر که بر شخصه بر مسلم برادری حصول مرا می ایچون
مراجعت واستعانت ایلدکده کند و بی عمل خیره اهل کور دیوب
اول مسلمانک حصول مر امنه سعی و اعانت ایلز اگر چه ثواب رجاسنده
اولیه و عقاب الله دن خوف ایتیه بینه لایق اولان مکارم اخلاقه سعی
و کوششده اوله زیر حسن خلق و بر مسلمانک حصول مر امنه سعی
طریق فوز و فلاحه رسیده اولسنه دلیلدر پیوردیلر و مجلس شریفلر نده
حاضر اولنلردن بری با امیر المؤمنین تقریر پیوردیغکن کلامی رسول الله
صلی الله تعالی علیه وسلم حضر تلرندن استماع پیوردیغکن می دیوب
سؤال ایلدکده علی رضی الله عنه بلی استماع ایلدم و فتنه کقبیل طی دن
اسیر اولنلری کتوردیلر بر جاریه مشاهده ایلد مکه لیلری سواده مائل
و کردانی دراز و اندام و اعضاسی متناسب و حسن و جماله بی همتا اولوب
حسنی بنی اعجاب و پیغمبر صلی الله علیه وسلم دن طلب ایتکه عازم اولوب
بری چهره کفتاره کلدکده فصاحت و بلاغتی حسن و جلالی او تدردی
و بو گونه کلامه آغاز ایلدی که یا محمد اگر بی آزاد ایتکی روا کور و ب
قبائل عربی بکاشمات ایتدر مر سکر کرم پیورمش اولور سنز زیرا
بن بر قومک سید و شریفک دختر ییمکه پدرم اسیرزی آزاد و کر سنه
و جابعی سیر و اشباع و عریان و فقرابی الباس و خلقه تواضع ایدوب
صاحب حاجتی رد ایتوب مرا می اسعاف ایدردی یعنی حاتم طائی نک
دختری یمدیدکده حضرت رسول اکرم صلی الله تعالی علیه وسلم یا جاریه
(هذه صفة المؤمن ولو كان ابوك مسلما لترجنا عليه خلوا عنها فان اباهما
بحب مکارم الاخلاق والله يحب مکارم الاخلاق) پیوردی یعنی یا جاریه
بو اوصاف اخلاق مؤمندر اگر پدرک مسلما اولیدی بزا کا ترجم ایدردک

بوجاریه نك سبيلنى تخليه ايدى كز زيرا بوجارىه نك والدى مكارم اخلاقى
 سوردى وبارى تعالى مكارم اخلاقى سوردى بوجارىه نك نقل بوردى
 وعدى بن حاتم رسول اكرم عليه السلامه يارسول الله پدرم حاتم مساكن
 وفقرانى اطعام ورقابى اعتناق ايدردى ايا بوافعال حسنه دن مأجور
 اولورمى ديو سوال رسول الله صلى الله عليه وسلم حضرتلى دخی
 (ان اباك رام امر افادر كه) يعنى سنك والدك مذکور و مشهور اولوق
 قصد و مراد ايلوب مرادنه نازل اولدى بوردى و حاتمك ابتدا سخا
 و كرمندن ظهور ايدن بودر كه پدرى حاتمى شتر و كوسفندل رعى ايتكه
 تعيين اولدخى رعى ايدر كن شعراى عربدن بر جاعت ككه ايجلرنده
 عبید بن الارص و بشر بن ابى حازم و نابغة الذبياني اولوب نعمان
 بن منذر زيارتنه عزيمتلى اثناسنده حاتمك مرعاسندن كذر و حاتم
 بزه اكل ايدى جك شبنك وارمى در ديو طعام سوال ايلدى و حاتم
 بواشخصك كچلر اولديغنه عالم دكل ايكن اى قوم شتر و كوسفندلرى
 مشاهده دنصكره اكله صالح شیدن سوال اولورمى نازل اولك سره
 برضيفت ايدىم دیدى شعرا دخی نازل و حاتم هر برینه بر كوسفند
 و شتر ذبح و خرايتد كد نصكره ناملىنى سوال انلردخى اعلام ايدوب
 حاتم خوم شتر و كوسفندى ميانلرنده تقسيم واعطا ايدوب پدريندر جعت
 و كذشتنى نقل و حكایت ايلوب پدرى حاتم بو نامعقول كاره اقدامه بانث
 ندر ديو موأخذ ايلد كده اى پدر مجموع دنياك سخا و مجدنى طوق كبور كى
 سنك كردنكه قلاده ايلدم كه اطعام ايلديكم مهمانلر شعراى نعمان
 ايمش ديوفاده پدرى دخی محفوظ اولوب اويله اولسه لايأ سدر دیدى
 (نقلدها طوق الحمامة) مثل اولوب نعمتى لازم و باقى اولور وجهله
 نقلد ايلدى ديه جك برده ضرب اولور و حاتمك زوجه سندن مرويدر كه
 برسنه افراط خط و مأكولات ناياب و منعم و مزروعات و سارسبز و كياه
 عزيز و نادرا ولد يغندن هر كس نفسى نفسى ديو مادر و مرضعه
 ارضاعده اولادنه ضنت و بخل ايدردى و والله بن برشب سرد و درازده
 كر سنكيدن بى تاب و توان ايكن اولادم عبدالله وعدى وسفياه افراط

جوعدن فریادم وزارى ايدوب جو علربنى دفع و سدرمق برنان پاره
 وجداننه عدم اقتدار يزدن شوهرم حاتم عبدالله وعدى بن سقانه بنى
 دروغ و فریب ايله خفته ايتكى سعى و نصف الليله و آنچه كریه و فریاددن
 فارغ و ليوب بعده نائم اولدى برون و حاتم بر مقدار اسایش ايجون
 بر طرفده خفته اولوب حاتم بئله مصاحبت و تكلم مرادوبن تناوم ايدوب
 جواب و برمدم والم و كدردن بى خواب متفكر بر مقدار وقت مرور
 و كچه نك ثلث آخیری اولغه قریب اولدقده بر شخص خرگاهك
 برده سنى كشاد و داخل اولوب شوهرم كيمك ديو سوال اول شخص
 دخی همسايه كز فلانيم ديو بنى وقت مجيئندن استعلام همسايه دخی
 اولادم كر سنكيدن رتبه تلف نفسه قریب و كریه و فریاد لری بنى بزار
 ايتكله سندن كرم و عنایت طلبه كدم دیدى شوهرم حاتم دخی بوآن
 فرزندانى كنور ديو امر و كندى بیرون بن دخی قالقوب يا حاتم بونه كونه
 معامله در كه حالا فرزندانم و زلر برنان پاره به محتاج بلكه هلا كه مشرف
 ايكن همسايه مزاولادنى احضار ايدوب نه اطعام ايدى جك سن دید كده
 سن يلزن ساكنه اول ديو كندى راكب اولديغى اسبى ذبح و جلدنى
 سلخ و كوشنى اماده ايدوب همسايه مزاولان زن دخی معصوملرينك
 ايكسنى اغوشنه الوب دوردى فریاد ايدىمك بيش روكلنجه بزم اولادیمز
 دخی بيدار و فغان كان بریره مجتمع و لحم طبخ اولوب اول حوالیده اولان
 خرگاهلر اصحابنه بر مقدارنى توزیع و باقبسنى بزم ايجون احضار
 و بزاولادمرله تابكلو سير اولنجه اكل و تناول ايدر كن حاتم خرگاهك
 بر طرفنه جالس و تناول مزه نكران اولوب برلقمه اكل ايلدى حال بو كه
 بزدن زياده كر سنه ايدى و صباح اولدقده زمین اوزره اسبك استخوانلرندن
 غیری برشى مشاهده ايلدم ديونقل ايلدى ابن اعرابی ذكر
 ايدركه بروقتده حاتم قبيله عزريه اسير اولوب زنان قبيله دن
 برى يا حاتم شو ناچه بى فصد ايله ديو امر حاتم دخی ذبح و خرا ايلد كده
 زن غضبناك و حاتمى ضرب و اطعم ايدوب حاتم لوزات سوار اعظمى
 ديو بمثل اولدى يعنى نه اولدى بنى ضرب ايدن بريله زك صاحبسى

مرآه ایلدی یعنی اصل زاده و مالدار اولوب بومقوله فرومایه و فقیره
اولمایدی بعده زن حاتم بزم قصه دین مرادیمز عروقتدن برینی قطعدر که
سبیلان ایدن دمی جمع واکل ایده رز دیو افاده مرام ایلدی و عتره
ریعه دن ابو حنی اولوب عتر بن اسد بن ربیع بن زاردر ابن المدی
روایت ایدر که بنوا سدا یله بنوقبیدن برجاعت نعمان بن منذر زیارته
عازم و راهی و اثنای طریقده حاتم ملاقی اولوب یا حاتم بر قوم جانبدن
کلورز که سنک مدحت و ستایش کرده اکثار و مکارم اخلاق کی تعداد
وتد کار ایدرلر و سکا هدیه ارسال ایلدیلر دیدیلر حاتم نه گونه هدیه دیوب
اسدیون اشعار نابغه دن بر مقدار شعر انشاد بعده یا حاتم سندن بر جامز
وارد لر لکن افادهیه شرم ایده رز دیدیلر حاتم دخی افاده مرام لا بأسدر
افاده ایدک دید که رفقا مژدن برینک دابه سی مفقود و ضایع اولمغله
بر دابه احسان ایلست ممنون اولوردق دیدیلر حاتم دخی کندی
سوار اولدیغی فرسی و یروب کره فرس مادر یله معا راهی اولور خوفیه
جاریه ربط و بند ایلشکن کره فرس بندنی کسسته و پی مادیانه شتاب
ایلیوب جاریه دخی طایب اخذ ورد ایچون در پی اولدقده حاتم یا قوم
سزله در پی اولنلر سز کدر دیدی اسدیون دخی فرس دگری و جاریه پی
اخذ ایلدیلر و حاتم کند کدن کریم و جومرد کیمسه معاینه ایلدکی
دیو سوال ایلدکلرنده بلی مشاهده ایلدم بروقتده بریتیم غلامک
منزلنه نازل اولدم که اون عدد کوسفنده مالک ایدی فی الحال برینی ذبح
و طبخ و حضور مه احضار ایلدی بن تناوله آغاز و بر طرفندن تلذذ
ایدوب والله بو پاره سی طبعمه غایت خوش گلدی دیدم غلام منزلدن
بیرون و برر برر کوسفندلری ذبح و بنم متلذذ اولدیغی طرفلرنی طبخ
واحضار ایلدی و بن بو حالدن آگاه دکل ایدم چونکه سوار و راهی اولقی
ایچون بیرون اولدم بیرون خانه ده خون بسیار ریخته اولمش مشاهده
ایلیوب بومقدار خون ریزان اولنسنه سبب ندر دیو استعمال ایلدیکده
صاحب خانه اولان غلام مالک اولدیغی کوسفندانی ذبح ایلدی
دیدیلر بندخی غلامه نیچون بومقوله فعل بی معنی به اقدام ایلدک

دیو ملامت ایلدیکده غلام سبحان الله سکا برشی خوش کله و بن اول
شیخه مالک اولدم واکر بخل ایدم میان عریده سیرت قبیحه و مذمومه ایل
مقصف اولمش اولورم دیدی بعده یا حاتم مقابله سننده اول غلامه
سن نه کرم ایلدک دیدیلر حاتم اوج یوز شتر سرخ مو و بشیوز کوسفند
احسان ایلدم دید که امدی یا حاتم سن اندن زیاده کریم ایش سن
دیدکلرنده حاتم بنم کرمله الک کرملک مناسبتی یوقدر که غلام هر نه یه
مالک ایسه انی احسان ایلدی و بن مالک اولدیغی مال بسیار دن اندک
و قلیلنی و یردم دیدی * چون کدایی که بنم نان دارد * بنمائی دهدز
خانه خویش * بیشتر زان بود که شاه جهان * بدهد نمی از خزانه
خویش * حاتمک افسانه و حکایه سی بسیار وجهه سنی ایراد تطویل
باعث اولدیغندن ماعدا مشهوره اولمغله بومرتبه نقل ایلد اکتفا
اولمشدر و حاتمک مادری عتبه بنت عفیف مالدار و خلقه کرمده
افراط ایتمکله برادرلری اتلاف مال ایتده دیو پند ایدوب عتبه اصفا
ایتمدیکنه بناء بر سنه مزبوره بی تصرفدن حجر و منع و قدر کفایه طعام
و کسوه تعیین ایلدیلر بعده متأدیه اولدی ملاحظه سیله برکله ناقه تسلیم
و بوسوریدن انتفاع ایلد دیو مساعده ایلدکلرنده هوا زندن برفقه بره
زن کلوب جر و سوال عتبه دخی کله ناقه پی احسان ایدوب والله
بن بر سنه فقر چکوب زحمت و مشقتنی ییلورم و بین ایلدم که سائلدن
برشی دریغ ایتمد دیدی حوازم قریشدن بر قبیلده در که ابوقبیلده حوازم
بن منصور بن عکر مه بن حفصه بن قبس غیلاندر و حاتم خول شعرادن
اولوب بو بیتلر حاتمکدر * اعاذل ان المال غیر مخلد * وان الغنی عاریه
فیزود * و کم من جواد یفسد اللوم جوده * و سادة قد ذکر نه الفقر فی غد *
و کم لثیم اباء فاکف جوده * ملام و من ایدیه هم خلقت یدی *
(وزید بن مهلهل انمارکب یفخذیک * وزید بن مهلهل سنک سرینلرک
ایله اسب سوار اولدی ظن ایلدم یعنی زید فارسکی سنک قوت
و اعانتکله اجر ایدردی موی الیه زید بن مهلهل بن زید الطائی در که
فارس الخیل و بهادر اولقی اوزره نام آور بردلاور اولوب رسول اکرم

و نبی محترم صلی الله علیه وسلم حضرت نوری زید الخیر تسمیه پیور مشلردر
 و سبی بود که بکار عربك بعضی سنك فرسی پرو بعضی سنك ایکی اولوب
 زیدك بش اون اسبی و ارایدی که کندی شعرای عربدن اولغله برقاچنی
 شعرنده ذکر ایدر از جمله مذکور اولان فرسار هطال و کامل و دول
 و لاحقدر بناء علیه بین العربان زید الخیل تسمیه اولتمشدی بعده
 حضور رسول الله صلی الله تعالی علیه وسلمده اسلامی قبول ایلیوب
 رسول الله صلی علیه وسلم زید الخیر تسمیه پیوردیلر و زیداسب سوار اولده
 ممتاز اولدیغی کبی شعرو معرفتده دخی مسلم اولوب غایت جسم و طویل
 القامه اولغله مقبل الظعن دخی تسمیه ایدرلردی و سبی ظعن زنان
 عربك محفه کبی را که اولدقلری هودجك اسمی اولوب شتره تحمیل
 اولنوب هودج سوار اولان زنه زمیندن محاذی و مقابل اولوب مکالمه
 ایتمکله مقبل الظعن دیدیلر و اسبه سوار اولدقدده حاره سوار اولمش کبی
 بارلری زمینه رسیده اولغله قریب اولوردی و عربدن دراز قامت اولانلر
 اوج شخص اولوب بری ابوزید الطائی و بری ابن جندل الطعان و بری
 مومی ابیه زید الخیردر و زید الخیرك اسلام ایله مشرف اولدیغن ابو عمر
 الشیبانی بو گونه ذکر و بیان ایدر که برکون زید الخیل و ذر بن سدوس
 و برقاج عرب بهادری مدینه منورهیه کلوب رسول اکرم صلی الله علیه
 وسلم حضرت نوری مسجد شریفده خطبه قرأت پیوردقلری وقتده
 مصادقه ایتمکله باب مسجد شریفه مطهرین ربط و داخل اولدقلرنده
 حضرت رسول الله بونلری مشاهده پیوروب (انی اجیرکم من العزی
 و حارث و متاع من کل ضار غیر نافع و من الخیل الاسود الذی تعبدونه
 من دون الله) یعنی ای قوم تحقیق بن سزی عزادن و عزامثلی اولان
 صمئلردن حفظ ایدرم و هر مضر غیر نافع اولاندن منع و زجر ایدرم و شول
 حبل اسود که باری تعالی به عبادتی ترک واکا عبادت و پرستش ایلدیکن
 اندن منع ایدیچی ایم پیوردقلرنده زید الخیل ایستاده اولوب * اشهد ان لا اله
 الا الله و انک رسول الله * دیوب مسلمان اولدقدده پیغمبر علیه السلام
 کیم اولدیغن و نامنی سوال اولدخی زید الخیل اولدیغن خاکای سعادتلرینه

افاده ایلد کلرنده زید الخیل دکل بلکه زید الخیر سن و جد اول خدایه که
 سنی بو مجلسه سهولتله احضار و قبلکی قبول اسلامه توفیق و خیل سنی
 راغب ایلدی پیوروب یازیده هر شخص که غیابنده بکاتعرف و توصیف
 ایلدیلمر معاینه ایلدیکنده وصفلرندن دون مشاهده ایلدم لکن سنی وصف
 ایلد کلرندن زیاده و برتر مشاهده ایلدم پیوردیلر روایت اخرا ده
 سنده ایکی خصلت موجوده که الله تعالی و رسول الله اول خصلتلری
 سوربری و قار و بری حلمدر پیوردیلر صلی الله تعالی علیه وسلم عزری
 عین مهمله نک ضعی ایله غطفانک خشیدن برداخته ایدوب پرستش
 ایلدکلری صمک نامیدر بعده زید الخیر مجلس شریقلرندن بیرون
 اولدقدده رسول اکرم علیه السلام حضرت نوری (ای رجل من سلم من اطام
 المدینه) یعنی کیمدر اول رجل که حصون مدینهدن سلامتله راهی اوله
 پیوردیلر و زید الخیری حی اخذ و هفت روز مکث بعده حاسی مشته
 اولدقدده رفقا سنه بنی بلا و قیددن تبعید ایدک زیرا قبس ایله میاغزده
 زمان جاهلیتده محاربات کثیره واقع اولغله عداوتن قدیمه در و و الله عمر
 اولدقدده مسلم ایله مقاتله و محاربه ایتمیم دیوب مدینهدن خروج و داخل
 خرمدده فردده نام چشمه ساره نزول ایدوب حاسی متر ایده اولوب بوقطعه بی
 انشاد ایلدی * امر تحل صبحی المشارق غدوة * و ترک فی بیت بفردده
 منجد * فلیت اللواتی عدتی لم یعدننی * ولیت اللواتی غبن عنی عودی *
 یعنی آیاتیم مصاحب و رفیق صبح وقتده شرق جانبته راهی اولوبده
 بن فردده نام موضعده تنهار خانه ده محنت و کدر ایله ترک اولتورمی یم
 و نه اولیدی شول اسباب که بنم بو محله اقامته باعث اولیدی اولمایدی
 و شول اقر باوقوم که بندن غائب و جدا اولدیلر عودت ایدوب ملا فی
 اولبدق دیمک اولور و رسول الله علیه السلام حضرت نوری طی دن
 فدک نام موضعده ساکن بنهان قبیلله سنه بر مکتوب تحریر و ایصال ایچون
 زید الخیره تسلیم پیور مشلردی چونکه زیدك حاسی مشته هفت روز
 فردده مکث بعده دار بقایه ارتحال ایلدیوب قیصه بن الاسودیدی کون
 زید ایچون نوحه و فریاد ایتدیوب بعده یاننده موجوده اولان اموال

و اشیا سی قبیله سی طرفه ارسال و زیدک زوجه سی متروکه اولمغه سوار
 اولدیغی راحله سی زیددن خالی مشاهده ایلد کده الم و غنمدن احراق
 ایلوب مکتوب رسول الله علیه السلام دخی محترق و بو خبر مو حش
 رسیده سامعه سعادت پناه اولد قده و یل لبی بنهان یوردیلر صلی الله
 علیه وسلم و یل وای دیمک اولور و جهنمه بر دره نک اسمیدر و کله و یل
 وعید و نهیدید مقامنده استعمال اولور و بنهان بن عمرو ابو قبیله در
 شبانی بنوعامر شیخ لرینک بزدن نقل ایدر که بر سنه قبیله مرده حفظ
 و غلا ظهور ایدوب مواشیز هلاک و اموال تلف و تعیش اصعب
 من خرط القناد اولوب قبیله مزدن بر شخص اولاد و عیالی ايله حیره
 محمل بند و راهی و حیره ده عیالی بر محله اسکان و جوار ملک اولمغه
 تعیش مبسر در دیو تسلیم بخش و مدار معاش تحصیلنه بر طرفه توجه
 و عیالنه قدر کفایه زاد و ذخیره به تدارک ایتدیکجه عودت ایتامکه حلف
 بالله و عزیمتته ساعی اوله رق هفت روز طی بیابان ایدوب بعد العصر
 سر راهی بر مبرک شتره منتهی و قر بنده بر خرگاه مشاهده ایلد کده البته
 بو خرگاهک بر صاحبی و بو آرامگاه شترک شترلی اولق بی اشتباهدر
 دیوب دزدانه حرکت ايله خرگاهک دامنندن در و نه نگاه و بر پیرسال
 خرده و محنت زده نک و تنهاسر بچیب تحیر ستون خرگاهه اتکا ایلش
 مشاهده ایدوب انجام کار نیه منجر اولور دیو خرگاهک بر طرفه کوشه
 نشین اتروا و تحصیل کامه چشم کشا اولوب شمس غروب و بر مقدار
 زمان دخی گذراننده مهیب شکل دراز قامت براسب سوار نمایان اولدی که
 دیده بشر مثلی مشاهده اتمام شدی و پیش اسبندده پیاده روایی
 جاگری ايله خرگاهه متوجه اولدی و قفاسندن یوزعدد ناقه شیردار
 و برخل کوهن کلوب ارامگاه لر بنه چوکیدلر اما اول اسب سوار درون
 خرگاهه نازل اولوب بیروننده بر محله نازل و غلاملردن برینه فلان ناقه بی
 احلاب ايله دیو امر عبد دخی بر قدح بزرگ ناقه بی دوشیده و حلب
 و خرگاهه اولان بیروناتوانک دسندده و یروب رجعت ایلد کده پیر
 بر مقدارنی نوش و قدسی زمینه وضع وینه کسندوی فراموش ایلد کده

بن اصول ايله الوب مجموعنی نوش و پیرک بر طرفه قدسی وضع ایلوب
 غلام کلوب کاسه بی تهی مشاهده و افندیسنه مرده کان پیر تمام شیر
 نوش ایلش دیدی اولدخی مسرور اولوب با غلام فلان ناقه بی دخی
 دوشیده ايله دیوب عبد انی دخی صاغوب کاسه بی پیره صوندی و پیر
 برایکی قطره سی شرب ایدوب غلام قدسی اخذ ایلدی بعده اول اسب
 سوار با غلام بر کوسفند ذبح و پخته ايله دیو امر اولدخی ادای خدمت
 و افندیسی حضورینه کوسفند پخته بی احضار و بر مقدارنی پیر ارسال
 بقیه بی غلاملره اکل و تناول ایدوب بر مقدار وقت گذراننده جمله سی
 خوابه واروب عالم اغیاردن خالی اولد قده ایا کرکی کبی خفته اولدیلر می دیو
 بر مقدار توقف و نگران اولوب فی الحقیقه علایم خواب هر بزدن مشاهده
 و استماع اولوب مبرک جاله سوسمار مثال توجه و شترک رسنن جوزوب
 سوار اولد یغمده بر شیرماده دخی تابع و در پی اولوب شتابان جای سلامته
 رسیده اولق ارز و سینه صبا حه دک طی بیابان ایلدم چونکه نیر اعظم
 ايله روی زمین منور اولدی الله الحی و آله کلمجه اغیار احوالمدن بی خبردر
 دیرکن سر راهیده براسب سوار هویدا و بر رهنن بی امان رونما اولوب
 ایا کیم اوله دیو امعان نظر و تکرار نکر ایلوب کور دمکه احشامکی
 مر دلیر و اول دراز قامت بی نظیر در پس بهر چند که تخلص اکنسایم
 ایچون حیل و تدبیر و بر طرفه شتاب و فرار ایتدیکجه خدعه به تأمل و تفکر ایلدم
 بروجهله امکانه ظفر یاب اوله دیوب همان دم شتر ايله ماده بی چو کردوب
 میانلرنده تیرو کاتم در دست ایدوب رزم و مقابله به آماده و تلف جان
 و تنه رضاداده اولد یغمده اول مر د شجیع بکا نزدیک اولوب ایستاده
 اولدیغی محلدن ای دردمند شترک مهارلرین کردن لرینه وضع و طرفه
 ارسال ايله دید کده غیرت مدار اولوب ای مر د نامدار بو شترلی بندن
 لاف ايله اخذ بیرون حوصله امکاندر زبراعیالم بی زاد و ذخیره اولوب
 حلف و سوگند ایلدم که مدار تعیش تدارک ایتدیکجه حیرمه داخل
 و عیالنه واصل اولیم چونکه بو شترله دست رسیده اولدم یغمده
 جانب اولد دن خلاص اولدم بی حاله ترک ايله که عیالنه ملاتی اوله بم

والاسنکله مقاتله ایدوب هلاک اولورسم شترلری سن اخذ ایدرسن دیدم
 اوشخص دخی ای مرد بی توام معلوم اولدیکه سر قده مغدورسن لکن
 بر هدف وضع و مراد ایلدیکل طرفی تعیین ایله که سکا اندازیده ایده حکم
 تبری اراءت ایده یم دیدی بندخی بر هدف نشانیده و بر محانی اشارت ایلدم
 اول آن بر تیرانداخته ایلدی که تعیین ایلدیکم محکم چاق وسطنه ضرب
 ایدوب بر آخر محل دخی تعیین ایله دیدی بندخی اشارت اگا دخی
 بر تیراندازنده وینه اصابت ایلدکده معلوم اولدی که محارب ایلسم
 اول آن بنی قتل ایدر هماندم تیر و کانی زمیننه القا واسترحام ایلدم
 اول مرد دخی تیر و کانی و سیفمی الوب بکاشتر نره سوار اول دیوار ایدوب
 ای دردمند اخشام سنی البان و اطعام ایدن کچمه یم و سن بنی خوابه
 واردی ظن ایلدک لکن سندن خبردار اولوب اغراض عین و تناوم
 ایلشیدم شمدی بکاظنک نیجه در دیدی بندخی سکا حسن ظنم اولوب
 آثار شجاعت و سخا مشاهده ایلدم دیدیکده ای دردمند بوشب بنی
 بی خواب و راحت ایدوب اتعاب ایلشدک باری تعالی بنی سکا غالب و مظفر
 ایلدی نه گونه ترتیب جزا ایده یم دیدی بندخی امان و معذر نخواه
 ایاسن زید الخلیل مبسن دیدم بلی زید الخلیل دیدکده یازید سنی بهادر
 و سخنی بر مر داوولق اوزره استماع ایلدم جرمی عفو ایله دیوار استعفا
 ایلدیکده لطف ایله معامله ایدوب خوفناک اوله و بوراکب اولدیک
 شتری سکا هبه ایلدم ناقه بی دخی هبه ایدردم لکن همشیره مکدر
 بخله بر قاج کون مکث ایله بر طرفه غارتکر و سکا بر ناقه تدارک ایلدیم دیدی
 فی الحقیقه بر قاج کون مرورنده ملخ نام موضعده بنی غیره هجوم و غارت
 و بر ناقه اخذ و بکاتسلیم و یانمه بر رهبر تعیین و حیره به سلامت ایله
 بنی ابصال ایلدی دیوشجاعت و سخای زیدی تفصیل ایلدی اصمعیدن
 مر ویدر که زید الخلیل کعب بن زهیر ایله شاعر خطبه بی اتنا ی محاربده
 اسیر ایدوب کعب قومی زیده بر مقدار مال فدا و کعبی تخلص ایلوب
 خطبه اظهار فقر و زیددن بلا مال نفسی ازاد ایلسمین نیاز زید دخی
 بوییتی انشاد ایلدی * اقول لعبدی جر و ال اذا سرتنه * ابنتی ولا یفرک

الک شاعر * معناسی چاکرم اولان جر و ال اسیر ایلدیکم و قنده بکمال
 کتوروسنی شاعر اولدیکم مغرور ایلسمون دیرم دیک اولوب جوابنده
 خطبه بوییتی انشاد ایلدی * ان لم یکن مالی بآت فانه * سیأتی ثانی زیدا
 ابن مهلهل * فایتناعدرا و لکن * لقیلنا غداة التقیانی المضیق باخیل *
 تغادی حاة الخیل من وقع ریح * تغادی ضعاف الطیر من وقع اجل *
 مأل معناسی اگر چه کلوب واصل اوله جق مالم یوق لکن قریبا
 زید بن مهلهله مدح و ثناء واصل اولور و سن بزه غدر اعطای ایلدک
 یعنی سندن مغرور اولدق و لکن اخیل نام ضیق و تنک موضعده بر صباح
 وقتی سنکله متلافی و مقابل اولدق و سن بزه ملاقی یعنی غلبه و بزی مردانه
 اسیر ایلدک و عسکری حایه ایدیحی بهادر لر سنک طعن نیره کدن ضعیف
 قوشلربازیدن احتراز و از و ایلدک لری کبی احتراز و از و ایلدک لر دیک اولوب
 زید الخلیل ایات مذکوره دفن محفوظ و خطبه بی ازاد و بر مقدار مال
 احسان ایدوب خطبه قبیله سنه کلوب قومی میاننده زید الخلیل کرم
 و احسانه شاکر و شجاعت و انعامی ذاکر اولمغله وقتگذار اولدی
 و جر و ال خطبه نک اسمیدر و بر کون قبیله طی فزاره قبیله سندن بر بطن
 اولان بنی بدری غارت و یغما و قبیله فزاره حیت و غیر تلرندن طیدن
 بر شعبه اولان بنو لام قبیله سنی و زید الخیلی هجوایتدرمک ایچون شعرای
 عرب به مراجعت و شعرا خوف لرندن اجتناب ایلدک لرنده فزاره خطبه دن
 هجولرین استماع اولدخی ابا و امتناع ایدنیجه یوز ناقه احسان ایلیم دیو
 خطبه به الحاح خطبه دخی بیک ناقه ذوات اللین احسان ایله سکر
 هجو ایلیم دیوب بوییتی انشاد ایلدی * کیف الهجاء و ماتنقک صالحة *
 من آل لام مظهر الغیب تأتبی * مأل هجو نیجه ممکندر حال بو که
 غیا یمدن آل لامدن جائزه و کرم منفک اولوب طرفه واصل اولور یعنی
 دائم بکا کرم و احسانلری اولوب عنون لطف لری ایکن نیجه ممکندر که
 بن زیدی و بنی لامی هجو ایلیم و اصمعینک اسمی عبد الملك بن قریب
 و کنیه سی ابوسعید و نسبه جدی اولان اصمعه اولوب فضل و کمال ایله
 آفاقده مشهور لغوی و مفسر و محدث و سائر علومده امام و مقتدی ایدی

تهدم آمونده ایکوزاون بش سنه سی وفات ایلمشدر* والسلیک بن السلیکه
انما عدا علی رجلیک* و سلیک بن السلیکه سنک پار کله عدو و شتاب
ایدردی ظن ایلمدم مومی الیه سلیک بن عمرو بن بزی السعدی در که
قبیله تمیمدن آل مقاعسک بری اولوب سلیکه مادر بنک اسمیدر و مقاعس
لقب اولوب اسمی حارث بن عمرو بن کعب بن سعد بن زید مناة بن تمیمدر
وسلیک جاهلی قدیم و عربک اصوص و صعلایکندن شتاب و عدوده
مشار الیه بالبنان اولنلردن اولوب بر روا یته لقبی مقانب درو سرعت
سیر و عدو الیه معروف اولدیغی بویانندن مستفاددر* شهر الصیام
وان عظمت حرمت* شهر طویل بطی السیر و الحرکه* یمشی رویدا
فاما حین بطلینا* فلا السلیک بدانیه و السلیکه* پس سلیک عدو
و شتابده ممتاز و مشهور اولغله بر شبنک سرعت حرکتی بیان مراد
اولنقدده اعدی من سلیک دنیلوب مثل اولمشدر و صعلوک فقیر معناسنه
اولوب صعلایک عرب دیدکاری دزدان غارتگران در که قحط و غلا
زماننده فقرایی بر محله جمع و ناسدن نهب و غارت ایلمدیکی اموال الیه ارزاق
و اطعام ایدرلر و مزبور سلیک صعلایکک مشاهیرندن اولوب شتابده
بر فرد کندویه یتیمدیکندن ماعداسب سوار دخی کرد پانی مشاهده
ایده مزدی ابن شهاب ذکر ایدر که مزبور سلیک وقت سرما و شتاده
بیضه شتر مرغری آب باران الیه ملان و صحرا و بیابانده بر محله دفن ایدوب
صیف و کرم اوقتی حرارتدن بی تاب و دفع عطش و تشنگی به محتاج
اولنقدده بلا تردد و تأمل اول بیضه لری دفن ایلمدیکی محلدن اخراج
ایلیوب قضا خطا یتیمدیکندن سلیک حقننده (ادل من قضاة) مثانی ضرب
ایدرلردی و لبس قضا مثل قطی دخی مثل اولوب اکابر اصاغر کی دکلدر
دیمکدر و فرسان عرب صیفده غارتدن فارغ اولدقلرنده سلیک پیاده
غارتکر و اقتضا ایلمدیکه بیضه لره دفن ایلمدیکی ابدن دفع تشنگی ایدردی
و قبیله مضره اغاره ایلیوب یمیلری اغاره ایدوب ابدن انتفاع یتیمسد قبیله
ریعه دیه اغاره ایدردی و هر چند که بر طرفه غارتکر اولتی قصدا الیه یارب
مراد ایلمدیکک قواکه مراد ایلمدیکک مالی آماده و احسان ایدرسن

ویارب اکبر بن ضعیف الخلق اولمش اولسم عبدملوک اولوردم
واکرزن خلق اولسم ایدی امد و جاریه اولوردم و یارب توجه ایلمدیکم
طرفدن محروم و بی بهره اولدن سکا صغندم و خلقدن خوف و خشتم
یوقدر دیردی قضاة ترکیبده بغرتلق تسمیه اولنان مر غدر و مضر
ابو قبیله اولوب مضر بن تزار بن معد بن عدناندر و ریعه بر قاج قبیله
اولوب بری برادر مضر مزبور در که ریعه الفرس دیرلر و وجه تسمیه
یدرلری وفات ایلمدکده ترکه سنی حین تقسیمده برینه اتون و بریلوب
نامی مضر اولدی و برینه خیل و دواب و بریلوب نامی ریعه اولدی
و ریعه نک بری دخی ریعه بن مالک بن زید مناة بن تمیم اولوب بوککه
ریعه الکبری دیرلر و لقبی ریعه الجوع در و بری ریعه بن حنظله
بن مالک در بوکار ریعه الوسطی دیرلر بری دخی هوازندن ابو حنی اولوب
ریعه بن عامر بن صعصعه در که مادرلر بنک اسمی مجدا اولغله اکانسبت
اولنوب بنو محمد دیرلر مر و بدر که سلیک بروقتنده فقر و فاقهیه مبتلا
و قطع عامدار معاش اولور بر شبنی قالمیوب تحصیل کفاف نفس قصدیله
بر جانبیه ماشیا راهی و آیند کاندن برینک شترین سرفه الیه دفع
ضرورت ایتک اولور دیو نمنی ایده رک غروب شمس وقتی سر راهی
بر صحرایه رسیده اولوب شدت شتا و شب دراز و اول کیمجه مقمره مهتاب
اولغله اول صحرا کنارنده ارام قصدیله برده سنه صاریلوب خفته اولدی
و بر مقدار وقت مر ورنده بر شخص بدید و نمایان و سلیکک اوزرینه
هجوم و اسیرم سن کندیکی بکاتسلیم الیه دیونداسلیک دخی کلیم برده سندن
سر بر برده اولوب* اللیل طویل و انت مقمر* دیوب سلیکک بو قوی
مثل اولدی یعنی سن بنیدن کف بد ایدوب بنی ترک و تانی ایدرسک
بندن زیاده قابل انتفاع بر کیمسه به دست رس اولورسن دیمک اولغله
طلب حاجتده تانی الیه امر و استعجالدن نهی مقامنده ضرب اولنان
امثالنددر و اقر الهلال دیرلر او چنجی کیمجه ده هلال قراولدی معناسنه
واوزریمزه آی طوغدی دیه جک برده اقرنا دیرلر بعدده اول شخص
مجاب اولوب سلیکی اور سلیوب تعجز و یاخیش اسیرم سن انقیاد الیه دیو

تکدیر ایلد کده سلیک خفته ایکن برالینی کایم برده دن اخراج
 واول شخص بطش شدیدایله شول رتبه اخذ و مسک ایلدی که شخص
 من بور اضطراب و تضییق دن تضرط ایلد کده سلیک خنده کان
 اضطرط و انت الاعلی دیوب مثل اولدی یعنی سن قائم و ایستاده و بن راقد
 و خفته ایکن نیچون بخله مقاومت قادر اولوب اظهار عجزایله بو گونه
 قباحه ایلدک دیمک اولوب یقین بر کیمسه نک حالتدن شکایتی ایجاب
 ایدرشی بوغیکن احوالندن شکایت ایلسه بو مثل ضرب و ایراد اولور
 و سلیک بعد الغلبه اول شخصک احوالندن استعمال ایلوب بر مردی نوا
 و فقیر اولوب اهل و عیاله مدار معاش پیدا و دفع ضرورت ایتک ارزوسیه
 اختیار غربت و برشی تدارک ایتدیکه دیارنه رجعت ایتک اوزره عهد
 و عزیمت ایلدیکنی اعلام ایلد کده سلیک اول شخصی کندویه رفق
 و باداش و برجانیه توجه و راهی و اثنای راهده بر مرد او باش دخی
 تصادف ایدوب اولدخی همدرد و همحال اولغله انی دخی استرفاق
 وطنی بیابان ایدرک مراد قبیله سی خیمه انداز اقامت اولدیغی محله
 قریب بر مرد عاده مواشی و حیوانات لرینه دوچار اولد قلزنده اول ایکی شخص
 بی نوا غارت و غنایه مبادرت مراد ایلدیلر لکن سلیک دزد عشق هرار
 نجر به اولغله رضاداده اولوب سزلر بو محله توقف و آرام ایلد
 بن شو بانلره واروب قبیله مراد بو محله قریب بر بعیدیدر استفسار ایدیم
 اگر قریب ایسه ینسه بو محله عودت ایدرم و اگر بعید ایسه شو بانلر
 اولدیغی مکاندن سزه نه گونه اشارت و اعلام ایدرسم سز اکا کوره
 حرکت ایدر سزدیوتنیه و شو بانلر طرفه راهی و استعمال و قبیله مرادک
 بعید اولوب بونلر مواشی بی سرقه و غارت اینسه ل شو بانلر فریاد
 و قبیله بی اکاه و فرسان قبیله بونلره در پی و شتاب ایتک لازم کلسه بروجهله
 قفلرندن رسیده اولق احتمالی اولدیغنه واقف اولدقده ای شو بانلر
 سزه موال خوان اولسم محفوظ اولور می سزدیدی شو بانلر دخی
 ممنون اولور قرأت ایله دیوب سلیک رفیق لری جانبته توجه و آواز بلندایله
 بو یتلری انشاد ایلدی * یا صاحبی الارحی بالوادی * الاعیید قبا

بین ازوادی * هل نظران قلیلا ریث غفلتهم * ام تعدوان فان لریح
 للعادی * مأل معنا ای رفیق لرم اکاه اولک که بو وادیده حی و قبیله یوقدر
 فقط سرقه و کندی مزه زاد ایدر حکمزلر میانده شو بانلر وارد رآمدی
 شو بانلری اغفال ایچون بر مقدار بطو اوزره حر کتی ایدر سز بو خسه
 شتر لری اخذ و شتابی ایدر سز زیرا غلبه و ظفر بحاله شتر لری اخذ و فرار
 ایدن کیمسه ایچوندر دید کده رفیق لری شتر لره هجوم و اکثری سور و ب
 فرار ایلدیلر و قبیله اکاه و در قفا اولنجه دزدان جای سلامته رسیده
 اولدیلر مراد یعنی دن ابو قبیله اولوب مراد بن مالک بن زید کهلان
 بن سبادر و مقدمانای تجار اولوب تهره ایتکله مراد نسیمه اولدی
 و ریث قدر و مقدار معنا سنه اولوب ریح قوت و غلبه معنا سنه در
 ابو عبیده قبیله بکر بن وائل بنی تمیمه هجوم و غارت قصه دیله
 جاسوس لر تعیین انلر دخی تجسس ایدرکن سلیک جواسیمه مصا دفه
 ایلوب جاسوس لر سلیک بزی قبیله تمیمه غمز و اعلام ایدر چاره سی
 سلیکی اخذ و حبس ایتکدر دیوب ایکی اسب سوار بهسادری سلیکه
 توجه و اخذ مراد ایلد کده سلیک عرض لرینی فهم و دراک و پیش اسب
 سوار اندن غزال و ش برتاب انلر دخی اسبلره مهم از و در قفا شتاب ایلوب
 سلیک طرفه العینده دیده دن نهان و نیجه فرسخ متباعد اولوب رسیده
 اولق احتمالی بر طرف اولدیغی فارس لر نمایان اولدقده سلیک اگر چه
 نهاده شتاب ایدرکن تاریکی شب با صره سنه خلل و یروب کیجه سرعت
 حر کته مانع اولور ان شاء الله در قفا اولوب ترک ایتسک بو کیجه
 اخذ ایدر زردیو اخشامه دک قفا سنه دن شتابان و اخشام اولدقده
 ینه صباحه دک بی آرام روان اولدیلر و صباح اولدقده سلیک اثرنی
 مشاهده ایلدیلر که بر درخت بیخنه طولاشوب لغزیده و کانی شکست
 و بر باره سی قالمش بلدیله که سلیک مرادی ای قوم و از یک
 بی اخذ ممکن دکلدر که بو محله پای لغزیده اولوب بر مقدار مکت ایلشدم
 ینه رسیده اوله مدیکر دیمکدر دیوب رجعت مراد ایلدیلر بعد بلکه بو محله
 پای لغزیده و آرامی اخشامدن اولوب شب دیچورده فرار ایتدیه سرعت

وشتاب ایده میوب مأمولدر که بر مقدار زمان بنه در قفا واسق اخذ ایدرز
 دیوب تکرار سرعت وشتاب ایل بر محله رسیده اولدی لر که سلیک اول محله
 آرام و تبول ایل دیوب آثار کثیره القا ایلش پس معلوملری اولدی که
 سلیک برو جهله رسیده اولق ممکن دکلدر بر مقدار شتم و دشنام ایدوب
 بومقوله شخص کورلمشدر الله بلا سنی ویرسون دیوب رجعت ایلدی لر
 بعده سلیک قبیله سنه واروب قبیله بکرک هجوم و غارت قصه دنده
 اولدیغنی و سرگذشتنی نقل و تقریر ایلد که رهس قوم اولان عمرو
 ابن جندب و عمرو بن سعد قبیله بکر ایله میا نمر مسافه بعیده در دیو
 عدم اعتماد و سلیکی تکذیب و کندی صفارنده غافلانه اسایش اوزره ایکن
 قبیله بکر کلوب اموال و مواشیلرینی نهب و غارت ایلدی و سلیک
 کندوبی تکذیب لر بنه متالم اولوب بوقطعه بی انشاد ایلدی *
 یکذیبی العمران عمرو بن جندب * و عمرو بن سعد و المکذب اکذب *
 شکلتها ان لم اکن قدر ایتها * کرادیس تهیدیها الی الحی موکب *
 کردوس خیلدن قطعه عظیمه و کرادیس جمعی اولوب خیلدن فرقه لر
 معناسنه در و موکب فرسان قوم معناسنه در اصمعدین منقولدر که برکون
 قبیله خشمیدن بر عرب زنی ایله بر طرفه راهی و اثنای راهده سلیک
 مصادفه و سلیک عربی اسیر عرب دخی خلاصه سعی و اما نخواست اولوب
 اگر بنی آزاد ایدرسک سکا شو مقدار مال و یریم دید که سلیک راضی
 اولورم لکن زوجه کی رهن وضع و قبیله خشمیدن بر فرد بندن شکایت
 ایتیه چکیکه حلف بالله ایله دیوب خشمی بر فردی آگاه ایتمه که عین
 و زوجه سنی رهن وضع و مال احضار ایچون قبیله سنه راهی اولد قد
 سلیک زوجه خشمی به خیانت و قربان و عربک عودتنه منتظر اولدی
 و عربک زنی سلیک ایله مالوفه اولوب بنده آغاز وای سلیک ختمیلردن
 حذر اوزره اول و خوف ایله که سکا ضرر لر ی اصابت ایتک محتملدر
 دید که سلیک * و ما ختم الالبام اذله * الی الذل و الاسحاق غنی و تنقی *
 یعنی ختم کچدر که بن انلردن خوف ایدم خشم ذلیل و حقیر بر قوم اولوب
 اصل و نسب لر ذلت و فقره منتهی و منسبدر دیوب مغرورانه حرکت

و پی باک زن ایله الفت و صحبتیه مشغول ایکن خشمیدن شبل بن قلا ده
 و انس بن مدرک سلیک بو غدر و خیانتندن خبردار و اسیرینه سوار
 و سلیک اولدیغنی محله شتاب ایدوب سلیک سنکستان و ثب و شتاب
 برو جهله ممکن اولمیان برکوه فرازنده مصادفه ایدوب سلیک غافل ایکن
 اوزرینه هجوم و اخذ و قتل ایلدی لر و اول اثناده سلیک بر قطعه بی انشاد
 ایلدی * من مبلغ قومی ائی مقتول * یارب قرن قدر تکت مجدول *
 و رب زوج قدر نکحت عطبول * و رب عان قدر فککت مکبول * مجدول
 طعن و ضرب اولوب زهینه القاوری اولنانه دیرلر و عطبول عینک ضعیله
 مرأة حسنا به دیرلر و کبل بند سخت معناسنه اسیره مکبول دیرلر و خشم
 ابو قبیله اولوب بمنیدر * و عامر بن مالک انما لاعب الاسنه بیدک *
 و عامر سنان نیره بی سنک دستکله و اعاشکله ملاعبه ایدوب صنعت نیره
 بازیده امتیاز و مهارتی سنک امدادکله اولدی ظن ایلدم مومی الیه
 عامر بن مالک بن جعفر بنوصعه ددن اولوب ملاعب الاسنه دیمکله
 میان فرسان عربده مشهور و معروف ایدی و صعه ابو قبیله در که
 صعه بن معاویه بن بکر بن هوازند و اسنه سنک جمعی اولوب
 دمرن معناسنه در یعنی عامر نیره بازی و نیره کذاریده مشار الیه بالبان
 ایدی دیمک اولور و کنیه سی ابو بر او مادرینک کنیه سی ام البنین اولوب
 زنان عربان میانده نجیبه و نیک خصلت اولق اوزره معروفه در
 و مومی البهالک کنیه سی ام البنین اولغه باعث مالک بن جعفر دن
 بش فرزند تولد ایلدی و بری ابو بر عامر و بری ابو عامر طفیل و بری
 ابولیدر بیعه و بری زار و بری معاویه اولوب لید مجلس نعمانده مادری
 ام البنین ایله افتخار ایدوب نحن بنو ام البنین الاربعه دیو انشاد و شعر
 ایلشدر لکن اربعه لفظی قاعده نحو اوزره اربع اقتضایدر کن ضرورت
 شعر سیدله اربعه واقع اولمشدر دیو شارح رساله ابن نباته تصریح
 ایلشدر لکن ابن نباته نک بوقولی غالباً بغدادیین و کسائی مذهب لرینی
 ترجیحه بمنیدر و الامذهب جمهور که مذهب مختاردر بلا ضروره
 اربعه اقتضایلمسی کتب نحو یهده تصریح اولمشدر حتی خالد الازهری

بعبارة بومحله تحریر اولندی که اشکال برطرف وترجه من بوره مهمما ممکن
نخطة دن رها یاب اوله (والتذکیر والتأیث يعتبران مع الجمع بحال مفردة
فان كان مفردة مذكرا انت عددہ وان كان مؤنثا ذکر فليذلك تقول
ثلاثة اصطبلات جمع اصطبل بقطع الهمزة المكسورة وثلاثة حمامات
جمع حمام بتشديد الميم بالتاء فيهما اعتبارا بالاصطبل والحمام فانهما
مذكران ولا تقل ثلاث بتركها اعتبارا بالجمع خلافا للبعداديين والكسائي
ونقل الشارح وغيره ان كلام العرب على خلاف ذلك وتقول ثلاث سمحبات
بترك التاء اعتبارا بالسحابة فانها مؤنثة (وموى اليه ابو بران مالك
عربانك كبار دن وفارس ميدان شجاعت ونيره كذاري صحراي جسارت
اولوب زماننده عديم المثل وبي همتا اولوق اوزره مشهوردر وملاعب
الاسنة لقبيله تلقب اولمسنه باعث اوس بن بحرك بوبيتدر * يلاعب
اطراف الاسنة عامر * فراح له حظ الكباب اجمع * مال معنعا عامر اطراف
نيره بي شويله استعمال ايدر که جميع عسکرک نصيبلي عامرد کيدر
يعني نيره بازیده اول رتبه ماهر در که عسا کرک مجموعک نيره دارلغنه مقابل
اولوب عامرک ميدانده بر کيسه ملاعبه سنان ورحمه قادر اوله من ديمک
او اور روايت اخرا ده لقب مذکور ايله تلقينه سبب حسان بن نمير
عامري بر محار به ده مشاهده ايلدي که فرسان عرب اطراف عامري
احاطه وهر جانب دن هجوم ومقاتله ايدر لردی و عامر يالکز جمله يه
مقابله ونيره سيله ملاعبه ايدوب جواب ويرردی بناء عليه حسان
ما هذا الاملاعب الاسنة ديوب لقب اولدي وبر روايتده خرو بدن
برنده برادري عامري ترك وفرار ايلد که تعيب او انوب برادري ذمده
انشاد اوانان بيت ملاعب الاسنة لقبيله ملقب اولمسنه سبب اولمشدر که
اول بيت بودر * فررت واسلمت ابن امك عامر * يلاعب اطراف الوشيخ
المرزع * اسلمت خذلت معناسنه يعني عون ونصرتي ترك ايلدک ديمک
اولوب وشيخ ستون نيره ومرزع فحرك معناسنه ستونک صفتدر
وموى اليه عامر رسول اکرم صلى الله تعالى عليه وسلم حضرت تليزینک
زيارت شريفه سنه کشتدر لکن اسلامي قبول ايتک مبسر اولدی

وقوی اولان بنو جعفر مسلم اولديغي حالده وفات ايلدي زعم ايدر لر
واسلامي قبولنه دليل خالد بن عبد الله بن روايتدر که بر وقتده
عامر بن مالك ابو براملاعب الاسنة رسول الله عليه السلام حضرت تليزینه
ايکی فرس وايکی شتر هديه کنوروب رسول الله عليه السلام حضرت تليز
اکر مشرکک هديه سنی قبول ايتک لازم کلسه سنک هديه کی قبول ايدر دم
بيوروب هديه بي رد وعامره عرض اسلام بيورد قلزنده عامر اسلامي
قبول ايتوب يا محمد بن سنک امر يکی شريف وحسن مشاهده ايدر دم
لکن قوم بوحوالده در اکر اصحابکدن بر جاعت ارسال وانلری دخی
اسلامه دعوت بيورر سکرز امیدوار مکه اجابت ايدر بعده بن دخی اجابت
ايدر دم دید که رسول الله عليه السلام حضرت تليز یا عامر ارسال ایده حکم
اصحاب اهل نجد دن متضرر اولور لر ديو خوف ايدر دم بيور ديلر
وعامر اهل نجد دن بن انلری محافظه ايدر دم خوف بيور مکر ديو صيانت
اصحاب کرامه تعهد ايلد که رسول اکرم عليه السلام انصار دن
قرق نفر روايت اخرا ده یتش نفر صحابي ارسال وجهله رتیس وسردار
منذر بن عمروی تعیین بيوروب اصحاب کرام مأمور اولد قلری طرفه
راهی ومياه بنی سلیمان بتر معونه نام بتر اولديغي محله نازل وجمال ودوابی
علف زاره ارسال وحارث بن صه ايله عمرو بن امیه بی محافظه ايچون
تعیین ومکتوب رسول الله عليه السلامی حرام بن ملحسانه ويوروب
قبيله عامره ارسال وحرام مکتوب رسول الله عليه السلامی بنوعامره
تبليغ وايصال ايلد که قوم ضلالت پيشه مکتوب شريفی قراءت
ايتوب من بور عامر ملاعب الاسنة نک برادر زاده سی عامر بن طفیل
ملعون حرامه هجوم وقتل ايلیوب بنوعامر اهل نجد مدد رس اولملى
ايچون صيحه واستنصار واهل نجد عامر ملاعب الاسنة ايله سبق ایدن
معاهده لر بنده وفاء اجابت ونصرت ايتديلر زيرا اول وقتده عامر نجد
راهی ورسول الله عليه السلام اصحاب کرامی بنم حفظ وحمايتده در
انلر سزدن بر فرد تعرض ايلسون ديو تبليغ اهل نجد دخی عامر ابو برانک
حايه سنده اولنلره بزدن تعرض ايدر بو قدر ديو عهد ايلش لر دی

بعده بنوعامر بنی سلیم قبایلندن استمداد واستعانت انلردخی اعانت ایچون
ابن طفیل ملعونک قبیله سنه تجمع ایلدکلرنده ابن طفیل والله بالکر
حرامی قتله قناعت ایتموب مجوعنی قتل ایدرم دیوب اثر حرامدن
تجسس ایده رک اصحاب کرامک نازل اولدقلری بترمعونه به کلوب
اصحابه ملاقی ومقاتله زینه هجوم واقدام ایدوب مندر بن عمرودن
ماعداسنی شهید ایلدکلرنده ابن طفیل ملعون مندره اگر بزدن امان طلب
ایدرسک سکا امان و بره لوم دیدی مندردخی امان و یرمکزی قبول ایتم
حتی حرامک مقتول وشهید اولدبغی محله وارمیجه دیوب مقتل حرامه
وصوللرنده ینه امان و یرمدن رجوع ومندره هجوم مندر دخی کفره ايله
مقاتله ایده رک شهید اولدی واول وقتده حارث بن صمه ايله عمرو بن
امیه شترلی رعیده بولنوب اصحاب کرام رضی الله عنهم حاضر تلرینک
شهید اولدقلری بترمعونه اطرافنده مرغانک پرواز وتجمعلرینی مشاهده
وضرردشمندن خوف ایدوب ای واه والله اصحابم قتل اولندی دیو
بزل اوزرینه چیقوب اصحاب رضوان الله علیهم حاضرانی مقتول
واسلری صاحبسز ایستاده معاینه ایلدکلرنده حاللری دیگرکون اولوب
مشرکون دخی بوللری کوروب هجوم حارث رضی الله عنه دخی تیغ
نیامدن کشیده وایکی مشرک قتل بعده شهید اولدقده عمرو بن امیه
بلامقاتله اسیر اولوب عامر بن طفیل ملعون یا عمرو مادرم اوزرینه
بررقبه اعتاقی لازم اولمشدی سنی والدهمدن ازادواعتاق ایلدم دیوب
عادتلری اوزره ناصیه سنی یعنی طره سنی قطع وسبیلن تخلیه ایلوب
بوخبره وحش که محاربه بترمعونه دیمکله معروفدر رسول اکرم صلی الله
علیه وسلم حاضر تلرینک سامعه شریفه زینه رسیده اولوب بوفعل فیج
ابو برعامر کدر و بن بورای کریمه عدا ایلشدم بیوروب بوخبر دهشت
امیرک وصولی اخشامک صباخنده اداء فرض بیورمغه شروع
ورکعت ثانیه سنده سمع الله لمن حده دیوب (اللهم اشدو طأنتک
علی مضر اللهم علیک بینی ذکوان وعصبتهم فانهم عصوا الله ورسوله *
دیو قتله اصحاب کرامه بددا ایلدیلر یعنی یا الله قتله اصحابی

اخذ شدید ايله اخذ و قتل واهلاک ايله زیرا اول قوم الله تعالی به ورسوانه
عصیان ایلدیلر بعده اون بش کیجه بوکونه بدعا یوردقلرنده (لبس لك
من الامر شیء اویتوب علیهم اویعذبهم فانهم ظالمون) آیت کریمه سی
نازل اولدی نظم کریمک معنای شریفی یا محمد بوامردن سکا فائده
برسنه یوقدر زیرا الله تعالی انلرک امرلرینه مالکدر مراد ایدر سه
اهلاک ایدر و مراد ایدر سه جنک محندن منهرم ایدر واسلامی قبول
ایدرلر سه اوزرلرینه توبه واکر کفره مصر اولورلر سه نارجهتم ايله
عذاب ایدر زیرا انلر علی التحقیق ستمکارلر در ستملری سبیلده معذب
اولورلر دیمک اولور بعده ابو برعامر نجد طرفندن کلوب برادرزاده سی
عامر بن طفیلک بو قباحه وشناعتنی استماع ایلوب برادرزاده م
بنی تحقیر ایلدی دیوب جانب قبیله به راهی و عامر بن طفیل ملای
و قتل ایتمک قصدیه برنیزه ضرب و طعن ایلدی لکن شیخ فانی و پیر
ضعیف اولمغه نیرنه تأثیر ایتمدی و عربان ابن طفیلی قتل ایلدی زعمبله
غری و فریاد ایلدکلرنده ابن طفیل ای قوم باس یوقدر تأثیر ایلدی
وبو معامله بی عم عامره هبه ایلدم دیدی روایت اخراده طعن نیرنه
ایدن ابو برعامرک فرزند ریعه ایدی بعده ابو براکندی قومنه عطف
عنان وای قوم سزکله بو محندن ارتحال و پیغمبر علیه السلامک خاکینه
رومال اولوب مقتول اولان اصحاب کرام حاضر تلرینک خوننی بوغدار
مشرکوندن قتال ايله اخذ و دمار بینی سفک ایده لم دیدکده قوم اطاعت
ایتمدیلر و ابو برعامره برادرزاده لرندن بری یا ابوالبرا قومک سنک معتوه
وبی عقل اولمکه ذاهب اولوب امریکه انقیاد ایتمدیلر دیدکده
ابو برادرزاده سی لیبیدی دعوت وکندینک مغنیه جاریه سنی احضار
وجاریه تغنی وکندی شرب خرا ایدوب یا لیبیدا کر قومک دیدککری کبی
عمک ابو برعامتوه اولدی ایسه ذهاب عقلندن منیه اهو ندر دیوب
شرب خری اکثرا ایدوب هلاک اولدی و بنو عامر ايله بنو جعفر ابو بر
عامری مسلما وفات ایتمسنی زعم ایلدیلر لکن خلاف واقعدر و رسول
اکرم علیه السلام وقعته مذکوره ده بددا یوردقلری ذکوان سلیمدن

بر قبیله در وعصیه سلیم بن بر بطن در و عامر بن مالک قومی کبارک
 زعمی اوزره برادر زاده سی عامر بن طفیل ایله بنو جعفر دن علقمه بن
 علائه میاننده منافره و مخ صمه ظهور ایلد کده عامر بن طفیل عی عامر
 ابو بر ابن مالک دن حین مخاصمه ده تفاخر معتاد لری اولغله باعث افتخار
 اوله جق برشی طلب ورجا عامر ابو بر دخی کندی نعلرینی و یروب بونلرله
 افتخار ایده که بن بونلرله قرق کره اخذ غنائم ایلدم دیدی لکن
 ابو بر بو مخاصمه یه راضی دکل ایدی وعدم رضاسنه بو بیقی شاهد در
 * امران اسب بنی شریح * ولا والله افعل ما حیبت (وقبس بن
 زهیر انما استعان بدها نك * وقبس بن زهیر هر امرده سنك زکاء
 فطن کندن اعانت طلب ایدوب اسعاف مراننه سنك زکاء ودها نك
 امداد ایلدی ظن ایلدم موی الیه قبس بن زهیر بن جذیمه العبسی
 در که کندی قبیله سی اولان عبس ایله ذبیان قبیله سی میاننده فرسلر
 مسابقه سی ایچون قرق سنه حروب و قتال واقع اولمشدر تفصیلی
 ان شاء الله تعالی و الحاملات بین عبس و ذبیان فقره سنه ذکر اولنور
 و عبس قبس دن ابو قبیله اولوب عبس بن یغیض بن ریت بن
 غطفان بن سعد بن قبس عیلا ندر و ذبیان ذلك ضم و کسریله
 قبس دن ابو قبیله اولوب ذبیان بن یغیض بن ریت بن غطفان بن
 سعد بن قبس عیلا ندر و مذکور قبس عربانک فرسان و شعر اسندن
 اولوب ده او فراست ایله شهر تشعار اولغله بر کیمسه زیاده ذکا ودها
 صاحبی اولسه ادهی من قبس دیوب مز بور ایله ضرب مثل
 اولنور و دخی فراستنه دلیل اولق اوزره مدانی ذکر ایدر که بر کون
 بر عرب اخوص قبیله سی قرار کاهی جائنه توجه و قوم اخوص
 مشاهده ایده جک مرتبه قریب اولدقده ناقه سندن نازل و بر
 درخته ربط و بند و بر مقدار شیر ناقه اراءت بعده شاخ درخته
 بر مقدار حنظله آویزه و بر صره خاك و بر صره شوك یعنی خار غیلان
 جمع و اراثت ایدوب ناقه سنه سوار و قبیله سی طرفنه راهی اولدقده
 قوم اخوص بو اوضاع نادره بر ابره تعجب و بر معنا و بره مد کلرندن

قبس بن زهیری دعوت وای قبس نادره دان و نکته شناس بر امر مشکل
 بو قدر که جئابکره عرض اولنه ده حل عقده اشکال ایتمه سز بو کون
 شو مقوله بر امر عجیب ظهور ایلدی دیو تفصیل و متوارق حجاب
 اولان معانی سنی استعلام ایلد کده قبس (وضح الصبح لذی عینین)
 دیو یعنی ایکی چشم صاحبیه بیاض نهارنه کونه اشکار ایدیه بو
 اشارت لردن مراد اوله هویدا در قبسک بو کلامی بر شیئک وضوح ندیه مثل
 اولدی بعده بر بر بیانه آغاز ایدوب اول شخص بر قبیله یه اسیر ایمش که
 اول قبیله علی الغفله اوزر بکره محوم و غارت صدنده اولوب شخص
 معهودی ازاد مراد ایلد کلر ندره جائز که ازاده سز و واقف و قبیله اخوصی
 اکاه ایدر دیو قصد یمزى اشاعت و اعلان ایتمه دیو تحلیف و ازاد ایلد مشا
 بناء علیه سز لسان ایله تبلیغ ممکن اولوب اول صره خاك ایله
 اوزر بکره کله جک قبیله نك کثرت و وفرتنه اشارت و حنظله ایله
 قبیله حنظله اولدق لرینه اشارت و شوکه ایله شوکت و هیبت لرینه
 اشارت و شیرا کر حلو و شیرین ایدیه قریبا هجو ملرینه و حامض
 و ترش ایدیه بعد مسافه یه اشارت ایلد دید کده اخوص مقاتله یه حاضر
 و آماده اولوب قبسک تفصیل و تحقیق اوزره دشمن ظهور ایلدی
 مرویدر که نعمان بن المنذر قبسک پدری زهیر آدم ارسال و دخترنی
 تزوج طلب و فرزند لرینک بر یله طرفنه ارسال رجاسنده اولوب زهیر
 شماس نامنده بر فرزندنی ایله دخترنی ارسال و نعمانه وصولنده اکر ام
 فراوان و جائزه سنی اعطاسا و احسان ایدوب شماس پدری زهیر طرفنه
 رجعتنه عزیمت ایلد کده نعمان محافظه و سلامتله قبیله سنه ایصال
 ایچون بر قاج عرب بهادری تعیین ایتک مراد ایلدی شماس مردانه
 حرکت ایله نك و تنها راهی اولغی اختیار و نعمانک رأینه مخالفت
 نعمان دخی سلامتله دیوب شماس بالکر مطیه سوار و عزیمت دارو دیار
 و میاه بنی غنی دن بر آب خوشکوار کنارنه واصل و بر مقدار اسبایش
 و استراحت ایچون اسبندن لب جویه نازل واکل و شرب و اسبایشدن
 صکره تاب و حرارتی ازاله قصد یله ثیابدن نچرد و اغتسال ایله تبرده

شروع ایلدی و شماسک اغتسال ایلدیکی محله نزدیک بنوغنی دن رباح
بن الاشل خیمه انداز و زوجه سبيله تفرج کنان اسایش اوزره ایکن
شماس خیلجه خوش اندام سیه جرده نو جوان موزون خرام اولغله
زن رباح حدت و دقتله شماسه نکران و پسندیده سی اولوب پرزمان
تماشاسيله داله و حیران اولدوقده شوهری رباح احواله مطلع و شماس
طرفدن رایحه مسک دخی استشمام اولغله ناموس و غیرتی هیچان
و غضبندن شماسه بر خدنک جانستان رمی و اهلاک و نعمانک کرمی اولان
برخرج مسک و عنبر و ثیاب فاخره سنی اخذ و زنه تسلیم و لاشه شماسی
برطرفه دفن و سترایدوب اثری ناپدید اولوب پدری زهیرک قدوم شماسه
انتظاری متمادی و نعمان طرفدن رو براه و اثنای راهده نابود اولدیغی
معلومی و باعث فغان و فریادی اولوب الم و اضطرابی حددن افزون و صبر
و تحملی طاقتدن بیرون اولغله قبس تسلیمه بخش اولوب ای پدر عالی
مقدار شمد نصکره خصمدن طلب ثار و دشمنی بیلوب اخذ انتقام ایله
دفع عارا تمکدن غیری چاره و تدارک اولمازان شاء الله برادرم شماسک قاتلنی
بولوب اخذ انتقام ایدرز دیوب قبيله لرندن برزن دله محتماله تدارک و اول سنه
خط و غلا اولغله بر مقدار لحم قدید و یرو ب نه کونه حرکت مناسب ایسه زنه
تعلیم زن دخی عامر و غنی قبيله لرینه راهی و دختری شوهره و یرمک
استرم هر قنغیکزده مسک و عطر و ثیاب فاخره و ارایسه لحم قدید ایله مبادله
ایدرم دیو خرگاهلری دورایده رک بنوغنی ده رباح خرگاهنه واصله
و مرادنی زن رباحه دخی افاده ایلیوب زن رباح ای مادر مطلبک اولان
اشیابنده موجوده در اگر کتم و اخفاسنه تعهد ایدرسک مرا مکه نائل
اولورسن دید کده پیره زن بر فردی اکاه اتمکده عهد و میثاق اولدخی
اعتماد و شماسک متاعنی پیره زنه اعطایا و لحم قدیدی اخذ و شماسی
نه وجهله قتل ایلدیلر سه بیان و پیره زن قبيله زهیره عودت و قبسه
احوالی اعلام و ثیابی اراءت ایلد کده قبس قبيله سندن منتخب بهادران
ایله قبيله غنی اوزرینه هجوم و قتل نفوس و غارت اموال ایلدی
مرو بدر که قبس بن زهیر بنو ذبیان ایله محاربه لیتک بری کوه طریقه

واقع اولغله یوم الشعب دیمکله معروفدر که قبس بر کوهه صعود
شترلی عقال ایله ربط و بند و کامل ده روز بر قطره آب و یرمیوب
شترل تشنکیدن بی صبر و سکون اولد قلزنده دامن کوهده ماء جاری
اولوب اون کوند نصکره بنو ذبیان دخی قبسک اولدیغی کوهه صعود
و قبس قتل ایتک ارز و سبيله کوهسک ضیق اولان طریقه و اصل
اولد قلزنده قبس تشنه اولان شترلک مهار زرین چوزوب و هر بر شترک
دمنه بر مسلح عرب بهادری یاپشوب فراز کوهدن آبدن ریان اولق
آرزو سبيله دامن کوهه شتاب و هر نیه راست کلور لسه بایمال ایدوب
چیکزلر ایکن ذیبا نیانه مصادفه و اوزر لرینه هجوم و بایمال و حاللرین
پیشان ایلیوب شترله در پی اولان بهادرلر دخی تیغ اتشبار ایله دونیمه
و قتل ایدوب ذیبا نیانی سهولته پراکنده و پریشان ایلدیلر مرو بدر که
چونکه بدرک فرزندی حل و حذیفه ایله قبس میانشده مشهور اولان
حروب متمادی و حل و حذیفه قبسندن اخذ انتقامدن عاجز اولدیلر
سائر قبائلدن استمداد و لشکر بی پایان جمع و تدارک ایدوب قبس
اوزرینه قتل عام ایتکده عازم اولد قلزندن قبس خبردار اولوب وفرت
و کتر لرینه بناء الحرب خدعه مضمونی ایله عامل و قومنه ای قوم
سزله هر نه کونه امر ایدر رسم امتثال و طاعت ایدر سکرز فیها و الا بوان
تیغ جانستانه دوشوب کندی می اهلاک ایدرم دید کده جمیعاً قومی سمعاً
و طاعه دیو کال انقیاد و اتباع کوستر دیلر قبس دخی مواشی و ائقال
و سائر اموال لرینی و حرب و زرمندن عاجز اولان ضعفا و زنائی میانلرندن
افراز و اخراج و عسکری کریده ایدوب نصف اللیده اموال و مواشی
و عجزه بی قالدیروب برطرفه رو براه کندی دخی منتخب دلیران جنک
ازموده ایله در پی و صباحه دک طی بادیه و صباح اولد قده لشکر
دشمنی خلال کوهلردن بروز و ظهور ایلد کده قبس اموال و مواشی
و عجزه بی ترک و جانب اخره توجه و دشمنندن فرار صورتی اظهار
ایلد کده دشمن قفادن رسیده و اموال و مواشی جانتدن خالی و محارب
و مبارزدن عاری اولدیغی مشاهده ایدوب حذیفه و حل عسکر لرینه

ای قوم قیس او زرینه هجوم اولنه غلبه اولندیغی صورته دخی
 نیجه مژك خونی سفك اولنوب مرغ جانی لانه تندن سمت عدمه
 پرواز ایتیمی امر مقرر در لکن جال واتوق و سائر اموالی اخذ و ضبط اولنسه
 قبیله قیس بی برک ونوا اولوب بزمه مقاتله دکل تعیشه اقتدار لری
 اولیوب کیمی اسیر بند و بلا و کیمی هلاک اولور دیوب مویشی و اموال
 اوزرینه هجوم و هر بری قدرتی مرتبه شتر و اموال اخذ و غنایمی
 جای سلامته ایصال قصدیله متفرق و پریشان اولوب ذبیانیا ندن
 اوز شخص بر پرده اولیوب طمع لرندن هر بری بر سمت توجه ایلمد کده
 قیس بن زهیرای قوم دشمنی غنایم متفرق و پریشان و اشغال
 ایلمدی عطف لجام و اخذ انتقام هنگامیدر قفسا لرندن رسیده و علی
 الغفله قتاله مبادرت و سفك دماء ذبیانیه مباشرت ایدوب ذبیانیر
 مال غنیمی محافظ قیدیله مقاتله دن عاجز و اکثر مقتول و بقیه سی
 امانخواه اولوب اول اثناده حذیفه و جل و ور قان بلال فرار ایدوب
 حذیفه نك فرسنگ حزامی مسترخ اولوب اسبدن نازل و حزامی
 مستحکم و اسنك پالارنده حنف و اعو جاج یعنی شاهین الی اولوب
 حنفاء دیمکله مشهوره اولمغه اثر فرسه دشمن متابعت ایله بزه ظفر
 یاب اولور خوفیله زیر پای اسبه طاشلر ربط وینه راکب و سوی
 سلامته رسیده اولمق امید یله شتاب و هباء نام موضعه اولان چاهه
 قریب بر محله نازل کند یلری بی تاب و توان اولمغه زین و لجام لرین
 الوب اسبلر بر طرفه و کندیلر بر طرفه اسایش ایلدیلر چونکه قیس
 دشمنی هزم و پریشان و حذیفه و جل و تجسس و فرار لرینه واقف
 اولدی آینه جانبیه فرار ایلدیلر دیو تفتش و حذیفه نك فرسی حنفاء نك
 اثریند ظفر یاب اولمغه اهتمام و عاقبت نائل بکام او اوب بش نفر دلاور
 اثرینه تابع و هباء ده او جنی بی فرو طاق فتاده خاك اولمش معاینه
 ایلد کده شداد بن معاویه ایله قر داسی اسبلرینه توجه و محافظ و قیس
 ایکی مرد دلیر ایله حذیفه و جل و ور قایه هجوم ایلد کدرنده حذیفه
 یا بنی عبس بزر بوحالده ایکن اوزریمزه هجوم و قتال مزه مباشرت

روا میدر قنی عفو و حلم و امان یا قیس د کده برادری حل کتفینی میانسه
 بر مشت سخت ضرب ایدوب (اتق ما ثورا قول) دیوب مثل اولدی
 یعنی سن دشمنه بر کلام تکلم خضوع و خشوع ایله نیاز ایدرسن
 و خصم عفو و کلامکی قبول ایتوب سنی قتل ایدر و اول کلام مشهور
 و سندن صکره باقی قالوب سنی ضعف و عجزه نسبت ایدوب مذمتله
 یاد ایدر لر دیمک اولور مثل من بور ناسک سندن بر کلام مذلل استماع و انکله
 تحدث ایتلرینی نهی مقامنده ضرب اولنور فی الحقیقه قیس ترحم
 ایتوب او جنی دخی قتل و بنو زیانی پراکنده و پریشان و قتل لرند
 اکثرا ایدوب حذیفه و جل قتلنه نادم و پشیمان اولوب چندا بیات
 ایله مرثیه لرین انشاد ایلدی و مقتولنه مرثیه انشاد ایلک ابتدا قیس دن
 صدور ایلشدر و هباء بلا دغط فاندن بر موضعك اسمی اولوب قیسك
 ذبیانیا ن ایل قتال شدیدی اول موضعده واقع اولمغه یوم الهبیه
 مشهور و معروفدر چونکه قیس و ذبیانیا ن میانده حروب متمادی
 و طرفینه ملال و کللال عارض اولدی قیس کندی قومنه ذبیانیه به
 مراجعت و میا غمزدن بوش و فسادك اند فاعنه سعی و مبادرت
 و مصالحه به اظهار رغبت ایدیکز دیو امر ایلد کده قومی یا قیس سندی
 معاراهی اولورسك بز حاضرر والا سن سزم مباشرت ایتدیلر قیس
 دخی ای قوم والله بنم ذبیانیه نك یوز لرینه نکاه ایده جك عالم
 قالمدی حجاب ایدرم زیر اهر برینك پدر و برادر و فرزند لرینی قتل ایلدم
 دیوب نك و تنها بر طرفه توجه و قبیله نمر بن قاسطه و اصل و کندینك
 قیس بن زهیر اولدیغن اعلام و کرم و سرد روز کاری چشیده ایدوب
 غنا تا دیب و فقر تذلیل ایل یوب نك و بد فهم ایدر بر زن ایله چفت
 اولسین اقتراح بنو نمر دخی مرادی اوزره بر زنی تزویج و قیس نیجه
 زمان انده اسایش و اقامت بعده سمت آخره توجه عزیمت ایلد کده
 ای قوم سزك مصاهرت و الفت و صحبت جهتیله اوزرمده حقیقکز
 اولمغه مقابله سنده سزه بر قیج کله حکمت آمیز تلقین و افاده ایده یمکه
 اول کله لری دستور العمل ایلیه سز اولا امور یکزده تأنی ایدوب عجله

ایتمه سز که مرا دیگر حاصل اوله و کندیکزه بر شخصی سید و رییس
ایلیه سز که کافه ناس استحسان و استصواب ایلیه و رییس اتخاذ
ایلد یکزه انقیاد اوزره اوله سز که باعث آسود کیدر و بر شخصه کرم
واحسان مرادیکز اولدقده طلب آتمز دن مقدم اعطا و احسان
ایدیگر که جبر خاطر قبل السؤال احسن در و منع و زجری مرادیکز اولان
شخصی قبل اللج والا لحاح منع و دفع ایدیگر و مهمانکزه رغبت
و احترام اید و ب تکدیرندن احتراز اوزره اوله سز و برشی ایچون
طرفیندن مباحثه اولوب بنم سوزم اولورسه فلان مقدار دینار و سنک
سوزک اولورسه شومقدار دینار و یردیو برشیک حصول و عدم
حصولی میانده معانده ایتمه سز که بن بنو ذیان ایله فرساریمز
مسابقه منده بر مقدار مال اوزرینه مباحثه ایتمک سیبیل قرق سنه
مخاربه و مقاتله مزه باعث و یرادر مالکدن و نیجه بها در لردن جدا
اولدم و یردر زهیرک قبیله سنی و اتباع و اعوانگری خراب و پریشان
ایتمک سبب اولوب عاقبت هباء نام موضعده حذیفه و جل و ورقا
عاجز و فرو مانده و بزمه مقاصد و متهمه اقتدار لری مفقود ایکن غدروقتل
ایلد و اول عار ناموس سیبیل ترک دار و دیار و غربت اختیار ایلد و
دیو ختم کلام و عمان نام بلده به راهی و عمری آخر اولنجه انده
اقامت و ارام ایلدی عمر ابو قبیله اولوب عمر بن قاسط بن هنب بن اقصی
ابن عمرو بن جدیله بن اسد بن ربیع در روایت اخرا ده قیس
بنوا سدن بر شخص ایله تبدیل قیافت و اختیار غربت و سیاحت
ایلد و صحرا و بوادیده کیه سبز و خشک ایله تعیش و اوقات گذار و طی
مراحل و برکون سر راه لری عرباندن بر قومک خیمه انداز اولدق لری
محل رسیده و جوع و کرسنکیدن بی تاب و توان اولوب اتفاق اول
قومک ضیافت و سماع کشیده اولوب آیند کانه اباحه طعام ایلدکلری
وقت مصادفه ایتمک اطعمه نک رایحه سی قیسک مشامنه واصل
واشتها متقاضی اولوب رفیق قبیله استشاره و اول خیمه کاهه توجه و دفع
کرسنکی و تحصیل قوته خواهشگر و راهی و ضیافت کاهه قریب

اولدقده قیسه شهادت نفس و علو جناب و ناموس تقاضا اید و ب
عزیمتدن رجوع و کدایان مثال اباحه اولان طعامدن سیر اولوب
ارتکاب مذات ایلدن موت اهنو در ملاحظه سیبیل رفیقنه ای یار موافق
سن عزیمتکدن رجوع ایتمیوب دفع کرسنکی و مرادیکه نائل اول و بن
بر مقدار بو محله توقف ایدرم دیو رفیقی دفع آرزویه توجه و قیس
رجعت و بر درخت سایه سنده اقامت و برک درختدن تناول ایده رک
فرط جوعدن وفات ایلدی * و ایاس بن معاویه انما استضاء
بمصباح ذکاک * و ایاسک فراست و ذکاسی سنک
رشد و فطنتک سر اجندن ضیادار اولدی یعنی ایاس رشد
و ذکای سنک عقل فادره دانکدن استفاده ایلدی ظن ایلد و مومی الیه
ایاس بن معاویه بن مره المزنی در که به صریده قاضی اولوب کینه سی
ابوزایله در و ذکا و فراست و اجوبه بدیع و مسکنه ایله معروف اولغله
(از کن من ایاس) دینوب ضرب مثل اولورز کن تفرس و ظن معانسه در
و شاعر (زکنت من امرهم علی مثل الذی زکنوا) دیمشدر و بعضیابر
اذکی من ایاس دیرلر حتی ابونعمان عبدالملک ابن مروان حقنده بر قصیده سنده
(اقدام عمرو فی سماعة حاتم * فی حلم الحنف فی ذکاء ایاس * ییتنده ذکا
اللفظی اختیار ایلمشدر حارثه بن عایشه دن روایت ایدر که ایاسک
ابتدا ذکا و فطنتنه شاهد اولوب معروف بالذکاء اولمنه باعث بودر که
ایاس حدیث السن ایکن شامه و اروب بر پیر سال خرد و ناتوان
بر مرده شخص ایله نخاصمه و عبدالملک بن مروان طرفندن نصیب کرده
اولان قاضی حضورنده ترفع ایچون احضار ایلیوب خصمی اولان پیرک
قاضی ایله معارفه سی اولغله حایه و نخاصم مراد و ایاسه استخیا
ایتمی سنکه حدیث السن ایکن بو مقوله کیر السن پیرو ناتوان ادی
تعجیز ایدر سک دیدی ایاس دخی یا قاضی بن حق طلب ایدرم حق ایسه
بو آدمدن اکبر و بزرگدر دیدکده قاضی جوابدن عاجز و مکابر ایله
اسکت یا صبی دیو سکوت ایله امر ایلدی ایاس دخی بن سکوت ایلدیکده
دعوائی کیم ادا و افاده ایدر دیدی قاضی غضب ایلد و یاصی بو مجلس

آخر او لجه سندن بر کلمه حقّه صادره اوليه جنی معلوم اولدی
هرنه که تکلم ایدرسک دروغ درید کده ایاس (اشهد ان لا اله الا الله)
دیوب قاضی بی اسکات و تحجیل قاضی دخی قالقوب عبد الملکه واروب
و کذشته بی نقل ایدوب عبد الملک یا قاضی اول صبی نک مر اینه مساعده
وامر فی اتمام و شامدن بر طرفه ذهابه امر ایله که خلقی افساد
و برفتنه ایفاظ ایدوب متضرر اولور زیددی قاضی دخی مأمور اولدی بی
وجه اوزره حرکت و عمل ایلدی روایت اخراده ذکاسنه لالت ایدن
موادک ابتدا سنی بودر که ایاس صباوتی عالمنده معلم خانه ده تعلیم علوم
ایدکن بر کون کفره ضلالت پیشه مکتبه قریب بر محله تجمع و اهل
اسلامی هزل کونه خنده کسان مسلمانان بهشته اطعمه متنوعه اکل
ایدوب بدن انسانده منهضم اولانک فضلہ سنی استقراغ اتمک
یوقدر زعم ایدرل دیو غاٹط مراد ایدوب هرزه کولک ایلدکلر نده
ایاس استادنه یا معلم اکل اولنان طعامک اکثری بدن انساندن جزء
اولوب منهضم اولمسی مسلم اصحاب عقول دکلمدر دیدی معلم
دخی بلی مسلمدر دیدی ایددی اکثر اطعمه بدنه سربان ایلدیکی مسلم
اولدقده باقی سنی دخی باری تعالی بدن انساندن جزء ایدوب هضم
ایتدر مکه قادر در دیوب کفره بدفعال ملزم و ساکت و معلی ایاسک
بالبدیهه جواب مسکت تدارکنه متعجب اولدی عرویدر که ایاس
اداء حج شریف قصدیه پردفعه دخی شامه واروب محمل سوار اولق
مراد و مکاری به کندی کبی بر رفیق و عدیل تدارکنه امر ایدوب
مکاری تدارک و موسم حجه محمل بند عزیمت و اوج کون طی مراحل
ایدوب رفیق ایله قطعاً مکالمه ایلدیلر و دور دخی کون ایاس عدیلنه
یا عبد الله اسمک ندر دیو فتح کلام اول دخی غیلاندر دید کده
غیلان القدری ميسک بلی غیلان القدری ایم دیوب غیلان دخی نام
ایاسی سؤال اول دخی افاده و غیلان ایاس ابو وائله ميسک دیوب ایاس
بلی ابو وائله بم دید کده ایاس یا غیلان بن سکامی بعض حکایات نقل
ایده بم بو خسه سن بکامی نقل ایدرسک دیدی غیلانی دخی یا ایاس

سن نقل ایله دیوب ایاس یا غیلان سکا اهل جنت و اهل جهنم و ملائکه
و شیطان و عرب و عجمک کلاملر بی نقل ایده بمکه اهل جنب جنته
دخوللری وقتنده (الحمد لله الذی هدانا لهذا وما كنا لنهتدی
اولان هدانا الله) دیرلر و اهل جهنم حین دخوللرنده (ربنا غلبت
علینا شقوتنا و کنا قوم اضالین) دیرلر و ملائکه (لا علم لنا الا ما علمتنا)
دیرلر و شیطان (رب بما اغویبتنی) دیرلر و عرب * لا ینعمک الطیر شبتا اردنه *
فقد خطت الاقلام ما کنت لاقیا * دیر یعنی مراد ایلدیکلر شیدن سنی
طیر منع ایلز تحقیق سنک ملاقی اوله جفک خیر و شردن هرنه ایسه
کتب و تحریر اولوب سرنوشتک ظهور ایدر تطیر و تشأم جار دکلدلر
و عجم کوبند که (سنک اعل شود در مقام صبر آری شود و لیک بخون جگر
شود) دید کده ایاسک معلوما تی غیلانی اعجاب ایلدی و ایاسه توجیه
قضا و لنغه سبب بودر که عمر بن عبد العزیز اهالی شامدن بصره به
بر شخص ارسال و ایاس ایله قاسم بن ربیع الخوشی بی بر مجلسه جمع
و استحقاق و استعداد لر بی امتحان و اختیار ایلوب هر قننی سی
اولی وار جمع ایسه اکاتوجیه قضا و تعیین و امضا اولسون دیوامر
شامی دخی ایاس و قاسمی جمع و اختیار ایلوب توجیه قضا اولنه جنی
معلوملری اولدقده ایکبسی دخی ایا و امتناع و هریری اوزرندن
دفع اتمک قصدنده اولوب ایاس پاشامی بی و قاسمی بوبلده نک
افقهی اولان حسن بصری و ابن سیریندن سؤال ایله دیدی قاسم
دخی کندوبی ترجیح ایده جکلی بی ییلوب پاشامی بزلی سؤاله حاجت
یوقدر والله ایاس بندن افضل و قضایه اعلمدر و اگر بن صادق اولوب
ارتکاب کذب و دروغ اتمز سم بوقولمده دخی صادق اولوب ایاسه
توجیه قضا اقتضا ایدر اگر بن کاذب ایسم کاذبه تقلید قضا جاژ اولوب
ینه ایاسه تقلید اولمق لازم کلمور دید کده ایاس پاشامی سن بو آدمی
شفیر جهنمه کتوروب اقامت ایتدر دک اول دخی بریمین کاذب ایله کندوبی
نار جهنمندن تخلیص ایلدی زیرا یمین کاذبه اقدامندن استغفار ایله
مغفور و نار دوزخدن رها یاب اولمش اولور دیدی و شامی ایاسی ترجیح

ایدوب یا ایاس چونکه بونکته به مطلع اولدک قضایه سن احق و اولاسک
دیوب ایاسه تقلید قضا ایلدی و نیجه زمان قاضی اولوب بعده فرار ایلدی
و توجیه قضا اولندقدده حسن بصری حضرتلری ایاسه کلوب اثنای
مصاحبتده ایاس کریمه کنان یا ایاسه عید بکاثقاتدن بالغ و واصل اولدی که
قضاة اوج نوع اولوب برنوعی هواسنه میل تبعیت ایلده حکم ایدر اول
قاضی اهل نارد و برنوعی هواسنه تبعیت ایلز لکن اجتهدانده
خطا ایدر اولدخی اهل نارد و برنوعی اجتهدانده مصیب اولور
اول قاضی اهل جنت درید که حسن بصری حضرتلری یا ایاس
باری تعالیٰ نیک داود علیه السلام قصه سنده بیان و حکم بیوردیغنده
بوتقل ایلدی بک کلامی رد ایدر شی وارد زرا * فقه حناها سلیمان
و کلا آیتناه حکما و علما * آیه کریمه سنده باری تعالی حضرت سلیمان
حد ایلدی داود علیه السلامی ذم المدی دیو تسلیه بخش اولدی
قاضی بیضاوی ذکر ایدر که داود علیه السلام زمانده بر سوری
کوسفند بر کیمسه تسلیه نک سره و طری ورسیده اولماش مرزعه سنه بر کیمه
کیروب خراب و اتلاف ایلد که داود علیه السلام حضورنده صاحب
کوسفند ایلده مرافعه اولدقدده داود علیه السلام غنی حرث صاحبده
حکم بیوردقلرنده سلیمان علیه السلام هنوز اون بریاشنده ایدی
ایکی طرفه اوفق و انساب اولان بودر که غنملر حرث صاحبده تسلیم
اولنه حتی لبن و اولاد و صوفندن انتفاع ایده و حرث یعنی مرزعه
ارباب غنمه تسلیم اولنه که انلردخی زرعی تربیه و محافظه ایدوب حالت
اولاسنه عود و معمر و اولدقدده غنملر صاحبده تسلیم و حرث صاحبده رد
اولنه دیوب بو گونه حکم ایلدی لر مدائیدن مر ویدر که بر شخص بر کیمسه به
بر کیمسه ایلده مهور بر مقدار دینار امانت و ایداع و مدت مدیده غیبوبت
و امین اوله جق شخص خیانت ایدوب مهرنی فک ایتوب کیمسه نک
بر طرفندن التونلری اخراج و بدلی بر مقدار دراهم وضع و مال صاحبی
بعد زمان کلوب و دیعه سنی طلب اولدخی کیمسه بی مهر یله تسلیم
و صاحب مال دنانیر در همه تبدیل اولندیغن معاینه و منازعه و ابی هبیره
حضورینه احضار ابو هبیره دخی ایاسه رافع ایتدیروب قطع نزاع ایده

دیو امر و حواله ایلد که ایاس امانت وضع اولنان کیمسه به توجه و نه مقدار
زماندر سکا ایداع ایده لی دیو استعلام مودع دخی اون سنه مرور ایلدی
دیو زمان ایداعی تعیین و خصم اقرار و ایاس کیمسه نک مهرنی فک و ازاله
و درهملری نشر و سکه لرینه نظر و اراءت ایلدیوب بعضی الی سنه لک
و بعضی بش سنه لک و بعضی دخی اقل معاینه اولندقدده ایاس ای کشی
ایداع اولنه لی اون سنه در دیو اقرار ایلش ایدک و تاریخ دراهم بش الی
سنه لک اولدیغن سن و حضار مجلس معاینه ایلدی لر جوابک ندر
دید که مودع بالضروره خیانتی اقرار ایلدیوب مالی تحصیل ایلدی لر
و بر کون ایاس مجهولی بر شخصه نگاه و بو شخص غریب الدیار و شهر
واسطدن و معلم مکتب اولوب بر غلامی فرار ایلش دیو خبر و بردی
و تقبش اولنوب اخبار ایلدی کی کبی ظهور ایلدیوب ایاسک شخص معهود
معلومی دکل ایکن احوالنه و قوفی امر غریب اولمغه نفر سندن استعلام
اولندقدده ایاس کورد مکه سوق و بازارده مشی و حرکت ایدر ایکن
اطراف و اما کنه دقتله نکران اولور بلمد مکه غریب الدیار در و لباسنده
خاک سرخ نشانه سی دلالت ایدر که واسطی اوله و صبیانه راست
کلد که التفات و سلام و یروب رجاله سلام داده اولمزدی بلمد مکه
معلم صبیاندر و هیبت و شوکت صاحبی اولنله التفات ایتوب البسه
خلقه و کهنه لباس اولوب زی فقراده اولنله امعان نظر ایدردی بناء علیه
عبد آبق تقبش ایلدی کی معلوم اولدی دیوب هر کس فراسنه
تحسین ایلدی لر و بر کون حاکم بلد حکم ابن ایوب ایاسه سن خارجی
و منافق سک البته سندن بر کفیل استرم دیو تعجیر ایلدی ایاس یا امیر سن
کفیل اول زرا سندن زیاده بنی یلوب احواله عارف بر شخص معلوم
دکادر دیدی حکم دخی سنی بلم زیر اسن اهل عراقدن و بن اهل شامده نم
دید که ایاس یا امیر چونکه بنی بلمز سک شمعی حقمده ایلدی بک شهادت
نه ایدی دیوب تحجیل ایلدی و بر سنه رؤیت هلال رمضان ایچون خلق
تقید و اهتمام ایدوب بر فرد معاینه ایده میوب انس بن مالک رضی الله
عنه حضرتلری بن مشاهد ایلدم دیو حضور ایاسده خبر و برد که

شریفی یوز سنه به قریب اولوب بر فرد مشاهده ایده مدیکنی ملاحظه
وتأمل ایدوب انس حضر تری نه نه طرفه مشاهده ایلدی بکر دیو
استعلام انس رضی الله عنه دخی تعیین جهت وخلق ینه اول طرفه
امر ار نظر ایلوب رؤیت هلالدن عاجز اولد قلر نده ایاس انس
حضر تری نه نزدیک ودقت امعان ایله وجه شرفلری نه نظر ایدوب
حاجلرندن بر موی سفید اور پروب چشمی مقابله ایلده ایستاده اولمش
کوردی و موی صغایوب و انس حضر تری نه بر دخی نظر ایله
دیوب انس حضر تری هر چند که جهت مزبوره به نظر انداز اولدی
برشی معاینه ایده مدی و بر کون ایاسه سنده بر قی عیب موجود در
اولا ذمیم الشکل سن ثانی کلامک سنی اعجاب ایدر ثالثا قضا و حکمه
عجولسن دید کلرنده ایاس ذمامت شکله مدخل اولوب من قبل الله
در و کلامی معجب اولدیغم سزل بنم کلامه تعجب اتمز مبسز دید که
جله سی عظیم تعجب ایده رز دیدیلر ایاس دخی چونکه بدن صادر
اولان کلامه سزل تعجب ایدر سزل اول کلامه بنم عظیم اولی والیف در
و حکمه عجله ایدر سن دیو موأخذ ایلدی بکر شوانکش تکر عددی
نه مقدار دیوب دستنی اراءت قوم بلا توقف بشدر دیدیلر ایاس دخی
باقوم جویده نیچون عجله ایدر سز بر بر انکش تری عدد و تعداد
ایله سکر مناسبدر دیدی قوم معاینه اولان شیده توقف و ملاحظه به
نه احتیاج دید کلرنده ایاس ای قوم بن دخی معلوم و مشاهده اولان
حکمه نیجه توقف ایده بم دیوب قومی اسکات و افهام ایلدی و شهر
واسطه داخل اولدیغی کون ای قوم واسطه بوکون سزلردن خیاب
و شرار اولنر معلوم اولوب تفتیش و اختباره حاجت قائم دی دید که
قوم واسطه سیندن استعمال ایاس دخی بمله بو بلده به داخل اولان
قوم ایکی صنف اولوب بر صنفی خیاب ایدی که انلرله سزدن الفت
و صحبت ایدنر قوم بکر خیاری و بر صنفی شرار ایدی که انلرله اختلاط
و معاشرت ایدنر قوم بکر شرار و بد سرشت اولد قاری معلوم اولدی
دیوب اهالی واسطه فراست ایاسه سبابش خوان اولدیلر و ایاس

فراست وظنی والده مدن تعلم واستفاده ایلدم دیو مادرنی هر بار
ستایش ایدردی فی الحقیقه مومی البها خرامانیه اولوب قومی میاننده
فراست وحدت طبع وزکاء مفرط ایله مشهوره ایدی و مومی الیه ایاسک
زکن و فراسته متعلقه اخبار کثیره سنی و افسانه عجیبه سنی مشتمل
بر کتاب تألیف اولنوب زکن الایاس تسمیه اولمشدر ازان جمله ایاسک
نوادرز کیتدن بری بودر که بر طرفدن نیاح کلب استماع ایدوب
بوکلب شفیر برده مر بو طدر دیوب تجسس اولدقده دیدیکی کی
بولنوب سبب تفرسندن سؤال اولدقده نیاحی دائما بر طرفدن استماع
اولندیغندن مر بو ط اولدیغن و نیاحی صدا ویردیکنندن جا هه
مر بو ط اولدیغن تفرس ایلدم دیدی بری دخی بودر که بر علف
زارده بر کاو اعتلاف ایدردی ایاس بو کاو یک چشمه در دیو نظر
اولدقده فی الحقیقه اعور بولدیلر و تفرسی وجهندن سؤال ایلدیلر
اعتلافی جهة واحده دن اولدیغندن فهم ایلدم دیدی بر دخی بودر
که بر مقدار قوم بر محله تجمع و رطب اکل و چکر دکن متفرق و پریشان
رحی والقا و ذباب بر طرفه رحی اولنان نواته تجمع و طرف آخره رحی
اولنان نواته التفات ایتزل دی ایاس مشاهده ایدوب مکس لک تجمع
ایتمد کلری طرفه حیه واردر دیو تعیین ایلدیکی محل حفر اولدقده
حیه ظهور ایلوب تفرسندن سؤال ایلد کلرنده ذبابک عدم تجمع
رایحه سمی استشمام ایلد کلرندن اولغله تفرس ایلدم دیدی بری
دخی بودر که بر خروسه نگاه ایدوب بو خروسه هر م کلمش دیوب
سبب تفرسندن سؤال اولدقده حیوانه ظفر یاب اولدقده تنقر ایدوب
قرقر ایلیمور اگر شاب اولسه هم تنقر و هم ماکیان مجتمع اولسون
ایچون تقرقر ایدردی دیدی بر دخی بودر که بر کون ایاس بر مسجد ده
بر جاریه مشاهده ایلدی که دستنده پوشیده لی بر طبق وار بو طبقه
جراد وار در دیدی فی الواقع او یله مشاهده و تفرسندن سؤال ایلد کلرنده
طبقی دستنده خفیف مشاهده ایلدم دیدی بری دخی بودر
که مجلس ایاسه ایکی شخص ترافعه کلوب بری آخردن بر مقدار مال

ادعا و طلب و مدعی علیه انکار ایلد کده مدعی تأکید مدعی ایدوب حتی مالی
سکا فلان شجره التذه و بر مشدم دیدی و مدعی علیه انکار نه مصر اولد قده
ایاس مدعی به مالی تسلیم ایلد یکک درخت سایه سنه وار و انده بر مقدار
توقف و ملاحظه ایله بلکه حقیقت حال خاطر یککه کله دیوب مدعی
امثال و درخت جانبته راهی و مرور ایدر کن مدعی علیه الحقه بی تسلیم
ایلد یکی درخت و اصل اولدی دیو سوال ایلدی مدعی علیه هنوز
و اصل اولدی دید کده قم باعد و الله انت خائن دیو بالضروره مالی
اقرار ایتدیروب تحصیل ایلدی و ایاسک سنی طقسان الی سنه به بالغ
اولوب یوز بکرمی بر سنه سی دار بقایه ارنحال ایلشدر و فات ایلد یکی سنه
مناحمه پدرم معاویه ایله بر راسبه سوار و مسابقه قصد ایدوب بر بریزی
سبق و تجاوز ایده مدک د بونقل ایلشدی فی الحقیقه پدری دخی طقسان
الی باشند و فات ایلشدر * سحبان انما تکلم بلسانک * و سحبان
فصاحت و بلاغته شهر تشعار اولسی سنک زبان ملاحث نشا نکه
تکلم ایلد یکی سبب ایله ایدی ظن ایلدم مومی الیه سحبان زفر بن
زفر بن ایاس الوائیلدر که فصاحت و بلاغته موصوف و خطابتده
یکه تاز میدان اعجاز و بیان اولغله معروف اولوب مومی الیه ایله
(افصح من سحبان) دیوب ضرب مثل اولنور دی زمان جاهلیته
ظهور و وقت اسلامه رسیده و اسلامی قبول و هجرة مصطفوی علیه
السلامک الی دور دنجی سنه سی ارنحال دار بقا ایلشدر اصمعدین
مر ویدر که فحان سحبان خطبه قراءت ایلله عر قرین و خو بکرده
اولوب تکلم ایلد یکی کلماتی تکرار و اعاده ایلیموب بلا توقف و تلعم
عبارات سلبسه و تعبیرات لطیفه ایله اتمام خطبه ایدنجیه ایستاده
اولوب فارغ باو انجیه جلسه یسیره دخی ایلز دی و بروقتده
خراسان کاربانی ایله معاویه رضی الله عنه جانبته محمل بند عزیمت
اولوب معاویه رضی الله عنه قدوم سحبان ندن خبردار و مجلسنه احضار
و کلمات بلاغت آمیز فی استماع قصد ایدوب تکلمه امر سحبان دخی
تکلمه اقتدار به وسیله اولان عصامی کنورک دیو عصامی طلب اتباع

معاویه دخی بو مجلس مجلس امیر المؤمنیندر عصامی نیلرسن عبیدر
دید کلرنده سحبان موسی علیه السلام رب العالمینک مخاطبی اولدیغی خالده
عصامی دستنده ایدی اول وقتده موسی علیه السلام عصامی نیلردی
دید کده معاویه رضی الله عنه خنده کنان بر عصا کنورک یور دیلر اتباع
دخی بر آخر عصا کنوروب دست سحبان صوندیلر و سحبان پایی ایله
چار پوب کندی عصامی استرم دیدی و عاقبت کندی عصامی سنی
احضار ایلد کلرنده الوب قراءت خطبه به ایستاده و صلاة ظهر دن
وقت صلاة عصره قریب اولنجیه تکلم ایدوب و عظمی متمادی اولدی
واثنای و عظمه کنیدن تنحج و سعال و تردد و توقف و انفعال
ظهور ایتیموب هر نه کونا نصحه شروع ایلدی ایسه اتمام و اکمال
ایدوب بو ذکر اولنان حالت کنیدن زائل اولمادی عاقبت معاویه
رضی الله عنه کفایت ایدر دیمک ایچون دستی ایله اشارت سحبان دخی
کلامی قطع ایلد دیو اشارت ایلوب معاویه رضی الله عنه ای سحبان
وقت صلاة فوت اولویور دید کده سحبان صلاة ایسته امام کده در
بز حالا صلاة و تحمید و وعد و هیذده بز دیوب معاویه رضی الله عنه
یا سحبان سن اخطب عرب من نظیرک بو قدر دیو ثنا سحبان دخی
عجم و انس و جنک دخی اخطبی بم دیو میاهات و اعتنا ایلدی
و سحبانک خطبه بلیغه سندن بری بودر * ان الدنیا دار بلاغ
والآخرة دار القرار ایها الناس فخذوا من دار ممرکم لدار مقررکم ولا تهتکوا
استارکم عند من لا تخفی علیه اسرارکم و اخر جوا من الدنیا قلوبکم
قبل ان تخرج منها ابدانکم ففیها حیثکم و لغيرها خلقتم ان الرجل
اذا هلك قال الناس ماتک و قالت الملائكة ما قدم لله اباؤکم قد موا
بعضا یکون لکم ولا تخلفوا کلا فیکون علیکم * یعنی ای قوم چونکه
دنیا دار بلاغ و ممر و آخرة دار قرار در دار ممر کزده دار قرار کزده
فائده لی عمل تحصیل ایدوب اسرار یکز خفی و بینهان اولیان باری
تعالی حضورنده عرض و ناموسکز برده سنی هنک و دریده ایتیموب
دنیا دن ابدان و اجساد یکز خروج اتمز دن مقدم قلبکزی اخراج

یعنی دنیا به محبت و میلی ترك ايدك گرچه دنيا به كلوب مجتمع اولد بكن
 لكن دنيا دن غيری شی ایچون خلق اولند بكن تحقيق بر آدم وفات
 ایلد كده ناس نه مقدار مال ترك ایلدی دیو سوال ایدر وملائكة كرام
 پدر لر بكن عند الله مقبول اوله جق نه مقدار عمل ايله كلدی دیرل امدی
 بعض مال كزی وجوه خیره صرف ايله بكن كه دار قرار بكنده سزه فائده
 مند اوله وجميع مال كزی ورثه به ترك ايله بكن كه سزه فقط وزری
 عائد اولور وسحبان طلحة الطلحات ديمكله معروف اولان طحة بن
 عبدالله التيمي مد حنده بو بيتلری انشا ايلشدر * يا طلحة اكرم
 من بها حسبا واعطاهم اتالد * منك العطا فاعطني وعلي
 مدحك في المشاهد * بهاء حسن معناسنه وحسب كسبتك مفاخر
 آبا سنده عد ايلديكي شرف معناسنه در وبعضيلر انسانك حسبي دني
 در ديدی و بعضيلر مالی در ديدی وابن سكيت حسب وكرم انسانك
 كندی نفسندن حاصل صفتلر در وآبا سنده شرف اولمق لازم دكلدر
 وشرف و مجد پدری طرفندن سرايت ايدر ديدی وتالد مال قدیم
 واصلي اولوب صاحبي ياننده وجوده كاه كه طارينك نقيضيدرمال معنای
 بيتين ای حسب وكرم ومال صاحي اولنلرك زياده حسنی وكریمی
 اولوب كندی ملكنده تولد وظهور ایدن مالی زياده اعطا وانعام
 ايديجی طلح سكا لایق اولان اعطا واحساندر سن اعطا ايله بكا دخی
 لازم اولان عند الناس سنك مدحكدر بن دخی مشاهده سنی مدح
 و ثنا ایدرم ديمك اولور وطلحه به بو بيتلری انشا ايلد كده ياسحبان
 بندن هر نه طلب ایدرسن احسان ایدرم ديدی سحبان دخی فرس ورد ايله
 فلان قهری احسان ايله ديد كده طلحه حيف سكا ياسحبان كه
 بندن كرمی كندك قدر و همتكه كوره طلب ايلدك اكرينم همت ومزنته
 كوره طلب ايلش اواسك سكا فرس لر يك وقصر لر يك مجموعی احسان
 ایدرم ديوب مطلبی اولان فرس وقصری اعطا ایلدی وفرس ورداشقر
 ايله كيت ميا منده برلون ايله ملون فرسدر ومومی اليه طلحة الطلحاته طلحه
 الخير وطلحه الفياض دخی تسمة اولنوب صحابه كرام رضوان الله تعالى

عليهم حضراتندن ابتدا هجرت ايدنلردن وعشرة مبشرة دندر
 رضى الله عنهم اجمعين * وعمر بن الاهتم انما سحر بيداك *
 وعمر بن اهتم سنك يانكله سحر ايلدی ظن ايلدم يعنى منطق فصيحك
 ومعاني بي عبارات بليغه وتعبيرات فصيحة ايله اظهار وتدقيق
 ايلوب سحر مشابه سنده برمعنایي نيجه الفاظ لطيفة ايله ادا ايلدی
 ديمك اولور مومی اليه عمر بن سنان الاهتم ابن سمی تيمی منقری اولوب
 سنالك ميان عربانده يوم الكلاب ديمكله معروف اولان رزمده ثنيه سی
 يعنى اوك ديشی منكسر اولوب هتم كسر ثنية معناسنه اولغله اهتم ايله
 تلقيب اولمشدر ومنقر تيمدن ابو حى اولوب منقر بن عبيد بن حرب
 بن عمرو بن كعب بن سعد بن زيد مناة بن تيمه دروموی اليه عمرو بنو تيمك
 زمان جاهليت و اسلامده كبار و سادات و خطبا وشعرا سندن
 بليغ القول وفصيح الكلام وسخن سنج ونادره دان اولديغ نندن
 ماعدا حسن وجمال صاحبي اولغله مكمل تسميه ايلشلردی ومزبور
 عمرو ايله زبرقان بن بدر الفزاري رسول اكرم صلى الله عليه وسلم
 حضرت البريك مجلس شريفلرينه داخل وشرف اسلام ايله مشرف
 اولمشلردر رسول الله عليه السلام ايكسسه دخی اكرام يورلر ایدی
 وبركون عمرو بركانك احوالندن سوال يور دقلرنده عمرو يار رسول الله
 زبرقان قومی مياننده مطاع و نافذ الكلم وتكلمه قادر و كندويه استناد
 وانتساب ایدن قومی حفظ و حيايه ايدر ديو وصف ايلد كده زبرقان بورتبه
 ثنايه قانع اولوب يار رسول الله عمرو بنم خصال حیده مدن بو ذكر
 ايلديكندن برر خصاله واقفدر لكن بكا حسد ايلوب كتم ايلدی
 ديد كده عمرو والله يار رسول الله زبرقان قليل المروءه وضيق المبرك يعنى
 قليل المال واثيم الحال واحق الوالد اولوب مقدم فاقير الحال وغنا
 وزوتي قريب العهد برآمدرو والله مدح و ثنا سنده كاذب اولوب ذم
 وقد حنده صادق و بن برآدم كه زبرقان دن راضی ايكن معلوم اولانك
 احسنی ايله مدح ايلدم وشعدي غضبك اولوب معلوم اولانك اقبيله
 مذمت ايلدم ديد كده رسول الله صلى الله عليه وسلم حضرت تلری

* ان من البيان لسحرا * پیوردیلر و بو حدیث شریفی صاحب مشارق
 علی کرم الله وجهه روایت ایتک اوزره بخاریدن نقل و ذکر ایدر
 لکن بخارینک تخریجی عبدالله بن عمرو روایت ایتک اوزره در و معنای
 شریفنده قوم اختلاف ایدوب بعضیلر مدح مراد در زیر بیان
 منطق فصیح ایله ضمیرنده اولانی اظهار و تفهیم اولوب فهمه سحر
 اطلاق اولنور که حده تأثیری اولوب قلب سامع سر یعاقبول و میل
 و سحر دن متعجب اولدیغی کی پیانندن دخی متعجب اولمغله سحر
 مثابه سنده در یا خود مثلی اتیانده عجز نمایان اولمغله سحره مشابه اولور
 و قوم متفقد در که حتی صورة باطلده تصویر و اراء و باطلی صورة حقده
 تصویر و اراء اعلای درجه بلاغت و فصاحت در و بعضیلر مراد زمر
 زیر سحر قلب التون کی ظاهری باطنه مخالف اولور باطلی حق صورتنده
 اراء ایتکدن عبارتدر و بیان کثرت کلام و نفاق معناسنه در زیر
 پیغمبر یمز علیه السلام حضرتلری * الحیاء و العی شعبتان من الایمان
 و البذاء و البیان شعبتان من النفاق * پیوردیلر دیوب بو حدیث شریف
 مدلولی ایله ذم اولمسنه ذاهب اولدیلعی بیانک ضدیدر یعنی تکلمه
 عدم قدرت معناسنه اولوب بذاء حیانتک ضدی و خفش معناسنه اولوب
 فلان بذاء اللساندر دیرلر لکن صحیحی قول اولدر زیر قول ثانیدنک
 مناسبی بیان نفاق معناسنه اولمقد در بو محمله ایسه خلاف ظاهر در
 وز برقانک اسمی حصین اولوب عمامه سی زرد رنگ اولمغله ز برقان
 تسمیه ایلدیله وز برقان محضر موندن اولوب محضر جاهلیتده
 و اسلامده انشاد شعر ایدنه دیرلر و حسان بن ثابت و ابید بن ربیع و نابغه
 بنی جمعه دخی محضر موندن در یا خود محضر تسمیه اولمغله باعث
 کفر دن منقطع و اسلامه متصل اولمدر یا خود نزول قران کرم
 ایله شعرلری رواجدن قالوب اعتبارلری ساقط و قاصر اولدیغیدر
 عتبی ذکر ایدر که احنف بن قیس ایله مومی ایله عمرو بن الاهتم عمر بن
 الخطاب رضی الله عنه حضرتلری مجلسنه حاضر اولوب حضرت
 عمر زبور له ریاست ولایت توجیهی ایچون اختیار و امتحان پیوردیده
 بنو قیم دخی مجتمع و حاضر بالمجلس اولوب احنف بو بیت انشاد ایلدی که

سقطات احنفدن معدود در * ثوی قدح عن قومه طول ما ثوی * فلما
 اتبهم قال قوموا اتناجدوا * ثوی مکانه اقامت معناسنه اولوب تناجد
 مقالتله معناسنه در مال معنای بیت عمرو قومه رئیس و والی اولدیغی
 مدته خرتوقف و محبسنده یعنی خنده اقامت ایلمش ایدی و بو گونه
 تعجیز و منع در سکره یوم قتالده قومه کلوب دشمن ایله مقاتله و محاربه
 ایدیکز دیوامر و اقدام ایدر دیمک اولوب عمرو جواننده یا احنف بزر
 و سزر اول وقتده رأی جاهلیتده اولوب فضیلت و سیادت جاهل
 و نادان اولنلر ایچون اولوب خونلری کزی ریزان و زنن کزی سی و استرقاق
 ایلمش ایدک شمدی لله الحمد دار اسلامده اولوب فضل و شرف حلیم
 اولنلر ایچوندر همان باری تعالی سزی و بزی مغفرت ایلمسه دیوب
 احنفه غلبه ایلد که ریاست عمروه متعین اولوب بو بیتلری انشاد
 و انشاد ایلدی * ولما دعتنی للریاسته منقری * لدی مجلس اضحی
 به التجم بادیا * شدت لها زری وقد کنت قبلها * لامثالها
 قدما اشد ازاریا * ازرقوت معناسنه اولوب آیتده * اشد به ازری *
 وارد اولوب اشد دظهری ایله تفسیر اولمشدر و فلان کیمسه به
 معاونت ایلدم دیه جک یرده آرت فلا نادیرلر و قدم کسرقاف و سکون
 دال ایله قدمدن اسم اولوب اسم زمان قلمشدر مال معنای بینین وقتا که
 قبیله منقر بنی ریاست ایچون انکله نجم ضیادار و منور اولور مجلسه
 دعوت ایلدی بن اول ریاست ایچون ظهری شد قوه و قدرتمی اول
 ریاستله زیاده ایلدم که بور ریاستک امثالنه خبلی زماندن بروشد ازار و دامن
 در میان ایدوب اجرای ریاسته تقید و اهتمام ایدردم دیمک اولور
 و مومی ایله عمروک کلام پند آمیز تندر که حلمی ایله جهلنی رد و دفع
 ایدن کیمسه خلقک اشجه بیدرزیرا جهلدن برزدشمن اولماز و خری
 مبالغه ایله ذم و قدح ایدردی حتی زمان جاهلیتده دخی تحریم و قومنی
 شربدن منع ایدردی شکیم مقدما ذکر اولنسان احنفک بیتندن منضم
 اولور و زمان جاهلیتده خری منع ایدوب ای قوم نه اولیدی عقل اشتری
 اولنق اولیدی زیرا هیچ عقلدن انفس و طیب برشی بو قدر و عجبدر که

نوش می آید نلر حتی ابقه سبله اشتری و کندی رأسلرینه ادخال و ثباب
فاخره لرین فی ایله تلویث ایدر لر دیردی مومی الیه اللی یدی سنه سنده
ارتحال دار بقا ایلشدر رجه الله علیه * وان الصلح بین بکر و تغلب
انما نم برسانتک * و قبیلہ بکر ایلہ قبیلہ تغلب میانده اتفاق و صلح
سنک رسالت و مباشرتکله واقع و تمام اولدی ظن ایلدم بکر و تغلب
بنو وائلدن بر قبیلہ در که ایکی سنک اشرفی اولان کلپی جساس قتل
و فرار ایلد که کلپیک برادری مهلهل قبیلہ جساس ایلہ محاربه نری
ایکی قبیلہ فنا بولنجہ متمادی و عظمای قبیلتین قتل اولنوب مهلهل
حریدن فارغ و متضجر و خالری قبیلہ سنه راهی اولوب حروبه بادی
بسوس اولغله بو حروبه حرب البسوس تسمیه ایلد کیری مقدا ذکر
اولمشدر چونکه اشراف و سادات قبیلتین قتل اولنوب ایکی طرفه
دخی کمال مرتبه ضعف طاری اولدی تعب قبیلتین مصالحه رغبته
و کنده ملکی و شاعری امر القیسک جدی اولان حارث بن عمرو بن معاویه
الکندی به احوال لرندن شکایت ایدوب سفها و ادانیز امر او شرفامره
غلبه و قوی ضعیفی افنا و اهلاک ایلدی بزه عنایت و مرحت ایدوب
اوز ریمزه بر ملک تعیین ایلده سز که قوی لر یزدن اخذ انتقام و مظالمی
رفع و دفع و قبیلتین میانده متمادی اولان مخاصمه و قتالی مصالحه
و مسالمة به تبدیل ایلده بزدخی اول ملکه شتر و کوسفند رو پروب اکرام
و امرینه رام اولورز لکن قبیلہ لر یزدن اولسونکه بعض قبیلہ راضی
اولوب ایقباد و بعض مخالفت و عناد ایدوب حرب و قتالک عدم
انقطاعنه باعث اولور دیورجا ایلد کلرنده حارث بن عمرو مر اجعتلرینه
مساعده و بالذات کندی مصالحه به مباشر و طرفلرندن رسالت
و میانلرین اصلاح و قبیلته کندی ملک اولوب بنی غساندن اولان
ملوک شام ایلہ محاربه و مقاتله به قبیلتهنی اشغال ایلوب میانلرندن
مخاصمه مر تفع و بر طرف اولدی مومی الیه حارث بن عمرو بر ملک جلیل
القدر رفیع الشان و عظیم الهمد اولوب اکل المرادیمکله شهرت
شعار ایدی و مرار ضمیم ایلہ بر آجی نباتدر که شتر اکل ایلد کد

لبلی آجیلوب مر نفع و غایت قوت و حدت کسب ایدوب باکرانه
محمل ایدر و لقب مزبور ایلہ ملقب اولسنه سبب بودر که ملوک شامدن
زیاد بن هبله فرصته مترصد اولوب حارث بن عمرو و خیمه انداز اولدیغی محله
اموال و اشیا و نسا و ضعفا بی ترک و جنگ آور عسکر ایلہ بحرین نام بلده به
راهی و اشیا و نسوان اولدیغی منزلده رزمه قادر بر فرد موجود
اولمقدده ابن هبله اخذ انتقامه فرصتی غنیمت عد ایدوب
لشکر یله هجوم و اموال و اشیا بی نهب و غارت و زنانی سبی
و استرقاق و ملک حارثک زوجه سی اولان هند بنت ظالمی دخی اسیر
ایدوب بومصیبت عظیمه ظهوری حارثه و اصل اولوب بولندیغی
منزلدن مطیه سوار و ابن هبله ایلہ مقاتله به عزیمت و شتاب ایلدی
لکن حالا ابن هبله نه طرفده در احوال نه کونه اولدی دیواستعلام
ایچون سدوس بن سنان ایلہ خلیع بن وهی ارسال انلردخی کندی
منزللری طرفه شتاب و ابن هبله بی خیمه کا هلرنده بولوب اخشام
اولنجہ بر محله توقف و اختفا بعده میان عسکر ابن هبله به داخل
و ابن هبله اولدیغی محله و اصل و اموال و اشیا لر بنی نهب و تقسیم
ایلشلر و بر وجهله حارث طرفندن هجوم ایدر خوفی اولوب هر کس
عالمنده اولوب دأب عرب اوزره مر باعه یعنی خیمه کا حارثه آتش ایقاد
ایتدیروب منادیلرند ایتدردی که هر کچسه که بر یوک هیزم کتوروب
بومر بعده ایقاد اولنان آتسه القا ایدرسه بر اولجک خرما احسان
ایدرم دیوب هر کس بر یوک هیزم کتوروب حارثک جاسوسلری
سدوس و خلیع دخی هیزمی القا و تمیری اخذ ایتدیله و آشکده نمرود
مثال شعله آتش کره ناره رسیده و پیوسته اولوب اظهار سرور
ایلدیله لر زرا هر چند که طائفه عربان اخذ غنائیم و فیره و خصمه غلبه
ایده ایقاد نار ایلہ اظهار سرور ایدر لر چونکه جاسوس حارث اولان
خلیج احوال دشمنه بر مقدار واقف اولدی بورتبه و قوف کفایت
ایدر دیوب حارثه رجعت و شتاب ایلدی لکن سدوس بومقدار اطلاع
مانع اولوب ابن هبله نک احوال و اوضاعنه کمال مرتبه اطلاع کوشش

و دامن خیمه به داخل و ابن هبوله نك تكلمني استماع ایده جك مرتبه
 نزدیک و نکه بانلر خلاصه ایستاده و آشنایی معامله ایله برینك دوشنه
 دستی وضع ایلیوب کندوی نکه بانلر دن اراءت ایلدکده بلمسنه
 تاریکی شب مانع اولوب اول کیمسه سدوسه کیم سن دیدی سدوس دخی
 فلان نکه بانم دیوب ابن هبوله طرفنه چشم و کوش اولدقده کوردیکه
 ابن هبوله حارثک زنی هندی مجلسنه احضار و د راغوش و تقبیل
 و ملاعبه ایدوب بعده یا هندی و جك حارث یا شمیدی نه حالده در و حقند
 نه ملاحظه ایدرسن دیدکده هندی یقینا معلومدر که سنی اخذ انتقام
 ایچون طلبدن فارغ اولوب شامه هجوم و ملون و منقش قصر لر یکی
 تخریب و اموا لکی غارت ایدر و او یله شاهده ایدر مکه حالش بیان
 فارس لر یله نیره بازی ایده رک سنک اوزر یکله کلمده در و حارث شتر مرار
 خوار کی قوت و حدت صاحبی اولوب دشمنلر کندن احتراز اولملر ایدر
 دیو ابن هبوله به جواب داده اولدی بناء علیه حارث اکل المرار ایله تلقیب
 اولندی و سدوس استماع و احواله واقف اولوب رجعت ایلدی روایت
 اخرا ده ابن هبوله هندی حارثه محبتک نه رتبه در دیو سوال هندی دخی
 حارثه اولان بغض و عداوت بر کیمسه به یوقدر و حارث کی خفته و بیدار
 و ایکن صاحب فراست و حزم بر فردی مشاهده ایلدم و فراسته
 متعلقه حکایاتی بسیار اولوب از جمله هر چند که خفته اولمق مراد
 ایده بکا بر کاسه شیر صافی آماده و پسترنه قریب بر محله وضع ایله
 دیو امر بن دخی مأمور اولد یغم وجه اوزره اداء خدمت ایدر دم پنه
 بر کون خوابانیده اولوب عادت معهوده اوزره بر کاسه شیر سیر
 آماده و بر طرفنه وضع و کندم حارثه قریب بر کوشده قرار و بیدار
 اولسنه انتظار اوزره ایکن بر مار سیاه از در مثال کاسه به توجه
 و شیردن نوش و زهرنی بقیه شیر فی و بر طرفه راهی اولدقده
 ان شاء الله حارث بیدار و شیر زهر ناکی نوش بندخی چکد یکم غمی
 فراموش ایدرم دیو فرحناک و منتظر ایکن حارث بیدار اولوب یا هندی
 قنی شیر دیدی بندخی فی الحال کاسه بی صوندم که نوش ایدوب هلاک

اوله الوب نوش ایده جك محله استشماس و کاسه بی زمینه چار یوب
 باره باره ایلیوب یا هندی مار سیاه نه طرفه راهی اولدی دیدی بندخی
 مار کوردم دیدم کذب و دروغ ایدرسن دیو بنی مواخذه ایلدی
 دیدکده سدوس خیانت زنه دخی واقف و نکه بانلری خوابه و رنج
 بر طرفه توقف بعده اسب سوار و شتابان بارگاه حارثه و روب * اناک
 المر جفون بر جم ظن * علی دهش و جنتک بالقین * مال معنای بیت
 دهشت و خوف لرندن توقف ایده میوب حقیقه حاله واقف دکل ایکن
 عجله و سرعت ایله سکا کلوب ظن ایله واقف اولدق لری کلمات مظنونه
 بی افاده ایلدی لر و بن کرکی کی احواله واقف و بقینا مطلع اولوب کلدن
 دیمک اولوب مشاهده و استماع ایلد یکی تبلیغ ایلیوب سدوس نقل
 ایدر کن حارث کال غضب و غضبندن بی هوش اولوب زمیندن مرار
 دیدک لری نیاتی جیده و اکل ایدر دی و چونکه سدوسک کلامی رسید
 انجام اولدی حارث کندویه کلوب کور دیکه قتی وافر مراره
 اکل ایلش بناء علیه اکل المرار دیمکله شهر تباب اولدی بعده ابن
 هبوله اوزر بنه هجوم و مقاتله و غلبه و هزم و پریشان و نهب اموال
 و کرکی کی دشمنیدن اخذ انتقام ایدوب غمیری آخر اولجه قبیله بکر
 و تغلبه ملک اولدی * و الحملات بین عبس و ذبیان اسندت الی
 کفالتک * و قبیله عبس ایله قبیله ذبیان میاننده واقع اولان قتالک
 دبت و غرامت لرینی قواده سنک کفالتکه اسناد و جل ایلیوب میانلرینی
 مصالحه به سعی و اهتمام ایدوب سنک مباشرتکله مسالمة حصول
 پذیر اولدی ظن ایلدم حالات جمع حاله اولوب حاله بر کیمسه نك
 بر قوم ایچون دبت غرامتدن تحمل ابتدایی ماله دیرلر و مقدمات و قبس
 بن زهیر انما استعان بد هاتک فقره سنده قبیله عبس ایله قبیله ذبیان
 میاننده حروب کثیره واقع و قتادی اولدیغی ذکر و بیان اولمشدی
 اول حروپک اصل و منشئ بودر که قبیله عبس اشرافندن اولان
 مزبور قبس بن زهیر مکه مکرمه ده بی مثل و بی همتا بر زره اشتر
 و قبیله سنه کلوب سید بنی عبس اولان عمی ربیع بن زیا دم مشاهده

قبسیدن غصب ایلوب قبس غضبیدن کنندی به متعاق اولان قوم
و اتباع و اموال ایل ترک دیار و اقرباسی اولان قبیله ذبیان طرفه
عطیف عثمان و ذبیانیه نک سید و شریفی اولان حیل بن بدر بن
حصین و برادری حذیفه بن بدر قدوم قبسیدن منتدار و اکرام و اهراز
ایل جوار لریده بر جای فرح فرزا کوستر و قبس قرار ایلدی و قبسک
عربان میاننده معتبر و کحیل تسمیه ایلد کیری اسبانی بسیار اولوب
از جمله داحس نامنده براسب تک آوری وار ایدی که وثب و تازیده
بی نظیر و جلوه و حرکته عظیم المثل اولوب داحس اسمیله مسمی
اولمغه باعث بنویر بودن قراوش نامنده بر شخصک جلوی دیر
بر مادیانی اولوب بنه قبیله مزبوزه دن حوط نامنده بر کیمسه نک
ذوالعقال دیمکله نام آور براسی اولوب قطعاً مادیانه چکیموب بر
فردک چکیمسه دخی راضی اولما مغله و بر طرفه راهی واسب خیمه
گاهده قالسه قوم و اتباعنه محافظه سنه تنبیه اکید ایدردی اتفاقاً
بر کون مزبور لر داب عربان اوزره کیه تدارکنه بر چراگاه طرفه
راهی و حوطک ایکی دختری اولوب پدیری راهی اولدوقده ذوالعقالی
رستی ایل کز در لر ایکن قراوشک جلوی نامنده اولان مادیانی اسپ
مشاهده و شتاب ایل نزدیک اسبه کلوب اشتها سندن تبول اسب
دخی هیجان ایل مادیانه هجوم ایلد کده خیمه گاهده موجود اولان
برنایان عرب خنده و قهقهه و دختر استخیا ایدوب فرط خیالندن
ضبط و ربطه عدم اقتدار لرندن اسبه کشاد و اسب دخی قضاء و طر
ودفع آرزو ایلدی بعده حوط چراگاهدن منزله رجعت و اسبک
چشماتنه نظر و دقت ایلوب حذاقت و فراست ایل قضیه معلومی
و حوط غایت تند خو و تنک حوصله اولوب غضبناک و بنویر بودی
جمع و مواخذ و ذوالعقالک آبی اضاعت اولمدیغنه رضام یوقدر
سزلردن طلب ایدرم دید کده بنویر بود دفع فتنه ایچون بزم بوقضیه
ده مدخلمز یوقدر اشته جلوی نه حالک وار ایسه کوز دیوتیره
ذمت ایلد کلمنده حوط جلوانک چار پاینی ربط و بند و دسنه بر مقدار

خالک آلوب جلوانک رحنه دستنی ادخال و رجه اولان آب ذوالعقال
ایل خاکی آلوده بعده اخراج ایدوب کان رچی ولدن تخلیه ایلدی
لکن سود مند اولوب جلوان پدیری ذوالعقال کبی بر کره بی نظیر
تولد ایلوب پدیرندن قطعاً فرق و تمیز اولماز دی چونکه جلوی
صاحبی قراوش کره به مالک اولدی نامنی داحس تسمیه ایلدی زیرا
داحس ادخال البیدین و افساد معناسنه اولوب حوط اللرینی ادخال
و افساد ایلدیکنه بناء داحس دیدیلر و بعد زمان قبس بن زهیر
نی بر بوعه هجوم و ماللرین نهب و غارت و بعضی سبی و استرقاق
ایدوب حین محاربه ده براسبه نی در یمن ایکی مرنا سوار و مجموع
اسبانی سبق و کذارو بر جانب فرار ایدر لر کن قبس مشاهده و فرط
شتابنه تعجب و اول ایکی شخصه ندا ایدوب سزلردن اسیر ایلدیکم
اشخاصی ازاد ایده بم اگر بواسی بکا ویرر سکز دیدی انلر دخی
راضی و اول اسب که داحس ایدی قبسه تسلیم ایلوب قبس بو سبیل
داحسه مالک اولمشدی و بنویر بودن بطن اولوب بر بوع بن
قبیط بن مره بن عوف بن سعد بن ذبیاندر و قبس ذبیان ایل بر مقدار
زمان ساکن اولوب داحسک فرط تازیسی ذبیانلری اعجاب و رئیس
ذبیانان اولان حذیفه نک غیر نامنده براسی اولوب ذبیانلردن
ایکی کیمسه منازعه و بری اگر بواسیلر مسابقه اولنسه غیر ادا حسی
سبق ایدر و بری داحس غیرایی سبق ایدر دیو معارضه و هر قنغی
سنگ مدعاسی ظه و ر ایدر سه آخردن اون ناقه اخذ ایتک اوزره مباحثه
و مقاوله ایلدیلر روایت اخراجه داحس و غیرا قبسک و حطار و حنفاء
حذیفه نک اولوب دوردی بردن مسابقه و جری اولندی بر روایتده
داحس و غیرا قبسک اولوب فقط ایکیسی مسابقه اولندی لکن
روایت اولی که داحس قبسک و غیرا حذیفه نک اولمق اوزره در
صحیحه در بعده اول ایکی شخص مباحثه لرین حذیفه به اعلام
حذیفه دخی رضا داده و قبسه کلوب افاده ایلد کلمنده قبس راضی
ولوب بن بومقامده غریب الدیار و مسافر مقوله سیم واسب صاحبی

یا لکزی بن دکلم بنیدن غیر یتک اسبنه مباحثه ایدک زیر اذیبانیا ظالم
وغدار بر قومدر دیو مدافعه و اول کیمسه لر ابرام و بز حذیفه دن
ماذون اولوب بوقول اوزره قرار و برلدی دیدکلرنده والله بنو ذبیان
بزم اوزریمزه آتش شروفتنه اشغال ایدر دیو خواه ناخواه مباحثه
ایدن شخصلر حذیفه به واروب یا حذیفه اسبلری تجر به ایده لم لکن
بو آدملره او نراقه سمین چو قدر بر مقدار تنزیل ایده لم دیدی
حذیفه دخی عناد و تنقیصه رضاداده اولوب قیس اغضاب قیس دخی
یا حذیفه اگر اسبک اسمی سبق ایدر سه اون بش ناقه و بره یم دیوب
حذیفه اگر سنک اسبک اسمی سبق ایدر سه یکرمی ناقه و بره یم
دیوب بر برینه رغما زیاده و آخر کار یوز ناقه و بر مکه قول و قرار
و بر امین کیمسه به ناقه لر ایداع و مسابقه اولنه جق محلی یوز غلوه
یعنی یوز اوق منزلی که هر بر منزل دورت یوز کز اولق اوزره مسافه
تعین و اسبلری محل معهوده ارسال و ایکی عرب بهادری سوار و بر بر
جانب قبیله به شتاب و تازی به اقدام ایلدیلر لکن سید قوم اولان
حذیفه نک برادری حمل بر شبه کریه المنظر پر داخته ایتد یروب
قومندن برقاج شخصه اسبلریک کذر ایده جکلری راهه قریب
بر کینده مترصد و قیسک اسبی داخس حذیفه نک اسبی غبرایی سبق
ایلمش مشاهده ایدر سکر داخسک سیر راهنه شبهی وضع و انخاف
ورمیده ایدوب شتابنه مانع و غبر داخسی سبق و تجاوز و داخس
بر وجهله غبرایه رسیده اولق احتمالی بر طرف اولنجه ممانعتدن صکره
سبیلن تخلیه ایدک دیوتنبیه و ارسال ایلشدی چونکه داخس غبرایی
سبق فاحش ایله سبق و کین کاهه و اصل اولدی مترصد اولان عربان
داخسی اراءت شبه ایله رمیده و کیری توجه ایلدکده عربان
شتابدن منع و غبراکلوب داخسی سبق و بعید اولد قده داخسه
مساعده اولنوب قبیله به ایتد اغبرایه بعده داخس کلدی لکن او کدل
امانت وضع اولنان شخص حبسه به واقف اولوب قیس و امانت
اولان ناقه لر حفظ ایدن کیمسه یا حذیفه داخس سبق ایلدی

و کوز ندیکر معلوم اولدی سبق بکا تسلیم ایله دیوب حذیفه خدعه مز
معلوم اولمش دیو ممانعت ایده مبوب یوز ناقه بی قبسه تسلیم ایلدی
بعده حذیفه نک قومندن بر جماعت حذیفه بی تعبیر و موأخذ
وسنک اسبک سابق ایکن قبسه جمال موعودی تسلیم و کندیکه
بین القوم تنقیصه و شأن اثبات ایلدک دیوب حذیفه به فعلندن
ندامت کلوب بر فرقه دخی تسلیه بخش اولوب کشی به اعطا ایلدیکندن
رجوع ایلدک عیب اولد یغندن ما عدا بر فتنه عظیمه به بادی اولور
و قیس سکا بر امر شریف و مکرمتده غالب اولدی که متالم و غمناک اوله سن
اسب اسبی سبق و کذر ایتکلکه سنک ذاتکه قطعاً تنقیصه و قبسه
شرف کلمز دیو دفع فتنه ایچون عاقلانه خیلی نصیح و پند ایلدیلر
لکن تأثیر ایتبوب اوغلی مالکی قبسدن ناقه لری استر داد ایچون ارسال
مالک دخی قبسه واروب پدرم حذیفه ناقه لری طلب ایدر زیر بزم
غبرایه سابقه ایکن سنک او کدیل اخذ ایتدک وضع بی معیند ر دیو
مواخذ قیس عدم مساعده اظهار و مالک غضب ایله قیسک عرضی
هتک و ناسن اکتفاره اغاز و شتم و دشنام ایلدکده قیس مضطرب
و المناک اولوب نیره سی دودست و مالک ضرب و طعن و قتل ایلوب
قبیله قیس اولان عبس ایله قبیله حذیفه اولان ذبیان تجمع و دفع
شروفساد ایچون حذیفه به دیت مالکی ادا حذیفه دخی اخذ و فتنه
مندفع اولد قده حذیفه نک قومندن مفسد و شریر لر حذیفه به هزار
مالا یعنی کلام ایله ژار خای اولوب حذیفه مصالحه به نادم و قیس ایله
مقاتله به شروع قصد قیس دخی قوم و اتباعیله مطیه سوار و تبدیل
منزل و فرسان عربانک بهادر و جنک آورلرین جمع و محاربه به
منتظر اولد قده حمل و حذیفه قبیله لر اولان ذبیان ایله قیس
اوزرینه هجوم و حروب و قتال نیجه سنین و شهرور متمادی و عاقبت
قیسک برادری مالک بن زهیر قتل اولنوب قیس و مالکک عمی اولان
ربیع بن زیاد که قیسک مکه مکرمهده اشترا ایلدیک زرهی غضب
و قیسک ترک دیار ایتسنه باعث اولشدی مالک قتل او اندیغی و فتنه

کلنجه محاربه به مداخله ایتیموب عزلت ایلشدی لکن برادرزاده سی
مالک قتل اولند یغنه کمال مرتبه متالم اولغله اوندخی قهسه امداد
و زیانیان ايله مقاتله به اغاز ایدوب بو پیتلری انشاد ایلدی * من کان
مسرورا بمقتل مالک * فلیات نسو تننا بوجه نهار * یجد النساء
حواسریند بنه * بالصبح قبل تبلیج الاسحار * افعبد مقتل مالک
بن زهیر * ترجوا النساء عواقب الاطهار * مال معنای ایات مالک
قتل اولمسندن مسرور اولنر کلسونلر برم زنلر عزی بیاض نهار ده
مشاهده ایلسونلر که تبلیج اسحار دن مقدم نقاب دریده سینه چاک
و کاسفة الوجوه ندب نوحه و فریاد ایدر معاینه ایدر لر آیامالک بن زهیرک
قتلندن صکره بزم زناغز حیضدن طاهره اولدقلرنده شوهر لر یله
معامله زوجیتی رجا و مأمول ایدر لر می ایتسونلر زرا مالک بن زهیرک
افتراقیله ماتمزد اولدقدن صکره ذوق و راحت ایتک احتمال دکلدر
دیمک اولور تبلیج سحر سحرک ضیادار و مشرق اولمسندن عبادرت
اولوب زنلر عزی ندب و نوحه ایدر مشاهده ایدر لر دیمکدن مرادی
دأب عرب بودر که بر قبيله دن بر شخص قبيله آخر دن برینی قتل
ایلسه مقتولک قبيله سی قاتلی قتل ايله اخذ ثار ایتیمجه زنلری
نوحه به مباشرت ایتیمز پس بیت مز بوده کلسونلر زنلر عزی نوحه
یدر مشاهده ایلسونلر دیمک بزخی مالکی قتل ایده فی قتل ایلدک
دیمک اولور و بیت ثانیده بالصبح طلوع قبل تبلیج الاسحار مصراعنه
اعتراض اولمشد صبح طلوع فجر دن صکره ظهور ایدر مصراعدن
ایسه مستفاد اولان صبح طلوع فجر دن مقدم اولمقدرو بو اعتراضک منعی
دخی ممکن اولوب بو گونه جواب و برلده بکه صبحدن مراد مقتول
اولان مالکک اوصافندن واضح اولان حق اوله یعنی زمان قبل طلوع
الفجر مالکک اوصاف جمیله سنی تعداد و ندبه ایلدک لری صبح کی واضح
و نمایان در دیمک اولور و بیت ثانی ايله عروضیون عروض بحر
طوبله ضرب بنه داخل اولدیغی کی حذف داخل اولسه استدلال
ایدر لر و حذفدن مراد مقبوضه اولان مفاعلی دن سبک زوالیدر

و بو حذف قلیل و غیر مستعملدر و قبض خامس ساکنی حذفه دیر لر
مفاعلی دن یادر و سبب ایکی حرفلی کلمه اولوب ایکی قسمدر خفیف
قد کی و ثقیل الک کی تفصیلی انشاء الله آئیده کلمور بعده قبیلتن
میاننده ایام حروب و قتال متمادی اولوب اعظم قتال لرینک بری مقدم
ذکر اولسان یوم الهبأه در و بو قتاله باعث داحس اولغله (اشأم من
داحس) دیوشأمتده ضرب مثل اولنور و ایکی قوم میاننده خصومت
متمادی اولسه وقع بینهم حرب داحس و غبراء دیر لر وقتا که قتال متمادی
ورجال هلاک اولدی قبس قتال دن ملول و حیرت زده اولوب خال لری
طرفنه راهی و ربیع بن زیاد وفات ایدوب قبیلتن دن عظماء و اشراف
قالوبوب ایکی طرفدن نیچه دلاوران و بهادران قتل اولنوب عجز نمایان
اولدی حارث بن عوف مرئی ايله هرم بن سنان المرئی قبیلتن میاننه
داخل مصالحه و مسالمة لر بنه تشمیر ساق اهتمام و حالات تسمیه
اولسان دیتلری حارث تحمل و اعطا ایلدی مزبور هرم زهیر بن ابی
سلمان شاعرک محب و صدیقیدر و هر مک پدری سنان بن ابی حارثه
بن عوف بن سعد بن ذبیاندر که بنی مره دندر و حارث بن عوف بن ابی
حارثه بن مره بن شیبه بن عیظ بن مره اولوب صاحب حالات
دیمکله معروفدر و بو مصالحه حقنده مزبور زهیر بن ابی سلمی بو بیتی
انشاد ایلشد * تدار کتماعبسا و زیان بعدما * تفانوا و دقوا بینهم
عطر منشم * مال معنای بیت حارث ايله هر مه خطاب ایدوب قبيله
عبس ايله قبيله ذبیان فنا برلوب مضحمل و میانلرنده منشم نام مرأه
نک عطری دق و سحق اولندقدن صکره یعنی قبیلتن میاننده شول
رتبه قتل بسیار اولدی که کان عطر منشم ايله کندیلرین تعطیر
ایلشردی بوندن صکره سنز قبیلتنی تدارک و میانلرینی جمع و اصلاح
ایلدیکر دیمک اولور اصمعیدن منقولدر که منشم مکة مکرمه ده
ساکن عطاره برزن اولوب هر چند که بنو خزاعه که قبيله از ددن
برخی دروینو جرهم که یمندن برخی اولوب اسمعیل علیه السلامک
اصهار ایدر بو نلر مقاتله قصد ایده لر منشمک عطری ايله کندیلرین

تطیب و تعطیر ایدر لر دی و میان لر زنده افراط ایله قتال واقع و مقتول لر
 بسیار اولوب منشک عطری ایله تشاؤم اولوب (اشام من عطر
 منشم) دیو شر عظیمه ضرب مثل اولندی (ینهم عطر منشم)
 دخی مثلدر بویت دخی زهیر بن ابی سلمه اولق اوزره مرویدر
 * تدار کتما عبسا و قتل عرشها * و زیان اذلت باقد مها النعل *
 تل عرشه دیمک زال قوام امره معناسنه اولوب مثلدر و بوم مصالحه ده
 کرچه هر مک مدخلی واردر لکن اولو و آخر حارث بن عوف همبیله
 اولوب دیتلری احسان و ایکی قوم میاتی ارضاء و اصلاح ایلمشدر
 و سبب بودر که بر کون حارث بن عوف خارجه بن سنانه یا خارجه تاهل
 و تزوج مراد ایدرم بکا مناسبه پردوشیزه معلو مکیدر دیو استعمال
 خارجه دخی بنی طی دن اوس بن حارث بن لامک دختر اتی تعریف
 و سوق ایدوب حارث اسب سوار و خارجه ایله اوس جانبینه توجه
 و اوسک منزله واصل و اوسی معاینه و سلام داده اولوب اوس
 علیک السلام یا حارث دیوب حال و خاطر بن سؤالیدن صکره سبب
 قدومندن استعمال حارث دخی سنک دخترانکدن برینی تزوج و دامادک
 اولق ارزوسبله کلام دیدکده اوس غضب و عتاب ایله بنم دخترم
 یوقدر دیوب منزله داخل حارث ملول و محزون منزله کاهنه رجعت ایلدی
 لکن اوسک قبیلله عبسدن عاقله برزنی اولوب اوسی متعبس مشاهده
 و سینندن استقصا اوس دخی شرفای عربدن حارث بن عوف کلوب
 بندن دختر طیبله وضع بوستاخی و بنی اغصاب ایلدی دیدکده
 زن اوسی تعبیر وای شوهر تند خود خستیمی سیدعرب به تزویج ایتیبوب
 کیمکله چفت ایتسک کر کدر دیو پنده اغاز اوسی معامله سندن پشیمان
 ایلدکده اوس ای زن نادره دان کلامک حقدر لکن امر فوت
 اولدی شمدن صکره چاره ندر دیدی زن دخی چاره سی اسبکه سوار
 و خارجه در پی ورسیده اولوب یا حارث بکا ملاقاتک حال غضبمه
 مصادفه ایلوب سکا وضع ناسزا ایلدم عفو و منزه عودت ایله
 مطلبکه مساعد ایدرم دیو اعتذار ایله چونکه کریم قومدر عذرک

قبول و رجعت ایدر دیو تعلیم اوس دخی در پی حارثه شتاب ورسیده اولمغه
 اقدام وارجاعنه اهتمام ایدوب کندی خارجه نقل ایدر که اوسک
 بوکونه وضع کستاخی ایتسندن حارث منفعل و بکادخی غضبناک
 و سر عتله طی راه ایدر دی اثای راهده و راهه نظر انداز اولوب
 اوسی شتاب ایله کلور مشاهده ایلوب تفتن ایلدمکه اوسک کلپشی
 خبر لو در هماندم یا حارث اوس طرفیزه متوجه دوان اولوب کله یور
 دیدم حارث کال غضبندن اصغایلدی حاصلی اوس بزه رسیده
 اولوب یا حارث بر مقدار توقف ایله سکا افاده ایده حکم سوز واردر
 دیدی حارث دخی لجام کشیده و کلام اوسه منتظر و اماده اولدقده
 اوس زنک تعلیمی اوزره اعتذار و دختر می هزار شوقله سکا عقد
 و نکاح ایده رم دیو وعد حارث دخی منزل اوس جانبینه عطف عنان
 و خر کاهنه نازل اوس دخی درون منزله داخل اولوب زنده
 دختر لر بن احضاره امر و دختر بزر که سنی سید عرب اولان حارث بن
 عوفه نکاح ایتک مراد ایده رم راضیه اولور می سک دیدکده دخترای
 پدر بکا مناسب دکلدر زیر بنم حسن و جمالده نقصان و خوی
 و سر شتمه بدلت واردر حارث بنم عزم زادم دکل که رحم و قرایمه
 رعایت ایدوب بدروی و سبئی الخلق اولدیغمه تحمل ایده و بنی دیار
 آخره کتوره جکدر سنک همسایک دکل که سندن حجاب و استخیا
 ایده همان ادنی برشی بهانه و بنی تطلیق ایدوب امثالم میاننده نجیل
 و شر مند اولورم دیو مساعد ایلدکده باریک الله فیک ای دختر دیدی
 واندن کوجک دختر نه توجه اکادخی عرض اول دخی دختر بزر کک
 جوابنه قریب جواب و پروب اوس دختر کوجکی دعوت و افاده مرام
 ایلدکده سز بلور سکر دیدی اوس دخی ای دختر سندن بزرک اولان
 همشیره لریکه عرض و افاده ایلدم انلر مساعد ایتیبوب ابا و امتناع
 ایلدی لر دیدی و دختر کوجک ای پدر بنم حسن و جمال کالنده و صنعت
 و معرقم تمام و طرفیندن نسبیه و حسبه بم اگر بنی تطلیق ایدر سه
 لاخلف الله علیه یعنی باری تعالی حارثه عوض احسان ایلسون دیو

بدعا ایلدی و بر کیمسه نک ولدی یا خود مالی یا خود بر عمر یز شبنی ضایع
 وتلف اولسه اخلف الله علیه دیر لر که باری تعالی اول کیمسه به
 عوض احسان ایلسون دیمک اولور بعده اوس دخترینه تحسین
 و آفرین دیوب حضور یز هروز و حارثه هلیبه بنت اوسی سگاتز و بیج
 ایلدم دیدی حارثه دخی تزوج و قبول ایلدم دیوب بر خیمه لطیفه
 تهیه و تخلیه و اول کیمه حارثی بختکاهه ادخال حارث دخی
 هزار شوق و غرام ایله دخترک باع و صلندن میوه چین اولمغه دامن در میان
 اولدقده دختر یا حارث پدر و برادران جوارنده بومقوله حرکت
 خلاف عقل و ناموس در دیومسانعت ایلوب حارث اول آن خیمه دن
 بیرون و قصه بکانتقل (والحرکه مع البرکه) دیور حلتیه امر و مجمل بند و دختر
 هودج سوار اولوب وطنه عزیمت اولندی لکن حارث قبیله سنه وصوله
 توقف ایلوب اثنای طریقده دفع ارزو طمعیه بکایا خارجه سن راهی
 اول یزرمقدار ارخای عنان ایده لم دیوتاخیر و راهدن بر طرفه چیقوب
 بن رو براه اولمش ایدم زمان اند کتر بنده بنه یوله کروب قفامدن رسیده
 اولدقده یا حارث بودفعه نائل مر ام اولمش سگدر دیدم والله ممکن
 اولدی وقتا که تقرب مراد ایلدم دختر عدم مساعده ایله بن جاریه
 جلیبه و دایه مسیبه دکلم که اثنای طریقده قضاء و طرایلیه سک منزله
 واروب قومکه اشتر و کوسفندر ذبح و ضیافت ترتیب و امثال و اقراغه
 اولان سوری اجرا ایله بعده کلزار و صلندن کل چین و اعمال حیات
 بخشیدن ریان و ککامین اول دیومنع ایلدی دیدکده والله
 یا حارث بود دختر دن عقل و کیاست فهم اولوب بر مرد نجیب
 ظهور ایدر دیدم وطی مر احوال ایده رک بلا دیمزه واصل و قوم
 و قبیله به ضیافت عظمی ترتیب مر اسم سوری و بختکاهه داخل
 و اول آن بنه بیرون اولدقده سپیدن سوال حارث دخی متحیرانه
 ای خارجه چونکه دخترک بزمنه داخل وای دختر مر ادک اوزره
 ترتیب سور و قوم ضیافت ایلدم شمدن صکره بهانه بر طرفدر دیدیکده
 دختر یا حارث سنی بکاسیادت و شرف و عقل ایله توصیف ایلشردی

لکن بن سنده بونلری مشاهده ایلدم دیدی بن نه معنایه مشاهده
 ایلدک دیدم دختر دخی یا حارث قبیله عبس ایله قبیله ذبیان بر برینی
 قتل و افنا ایدر کن سنده هیچ مار و ناموس بوقیدر که بمثلده معامله زوجیت
 و ذوق و صفایتمک مراد ایده سن دیدی بن دخی ای دختره معلومدر
 لکن چاره ندر دیدم دختر دخی چاره سی واروب ایکی قوم میانده داخل
 و هر نه یوزدن ممکن اولور سه عقد مصلحه ایله بعده کل بندن
 کامیاب اول دیدکده والله بود دختر عقل و همت صاحبه سی اولدیغنده
 شبهه م قالمدی دیدم بعده حارث بنمسه عبس و ذبیان طرفه راهی
 و میانلرینه کروب ایکی طرفدن مقتول اولنلری حساب و بر برینه
 تقاص و فضله سی اولان قومه حارث کندی مالندن اوچ بیک شتر
 دیت و غرامت و بروب اصلاح ذات البین ایله شر و فساد دی رفع و ازاله
 ایلدی و حارث رسول اکرم صلی الله تعالی علیه وسلم حضرت تارینک
 زمان سعادت نشانلرینه دک معمر و شرف صحبیه مجلسارنده مشرف
 و اسلامی قبول ایلوب پیغمبر علیه السلام حارثک قومی دینه دعوت
 ایچون حارث ایله انصاردن بر کیمه بی ارسال بیوروب بنو ثعلبه دن
 بر مشرک انصاری بی قتل و شهید ایدوب بو خیر و وحش رسول اکرم
 علیه السلامه رسیده اولدقده حسانه بو بیتلری انشاد ایله امر بیوردیلر
 * یا حارمن یغدر بدمه جار * فیکم فان محمد الا یغدر * و امانه المری
 حبث لقیته * مثل الزجاجة صدعها لا یجبر * حار کسر را ایله مرخم
 حارث اولوب مره اجداد نبی علیه السلام دن مره بن کعب بن لوی
 بن غالب بن فهر بن مالک بن النضر بن کنانه بن خزیمه بن مدرکه بن
 الباس بن مضر بن نزار بن معد بن عدناندر مال معنای بیتین ای حارث
 سزده کیدر که جار و حایه سی التزامنده اولنه غدر ایلیه تحقیق
 محمد علیه الصلوٰة والسلام حضرت تری بر کیمه یغدر ایلز و مرینک
 اما ننه سن ملاقی اولوب اهلاک ایلدک که امانت بر آبکینه کیدر که
 انکساری جبر و التیام قبول ایلز دیمک اولور چونکه حارث بو بیتلری استماع
 ایلدی متألم اولوب اعتذار کنسان رسول الله علیه السلام طرفه
 مقتول دیتنی بخش شتر ارسال و پیغمبر علیه السلام حضرت تری قبول

ایلمدی و چوق زمان مرور بآید و وفات ایلمدی رضی الله عنه
 * و ان احتیال هرم لعلقمه و عامر حتی رخصیا کان عن اشارتک * و هرمک
 حبله ایله علقمه و عامری ارضا ایلمسی سنک اشارت و تعلیمکله اولدی
 ظن ایلمدی مومی الیه هرم بن قطیبه بن سیار را لغزار بدر که حکام
 عربدن بر حکیم اولوب سادات و اشراف عرب میاننده قضا و حکومت
 ایدوب قضا و حکومتی قبول اولوب بعض منافک آخر اوزرینه
 فضل و شرفله حکومتی رد اولغز دی و منافره ایکی کچمه میاننده
 حسب و فضل ایله محاکمه معناسنه اولوب منافره محاکمه و نفر غلبه معناسنه
 در که نافر ای حاکمه و نفره ای غلبه دیر حاصلی ایکی شخص میاننده
 حسب و نسب جهته منافره و منازعه ظهور و هربری حسب و شرف
 و مال و ریاسته رجحان ادا عا ایلمسه هرم حکم نصب اولوب هر
 قنغیسی آخره ترجیح ایدرسه حسب و شرفده اول غالب و آخر مغلوب
 اولوردی و نفر غلبه معناسنه اولدیغی اعشاک عامر بن طفیل مدح
 و علقمه به ترجیح ایلمدی بیدن فهم اولندی * قد قلت شعری قضی فیکما
 * و اعترف النافر والمنفور * پس نافر غالب و منفور مغلوب معناسنه در
 و فزار ابو غطفاند بن ابوحی اولوب فزاره بن ذبیان بن یغیض
 بن ریش بن غطفاندر و مومی الیه علقمه بن علائه بن عوف بن الاحوص
 بن مالک بن جعفر بن کلابدر و احوصک نامی ربیع اولوب چشمانی
 صغیر اولغله احوص تسمیه اولندی و مومی الیه علقمه بنوصصه نک
 ساداتدن شاعر و فارس بر مر دلیرایدی و مومی الیه عامر بن طفیل
 بن مالک بن جعفر بن کلاب بنوصصه دن اولوب قومک ساداتدن
 شاعر و فارس بر بهادر ملعون و علقمه ایله عزماده ل و میانلرنده منافره
 و حسب و شرفده منازعه ظهورینه باعث ابو عبیده روایتی اوزره
 بود که بر کون علقمه قاعد اولدیغی حالد قبول ایدر کن عامر بن طفیل
 مشاهده ایدوب هیچ بروقتده بو کون کوردیکیم کبی بر شخصک عورتی
 قبیح کوردم دیو علقمه بی تکدیر علقمه دخی با عامر معاینه ایلمدی کلک
 همسایه سنه تقرب و زنا ایلمدی و عامر تعریض و کند بنک شریف و سید

اولسندن کنایه ایلمد کده عامر غضبناک اولوب با علقمه سنکله شرافت
 و سیادتک نه مناسبتی وارد و الله پدرمک حبوه نامنده اولان اسبی پدر کدن
 اشهر در و عنهب نامنده شتری اعتبار و اشتهارده سندن از ید و اعلادر
 دید کده علقمه با عامر اسب و شتر ایله افتخار اولغز و اسبی بر کچمه دن
 عاریت اخذ ایدوب شتری نافه لرینه حکمک ایچون قبیلله کلبدن
 بر عربدن استعاره بعده غلبه و غصب ایله غدر ایلمدی لکن استرسک
 منافره ایدمه لم دیدی عامر دخی استرم دید کده علقمه با عامر و الله بن
 محسن و متقی بن و سن فاسق و فاجر سن و بن عهده و فایدرم سن غدار
 و عهد شکن سن بنمله نجه منافره ایدمه یلور سن دیدی عامر دخی و الله
 با علقمه بن سندن زیاده نک و تنها بو ایدمه کشت و کنار و جلاری ذبح
 و ناسه ایاحه و اطعام و عسکر فروانه هجوم و مقاتله ایدرم دیوب
 حسب و شرف و شجاعت و سخا و صداقتده منافره و هر قنقی سی راجح
 و غالب اولورسه نصب ایلمد کیری کچمه به یوز شتر و یرمک اوزره معاهده
 و قول ایدوب علقمه بنوا خالد عسکر یله و عامر بنوا مالک عسکر یله
 مطیبه سوار اولوب عامر بن طفیل عمی عامر بن مالک و اروب ای عم
 منافره ده بکا اعانت ایله دیون باز عامر ملاعب الاسنه دخی با عامر بنی
 ترک ایله ونه حالک و ارایسه کوردید کده عامر بن طفیل سن عم سن البتده
 باعث افتخار اوله جق برشی احسان ایله دیو الحاج و نیاز ایدوب عامر بن
 مالک عامر ابن طفیلله نعلار بنی اعطا و با عامر بنو نعلار ایله مباحات و افتخار ایله
 بن بو نعلار ایله قرق کره ربع غنایم اخذ ایلمدم دیدی و علقمه و عامر عسکر یله
 ابی سفیان بن حرب جانبته عطف عنان و ابی سفیان حکم نصب ایدوب
 حسب و شرفده هر قنقی سنی ترجیح ایدرسه ایکبسی دخی راضی و غالب
 اولان ابی سفیان یوز نافه و یرمک اوزره حضورنده عرض مرام ایلمد کیرنده
 ابی سفیان ارالرنده خصومت و مقاتله ظهور ایدرم ملاحظه سیله منافره لرینی
 کویه عدا ایدوب حکومتی قبول ایلمد کده هرم بن قطیبه بن سیار طرفه
 محمل بند عزیمت و داخل مجلس هرم اولد قلرنده هرم میانکرنده حکومت
 ایدرم لکن هنوز حکم و قضایه راضی اولمکره اعتماد و وثیقه م یوقدر و ثوق

واعتماد حاصل اوله جق شی و یریکز که سز زدن امین اولوب حکومت
ایدم و فلان کون کلکز منافره اولسون دیو دفع مجلس ایدوب علقمه
وعامر مجلس هرمدن بیرون و برر محله نازل و عسکر علقمه خیمه
و خرگاهلر وضع و تعیش ایچون شترل ذبح و طبخ و عسکری اطعام اولوب
یوم موعوده منتظر اولدیلر و عامر بن طفیل بنو مالک عسکرنی سلاح
و آلات ایله اسب سوار بر محله جمع و بی خواب و راحت ایستاده اولدقلرنده
بنوغنی دن بر عرب با عامر بنو مالکی اسب سوار و مسلح بو محله جمع
ایتمدن مرادک علقمه نک عسکری بنو الا حوصه اکر تفاخر ایچون
ایسه انلر خیمه و خرگاهلر وضع و شتر و کوسفندلر ذبح و سماغلر کشیده
ایدوب اظهار حشمت ایدیلر و رلر و سنک عسکر یکی اطعام ایده جک
بر شبتک یوقدر احشام بو میدر دیدکده عامر بنی عمندن ایکی شخصه
علقمه طرفنه واروب قبه و خرگاه و دیک و جمال و سایر اسباب احشامی
نه مقدار در احصا و تعداد ایدیکر دیو امر وار سال انلردخی حشمت علقمه یه
نظر اندازومطلمع و عامره تعداد و بیان ایلدیلر عامر دخی یا بنی مالک بو کون
حسب جهتله مفاخره و اظهار حشمت کونیدر بنو الا حوصه نه کونا اظهار
حشمت ایلدیلر سه سز دخی مقابله و اظهار حشمت ایدیکر دیو تنبیه بنو
مالک دخی امر نه امثال و قدر تیری مرتبه اظهار حشمت ایلوب یوم
موعوده منتظر اولدیلر بر قاج کون مرور ایدکده هر م خفیه عامری دعوت
و نصح اغاز ایدوب با عامر سنکیچون سکا و قومکه خیرلو بر رأی مشاهده
و ملاحظه ایلمشدم و سنی بو کونلرده منزلگاهکه رجعت و منافره دن
فرار ایدر ظن ایدردم ز براسن بر کیمسه ایله منافره و تفاخر ایتک استرسکه
سن و قومک اول کیمسه نک ابا و جدادی ایله افتخار ایدرسن سنده نه کونا
شرف و فضل موجوددر که علقمه ده موجود اولوب سن غالب و اول
مغلوب اوله دیدکده عامر الله ایچون سندن مرحت طلب و سؤال
ایدر مکه بنی علقمه یه تفضیل ایده سن والله اکر علقمه بی بکاز رجیح
و تفضیل ایدرسک اندنصکره بنم ایچون فلاح و حیات تصور دکدر
ایسته ناصیه م قطع و بریده ایله و مجموع مالی اخذ و ضبط ایله همان

علقمه یه بنی ترجیح ایله اکر ترجیح بر وجهله ممکن دکدر دیرسک باری
ایکیمزنی تسویه ایله دیو فریاد و نیاز ایلدکده هر م با عامر خیمه که
واروب استراحت ایله سنی مغلوب اولمدن نخاصه کوریم بر چاره
ملاحظه ایده بیلوریم دیوب عامر خیمه سنه رجعت و هر م علقمه بی
تفضیل ایده جکنه جزم ایدوب مالم و احوالنده متفکر اولدی ناصیه
بین العربان جبین اوزره اولان موی که طره در عبید مملوکی ازاد مراد
ایلدکلرنده قطع ایدرلر بعده هر م علقمه بی سراد دعوت و با علقمه
والله بن سنده فضل و شرفدن برشی بلمم که عامر ایله منافره و اول
فضل ایله عامره تفاخر ایده سن عامر سنک عم زاده ک و پدری پدرکله
برادران و ایکیمسنک پدری مالک اولوب عامر ک غنا و ثروتی و حسن
و جمالی سندن زیاده و برتر در سن عامره نه وجهله راجح و غالب اولورم
ظن ایدرسن دیدکده علقمه باهرم الله ایچون بکا مرحت
ایلیوب عامری ترجیح ایله جمیع مالم فدا اولسون باری تسویه ایله
دیدکده هر م با علقمه بر کره دخی تفکر و ملاحظه ایده م و راستراحتده
اول دیو دفع و گندی فرزند لرینی برادر لرینی مجلسنه احضار
ایلیوب ای قوم بن یار بن علقمه و عامر میباندن محاکمه و مقابله ایدرم
سز زدن بر مقدار شتر و کوسفند آماده بینلر بن فصل و حکم ایلدیکم ساعت
بر فرقه کز بش اون شتر و کوسفند ذبح و عسکر علقمه یه توزیع
و بر فرقه کز بش اون کوسفند و شتر ذبح و عسکر عامره توزیع ایدیکر
دیو امر و سپارش ایدوب سحری مجلس حکومتنه جالس و علقمه
و عامری دعوت انلردخی عسکر یله حاضر و هر کس حکومت هر مه
منتظر اولدقده عامر ک عم زاده سنی ایید ایستاده اولوب * یاهرم
ابن الاکرمین منصباً * انک قدولیت حکماً معجیلاً فاحکم و صوب رأی
من تصوبا * دیو انشاد ایلدی صوب قل له اصبت دیمکدر مالی ای والد
و والده سی رتبه و منزلت جهندن اکرم اوللرک اوغلی هر م تحقیق
سن اعجاب ایدر حکمه حکم و والی نصب و تعیین اولدک امدی حکم
ایله و رأی صواب اولان کیمسه یه اصابت ایلدک دیو افاده ایله دیمک

اولور بعد هرم ایستاده اولوب یانی جعفر چونکه بنم حکومت
راضی اولوب حضورمه محاکمه ایتک ایچون حاضر اولدیگر (والله انکما
کرکتی البعیر تقعان معا علی الارض) یعنی سزک ایکیکیز برشترز اولری
کیدر که دفعه زمینه و اقع اولور و هر بریکز ده موجود اولان
شرف آخرده دخی موجود درایکیز دخی سید و کریم قوم سزید کده
بنوهرم آماده ایلدکلی شتروکوسقند لری نحر و عسکره تقسیم ایدوب
ایکی عم زاده لر میانده فضل و مزیت اثبات و برینی آخره ترجیح
ایتمکی کریمه عدایلیکه میانلرنده عداوت متا کده و قتال و حروب
ظهور یله فتنه و فساد باعث اولیه و علقمه و عامر راضی و ممنون اولوب
منزللرینه رجعت ایلدیلر انکما کرکتی البعیر مثل اولوب ایکی شخص
میانده مساوات بولند قدده ضرب و ایراد اولور روایت اخرا ده هرم
(انما کفر بی السیف) یعنی سز لر بر سبک حدتی و کسکندکی کبی سز
دیدمی ز برارکتی بعیر کبی سز دیمش اولسه ایدی قنغیز صاغ دزی و قنغیز
صول دزیدر دیوینه نزاع ایدرل دی روایت اخرا ده هرم میانلرنده
محاکمه ایتموب سرائخو یف ایله اکتفا و علقمه و عامر منزللرینه بلا
مباحثه رجعت ایلدیلر و اعشی هرم بینلرنده محاکمه و عامری علقمه یه
ترجیح ایلدی زعمیه قصائد کثیره انشاد ایلش در و مومی الیه علقمه
برکره بعیر علیه السلام حضرت تلیزینک مجلس شریفلرینه داخل
و اسلامی قبول و برکره عمر بن الخطاب رضی الله عنه حضورینه داخل
اولوب مسلمان وفات ایلش در رضی الله عنه و علقمه نک عمر رضی الله
عنه حضرت تلیزیه بر حکایه طریفه سی وارد کره علقمه خالد رضی الله
عنه صدیق اولوب خالد عمر بن الخطابیه شبیه ایدی بر کیمه علقمه
عمر بن الخطاب رضی الله عنه حضرت تلیزیه مصداقه و خالد ظن
ایدوب مقدمه تفصیل اولندیغی وجه اوزره عمر رضی الله عنه خالد
مالک بن نویره بی قتل و زوجه سنی زوج ایلدیکندن غضب و جیش
الشام ریاستندن عزل ایلشدی علقمه حضرت عمر خالد اولقی زعمیه
یا خالد سنی ریاستندن عزل ایلدیلر دیو سوال حضرت عمر دخی نعم عزل

ایلدیلر لکن براعاتک اولزمی بیور دقلرنده علقمه معاذ الله بزل
حضرت عمر اطاعت و انقیاد اوزره اولوب امرینه امتثال و نهیندن
اجتناب ایدوب مخالفت ایتموز دیوب و داع ایلدی چونکه صباح اولدی
علقمه عمر رضی الله عنه مجلسنه داخل و خالد مجلسده حاضر اولوب
حضرت عمر با علقمه بو کیمه خالد ایله مکالمه ایدن سمنی سن بیور دقلرنده
یا خالد سمنی تبلیغ ایلدک دیو مؤاخذه خالد دخی والله یا علقمه بوشب
بن سکام صافه ایلدم و سنی بوساعت مشاهده ایلدم دید کده علقمه
مصادفه ایلدیکی عمر رضی الله عنه اولوب خالد ظن و غلط ایلدیکنه
متفطن اولوب یا امیر المؤمنین خیردن غیری بندن برشی استماع بیور دیکر می
دیو اعتذار کنان عفو خواه اولد قدده عمر رضی الله عنه خیردن
غیری شی استماع ایلدم دیو تصدیق و نواحی شامدن حورانه والی
نصب و تعین بیور دیلر و شاعر مشهور خطیه علقمه بی برقصیده
ایله مدح و زیارتی قصیده حورانه محمل بند و قبل الوصول علقمه
رضی الله عنه دار بقایه ارتحال ایلوب خطیه بوقطعه بی انشاد ایلدی
* لعمری لعم المرء من آل جعفر * بحوران امسی غیبه الجنادل *
وما کان بینی لواقبتک سالما * و بین الغنی الالیال قلائل * ما آل معنی
باری تعالینک بقاسنه اقرارم حقیچون ال جعفر دن نه کوزل و ابو
کیمه ایدی اول کیمه که حورانه بیو طاشلر کندوی تغیب و نابدید
ایلدیکی خالد کیمه ایدی اول کیمه ملاقی اولدیم بمنله غناور فاهیت
ییشنده ایسالی قلبله دن غیری برشی قالمز دی و خطیه حورانه
علقمه نک وفاتند نصکره وصولنده علقمه مالینک بر سمنی کندویه
وصیت ایلش بولوب اخذ و مسرور اعدت ایلدی و مزبور عامر بن
طفیل شاعر و شجاعان عربدن مقدم بر شخص ایدی حتی ابو عبید نقل
ایدر که عکاظیلر اتفاق اوزره فرسان عربک ممتاز و فائق اوج شخص اولوب
بری فارس تمیم عینه بن حارث بن شهاب ثعلبی که صیاد الفوارس درو بری
فارس ریهه بسطام بن قیس درو بری فارس قیس مزبور عامر بن طفیلدر
که عم زاده سی از بدین قیس ایله رسول اکرم صلی الله تعالی علیه و سلم

حضرت تهرینه کلوب یا محمد اکرامی قبول ایدرسم بنم ایچون نه واردر
دید کده رسول الله علیه السلام حضرت تهری یا عامر اسلامی قبول
ایدرسک سائر مسلمانان عائد و نافع اولان سکا دخی عائد و نافع
وانلره مضر اولان سکا دخی مضر اولور بیوردقلرنده عامر خبثت
شعار بن بوکا راضی اولمام سندنصکره امر بکا تقویض اولمخی استرم
دید کده پیغمبر علیه السلام حضرت تهری یا عامر خلافت سکا و قومکه
مبسر دکلدر بیوردقلرنده عامر صحرا و بادیه حکومتی بکا تسلیم
اولوب درون مدینه منوره یا محمد سنک ضبط و تصرف کده اولسون
وید کده پیغمبر علیه السلام حضرت تهری یا عامر سنی فرسانک رئیس
وسرداری ایدیم بیوردقلرنده عامر ملعون بن حالا سردار فرسانم
یا محمد و الله عربک فرسان و پیادگان ایله مدینه بی مالامال و هر نخله به
براسب ربط و بندایتدیره یم دیوب مجلس شریفلندن بیرون و وطنه
رجعت ایلدی و پیغمبر علیه السلام عامر وارده بد دعا بیوروب
عامر اثنای طریقده مطعون و بی طاقت او او بنو سلولدن برمرآه نک
منزلنه نازل و زبانی منتفخ و پستان شاه کی دهانندن بیرون اولوب هزار
درد و عذاب ایله مرد اولدقده اتباعی دفن و اطراف قبرینه میلار
وضع و بربرینه پیوسته و متصل ایدوب جایه و حفظ ایله براق بوزذراع
مکانی تر به ایلدیلمر و بیدر که بعد زمان اولادندن بری کلوب پدریمک
قبرنی تضییق ایلدیلر دیدی و سلول هوازندن برقیله رذیله اولوب
فی الحقیقه بنومره بن صعصعه بن معاویه بن بکر بن هوازندر
مادرلرینک اسمی سلول واکا نسبت اولنوب رذالت و دنائت کسب
ایلیوب بنو سلول دینلدی حتی عامر ملعون سلولی برمرآه نک منزلنده
قتاده چاه عذاب و غده جل کی کردند طاعون ظهور ایتکله
(غده کفده البعیر و موت فی بیت سلولیه) دیرک مرد اولدی اربدملعون
دخی وطنه واصل اولزدن مقدم صاعقه اصابت ایدوب مرد اولدی
و صحاح جوهریده مزبور اید عامر بن طفیل ملک عمی ریه نک
فرزندی اولوب لید بن ریه نک برادری اولق اوزره مذکوردر

من

* و جوابه لغمر و قدسأله عن ایها کان بنفر وقع من اشارتک * و عمر بن
الخطاب رضی الله عنه حضرت تهری هرم بن خطابه دن علقمه ایله
عامر بن طفیلک حسب و شرافتده قنغسی غالب ایدی دیوسؤال
بیوردقلرنده هرمک جوابی سنک اشارت و تعلیمکله اولدی ظن ایلدم
هرم بن خطبه که تفصیل اوزره علقمه ایله عامر بن طفیل میانشده
اولان محاکمه سی ذکر و بیان اولمشدی برکون عمر بن الخطاب رضی الله
عنه حضرت تهری سنک هر مه محبتی اولمغله یا ابا عمرو و علقمه و عامر میانشده
فی نفس الامر شرف و فضل نیجه ایدی و قنغی طرفده فضل و شرف
زیاده ایدی دیوسؤال بیوردقلرنده هرم یا امیر المؤمنین اگر بوآن دخی
برنی آخره ترجیح و فضلی بیان ایلسم ایکی قبیله میانشده حرب و قتال
و فتنه و فساد ظهور ایدر دیو جواب و یروب هرمک جوابی عمر رضی الله
حضرت تهری بنی العجابه ایتکله یا هرم عربک سنی حکم نصب و تعیین ایلدکلی
حق و صوابدر بیوردیلر * وان الحجاج تقلد ولاية العراق یحکک *
جد فسخ جیم ایله بخت و سعادت معنا سنه اولوب مال فقره و حجاج
ولایت عراقی سنک بخت و سعادت تکله تحصیل ایلدی ظن ایلدم مومی
ایله حجاج بن یوسف بن ابی عقیل الثقفیدر و ثقیف هوازندن ابو قبیله
اولوب اسمی دخی ثقی در و نسبت اولدقده بنه ثقی دیرلر و مومی ایله
حجاج سفاک و خوزیز اولوب فرق سنه سی تولد و طائفده نشو و نما
بولوب بعض رواة عنفوان عمرنده معلم صبیان و نامی کلیم اولمسنی زعم
و بوقظه ایله اسدشهاد ایدر * اینسی کلیم زمان الهزال * و تعلیمه
سورة الکوتر * رغیف له فلکة مایری * و آخر کالقمر الازهر * مال معنی
آیا کلیم زمان فقر و فاقه بی و کودکانه سورة کوثری تعلیم ایلدیکی
زمانی ناسی اولور می که اول وقتده صبیانک کندویه اعطا ایلدیکی نان صغیر
و کبرده مختلف اولوب بعضی غایان اولیه جق مرتبه صغیر و بعضی فقر
منیر کی تمام و مستند بر اولوب کلیمک تعبشی اول مختلف نانله منحصر ایدی
دیمک اولور زیرا صبیانک بیوتی صغر و کبر و فقر و غنایه مختلف اولوب
هر صبی قدرتی مرتبه استادل بنه نان کتوررلر و استاد انکله تعبش

من

ایدر حتی رغفان المعلم امثال دن اولوب برقوم میاننده اختلاف علو
وعظم و دنائته تفاوت فاحش اولسه رغفان المعلم و ابل الصدقه
دیو ضرب مثل ایدر لر بعده حجاج دباغ اولوب دباغ اولمسنه دلیل
کعب الاسقری ایله اولان حکایه سیدر که حجاج والی ایکن مهلب
بن ابی صفره نک خوا رجدن ازرقه دیمکله معروف طائفه ایله قتال
و محاربه سی مدت مدیده منقطع اولدقده حجاج مهلبه طائفه مزبوره
ایله یوقدر زمان اطالده قتال ایتمک مجرد تکاسل و تسامحدر یا خود عجز و عدم
قدرتکندر والا بومرتبه تطویل محاربه به باعث یوقدر دیومؤاخذه بی
مشمول مکتوب ارسال ایلد کده مهلب سفیر حجاجه خطاب ایدوب حجاجه
تبلیغ و افاده ایلد کده بر محله شاهد و حاضر اولان غایب اولانک
مطلع اولدیغنه مطلع و واقف اولور حجاج احوال مزه عدم و قوفندن
بوکونا مؤاخذه ایدر دیدی و عسکر مهلبدن کعب الاسقری ایستاده
و یوقطعه بی انشاد ایلدی * ان ابن یوسف غره من غزوتکم * خفض المقام
بجانب الامصار * لو شاهد الصفین حین تلاقیا * ضاقت علیه رحیبه
الاقطار * و رای معاودة الدباغ غنیمه * ایام کان مخالف الاقبار * سأل
معنی تحقیق سنک غزا و محاربه کزدن حجاجی بلدان اطرافنده خصب
ورخایله اسایشی مغرور ایلیوب مقساتله ده تکاسل ایلدیکر دیومؤاخذه
ایدر اگر ایکی صف بر برینه ملاقی اولدیغی وقتده مشاهده ایلدسه
اقطار ارضک و سعی حجاجه تنک و تار اولوب فقر و فاقه به مبتلا
اولدیغی ایامده دباغه واروب دباغت صنعتنده اولغی غنیمت بیلوردی
دیمک اولوب ایبات حجاجه واصل و کعبه غضب و مهلبه کعبی طرفمه
ارسال ایده سنک دیومکتوب ارسال ایلیوب مهلب احوالی کعبه
افاده و کعبه خفیه کعبی ظلم حجاجدن تخلیص ایچون عبدالملک بن
مروان طرفنه ارسال عبدالملک دخی کعبی استنطاق و ایاتی انشاد
ایتدرد کده متعجب و منبسط اولوب حجاجه رجانه تحریر و ضرری
اصابت ایتمک ایچون اوزرینه قسم و کعبی مکتوب ایله حجاجه ارسال
و حضور حجاجه داخل اولدقده یا کعب و رای معاودة الدباغ غنیمه

مصر اعنی قرأت ایله دیدی کعب دخی ای امیر و الله ازرقه ایله
اولان محاربه مزی و بزی مهلبک مهلبکه و خطرناک محاربه کتوروب
نجاتی تمنی و جان شیرینی خلاصه کوشش ایدوب کمال اضطرابمزدن
حجام و یا حاکم اولوب بویله هولناک موضعده بو انیمه ایلدیکر پریشان
حال اولدیغیزی مشاهده ایلمش اولسک بزه ترحم ایدر دک دیو اعتذار
کونه از رخای اولدقده حجاج یا کعب بو مقوله کلمات غیر مر بو طه
سکا قطع اسود مندا اولردی لکن عبد الملک بن مروانک رجاسی
رد اولماز بو آن مهلبک طرفنه راهی اولوب بعد الیوم حد ناشناسلغه
تائب اول دیوب مجلسندن اخراج ایلدی و بعضی رواه بو ذکر اولتان
اقوالی انکار و اراجیف شعر اولمسنه ذاهب اولوب حجاجک پدری
یوسف جلیل القدر و صاحب منزلت بر کعبه اولمغله حجاج تاروح
بن زباعه بعده عبدالملکه انتساب ایدنجه پدرینک حجر تربیه سنده
اولوب روح و عبد الملکه انتسابدن صکره منصبیدن منصبه انتقال
ایله رتبه و منزلتی برتر و عالی و عاقبت عراقه والی اولدقده عظیم شانی
منزاید و دوات و اقبالی مترافی اولمشدر دیدی و حجاجک ابتدا
شبهامت و جورندن مشاهده اولتان بودر که وقتا که پدری یوسف
عبد الملک بن مروان زیارتی قصد و فرزند ی حجاجی معالوب
مصرفدن خروج و بیرون مصرده حسب الاقتضا بر محله مر بع نشین
اولمش ایکن سلیم بن عمر و القاضی یوسف طرفنه توجه ایلد کده
اعلم بلد و اورع ناس و متقی اولمغله یوسف ایستاده و قائم و سلامنه
منظر قاضی سلیم دخی سلام داده و احوالندن استعلام ایلد کده
یوسف یا قاضی عبد الملک زیارتنه عزیمت ایلدم اگر مرادک و ارایسه
تبلیغ ایده یم دید کده قاضی یا یوسف رجا ایدرمکه عبدالملک کدن بنم
قضادن عزلمی نیاز و سعی ایده سنک دیدی یوسف دخی یا سلیم و الله
استرمکه قضاة مسلمینک جمله سی سنک کبی اوله قنده قالدی که سنک
عزلمکی رجا ایدم دیوب بر برینی و داع ایلد کدرنده حجاج ای پدر بو آدم
کیمدر که سن احترام اقیام ایلدک دیدی پدری دخی ای حجاج بو کا

سليم بن عمرو دبرل که حالا مصرده قاضی و واعظ در دید کده حجاج
 الله تعالی سنی مغفرت ایلسون ای پدر سن ابن ابی عقیل اولوب
 کنده دن یا خود تحبیدن بو مقوله بر شخصه قیام ایدر سیک دیدی
 پدری دخی با حجاج مأمون و ملا حظهم بویه در که بوسلیم و امثالی اولان
 علما و عاملین بر کت و حرمتنه خلق مغفور اولور دید کده والله
 ای پدر خلقی افساد و امیر المؤمنین اوزرینه تجمع و هجوم و فتنه و فساد
 ایضا ای پدر من الا بوسلیم و امثال و اشباهی ابتدیر زیرا بونلر منبره
 صعود و جهله و احداث ناس کرد و اطرافنه مجتمع و کلامنه چشم
 و کوش اولوب اول واعظ لر دخی سیرت ابی بکر و عمر رضی الله
 عنهما بی نقل و امیر المؤمنین احوالندن بحث و اعتراض ایدوب
 خلقی امیر المؤمنین اوزرینه اخراج و فتنه ایضا ای پدرل والله اگر
 امیر المؤمنین بکامساعده و بو مقوله اشخاصک جزاسنی تفویض
 و سپارش ایلسه اشد عقوبتله قتل ایدرم دید کده پدری بوسف
 والله با حجاج ظنم بودر که باری تعالی سنی شقی خلق ایلمش دیدی
 و حجاجک افعالندن ابتدا عبد الملکی اعجاب ایدن بودر که حجاج
 مقدا ذکر اولندیغی کبی نائب و وزیر عبد الملک اولان روح بن زباعه
 انتساب و رؤسای عسکرندن بری اولوب بر وقتده قر قیساده والی
 اولان زفر بن حارث عبد الملکه محصیان و عبد الملک زفر ایله مقاتله
 قصد و جزیره طرفنه توجه ایلد کده روح و عبد الملک بزمطیه سوار
 و روبراه اولدقدن نصیره منزله بر فرد قالمیوب هر کس بزمه معا
 قانقوب بطو اوزره حرکت و بزدن متأخر اولسونلر دیور رؤسای
 عسکرندن بمقدار شرط دمدا تعیین ایدوب بری دخی حجاج اولوب
 هر مرحله ده عسکرک کیر و قالماسنه تقید و اهتمام ایدرلردی بر کون
 ینه عبد الملک و روح مطیه سوار اولوب تعیین اولنان شرط اوزره
 بر فرد کیر و قالمسون ایچون خیمه لر تقبش ایدرلر کن حجاج روحک
 خواص اتباعندن برجاعتی خیمه لنده طعام تناول ایدرلر مشاهده
 ایدوب سلطان و عسکر راهی اولوب سمرلر هنوز طعام اکل ایدرلر

بوآن خیمه کزی رفع و حرکت ایدک دیومواخذنه کونه محل بند اولمیرینه
 امر ایلد کده مزبور اتباع روحک مقر بلرندن اولمیرله حجاجی هزل
 و سخریه ایله لاف کولک ایله واسه بکدن نازل اولوب طعام تناول
 و سکوت ایله دیدلر کونده حجاج غضبناک و سل سیف اولوب خیمه نک
 اطنا بلرین دونیم و خیمه اوزرینه ساقط اولوب بر طرفندن اشغال نار
 و خیمه و ثیاب و آلاتلرینی احراق ایلدیوب اتباع روح هزار تعب و مشقت
 ایله جانلرین تخلیص و روحه تشکی ایلد کونده عبد الملک احواله
 واقف و حجاجی حضورینه احضار و روحک اتباعنه بوقعیل قبیحی
 اشلین کچر دیومواخذنه ایلد کده حجاج یا امیر المؤمنین سن بزی
 بو خند منته تعیین و اهتمام و تقید ایله امر ایلدک بزدخی مأمور
 اولدیغمر وجهه اوزره حرکت و اجتهاد ایلدک و مقرب اتباعنه
 بو معاملة مزدن سائر عسکر عبرت اخذ و امر یکره مخالفتدن
 هراسان اولوب امتثال ایدرلر امیر المؤمنین اگر ترحم ایدرسه احراق
 اولنان اشبارک عوضنی احسان ایدر و بن اوزرینه لازم اولان خدمتی
 ادا ایتمش اولورم دید کده عبد الملک تعجب کنان یا روح سنک شرطک
 صاحب قوت و عقل اولوب ضبط و ربطک طریقنه عالمردرینه
 حجاجی مأمور اولدیغی خدمتده ایضا و اکرام ایله دیو تنبیه ایلدی
 چونکه دشمن طرفنه واصل و بلده قر قیسای محاصره ایلدیلر
 محاربه و محاصره لری متمادی اولوب عبد الملکه و عسکره کلال کلمک
 ایله عبد الملک زفر بن حارث طرفنه رجائین حبوتی بر قاج آدم ایله
 مصالحه و مسالمة ایچون ارسال ایلدیوب حجاج دخی رجایله معا
 راهی وزفره ملاقی اولمیری اداء صلوة وقتنه مصادفه ایتمکله زفر
 جماعت ایله صلوة شروع رجاء دخی جماعتنه داخل و معا اداء صلوة
 ایلدیوب حجاج منفردا نماز کذار اولوب سببندن سؤال اولندقدنه
 امیر المؤمنین اوزرینه خروج و بغی و عناد ایدن منافق ایله اداء صلوة
 ایتم دیو جواب و یردیکی سمع عبد الملک بن مروانه رسیده اولدقدنه
 حجاجه تعجبی برتر و محبت و علاقه سی متراید اولوب قدرنی عالی

وتبالة نام بلده به والی نصب ایلدی و حجاجك ابتدا ولايتی تبالة اولوب
اتباع و خدامنه نظام و یروب محمل بند عزیمت و تبالة به قریب
اولدقده اتباعندن تبالة به نه مقدار مر حله باقی قالدی دیو استعلام
اتباع دخی شوتلك و راستده درد دیو بر کوچك دبه نك و راستده اولدیغنی
اعلام ایلد کلرنده حجاج بر بلده که بومقوله تل و راستده اولوب
مشاهده سینه تل مانع اوله اول بلده دن نه خیر مأمولدر دیو اول
مخلدن عبدالمملک طرفنه رجعت و منصبی قبول ایتمیوب استحقاق
ایلد کده (اهون من تبالة علی الحجاج) دیو مهل اولدی که بر کچمه که
کندویه احسان اولنان امری استحقاق ایلدیه بومثل ضرب اولنور
واهون احقر معناسنه اولوب تبالة بونده بر بلده صغیره در و بر دره ده
واقع اولمشدر بعده حجاج خدمت عبدالمملکه ملازم اولوب عبدالمملک
مصعب بن زبیر مقابله سندن فارغ و شامه رجعت ایلوب امرام
دولته حجاز ده دعوائی خلافت ایدن عبد الله بن زبیر ايله مقاتله به
قنفیکر مباشرت ایدرسن دیو خطاب ایلد کده ایستاده اولوب
یا امیر المؤمنین ابن زبیر ايله مقاتله به بنی تعیین ايله که منامده ابن زبیری
قتل ایلدم عینی ظهور ایدر دیو بوفعل قبیحه مباشرت طلب ایلد کده
عبد المملک حجاجی تعیین و حبش کثیر ايله مقاتله ابن زبیر
قصیده محمل بند عزیمت و مکة مکر مه به واصل و بیت الله
اوزرینه منجیق وضع و افعال قبیحه ارتکاب و آخر کار عبد الله بن زبیری
رضی الله عنه قتل و عبدالمملکه اعلام اولدخی خلافت منازع و معارضدن
خلاص اولدی دیو مسرور و اجتهاد حجاجه پسند و مقابله سنده مکة
مکر مه و مدینه منوره و طائف و لا یترنی حجاجه تقلید ایلوب حجاج
اهالی حرمین الشریفینی تحقیر و تذلیل و تعجیز و تکدیر ایلدی بعده
عبدالمملکه مکتوب ارسال ایلوب یا امیر المؤمنین حجازی شمالله ضبط
ایدوب یمینم خالید قالدی یعنی دست چپ ايله حجازه مسلط اولوب
دست راستی اعمال ایلدم دیو ولایت هراقه تعریف ایلدی مومی
البهک کنیه سی ابو بکر و اسمی عبد الله بن زبیر بن عوام اولوب مدینه

منوره ده مهاجریندن تولد ایدن مز بوردر و مادری اسماء بنت ابی بکر
الصدیق رضی الله عنه اولوب التمش درت سنه سی اهالی حجاز و یمن
و عراق و خراسان مومی البهک اطاعتنه اجتماع و خلافتنی قبول
و اتباع ایدوب التمش ابکی سنه سی جاذی الاولی سنک اون اوچنجی
ثلثا کونی حجاج شهید ایلمشدر بعده ینه عبد المملک جانبده مطیه
سوار اولوب کبار علماء عاملیندن ابراهیم بن طلحه بن عبد الله التیمی
حضر تلمیذی معا عبدالمملکه کتور مشدر که مومی الیه قریشدن حسب
و عالم وزاهد و مهیب بر مرد کامل و فاضل اولغله تبرکا حجاج
استصحاب ایلوب مومی الیه ابرهیمه جمیع امر ده مطیع و منقاد و مستخیر
اولوب قطعا مخالفت ایده مز دی و تیم قبیلله قریشدن اولوب ابوبکر
الصدیق رضی الله عنه حضر تلمیذک قبیلله سیدر تیم بن مره بن
کعب بن لوی بن غالب بن فهر بن مالک بن نضر در کذلک تیم غالب بن
فهر قریشد ندر که بونلره بنوا الادرم دیرلر چونکه حجاج ابرهیم ايله
عبدالمملک تختکا هنه واصل و مجلسنه داخل اولغله مأذون اولدی
عبد المملکه اجلال و توقیر و نصیره یا امیر المؤمنین سکا اهل حجاز دن
بر کچمه ايله کلدیمکه کمال مروت و دیانت و حسن مذهب و زهد و ورع
ایله متصف و قرابت رسول اکرم و نبی محترم صلی الله تعالی علیه
وسلم ايله منشف اولوب هر وجهله واجب الاکرامدر دیو تعریف عبد
المملک دخی اول آدمک نامی ندر دیو سؤال ایلوب حجاج ابرهیم بن طلحه
التیمی در یا امیر المؤمنین اقران و امثالنه اولان اکرامگری ابرهیم حقنه ده
دخی پیدر بغ پیور مکر نیاز ایدرم دید کده عبدالمملک یا حجاج اوزریمزه
اداسی واجب اولان حتی تذکیر و قریبه رحم و صله بی ادا ایتمکه دلیل
اولدک دیوب ابرهیمی مجلسنه دعوت و نزدیکنه اجلاس و احترام
ایدوب یا ابرهیم ابو محمد حجاج بزه سنک اوصاف جیلله کی تعداد
و محاسن عدیده کی ذکر و یاد ایلوب سکامیل و محبت ایلدم امدی
هر نه کونه مر املک و اراپسه کتم ایتمیوب بندن طلب ايله که مجموعنه
مساعده ایتمکی منت یلورم دید کده ابرهیم یا امیر المؤمنین سکا لازم

اولان اولدر که ججع حوایج و امور اوزرینه بر امرک اتباعی تقدیم
 و ترجیح ایده سن که اول امرده باری تعالینک رضاسنی و رسول اکرم
 علیه السلام حقنی ادا و جماعت مسلمینه خیر و نصیحت اول امری
 اجراده اوله دیدی عبدالملاک دخی یا ابرهیم اول امری بیان ایلده دیدکده
 یا امیر مجلسی سنکله بندن غیریدن تخلیه ایلده که افاده ایده یم دیوب
 عبدالملاک ابو محمد ددن دخی کتم ایدرمبسک دیدی بلی اندن دخی
 اخفاسی لازمدر دیوب عبدالملاک حجاجه و سائر ارباب مجلسه خروج
 ایلده امر و اشارت و ابرهیمه تکلمه مساعدده و کلامنه چشم و کوش اولدقده
 ابرهیم نقل ایدر که چونکه مجلس اغباردن خالی اولدی حق کولکه
 مبادرت ایدوب یا امیر المؤمنین سن حجاجه ولایت تفویض ابتدک حال
 بو که ظالم و جفاکار و سفاک و غدار و حقندن عدول ایدیچی و باطلله
 میان و منہمک و خلقی کریمه عدایلد کلمی افعاله اقدام و جل ابتدریچی
 و طورلندن اخراج ایدیچی بر شخص اولوب بویله ظالمک دست
 جفا پیشه سنه حرمین الشریفین ولایتی تسلیم و تقلید ایلوب انشاء
 انصار و مهاجرین تحت قهرنده قالوب دائما عنف ایلده معاملده و تحقیر
 و تذلیل و اهل شامی اوزرینه تسلیم و جور ظلملریله تعجیر ایدوب
 اقامت حقندن عاطل و ازاله باطلدن متکاسل و جود ظلمی حدندن افزون
 و حیف و غدری تحملدن بیرون اولورکن سنی عذاب اللهندن نه شی تخلیص
 ایدرسن که بو فعل قبیحه متجاسر و مصر اولدک یارین روز
 رستاخیزده محمد المصطفی صلی الله علیه و سلمه حضور رب العالمینده
 قائم و مرافعه اولدقده والله عقاب اللهندن سنی برشی تخلیص ایده من
 امدی بونلری ملاحظه و کندیکي تخلیصه چاره جو اولوب فوز و نجات
 تحصیل ایده جک برکاره مباشرت ایلده اگر قادر اوله من سیک خلافتی
 ترک ایلده دیو کلمات حقده بی سر و تعداد ایدرکن عبدالملاک بر بالینه اتکا
 ایلشدی حیرت و اضطرابندن طوخر یلوب جالس اولدی و ابرهیمه
 غضبتک اولوب کذب و دروغ ارتکاب ایلدک و حجاجه ک حسن ظن
 ایلده بزه تعریف و توصیف ایلدیکي اشیادن برینی سنده مشاهده ایلدم

بی شک سن حاسد و مفتی و کاذب سن دیو عتاب ایلدکده اول آن
 مجلسندن قالقوب کمال حیرت و خوفدن باصره مه ضعف و خلل طاری
 و لوب برشی کور من او ایدم و هزار مشقت و تکلف ایلده
 بیرون پرده یه بر واز ایدرکن ورامدن برخادم بنی ایتلاف
 و حاجبد بو آدمی ضبط و خروجدن منع ایلده دیو تنبیه و حجاجه حضور
 عبدالملاک دخواه اذن و بر بلوب داخل و نجه زمان مکث ایلدکده
 معلوم اولدی که بنم گفت و گویمی مذاکره و ترتیب جزای مشاوره
 ایدرلر بعده خادم کلوب بنی دخی مجلس عبدالملاک دعوت و پرده بی
 کشاد بن دخی دخواه عزیمت ایلدیکده حجاجه بیرون اولور مصادفه
 ایلدم همان دم بمنله معانقه و حبیبتمی تقبیل و ملاطفه ایدوب باری تعالی
 سنک اعمال صالحه که مکافات و جزا ایلسون والله اگر بمنله همصحب
 اولوب بندن مفارقت ایترا یسک قدر و منزلتی برتر و عالی و ججع خلقی
 خاک پایکده رومالیده ایتدیرم دیدکده بنی هزل و سخریه ایدر ملاحظه
 و مجلس عبدالملاک داخل اولدیکده کالاول اکرام و کندویه قریب
 محله اجلاس ایدوب یا ابن طلحه بکا ایلدیکک نصیح و پندی حجاجه
 یا خود آخر کیمسه به اعلام ایلدکی دیدی بندخی والله یا امیر المؤمنین بر فرده
 سو یلدم حجاجک بکا اولان اکرام و احترامی بر کیمسه دن کور مدم
 اگر بن حقندن عدول ایدوب بر کیمسه بی جایه ایلک لازم کاسه حجاجی
 جایه و حقندن دروغ و کذب ارتکاب و سکا مدح و ثنا ایدردم لکن
 رضاء الله تعالی و رعایه الحق النبی علیه السلام و جایه للمسلمین
 کلمات حقنی تکلم ایلدم دیدم عبدالملاک دخی یا ابن طلحه صادق
 القول اولد یغکده بی ریب و یکان اولوب عفت و دیانتکی جزم ایلدم
 اگر دنیایه میل و طمعک و حجاجدن تحصیل کام اولوق اولسه مدح
 و ستایش ایدردک امدی سنک پند کله عمل و حجاجی ولایت حرمین
 شریفیندن عزل ایلوب حجاجه ابرهیم سکا ولایت حرمینی استقلال
 و استصغار ایلدی و مملکت عراقک اوموری معظمه و ضبط و ربطی
 سنک کی برمد بر صاحب قوت آدمه محتاج اولغله سنی والی عراق

نصب و تعیین ایلدم دیدمکه سکا اکرام و او مورنده اتباع و نصیحتکله
منتصح اوله امدی حجاجدن منفک اوله که سنک صحبتکده تأثیر بلیغ
و مقارنتکده خیر کثیر وارد دیدی بنده خی حجاج ايله عرافه راهی
اولوب مقدما ایلدیکی اکرامک اضعا فی ايله توقیر و اکرام ایلدی
و عبد الملك بن مروانک مکارم اخلاق صاحبی اولوب حقّه معترف
و منقاد و امورنده خلقه اطف ايله معامله ایلدیکنی بنم بووقعه مدن
استدال ایلدم دیدی اصحاب تاریخک حجاجک والی عراق اولسی
سینده اقوال مختلفه سی اولوب بری بو حکایه در مومی الیه عبد الملك
خلفاء اموییه نک بشیخی خلیفه سی او لوب ظهور دولت اموییه نک قرق
سنه سیدر و مجموع خلقاسی اون درت و مدت خلافتلری طقسان
سنه و انقراضلری یوز او توز ایکی سنه سی و دارالخلافتلری شام اولوب
مصر و سایر بلادانده عامللری ضبط و تصرف ایدوب اول خلیفه لری
معاوییه رضی الله عنه در مومی الیه معاوییه بن ابی سفیان اولوب ابوسفیانک
اسمی صحیر بن حرب بن امیه در معاوییه رضی الله عنه دن قرق
سنه سی ذی الحجه سنه بیت المقدسده بیعت اولوب اون طقوز
سنه اوج آی خلیفه اولوب التمش سنه سی رجبنده دار بقایه انتقال
ایلوب دمشقده دفن اولندی و سنی سکسان یدی سنه یه بالغ اولشدی
و مقدما شامده یکر می سنه امیر اولوب و درت سنه سی عمر رضی الله
عنه زماننده اون ایکی سنه سی عثمان رضی الله عنه زماننده اولوب
دورت سنه سی تغلبا ایدی بعده یزید بن معاوییه دن پدری وفات
ایلدیکی کون بیعت اولوب اوج سنه طقوز آی خلیفه اولوب التمش
دورت سنه سی ربیع الاولی نک اون دردیجی کونی وفات ایلوب دمشقده
دفن اولندی عمری او توز طقوز سنه طقوز آی اولوب ایام خلافتنده
امام حسین رضی الله عنه حضرتلری کوفه یه راهی اولدی بعده معاوییه
بن یزید دن پدری قضاء نجب ایلدیکی کون بیعت اولوب قرق کون
یا خود طقسان کون خلیفه اولوب قرق روایتنه کوره التمش دورت
سنه سی ربیع الاخرینک بشیخی کونی وفات ایدوب دمشقده دفن

اولندی و مدت عمری یکر می اوج سنه در و بو اثاده عبد الله بن الزبیر
رضی الله عنه دن مکة مکرمه ده التمش درت سنه سی رجبی نک
طقوزنجی کونی بیعت اولوب طقوز سنه دن بر مقدار ناقص خلیفه
اولشد در صورت قتلی مقدما ذکر اولنشدی بعده مروان بن حکم بن
ابی عاص بن امیه دن التمش درت سنه سی شامده بیعت اولوب اون
اون آی خلیفه اولوب التمش بش محرمینک بشیخی کونی وفات ایلدی
مومی الیه مروان هجرت نبویه نک ایکنجی سنه سی مکة مکرمه ده
تولد ایلوب پدری حکم ايله طفل ایکن طائفه راهی اولغله رسول اکرم
صلی الله تعالی علیه وسلم حضرتلری مشاهدده ایلشد در بعده مومی
الیه عبد الملك بن مروان بن حکم دن پدری وفات ایلدیکی کون بیعت
اولوب یکر می بر سنه اون بش آی خلیفه اولوب یدی سنه و یدی
آبی قتل ابن زبیر دن مقدم و اون اوج سنه بش آی اون بش کون قتل
ابن زبیر دن صکره خلیفه اولوب سکسان الی سنه سی وفات ایدوب
دمشقده دفن اولندی عمری التمش سنه در بعده ولید بن عبد الملک دن
پدرینک وفاتی کونی بیعت اولوب طقوز سنه سکزان ای اولوب طقسان
الی سنه سی جاذی الاخره سی منتصفنده وفات ایدوب دمشقده دفن
اولندی مدت عمری قرق سکزان سنه در بعده سلیمان بن عبد الملك
بن مروان دن پدری وفات ایلدیکی کون بیعت اولوب ایکی سنه سکزان آی
خلیفه اولوب طقسان طقوز سنه سی صفرنده وفات ایلدی و مدت
عمری قرق بش سنه در بعده عمر بن عبد العزيز بن مروان بن حکم دن
عم زاده سی سلیمان وفات ایلدیکی کون بیعت اولوب ایکی سنه بش
آی خلیفه اولوب یوز بر سنه سی رجبنده وفات ایلوب ارض حصده
دیر سمعان نام محله دفن اولون قبری زیارت اولنور و مدت عمری او توز
طقوز سنه در بعده یزید بن عبد الملک دن عم زاده سی عمر وفات ایلدیکی
کون بیعت اولوب دورت سنه بر آی خلیفه اولوب یوز بش سنه سی
حرانده وفات ایلشد در مدت عمری یکر می طقوز سنه در بعده هشام
بن عبد الملک دن برادری زید وفات ایلدیکی کون بیعت اولوب اون

طقوز سنه خليفه اولوب يوز يكرمي بش سنه سي ربيع الآخرنده
 رصافه شامده وفات ايلشدر مدت عمری الی اوج سنه در بعده
 وليد بن يزيد بن عبد الملك بن عمی هشام وفات ايلديكي كون يعب اولنوب
 برسنه اوج آي خليفه اولوب يوز يكرمي التي سنه سي جادي الاخره سنه
 قتل اولنوب دمشقده دفن اولندي مدت عمری قرق ايكي سنه در بعده
 يزيد بن وليد بن عبد الملك بن عم زاده سي وليد قتل اولنديغي كون بيعت
 اولنوب بش ای ايكي كون خليفه ويوز يكرمي التي سنه سي وفات
 ايدوب مدت عمری قرق سنه در بعده ابراهيم بن وليد بن عبد الملك بن
 برادری يزيد وفات ايلديكي شهر ذي الحجه ده بيعت اولنوب یتش كون
 ياخود دورت آي خليفه اولوب روايت اولی به كوره يوز يكرمي يدي
 سنه سي صفرنده نفسی خلافتدن خلع ايلدي ويوز او توز ايكي سنه سي
 وفات ايلشدر بعده مروان بن محمد بن مروان اولدن ابراهيم كندوب
 خلع ايلديكي كون بيعت اولنوب بش سنه برآي مرونده ارض
 مصر دن ناحیه ابو صيرده يوز او توز ايكي ذي الحجه سنه ابو مسلم
 خراسانی اعانتيله عباسيه ينده قتل اولندي آخر خلفاء امويه در
 مدت عمری الی طقوز سنه در چونكه عبد الملك حجاجی والی عراق
 ايلدي ارذل واوباشی جمع وعراقده محمل بند عزيمت وكوفه به داخل ومنبره
 صعودوبو خطبه بي قراءت ايلدي * يا اهل العراق ويا اهل الشقاق
 والنفاق ومساوي الاخلاق والله لا عصبنكم عصب السله ولا حولكم
 لحوالعصا فطال ما اوضعتم في الضلالة وتما ديتم في الجهالة يا عبيد
 العصا انا الغلام الثقي لاعد الاوفيت ولا اخلق الا فريت انما ملككم
 كما قال الله تعالى ضرب الله مثلا قرية كانت آمنة مطمئنة يأتيها رزقها
 رغدا من كل مكان فكفرت بانعم الله فاذا قها الله لباس الجوع
 والخوف بما كانوا يصنعون شاهت الوجوه فانكم اشبهاء ذلك
 فاستوثقوا واستغفروا اقسام بالله لتد عن الارجاف ولتقبلن علي
 الانصاف ولتنز عن عن القيل والقال وكان وكان والهـن ومالهـن
 اولاهيرنكم بهذا السيف هـرا بدع النساء ايامي والولدان يتامى والله

لکاني انظر الى الدماء تفرق بين اللحى والغلام * اهل شقاق
 اهل فساد وفتنه واختلاف واهل نفاق معانسه در مساوی الاخلاق
 اخلاق رديه وقيحه معانسه اولوب سلمه شجر در وعصب شاخلريني
 اصل شجره به الصافي وحبل ايله شد و بند ودفعه قطع ايتكه ديرلر كه
 (عصب فلان عصب السله) مثل اولوب بخيل اولان كپسه بي ماني
 استخراج ايجون تضيق وكره ايتمه ضرب اولنور حنی كيت ديمشدر
 (ولاسمرا تي يلبقهين عاضد ولا سلماتي بخيلة تعصب) ولحو عصانك
 قشرفي صوبمغه ديرلر يعني مالكر دن سزى تجريد ايدرم ديمك اولور
 (واوضعتم في الضلالة) ضلالت سبيله خسران وضرره مبتلا اولديكر
 ديمك اولور (يا عبيد العصا) مثل اولوب نفی ضرر لرنده وعزتي
 اهانلرنده اولان ذليلار حقنده ضرب اولنور ای حقير ذليلار ديمك اولور
 ومثل مذکور ابتدا بنوا اسد حقنده تكلم اولنمشدر سبي بودر كه
 معاويه بن عمروك بر فرزندی اداء حج ايجون مكه مكرمه به راهی واثناء
 طريقده مفقود اولوب بنی اسد دن حبال بن نصر بن غاضره نامنده
 بر شخص قتل ايلدي ديواتهام و حارثه اعلام اولند قده بنوا اسد
 تهمامه ده اولمغه حارث اخذتار ايجون تهمامه به محمل بند عزيمت
 اولوب بنوا اسد شردمه قليله وضعيفه اولمغه تهمامه ده اختفا ايلوب
 حارث اكاه اولد قده بنوا اسد هر كيمك منزلده بولنور سه صاحب
 منزلي قتل ايدرم دمی هدر در ديوندا ايتدر دكده بنوا اسد تخلص
 نفسدن عاجز اولوب حبالك جدی غاضره قبيله حارثدن اولمغه حارثه
 صاحبكزي قتل ايدن حبال بن نصر بن غاضره در اكر اخذتار ايجون قتل
 ايدرسكز كندی قومكزدن بر آدم قتل ايتش اولور سزواكر عفو ايدرسكز
 سزاعلم سز ديوجواب داده اولمغه اتفاق واختفا ايلدكلى منازلدن حبال
 ايله خروج و حارثه اخوانلرين عرض ايدوب يا حارث قاتل ابن معاويه حبالدر
 ديو حبالی تسليم ايلدكلى بنوا اسدك غاضره قبيله سي حارثندر
 قتل ايدرسه كندی قومندن برنی قتل وعفو ايدرسه كندی قومندن
 برنی عفو ايتش اولور ديدكلى بنی اخبار ايلدكده حارث حبالی عفو و بنو

اسدك قتلارينه امر ايلد كده بني وهب ابن حارث دن عصيه نامنده
بر مرأه حارثه ايت اللعن ايله ستايشدن صكره يا حارث بنوا اسد بنم
خاللر مدر بكا هبه وعفو ايله ديو نياز ايلد كده حارث يا عصيه بنوا اسد
سنك عبيدك اولسون اهتاق ايله ديو عصيه نك مسئولنه مسا عده
ايلد كده بنوا اسد يا حارث بزلر سندن امان اولد فقه امين اولم يوز ديو
كنديدن امان طلب ايلد كلرنده حارث اماره امان اولمق اوزره هر
برينك يده برر عصا و بردی بنوا اسد دخی عصا ر یله تها مه به توجه
وانده حارث وفات ایدنجیه اقامت ایلدیوب بعده بنوا کتانه بنی اسدی
مکه دن اخراج و عبيد العاص اسمیه ایلدیله (وانا الغلام الثقی) علی کرم
الله وجهه نك اهل عراقه (اللهم سلط عليهم الغلام الثقی) ديو بد دعا
يور دقلرينه تلمیح و اشار تدر (لا اعد الا وفيت) وعديمه وفا يدرم
معنا سنه اولوب (لا اخلق الا فريت) برشي ايشلم اولاول شي اصلاح
ايدرم يعني افعال مجبور ديمك اولور وسرك مثلكن باري تعالينك
(ضرب الله مثلا) آية كريمه سي كيدر معنای نظم كريم الله
تعالی هر قوم كه انعام ايدوب اول نعمت سبيله متكبر و باری تعالينك
احسان ايلديكي نعمته كافر اوله باری تعالی اول قوم حقنده ضرب
مثل ايدوب اول اهل قريه بي خوف و ازعاج ايتيموب رزق و قوتلري وسعت
اوزره هر طرفه كلوردي تكبرلري سبيله باری تعالی نك نعمتلرينه
كافر اولد قلرنده باری تعالی اول قومه جوع و خوف لباسنی اذاقه
يعني جوع و خوفه مبتلا ايلدي ديمك اولور (شاهت الوجوه) يعني
يوزلر يكر قبيح اولسون زيرا سز قوم مذکور كي سز ايمدی اختلاقي
ونفاقي ترك واجتماع واتحاد ايله قلب واحد اوزره مستقيم اولديك
باري تعالی به قسم ايدرمكه ارجاف يعني كذب و دروغ اولان خبرلري
ترك و حق قبول و انصافه اقبال ايدوب شويله اولدي و بومقوله امر
قبيح ظهور ايلدي ديو قيل و قالدن فارغ اولك تحقيق سزي اويله
قتل ايدرمكه زنا نكزي شوهر سز طول و اولاد يكر يتيم قالور والله سرك
خونلر يكر يشكرله ذقنكر مياننده لمعان ايدرمشاهده ايله يورم ديو انعام

خطبه ايلد كده اهالي كوفه خوف و خشيتلرندن لرزان و مضطبي
حجاجي تحجير ايجون اللرنده اماده ايلديكي سنكلري ساقط و كندي حيران
اولوب حجاجك مهابت و عظمتي درونلرينه تاثير ايلدي بعده حجاج
اهل كوفه نك خونلرين ريزان و حكومتن اجرا ايله احوالن بریشان
ايدوب قاسم بن سلام باری تعالی اهل كوفه بي قتل ايلسون قني بونلرك
قبيله و عشيرت و مبارز و جنگ آورلري و قني تجبر و عتولري كه علی کرم الله
وجهه حضر تلر بني و حسين رضی الله عنهمی طعن و جرح و نيجیه
كبار و مختارلري قتل ايدوب حجاج كي ذميم الصوره بره ملعونك قتلندن
عاجز اولديلر حال بو كه قتلندن كناه به اون ايكي فارس ايله كلوب
اهل كوفه به ايكي يوز ييك فرسان و پیاده كان اولورلر كن همان بوقومك
جبن و خوفلري علی کرم الله وجهه حضر تلرينك (اللهم سلط
عليهم الغلام الثقی) كلام شريفلرينك صادق اولد يغيرد ديو اهل
كوفه به ملامت ايلدي بعده حجاج عراقده قائم و اهل بسني ترهب
و تخويف و غدر و سفك دماء ضبط و تسلط ايدوب عراقی قبضه
نصرفه آلوب تهديدني ايقاع ايلد كده عبدالرحمن بن اشعث اهل
عراق ايله حجاج اوزرينه خروج و هجوم عبدالملك دخی اهالي شام
ايله حجاجه اعانت و امداد و ابن الاشعث ايله حجاج مياننده حرب
و قتال مستمر و متمادي التي سكسن كره مصاف و رزم واقع و آخر كارزار
حجاج دير الجماجم نام موضعده ابن الاشعثه غالب و لشكر عراق منهزم
و پریشان اولوب عسكر حجاج پریشان اولان عسكر ك قفاسنده
دوشوب قتل تام مراد ايلد كلرنده حجاج لشكرينه حاللرينه قبولك
كه پریشان و متفرق اولسونلر ديو ندا و در پی اولدن منع ايدوب
ايكيوز ييك عراق عسكرندن بقية السيف اولانلر پریشان اولديلر
بعده حجاج مناديلرندا ايتديروب ابن الاشعث عسكرندن هر كيم
كلوب بكا اطاعت ايدرسه جرمي عفو ايدوب ضررمدن امين اولور
ديوب كوفه به داخل اولد قده منهزم اولان لشكر كلوب حجاجدن
بيعتنه اغاز ايلد كده هر مبايعه سنه كلانه اي شخص اكر كفر كه اقرار

و جماعت کز دن خروجه اعتراف بعده تو به ایدوب تجدید ایمان
 ایدرسک اطاعتک مقبولدر والاقتل ایدرم دیوب تکلیفی قبول ایتمیتری
 قتل ایدردی و بو اشداده بنوا خشمعدن بر پیر بیعتنه کلوب حجاج پیره
 دخی کفری اقرار بعده اسلامی قبول ایله تکلیف ایلدکده پیر خشمعی
 یا امیر سکسان سنه رجم اولان باری تعالی به عبادت اید و بده بر قتل
 ایچون اگر کفری اقرار اینسم بنیدن دنی و نامرد بر عبد اولماز والله
 عمر من ظمء حمار مقداری وقتم قالیدی شبان روز موته منتظر
 و مترقیم دبدکده حجاج قتل پیره امر ایدوب قتل ایلدیلر و ظمء تشکی
 و صو سزلق معناسنه اولوب (ما بقی منه الا قدر ظمء الحمار) مثل
 مشهور در زبر احارک آبه صبری سائر حیوانا تدن اندک و قلیل
 اولوب صو سز لک اقصیریدر و ابو هبیدر وایتی اوزره مثل مذکورک
 قائلی مروان ابن الحکمدر که ابو مسلم وقعه سنده نفد عمری فلم یبق
 الا قدر ظمء الحمار دیوب عسکر یله لشکر دشمنه هجوم و هلاک
 اولنجه مقاتله ایلدی و نفد دو کتمک معناسنه در بعده مجلس حجاجه
 بر پیر دخی احضار ایلدکرنده حجاج بو پیر دخی کفرنی اقرار ایمان
 ملا حظه و تکلیف اقرار کفر ایلدکده پیر یا امیر سن حبله ایله بکا
 اقرار کفر ایتدر مک استرسک حبله و خدعه به احتیاج بو قدر بن
 نفسمی سندن اعلا یلورم که بنم نفسم فرعون و هاماندن اکفر در دیدکده
 حجاج خنده کنان آزاد ایلدی و حجاجده خصال حبیده دن بر قاج
 خصلت موجود اولوب زماننده اول خصال ایله ناسدن ممتاز ایدی
 و خصال مذکوره کرم و دها وجود و فصاحت و احیانا حلمدر از جمله
 کرمی نه رتبه ده اولدیغنی بو حکا به دن معلوم اولور که مکة مکرمه به
 داخل اولدقده اهالیسنه اون بیک دینار بخش و احسان ایدوب
 آی قوم کثرت نواب و مصائب سیبیه مالمه نقصان ترتب ایلدی
 بو خسه سزه کرم و احسانی زیاده ایدرم عذر می قبول ایدک
 دیدکده اهالیدن بری یا امیر بزدن هر کیم سنک عذر کی قبول ایدرسه یاری
 تعالی اول کیمسه نک عذر نی قبول ایلسون زبر اسن مکة و مدینه امیری سک

ویدر و مادر جهشیه سید و شریف سک دیدکده حجاج نجر دن
 مال فراوان استقراض و اهالی حرمینه بذل و احسان ایلدی و عرافه
 والی اولدقده هر کون بیک عدد خوان کشیده و هر خواننده اوز آدم
 جالس و اطعمه متنوعه احضار ایتدیروب خلق طعام تناول ایدر ایکن
 کندی بر سریره جالس و خدمه دوشلرینه الوب سفره سفره دور ایدوب
 ای اهل شام نالتری پاره پاره ایدیکز که سماء کزه تکرار کتور مسونلر
 دیردی و هر روز خلقی ایکی دفعه طعامه دعوت ایچون آدملر ارسال
 ایدوب بر مقدار زمان مرورنده اون بیک آدمی کونده ایکی کره دعوتده
 صعوبت اولدیغن ملا حظه ایدوب ای قوم طرفمدن سزی طعامه
 دعوت رسول شمس اولوب طلوع ایلدکده کلوب جاشته بی اکل
 و غروب ایتدکده شبانه بی اکل ایدک دیو تنبیه انلر دخی بلا دعوت
 قوشلق و اخشام طعامه حاضر اولوب تناول ایدر لردی و بر کون
 نعمت خوارلری استقلال ایدوب ایا قوم اکل طعامه نه سببیه اندک
 و قلیل حاضر اولدیلر دیو قلتدن استعلام ایلدکده میان قوممدن
 بری ایستاده اولوب یا امیر سنک کرم و احسانک خلقی سیر ایدوب
 رفاهیت ایله خانه لرنده تعیشلری مآده به حضور لرنه مانع اولدی
 دیدکده حجاج مخطوظ اولوب باریک الله یار جل جالس اول و راحت
 ایله دیدی و دها وز کاسنه شاهد قاتل مصعب بن زبیر اولان عبد الله
 بن طیان نقل ایدر که بر کون باب حجاجده واقف ایدم قوشلق وقتی
 اولمغله جمیع اتباعی خفته و حجاج نک و تنها اولدیغم محله فحشاء کلنجه
 فرصت غنیمت در دیو حجاجی قتل و اخذ انتقام ایتمکی ملا حظه
 وقتلنه اماده اولدیغمده بکا نظر و عز یتیمی تفرس ایدوب یا عبد الله
 کا تبم یزید بن ابی مسلمی کوردکی دیدی بندخی کور مدم یا امیر دینجه
 یا عبد الله سکاری و لایتنی توجیه و منشورنی یزیده و یردم وار اخذ ایله
 دیدی بندخی طمعمدن عز یتمدن فارغ اولوب یزیده راهی و منشورنی
 طلب ایلدم یزید خیر و آگاه دکلم دیدکده معلوم اولدیکه حجاج
 قصدمی تفرس و بندن تخلص نفسی ایچون بو د سببه بی تدارک

ایلمش و بر مقتده مساجد دن برینه بر باب عبد الملك بنا و بر باب حجاج
بنا ایدوب بر مدت مرورنده عبد الملك بنا ایلدیکی بابه صاعقه
نازله و هدم و خراب ایلوب عبد الملك متالم اولوب حجاجه حسد
ایلدیکی حجاجه واصل اولدقده بر مکتوب تحریر و دروننده یا امیر
المؤمنین سنکله بنم مثل آدم علیه السلام ایکی فرزند ی مثلی کبیر که
بر قربان ذبح ایدوب بر ینک قربانی مقبول و آتش نازل اولوب اخذ
ایلدی و آخرک مقبول اولوب مذبحده حالی اوزره قالدی دیو
تحریر ایلدکه عبد الملك عقل و زکاسنی تحسین ایلدی و بر کون
مجلس عبد الملكه دخولی اسباب عشرت آماده اولدیغی وقت
مصادفه ایدوب عبد الملك حجاجه شرب تکلیف ایلوب حجاج
یا امیر المؤمنین بنی عفو بیورک زیرا بن خلقی شربدن نهی و منع ایدرم
و خلقی زجر ایلدیکیم فعلی ارتکاب ایتکی کربیه ایتده هود
علیه السلامه اتباع ایدرمکه * و ما ایدان اخالفکم الی ما انهیکم
عنه * دیدی معنای نظم کریمین مراد ایتیم که سزنی نهی و منع ایلدیکیم فعل
مکروهی ایشلیم اگر سزنی نهی ایلدیکیم فعل صواب اولسه ایشلوب
اعراض ایلزدم قنده قالدی که سزنی نهی و منع ایدم دیمک اولور بعده
عبد الملك یا حجاج بو خردکلدر بنیدر طعامه اشنها و باهه
قوت و یروب زیاده ایدر دیدکه حجاج یا امیر المؤمنین طعامه اشنهای
زیاده ایدر بیوردیکز و الله حالبنده اولان اشنهایه الی آخر الامر راضی
اولوب زیاده سی مطلبم دکلد و باهی زیاده ایدر بیور دیکز و الله
هر ایدم بر کوره قربانه اقتدار کافیدر دیو جواب داده اولوب دفع
ایلدی و بر کون خلقک کندی به اطاعت و انقیادی نه رتبه به بالغ
اولدیغی تجربه و امتحان ایچون منیره صعود ایدوب ای قوم الان
حجاج کافر در دیدکه هر کس سرفرو برده اولوب جواب و برمد کلرنده
اول کلامنه ذیل و تمه ایدوب لات و غزایه و بغله شهابیه و یوم اربعایه
دیوب اکال ایلدی حجاجک بغله شهابی منکر اولسنک سبی بودر که
بر کون حجاجه ابو برده نک مالک اولدیغی بغله شهابیه ابر که تولد ایلدی که

اونی صفرتهمائل و پالرنده سیه خطوط اولوب تام الاعضادر و بغله ده
سائر حیوانات کی شیر ظهور ایدوب تولد ایدن کره نوش ایلدیکی خلق
مشاهده ایلدی دیو نقل ایلد کلرنده بغله منقطع النسلدر دیو انکار
ایلدیکی دیمیری ذکر و بیان ایدر بر کون مجلس حجاجه امام حسین رضی
الله عنه حضرت نرینی شهید ایدن شخص داخل اولوب حجاج حضرت
حسینی قتل ایدن سمنی سن دیو اسلعلام اول شخص دخی بلی یا امیر دیو
اعلام و حجاج کیفیت قتلدن سوال ایلوب اول ملعون یا امیر ایتدانیزه
طعن بعده سیف ایلد جرح و ضرب و رأس شریفلرین قطعه آخر
کیمسه بی تو کبل ایلدم دیدکه حجاج اما والله لا یجتمعان فی الجنة دیدی
و یومقوله کلام غیر ظاهر المرادی تکلمدن غرضی حسین رضی الله عنه
حضرت نرینک طرفدار و غیر تکشلی اولان اهل عراق و عدوی
بد خواهری اولان اهل شامی خدعه ایلد ارضاییدی فی الحقیقه اهالی
عراق مجلس حجاجدن چیقوب حجاج کلامنده صادقدر که ابن رسول
صلی الله علیه وسلم بهشته قاتلی ایلد جمع اولماز زیرا قاتل ابن رسول
اولانک مرجعی دوزخدر دیوب فرخناک اولدیلو اهل شام حجاج
کلامنده صادقدر که عصای مسلمین شق و امیر المؤمنینه مخالفت ایلین
قاتلی ایلد جنده جمع اولماز زیرا قاتلی طاعة الله ده بولمغله اهل جنتدر
دیوراضی اولدیلو لغنه الله علی الظالمین شق فلان عصا المسلمین امثالدن
جن بر کیمسه نک جماعت مسلمانی تفریق و پریشان ایلوب نظاملرینه
خلل و یرسه ضرب اولنور و حجاجک جور و ظلمی و بی گناه کیمسه نک
خونلرینی سفک و ریزان ایلسی شولدرجه به واصل اولدی که مسلمیندن
بی جرم یوز بیکدن زیاده آدم قتل ایلوب آخر قتل سعید بن جبیر رضی
الله عنه حضرت نریدر و حجاج وفات ایلدکه محبسنده بی جرم بکرمی
بیکدن زیاده مسلم محبوس بولندی و محبسی سقف و ظله دن خالی
اولوب صیف و شندان محبوسان حرارت شمسدن و شدت شندان و برق
و باراندن متأذی و متالم اولدقلرندن ماعدا مستراح دخی یوغیدی
و کثرت زحامدن خلق بر یری اوسننده ساکن اولور لردی و بر کون

حجاج مجبوس طر فندن کذار ایدر کن مجبوسلر حجاجدن استغاثه
 واطلاقلر بن نیاز ایل زاری و فریاد ایلد کلرنده حجاج (قال اخسوا فیها
 ولا تکلمون) آیه کریمه سنی قراءت ایلدی آیه مذکوره اهل جهنم حقنده
 نازل اولمشدر که اهل جهنم (ربنا اخرجننا منها فان عدنا فانا ظالمون)
 دیوب باری تعالی بدن جهنمدن خروجلرین رجا ایلد کلرنده باری تعالی
 (اخسوا فیها ولا تکلمون) بیوردی یعنی سکوت هوان وذل ایله
 ساکت اولک رفع عذاب تکلم ایلک دیکدر ابو عمرو بن العلاء نقل ایدر که
 برکون قرآن عظیم الشان تلاوت ایدوب (الامن اغترف غرفة) آیتند
 غرفه بن فتح غین ایله قراءت ایلدم و حجاج قرأة حفصی ترجیح ایلوب
 ضم غین ایله قرأتی اختیار ایلشدی بنم قرأت سمعنه واصل و احضاریمه
 آدم تعیین ایلدی بنسخی خبردار اولوب صنعاده بروادی به فرار
 و نیجه زمان بادیده اختفا و قرار ایلوب برکون براعرا بنی رینه حجاج
 وفات ایلدی دیو مرده ایلد کده اول اعرابی * ربما تجزع النفوس
 من الامر لها فرجة کحل العقال * یتنی انشاد ایلد کده ایکی شبدن
 فرحناک اولدم که بری حجاجک هلاکی و بری فرجه نک فاسنی مفتوح
 قرأت ایدوب بنم غرفة قرأتهم اعرابی فصیحک قرأتی شاهد اولمشدر
 لکن قنیه سنه زیاده فرحناک اولدم معلوم دکلدر دیدی معنای کاهجه
 که نفوس انسانیه برشبدن متضجر و بی صبر اولور اول شبدن نفوس
 ایچون فرجه و خلاص واردر مثالی شترک پارین حرکت ایتسون ایچون
 بنده و ربط ایدرر و البته ینه بندری حل و کشاد ایدرر دیمک اولور
 و برکون حجاج سوره هود قراءت ایدوب (انه عمل غیر صالح) آیه
 کریمه سنه کلد کده اسم اولوب عمل میدر یوخسه فعل اولوب عمل
 میدر دیوا شنباه و مشایخ قرادن برینی احضار ایدک سؤال ایدیم دیو
 خدمه سنه امر انلردخی برشیخ احضار ایلد کلرنده حجاج مجلسندن
 قائم اولمش بولنوب اتباع شیخک قدومنی افاده ایده مد کلرندن مجبوس
 معهوده حبس ایلدیلر و حجاج شیخی دعوتندن ذهول ایدوب الی
 آی بی جرم مجبوس قالوب برکون حجاج مجبوسانی تفتیش ایچون زندانه

واروب شیخ مزبوری مشاهده ونه جرم ایله مجبوس اولدک دیو سؤال
 ایلد کده شیخ حضرت نوحک فرزندی جرمی ایله مجبوس اولدم یا امیر
 الله تعالی سنی اصلاح ایلسون دیو جواب داده اولوب حجاج خنده
 کنان ازاد ایلدی و بر وقتند حجاج بر طرفه راهی اولق مراد و منبره
 صعود ایلوب ای قوم اکاه اولک که عزیمت سفر ایلدم و فرزندم محمد
 طر فندن اوزر یکزه خلیفه تعیین و عبد صالحک وصیتک خلاقی ایله
 وصیت ایلدم که محسن و مطیع اولانلر یکز دن احسانی قبول ایتوب
 مسی و مخالف اولانلر یکزه ترتیب عقوبت و جزا ایلله و معلومدر که
 سزر او غلمه محبت و مودت ایتوب عاقبتی خیر اولسون دیو بدعا
 ایدر سزر بن دخی سزه او غلمدن اظم برخلیفه ینه مبتلا اوله سزر دیو بدعا
 ایدرم دیدی واهالی کوفه دن بر کیمسه حجاجدن خوف و ظلمندن
 امین اولق ایچون برقریه به فرار و برکلی سایه چاهده خواب و راحت
 ایله اسایش ایدر مشاهده ایدوب تضجر واضطرار بندن نه اولیدی
 شوکلب بن اولوب جور حجاجدن خائف و تارک دار و دیار اولمایدیم
 دیوب راهی اولدی و حسب الاقتضار جعت وینه اول محلدن کذار
 ایلوب کلب مقتولی معاینه ایلد کده سبب قتلنی اهلیدن سؤال انلردخی
 شمدی حجاج طر فندن کلبلی قتل مباشرکلوب قتل ایلدیلر دیو جواب
 داده اولد کلرنده عموم جور حجاجه تعجب ایلدوب راهی اولدی
 و حجاجک بعض مرتبه حلمی اولوب برکون تک و تنه ایدرون کوفه ده
 کشت و کذار ایدرکن بر شخصه دو جار اولوب امیر یکز حجاج حقنده
 نه درسک دیوا سنن طاق اول شخص دخی اهالی کوفه نمود نسلندن
 اولسنی زعم ایدرر لکن شرمحض اولدیغنه سؤسیرتی و افعال قبیحه سی
 دلالت ایدر باری تعالیکن لغتی اوزر ینه اولسون دید کده حجاج بنی
 یلور میسک دیدی اول شخص دخی بلم دیوب بن حجاجم دینجه اول
 کیمسه یا حجاج سن بنی یلور میسن دیدی حجاج بلم دید کده بن عتقای
 بنی عامر دن اولوب هر آیده اوج کون مجنون اولورم و یوکون زیاده مجنون
 اولد یغم کوندر دیوا عتقدن ایلوب حجاج خنده کنان جرمی عفو

ایلدی و بر کون حجاج شکار کاهده لشکر ندن جدا وتک وتنهار پشته به
رسیده اولوب بر اعرابی مشاهده ایلدی که پشته تک بر طرفنده نشسته
و خرقة سندن جنبند کان دوشیروب قتل ایدردی و شتر لری اطرافنده
چراينده حجاجی معاينه ایلدکلرنده رمیده و پریشان اولدیله و اعرابی
شتر لری تک رمیده اولمسندن خشمناک سر بر آورده اولوب کچدر اول
کچسه که در خشان جامه لره بو بیابانده کلوب بنم شتر لری می اور کندی
الله تعالیٰ لک لغتی اوزرینه اولسون دید کده حجاج سکوت ایله معامله و پیش
اعرابی به کلوب السلام علیک یا اعرابی دیدی اعرابی دخی غضبندن
لاعلیک السلام ولا رجة الله ولا برکاته ایله رد سلام ایلد کده حجاج
ملاطفه ایله یا اعرابی تشنه یم بکار مقدار آب ویریدی اعرابی دخی خشمناک
اسبکدن نازل اولوب ذلت و خورانی ایله کل صوایح زیر بن سنک رفیقک
و خدمتکارک دکلم دیدی حجاج دخی اسبندن نازل وابی نوش ایلیوب
ای اعرابی آدمیلرک بهنرینی کچدر دیوسؤال اعرابی دخی سنک رغه که
رسول الله صلی الله تعالی علیه وسلم در دیدی تکرار حجاج یا اعرابی
امیر المؤمنین علی کرم الله وجهه حقنده نه دیر سک دید کده اعرابی انک
علوشان و بزکوار لغندن وصف و مدحی بنم دهانده صغیر دیو جواب
داده اولوب حجاج یا اعرابی عبدالملاک بن مروان حقنده نه دیر سک
دیوسؤال ایلیوب اعرابی قطعاً تکلم ایلیوب سکوت ایلد کده حجاج
یا اعرابی سندن جواب استرم البته سویله دید کده اعرابی برید مرد
ونا معقول کیمسه در دیدی حجاج نه سبيله دیو تفتیش ایلیوب
اعرابی عبد الملکدن بر خطا صدور ایلدی که مشرقدن
مغربه وارنجه اول خطا ایله عالم پر اولدی دیدی حجاج
دخی اول خطا سی ندر دیوسؤال ایلیوب اعرابی خطا سی اولدر که
حجاج دید کیری فاسق و فاجری مسلمانان اوزرینه مسلط و حواله
ایلدی دید کده حجاج سکوت ایلدی و اول اثناده بر قوش اوچوب
فریاد ایلدی و اعرابی حجاجه نظر انداز اولوب سن کچسک دیدی
حجاج دخی نه غریب سؤال ایدر سک یا اعرابی دید کده اعرابی

بو مرغ بکار لشکر رسیده اوله یور و سن اول عسکرک امیر
و سرداری سک دیو خبر و پردی دیر ایکن عسکر کلوب پیش حجاجده
زمین پوس اولدکلرنده اعرابی حجاج اولدیغن اذغان ایدوب رنگ
روبی متغیر و پریشان حال اولدی و حجاج اتباعنه اعرابی بی معاسرايه
احضار ایدک دیو امر و رجعت ایدوب ایرته صباح اولدقده پیش
حجاجه خوان نعمت کشیده وارکان دولت حضور بنه تجمع و جاشنه بی
تناوله شروع ایلدکلرنده حجاج اعرابی بی کند و ایله اکل طعامه
دعوت ایدوب اعرابی مجلس حجاجه داخل اولدقده السلام
علیک ایها الامیر دیدی حجاج دخی یا اعرابی بن سنک رد سلام
ایلدیکک کچی رد ایله مم وعلیک السلام دیوب یا اعرابی طعام
تناول ایدر ميسک دیدی اعرابی دخی یا امیر طعام سنکدر اگر
اجازت ویر سک اکل ایدرم دیدی و حجاج اذن داده و اعرابی سفره به
جالس اولوب تناوله آغاز ایچون بسمله خوان اولدقده نصیره
ان شاء الله اکل طعامدن صکره ظهور ایده جک شیء خیر در دید کده
حجاج خنده ایله ارباب مجلسه هیچ ییلور ميسر دونکی کون بو اعرابی
ایله بنم میانده گذشته ندر دید کده اعرابی اصلح الله الامیر دونکی
کون سنکله بنم میانده کچن سری بو کون افشا ایتک سزا میدر
دیوکنم رجا ایلدی بعده حجاج یا اعرابی ایکی کاردن برینی اختیار
ایله یانم یانمده اقامت ایله که سنی خواص ندما مبدن ایدیم یا خود
سنی عبدالملاک بن مروان حضور بنه ارسال و حقنده تکلم ایلدیکک
کلماتی اعلام ایله سکا هر نه مراد ایدر سهانی ایشله سون دید کده
اعرابی یا امیر غیری صورت دخی اولمق نمکندر دیدی حجاج دخی
صورت دیگر دن سؤال ایدوب اعرابی یا امیر صورت دیگر اولدر که
بنی آزاد و سلامتله کندی دیارمه عودت ایدوب من بعد نه سن بنی
کوره سک ونه بن سنی کورم یم دید کده حجاج خنده و قهقهه ایدوب
اعرابی به بیک دینار احسان و دیار بنه ارجاع ایلدی *مرد باید که
بلاطف سخن و حسن خطاب * طبع ارباب ستم راز ستم باز آرد *

هرائمی که احسان و کرم کرده و مست * بفسون سخن آور ای کرم
 بازارد * و بر کون حجاج حضورینه عبدالرحمن بن اشعث اتباعندن
 بر جاعت احضار و قتل اولمترینه امر ایلمد کده میانلرندن بری یا امیر
 بنم سنک اوزر کده حقم وارد بر بنی آزاد ایله دیدی حجاج دخی سینندن
 استعلام و اول شخص یا امیر ابن الاشعث مجلسنده بر آدم سکا شتم
 و دشنام و بن رد و دفع ایلمشدم دید کده حجاج شاهد کیمدر دیدی
 اول شخص دخی محبوسلردن برینه اشارت و بوشاهد در دید کده
 اول کیمسه دخی بلی بن حاضر بالمجلس ایدم قوی صدق و راستدر
 دیوشهادت ایلبوب حجاج شاهده توجه و بو آدم بزم طرفدار بزم
 اولدیغی ~~سکی~~ سنک دخی طرفدار لغیره مانع نه اییدی دیوموا خذ
 ایلبوب اول شخص یا امیر سکا عداوت و بغض مانع اولدی دید کده
 حجاج اتباعنه بوشخصی آزاد ایلمد که اوزر میده حتی ثابت اولدی
 و اول شهادت ایلم کیمسه بی آزاد ایلمد که طرفدارم اولان آدمی
 بویله مصیبت رسیده اولدیغی و قتله تصدیق و اعانت ایلمدی دیوب
 ایلمکسنک دخی جرمنی عفو و آزاد ایلمدی و بر کون احمد بن یوسفه
 یا احمد سنک امر کده تفکر و ملا حظه ایلبوب خونگی و مالکی کنیدی
 حلال بولدم سنی قتل و مالکی اخذ ایلمدم دید کده احمد یا امیر
 بو خصوصده اغرب و اعجب اولان امر بودر که تفکر و تأملدنصکره
 بنم دم و مالکی حلال اعتقاد ایلمد سنک دید کده حجاج خنده کنان
 عفو ایلمدی و بر کون ندما سندن بریله یستر نشین استراحت ایلمن نوم
 غلبه و بمقدار خوابه واروب ندیمه بی اختیار عطسه عارض اولدی
 و حجاج هر اسان بیدار و خشمناک اولوب مرا دك بنی بیدار و تکدیر
 ایتمک اییدی دیدی ندیم دخی یا امیر و الله افراط عطسه عادتدر و دفعی
 مقدم دورم دکلدردیو عذر کنان عفو رجاسنده اولوب حجاج عادتک
 اولدیغی اثبات ایلمد سنک فیهما و الا سنی قتل ایلمدم دیدی ندیم دخی مجلس
 حجاجدن بیرون و احباسندن برینه مجرای نقل و استمداد ایلبوب اول شخص
 بن شهادت ایلمدم دیوب مجلس حجاجه داخل و یا امیر بورتبه عطسه

بو آدمک عادتی در حتی بر کون شدت ایلمد کنیدی بر عطسه ظهر و ایلمدی که
 شدتندن بردیشی چقدی دیوشهادت ایلمد کده حجاجك خنده خلاف
 مشربی اولوب فقهها ایلمد کده حجاجك اشباه تبسم ایتمز ایکن شول رتبه
 خنده و فقهها ایلمدی که ظهرنه مستلقی اولدی و حجاجك رتبه فصاحت
 و بلاغتی کتب توار یخده مذکور و بین الناس متداول اولان دیر الجماجده
 قرأت ایلمدی کی خطبه و مکاتیب معروفه و منابره و عظم و نصایحی
 مشتمل اولان خطبه لرندن منقهم اولدیغی ارباب فهم و دانشه معلوم
 و اشکار در حتی مالک بن دینار و الله کاهیمسه حجاج منبرده اهل عراقه
 کنیدی افعالینک حسنی و اهل عرقك افعال قبیحه لرینی بلاغت
 و فصاحت و حسن تعبیر ایلمد ادا و بیان ایلمد کده ظن ایلمر مکه اهل
 عراق ظلمه و حجاج مظلومدر دیو نقل ایلمدی و حسن بصری
 حضر تلرندن منقولدر که بر کون حجاج منبره صعود ایلمد ای قوم اگر بر کیمسه
 عمرندن بر ساعتی ما خلق اهلک غیری به یعنی عبادتی الله دن غیری به صرف
 ایلمسه اول کیمسه ایچون آخر عمر نه دك منحسر و غنائک اولمق لایقدر
 دیو و عظمی دروغی محترق ایلبوب متأثر اولدم بیور دیلر و بر کون منبره
 صعود ایلمد ای قوم نفسکری مناهیدن منع و زجر ایلمد مشغول اولوب
 مقتضای سنجه عملدن احتراز ایلمد ز برانفسکره مساعدده و طلب ایلمدی کی
 اعطاء ایلمد سکر نفسدن اسئل و هوا و هو سه خواهش کربشی اولماز
 و هر چند که مساعدده ایتمیوب هوا دن منع ایلمد سز نفسدن زیاده
 ممنوع و متزجر اوور برشی دخی اولماز و باری تعالی شول کیمسه به رحمت
 ایلمسونکه نفسیچون بر رسن و زمام انخاذ ایلمد بر سن ایلمد نفسنی باری
 تعالینک طاعتنه چکوب زمام ایلمد الله تعالی به عصیاندن چو پرو ب منع
 ایلمد و مشاهده ایلمد مکه آخرتده عذاب الله صبر ایتمدن دنیاده محارمی
 ارتکاب ایتمدن صبر اسهل و اهوندردیدی و بر کون حجاجه برادری
 محمد ایلمد اوغلی محمدك وفاتلرینی اعلام ایلمد کلرنده منبره صعود ایلمد
 ای قوم آگاه اولک که محمد بر کونده وفات ایلمشرو بن استرم که محمد لر بنامه معا
 دنیاده معمر اوله تنکه انلر بن ثواب آخرته نائل اولملر بن رجا و مأمول

ایدرم و والله سرزدن و بزدن باقی او لنر ایچون دخی موت قریبدر
 و برئو بکه جدید اوله البته کهنه اولسی امر مقرر در قریب ارض بزی
 کندویه چکوب کوشنلر بمزی اکل و خونلر بمزی نوش ایدر تنکه بز
 ارضدن میوه لراکل و آب خوشکوار نوش ایلدک دیدی روایت خراده
 حجاج منامده کوز لر ینک ایکیسنی دخی چقار دیلر کوروب چون صباح
 اولدی اوغلی وفات ایدوب برادرزاده سی محمد ک خبر وفاتی دخی کلدکده
 (حجاج ضغث علی اباله) دیوب بو بیی انشاد ایلدی (یت) * ان الرزیه
 لارزیه مثلهما * فقدان مثل محمد و محمد * و حجاجک بو کلامی مثل
 اولوب فچن بر کیمسه مصیبت رسیده ایکن بر مصیبت ايله دخی مبتلا
 اولسه ضرب اولنور و معنای یت مثل مصیبه علی مصیبه و یتنه علی
 یتنه در وضعت آغوش رسته کباه معناسنه اولوب اباله بر قوجاق هیزم
 معناسنه در ورزیه مصیبت معناسنه در بعضیلر اباله بی مخفف استعمال
 ایدوب بو بیی انشاد ایلددر * لی کل یوم من ذوله ضغث یزید علی
 اباله * و ذواله ذئب معناسنه در و برکون یتنه صعود ایدب
 ای قوم باری تعالی بزه اعمال صالحه ايله امر ورزق و مالزیه تکفل ایلدی
 نه اولیدی تحصیل رزقه امر و عمل صالحه تکفل ایده ایدی و ای قوم
 و الله دنیا ده بو کونه کلنجه امارت ولایت ايله کذران ایدن اوقاتدن
 محظوظ دکلم زبرا اقتضاء وزارت جور و ظلم اولوب ارتکاب ارائمه
 دکلددر و شمدن صکره باقی اولان عمرم برآبک آب دیگره مشابهتی نه رتبه
 ایسه گذشته اولان اوقاتده اول مرتبه مشابه و معادلدر دیدی و چونکه
 حجاج عبدالله بن زبیر رضی الله تعالی حضرتلرینی قتل ایلدی مکة
 مکرمه اهالیسنک کریمه و فریاد و فغانندن مضطرب و متزلزل اولوب
 حجاج منبره صعود و ای قوم اکاه اولک که ابن زبیر بواصتک کبار
 و اخبارنددر حتی کباردن اولغله خلافته رغبت و منازعه ايله
 طاعت اللهی ترک و حرم الله استناد ایلدی یعنی حرم اللهده
 بولنان امین در اعتقاد ایلدی لکن اگر عصانه برشی مانع و حافظ اولمق
 ممکن اولسه احترام بهشت آدم علیه السلامی حفظ ایدردی زیرا باری

تعالی آدمی بد قدرته خلق و ایجاد و ملائکه سنی سجده و جنتی اباحه
 ایلوب شجره منهی عنهابه تقری سبیلله بهشتدن اخراج ایلدی حال
 بو که حضرت آدم عند الله ابن الزبیردن اکرم ایدی و جنت حرمت
 جهنمیه مکدهن اعظمدر دیدی و برکون منبره صعود ایدوب (ایها الناس
 من اعجبی داؤه فعندی دواؤه و من ثقل علیه رأسه و وضعت عنه ثقله
 ان لا شیطان طیفا و لا سلطان سبفا و من وضعه ذنبه رفعه صلبه
 و من لم تسعه العافیة لم تضق عنه الهلکة) دیوب نازل اولدی یعنی شول
 کیمسه که مرضی آنی عاجز قبلسه یا خود مرضندن عاجز اولسه علاجی
 بنده در و شول کیمسه نک که رأسی کندی به ثقیل و کران اولسه اول
 کیمسه دن ثقلنی وضع یعنی قتل ایده رم و تحقیق شیطانک مکرری
 و سلطانک سببی وار در یعنی مکر شیطان ايله طریق مستقیمدن عدول
 ایده نی قتل ایدرم و شول کیمسه بی که کناهی وضع ایده یعنی کناه کارا وله
 صلب و بردار ایتک کیمسه بی رفع ایدر و شول کیمسه به که ما فیتنه
 صبغیه یعنی عافیتنه شاکر و مغنم اولیه هلاک و موت اندن ضیق و تنک
 اولمز یعنی نعمت و عافیتدن محروم اولوب هلاک اولور دیمک اولور
 و بروفته حجاج بیمار اولوب میان ناسده وفاتی مشتهر و کندویه
 بو کذب واصل اولدقده بر سریره جالس و اتباعی سر بری دوشلر یتنه
 تحمل و منبره صعود ایدوب ای قوم اکاه اولک که اهل عراق اهل نفاقدر
 و اهل عراقک انفلرینه شیطان نفخ ایلش بناء علیه حجاج وفات
 ایلدی دیو دروغ و کذب ایلدی لر فرض ایده لم که حجاج وفات ایلدی
 نه ضرر ترتب ایدر و الله خیر رجا اولماز الا بعد الموت رجا اولنور و کلام
 قدیمده مذکور در که دنیا ده مخلوقاتدن خسبیس و ذلیل و حقیر اولان
 ابلیس علیه اللعنه دن غیری بر فردک مخلد و باقی اولسنه رب العالمینک
 اذنی یوقدر حتی حضرت سلیمان علیه السلام باری تعالی بدن
 (رب هب لی ملکاً لا ینبغی لاحد من بعدی) دیوب رجا ایلوب باری
 جل شانها احسان بعده کان لم یکن مضحک و اعدام ایلدی الله تعالی دن
 امیر المؤمنین و جمیع مسلمین و بنم ایچون استغفار ایده رم دیو خطبه بی

اتمام ایدوب نازل اولدی بعده فاتح ماوراء النهر اولان قتیبه بن مسلمیه
مکتوب تحریر ایلدیکده ما آلی با امیر و ستمی ملاحظه ایلوب رسیدده
پنجاه اولمش پولدم سن دخی بنمله هم سن وبر کیمسه بر طرفه الی
سنه راهی اولوب طی منازل ایلسمه البته مطلوبی اولان محله واصل
اولور پس الی سنه مهراولان کیمسه به آخرت قریبدر دیدی و حجاج
بیمار و مختضر اولدقده یارب بکامغفرت ایله زیراجیع ناس زعم ایدرلر که
سن حجاج قولکه مغفرت ایلیمه سن دیوب طقسان بش سنه سی بنا
ایلدیکی واسط شهرنده وفات ایدوب هرکس وفاتنه مسرور اولمغله
اول کونه عروس العراق تسمیه ایلدیلر وفاتندن بر فرداگاه اولوب قصر
حجاجه بر جاریه صعود و اواز بلند ایله کریمه کنان ای قوم اگاه اولک که
فقرا به اطعام و سرلری قطع ایدر حجاج وفات ایلدی دیو فریاد ایلوب
هرکس خبردار اولوب دفن اولندی و بعض کیمسه قبر حجاجدن زنجیر
صداسنی استماع ایدوب حجاجک کا تبی یا حجاج باری تعالی سکارحت
ایلسونکه حیات و مماتکده قرأت قرآنی ترک ایتدک دیوب ناس خنده
ایلدیلر و اهالی شامدن بر شخص قبر حجاجه واروب یارب بزی شفاعت
حجاجدن محروم ایلله دیو دعا ایلدکده شخص دیگر حال حجاج
دوزخده در دیو حلف بالطلاق ایلوب وقوع طلاقده قیل وقال اوامغله
طاوسدن استفسار اولندقده طاوس باری تعالی مراد ایلدیکی قولنه
مغفرت ایلر ظنم بودر که اول شخصک زوجه سی مطلقه اولدی دیو
افتا ایلدی بعده حسن بصری حضرتلرندن استفتا اولندقده
ای آدم وار زوجکله معامله زوجیت ایلله که طلاق واقع دکلدر زیر
اگر حجاج بو مقدار جور و ظلم و ملعنتی ارتکاب ایتدکدنصکره یسه
دوزخ مکان اولدی ایسه سنکله زوجه که دخی ارتکاب زناضرر
ویر مز یعنی مقتضای شریعت اوزره حجاج اهل جهنمدر و سنک
طلاقک واقع دکلدر دیمک اولور و قتیبه فتح ماوراء النهر بسعدک
و قتیبه ماوراء النهر سنک بن و برکتک سبیلله فتح ایلدی ظن ایلدم
موی الیه قتیبه بن مسلم بن عمر و اباهلیدر که کتبه سی ابوصالح و نشو

و غامسی دولت مروانیه ده اولوب کندویه نیجه امارات و ولایات
تغویض و تقلید اولوب فتوحات عظیمه به موفق اولمغله عوشانی
متزاید و برتر اولمشدی و اماراتی متوالی اولوب بر قیج کره ماوراء النهری
عبور و کفار ایلله حروب کثیره و غنائم وفیره اخذ ایلشدی و نهر دن مراد
آب چیچون اولوب قزلباش ایلله اوزبک دیارنی فصل ایدوب چیچونک
وراسنه ماوراء النهر دیرلرگاه اولور که اول نهره آب آمودیرلر زبراجیچون
آمو نامنده بر صحرادن مرور ایدر و نهر مزبورده چیچون دیدکلری
رود کینک بو بیتندن فهم اولنور * آب چیچون و شکر فیهای او *
خنک مارامیان آیدهمی * و اول صحرایه آمو تسمیه اولندیغی مشار
الیهک بو بیتندن ظاهر در * ریک آمو و درشتهای او * زیرپا چون
ترنجان آیدهمی * و صحرای اموغایت ریکستان و ابی قلیلدر و چیچونه
وار نیجه صحرای مزبوره به صحرای شتر دخی دیرلر و ماوراء النهره
توران تسمیه اولنوب سبی فریدونک تور نامنده بر فرزند پادشاه
اولوب ماوراء النهره حکومت ایتشیدی و اقلیم عجمه ایران تسمیه
اولنوب سبی ابرج اولادندن ایران نامنده بر فرزند حکومت ایتشیدی
و ساحل چیچون دن بغداده کلجه عراق عجم واندن برو سنه بغداد
و مملکت عربیه عراق عرب تسمیه اولنوب عراقینه فضولینک بوقطعه
سنده اشارت واردر * من ز اقلیم عرب خیرتی از ملک عجم * هر دو
کشیم در اظهار سخن کام طلب * یافتم از دو کرم بیشه مرادول
خویش * اوزرا از شاه عجم من نظر از شاه عرب شاه عربدن مرادی
هلی کرم الله وجهه در و قطعه مزبوره مبنی علی الحکایه در و مومی
الیه قتیبه شجاع و سخنی و حسن الخلق ذبک سیرت و حلیم و عاقل
و ذکی اولوب بر عیب ایلله معیوب اولوب فقط قبیله باهله دن اولمسی
ایلله معیوب ایدی و احباء و اصد قاسی مزاح و لطیفه ایلله باهلی اولدیغی
تعریض قتیبه دخی فرط حلمندن تحمل ایدوب اظهار کور ایلز دی
ابوعبیده دن مروریدر که بر کون قتیبه نک بلده ری ده عاملی اولان
معلی الحاربی قبیله سلولدن بر شخص ایلله قتیبه به مکتوب ارسال

ایلبوب قتیبه نك احباسند بن ودائما قتیبه به ناز ایله معامله وافرط ایله
ملاطفه ایدن قداده بن جعفر سلولی باب قتیبه ده مشاهده ایدوب
مجلس قتیبه به داخل ویاامیر در سیرایکده الام وادنی بره رب مشاهده
ایلدیم دیدی قتیبه دخی نه مقوله کیمسه دیو سوال ایلدکده قداده بن
سلولی محاریدن رسالت ایله باهلی به کلمش دیو قتیبه بی تحقیر ایلدکده
قتیبه تبسم غیظ و غضب ایله تبسم و مر داس اسیری به توجه والتفات
ایدوب شعر اقیشری انشاد ایله دیدکده مر داس قصدنی فهم قداده
به تعریضی مشتمل اولان شعر اقیشردن بویتی انشاد ایلدی * قلت
قم صلی فصلی قاعدا * بتغشاه سمادیر السکر * سمادیر شول ضعیف
بصره دیرلر که سر خوشلق و اوینخو غلبه ایلدیکی وقتده عارض اولور
وتغشی تغطی واور تمک معناسنه اولوب مال معناتلق اداء صلاة ایله
دیدم اوشخص سکر دن نشأت ایدن ضعیف بصره احاطه وستر
ایدوب سر سام اولدیغی حالده قاعدا اداء صلاة ایلدی دیمک اولوب
قداده نك وجهی متغیر ومنفعل اولدقده قتیبه هذه بتلك والبادی اظم
دیدی و بومثلك قائلی فرزدق اولوب جریره تکلم ایلمشدر سببی بودر که
برکون فرزدق مجلس قومده شعر انشاد ایدرکن جریر بن الخطمی راحله سنه
سوار اولوب اول طرفدن راهی اولور دی و فرزدق ایله معارفه سی
اولمغله فرزدق بوسوار کیمدر دیو استعلام قومی دخی جریر بن خطمی
دیو شهر تشعار اولان شاعر بودر دید کلرنده فرزدق میان قومندن
برشاب سبک پایه یاغلام جریرک سر راهن آلوب بویتی انشاد و بز دن
سلام ایله دیدی که بیت بودر * مافی حرمک اسکه معروفه * للناظرین
وماله شفتان * غلام دخی واروب جریره بیت فرزدق انشاد ایلدکده
جریر بز دن دخی تبلیغ سلام و بویتی انشاد ایله دیدی که بیت بودر
لکن حرامک دوشفاه جهه * مخضرة کغباعب الثیران * غلام دخی
رجعت و بیت جریری فرزدق قرأت ایلدکده فرزدق هذه بتلك
والبادی اظم دیوب کلامی مثل اولدی یعنی بنم قالم جریرک قاله سنه
مستحقدر باخود مقاله مقاله سی بدل و مقابلدر وابتدا ککدر ایدن

اظم یاخود ظالمدر دیمک اولور زیرا اظم ظالم معناسنه مستعملدر حرم
حرامک تقدیرنده اولوب اسکه کنار کس معناسنه در وغباعب غیبک
جعی اوایوب غیب صغری کاککی التئده صار فن دری معناسنه
اولوب ثیران ثورک جمیدر و قداده نك قتیبه به سلولی محاریدن
باهلی رسالت ایله کلمش دیمسندن تحقیر لازم کلمسنه سبب بودر که
سلول هوازندن برقبیله در که بنوامر بن صعصعه بن معاویه بن بکر بن
هوازن و سلول مادر لرنک اسمی اولوب قبیلله مذکوره مادر لری اولان مرأیه
نسبت اولمغله میان هریده مذموم و دناءت ایله معروف اولمشدر کذلک
باهله قبس غیلاندن برقبیله اولوب اصلنده باهله همد اندن بر زنک
اسمی و اول زن معن بن اعصر بن سعد بن قبس غیلانک زوجه سی اولوب
معنک اولادی مزبوره باهله به نسبت اولوب قبیلله باهله تسمیه
اولدقده زنه منسوب اولمغله دنائت ایله معروفه اولدی و محارب
فهردن برقبیله در که قریشدن برقبیله اولوب فهر بن مالک بن النضر
بن کنانه در مرویدر که قتیبه برکون برجفا کار و تند خویر اعرابی
ایله مزاح قصد ایدوب یا اعرابی بنم کی امیر و باهلی اولقی سنی مسرور
ایدرمی دیدی اعرابی بدخود دخی لا والله بومقوله قبیلله دینه دن اولغی
قبول ایتم دیدی بعده قتیبه یا خلیفه لك ایله قبول ایدر ميسك دیدی
اعرابی خلیفه لك ایله دکل شرقدن غریبه دك دنبا ضبطوز برقبیله
تصرفه المی شرطیله دخی باهلی اولغی قبول وارنکاب ایلم دیدکده
قتیبه یا اعرابی اگر باهله دن اولور سک اهل جنت اولور سک دیسه لر
قبول ایدر ميسك دیدکده اعرابی سر فر پرانیشله اولوب بر مقدار
تفکر دنصکره بنم باهلی اولدیغی اهل جنت بلمک شرطیله قبول
ایدرم دیوب قتیبه خنده و قهقهه ایلدی و موی الیه قتیبه حجاجه
منتمی و منسوب اولان امرانک اکبر و اشرفیدر حتی حجاج عبد الملك
بن مروانه مکتوب ار سال و قتیبه بی تعریف و توصیف و ولایت
خراسانی توجیه و تقلید ایدر مشدر و قتیبه به خراسانی توجیه
ایدر مسنه باعث بودر که بزید بن مهلب پدری مهلب دنصکره

والی خراسان اولوب روز بروز نام آور و عظمت و مکنتی میان ناسده
منشور و برتر و آثار و مناقبی خلقک وردز بانی اولوب بر امیر عادل پیشه
وداد کر در دیو هر کس مدح و ثنا و ستایش و دعا ایلد کلرنده حجاج
حق و حسد ایدوب عزل ایتدر مکه بهانه جوی و فرصت بین اولوب
هزار گونه وضع حبال خدعه ایلد کفتاری عبد الملکه تأثیر و عاقبت
قتیه خراسانه والی نصب ایتدر دی و حجاجک من بور یزیده حسدنی
تقویه و تأیید و نار ملعتک اشتهالنه باعث بودر که بروقتده حجاج
زیارت عبد الملکه راهی و حکومتگاهی اولان عراقده عودت ایلوب
اثای طریقده بر دیره نازل و اول دیزده علوم غریبه به از جمله جفر
و نجومه عالم و کامل بر راهب مشاهده و راهبدن بزم احوالری
استخراج ایلد کی دیو سوال راهب بلی معلو مدردیو سرد مقال
ایلد کده حجاج باراهب عبد الملک حقنه استخراج چکنه کونادر
دیو استنطاق و راهب یوزمانده خلافتی استخراج اولمشدر دیوب
حجاج عبد الملک نصر کره خلیفه کیم اولور دیدی راهب ولید نامنده
بر کیمسه اولور دیوب حجاج کندی احوالین استعلام و راهب امارتندن
خبر و یروب بند نصر کره والی عراق کیمدر دیوب راهب یزید نامنده
بر کیمسه اولور دیدی تکرار حجاج یزیدک والی عراق اولسی حیاطده میدر
یو خسه ممانم وقتده میدر دیو سوال راهب دخی معلوم دکلدر
دیو حیاطده اولغی ایهام طریقله جواب داده اولد قده حجاج منکدر
و مقامده قائم اوله جق یزید بن مهلب اولق اعتقاد یله سر فرورده
تفکر و دأب عرب اوزره خاک قارشد در مغه مشغول و اخبار راهبدن
محزون و ملول اولد قده مجلسنده عبید بن یونس موجود اولوب تحیر
واضطرابین معاینه و خیال و سبیدن سوال حجاج دخی یا عبید اهل
کتب بند نصر کره حکومتگاهی یزید نامنده بر شخص والی اوله جقدر
دیو خبر و بردی بند دخی تفکر و یزید نامی ایلد نامدار برقاج شخصی
در خاطر ایلد مکه بری یزید بن کبشه بری دخی یزید بن حصین و بری
یزید بن دینار در لکن بونلر اماره ولایته اهل اولد قلی اشکاره اولغله

یزید بن مهلب اولدیغی بی شک و بی مراد دید کده عبید یا امیر
یزید بن مهلبی افنا و اعدام ایلد دیو و همنه تقویه و یروب حجاج
شمعیکی حاده خراساندن عزانه سعی ایلد رم عزله اقدام و بروجهله
ظفر یاب اولد قده عبد الملک بن مروانه مذمت یزیدی حاوی مکتوب
ارسال و یزیدک آل زبیره میل و محبتی اولوب دولت مروانه به خلادن
خالی دکلدر دیو اعلام ایلوب عبد الملک جوابنده یزیدک آل زبیره
میلی حقوق قدیمه به رعایت و وفاسنک مقتضاسی اولوب آل مهلبک
آل زبیره وفاسی آل زبیرک بزه وفاسنی تحصیل و دعوت ایدر دید کده
حجاج تکرار یزید و آل مهلبک دولته سوء قصدی و غدر و خیانتی
افاده ایلد عبد الملکی تخویف و هزار ترهات تحریر ایلد یوب
عبد الملک یا حجاج چونکه یزیدک خلافنده بورتبه اکثر و عزانه
اقدام و حقنه شایان اولیان افعالی اخبار ایلدک یرینه والی اولغله
سزا بر آدم سوق و اعلام ایلد که منصب ایلد لم دیو جواب داده اولد قده
حجاج کندیکن قتیبه به میل و محبتی اولدیغنه عبد الملک مطلع اولماق
ایچون راهد سیسه به سالک و والی اولغله عدم صلاحیتی نمایان اولان
مجامعه بن سعدی سوق و اعلام عبد الملک دخی مجامعه نک رأی و عقلنی
تسویه و ولایته عدم اهلینی بیان و بر عاقل و مدبر امیر تدارکنه امر
و مرانمه مساعده ایلد کده حجاج قتیبه بی سوق و والی خراسان
نصب ایلد سنی استیذان عبد الملک دخی اذن داده اولوب حجاج
یزید بن مهلبک عزل خبرندن آگاه اولسی مناسب کور میوب بر مکتوب
ارسال و یزید بر امر مهم ظهور ایدوب بحاله طرفه کله کت اقتضا
ایتمکله مکتوب و وصولنده بر ادر یکی قائم مقام و کندک بر آن مقدم
بو طرفه کله سک دیو افاده مرام ایلوب یزید خراساندن حجاج
طرفه محمل بند حرکت اولد قده قتیبه خراسان جائینه راهی و واصل
اولوب منبره صعود ایدر کن دستندن عصاسی ساقط و اهالی خراسان
سقوط عصادن تطیرو تشاؤم ایلوب قتیبه مطلع و عصایی در دست
ایدوب ای قوم دستندن عصانک سقوطی دوستلری محزون و دشمنلری می

مسرور ایدن قیلدن دکلدر بلکه شاعرك بوقولنه اشارت ايدر
 قیلدندردیویتی انشاد ایلدی (فالقت عصاها واستقر بها النوی)
 کما قر عینا بالایاب المسافر (مر ویدر که ابو العباس سفاحدن
 بیعت اولندقدده ایستاده وخطبه به شروع ایلدکده دستندن عصای
 سافط اولوب خلق تطیر ایلدی ویرشخص عصایی زهیندن اخذ
 وغبارنی مسح وید سفاحه تسلیم ایدوب بیت مزبوری انشاد ایلدی
 ونوی فتح نون وقصر الف ایله توجه اولنان جانب معنا سنه اولوب
 مال معنی خلیفه عصا سنی رمی والقا ایلوب اقامت ایچون بوجانب
 مستقر ومتعین اولدی مسافرك وطنه رجوع ایلد قریرالعين وفرحناك
 اولدیغی کبی دیمك اولوب قتیبه دخی سقوط عصا ولایت خراسانده
 مستقر اولمه دلالت ایدردیمش اولدی قد القی عصاه مثل اولوب
 جفن برکیمسه سفردن یاخود آخر برکار دن فارغ ومستقر اولسه ضرب
 اولنور و بومعناى زبان فارسیده جامه نهاد انجا ایله اداومثل اولق
 اوزره استعمال ایدر لر که جامینك بو بیتندن فهم اولنور * شد دلق
 مرفع کرد باده وشادیم * آخر بسرکوی مغان جامه نهادیم * بعده قتیبه
 ماوراء النهر غزا سنه عازم ولشکر فراوان جمع وعسکره بر خطبه
 جلیله قرأت بعده نهري عبور و بلخ ایله مروه میاننده اولان طلقانه
 واصل اولدقدده ملوکك هدیه لر یله ایلچیلری استقبال و اظهار انقیاد
 ایلوب ملوک تركدن طخارستان ملکك ایلچیلری کلوب تختگاهك
 مفتاحنی وهديه وفیره سنی عرض وفرمانبر ومطیع اولدیغن ناطق
 نامه سنی تسلیم ایلوب قتیبه ملک مذکورك اطاعتنی قبول ومصافات
 اوزره اولغسه وعد وقرار ویردی وبلخ خراساندن بر بلده در که اطرافنی
 ترج و سائر فوا که بستانلری اولوب ملوک فرسدن مهراسب دختری
 بنا ایلوب بله تسمیه اولندی بعده تعریب اولنوب بلخ دینلیدی وطلقان
 خراساندن بر قصبه در وخراسانه سینه زمین تعبیر اولنور که هلالی
 بر قصبه سنده بویتی انشاد ایلمشدر * خراسان سینه روی زمین *
 از بهران آمد که جان آمد در * یعنی عید الله خان آمد وبلخك بعض

نواحسی سرکشی قتیبه به عدم طاعتلرنده نیجه زمان بلخده
 اقامت واول قوم کردنکشان ایله حرب وقتال واموال واشیالرین نهپ
 وغارت وکندیلرین سبی واسترقاق ایدوب هر نه طرفه توجه ایلدی
 ایسه ظفرقرین اولدی واول محاربه لك برنده برامکه نك جدی اولان
 برمكك زوجه سنی اسیر وقتیه نك برادری عبدالله بن مسلم تملك وتقریب
 ایلوب زن مزبوره عبدالله بن مسلمدن حامل وخالد برمکی تولد ایلدی
 روایت اخراده سبی اولندیغی وقتده برمکدن خالده حامل ایدی
 بعده قتیبه بخارا ده نهر قریب رأس بادیه ده واقع اولان مداین
 بخارا دن مدینه التجار دیمكله معروف اولان پیکنده هجوم وغزا
 قصد ایلد کده اهالی پیکند بخارا ایله سمرقند میا ننده واقع
 صغد نام بکدنك راهی ضیق وتنگ و دشمنی منع ودفع اسهلدر دیو
 صغده فرا رو تجمع واطراف واکنا فدن عسکر بیشمار تدارك
 و سیر راهلری ضبط وحفظ وقتیه دن تحصن ایدوب قتیبه طرفندن
 بر فرد مرور وعبور ایده میوب عسکر یله قتیبه کامل برای بادیه نشین
 ودشمنه ظفر دن عاجز و تحیرندن سر زمین متفکر اولوب توقفی طاقتکدار
 و بو خبر موخش حجاجه رسیده اولدخی مسلمانان ایله المناك ومحزون
 وخلق قتیبه نك نصرتنه دعا سپارش وامصار وبلدانه دعا ایچون
 آدملری ارسال وتوصیه ایلدی وقتیه کرچه برای پادیه نشین اولدی
 لکن برکون بستر نشین استراحت اولوب هر کون امید ظفر ایله
 دشمن اوزرینه هجوم ودر بندار واروب مهمما ممکن مقاتله ومحاربه
 ایدردی و بخاراماواء النهر قواعدن کثیر البساتین و طراوت آب
 وهوا یه قرین بر لطیف مملکت اولوب پیکند بخارا مداینندن در
 وصغد معرب اولوب فارس سیمی صغد در که بخارا توا بعندن
 اولوب مدبر و امور دیده پیر لر اول بلدیبه نسبت اولنوب پیر صغدی
 دیر لر نکه عریده نجه نسبت اولنوب شیخ نجه دی دیر لر روی
 زمینده دورت تفرجگاه ممدوح جهانپاندر که بری صغد وبری غوطه
 دمشق وبری نهر ایله ایله بصریه قریب بر شهر در وبری شعب

توان که ولایت فارسده در وجهه سندن فرحفراسی سغددر بعده
 قتیبه کندی اتباعندن بندار نامنده برجمی جاسوسی دشمن طرفه
 تجسس ایچون ارسال ایلدوب اهل بخاری بر طریق ایله بندارک قتیبه
 طرفندن جاسوس اولدیغینه واقف اولوب بانددار اگر قتیبه بی خدعه
 ایله تخویف و اوزریمزدن دفع ایدرسک سکا شومقدار مال احسان
 و قتیبه وغیریدن سنی مستغنی ایدرز دیوب وعدلری کذب اولدیغنی
 تأکید ایچون بر مقدار مال معجل انعام و اتمام مرامه رجایلد کلرنده
 بندار بو برامر سهیلدر همان احسان اولنجق مالی اماده ایدک دیو جانب
 قتیبه به رجعت و یا امیر مجلسی تخلیه ایله که واقف اولدیغیم سکا تبلیغ
 ایده یم دیدی قتیبه دخی مجلسندن ضرار الضیی دن ماعداسنی اخراج
 و بندار دن احوالی استقصا ایلدکده بندار یا امیر حجاج ولایت
 عراقدن عزل و آخر کیمسه نصب اولنوب سنن حجاجه اختصاص
 وانتک اولمغله والی جدید عسکر فراوان ایله اوزر یکه کلیم اوزره
 ایش مقاومت ممکن دکلدر همان بر آن مقدم بو محلدن مرو جانبینه
 قاقوب فرار ایتمدن اسلمی بو قدر باقی سز اعلم سز دیدکده قتیبه ضراره
 شوملعون قتل ایله دیو امر ضراردخی اول آن قتل ایلدکده قتیبه یا ضرار
 اگر بندارک تکلم ایلدیکی افسانه فسو نسازینی اتمام محاربه دن مقدم
 بر فرد افشا ایدرسن والله سنی اشد عفو بتله قتل ایدرم زیرا بو مقوله
 خبر مو حش اشکرک ضعف و فتور و تفرقه سنه باعث اولور دیوب صباح
 اولدقده لشکر قتیبه کرد عملره تجمع و محاربه به اماده و متهی اولوب
 بندارک مقتول اولدیغندن خبردار اولدقلرند، قتیبه بنداره حیف و ظلم
 ایلدی زیرا مسلمانانه ناصح و نافع بر آدم ایدی دیو قیل وقال ایلدیلم
 قتیبه دخی ای قوم هندمده مکرو حیله سی نمایان اولمغله ترتیب جزا
 ایلدم دیوب ینه دشمنله محاربه به اقدام و عاقبت باری تعالی قتیبه به
 نصرت و ظفر احسان دوشمنی هزم و پریشان و تحصین ایلد کلری
 تنکناری ضبط و سغدی اخذ بعده پیکنده توجه و عنوة فتح ایدوب
 شول رتبه اموال و خزائن ظفر باب اولد بکه ربلده ده اولمقدار

غنیته دست رسیده اولما مشدی و پیکنده زر خالصدن برصنم اخذ
 و اذا به ایتدربوب یک کره یک والی یک مثقال التون حاصل اولدی
 بعده سنجستانه راهی و محاصره ایدوب ملک قتیبه دن امانخواه
 مصالحه به رغبت قتیبه دخی مساعدده ایدوب خوارزمه توجه ایلدکده
 خوارزم ملکینک برادرندن خوفی اولمغله سرا قتیبه به نامه ارسال
 و برادرنی قتیبه اخذ اتمک شرطیله بر مقدار مال اوزر ینه عقد
 صلحه اظهار رغبت ایلدوب قتیبه مصالحه به راضی و برادرنی اخذ
 و اسیر ایلدی بعده سمرقنده توجه و راهی اولوب نیجه زمان محاصره
 و مقاتله و آخر کار قوم سمرقند مصالحه به راغب اولدقده قتیبه هر
 سنه یک کره یک وایکیوز یک دیناره معجلا و توزیک رأس غلام
 و جاریه که ایچلرنده پیرو علیل و عاجز اولوب جنک آور و عسکری مقوله
 سی سمرقنددن بیرون اولوب و مساجد بنا و منبرلر وضع اولنوب سمرقنده
 داخل و طعام چاشته بی تناول بعده سمت آخره راهی اولمق شرطیله
 مصالحه به راضی اولورم دیدی ملک سمرقند دخی تعیین اولنان اموال
 و اسیرلری قتیبه به ارسال قتیبه دخی اخذ و ضبط ایدوب ای قوم شمعی ذایل
 و حقیر اولدیگر زیرا اولاد و برادرلر بکر حال ملکمه داخل و اسیرم اولدی
 دیوب سمرقنده برجامع بنا و منبر وضع ایتدیروب عسکری اولانلری
 بیرون سمرقنده اخراج و کندی یلان کار زاردن بر مقدار عسکر منتخب
 ایله سمرقنده داخل و بنا ایلدیکی جامعده اداء صلات و نصکره بر خطبه
 قرأت بعده طعام چاشته بی اکل ایدوب ای اهل سمرقند اگاه اولک که
 بن بعدالبوم سمرقندی ترک ایتدیروب تصرف و اقامت ایدرم بکابدل صلح
 تسلیم ایلدی کلکر مالی ینه سیره رد و اعطا ایدرم دیوب صغیری هدم
 و احراق و اتشکده لری تخریب و اعدام ایلدی حتی قتیبه بی اهالی
 سمرقنده غدر ایلدی دیو تعبیر و تعیب ایدرلر و سمرقنده یزد جرد
 دخترلرندن بردختر اسیر و حسن و جمال صاحبه سی اولمغله استخسان
 و ظریفه و نادره دان اولدیغنی امتحان قصیدله بو جاریه دن حاصل
 اولان فرزند هجین اولور دیدکده جاریه بی بدری طرفندن هجین

اولور دیو جواب داده اولدی زیر افرزندك پدر و مادرندن بری بداصل
و فرومایه اولسه اول فرزند هجین دیرل بعده قتیبه ظرافت جاریه بی
پسند ایدوب حجاجه ارسال اولدخی فراش ملکه لایق قدر ولیدین عبد
الملکه اهدا ایدوب یزید بن ولید بوجاریه دن تولد ایلشدی و سمرقند
ولایت ماوراءالنهرک پای تختی و شمر کندك معربی و مرکب براسم
اولوب بری شمر و بری کنددر و اصحاب تواریح اختلاف ایدوب بعضیلر
ملوک بمنندن شمر بن اقر تبش عسکرانجم شمار ایله ارض عراقه داخل
وصین و فارس و خراسان و سجستان خطه سنه متوجه و نیجه بلاد
و قلاعی فتح و صفدی تخریب ایلد کده شمر کندتسمیه بعده تعریب
اولوب سمرقند استعمال اولندی دیدی و بعضیلر روایت مذکوره خلاف
واقع اولوب صحیحی بودر که اسکندرک شمر ناهنده بر جاریه سی مر یضه
اولدقده اطبا از آله مرضه تبدیل هوا لازمدر دیوب سفدك هوا سنی
مدح و وصف ایندکری ایچون شمری محل مزبوره ارسال ایلوب شمر
صحتیاب اولدقده اسکندر نده بر شهر بنیاد ایلدی و کندلسان ترکیده
قریه معناسنه اولوب شمر ایچون بنا اولندیغندن شمر کندیعنی شمر
قریه سی تسمیه ایلدی لر دیدی مر ویدر که سمرقندك جاق وسطنده
بر مقام جنت آساواردر که ایکی کر میاننده واقع اولمغله نامنه
بین الطاقین دیرل و اول موضعده بر شاهجوی روان و اطرافنده نشینلر
اولوب هر وقت عصرده شمرای سمرقند جمعیت و مشاعره
ایدرلدی ینه برکون بوجه معناده مجتمع و مشاعره ایدرکن سمرقندی
شاعره و ظریفه برنکار خوش رفتار و ایدی که نهالی دیملکه شهرت شعار
ایدی اسب نازه سوار و اول جای فر حفزادن کذار و جمعیت
شعرا ینه دوچار اولدقده عنان کشیده اولوب ای یاران صفا بوشب
خاطره بر مضمون کلوب بکر اولق زعمیه بو بیتده بشلدم دیوب *
هلال نیست که براوج جرخ جا کرده * فلک بکشتن من تیغ رهوا کرده
* یثنی انشاد ایلد کده شعرا دن مشفقینک طبعی هرله جسیان اولمغله
بالیده * منار نیست که بهلوی طاق جا کرده * زمین بکادن تو کبر رهو

کرده * یثنی انشاد ایلد کده نهالی شمر منده و سرافکنده اولوب کندی بعده
قتیبه صین و کا شغره توجه و غزا ایلد کده ملک صین قتیبه به ایلی
ارسال و طر فکزدن بر قج آدم کوندروب دین و عادتکزی مزبورلردن
استعلام ایده بم دیو الناس قتیبه دخی اشراف قبائلدن هیئت و جمال
صاحبی ده مردان دوان جنک انتخاب و ارسال انلردخی مجلس ملک
صینه البسه فاخره و لطیفه ایله داخل اولدقلرند ملک صین قطعاً
مکالمه و التفات و احوال قتیبه دن استنطاق ایتیموب مجلس سکوت
ایلر رسیده انجم اولوب ایکنجی کون اول دلاوران شجاعت پیشه
جبه و جوشن ایله الات رزمه مستغرق اولوب هر بری بر شیر غرنده کی
جوش و خروش ایده رک مجلس ملک صینه کیروب اظهار مهابت
ایلد کلرند ملک صین دونکی لباسلرینی تبدیللرندن استعلام اول مردان
صلابت زهین دخی ای ملک دونکی کون لابس اولدیغمر جامه لراحبا
واصد قاهره همیزم و صحبت اولدیغمر و قنده لابس اولدیغمر لباس
اولوب بوجامه لری کار زار کونده دشمنه مقابل و جان و تنی فدا و خون
دشمنی ریزان ایلدی کمز کونده لابس اوورزدیو دایرانه جواب و برد کلرند
ملک لاف و کذاب ایله تخویف قصد ایدوب ای قوم رئیسکز اولان
شخصه افاده ایدک که بو آن تختکا همدن قالقوب سمت آخره راهی
اولسون زیرا عسکر ینک قلت وضعنی معلوم اولدی اکر امریمه
مخالفت ایدرسه بر مقدار عسکر ارسال و مجموعنی طعمه شمشیر ایدوب
نام و نشانلرین روی زمیندن رفع ایدرم دید کده اول مردان شجاعت
پیشه لرای ملک بو گفتار بی معنی و سخن نایجابی نیجه تکلم ایدرسن
که امیر مز قتیبه نک اشکرانجم شمار ینک بر طرفی سنک تختکا هکه
رسیده و طرف آخری شام زیتونلغنده اووب نیجه زماندر که ضبط که
داخل قرا و قصباتی تخریب و پریشان ایده رک تختکا هکه واصل
اولنجه سن دفع و مقاتله سنه قادر اولوب خوفندن قلعه که تحصن
ایلدک ایدی آگاه اولکه امیر مز قتیبه بو محله سنی طلب ایده رک
کلشدر و بو نیتندن اتی برشی رجوع ایتر مز دید کلرند ملک صین

ملازمته شروع ایدوب امیر یکنزک بندن مطلب و مرادی نه در
اعلام ایدک دید کده مردان عرب ای ملک امیر یمن حلف بالله ایلدی که
سنگ حکومتگاهک خاکنی چکنیوب کردن ملوک خاتم و مهر ضرب و جزیه
وضع ایتدیکه عودت و رجعت ایتیه دیو افاده مرام ایلد کلرنده ملک
صین ای مردان سهولت ایلد قتیبه یمننده بار اولوب بزرگ متضرر الموق
مکندر دیوب التون صحیفه ره خاك وضع ایتد یروب
شهرزادگانندن برقع نوجوان ایلد خاك وضع اولسان صحیفی قتیبه یه
ارسال و یمننده حانت اولماق ایچون صحیفه رده اولان خاکه پای
کوپ و شهرزادگانک کردنلرینه ختم زن اولوب مراد ایلدیکی مقدار
جزیه وضع ایلسون دیو نیاز قتیبه دخی مساعده و مال فروان وضع
واخذ ایدوب سمت آخر غزاسنه عطف عنان و هر توجه ایلدیکی
طرفه ملوک اما نخواست و تسلیم خزاین و ارسال تحف کرانبها ایلد عرض
اطاعت ایلدیلر و قتیبه ماوراء النهر ممالکنی بالجهله فتح ایتدیکه صیت
و صداسی آفاقه منتشر اولوب معبد مفتی قتیبه نک مشرقده فتح ایلدیکی
یدی قلعه که هر برینک فتحی ملوک ماضیه یه متیسر اولوب متین
و مستحکم اولدیغندن ماعداتکننا و صعب الوصول محللر ده اولمغله
قلاع معهوده یه تقرب اصعب ایکن فتحلاری قتیبه یه متیسر اولدیغنه
حسد و معارضه قصد یله یدی صوت اختراع ایلدیکه هر بری برمشکل
مقامده و تعلم و فهمنده استادلر عاجز اولوب حیرتده موسیقی شناسان
اولمغله اول صوتلره مدن معبد تسمیه ایلدی و قتیبه جانب مشرقده
اوج سنه امیر و هیبت و عظمت و دهشتی شرق و غرب به منتشر و امتثال
و اقرانته هر وجهله فائق اولوب خلافت سلیمان بن عبدالملک
انتقال ایلد کده سلیمان یزید بن مهلبی والی خراسان و قتیبه بی عزل
مراد ایلدیکی قتیبه نک رسیده کوشی اولوب سلیمانک خلافت سعي
و کوشش ایلشدر و جاحظدن مرویدر که وقتا که قتیبه نک سلیمان
بن عبدالملک کندوبی خراسانندن عزل و یزیدی نصب ایتدک مراد
یلدیکی معلومی اولدی سلیمان اوج مکتوب تحریر و بر معتمد علیه آدمه

تسلیم ایدوب شو مکتوبی ایتدا سلیمان ایصال ایلد اگر بعد القراءه
یزیده و یرسه بو کاغدی تسلیم ایلد و بعد القراءه بکاشتم و دشنام ایدر سه
بو کاغدی اعطا ایلد دیو توصیه و ارسال رسول دخی مجلس سلیمان داخل
و سیارشی اوزره کاغدک برینی تسلیم سلیمان دخی بعد القراءه یزید
این مهلبه اراءت ایلدی و اول کاغده یا امیر المؤمنین بن سکا و آبا
واجداد کزه صداقت ایلد بو قدر سنه خدمت و مأ مور اولدیغیم اومورده
استقامت و هر وجهله سزله اطاعت و نیجه بلایا و محن و درد و مشقت
اختیار ایدوب دولتکز امکدار لرندن و بر خدمته تقصیرات ایتیبوب
هر نه خدمته مأ مور اولدیم مراد بکک اوزره تکمیل و عرض و دولتی
صیانت ایدر کن بنی عزل انصافیدر دیو تحریر اولمغدی بعد ایلچی
ایکنجی کاغدی و یروب سلیمان قراءت و قتیبه یه شتم و دشنام ایلدی
و اول کاغده یا سلیمان عجیب و غریبدر که سن این رجه یه اعتماد
و اسرارکی افشا و ایداع ایدوب مکر و خدیعه سندن امین اولور سن
که پدری اولان مهلب تسری ایلدیکی جوار یه فعل قبیح ارتکاب
ایتسندن امین اولمزدی ایلدی یزیدکی ولدان نانک پدری اول مقوله امر
کریمه تجاسر ایدر احتمالی و یروب زنانی محافظه ایدر کن سکا خیاتی
اولی ایکن بنم کی صداقتکاری عزل و اول مقوله بد سرشتی نصب
ایتدک مراد ایلده سن دیو تحریر اولمغدی بعد ایلچی ورقه سیومی
دست سلیمان صونوب آتی دخی قراءت ایلدیکه اول کاغده بغی
و عصیان صورتی کوسرتوب (من قتیبه الی سلیمان اما بعد والله لا وثق
لك آخیه لایزعهها المهر الارن) تحریر اولمغدی او وثق اشدوار بط
معناسنه اولوب آخیه مد ایلد جبل قطعه سنگ ایکی طرفنه برطاش
ربط و بند و طاش ایلد طرفلرینی زمینه دفن و محکم ایدوب عروسی
یعنی ایلکی روی زمینه آشکار قالوب دایه ربط ایدر لر و نزاع یرسنندی
یرندن قو پارمغه دبرلر و مهر ضم میم ایلد طای معناسنه اولوب ارن
نشاطلو و قوتلویه دبرلر یعنی سکا بر ایلک ربط و بند ایدر مکه اول
ایلکی نشاط و قوت صاحبی اولان طای قوپاره مز و معنای لازمسی

بو کاغد قتیبه دن سلیمان در والله سکا بر مکر و خدیعه ایدر مکه
دفع و از آله سندن عاجز و فرو مانده و اورسن دیمک اولوب سلیمان
قتیبه دن بو وضع نام امولی مشاهده ایلوب قوت و شوکتی و اجر اسنه
قدرتی معلومی اولغله قتیبه یه ولایت خراسانی ابقا و تجدید و نفیس
خلعتلر ارسال اولغسنه امر ایدوب اوزرنده خراسانی مقرر ایلدی
بعده چوق زمان مر و رایتیوب یسه خلافت سلیمانده اتباع سندن
بطانیه و مقرب اولانلر عصیان و قتیبه بی قتل ایلد کلرنده اهالی شرق
قتیبه نک وفات و هلاکنه ماتم و کریه و زاری ایلدی و عجملردن بر شخص
تباع قتیبه یه ملا متکلمان ای قوم عرب قتیبه بی قتل و حبیف ایلدی بکر
از الله اگر میانم زده حتف انفه وفات ایتش اولسه بر نابوته وضع و انواع
اجواهر ایله ترصیع و احترام و دشمنلر یزله محاربه ایلد بکر زده پیش
لشکرده کتوروب نصرت و ظفره جسدیله تبرک و تقاول ایدردک دیدی
و قتیبه نک کثرت عقل و علم و فصاحتیه دلالت ایدر اخبار کثیره سی اولوب
و جمله بر وقتده قتیبه یه حجاج بر مکتوب ارسال و یا قتیبه تحت
نکا حده اولان قطن هلالینک دخترنی بی جرم تطلیق ایلدم سن
زوج ایله دیو تحریر ایلوب جوابنده یا امیر سنک هر سوار اولدی بکر
مطیبه یه سوار اولق اقبیح امور دندر دیو تحریر و ارسال ایدوب حجاج
پسند و حیف مادر قتیبه یه بورتیه عاقل و کامل اولان کیمسه ایچون
خلق بکانشیه ملامت ایدر دیدی و مادر قتیبه یه حیفدن مرادی
باهلی اولدیغن اشعاردر و بروقتده عبدالملک حجاجه ارسال ایلدی بکی
مکتوبنده (انت قدح ابن مقبل) دیو تحریر ایلوب حجاج بو کلامدن
عبد الملک مرادنی فهم ایده میوب قتیبه یه عرض و مرادی حل و بیان
ایلده دیو مراجعت و قتیبه دخی روایت شعره اعلم اولغله یا حجاج ابن
مقبلک بر قدحی اولوب نعت و وصف ایتک مراد ایلوب بو بیتلری انشاد
ایلمشدر * خدا و هو مجدول فراح کانه * من المس و التقلب بالکف
افطخ * اذا امتخت من معد قیلته * خدا ربه قبل المفیضین تقدح *
مال معنا مقدما اول قدح محکم و قوی ایدی شمدی کثرت استعمال ایلده

کوشک و ضعیف اولدی جن معددن بر قبیلله اول قدحی تجربه و امتحان
ایلسه یعنی اول قدح ایلله قارملاعیه ایلسه اول قدحک صاحبی قارملاعیه
سنی ایدوب حصه و نصیب اخذ ایتک صد دنده اولانلردن مقدم اخذ
ایده جکی لجم ایچون آتش اماده ایدردی یعنی کندی سهمنی مدح ایدر که
عادت عرب اوزره ميسر دیمکله معروف اولان لعب که قاردن بر نوعدر
هر نه زمان قدحله ملاعبه ایلسه لر سائر ملاعبله غالب و فائز اولور
و کثرت ملاعبه دن قدح محکم ایکن ضعیف اولدی و بومرتبه دائما
بو قدح ایله بین الملاعبین اقسام اولنان لجمی اخذ ایلدی بکجه تعجب اولور
و یقینا لجمی اخذ ایده حکم معلوم اولوب ملاعبه یه شره عدن مقدم
اخذ ایده حکم لجمی طنبجه آتش اماده ایده رم دیمکدر دیوب تفصیلدن
صکره قتیبه نقل ایدر که ابن مقبل بو قدحی یتش کره قارده فائز و غالب
و لجمی اخذ ایتکله قدح ابن مقبل ایلله ضرب مثل اولندی کان عبدالملک
حجاجه قدح ابن مقبل سن دیمکدن مرادی او مور کده جمله یه فائق
و فائز اولوب هر نه کونه امره مباشرت ایدرسک اتمام و اكمال ایدوب
بین الامثال ممتاز و مسلم اولدک دیمک اولور * معلوم اوله که ميسر دیدکری
قاردر و یاسر مقام معنا سنه اولوب ميسر قارک قداحی اولوب قدح سهمنه
دیرلر و قداح ميسر اون عدد سهم ویدیسی ایچون نصیب و حظ
اولوب هر بر قدح اوزرنده نصیبی مقدار بجه خطوط و علامات رسم
اولمشدر و اوج قدح ایچون نصیب و حظ اولوب علامات خطوط
رسم اولنمشدر و بو اقداحه افلام و ازلام دخی نهمیه اولور اوزرینه
خطوط رسم اولنان حظ و نصیب صاحبی اولان قداحی الوب اسملری
فدتوأم رقیب حلس نافس مسبل معلی در و عقل و بی بهره اولان
اوج قدحک اسملری سفیح منیع و غدر و ذبح و نحر اولنان جزور
روایت جهورده عدد قداحه کوره اون جزءه تقسیم اولوب اصمعی
روایتده عدد خطوط قداح اوزره بکرمی سکز جزءه تقسیم اولور
زیر اقداح سبعة رسم اولنان خطوط جمع اولنسه بکرمی سکز اولور
و توفیق روایتین ممکندر که بعض عرب اون جزءه و بعضی بکرمی

سکر جزء تقسیم ایتلری جائز در ایددی فذ ایچون بر سهیم توهم ایچون
ایکی سهم رقیب ایچون اوج سهم حلس ایچون دورت سهم نافس
ایچون بش سهم مسبل ایچون الی سهم معلی ایچون یددی سهم اولوب
ثلثه باقیه که عفل دیرلر انلری بهره اولوب بجن مقامه مراد ایتسه لر
نسبت بر جزو اشتراء و ذبح و تقسیم معهود ایله تقسیم و قداح عشره بی
ربابه نسبه اولنان خریدیه وضع و بر معتمد علیه کیمسه به تسلیم
اولنوب اول کیمسه قداحی خریدیه ده تقایب و تحریک بعده یددی
خریطه به ادخال و مقام لر دن بریچون بر قدح اخراج ایدوب بعده
برینه دخی ثم و ثم اخراج و هر کیمسه به که بر قدح اخراج ایده اگر
ذوات انصباده ایتسه قدحه ده مرسوم اولدیغی اوزره نصیبی اخذ
ایدروا اگر اخراج ایلدیکی قدح بی بهره اولان قداحدن ایتسه جزو ردن
حصه اخذ ایتوب ثمن جزوری تماما غارم اولور و ذوات انصباده
بر قدح برینک نیتنه اخراج اولنوب اقسام عشره دن دخی لحسم
بولماسه مثلا ابتدا قدح معلی چیقوب صا حی یددی نصیب المش
بعده رقیب چیقوب اوج نصیب المش بولینوب جزو ردن برشی
باقی قالدیغی صورته نصیبی قدح چیقن کیمسه نه غارم و نه
غارم اولور کذلک ابتدا قدح معلی چیقسه یددی جزء آلوب بعده
مسبل چیقسه که نصیبی الی در ایچوق بقیه اولان جزئی اخذ ایدر
حاصلی میسر اوج قسم اولوب بر قسمی فائز اولانلر و بر قسمی محروم
بلاغرم اولانلر و بر قسمی محروم و غارم اولانلر در بوضو تلو روایت
جهوره کوره دراما روایت اصمعی به کوره جزو یکریمی سکر قسمه
تقسیم اولنسه اصحاب میسر ایکی قسم اولوب بری غارم و بری
غارم که (حن قدح لبس منها) فقره سی شرحنده تفصیل
اولنور (و قتیبه ابتدا خراسانه والی و داخل اولد قدح شعرای خراساندن
بری مواجد قتیبه ده بویتلری انشاد ایلدی * شد العصاب علی البری
وما جانی * حتی یکون لغیره تنکیلا * والجهل فی بعض الامور وان علا
* مستخرج للجاهلین عقولا * و شد انه عصاب عصابه باغلدی معناسنه

اولوب بری یاره دن عاری اولان کیمسه معناسنه در وجنی جنایتدن
مأخوذ اولوب جنایت صوج ایتک معناسنه در و تنکیل بر کیمسه به
عقوبت ایدوب خلقه عبرت ایتک معناسنه در و علو غلبه قلمغه دیرلر یعنی
بر یددی مقتضی یوغیکن خراساندن عزل و سنی نصب ایدنلر جهل لرینه
بناء ایلدیله البته متضرر اولور لر مراد ایتکله قتیبه غضب و عتاب
ایدوب والله بن سنکله بر بلده ده ساکن اولمام دیوب شخص مزبوری
دیار آخره نفی واجلا ایلدی و قتیبه بر غراسنده ازد قبیله سندن
بر شخصده جلد شتر دن اطرافی ریزه ریزه اولوب محاربه ده طعن
دشمنه ممانعته مفید اولیه جق رتبه سیر کهنه مشاهده ایدوب
یازدی ابن ریهه نک سیری سنک سیر کدن خیر لودر یددی که ابن
ریعه بر کون محبوبه سی خرگاهندن بر قج زنی کندویه ستره و ورالردن
خفیه بیرون اولوب زمان کان کندویه رقبانک نگاه انداز اولمسندن
سیر مثابه سنده اولوب کندوی ستر و حفظ ایلد کلرینه بناء بویتی
انشاد ایلشدی قتیبه نک مرادی بو بیته اشارت ایدی * فکان مجنی
دون من کنت اتی * ثلاث شخصو کاعبات و معصر * مجن کسریم ایلله
قلقان و سیر معناسنه و کاعب دختر نور سیده معناسنه اولوب معصر
ضمیم و کسر صاد ایله هنوز بالغه اولان دختر معناسنه در یعنی بنم
ورا لرنده نستر و اختفا ایلدوب سیر انخاد ایلدیکم زنان اوج نفر نور سیده
دوشیزه ایدی دیوب دختر لری سیر مثابه سنه وضع ایلدی و قتیبه
ازدی به بو گونه لطیفه ایلد کده ازدی یا میر بوسیر سنک نقل
ایلدیکن سپردن زیاده حفظ و حراست ایدردی یعنی انلرده نیره توقف
ایچوب بنم سپردن زیاده سهولت ایله کذر ایدر دیوب محل معهودک
وصفندن کنایه ایلدی و از دینندن بر حی اولوب ازد بن غوث بن نبت
بن مالک بن کهلان بن سبادر و قتیبه نک گفتار پند آمیز ننددر که
بر کیمسه دن مر امک اولوب بنه اول کیمسه دن مر ام و مر اجعتی اولوب
تخصیله کوششی اولان شخصدن استمداد و استعانه ایله که کنددی
مر امی تخصیله سعی اوزره ایکن ترک و سنک حصول مراد که امداد

واعانت ایلز و کذب اولان کیمسه دن استمداد ایلله که کذب دورو بعید
اولان اوموری تقریب ایدوب حصولی نزدیک و قریب اولانی ابعاد
ایدر و احقندن استمداد ایلله که سنک فائده مند اولمه کی مراد ایدوب
نامعقول امره مباشرت ایلله متضرر و زور خندار اولمکه باعث اولور و قتیبه
رکون مزبله طرفندن مرور و استخوان و سائر لوث معاینه ایدوب
برشیئک که آخر و انجای بو محله رمی و القا و لثیق اقتضایده اول شیئی
خلقدن دریغ و امساک ایدن کیمسه بخیلدر یعنی برشیئ یوقدر که
محافظه اولنوب خلقدن دریغ اولنه همان وسع مرتبه سنی کرم
واحسان ایتلدر زیر انجای مزبله یه رسیده اولور دیدی * و المهلپ
اوهن شوکه الازارقه بجدک * و مهلب ازارقه دیمک ایلله معروف اولان
خوارجک شوکت و عظمت سنک سعی و اهتما مکله ضعف و قیور
و یردی مومی الیه مهلب بن ابی صفره در که اسمی ظالم بن سراقه بن
صبح الازدی العتکی البصری در که امر انک بزرک و شجاع و سخنی و جواد
مشهوری اولوب دولت آل ابوسفیانده نشو و نما بولوب عبدالله بن
زبیر خلافتده مصعب بن زبیر بصره و انیسوی اولوب مهلبی طرفندن
توکیل و بصره بی ضبط ایدوب بعده عبدالله بن زبیر مهلبی خراسانه
والی نصب و تعیین ایدوب خراسانده والی ایکن خوارج ایلله محاربه
و مقاتله و حجاج زماننده وفات ایدنجه خوارج ایلله مقاتله سی مستمر
و متعادی اولمشدر و عتک عر بدن برحیک اسمی اولوب نسبت اولدقده
عتکی دیرل و ازد بوندن مقدم بیان اولمشدی و مهلب سمرقنده
انهای مقاتله ده مجروح العین اولوب یکچشم ایدی و مهلب زمانده
کلنجیه رکاب خشیدن پرداخته اولنوب مهلب آهندن اختراع و ایجاد
ایلمدی و معلوم اوله که احنفلک سیادت و شرف تحصیل و مراتب علیایه
وصولی حلم ایلله و مالک بن مسمعک عشیر تنده محبت ایلله و قتیبه نک
ذکا ودها ایلله اولوب مهلب شجاعت و سخاوت ودها و عشیر تنده
محبت ایلله تحصیل سیادت ایلمشدر و ازارقه دیمکله معروف اولان قوم
ضلات پیشه خوارجندن سالك مذاهب باطله اولان نافع بن عبدالله

من

ابن الازرق الخارجی علیه ما يستحق من بور نافع ایلله بصره و اهوزا
وسائر بلدان فارسدن ظهور و خروج و روز بروز عظمت و قوت
و جمعیتلری مز داد و مدن و امصاره تغلب و ضبط و تمکک ایدوب
ظلم و تعدیلری اول حوالیده شایع و منتشر اولوب مز برر نافعک مذاهب
باطله و اعتقادات قبیحه سنی کندویه تابع اولان قوم بد سرشت
و بد اعتقاد هر وجهله مز بوره اتباع ایلمشلردی از جمله حاشا ثم حاشا
علی کرم الله وجهه حضرت تلمیذی حکیم مشهور سبیلله اکفار
ایدوب (ومن الناس من يعجبك قوله في الحياة الدنيا ويشهد الله
على ماني قلبه وهو الذا لصام) آیه کریمه سی علی کرم الله وجهه
حقنده نازل اولدی اعتقاد ایدر لردی معنای نظم کریم یا محمد ناسدن
بعضدر که امور دنیاده و اسباب معاشده و سکامحبت ادعا سنده و اظهار
ایمانده قولی سنی انجباب ایدر و قلبنده اولان قوانیه موافق و مطابق قدر
دیو عین ایدوب باری تعالی بی اشهاد ایدر حال بو که اول کیمسه مسلمینه
شدید العداوت و آیه مذکوره بر روایتده اخنس بن سریق ثقی حقنده
نازل اولمشدر که مز بور اخنس رسول الله صلی الله تعالی علیه وسلم
حضرت تلمیذک مجلس شریفلرینه ملازم و مدعی اسلام اولوب حسن المنظر
و حلو المنطق بر منافق ایدی روایت اخرا ده جمیع منافقین حقنده نازل
اولمشدر و مذکور خوارج (ومن الناس من يشرى نفسه ابتغاء مرضاة الله
والله رؤف بالعباد) آیه کریمه سی علی کرم الله وجهه
حضرت تلمیذک قتلنه نجاسر ایدن عبد الرحمن بن ملجم تجبینک
حقنده نازل اولدی اعتقاد ایدر لردی معنای نظم کریم ناسدن بعضدر که
جهاد ده نفسنی بذل ایدر یا خود امر بالمعروف و نهی عن المنکر ایتمه ده
نفسنی فدا ایدوب قتل اولنور و آیه مذکوره صهیب بن سنان رومی
حقنده نازل اولمشدر که مومی الیه صهیب بن سنانی مشرکون اخذ
و مرتد اولمشچون تعذیب ایلد کلر نده صهیب رضی الله عنه بن شیخ
کبیر اولوب سزکله معا و اسم سزده نفع و فائدهم اولمادیغی کی علیه کزده
اولدیغمده دخی ضررم یوقدر ایمدی سبیللمی تخلیه و جمیع مالی اخذ

ایده دیوب مشرکون مالی اخذ و کنند و بی زاد ایلد کلرنده مدینه
منوره به کادی و باری تعالی قوللرینه رأفت اید یجیدر که بومقوله شرابه
ارشاد ایدر و جهاد تکلیف و ثواب غزاة و شهدای تعریض و احسان
ایدر (و نجیبی حیردن بر قبیلہ اولوب مراد قبیلہ سنه خلفادر و ابن ملجم
قبیلہ نجو بدندر و نجیب کنده دن بر بطندر که نجیب بن کندی بن وردر
و بوتقدیر اوزره ابن ملجم نجو بی اقتضایدر و فردوسی * هر انکس که
درد لش عیدست * ازودر جهان زاره ترازار کیست * نباشد جزازی
بی پدر دشمنش * که بزداں بسوزد باآتش تنش * قطع دینی مزبور این
ملجم حقنده انشاد ایلد شد و بی پدر امثال دن اولوب بر کپسه
حقنده ولد الزنا در دیو قیل و قال اولسه * فلان کس بی پدرست *
دیرلو و بوطائفه خیانت شعاره هر کیم مذاهب باطله لرنده اتباع ائمه
اکفار و دمنی استحلال ایدر لردی و کند یلرله معامله نانی قتل ایتکه
اعانت و امداد ایتیلر دخی اکفار ایدوب بز دن دکلدر دیرلر و هر کپسه
که مرتکب کبیره اوله کافر اولوب سائر کفره ایله مخلد فی النار اولوردیو
حکم و کفر ابلبس ایله استدلال ایدر لردی که ابلبس و حدایت باری به
مقر و سائر اعتقاداتی معترف ایکن فقط حضرت آدمه سجده ایله امر
اولند قدده عدم امتثالی کبیره اولمغله مخلد فی النار اولسنه باعث اولدی
دیوب بونک امثالی نیجه مذاهب سینه و باطله به ذاهب اولمشلردر
خالد بن خداشدن مرویدر که یوما فیوما خوارج متراید و میا نلرنده
مذاهب باطله متکثره اولمغله اختلافات کثیره ظهور ایدوب رئیس
ازارق اولان نافع بن ازرق اهوازده مجمع ناس اولان چار سوده کندی
مذهب باطلنی خلقه عرض و دعوت و کندی مذهبنده مشکک
اولد یغن محرملرینه اظهار ایدوب بر کون زوجة ملعونه سی
تشککندن اکاه اولوب یا نافع اگر ایمانی تارک اولد کسه بومذ هیدن
رجوع و خلای دعوتدن فراغت ایله و اگر کافر ایکن بومذ هبه ذاهب
اولمغله ایمانه کلد کسه سکاتباع ایتجوب اسلام دعوا سنده اولان کافر لری
زنان و کودکانه و آنچه قتل عام ایله که مذاهب باطله بی قبول ایده ل

ومصر اولانلردن روی زمینی خالی ایله که نوح علیه السلام (رب لاتذر
علی الارض من الکافرین دیارا) بیوردی دیوشوهر ینک خبت و ملعنتی
ناید و تا کید ایلد کده نافع توابعیله سل سیف ایدوب قتال مسلمانانه
مبادرت و رجال و نسوان و صبیانندن مذهبنی منکر و اسلامده ثابت قدم
اولنلری قتله مشغول و هر بر بلده به که و اصل اوله اهل یسی انکار ایدر لرسه
قتل و اتباع ایدر لرسه اوزر لرنه جبايت و خراج وضع ایدوب قوت
و ممکنتی و جور و ظلم و ملعنتی روز بروز مترقی اولوب طرفدن بلدانه
ضابط و عامللر تعیین و ارسال ایلوب بصره به توجه و قریب اولد قدده
اهالی بصره خوفناک و دفعنه چاره جو و احنف بن قیس مجلسنه مجتمع
و پریشانی احوال دن تشکی و خوارجک توجهی بصره به اولوب برایکی
مرحله نزدیک اولد قلی بن اعلام و اندفاعلرینه رأی و تدبیر اعلام
ایلد کلرنده احنف نادره دان صاحب اذعان بوسه کونه جواب داده
اولدی که ای قوم طائفه خوارج اکرم سزک بلده کزه توجه و هجوم
سزدخی غیرت اسلامیه به مراعی اولوب سرفرو ایدر سه کز بوندن
اقدام داخل اولد یغی بلدانده نه رتبه اجرای ملعنت و جور ایلدی
ایسه بصره ده دخی مقتضای خبت طبعی اجرا ایده چکی امر
مقرر در ایلدی لایق ناموس اسلام بودر که اتفاق و اتحاد و تجمع ایدوب
ریاسته اهل بر کپسه بی رئیس اتحاد و خوارج بصره به کلمزدن مقدم
سرراهن آلوب مقاتله و دین و مال و عیال کزی دست قطاوول دشمندن
محافظه به سعی و کوشش ایده سزدید کده احنفک بندی ناسه تأثیر
و بونک اوزرینه فاتحه خوان اون بیک مسلم مسلح تجمع و شجاعت
عربدن مسلم بن عنبس امیر و سرعسکر نصب اولوب بصره دن
بیرون و سمت دشمنه توجه و ذولات دیمکله معروف موضعده وصوللرنده
نافع بن ازرق التیوز خارجی ایله رونمون و عسکر بصره به هجوم
و مقاتله شدیده اولوب اتشای معرکه ده سپهسالار بصره اولان
مسلم بن عنبس ایله رئیس خوارج اولان نافع قتل اولوب ایکی طرفک
رئیسلری معرکه واحده ده قتل اولسنه خلق تعجب ایلدی بعد

اهالی بصره ربیع بن عمرو وازارقه به عبدالله بن الماخور امیر
وسر عسکر اولوب ربیع دخی قتل اولدوقده حجاج بن رباب اولدخی قتل
اولنوب حارثه بن بدر امیر اولدوقده میان عسکرده ندایله ای قوم ثابت
قدم اولوب دشمنله مقاتله به اقدام ایدیک اگر باری تعالینک عونیه
نصر تقرین اولورسق مال غنائمدن عرب اولانلره ایکی حصه ومعق
اولانلره بر حصه زیاده تقسیم ایده رم دیو محاربه به حث وترغیب
عسکر دخی صرف مقدورایله حرب و قتاله اقدام ایدوب ایکی طرفدن
شول رتبه عسکر قتل اولندی که سوار اولدقلری اسیر لاشه لراوزرنده
مشى و حرکت ایدرلردی وازارقه به کمال مرتبه ضعیف طریان
وانهراملری بید و نمایان اولوب فراره متوجهلر ایکن جانب بمامه دن
عسکر فراوان کلوب ازارقه به امداد و اعانت ایدوب اهالی بصره دخی
بی تاب وتوان اولملریله طاقت کتوره میوب انهرام رونما اولدوقده امیرلری
اولان حارثه فرار و قومه بوییتی انشاد ایلدی * کربواودولبوا * و حیث
شتم فاذهبوا * یعنی جنکدن تجنب ایدوب دونک ونه طرفه استر سکن
ذاهب و راهی اولک دیمک اولغله عسکر بصره منهرم و خوارج درقفه
ورسیده اولدقلرینی قتل ایدرک اهالی بصره نک سر راهلری برنهر
انجامیده اولدوقده خواه و نخواه کندیلمرین نهره القاواکثری غرق و هلاک
اولوب اهالی بصره دن اول نهرده هلاک اولنلریک اکثری قبیله ازددن
اولغله ازارقه دن بر ملعون بوییتی انشاد ایلدی * بری من جاء ينظر
فی دجیل * شیوخ الازد طافیه لحاها * یعنی کلوب نظر ایدن
ازد قبیله سی پیرلرینک ریشلرینی یوزر مشاهد ایدر و بوهزیمتدن
اهالی بصره مضطرب و پریشان حال و خوارجدن درونلرنده خوف
ورعب جایگیر اولوب مخبر و ناچار ایکن عبدالله بن زبیر طرفندن مهلب
خراسانی ضبطه محمل بند و مطیه سوار اولوب بصره معبری اولغله
برکون کلوب صره به نازل اولدوقده احنف اعیان اهل بصره به مرده کنان
والله مقتضای باوری بختدر که بواسطراب و عجز انشاسنده مهلب
کچی بر شجیع و مدبر امیرکله که سزراچون ازارقه دن اخذ انتقام ممکن

اولز الا مهلب اعانتیه اولور همان مهلبدن استمداد واستعانت
ایدککه بو مصیبت اوزر یکزدن مندفع اوله دیو پند اهالی بصره
دخی مهلبدن استمداد ایلدکلرنده مهلب ای قوم امیر المؤمنین عبدالله بن
زبیر طرفندن ضبطه خراسانه مأمور و تأخیر ایلدیکم حالده امیر المؤمنینک
امرینه مخالفت ایتش اولورم دیو میراملرینه مساعد ایلدکده
اهالی بصره احنف تدبیری ایله عبدالله بن زبیر حضرتلری طرفندن
اولق اوزره یا مهلب بوندن اقدام حسن بن عبدالله ازارقه نک طغیان
و خروجلرین وجیوش مسلمانانی پریشان و قتالی اکشار ایله اسایش
وراخترین ازاله ایلدکلرین خصوصاً اهالی بصره بی کمال مرتبه
تعجیر و تکدیر ایلدکلرین طرفه اعلام ایلشدی ایمدی مکتوبیم وصولنده
خراسانی ضبطدن بواسطری مسلمانان اوزرندن رفع واره احق
واصوب اولغله خراسانه ذهابی تأخیر و اول ملا عیندن انتقام
و مسلمانانی خلاص و شراره شرلرین اهل اسلام اوزرندن دفع و اطفا
بعده مأمور اولدیغک جانبه عطف عنان ایلدیکم مضموننده بر مکتوب
ساخته و پرداخته ایدوب مهلبه ایصال مهلب دخی مفهوم مکتوبه
مطلع اولوب ای قوم کرچه خلیفه دن مقاتله وازارقه به مأذون اولدم
لکن ازارقه دن اخذ ایلدیکم غنائم بنم اولوب زاد و ذخیره می بیت المالدن
ویروب سزراک فرسان و پیاده ک انکرزدن مراد ایلدیکم عسکری
انتخاب و بمنله معامحاربه به راهی اولق شرطیه مقاتله ازارقه به
شروع ایدرم دیدکده اهالی بصره رضاداده و طلب ایلدیکم ذخایری
بیت المالدن تعیین ایلدیلمر لکن اهالی مزبوره دن بنوامسمعدن بر طائفه
رضا ویر میوب مهلب اول طائفه به بغض و عداوت ایدوب خوارج
طرفنه راهی و مقاتله به آغاز و شول رتبه اقدام و مقاتله ایلدیکم خوارج
کندوره مقاومت ایدر آدم اولدیغنه هنوز مطلع اولدیلمر اهالی
بصره نک ساخته مکتوبی قصه سی عبدالله بن زبیر واصل اولوب
فی الحقیقه بر صنعت مستحسنه اولغله مساعد و مسامحه ایلدی بعده
مهلب مقاتله خوارجده حزم و احتیاط ایله عمل ورآی و تدبیر و مطاولة

ایله ترك مسامحه و كسل ایلوب عیون و جاهلری ضبط و محافظه همچون
 حارس و حافظ لر تهمین دائم الشکری صف کشیده قتال و کرد عملیه مجتمع و بی
 خواب و راحت عازم استیصال اولمیشله هر چند که از ارقه مهلب اوزرینه
 هجوم قصد ایده لر لشکر مهلبی آگاه و محاربه به اماده بولوب
 حصن حصین کی هر طرفی متین و مستحکم مشاهده ایدوب ظفردن
 مأیوس اولورلر دی و بر کون مهلب دشمنه عرض کالا و اظهار قوت
 و شوکت قصد یله کندی و عسکری ثاب فاخر لابس و کجیل اسلاری تزین
 و آلات حرب و اسلحه نفیسه به مستغرق اولوب صف صف آلائی
 کوستر دکده خوارج دخی احسن البسه رخت و سلاح ایله کندیلری
 تزین و ممتاز اسلاره سوار اولوب آلائی کوستر دیلر و حشمت و زینتلی
 مهلبه غالب ایدی زیرا خوارج کرمان ایله اهواز میانده اولان قرا
 و بلدانی نهب و غارت ایدوب اموال کثیره به ظفر یاب و مالک
 اولمشلردی اول کون صبا حدن اخشام اولنجه مقاتله شدید
 از ارقه ضلالت پیشه اقدام و جان و باشلرین فدا قصد یله هجوم و جنگ
 مشد و متمادی و آخر کار زار لشکر مهلبه ادبار و انهزام رو نموده
 اولدقده مهلب رخسینه مهماز و شتابان عسکر پریشانی سبق و تجاوز
 و پریشته به صعود و صوت اعلا ایله ای قوم نره به فرار ایدرسز اولدیغم
 محله کلوك دیوندا و دعوت ایلدکده عسکر جسته جسته مهلبک
 اولدیغی پشته به تجمع و اوج یك مقداری عسکر مجتمع و مهلب
 و مقداره راضی و سپاس و حمد باری ایدوب ای قوم لشکر بسیار
 کثرتلرینه مغرور اولمغله باری تعالی انلرک درونلرینه جبن و خوف
 اقا ایدوب منهزم و پریشان اولورلر و عسکرانک شمار باری تعالی به
 تضرع و نیاز ایله انلره نصرت احسان ایدوب دشمنه غالب و ظفر یاب
 اولورلر ایمی دی باری تعالی نیک بقا سند اقرارم حقیچون سزک فیه
 قلیله و شرذمه یسیره اولدیغکدن ممنون اولدم سز لر فرسان مصر
 و اهل نصر سز و بومنهزم اولان قومدن سزدن ماعداسی لازم
 دکدر کلمسونلر زرا کاورلر سه سودمند اولوب بلکه بزه اختلاطلرندن

متضرر اولورلر دیوب هر برینه نوازش بعده ای قوم هر بریکر اوزر سنک
 آلوب عسکر دشمن اقامت ایلدیکی محله واروب و زرلرینه علی العفله
 هجوم و سنک انداز اولوب مقاتله به آغاز ایده لم که الان دشمنک
 بر مقدار اسب سواری عسکر پریشان قفا سنده و بقیه سی غلبه ایلدک
 دیو اسایش و خوف دشمندن امین و غافلدر بعون الله تعالی نصرت
 قرین اولورلر دیوب سوی از ارقه به راهی و اوج یك فدایی مر دیکسر
 هجوم و از ارقه نک چهرلرینه سنک انداز و زخمدار بعده نیامدن تیغ
 جانکداز ک کشیده و هر برینی قتل و دونیمه ایدوب از ارقه نیه دوش
 اولدققرین بیلیوب زمان یسیرده امیر از ارقه اولان ابن الماخوری
 قتل و لشکرین پراکنده و پریشان ایلوب اموال و بساط و اسلحه سنی
 نهب و غارت ایدوب از ارقه دن خلاص اولانلر کرمان و اصفهان
 فرار ایلدیلر بعده ولایت عراق مصعب بن زبیره توجیه اولنوب مهلب
 مصعب طرفنه راهی و مختار بن ابوعبیده ایله مقاتله و قتل ایلوب
 مصعبی عراقده ترك و محاربه از ارقه عودت و هر بار غلبه ایله مقاتله
 ایدر کن یته احتیاط و شریکدن احتراز اوزره اولوب مدد
 مدیده حرب و قتالری متمادی اولمش ایدی و امیر عراق مصعب قتل
 اولنوب عبدالملک بن مروان مملکتی استیلا و ضبط ایدوب بووقعه دن
 مهلب و اتباعی بی خبر ایکن خوارج خبردار و لشکر مهلبه ای قوم
 مصعب بن زبیر حقه نه دیرسز دیو نداهمهلب طرفندن دخی امام
 هداد و دنیا و آخرتده دلیل و رهنماز در دیو جواب داده اولدققرنده
 یاقوم عبدالملک حقه نه دیرسز دیو سؤال و ملهلب طرفندن عبدالملک
 ابن لعیندر دینجه از ارقه او یله ایسه سز لر عبدالملکدن دنیا و آخرتده
 بری سز دیوب قوم مهلب بلی بری یوز و عبدالملکه عداوت سز اولان
 عداوت سز کیدر دیدکقرنده ای قوم آگاه اولک که امام کرم مصعبی
 عبدالملک بن مروان قتل ایلدی و سز لر بو کون عبدالملکدن تبریه
 ذمت و بدرینه لعنت ایلدیکز یارین عبدالملکی امام اتخاذ و بیعت
 ایدرسز دیوب مهلب طرفندن از ارقه به ای باری تعالی نک دشمنلری

کذب و دروغ ایدر سز دیوب صباح اولد قسده فی الحقیقه مصعب
قتل و عبد الملك عراقی ضبط ایلدیکی شایع و مهلبیلرک معلومی اولد قسده
مهلب خلقی عبد الملكدن بیعتیه دعوت و ناس انقیاد و قبول ایلدیوب
ازارقه زبان طعنی دراز ایدوب مهلب طرفنه ای طائفه دونکی کون
عبد الملكدن تبری و دشنام ایدر دیکز بو کون بیعت و خلافتنی قبول
ایلدیکن حال بو که عبد الملك امامکز اولان مصعبی قتل ایلدی بو نلریک
قنغیسی مهدی و قنغیسی ضالدر دیوهرل آمیز ندا ایلدیلمر مهلب
طرفندن دخی مصعبدن راضی و شا کر ایدک عبد الملكدن دخی راضی
و شا کر اولور ز را ایکیسی دخی امور مسلمینده اهتمام و تقید ایدر لر
دیو جواب داده اولد قلزنده ازارقه والله او یله دکلدر لکن سز لر دنیا به
طالب و راغب بر جماعت سز دیو ملعنت جبلیه لرین اظهار
واجرا ایلدیلمر بعده عبد الملك حجاجی والی عراق نصب و تعیین
و مهلبه امداد و اعانتله امر حجاج دخی تشمیر ساق اهتمام و مهلبه
پی در پی اعانت ایلد کمال مرتبه معین اولغله مهلب بمنون و حجاجی
مدح و ثنا ایلدیوب حقا که عراقه مرد کامل والی اولدی دیدی مهلبک
ازارقه ایلد محاربه سی متمادی اولغله حجاج مهلبه مکتوب تحریر و ازارقه
ایله مدت مدیده محاربه بی بسط و اطاله ایلدک مجرد تکاسل و تسامح
یا خود عجز و عدم قدر تکدن ناشی در دیو مؤاخذه ایلد کده مهلب
حجاجک رسولنی بر قاج کون یاننده مکث و اقامت ایتدیوب ازارقه نک
قوت و مکننت و محاربه ده ثباتلرینی و کندیکن سعی و اهتمام و اقدامنی
ارائت بعده حجاجه جواب مکتوبی بو کونه تحریر ایلدی بکده بر خصوصه
شاهد و مباشر اولانک معاینه ایدوب مطلع اولدیغنه غایب مطلع
و واقف اولمق نیجه ممکندر که (شنیدن کی بود مانند دیدن) و اگر سن بنی
بو طائفه کراهی کندی رأی و تدبیرم ایلد قتل و فساد لرینی روی
زمیندن رفع و ازاله به تعیین ایلد کسه فرصت لرینه دیده دوز وقتنده
قتال لرینه مباشرت و استیصال ایلد مضمحل و پریشان ایتکه کوشش ایدرم
و اگر چه بن حاضر و سن غائب سک لکن بنم رأی و تدبیرم ایلد عمل

و حرکت ایلد دیو امر ایدر سک رأیک صواب اولوب ظفر یاب اولور ایسه م
سن نیک نام و مشکور اولوب العیاذ بالله امر بر عکس و لشکر مسلمانان دست
خوار جده هلاک و مغلوب اولور سه بن بدنام و مذموم اولورم ایمدی هر کیمی
مر ایدر سک مسکانه نصب و ارسال و بنی عزل ایلد و السلام دیو
ختم کلام و حجاجک آدمی ایلد ارسال ایلدی چونکه مهلب ایلد ازارقه
میانده محاربه متمادی اولدی و ازارقه نک اتفاق و اتحاد لرین و قتاله اقدام
و ثباتلرینی مهلب مشاهده ایلدی بو قوم خیانت شعارک حرب و قتال
ایله شر و فساد لرندن روی زمینی تطهیر ممکن اولیوب ظفر یاب اولغله
راه مکر و خدعه به راهی اولمقدن غیر چاره مز یوقدر اتفاق و اتحاد لرینی
اختلاف و تفرقه به تبدیل ایچون بر حبله ملاحظه ایلدیوب میان
ازارقه دن ایزان نامنده بر آهنکر اولوب ازارقه به مسحوم پیکانلر پرداخته
ایدوب عسکر مهلبه رمی ایدر لر دی آبرزه خطا با بر مکتوب تحریر
و اتباعندن برینه بیک درهم ایلد مکتوبی ارسال و تسلیم و لشکر ازارقه
میانده صره درهم ایلد مکتوبی القا و کندیکی شر لرندن حفظ ایدوب
سر رشته و برمدن عودت ایلد دیو توصیه اول شخص مأمور اولدیغنی
وجه اوزره ادای خدمت و رجعت ایدوب ازارقه دن بری مکتوب
و صره بی بولوب امیر لری اولان قطری به ایصال ایلدی اولدخی
مکتوبه نظر ایلدی که مفهومی بودر بعد السلام یا ایزن ارسال
ایلد بیک پیکانلر طرفه و اصل اولوب ینه بر مقدار پیکان ارسال ایچون
سکا بیک درهم ارسال ایلدم بر کون مقدم پیکانلری طرفه ایصال
ایده سن غایت محظوظ اولورم و السلام چونکه قطری احواله واقف
اولدی آهنکری احضار و مکتوب و صره بی ارادت آهنکر دخی بو قضیه
دن خبر دار دکل دیوانکار ایلد کده قطری غضب ایدوب آهنکری قتل
ایلدی و کبار ازارقه دن عبد ربه نامنده بر ملعون قطری به کلوب آهنکرک
خیانت و صداقتی متبیین اولمز دن مقدم قتلنه مبادرت بمعنی معامله در دیو
مؤاخذه قطری دخی دراهم و مکتوب ماده نک و وقوعه دلالت ایدر
دبد کده عبد ربه نه کونه دلالت ایدر جائز دکلیدر که مکر دشمن اوله دیو

جواب داده و قطری مصلحت عامه ایچون بر آدمی قتل ایتمده با س
اولد یغندن ماعدا امام برآمده ناسه نفع ملاحظه ایدوب رأیه
عمل ایلمسه جائز اولوب رعیه ایچون امامی مؤاخذه یو قدر دیوب رد
جواب ایلمد کده عبدربه بنی رعایا یادن عد ایلدی حال بوکه بن حشمت
و مکننت روآسای قومدن برآدم دیوب بر طرفه راهی اولد قده عبد
ربه به ازارقه دن لشکر فراوان تبعیت و معاطیه سوار اولد قلرندن
مهلپ آگاه و مسرور و بردسپسه دخی تفکر ایدوب بر نصرانی به امیر
ازارقه اولان قطری به واروب سجده ایله اکر سنی نهی و منع ایدرسه
بن سکا سجده ایلدم دیو افاده ایله دیو تنبیه نصرانی دخی قطری به
سجده و قطری سجده انجیق باری تعالی به اولور دیو نهی ایدوب
نصرانی بن سکا سجده ایلدم دید کده خوار جیدن بری قطری به یو
شخص من دون الله سکا سجده ایلدی و کتاب الله ده (انکم و ماتعدون
من دون الله حصب جهنم اتم لها واردون) آیه کریمه سی وارد
اولمشدر دیدی معنای نظم کریم ای کفار قریش و غیره تحقیق
سنن الله تعالی نیک غیر اولان اوئان و ابلایسدن عبادت و پرستش
ایلدیککز حصب جهنمدر یعنی جهنم رمی و القا اولوب انکله لهب
و بالکی متزاید اولان شی سکر و سزرا البده جهنم داخل اولور سنن
دیمک اولوب قطری خارجی به جواب و یر مک زعمیه آیه کریمه ده
مخاطب اولان نصاری درکه عیسی بن مریم عبادت ایتمک یله کفار
معاقب اولدی و عیسی علیه السلامه قطعاً ضرر ترتیب ایلدی دید کده
اول خارجی سجده ایدن نصرانی به هجوم و قتل ایلوب قطری خارجی
به عتاب ایله بی جرم ذمی قتل ایلدک دیو ترتیب جزا مراد و میانلرنده
اختلاف متزاید و هر بری برکونه ژاژ خای اولوب مهلب خبردار
واعواندن بر شخصه کید و مکر تعلیم و ازارقه به ارسال او شخص
دخی واروب ای قوم ایکی کیمسه سننک دینکزه متدین اولوق قصد یله
طرفه توجه و عزیمت و انشای راهده بری وفات و بری کلوب و اصل
اولد قده سنن آیمده همزی قبول و ثابت قدم اولوب از دل و جان بزه

اتباع ایدرمی دیو تجربه ایچون تکالیف شاقه ایله جور واذی ایدوب
اول کیمسه دخی جفا کره تحمل ایلوب اتباع عزیمتدن رجوع ایلمسه
اول ایکی شخصک ایمان و کفر نده درسنر دیو سؤال ایلمد کده بعض
ازارقه انشای راهده وفات ایدن اهل جنت در و حین تجربه ده جفا کره
تحمل ایمین کافر در مکرینه جفا کره راضی اوله دیو جواب و یروب
بعض آخر ایکیسی دخی کافر در مادامکه کلوب محبت و جور بمنزله تحمل
ایلمه لر مسلمان اولمز لر دیو جواب داده اولوب میان ازارقه ده
مخالفت عظیمه ظهور و قطری اتباع ایله اصطخر جائنه راهی مهلب
دخی صالح بن مخراق ایله قطرینک اوزرینه هجوم و مقاتله ایله اکثرینی
قتل و بر مقداری منهنم و پریشان اولد قده مهلب بر فوج ایام اسایش
و آرام بعده عبدربه اوزرینه هجوم و نیجه ایام محاربه و وقایع
کثیره د نصکره بر مصافده عبدربه قتل اولوب لشکر ازارقه پراکنده
و پریشان و هر بری بر بلده به فرار و اهل اسلام ظفر یاب اولد قده
بر بر اخذ و قتل و افنا ایلوب روی زمین شروفساد لرندن تطهیر اولد قده
مهلب حجاجه فتحی ناطق بر مکتوب تحریر ایلدیکه بودر * الحمد لله
الکافی بالاسلام فقد ماسواه بان حکم ان لا یقطع المزید منه حتی
یقطع الشکر من عباده اما بعد فقد کنا نحن وعدونا علی حالین
مختلفین یسرنا منهم اکثر ما یسوءنا و یسوءهم منا اکثر ما یسرهم علی اشتداد
شوکتهم فقد کان علن امرهم حتی ارتاعت الفتاة و توهم به الرضیع
فانتهزت منهم الفرصة فی وقت امکانها و ادیت السواد حتی تعارفت
الوجوه فلم یزل كذلك حتی بلغ الكتاب اجله فقطع دابر القوم الذی
ظلموا و الحمد لله رب العالمین * علن امرهم امر لری اشکار اولدی
معناسنه و روع خوف و فزع معناسنه اولوب رعت فلانا و روعته
فارتاع دیر لروفتاة شابه معناسنه در پس ارتاعت الفتاة کنج عورتلر
خوف و فزع ایلدی معناسنه اولور و انتهاز فرصت بولوق معناسنه
اغتنام فرصت کیدر و ادنا بر سنه بی قریب قلمق معناسنه اولوب
سواد شخص معناسنه در و تعارف و جوه بر برنی مشاهده ایله معارفه

تحصيل ايتك معناسنه اولوب اجل برنسنه نك مدتی معناسنه وكتاب
حكم و قدر معنا سنه و دابر بقیة قوم معنا سنه در مال معنای مکتوب
جد و سپاس اول باری تعالی په اولسونکه فقدان و زوال کفر
وضلا لنده اسلامه معین و کافی اولوب قوللرینک شکری منقطع
اولدجه مزید نعمتی منقطع اولدیغی حکمی ظاهر و آشکار اولدی بعد
ازین دشمننر ایله برلرایکی حال مختلف اوز ره اولوب دشمندن بزی مسرور
ایدن محزون ایدندن کثیر و بزدن دشمنی محزون ایدن مسرور ایدندن
اکثر و اید ایدی حال بو که کثرت و شوکت و تمکن و اقداملرینک اشتدادی
بر مر تبه رسیده و آشکار اولمشدی که شایسته و نور سیده اولان زنا نمر خوفناک
و هراسان و شیر خواره اطفال و کورکا نمر و همناک و لرزان اولوب دائماً
مقاتله لرینه اقدام و فرصته دیده در زو نکران و امکانی وقتنده دشمنلریمزدن
فرصتیاب اولوب بر بریمزی مشاهده و مقاتله ایدمک حتی انه عدم
واضح لاری زمانی کلوب جدا اولسون الله تعالی په که اول قوم ظالم
و غدارک بقیه سی دخی قتل اولنوب مجموعی طعمه شمشیر اولدی دیمک
اولوب حجاج مکتوبی قرأت وجوا بنده مهلبه صد تحسین و آفرینی
و هر بر بلا و مشقته تحمل ایلدیکنی مشمل بر مکتوب نحر برودروننده
فرزندلرندن برینی استخلاف و کندی حجاج طرفنه کلمسی امر مهلب
دخی امثال و عرافه کلوب حجاج استقبال و کندی سر برینک بر طرفنه
اجلاس و اکرام و اعزاز و بی نهایت تحف کرانیها اهدا و احسان
ایلد کد نصره یا اهل عراق و الله سر مهلبک عبدی سزیدی
و مهلبه توجه ایدوب مهلب و الله سن لقیط شاکر دیدیگی کبی سک
دیوب بویاتی انشاد ایلدی * و قلدوا امرکم لله درکم * ربح الذراع
بامر الحق مطلعاً * لا بطعم النوم الا رثیماً به * هم یکا د حشاه
یفصم الضلعاً * حتی استمر علی شزر مر یرته * مستحکم الرأی لا فحماً
ولا ضرعاً * ربح وسعت معناسنه و ذراع و بازو معناسنه اولوب اصل ذراع
بسطید معناسنه اولمقله بونده مرادید واسع و دراز دیمک اولور
و مطلع قوی معناسنه اولوب عرب هو مطلع بهذا الامر و مطلع در برابر
وربث مقدار معناسنه و بخت استیقاظ معناسنه و حشاه عام معناسنه و فصم

برشی بی بلا فصل شکست ایتک معناسنه و ضلع استخوان په لو معناسنه
و شزر غضب ایله نظر معناسنه و مر یره عزم معنا سنه و شزر مر یره
ای استحکم عزمه دبرلر فخم فرموده و قالن معناسنه و ضرع ضعیف
معناسنه در حاضر بالمجلس اولانلردن بری ایستاده اولوب یا امیر باری
تعالی سنی اصلاح ایلسون ککان بن استماع ایدردم که قطری
مهلبه لقیط سک انشاد ایلدیکنی سو یلردی دیوب ایات مئذ کوره بی
انشاد ایلدکده حجاج مسرور اولوب اول شخصه انعام ایلدی
و مرادی مهلبک دشمنی دخی قوت و شجاعت و اقدامی و امارته
سزا اولدیغی اعتراف ایدردی دیمک ایدی مر ویدر که مهلب
ازارقه ایله محاربه ایدرکن مشاهده ایلدیگی عجب ایدن سؤال اولندقد
مهلبی اعجاب ایدر ظهورات بسیار ایدی لکن اعجب و اغری هر بار که
عسکر اسلام ازارقه دن برکروهه هجوم و ایچلرندن برینی نیره ایله طعن
و ضرب ایدله حالت نزعه ضرب ایدن مسلم اوزرینه قتلچون
هجوم (و عجبت الیک رب لترضی) آیه کریمه سنی قرأت ایدمک مرد
اولوردی دیو نقل ایلدی و مهلبک ازارقه ایله مقاتله سی اون طقوز
سنه متمادی اولوب عاقبت مجموعی قتل و روی زمینی فتنه و فسادلرندن
نظم سیر ایلوب اول سنه ده وفات ایلدی مهلبک اخبار مستحسنة سی
بسیار اولوب از جمله غزو اتدن برندن منصورا عودت و قرار کاهنه
واصل اولدقد برزن فقیره سر راهنده ایستاده اولوب یا مهلب اگر
بو غزوه دن سالم و منصور اعودت ایدر سک بر سکون صائم
اولوب سندن بر جاریه و بیک درهم طلب ایتکه نذر ایلش ایدم لله الحمد
منصور اعودت ایلدک دید کده مهلب خنده ککان بر جاریه و بیک
درهم احسان ایدوب ای خاتون نذرکه وفا ایلدک لکن بعد الیوم بویله
نذر ایلده که هر کس نذرکه وفا ایلز دیدی و برکون بر کپسه یا مهلب
سندن بر کو جک رجام واردر مساعده ایله دیدی مهلب دخی
چونکه رجا ک کوچک و حقیر در بر کو جک و پس پایه کپسه دن طلب
ایله زرازم کبی امیر کبیردن حاجت عظیمه رجا و انور دیو جواب داده

اولدی و برکون مهلب بصره ده برطرفه راهی اولور کن بر شخص
 ناسه خطاب ایدوب ای قوم دنائت دنیایی بوندن فهم ایدک که مهلب کی
 یکچشم حقیر المنظر کیمسه عبد اولسه قیمتی یوز در همدن زیاده
 اولمازدی یاوری بخت ایلد بویه عظیم الشان اولدی دیو تحقیر ایلد بکنی
 مهلب استماع و اول شخصی احضار و یوز در هم احسان ایدوب
 ای کشی اگر بنی یوز در همدن زیاده ایلد تقویم ایش اولسک بندخی سکا
 زیاده احسان ایدردم دیو لطف ایلد معامله ایلدی مهلبک کرملرندن
 ری دخی بودر که وقتا که قطری بی منهزم و پریشان ایلدی بر کیمسه بو
 یتلری حضور امهلبده انشاد ایلدی * امسی العباد لعمری لا غیاثه لهم *
 الا المهلب بعد الله والمطر * هذا یجود و یحیی عن دیار هم *
 و ذایعیش به الانعام والشجر * مآلی بقاء الله اقرارم حقیچون عباد الله
 معین و ظهیر سزاخشا ملشدی الایباری تعالیدن ماعدا خلقک معینی
 مهلب و باران ایدی که مهلب جود و کرم و دیار لرینی حفظ و حایه
 یدردی و باران سبیلده مواشی چراگاهلرده و درختان ریان و قازده اولوب
 انعبش و نشو و نما تحصیل ایدرلردی دیمک اولوب مهلبک پسندیده سی
 اولغله یکر می یک در هم احسان شعرو بویه کر کردیو استخسان ایلدی
 و مهلبک پسندیده اریاب دهاود ایش اولان کفتارلرنددر که تعجب ایدرم
 شول کیمسه به که بندکانی مالی ایلد اشترا ایدوب احراری افضال و احسانیلده
 خریدار اولمازلر دیردی و فرزندینه پند ایدوب ای پسر بر کره
 بر کیمسه سنک زیارتکه کلوب بعده دعوی حقوق ایلد تقاضا ایلسه
 دعوا سنده راست کورد و سنک چون اول شخصک خاطرنه مراعات
 لازمدر دیردی و برکون مجلس مهلبده ثیابک فاخوردیسی مذاکره
 و هریری برکونه مدح و ذم ایلد کمرنده مهلب یا قوم ثیابک احسن
 و فاحری اولدر که بر کیمسه غیره احسان و اول شخصک اکسنده مشاهده
 ایلد دیدی و یدر که عبد الرحمن بن الاشعث حجاج اوزرینه خروج
 وقتا سنده مباشرت ایلد کده مهلب خراسانده اولغله ابن الاشعث
 حجاجی خلع و ازاله به امدادیمه کله سن دیو مهلبی دعوت ایلد کده

مهلب یتیم سنه دن صکره غدر و خیانت بنمچون ممکن دکلدر دیوب
 اجابت ایلدی لکن حجاجه بر مکتوب ارسال ایلدیکه مآلی یا حجاج
 اهل عراق ابن اشعث ایلد سنک اوزریکه مقاتله قصدیلده هجوم ایلدیلر
 و اهل عراق فرازدن شبیه جریان ایدن سیلاب کی پیشنه کلن شی حائل
 و مانع اوله میوب قرارگاهنه واصل اولنجده جریان ایدر و اهل عراق
 ابتداء محاربه لرنده شدت و صولات صاحبی اولوب بیم جان اولوبوب
 مقاتله لرینه اقدام ایددنی کوه آهنین دخی اولورسه کرد و غبار کی
 هوایه ویررلر زیر از بورلرک زنان و پسرانلرینه کال مر تبه
 میل و مجتلری اولوب قبل الوصول غیرت و جیتلرندن جان و تن فدا
 ایدوب برشی انلری عیال لرینه وصولندن جاجز و مانع اوله مز ایددی
 اول قومه مقابل اولوبوب ره گذارلرندن برطرفه صاویلوب عیال لرینه
 هود و وصول و زنان لرینه ملاقی و اولاد لرینی مشاهده ایدوب دفع
 تحسیر اولدقدده هر کس ابن اشعثی ترک و خانه لرینه متفرق و پریشان
 اولدقدن صکره مراد ایلد ککیلده محاربه و مقاتله ایلد که باری تعالی
 سکاظفر و نصرت احسان ایدد دیو انعام ایلوب حجاج مفهوم مکتوبه
 مطلع اولدقدده حیف ابن مرویه که مرادی حایه اولوبوب عم زاده سنی
 بنم قهر و غلبه مدن صون و حفظ ایتددر دیوب پند مهلبی اصفا ایلدی
 و فی الحقیقه مهلبک مرادی اهالی عراقی شر حجاجدر محافظه اولوب
 یو کونه مکیده ایلد حجاجی اغفال ایدی و مهلب شاعر بلیغ اولوب بوقطعه
 انکدر * انا اذا انشأت قومنا نغم * قالت لنا انفس ازیدیه عودوا
 * لا یوجد الجود الا عند ذی کرم * و المال عندکام الناس موجود *
 (وان هر مس اعطی بلینوس ما اخذ منک) و هر مس سندن اخذ و تعلم
 ایلدیکه علوم حکیمه بی بلینوسه تعلیم و افاده ایلدی ظن ایلدم مومی
 الیه هر مس اکثر صابئه نبی مرسل و ادریس علیه السلام اولمق اوزره
 زعم ایدوب کواکب سبعة سیاره و بروج اثنی عشره تعظیلری و کواکب
 مذکوره و بوجه ذیایح ایلد تقرب قصدلری و سائر اعتقادات باطله لری
 زعم فاسده لرنده شریعتلریدر مومی الیه هر مسه نسبت و کندولره
 یقینر انخاز ایلد لردر و صابئه تفسیرنده اما مین ایلد امام اعظم

ابو حنیفه میاننده اختلاف اولوب امامین مذهبنده صابئه عبده
اوئان ونجوم اولوب امام اعظم مذهبنده طائفه مزبوره نك اوئانه
پرستشاری اولوب مسلمانانك كه به به تعظیمی کی نجومه تعظیم
ایدر لر بویه اولدقده کتابی اولمش اولور امام مذهب امامینده کتابی
اولوب مشرکون دیرلر ابو معشر دن مرویدر که افلاک و کواکب
وعناصر و حرکات افلاک ونجومده ابتداتکلم ومذکوراته متعلقه
مباحث ومسائل ذکر و بیان ایدن مزبور هر مس اولوب جدی
کیومرت یعنی آدم علیه السلام مزبوره تعلیم ساعات لیل ونهار ایشدر
وابتدا هیاکلی یعنی عبادتگاهلری هر مس ایجاد و بنا و اول عبادتگاهلرده
باری تعالی به تحمید وتهلیل وتمجید ایشدر و علم طبی هر مس اختراع
ایدوب دقایق وحقایقنه مطلع اولوب اهل زمانه کندی لغتری
اوزره اشیاء علویه وسفلیه متعلقه کتب موزونه تألیف ایدوب علوم
ولکيه هر مسدن منشور وشایع اولمشدر و هر مسك مولدنده اختلاف
اولوب بعضیلمصمرده و بعضیلمنفقده تولد ایلدی دیرلر و هر مس
زبان یونانیه ده ارمیس اولوب تعریب اولمشدر وارمیسك معنایی
عطارد دیمکدر و بعضی آخر هر مسك اسمی زبان یونانیده هئوخ
وبعد التعریب اخنوخ اولوب کاب کریمده باری تعالی ادریس تسمیه
ایشدر و هر مس ملعمنك اسمی غوثاذیمون یا خوداغثاذیمون المصریدر
ومذبورکیم اولد یعنی بیان ایلامشدر لکن انبیاء یونا نیدن بریدر
دیدیلر و مزبوره لورین ثانی و هر مسه لورین ثالث تسمیه ایدرلر
وغوثاذیمون جدیدله سعید دیمکدر و بعضیلمادر ادریس با بلده تولد و ظهور
ایدوب ابتدا شیت بن آدم علیهما السلامدن تعلیم ایلدی که شیت
ادریسك جدیدنك جدیدر زیر ادریس بن سارد بن مهلائیل قیان
ابن انوش بن شیت علیه السلامدر شهرستانی روا یتنده اغثاذیمون
شیت علیه السلامدر وزمان ادریسده خلق ایتمش ایکی زبان ایلده
تکلم ایدوب باری تعالی ادریسده مجموعی تعلیم ایلدی وزمان ادریس
علیه السلامده یوز سکسن سکن بلده بنا اولوب اصغری بلده

رها در و ادریس ارضی درت قسمه تقسیم و هر بر قسمند برر ملک
وضع ونصب ایلدی که خلقی شریعت ادریس ایلده منشور ع ایلده لر
و خلقی اوج صنف ایلدی که بری که نه و بری ملوک و بری رعیه در
وروی زمینده مدت اقامتی سکسن ایکی سنه اولوب خیاطت
شیاب ابتدا ادریس علیه السلامدن صادر اولوب لابس ثیاب اولمشدر
وموئی الیه هر مسه هر مس الهرامسه دیرلر که هر مس نامی ایلده نام آور
اولان ابتداء مزبوردر ونوح علیه السلامك دعاسیله طوفان ظهور
ایده جکئی اخبار و خلقی تخویف ایلوب استخراج ایلدی که آبدن
یا خوداتشدن زمیننه برآفت سماویه نازل اوله جقدر بناء علیه مفری
اولان مصر قاهره ده اهراملری و ترابدن برقاج مدینه لر بنا ایلدی که
اهراملر آبدن اولان آفت ایچون و ترابدن مدینه لر ناردن محافظه ایچون
اوله و طوفان نوح علیه السلام ظهورنده علوم وسائر صنایع مندرس
ومضمحل اولسون ایچون سنکدن انبیه عظیمه ایجاد ایلدی که مداین
برابی دیمکله مشهوردر و بریة انجیم دیمکله معروف اولان جبلی بنا
واحداث ایدوب مجموع علوم وصنایعك صورتی و پیشه کارلر
صورتلری نقش ورسم و هر علم و پیشه تحصیل نه وجهله در
رسم و بیان ایلدی که طوفان کتب و کارستان واربابی افنا و اهلاک
ایلدکده بعد زمان خلق بر اییده مرسوم ومنقوش اولانلره نظر
واستفاده ایدوب علوم وصنایع مندرس اولوب باقی اولمق قصد
ایلدی و انجیم سعید وسطنده بر شهر عظیمدر که ذوالنون مصری
حضر تلی اول شهرده تولد ایشدر وزعم صابئه ده نبوت هر مسدن
صکره بلینوسه انتقال ایلوب موئی الیه بلینوس علوم واسراری
هر مسدن اخذ وتعلیم ایشدر و علوم ومعرفتی زیاده اولد بجه تعظیما
نامی اولان لفظ بلینوسه حرفلر زیاده و ضم ایدوب اسقلینوس تسمیه
ایلدی لر ارسطوطالبس دخی بوقیلدندر که مقدما نامی ارسطو اولوب
علم و کمالی متزاید اولد بجه حروف ضم اولمغله ارسطوطالبس
اولمشدر و علم ومعرفت زیاده اولد بجه اصل اسمیه حروف ضم

وزیاده ایلک عادتلی ایدی و بعضی یلمز بور اسقلینوسک استادی
اولان هرمس طوفان نو خد نصکره ظهور ایتسنه ذاهب اولمشلردر
ومز بور بلینوس هرمسک ارضی جهار قسم وهر قسمنه برر ملک
تعیین ایلدیکی ملوکدن بریدرملوک اربعه نك مجموعی هرمسدن تعلیم
ایلشلردر لکن بلینوس جمله دن زیاده تعلیم ایدوب اعلملری ایدی
و کتاب مترجمده مزبورک نامی بلینوس و علمی متراید اولدجه اسقلینوس
اولق اوزره در لکن طبقات حکمهاده اسقلینوس روایت اخراده
اسقلا پیوس و برروایتده اسقلا بیادس اولوب توجیه هرمس ايله
ربع ارض معموره یه ملک اولوب بعد الطوفان ربع مزبوره یونانیون
متصرف اولمشلردر و باری تعالی هرمسی ارضدن سمایه رفع ایدوب
بلینوس خبردار و محزون اولوب برکت هرمسدن روی زمین محروم
اولدی دیو تأسف و هیکل عبادتنه هرمسک صورتی و سمایه رفع
اولنسی صورتی تصویر ایدوب هر بار که هیکل مزبوره داخل اوله
صورت هرمسه تعظیم واجلال و حضورنده آداب و خضوع ايله
جالس اولوردی حتی بت پرستلرک برستشنه بلینوسک بوفعلی باعث
اولمشدر دیومذکور در روز هرنک اولان حیواناتی مفصلا مبین و ناطق
اولان کتابک مؤانی یعقوب الکندی دن مرویدر که مومی الیه
هرمس طبیب و فیلسوف و طبایع ادویه یه عالم و صاحب تجربه اولوب
جیع بلاد و امصار و کوه و دشت و بیابانی سیاحت ایتش بر مرد کامل
و نصب مداین و طبایعنه و اهاالسنک طبایعنه و مداوالتینه عالم اولوب
اندلسده موجود اولان طلسمات که سودا نیه نحاس و غیره رینک
صاحب و مخترعیدر بلینوس هرمسک شاگردی اولوب هرمس ايله معا
سیاحت ایدوب اقلیم هنددن خروج و فارسده داخل اولدقلرنده
بلینوسی کندی خلیفه سی اولق اوزره شهر بابله ترك اولدخی اقامت
و مرضایه مداوات و علوم فلکیه و سائرینی نشره مداومت ایلدی
و بابل عراقدن بر موضعک اسمی اولوب سحر و افسون بابله نسبت اولنور
خفتشدن مرویدر که بابل اوج حرفدن زیاده دن مرکب اولوب

تأیید و تعریفنه بناء غیر منصرفدر و اسماء بلدانک مجموعی غیر
منصرفدر الامنی و شام و واسط و عراق و دابق و فلح و هجر تد کیر
اولنمه لاله منصرفلردر و دابق قراء حلبدن برقریه نك اسمیدر و فلح
بصره یه قریب بر موضعک اسمیدر و هجر یمنده بر بلده نك اسمیدر
مرویدر که چونکه بلینوس هرمسدن جیع علومی تحصیل و تکمیل
ایلدی خصوصاً علم طبده کامل اولوب تدبیر ایلدیکی مرضا شفا
یاب اولوردی و سائر علومده دخی بررتیه یه واصل اولدی که خلق
متحیر و هریری برمعنا و یروب بورتیه علم سحر قریب طوق بشردن
خارجدر ایاملکیمیدر دیو ملک اولسنه ذاهب و کیمی بو علم معجز صادر
اولماز الا تدبیدن صادر اولوردیو پیغمبر اولسنه ذاهب اولدی و به ضایلر
یقینا ملک اولسنی اعتقاد ایدوب پدر و مادر سز و حان تولد ایلوب
باری تعالی بلینوسی نوردن بر عمر داوزرینه رفع و انده اظهار ایلدی
دیددی و اقلیدس مزبور بلینوسه نسبت اولنوب مومی الیه بلینوس
بر هیکل رفع احداث و بنیاد و علم طبی اول هیکله وضع ایلشدی
حتی جالینوس بروقتده بکا بر مرض قتال عارض اولوب هیکل
اسقلینوس تسمیه اولنان یته راهی و زیارت ایلدم دیو بر تألیفنده
ذکر و بیان ایدر مرویدر که هیکل اسقلینوس مدینه رومیه ده اولوب
دروننده خواص حرکات نجومیه ايله ساخته بر صورت موجوده در که
زیارت ایدن خلقه اسانلریله تکلم ایدردی زیر بلینوس کواکب سیاره دن
بر کوکبک روحانیتی اول صورتده تسخیر و ربط ایلشدی جالینوسدن
منقولدر که باری تعالی جل شانہ اسقلینوسه وحی ایدوب اسقلینوس
بنم سکا انسان تسمیه ایلمدن ملک تسمیه یلم ارلی و اقریدر یعنی
ملکیتک طرفی غالبدر پیوردی بناء علیه اسقلینوس میان یونانده عظیم
الشان اولوب قلت نزول بارنده ناس قبرینه مجتمع اولوب اسسقا ایدر لردی
ودائماً کیجه لده قبرنده کامل هزار قندیل فروزان ایدر لردی
واسقلینوسک کنند نصکره ایکی فرزند قالمشد بکه انلردخی پدری
کی علم طبده ماهر و کامل اولوب پدر لری بلینوس علم طبی اولاد

واقربا رنده غیر بلره تعلیم ایتحه لرینه عهد و وصیت ایلمشدی
 که علم طب بر علم شریف اولوب اجانبه و قدر و مرتبه سنی
 بلز نادانه تجاوز ایتید و اول وقتده علم طبده کتاب تألیف اولمیبوب
 صدراعن صدر تعلیم و تعلیم اولنوردی و نیجه زمان بوحال اوزره
 اولوب اسقیلینوس سلسله سندن اون التبحی بطنه ظهور ایدن
 بقراط قلمه آلوب کتب و تضيف ایلمدی طبقات حکماءه ابو قاسم
 قرطبی ذکر ایدر که مورخین بقراطی اسقیلینوس اولادن اولمق اوزره
 ذکر ایدر لکن مراد لری اسقیلینوس ثانی ایسه جائز در واکر
 اسقیلینوس اول ایسه ممکن دکلدر زبراجم غفیر اتفاق ایلمشدر که جمع
 نسلا طوفان ایله منقطع اولوب اولاد نوح علیه السلام فقط اوج
 اولاد قالمشدر که سام و حام و یافث در اسقیلینوس زمان ایله بقراط
 زمانی مابنی بر قاج بیست سنه اولدیغی اگر صحیح ایسه اسقیلینوس
 زمانی قبل الطوفان اولوب نسلی منقطع اولمش اولور و بر فرد
 اسقیلینوسه نسبت اولمق جائز اولماز مگر عموم طوفان انکار اولنه که
 بعض طائفه ذاهب اولمشدر روایت اخراده روم و فرسده علم طبی
 ابتدا تکلم ایلیان یلینوس اولوب کندی رحلت دار بقا ایلد کده اون
 ایکی بیگ شاگردی موجود ایدی لکن بوروا بت مقدمه ذکر اولنان روایت
 و طبقات حکماءه مذکور اولانه مخالفدر مگر حضرت موسی علیه السلام
 نصیره ظهور ایدن بلینوس ثانی اوله هیکل اسقیلینوسده جمیع ضایع
 صورتلری نقش و رسم اولندیغی کبی اسقیلینوسک کندی صورتی نقش
 و تصویر اولنوب جالینوس ذکر و بیان ایدر که اوله هیکلد اسقیلینوسک
 صورتی بر مر دریشدار و ایستاده و قائم مجموع ثیابی تشبیه ایدوب
 دامن در میان تصویر ایلش که اطبا هر وقتده حاضر و آماده و مرضانک
 مداوا سنه مقدم و اسایش و راحتی تارک اولمق لازم اولدیغنه دلالت
 ایلیه و دستنده معوجه شعب و شاخلری بسیار بر عصا تصویر ایلش
 علم طب سهولت ایله و زمان قلیلمده تحصیل اولمق ممکن اولوب

مردکی و عاقل و صاحب فراست پیر اولوب عصایه اتکا ایتکه محتاج
 اوله حق زمانه دکن تعلم و تجربه ایتکه ایدر که طبیب حاذق اولوب
 تدبیرنده خطا ایله بیوجه مسلمانانک هلاکنه سبب اولیه مرویدر که
 اول عصا خطمیدن اولوب که دلالت ایدر که خطمی ایله نیجه امر اضی
 دفع و ازاله ایدردی و شاخلری اصناف طب بسیار اولوب تفنن و ممارستی
 فطنت و دهادنصکره مدت مدیده اشتغاله محتاج اولدیغنه دلالت
 ایدر و اول عصا تنین دیمکله معروف اولان مارک صورتی تصویر
 ایلمشدی که مار مذکورده بر قیج خاصه موجوده در که از جمله حدت
 بصری اولوب کثیر السحر اولدیغی کبی اطبا دخی هر شیئه دقت و اهتمام
 و خواب و راحت ترک ایتک لازم اولدیغنه اشارت قصد ایلش ثانیامار
 مذکور شیخوخه نسیمه اولنان جلدندن چیقوب تبدیل جلد ایلدیگی
 کبی طبیب حاذق ایچون مداوات ایله شولرتبه قوت و صحت تحصیل
 ایلیه که کویا شیخوخندن کندیون تجرید ایدوب شاب و برنا کبی اولمق
 ممکن اولسنه اشارتدر ثالثا مار مذکور طویل العمر اولوب سنین کثیره
 تعیش ایلدیگی کبی طبیب حاذق تدبیر و حفظ صحتله طول و دراز
 معمر اولمق ممکن اولدیغنه اشارت ایلمش و موسی الیه اسقیلینوس طقسان
 سنه معمر اولمشدر و تنین بر حیه در که درخت منتهای طویل و عریض
 و تخین اولوب ابو مرداس ایله مکندر قزوینی نقل ایدر که تذینک چشمانی
 بزرگ و مدور و خونی رنگ و دهانی غار مثال و شکمی واسع و نابلری دمردن
 نیره مثال اولوب انسان و سایر حیواناتی اکل و باع ایتکله حیوانات بریه
 و بحریه اول ماردن هر اسان درختی شر و فساد روی زمینده زیاده
 اولدقدده باری تعالی امر ایدوب و رای بحره القا اولنوب انده دخی
 فسادندن حیوانات متضجره اولدقدده امر باری تعالی ایله بر ملک
 یا جوج و مأجوج اولدیغی محله رمی و القا ایدر و مار مزبورک قامتی
 شول مرتبه دراز اولور که سرندن بنه ورنجه بر فرسخ مسافه اولور
 و ماهی مثال لرلی اولوب سری انسان سری کبی و کوشلری مستدیر
 و بزرگ اولور رسول الله صلی الله تعالی علیه وسلم حضرت لرندن

روایت اول نور که بر کافر مر داوود قدس باری تعالی جل شانہ اول کافر
 قبرند طغسان طغوز تنین تسلط ایدوب روز رستا خیره دك اول
 کافری لسع ایدر لکه اول تئیلردن بری اگر روی زمینیه بر کره نفخ
 ایلسه پردخی نبات و گیاه نبات اولمزدی والمجد لله علی دین الاسلام
 و مزبور اسقیلینوس کلامنددر که الصنیعة عند الکفور اضاعة للنعمة
 یعنی علم و صنعتی منکر اولان کیمسه به تعلیم ایتک نعمتی اضاعتدر
 و المتعبد بغير معرفة کجمار الطاحون یمشی ولا یبرح ولا یعرف ما هو
 فاعل یعنی علم و معرفتدن بی بهره و جاهل اولوب عبادت ایدن کیمسه
 خر آسیاب کیدر که دائمامشی و دوری ترک ایتوب ینیه کندی فعلندن
 غافل اولوب نه مقوله فاعلدر بلز پس کشتی کنه دوی و رطه جهلندن
 تخلیه سعی ایتک لازمدر * و افلاطون آورد علی ارسطالپس مانتقل
 عنک * و افلاطون شاگردی ارسطالپسه سندن اخذ و نقل اولنان علومی
 ایراد ایلدی ظن ایلدم مومی الیه افلاطون بن ارسطس الهی در که
 آخر حکماء متقدمین و وحدانیت باری تعالی به معترف عابد و ریاضتکش
 بر مرد کامل وارد شیر اول زماننده پناهده سری وجود اولوب سقراطدن
 لایمه ایدوب سقراط مسموما وفات ایلد کده مقام سقراط قائم و کرسی سنه
 جالس اولدی و مقام تعلیم جالس اولمازدن مقدم و سقراطدن اخذ علوم
 ایلد کد نصکره طیماس حکیمدن اخذ بعده مصر قاهره به راهی و اصحاب
 فیثاغورس و غیریدن تعلیم علوم الهیه به علوم طبیعی و ریاضیه بی
 ضم و الحاق ایلد و افلاطون مشهور اولان مشائییندن بری اولوب
 رأی افلاطون اوزره سعی معتدل و حرکت خفیفه بدنده اولان فضلاتی
 تحلیل ایدوب ریاضت نامه تحصیل اولور لکن طبقات حکماء مذکور
 در کد افلاطون سقراط الیه شرکت اوزره فیثاغورس سدن علوم حکیمه
 اخذ و تعلیم ایلوب علماء بوزان میاننده اشتیاری وفات سقراط نصکره
 اولقی اوزره در و افلاطون شریف النسب و بیت علمدن اولوب
 وفاتی اسکندرک توادى سنه سیدر و افلاطون صادق القول معناسنه
 اولوب غالب سربانیدر و سقراط مزین الحکمه معناسنه در و افلاطون

متن

کرسی تدریسه مربع نشین اولد قدس قوت ریاضت ایلد قلبدن
 قلبه افاده و استفاده اولنوب بو مجلس مجلس اشراقیاندر گفت و کوصغمن
 مضمونیه عمل و گاهی اثنای مشی و حرکتند طایفه سنه گفت و کوا یله
 تدریس ایدلره مشائیین دیرلردی مرویدر که افلاطون علم حکمت
 تعلیم ایدن ابنای ملوک ایچون معلم خانه لر بنیادینه ملوک امر انلر
 دخی مذهب و مزین و انواع صور ایلد مصور مکتبلرینا ایلوب شول
 رتبه مطبوع و مستحسن ایجاد اولندی که طبایع کودکان دکل زهاد
 ورع معتاد دخی تماشا سنده فاتح الفاه اولوب بالضروره نفسی میلان
 ایدر دی بعده افلاطون اول مکتبلرده اطفاله تعلیم علوم ایلوب
 هر چند که بر طفل حکمتی حفظ و یاد داشت ایلد یوم عید ده ارکان
 دولت و علماء و حکما جمع و بر مجلس مهیب و عالی ترتیب اولنوب حافظ
 حکمت اولان طفل سر نه تاج وضع و البسه فاخره لابس و بر محل
 رفیع صعود و یاد داشتی اولان حکمتی از بر علی رؤس الاشهاد قرأت
 ایلوب افلاطون اول طفله حکیم تسمیه ایدردی و بو کونا حرکت و ترتیب
 مجرد کودکانی علم و حکمت تعلیمه حث و ترغیب و اشتغال ایلد نفس ناطقه سنی
 تکمیل و تشریف قصد یله ایدی و بو ائشاده شاگردندن ارسطالپس
 تعلیم و ظهور ایدر که تفصیلی قریب ذکر و بیان اولنور و افلاطون ایچون
 آرا و مذاهب اولوب ارسطو تعلیم و اخذ ایلوب بعضیسنده افلاطونه
 اتباع ایلماشدر از جمله حدوث عالم مسئله سنه مخالفت ایدوب قدومه
 ذاهب اولمشدر و افلاطونک فراست و حکمتی تجربه قصد یله انسان
 صورتلری تصویر اراءت ایدرلردی و افلاطون هر برینه بو صورتده
 اولان انسانک طبع و خلقی شومقوله و ذکا و غیاوتی و فسق و صلاحی و علم
 و جهلی و افعال و اطواری شومقوله او اوردیو خبر و برردی حتی
 برکون افلاطونک کندی تصویرو اراءت ایلد کلرنده بو صورت صاحبک
 خلق و سیرتی و عقل و علمی شویله و بویله در دیو تفصیل نصکره زنایه
 راغب و حر یص اولور دید کده یا افلاطون سنک صور تکدر دیدیلر

افلاطون دخی بلی مقتضای طبیعت بود لکن نفسحه غالب اولدیغیدن
ضبط ایدرم دیدی و گفتار افلاطون دندر که باری تعالی بر قولنه
احسان ایلدیکی علم و حکمت مقصداری رزقنی تنقیص ایدردیوب
سیندن سؤال اولندقدده زیرا حکمت غداء نفس ناطقه و مال حفظ
نفس شهوانیه و اوب نفس ناطقه حکمت ایلله تحصیل کمال
ایلیوب نفس شهوانیه به غالب اولور و مال ایلله حکمت متغایران وضدان
اولمغله الضدان لایحتمعان قاعده سی جریان ایدردیوب جوابداده
بودخی کلام افلاطونه حکمت شعارندندر که بر کیمسه تعبیر و تعجب
اولنه جق فعلی اشاده کدنصکره خلقک تعجب و مذمته رنجیده
و غضبتک اولق لایق دکلدر زیر اول کیمسه فعل قبیحه مباشرت ایلله
کندویه قذف و دشنام ایتش اولوب خلقک تعبیر و تعجبی کسب یدی
اولش اولور و عقول ناس نوك فللترتده مجتمع اولوب هر کسک رتبه عقل
وانشی تحریر و ترقیمندن منفهم اولور دیردی و افلاطوندن انسان
دشمنندن نه کونا اخذ انتقام ایدردیوب سؤال اولندقدده تحصیل کالات
ایلله نفس ناطقه سنک شرف و رتبه سنی زیاده ایتک ایلله اخذ ایدردیوب
جوابداده اولدی و کلام حکمت امیرندندر که پادشاه بحر کبی و سائر
ناس انهار کبی اولوب انهارک بحردن استمداد و اخذ آب ایلیوب
بحر عذب و شیرین اولور سه انهار دخی شیرین و بحردخی تلخ و مالخ
اولور سه انهار دخی تلخ و مالخ اولدیغی کبی پادشاه نه طبیعتده
اولور سه ناس دخی اول طبیعتده و اول پادشاهک خلقله متخلق
اولور دیردی و بر کیمسه که اطفال و کودکان تربیه و تعلیمه مشغول
اوله افراط ایلله تضییق و مؤاخذه ایتموب اطفاله اعتذار ایلده جکری
مرتبه محل ترک ایدوب مساعده ایلله که کثرت توبیخ و تضییقندن ترک
ادیه مضطر اولاید لر و بوندن اقبیح برشی یوقدر که حفظ صحت بدن
ایچون لذت و تنفس طعم ملردن حییه اولنه نفوس ناطقه بی تصفیه ایلله فوز
و فلاح تحصیل ایچون قبا یحیدن اجتناب و امتناع اولنیه دیردی
و افلاطونه بر کیمسه بی مدح ایتک زعمیه فلان کیمسه شری بلز دیدکارنده

افلاطون اولله ایسه خیری دخی بلز دیدی یعنی انسان قتنده امور
تمیزه اولمیدر که اموری تمیز ایلد کدنصکره فعل صوابی اختیار ایلده
پس بر کیمسه صاحب تمیز اولیه افعالندن اختیاری باطل اولور
و حقن بر کیمسه نک اختیاری باطله اوله اول کیمسه نک فعلنده خطا ایدوب
جاه مهملکه به قناده اولسندن خوف اولور دیدی و مومی الیه ارسطو
طالبس بن یقوماخس که معلم اول دبملکه معروفدر و سبب تسمیه
بودر که محور و عرض وضع اولندیغی کبی ارسطو تعالیم منطقیه بی
وضع و قوتدن فعله اخراج ایلشدر و ارسطو کامل الفضل معنایسته
اولوب غالب سربانیدر و افلاطونک ارسطویه میل و محبت و جمیع علومی
تعلیم و تفهیم ایلسته باعث بودر که پدری یقوماخس ارسطو هنوز
طفل ایکن افلاطونه تربیه و تعلیم علم ایچون تسلیم و زمان بسیر میورنده
یقوماخس وفات ایدوب ارسطو خدمت افلاطونده یتیم فالملله
افلاطون ترجم و تعلیم علومده اهتمام ایلشدی و اول وقتک ملکی
اولان روقسطالبسک بطوقورس نامنده بر فرزندینه تعلیم علم ایچون
بر مکتب بنا و بطاقورسی افلاطونه تسلیم و تعلیم علم ایتسته امر
افلاطون دخی تعلیمه مباشرت و اهتمام ایلدی لکن بطاقورس
بطی الفهم و غبی اولوب افلاطون ملک زاده بطاقورسه جهد و اهتمام
ایلله تعلیم ایدر کن ارسطو فطانت و زکا و حذاقت صاحبی بر طفل
اولمغله وراء پرده دن استماع و اخذ و حفظ ایدوب حکمت واد آبد
کمال مرتبه مهارت و ممارسه تحصیل ایلیوب روز عید ده معلم
خانه انواع جواهر و زر زیور ایلله تزیین و ملک زاده بطارقوس البسه
فاخره لابس و سرینه تاج زرین وضع و ملک و ارکان دولت و اهالی
مملکت حاضر اولوب افلاطون ایلله ملک زاده مجلس قرأت حکمت
جالس و حضار مجلس قرأت ملک زاده به چشم و گوش اولدقدده ملک
زاده تعلیم ایلدیکی حکمتدن بر کلمه تکلمه قادر اولوب عجز تامی اشکار
اولدقدده افلاطون منفعل و متحریر اولوب اعتذار کان یا ملک تعلیم

و تلمیذند قطعا قصورم یو قدر لکن قصور قابل طر فنده در دیوب
شاگرداننه توجه و یامعشر التلامذه قنقکر در که ملک زاده به تعلیم
ایلدیکیم حکمتی و کالک کلوب قرأت ایلده دیدکده ارسطو تقدم و مجلس
قرأت حکمته جالس و افلاطونک ملک زاده بطلاقورسه تعلیم ایلدیکی
حکمتی بلا تعلیم تقریر و قرأت ایلدکده افلاطون یام ملک یو برینیم
طفلدر که قرأت ایلدیکی حکمت سنک فرزندیکه تعلیم ایلدییکیم
حکمتدر فطنت وجه دیله حفظ و تعلم ایلش بنم نیل و حرمان حکمتده
قطعا مدخل یوقدر دیوب ارباب مجلس متفرق و منصرف اولدیله
و بوند نصکره افلاطون ارسطونک حدت فهم و زکاسنه غبطه ایدوب
ارسطو ایله افتخار و اعتنا ایدوب بوقضیه دنصکره یکرمی سنه دن
زیاده خدمت افلاطونده اولوب تعلم علم ایلدی و افلاطون ارسطویه
کمال مرتبه تعظیم و توقیر ایدردی حتی مجلس افاده جالس اولوب ارسطو
حاضر اولماز دن مقدم شاگردانی تعلیمه شروع ایتک مراد ایلده
افلاطون صبر ایدیکز ناس مجتمع اولسون یا خود عقل حاضر اولسون
دیوب ارسطونک قدوم و حضورنی مراد و کلنجه توقف ایدردی
و ارسطو افلاطونک جمع علومنی اخذ و تعلم ایلوب برقاج مسئله ده
افلاطونه مخالف ایدوب حیاتنده بنم افلاطونه محبت کمال اوزره در
لکن حق دخی سورم دیوب افلاطون وفات ایلدکدنصکره افلاطونه
محبیدن حقه محبت و اتباع اولی و الیقدر دیردی بعده ارسطو علم منطقی
وضع و اصولنی ترتیب ایلوب چونکه انسانک سائر حیواناتدن امتیاز
و شرفی منطق ایله در هر قنقه بسی علم منطقه اکمل و ابلغ ایسه
انسانیه احق و کندی نفسنک حقیقت و ماهیته اوصول و اعلمدر
دیردی و ارسطونک منطق و سائر علوم حکمت و فلسفه ده مصنفات
کثیره سی اولوب بین العلماء مشهور و معروفدر و فلقوس فرزنددی
اسکندر ی نریه ایچون ارسطویه و یوب علوم حکمیه تعلیم و اخلاقی
تهذیب ایلوب اسکندر سر بر آرای ملک اولدقده جمع امور مملکتده

اسکندر دنصکره چوق وقت مرور ایتوب ارسطو دخی وفات
ایلوب نوحاسدن یا خود خشدن ثابت کی بر صندوقه وضع و جزیره
صقلیه ده بر محله افرینخته اولوب اهالی صقلیه بر امر عظیم
مشاوره سیچون و فنون حکمیه بی تعلیم ایچون صندوق معهود
اطرافنه مجتمع اولوب عقلری زکی و فکرری صحیح و رأیله سدید
اولوردی و قلت نزول باران وقتنده اشتغال ایدوب باران نازل اولوردی
وفات ارسطو بطلمیوس لاغوسک ابتداء مملکتده در و صقلیه بحر
مغرب جزائرندن انهار و اشجار و ثمار و مزارع و جبالی مشتمل بر جزیره
کبیردر و بروقتده ارسطو اسکندر بر نصیحت نامه تحریر و ارسال
ایلدی که مآلی بودر ای ملک هفت کشور مکر و خدیعه اهوادن دائما
احترار اوزره اول یعنی هوا که تابع اولمه اگر چه تبعیت هواده فائده
ملاحظه ایدر سکره زیرا که هیچکس انسان امورنده بصیرت اوزره
اولوب اصابت ایلدم ظن ایدر حال بو که هوایی عقلنه غلبه ایدوب
ورطه عظیمه به و تهلکه کبیره به واقع اوور و سیاست و تدبیر مملکتده
حدت و شدت و عجز ایتوب عقلنه باعث بطو و تأنی بی ترک ایله که اعتدال
اوزره حرکت ایتش اوله سک و شبی مثلی ایله مزح و خلط ایله یعنی بر برینه
طبیعت و خصلته متخالف اولان اشخاصی بر خصوصه مباشر ایله
و هر کسی مناسبه و قدرتی مرتبه سی خدمته استخدا ایلوب
خدمات شریفه بی اسافل و ادانی به خدمات وضعه و خسته سی
اعالی و اشرافه سپارش ایله که دولتک منتظم و بر دوام اوله و حقه
بنده و قول اول که حقه بنده اولان خرد و داء مقصد و همک خلقه
احسان اولسون یعنی کرم و لطفه لایق و سزا اولنله اکرام ایله تو بیخ
و تأدیه مستحق اولانله تأدیب ایله که مستحق عفو است احساندر
و نفسکه پندکر و ناصح اول که نفسکه سندن اعلم کیسه یوقدر بر امرده
متحیر و مضطرب اولور سک سکا دولت و رفعتی احسانندن یاری
تعالی به نضرع و ابتهاال ایله که امر کی تسهیل و تیسر ایدره خند که
بر شبتک حصولی فوت اوله متبفظ و متنبه اول که نای تعالی

سکا اولان احسان و کرمی مقابلہ سنده شکر ایتمہ ده قصور
 و سهو ایلکنددر و هر چند که بر شیشہ مباشرتک بر امر خطیرده
 خطایه واقع اوله که سبب اوله دنیا دن ارتحال مقرر اولدیغنی
 تفکر ایله که خطا ایتکدن سنی حفظ ایدر بودخی کلام ارسطودندر که
 هر شیئک صنعتی وار در عقلاک صنعتی نیک و بدی فرق و تمیز در دیدی
 و بر کیمسه بی سمن و فربه مشاهده ایدوب ما اشدہ عنایتک بر رفع
 سور حبسک یعنی نه بک همت و زجت چکر سن بر سورک رفعنه که
 سنی حبس ایدر دیدی که ان سمن حقہ وصوله مانع اولوب بر هیز
 و ریاضت ایله هزال تحصیل ایتلیدر که تصفیة درون ایله دیمک
 اولور واکر بر کیمسه نک سکا محبت و مودتی اولدیغنی بلمک مراد
 ایدر سک فلککدن سؤال ایله زیر اقلب بر شاهد در که رشوت قبول ایلز
 شاعر دخی بومعنائی بریتده بسلیوب دیمشدر (سلواعت مودات
 الرجال قلوبکم * فتلاک شهود لم تقبل الرشا) و شول کیمسه نک که وجودنه
 فنا و هلاک مستولی و عارض اوله جنی معلومی اوله اول کیمسه به مصائب
 سهل اولوب ایتلادن متکدر اولماز دیردی و ارسطونک بو مقوله
 نصایح آمیز کلمات و کفستاری بسیار اولوب اکثرنی متنبی اشعارنده
 استعمال ایلوب حاتمى مجموعنی جمع و بر رساله ده سرد ایلشدر
 عبدالله بن طاهر ذکر ایدر که مأمون خلیفه خوابده بر کیمسه بی
 مجلس حکمایه جالس مشاهده ونه مقوله شخص اولدیغندن استعمال
 اول کیمسه دخی ارسطویم دیو اعلام ایلدکده ماؤن ای حکیم
 ذوقون احسن کلام ندر دیو سؤال ارسطو دخی حسن کلام اولدر که
 جمع اصحاب عقول و رای عنندنه پسندیده و مستحسن اوله دیدکده
 مأمون بوند نصکره احسنی ندر دیو سؤال ارسطو دخی سامعی استحسنان
 ایلیمه دیدی بنه مأمون بوند نصکره احسنی ندر دیو سؤال ارسطو
 دخی متکلم عاقبتندن خشت ایتیمه دیوب جواب و ربوب مأمون
 تکرار بوند نصکره ندر دیو سؤال ایلدکده ارسطو بونلردن ماعداد
 کلام نهیق حار ایله یکسان و برادر دیو جواب داده اولدی و بورویادن

مأمون تعجب ایدوب اگر ارسطو حیاته اولسه بوندن بر تر جواب
 و برزدی دیدی مرویدر که بعد زمان بوا سؤاله و اجوبه بی کتب
 ارسطوده مذکور بولدیلر * و بطلمیوس سوی الاضطراب بتدبیرک
 و صور الکرة علی تقدیرک * و بطلمیوس اضطرابی سنک رأى و تدبیرکاه
 ایجاد وکره بی تعیینکله فرض و اختراع ایلدی ظن ایلدم
 مومی الیه بطلمیوس قلودی دیر که کتاب مجسطی کبری تألیف
 و جغرافیا و اضطرابی اختراع و سکر لحن و نغمه بیاننده بر کتاب
 ترتیب ایدوب بونلردن ماعداد نیجه مؤلفاتی اولوب علوم فلکیه ده
 اولان اقوال حکمای بی شرح و علم هندسه بی قوتدن فعله اخراج
 ایلوب ظهوری ملک ابرجدن ایکپوز سکسن سنه صکره ملوک
 رومدن ملک اندر ماسیوس و ملک انطمیوس زمانده در وروانک
 اکثری مومی الیه بطلمیوس ملوک یونانک اسکندر دن صکره اوچجیبسی
 اولسته ذاهب اولمشدر و کسری ملوک عجمک لقبی اولدیغنی کبی
 بطلمیوس ملوک یونانک لقبی اولوب بطالسه اون اوج نفر ملک
 ایدی که وفات اسکندر دن صکره یونانه ملک اولمشدر و مدت مملکری
 ایکپوز بتش بش سنه اولوب ابتدا بطلمیوس سلسوبن لاغوش سریر
 آری ملک اولمشدر و معنای بطلمیوس اسدالحرب دیمکدر و مزبورک
 مدت ملکی یکرمی سنه در بعده فیلو فوس که معنای محب برادر
 دیمکدر مدت ملکی اوتوز سکر سنه اولوب زمانده تورات زبان
 عبریدن زبان یونانه ترجمه اولمشدر بعده اورا حیطش ملک اولوب
 مدت ملکی یکرمی بش سنه در بعده فیلو بطول اون یدی سنه
 ملک اولوب معنای محب پدر دیمکدر بعده اقتفیوس یکرمی دورت
 سنه ملک اولمشدر بعده فیلو مطون اوتوز بش سنه ملک اولوب
 معنای محب مادر دیمکدر بعده اورا حیطش ثانی یکرمی طقوز
 سنه ملک اولدی بعده شو طیر اوسته اون سنه ملک اولدی بعده
 شیدیر نطیس طقوز سنه ملک اولدی بعده اسکندر روس اوج سنه
 ملک اولدی بعده فیلو دفوش سکر سنه ملک اولدی بعده بطلمیوس

ثانی یکر می طقوز سنه ملک اولوب ملک یونان مقدما ذکر اولتان
 قلا ربطره به انتقال ایلندر بطلمیوس حکیم اولوب سبب ملکی
 بودر که وقتا که ملک یونان اولان بطلمیوس ضایع مرد اولدی
 اولاد واقرباسندن مملکت صالح و لایق بر کیمسه سی قالما مغله
 اهالی یونان صلاح ایله معروف بر شخصی ملک ایتک مراد
 ایلدکرنده مزبور بطلمیوس استخسان ایتوب اول شخصی کثیر
 الخصومه بر آدم اولوب اگر خصوصتیده ظالم ایسه ظلم ملوک مناسبت
 دکلدر و اگر مظلوم ایسه مظلوم اولمقلخی ضعفندن نشأت
 ایدر ضعیف آدم ملک اولمقی خود بر وجهله مناسب دکلدر
 دید کده اهالی بطلمیوس بوامر سندن احق و اولی کیمسه اولمز دیوب
 سر بر آرای مملکت ایلدیلر لکن محققین مورخین بطلمیوس مزبور
 حکمدان اولوب ملک اولسی خلاف واقع اولسنه ذاهب اولمشلردر
 وانقراض ملوک یونا نیاندن صکره ملوک رومدن ارطیوس نامنده بر ملک
 زماننده ظهور و علوم حکمیه به اشتغال ایله مشتهر اولوب مملکنده
 علاقه سی یوقدر حتی مزبور بطلمیوس کتاب مجسطیده بخت نصر
 تار یخندن سکر یوز سکسن سنه سنده اسکندر به ده شمسی رصد ایلدم
 دیود کرایدر که بخت نصر زمانندن قتل دارایه وارنجه درت یوز یکر می
 طقوز سنه می وروقتل دارادن ملوک یونان یدندن ملک زائل و او غسطبس
 تصرفه داخل اولنجه ایک یوز سکسن سنه می ورو و او غسطبس
 غلبه سندن انطیوسک مملکتی ضبط و تصرفه کلنجه یوز یتمش سنه
 می ورایدوب مذکور بطلمیوس کتاب مجسطیده ذکر ایلدیکنه موافق
 و مطابق اولور دیو ملک اولما منی استدلال ایلدیلر و بطلمیوس
 اضطرلابی ابتدا هیئت فلک اوزره کری الشکل وضع ایدوب کوره
 شمعدن اولمغله کفین ایله باصوب بر دایره حاصله اولور وجهه اوزره
 پرداخته ایلدی و اضطرلاب لغه یونانیده میران الشمس معنا سنه
 اولوب معرفت مقدار ساعات زمانیه و مستویه و معرفت اخذ رصد
 و معرفت مطالع کواکب و سایر احکام فلکیه به اطلاع ایچون وضع

اولمشدر کوره دخی بویله در وساعات زمانیه اولدر که عددی دائماً
 اون ایکی اولوب مقداری مختلف و متفاوت اولور مثلاً اون درجه
 و اون اوج درجه و اون یدی درجه اولوب فصول اربعه دله لیل و نهار
 ساعت زمانیه ایله منجملر و ارباب علم روحانی استعمال ایدرلر و ساعت
 مستویه اولدر که عددی مختلف و مقداری غیر مختلف و دائماً اون
 بش درجه اولوب فصول اربعه ده شب و روزک زیاده و نقصان قبولی
 بوساعت اعتبار یله اولوب حالا معروف ناس اولان بوساعت دروزعم
 بطلمیوس عدد افلاک طقوز اولوب اول و اصغری زمین قریب اولان
 فلک قدر ایکی فلک قری حاوی و محیط اولان فلک عطارد و بعده
 فلک زهره بعده فلک شمس بعده فلک مریخ بعده فلک مشتری بعده
 فلک زحل اولوب سکر یچی فلک ثوابندر که اهل شرع کرسی تسمیه
 ایدرلر و بوسکر فلکی محیط اولان فلک اعظم و فلک اطلس و فلک
 الافلاک دیرلر که اهل شرعک عرش تسمیه ایلدکری در که جمیع
 افلاک حاکم و جله سندن اعظم و هر بر فلک حرکت طبیعی سی غربدن
 شرقه اولوب فلک اطلس مجموعنی یکر می درت ساعت مستویه ده
 حرکت قسریه ایله شرقدن غربه بحر بک و اداره ایدر بناء علیه فلک
 اطلسه قسری دخی تسمیه ایدرلر و افلاک ثمانیه ده تأثیری اولوب
 کندیده افلاک تأثیری اولما مغله اثر دخی دیرلر و فلک اطلسک
 افلاک ثمانیه بی شرقدن غربه اداره ایدوب افلاک غربدن شرقه
 حرکت و دور ایللری جریان بحر ایله سفینه جاری اولور کن را کب سفینه
 اولان شخصک باشند جبه مشی و حرکت تشبیه ایلدیلر و بروج اثنی
 عشرک هیئت خطوط ایله منقش اولان قار یوز کبی اولوب ایکی
 طرفنده مجمع خطوط اولان نقطه لر قطبین اولوب بری قطب
 شمالی و بری قطب جنوبی در و خطوطدن هر ایکی خطک میانی
 بر برج اولوب هر برج اوتوز درجه به منقسمدر ابو حیان توحیدی ذکر
 ایدر که ابن بکر بطلمیوسه مخالفت ایدوب مادون فلک قری ایکی فلک
 دخی اولسنه ذاهب و جزر و مد بو ایکی فلکک اثر ایدر و بوفلکک سر یع

الحرکه اولوب برکون بر کچه ده ایکی کره دور ایدر دیود دعوی ایدر لکن
بود عواده ابن بکیر تفر دایدوب حکمادن بر فرد مز بوره اتباع الیلمشدر
وعلم هیئتده مذکور اولان افلاک و حرکات و قسری و ساری بر اهین
هندسه ایله مثبت و مستدل اولوب ابن بکیرک دعواسنه برهان اولدیغی
دخی معلوم دکلدر بطلمیوسک کلامندندر که انسانه احسن اولان
اشتها ایلدیکندن کف نفس و صبر ایلکدر و بوندن اعلا و احسنی
کندویه لازم و مالا دمنه اولان اشیان ماعداسنه لشته دخی ایلیمه و عاقله
لابق اولان هر کون می آتیه نظر انداز اولوب اگر کندوی حسن الوجه
مشاهده ایدر سه افعال قبیحه دن اجتناب ایلسونکه حسن اولانه
قبیح ایله شأن و عیب و یرمک مناسب دکلدر و اگر کندوی قبیح مشاهده
ایدر سه بینه افعال قبیحه ارتکابی مناسب دکلدر که ایکی قبیح میاننی
جمع ایتش اولور * یا حسن الوجه توقی الحنا * لا تبدلن الزین بالشین *
و یا قبیح الوجه کن محسنا * لا تجمعن بین قبیحین * و بقراط
علم لعل و الاعراض بلطف حسک * و بقراط انسانه اصابت ایدن
علتله سنک حسن و تشخیصک لطافت و دقتیله عالم و مطلع اولدی
ظن ایلدم مز بور بقراط بن ابراقلس در که اسکندر دن یوز
سنه مقدم ملک بمن بن اسفندیار زمانده ظهور ایلوب مسکنی
قبرهایعنی حص اولوب اسقلینوس اول عبا و بقراط بر روایتده
طیب هفتم و سقراط و افلاطون دن متقدم اولوب علم طبه اهتمام
و توغل و اسقلینوس و صینه بناء غربا و اجانبه تلقین اولمیب فقط
اولادنه منحصر اندر دخی قتل و تکاسل و نها و نلرندن و کتب تدوین
ایتمدکلر ندن علم طب مضحکل و مندرس اولغله قریب اولمش مشاهده
ایتمکله غریب و قریب دیمیبو جیع نامه تعلیم و نشر ایلوب اطباءیه
مشهور اولان عهد ایله عهد و وصیت ایلدی و بقراط مالک الصحه
معنا سنه در جالینوس بعض تألیفاتنده ذکر ایدر که بقراطک علمی
طبه منحصر اولوب علم نجومده دخی زمانده کندویه مثال و مدانی
بر کیمسه موجود دکل ایلدی و بقراط ابدان حیواناتک مرکب اولدیغی

ارکان امرنه و کون و فساد و صحت و مرض نه کونه اولور کیفیتنی برهان
اقامتیله اثبات و بیان و اجناس امراضی بر اهیندن استنباط و استخراج
و هر رینه مداوات نه کونه ممکندر تجربه و عیان ایلشدر و بیمارستانی
بقراط ایجاد و احداث ایلوب کندی خانه سنه قریب مرضا
ایچون منفرد و مخصوص بیمار خانه بنیاد و مرضایه خدمه تعیین ایدوب
اول بیمار ستانه اخشد و کن تسمیه ایلدی که معنا سی مجمع المرضی
دیمکدر و بقراط ملوک که تقرب و انتسابدن اجتناب ایدر دی حتی ملک
فرس یونانک بر ناحیه سنده عاملی اولان کیمسه به مکتوب نحر بر ایدوب
بو طرفده عظیم و باء ظهور ایلدی بقراطی طرفزه ارسال ایده سن
واجرت طریق یوز قنطار سیم روایت اخرا ده یوز قنطار التون و یروب
هر سنه اول مقدار مال کندویه طرفزدن احسان اولمسنه تکفل
ایده سن دیوب ملک یونان اولور کیمسه به دخی بقراطی طرفزه ارسال
ایده سن و عامله اعانت ایده سن که بقراط بو طرفه کلور سه سنکله
یدی سنه مصافات و مصالحه اولور ز و بو مکتوب ارسال ایلدی و عامل
هر چند که مال معجلی بقراطه عرض و مؤجلی ایفاده تکفل و ملک یونان
سعی بلیغ ایلدی کار کر اولوب اجابت ایلدی اهالی یونان اگر بقراط
فرسه راهی اولور سه تجمع و فرسه راهی و بقراط یولینه جان و سری
فدا و هلاک اولنجسه مقانله ایدرز دیدیلر و بقراط طریق حبله به عالم
و صاحب فراست و مؤلفات کثیره و اخبار مستحسنه صاحبی اولوب
از جمله ملوکدن برینک فرزند ی پدرینک تسری ایلدیکی جوار بدن
برینه تعشق و کوندن کونه علت عشقی مشتده و درونه تأثیر ایتمکله
ضعیف و نحیف ورنک و رینی زرد و وجودی نالی مثال اولوب پدری
مضطرب و متألّم و احوالنه واقف اولمدن عاجز اولغله بقراطی هزار
نیاز ایله دعوت و شهزاده بی ارأت بقراط دخی نبض کبر اولوب
تشخیص مرضه کوشش و امراضدن بر مرض مشاهده ایده میوب حال
شهزاده به واقف انجق فراست ایله ممکن اولور دیو حکایات عشقه
اغاز و شهزاده نک نبض و لوننده تغیر و انفعال و وجودنده لرزش

ودرونده ملال معاینه ایلد کده بلدی که شهرزاده عشق و ابتلا به
 گرفتار و دام هوا به فتاده و ناچار در پس شهرزاده مقرب و دائم خدمتده
 اولان خدمه دن کچه دلداده در دیو استعمال انلر دخی معلوم
 دکدر دیو اعلام ایلد کلرنده بقراط تفرس ایچون انحراف مزاجدن
 مقدم سرایدن بیرون و بر طرفه راهی اولدی دیو سؤال خدمه دخی
 قطعاً سرایدن بیرون اولدی دیو جوابداده اولدی بلبعد بقراط
 شهرزاده نك پدربنه ای ملک رببس طواشی بنم امریعه امثال ایلک ایچون
 امر و تنبیه ایدک دیدکده ملک دخی رببس طواشی به بقراطک
 امریته انقیاد ایلد دیو ببقراط حر مسرای شاهیده موجوده
 جوار بنک مجموعی بروز و شهرزاده مواجهه سندن کلوب کجسونلر
 دیو امر رببس طواشی دخی جوار یی ابرازو بر بر کچمکه اغاز ایلد کلرنده
 بقراط شهرزاده نك نبضنه انکشتنی وضع و اطلاعه منتظر اولوب
 معشوقه شهرزاده اولان جاریه عبور و شهرزاده مشاهده ایلد کده اندامی
 لرزان و نبضی متغیر و مضطرب و حرارتی مشتبه اولوب بقراطک
 معلومی اولدی که شهرزاده پدربنک مرغوبه و مقبوله سی اولان جاریه به
 دل بوده و مرضه دوا انجق مواصلت ایلد اولور مواصلت ایسه امر
 محال اولغله ضروری بر حیل ملاحظه و مجلس شاهه داخل وای ملک
 فرزندک بر محبوبه به دلداده اولمش که مواصلتی غایت صعبدر دیدی
 ملک دخی استفسار ایلوب بقراط ای ملک داد کر شهرزاده بنم زوجه مه
 عاشق اولمش دید کده ملک یا بقراط او یله ایسه امر سهلدر همان
 زوجه کی ترک و تطبیق ایلد شهرزاده به تزویج ایده لم و بدنه جوار ییدن
 خواهشکر اولدیغک جاریه بی سکا احسان ایده لم دیدی بقراط دخی ای
 ملک کیمی مشاهده ایلدک که بر کچمه زوجه کی تطبیق ایلد دیو تکلیف ایده
 خصوصاً سن بر ملک عادل اوله سن روجه شبه سنده اولان زوجه می
 تطبیقه تکلیف ایده سن عدل و داد که لایقیدر دید کده ملک یا بقراط بنم
 فرزندم افنای وجود اتندن سن زوجگی ترک ایتمک سهلدر البتد
 ترک ایلد دیو ابرام بقراط دخی مخالفت و طاقت منازعه سیف ایلد

تهدیده انجاسمیده اولوب یا بقراط سنی قتل بعد زوجه کی شهرزاده به
 تسلیم ایده رم دید کده بقراط ای ملک ملو که عادل و داد کر دینلر
 مادامکه خلقدد ایلد یکنی کند دی نفسنده اجرا ایتمه شهرزاده نك
 دلدادد اولدیغی زن اگر تسری ایلد یکنک جوار ییدن زیاده علاقه
 و محبت ایلد یکنک جاریه اولسه مسا عده ایدر میدک که بکا تطبیق ایلد
 تهدید ایدر سن دید کده ملک متغیظن و احواله وقف اولوب یا بقراط
 عقلک علم و معرفتکدن اتم واکملدر دیو تحسین و افرین و اول
 جاریه بی شهرزاده به احسان ایلوب مواصلت حاصله و شقایب اولدی
 و بو افسانه عجیبه دن منفهم اولور که پدربک موطوءه سی دینلرنده
 فرزندنکاح اولمش جا ژاوله روایت اخراجه شهرزاده عشقدر خلاص
 و پدربک موطوءه سنه تقرب واقع اولماق ایچون لیلته زفافده بقراط
 جاریه به مسهل حارنوش ایتدیروب اثری ظهور ایلد کده شهرزاده به
 معشوقه که سن خدمت ایلد دیو امر شهرزاد دخی صباحه دك جاریه به
 خدمت واستکراه ایلوب صباح جاریه هلاک اولوب شهرزاده نك
 حرارت عشق منطقی و زائل اولدی بقراطک کلامند ندر که مضر
 اولان طعمای قبل استعمال ایتمک نافع اولانی کثیر استعمال ایتمدر
 خیر لودر و بقراطه کشتی نه مقدار جعاع و قربان ایلمک مناسبتدر دیو
 سؤال اولند قدده سنه ده بر کره و اگر صبر ایده مزسه ایده بر کره و اگر صبر
 ایده مزسه هفتده بر کره دیو جواب و بروب اگر صبر ایده مزسه دیو و آل
 اولند قدده منی انسانک روحیدر نه زمان مراد ایدر سه اخراج ایلسون
 دیدی و غدا نك خیر و نافع زیاده سحری اکل اولانیدر و وعشائک خیر
 لوسی شمس غروب ایتموب ضوئی متمکن و باقی ایکن اکل اولانیدر که حتی
 وقت نوم داخل اولماش اوله و موتی سهل و آسان اعتقاد و ملاحظه
 ایدک زیرا مرارت موت خوف موده در دیدی و بقراط مرض موشده
 مختصر اولد قدده ای قوم بندن استفاده ایدک که بر کچمه کثیر النوم و العرق
 و طبیعتی ملایم اولوب قبض اوزره اولسه طول عمر نه دلالت ایدر دیدی
 * و جالینوس عرق طایع الحشائش بدقه حدسک * و جالینوس این ماسکها

طبا یع کباه ونباتاتی سنک رأی وظنک دقتیله ییلوب فهم ایلدی ظن
ایلدیم مومی الیه جالینوس مشاهیر حکماءک آخری و معلمینک خاتمه سی
اولوب جالینوس د نصکره ظهور ایدن حکماءک مجموعی مزبورک رتبه
سندن دون ایدی و مزبوره خاتمه المعلمین تسمیه اولمغه سبب بود که
کندی تعلم علوم حکمیه ایدوب بر طبیب حاذق ظهور ایلد کده
صناعت طبی اقوال باطله سوفسطائیین افساد و محاسنی محو و افنا
ایتمش مشا هده ایدوب علم طبی اصلاح و تنقیح مباشرت و اقوال
سوفسطائیه بی ابطال و تزییف و مذاهب بقراطیه تابع اولانلرک اقوالی
تأیید و تقریر و علم طبی ملخص ایدوب خواص نباتاته اطلاع قصدیله
سیاحت و هر بر بنی تجربه و بر برینه قیاس و امتزاج و خواص
و طبیعت برینه واقف و عالم اولوب اعضاء انسانیه بی شرح و علم
تشریحی اختراع و کتب نفیسه تألیف ایلدیکه الی یومنا هذا اطبا
استفاده ایدوب فرعلرینه جالینوسک کلامنی اصول و قواعد معتده
ایلمشدر سوفسطائیه دیدکاری قوم مذاهب باطله صاحبی اولانلردن
برقیج فرقه در که از جمله برینه عنیده دیرلر که حقایق اشیاک اصلی
اولوب اعتقاداته تابعدر یعنی هر نه گونه اولنورسه اولیه اولور دیرلر
و برینه عنادیه دیرلر که مجرد عنادایله خارجده برشی موجودد کلدردیو
دعوا ایدرلر و بر فرقه سنه لادریه دیرلر که محسوسیات و بدیهیات
و نظریات مجموعنده توقف ایدوب بر طرفه حکم ایتمزلر و یلورلر دیرلر
و بر کیمسه مثلاً بر مسئله ده خطا و غلط ایلسه اول کیمسه به دخی
سوفسطائی دیرلر بر زبان یونانده سوف علم معناسنه وسطا غلط
معناسنه اولوب سوفسطا غلط علم دیمک اولور و مؤلفاتندن اشهری
کتب سنه در که اسکندر انیلر شرح ایلمشدر و جالینوس ارض یونانده
مدینه ذرغامو سندن زمان بقراطدن التیوز التمش بش
سنه د نصکره ظهور ایلدوب جالینوس فاعل العجایب
معناسنه دروغا لبا زبان یونانیدر و جالینوس علت

معهوده به مبتلا اولوب بر کون بر دیوار قربنده بر غلام روز کاره
دست رس و کندویه درکار اولمغه هوس و ییک نیاز ایلر رغبت و دردنه
مد درس اوله سنه ارضا ایدوب غلامه قوام تام کیش ایکن سوراخ
دیورا دن بردرا جه پرواز و طیران ایلد کده غلام نو هوس خوفناک
وسست اندام اولوب فتور کلی کلمکله فرار ایلد کده جالینوس حیف
و افسوس ایلر آه سرچکوب دراجه نک عید و جانی و انقراض
نسلنه دامن در میان و ساعی اولوب مر ضایه حیه و مدا وات ایلر
امر ایلد کجه دراجه اکل ایتملرینه حث و ترغیب و سائر حیوانات
لحومندن منع و ترهیب ایدوب بر آرمده دراجه اول حوالیده نایاب اولور
و عزیز کباردن ابتداء ظهوری عزیز مصر اولان زوج زلیخا ده در
وابو جهل مأیون اولوب علتی تقاضا ایلد کده بر حجر مستطیل
ادخال ایلر مهمما ممکن دردنه دوا و کمال حرصندن لات و عزایه یمین
ایدوب البته بن سنی ذو عروق صلیبه بر ابره اعلاق ایدرم دیردی و مومی الیه
جالینوسک وفاتی مبعث عبسی ابن مریم علیه السلام د نصکره در
لکن رؤیت و دیدار شریفلری مبسر اولما مشدر و عبسی نامی اولوب
مسح لغه عبریده مسیحا اولور مبارک معناسنه لقبیدر و مریم امة الله
و کنیرک خدام معناسنه در میرویدر که جالینوسه عبسی علیه السلامک
خلقی و دینه دعوت یوردقلری و احیاء موتا و خلق طیر و ابراء که و ابرص
ایلدکاری خبری رسیده اولدقده تلامذه سنه بو گونه تقریر ایلدیکه
شول کیمسه که طبیعت بشرینک حصول بذیر اولسنده مستقل
اولق ممکن دکل ایکن اول شئیک حصولی دعوی ایلسه یعنی کنیدین
خارق عادت اولان اشیاک ظهورنی مدعی اولسه ایکیدن خالی
د کلدرد دعوا دن مقدم سفهی معلوم اولق وار اولماق وار
اگر قبل الدعوی سفهی معلوم ایلر اعتبار و التفات اولماز و اگر
اول کیمسه دن بر وجهله سقه و قوعی احتمالی یو غیبه دعواسنه بیان
طلب اولور که ماوراء مقتضای طبیعتده اولان اشیاک حصواتی

دعوی ده صادق اولان کیمسه اثبات و بیانه قادر اولورز پراهر قرنک
ابتدای ظهوری زماننده بر کیمسه کندودن خارق عاده اولان اشیا نك
صدورنه ادعی و اثبات و بیانه قادر اولوب اثبات ایدرو بومد عینک هر قرن
ابتدا سنده ظهورینه باعث روی زمین فساد و شقاوتله مالی اولوب
بر مصلح و راه سدا ده رهبر بر کیمسه دن لایه اولغله ظهور و دعوا ده اولوب
دعواسنی بیان و اثبات ایلد کده خلق ادعاسنی صحیح اولدیغن مشاهده
ایلیوب اتباع و انقیاد ایدر حاصلی قانون قدیم بودر که مدعی دعواسنی
اثبات ایلله و عیسی علیه السلام دعوا ایلیوب اثبات مدعی ایلدی
ایمدی اتباع لازم اولدی دیوب لوازم سفریه آماده و زیارت
شریفه لرین قصد ایدوب محمل بند عزیمت اولوب قبل الوصول اثناء
طریقده تنیس بحیره سی کنارنده عرمانام بلدهیه وصولنده وفات ایلدی
و حالا قبری اول بلدهیه در و مرضی مشته اولدقده تلامذه سی مداوایه
جالینوسی ترغیب ایلد کلرنده (اذا نزل قدر الرب بطل حذر المربوب
و انعم الدواء الاجل) یعنی باری تعالینک قضا و قدری نازل اولدقده
قولک حذر و احترازی فائده مند اولماز و اجل و موت نه ابو کوزل
علاجدر دیوب اسهالدن وفات ایلدی و ارسطو مرض سلدن
و افلاطون برسامدن و بقراط فلجدرن هلاک اولدی لاما ابو الحسن علی
ابی الحسنو المسعودی روایتی اوزره جالینوس زمان مسیح علیه السلامدن
یکپوز سنه صکره و اسکندر دن بشپوز سنه دن متجاوز صکره تولد
ایلمشدر این جلیل روایتنده جالینوسک بلدی قسطنطنیه نك جانب
شرقیسنده بلاد اسپادن فرغیش نامنده بر بلده دندر کد نام دیگری
فرغین درو جالینوس ملوک رومیه قیاصره تسمیه اولوب التنجی قیصر
اولا تبره زماننده ظهور ایلیوب اون یدی یا شنده علوم طب و فلسفه بی
تکمیل و یکرمی یا شنده زماننک وحید و فریدی اولمشدر و جالینوسه
آخر دولت قیصر ده بیت المقدسه مسیح ظهور ایدوب اراء الکه
و امراض ایدردیو خبر و برد کلرنده کندوبی مشاهده ایده مدم باری
اصحابندن بقیه اولانی مشاهده ایده یم دیو بیت المقدسه توجه

وصفیه که حالا سلطانیه تسمیه اولسان بلدهیه وصولنده وفات ایلیوب
قبری سلطانیه ده در و علم طبلده اون الی کتاب تألیف ایدوب سکسن
یا شنده وفات ایلمشدر و جالینوسدن مرویدر که بر کون سر راهم
برستانه منتهی اولوب صاحب بستان اولان پیر بردرخت غرس و نشان
ایردی نه کونا شجر در دیو سوال ایلدم پیر دخی بو غرس ایلدی یکیم
بردرختدر که ثمر و بارندن هم بن و هم سن انتفاع ایدرز دیوب سینندن
سوال ایلدی یکیمده مشمشدر بارور اولدقده خلقه باری بیع و بهیاسیله
تعیش ایدرم خلق دخی اکل و امر اضمه مبتلا و سندن مدوات طلب
ایدوب سندخی اموال ناسی اخذ و انتفاع ایدر سک دیو جواب داده
اولدی ینه جالینوسدن مرویدر که چونکه علم تشریحده کمال تحصیل
و جمیع اعضای انسانیه به مطلع اولدم بر کیمسه طعامه اشتها سنک
نقصان و عدم هضمندن تشکی ایلیوب کردنه ادویه وضع ایلدم
و اول شخصده اشتها ی تامه پیدا اولدی زیر اقصیه کردنه مجاور
و ملاصق اولان ایکی عضولک شعبه لری قم معده به منتهی اولوب
معده انلر دن انتفاع ایدرو بروقتده اول شخصک کردنده خناز بر تسمیه
اولنان قرحه لر ظهور و طبیب قطع ایله تدبیر ایدوب کرچه قرحه لر
مندفع اولش لکن اول عضولره ضعف طاری اولغله اشتها سنه
نقصان ترتب ایلمش چونکه اوزر ینه دوا وضع ایلدم قوت و بیروب
اشتهاسنی تام اولدی دیدی و کلام جالینوسدندر که انسان سراج
ضعیف کی و طبایع اربعه ریاخ مختلفه کبیر بناء علیه ضوئی بر دوام دکلدر
و بر کیمسه بر در همه مالک اولسه نصفنی نرجسه صرف ایلمسون زیر
رایحه رزینی دماغه قوت و برر و دماغ قوی اولدقده عقل سلیم و مستقیم
اولور جالینوس زماننده بر کشتی کبر و ارایدی که دائما مغلوب و اوردی
عاقبت اول صنعتی ترک و علم طبیه هوس کر اولدقده جالینوس مزاج
قصیده صنعت طبلده دخی فارغ اولدیغک صنعت کبی مغلوب
اولور سک دیدی و انسان کندویه مضر اولان طعامدن اجتنابدن
زیاده نافع اولان غذا بی اکل و تناول ایتمکه محتاجدر دیدی * و کلاهما

قلدك في العلاج وسئل عن المزاج) وبقراط وجالينوس مداوانده
سكانتقليد ومتابع ايليوب مزاجك كيفيتي سندن استعلام ايلديلر
ظن ايلدم علاج ومعالجه لغتده مغالبه معناسنه اولوب علم طبه علاج
تسميه ايلديلر كه طيب علم طب ايله مر ضه غالب اولور بقراطدن
منقولدر كه جسده معالجه پنج قسم اولوب ودر دسره غرغره ايله
و در دمه ده في ايله واسفل معده به اسهال ايله و لحم و پوست مياننده
اولان امر اضه خوي واساله خون ايله مداوات اولور و بومعالجات
اصولي يعني اسطقسات اربعه و طبائع و اخلاط وقوي وارواح
معرفته موقوفدر و مزاج لغتده شرابي آخرشي ايله آلوده و خلط ايتكه
دينوب اطبا طبائع بدن انسانده تساوي و اخلاطنه تسميه ايلديلر
و مزاج طقوز قسمدر كه بري معتدل و سكرزي غير معتدل اولوب
دردی مفرده در كه حار و بارد و رطب و يابسدر كذاك اخلاط درت
اولوب دم و مره صفرا و مره سودا و بلغم در دم حار و رطب و مره سودا
بارده و يابسه و مره صفرا حاره و يابسه و بلغم بارد و رطب در و مزاج ابدان
اسباب و علاماتك اقسامندن فهم و تشخيص اولوب ابدانك غير ينك
مزاجي تجربه و قياس ايله معلوم اولور (واستو صفك تركب الاعضاء
واستشارك في الدواء) استيصاد برنسنه بي وصف ايتكي طلب ايتك
معناسنه اولوب استوصف الطبيب لدوائ دبرلر بكامه معالجه ايله چكي
شیدن سؤال ايلديلككه يعني جالينوس سندن اعضا نك تركبي وصفني
طلب و مرضي معالجه ده سنكله استشاره ايلدي ظن ايلدم اعضا
ذكری ايله علم تشریح اشارت ايدر كه جالينوس علم مزبوره سعی بلیغ
ايله اتقان و احكام ایدوب مباهات ایدرك كتبنده حكایات غریبه ذكر
ویان ایلشدر و اعضا عندالاطبا ایکی قسم اولوب بري بسیط و بري
مر كيدر بسیط استخوان و بي یعنی عصب و ركدر و مر كب سر و دستلر
و بار در و تقسیم دیگر ايله اعضا اوج قسم اولوب بري اعضا رئيسه
و بري مرؤسه و بري غیر رئيسه و غیر مرؤسه در اعضا
رئيسه در تدر كه دماغ و قلب و جگر و بیضتین در زبرا دماغه بي یعنی

سكرلر خدمت ايدر و قلبه رك و شرابين خدمت ايدرو كبده سائر
عروق خدمت ايدر و بیضه لر ظرف منی در پس مخدوم اولان
اعضایه رئيسه خادم اولانلره مرؤسه ديدیلر و خادم و مخدوم اولان
اعضا كه قسم ثالثدر انلر استخوان و غضاريف يعني كوك اوجنده
اولان يومشق استخوان وكيرك و لحم و شحم كبي و اعضا نك قوي صاحبي
اولان معده كلا كبدر و داء ابدانه داخل اولان مر ضرر اولدخی اوج
جنسدر بري فساد مزاج و بري متصل اولانلرك متفرق و پريشان اولسي
و بري مرض مشتركر و دوا شول شيدر كه انكله بدنده اولان صحت حفظ
اولور يا خود زائل اولان صحتي جلب ايدر كه مداري حذاقتدر و غایت
مشكادر حتى بقراط ذكر ايدر كه طيب حاذق سم قاتلي حذاقتله
دواء نافع ايدر و طيب جاهل دوا بي سم قاتل ايدر مثلاً بر كيمسه نك
بدننه افراط ايله حرارت مستولي اولسه طيب جاهل صندلي سحق
و كل كبي دقيق ايدوب اول كيمسه نك بدننه طلاء مخين و غليظ
ايله طلا ايدوب اجزاء دقيقه منافس و مسامات بدننه داخل اولوب سد
ايدر و غلبك حرارتی نافذ اوله ميبوب مشته اولور اما طيب حاذق عود
هندويي بر مقدار سحق و بدن مر يضه رقيق طلا ايدوب عودده اولان
رطوبت و حرارت بدننه واصل اولوب مسامات مسدود اولما مغلبه
خارج بدننه حرارتی رد و اخراج ايدر پس عودك حرارتی طيب حاذقك
تدبيری ايله بدننه اولان حرارتی دفع وازاله ايدر (وانك نهجت لابي
معشر طريق القضاء) نهج طريق اشكار قلمحق معناسنه در یعنی تحقيق
ابومعشره طريق قضايي سن آشكار ايلدك ظن ايلدم قضادن
مرادی حكم منجميندر مثلاً تأثير كواكب و سائر احكام نجوميه در
و قضائك حكم منجمين معناسنه استعمالی بومصر اعدن فهم اولور
* يقضون بالامر عنها وهي غافله * يعني برامر ايله كواكب بدن حكم
ايدرلر حال بوكه كواكب اول امر دن غافلار در موعی اليه ابومعشر
اسمي جعفر بن محمد بن عمر البلخي در كه مقدما بغدادده اصحاب حديثدن
اولوب زمانك فيلسوفی اولان يعقوب بن اسحق بن صباح الكندي

علوم فلسفه به مشغله در دیو طعن و تسبیح و تعبیر و خلق اغرا ایدوب
یعقوبی تعجیر و تکدیر ایلدی و کندی عا جز اولغله ابو معشرک
شرقی اوزرندن دفعه دسبسه و علم حساب و هند سه دن بر مقدار
مسائل مر غوبه و نفیسه بی ابو معشره تعلیم ایدوب ابو معشر
متلذذ و ذوقیاب و کندی مسامحه و تعلیم فارغ اولدقده ابو معشر
هزار شوق و رغبت اظهار یله تحصیل علوم ریاضیه به طالب و حساب
و هند سه و هیئت تعلیم و تکمیل نکرده علم نجومه اشتغال و تحصیل
وماهر و اهل زمانه غالب و فائق اولوب یعقوب کندی به زباندرا زلغی
ترك ایلدی مرویدر که ابو معشر علم نجومه اشتغال ایلدکده سنی
قرقیدی به واصل اولمشدی و علم نجومه تحصیل مهارت نکرده
و کتب نفیسه تألیف ایلشدر از جمله کتاب الالوف و کتاب المدخل و کتاب
المذاکرات ابو معشرک تألیف اتندندر و نجومده استخراج ایلدیکی احکامده
عجیب اصابتلری و غریب حکا یملری او اوب کتاب المذاکراته بر کون
معتمدک بر ادری موفقک مجلسنه داخل اولدم شمله وزمانک نجومده
استادی اولان زیادی دخی حاضر لایدی موفق زیادی به توجه
ایدوب ای استاد مشکل کشای ضمائر شناس درو نمده برشی اضممار ایلدم
سندن کشف و بیانی استرم دیدی زیادی دخی امیر حضرتلری بر امر
جلیل و رفیعک فقدانی اضممار ایلش دیدکده موفق کذب ایدوب
و خطا ایلدک دیوب شمله دن سؤال شمله دخی زیادینک جوابنه قریب
جواب و یروپ اتی دخی تکذیب و نخطئه و بی استطاق بن دخی یا امیر
اضمار و نیت ایلدیکنک الله جل شانہ حضرتلریدر دیدم و موفق
اصابتی تحسین و سبب استخراجدن سؤال ایلدی بندخی یا امیر
اضمار ایلدیکنک و قنده رأس حل زروء فلکده بولینوب رأس حلاک
فعلی مرتی و مشاهد و نفسی غیر مرتی در بناء علیه ملا حظہ ایدوب
باری تعالینک افعالی مشاهده و مرتی و ذات شریفی غیر مشاهده
اولوب هر عزت و سلطنت صا حینک فوقنده غالب مطلق اولغله
اضمار ایلدیکنک باری تعالی اولدیغنه استدلال ایلدم دیوب جواب داده

اولدم دیو ذکر ایدر و ابو معشر دن منقولدر که بروقنده اطراف بلادی
سیا حتی اثنا سنده ملوک عجمدن برینه تقرب و انتساب ایلوب اول
ملک اتباع واکا بردولتدن برندن بر جرم صدور و ملک ترتیب جزا
قصد ایلدکده شخص مجرم فرار و اختفا ایلوب ابو معشرک نجوم
ورمل و سایر علوم غریبه ده مهارتی اولوب شاهه اختفا ایلدیکنکیم
محلی خبر و بر خوفیه برطشت کبری خون ایلد لبرزو و سطنه زردن برهاون
وضع و هاونک اوزرنده جالس اولدی فی الحقیقه ملک شخص فارق
اختفا ایلدیکی محلی ابو معشر دن سؤال اول دخی مقدور علمنی
اجری و اعمال بعده متخیرانه معامله ایلد تفکر و تعجب و ملک سبب
تعجیدن استخبار ایلوب ابو معشر یا ملک اول شخصک حالا ساکن
و مخفی اولدیغی محل کی بر موضع فی العمر نه مشاهده و نه استماع ایلدم
که خوندن بر دریا ناک و سطنده التوندن بر کوهک و فرازنده
جالس اولمش استخراج ایلدم دیدی و ملک دسترس اولدن مایوس
و جرمی عفو ایلدم هر نه طرفه ایسه خدمته کلسون دیو اشاعت
اول شخص دخی اعتماد و خدمت ملکه کلوب اختفا ایلدیکی محلدن
استعلام اول دخی بیان ایلدکده ملک وار باب دولت شخص مخفیکنک
تدارک ایلدیکی حبله به و ابو معشرک اصابت و استخراجنه هزار تحسین
و تعجب ایلدیملر و ابو معشرک بو گونه حکایاتی بسیار و کتب توار یخده
مذکوردر و هر علمده یکانه و ماهر ایکن مرض صرعه مبتلا اولوب هر آید
قرمتملی اولدقده ظهور ایدر دی و کندی مولد نه عالم اولوب مقدار
عمر و احوالنه متعلقه بر مسئله اعمال و منجم زیادی سائل و مسئولک
طبیعتلری اول مسئله ده مجتمع اولدقده دلالت صحیحه اولور دیو سؤال
ابو معشر دخی علمنی اجری ایدوب اول مسئله نک طالعی سنبله جیقوق
و قر مقابله شمسده برج عقرب و مریخ برج داودن قره ناظر استخراج
اولوب بو صورت صرعه ایجاب ایلدیکنک واقف اولدق و بوندن
منقهم اولان بودر که بر مولود طالعی سنبله اوله و اول وقتده قر مقابله
شمسده برج عقربده و مریخ برج دلوده قره ناظر اوله اول مولودک مرض

صرعه ابتلا سنی اقتضا ایدر ومومی الیه ابو معشر ایکبوزیتش ایکی
سنه سی وفات ایدوب سبب وفاتی مرض مزبور در روایت اخرا ده
بر امر عظیمی قبل الظهور استخراج و خلقه اشاعت ایلد یکه شیوعندن
فته دن خوف اولمغله مستعین بالله خلیفه غضب و ضرب شدید
ایله ضرب ایدوب متأثر اولوب وفات ایلدی و حالت نزعه اصبحت فحوقیت
دیددی و ابو معشر مد من خیر ایدی (واطلعت جابر بن حیان علی
سر الکیمیا) اطلاع واقف قلمغه دیر لر بقال اطلعتک علی سری
یعنی جابر بن حیان فی سر کیمیا به سن واقف قلدک ظن ایلدم کیمیا
معربة الاسم و باطله المعنی اولوب یعقوب کندی بطلانه بر رساله
بدیعه تألیف و ابطال دعوی المدعیین لصنعة الذهب والفضه تسمیه
وایکی مقاله به تقسیم ایدوب کیمیا نک متعذر و محال اولدیغنی ذکر و بیان
ایلدی و ابو بکر رازینک ابطال رساله کندی ایچون بر رساله سی
موجوده در لکن مفید دکلدر و ابو عثمان جاحظ کتاب الحیوانده
فأره نک خاکدن خلق اولندیغنی بیان اثناسنده کیمیا به متعلق بر مقدار
کلام سرد و ذکر ایلدوب ابطال و تحقیقنه تعرض ایلما مشدرو صحیح
و مشهور اولان کیمیا نک صحت و حقیقتی اولیوب باطلدر ومومی الیه
جابر بن حیان حقنه معتمد علیه اولان کتابده ترجمه صحیح سنه ظفر
بولنما مشدرو بود لیلدر که اکثرناس جابرک تألیف نک اصلی اولیوب موضوع
و مصنع بر اسم بی مسمی اولوب فن کیمیا ده مصنف اولانلر اخرا ع
ایلدکرینه ذاهب اولمشدر در مذهب صحیح دخی بودر که کیمیا نک
صحتنه ذاهب اولانلر جابر بن حیان جعفر صادق زمانده ظهور و تعلم
و علم کیمیا ده کتب کثیره تألیف ایدوب کتابلرنده سیدم شویله پیوردی
سیدمدن شو مقوله استماع ایلدم دیو نقل و ذکر ایلدیکی سیدمدن
مرادی جعفر صادق حضر تدر دیر و شیخ نظامی اسکندر
نامه سنده کیمیا به متعلق بر حکایه سرد ایدر که مالی بر خراسانی بیک
التونی براده و کل سرخ ایله آمیخته ایدوب بر عطسه بر دیناره بیع
و کیمیا کر لکنی اشاعت و بغداد پادشاهنه تقرب و جزء اعظمی طبرک

متن

اولوب پیدا اولمغه محتاج در دیوب طرف شاهدن جست و جو و آخر کار
عطاسار معهود دن بر التونه اشتر اولنوب مزبور خراسانی اجرای
صنعت شبشه بازی ایدوب عمل زر خالص العیار ظهورنده پادشاه بغداد
بمنون و تکرار عمله امر ایلد کده خراسانی طبرک احضار اولنور سه
بی نهاییه خزائن جمع ایدرم دیوب هر چند که تدارکنده تکاب اولندی
بر درهمی پیدا اولمغه امکان اولدقده خراسانده بسیار در لکن هر کسک
معلومی دکلدر اذن پیوریلور سه بن بنده قتی و افرا حضار ایدرم دیو دهان باز
اولمغله پادشاه اون بیک التون و یروب نیجه زمان ایصال طبرنکه انتظاری
سیدیه بغدادیان الدانجیلغه و خراسانیان الدادیجیلغه نسبت اولمغله شیخ
نظامی بویتده اشعار ایلشدر * ازان دمکه اهل خراسان کنند * پیغدادیان
بازی اسان کنند * و فتاحی نيسابوری کیمیا نک باطل اولدیغنی بویتده
تلمیح ایلشدر * کیمیا ی خواهی زراعت کن که خوش گفت ایکه
گفت * زرع ثلثا نش زراست ثلث دیگر هم زراست (و انک
استخرجت للنظام اصلا ادرك به الحقایق) و سن نظامه بر قاعده تعلیم
و استخراج ایلدک که اول ضابط ایله حقایق اشباه عالم اولدی ظن
ایلدم ومومی الیه اسمی ابراهیم بن سيار بن هانی بصربدر که
کنیه سی ابواسحق و اشتها ری نظام اولوب ائمه معتزله نک کبارندن
و علومده ماهر و یکانه و تدقیق و تحقیقده فائق و بی همتا ایدی لکن
افراط تدقیق ایله مطالعه کتب فلا سفه بی اکثار و طبعین و الهیین
مسئله سالت و کلاملرندن بر مقدار مسا ئل استنباط و استخراج و کلام
معتزله به خلط و مزج و مذهبنده تفرد و مذهب اعتزله ذاهب
و معتزله دن معدود اولمغله طعن و تشنیع اولمشدر و علوم فلسفه بی
کلام معتزله به خلط ائمه کلاه سائر معتزله به بر قاج مسئله ده
مخالفت ایلشدر از جمله مذهب نظامده باری تعالی شروره قدرت ایله
موصوف اولیوب سائر معتزله باری تعالی شره قادر در لکن کنندیدن شر
صادر اولماز دیرلر و نظام مذهبنده جوهر اعراضدن مرکب در و باری
تعالی موجوداتی دفعه واحده خلق و ایجاد ایلدی الا ن اولدقلمری

متن

کبی یعنی معادن و نباتات و انسان و سایر حیواناتی بر دن خلق ایدوب
 آدم علیه السلامی قیامتہ دك نسلمدن ظهور ایدن وایده جك اولادی
 ایله معا خلق ایلدی لکن جمیع موجوداتك دفعه عدم ظهورینه
 باعث بر برنده مندرج و مکمون اولوب هر شیء وقت مقدورنده ظهور
 ایلیدر مثلاً حالاتولدا یتیم زیدك موجود اولسنه ذاهبدر پس مذهب
 نظامده معادن و نباتات و حیواناتخی بونك کیدر وفلاسفه دن
 بومذهبه ذاهب اولانلره اهل کون دیرلر و مذهب نظامده انسان
 ایچون قران کریمک مثلنی اتیان ممکن و قوت بشر تحتند اولوب
 باری تعالی اذهان انسانی قرآنك مثلنی اتیاندن صرف ایتک اوزره در
 و بومذهب باطله مذهب صرفه دیرلر و نظامك مذاهب باطله سی
 کتب کلامیه ده مذکور اولغله بو مختصرده بو مقداری ایله کفتا
 اواندی و فقره مذکوره ده این زیدونك حقایق دیو ذکر ایلدیکی
 بومسائل باطله دن ماعدا مسائل حق و مستحسنه در که کتب کلامیه ده
 مذکوره در و نظامده طفل اندك سال ایکن فطنت و ذکا وحدت
 عقل ودها آشکار و هویدا اولوب برکون پدري نظامی خلیل بن احمد
 تعلیم علوم ایچون کتوروب خلیل عقل نظامی امتحان قصدیه
 دستنه بر ایکنه الوب یاغلام بوز جاجه بی وصف ایله دیدی نظام
 دخی مدح ایله می بوخسه ذم ایله می وصف ایدیم دیدکده خلیل مدخله
 وصف ایله دیوب نظام یا شیخ زجاجه آب ایله لبریز ایکن دروننه ساقط
 اولان خار و خاشاک طشره سندن کک و ستر و جور و اذابی قبول ایلز
 و ماوراسنده اولانی ستر ایلز دیدی بعده خلیل یاغلام مذمت ایله دیوب
 نظام شیشه انکساری اسانلق ایله قبول ایدوب جبر و التامی بروجله
 قبول ایلز دیدی و نیمه ده زجاج ایله ضرب مثل اولنور فلان اتم
 من الزجاج دیرلر که اظهار شرده زجاجدن اشد در دیمکدر
 زیرا زجاج جوهر لطیف اولغله دروننده اولانی کم ایتیموب اظهار
 ایدر بعده خلیل خانه سنده مغروس اولان درخت خرما بی ارات
 ایدوب یاغلام بو نخله بی مدح ایله دیدی نظام دخی هی حلو جناها

باسق منتهاها ناضر اعلی ایددی یعنی نخله نك میوه سی شیرین وقدی
 بالا و باسقدر و ذروه سی سر سبز و خضر او حسندر دیدکده خلیل
 یاغلام ذم ایله دیوب نظام صعبه المرتقی بعیده المجتنی مخوفه بالاردی
 یعنی نخله نك ارتقا و صعودی مشکل و صعب میوه سی بعید و صعود
 ایدن کیمسه ساقط اولدن خوف ایدر دیدکده خلیل آفرین خوان
 اولوب ای فرزند سنك پندن تعلمه احتیا جکدن بنم سندن تعلمه
 احتیاجم ازیدوا کثر در دیو تعلیمه مساعده ایلدکده نظام معترله
 بصریینك شیخی اولان ابو هذیل العلافدن تحصیل کماله اشتغال
 و علم کلام و سایر علوم حکیمه ده کامل و معتصم بالله زمانده بین الناس
 علم و فضل ایله مشهور و صاحب مذهب اولوب نظامه خلق کثیر
 اتباع ایلدی و معترله نك اصل مذهب لری بودر که بر کیمسه باری تعالی
 به شی در دیسه کافر اولور و نظام استادی ابو هذیل ایله هزار بار مناظره
 و مباحثه و اکثرنده استادنه غلبه ایدوب الزام و احکام ایدردی حتی
 بعض کیمسه استادکله نیمه مباحثه ایدم یلور سن دیدکده مباحثه
 ایدرم و شطرنج باز خصمه غالب اولدقده بر رخ طرح ایلدیکی کبی عقلمدن
 بر رخ طرح ایدوب او یله مباحثه ایدرم دیو تفاخر کنان جواب داده
 اولدی و نظامك شاگردا نك اعلم و افضل اولان جاحظدن
 مرویدر که برکون ابواسحق نظام استادی ابو هذیل یا اباهذیل
 ستر باری تعالی جسم اولق لازم کلور دیو خوف کز دن جوهر اولسنی
 اتکار ایدر سن حال بو که جوهر اولدیغی تقدیر ده عرض اولق
 لازم کلور جوهر ایسه هر ضدن اضعفدر دیو سوال ایلوب ابو هذیل
 اول وقتده پیرو نظامه جوابدن عاجز اولغله روی نظامه تو کردی
 و نظام خنده کنان باری تعالی اول پیرك یوزنی قبیح ایلسون که
 مدعاسنه دلیلی براق اوله دیدی مرویدر که مذهب سوفسطائیه
 به ذاهب اولان صالح بن عبد القدوسك بر فرزند و فوات ایدوب
 ابو هذیل تعزیه قصدیه صالحه واروب اول وقتده نظام حدیث
 السن و ابو هنر بلک تلذی اولغله خادمی صورتنده معاراهی و صالحه

ملایق اولد قلزنده ابو هذیل صالحی متالم و پریشان حال مشاهدده
ایدوب تعریضانه یا صالح مذهبک زده ناس نباتات کییدر اویله اولد قده
فرزندیکک موته بورنه جزع و فزع ایتمکه وجه بوقدر دیدکده
صالح یا با هذیل فرزندیکک موته غمناک دکلیم بلکه کتاب الشکوک
قرأت ایتمدن وفات لایلدیکک نه متالم او لورم دیدی
ابو هذیل دخی کتاب الشکوک نه مقوله کنایدر دیوب صالح
کتاب الشکوک کندی تصنیف اولوب هر کیمسه که قرأت و مطالعه ایله
بولندیغی حالدده شک ایدوب اول حالک عدمنی توهم ایدر دیدکده
نظام یا صالح تألیف ایلدیکک کتاب ایله عامل اولوب اوغلاکک
موتنده شک ایدوب حیاته اولسنی و هم ایله و کتاب الشکوک
تعلیم ایلدیککده شک ایدوب تعلیم ایلمکی توهم ایله دیوب صالحی
تحجیل و اسکاات ایلدی (و سوفسطائیه دیدکری اقوام مذاهب باطله
صاحبی اولانلر دن برقی فرقه اولوب برینه عنیده دیرلر که حقایق
اشیانک اصلی اولوب اعتقاداته تابعدر یعنی هر نه کونا اعتقاد
اولور سه اویله اولور و برینه عنایدیه دیرلر که مجرد عناد ایله خارجه
برشی موجود دکلدر دیودعوی ایدرلر و بر فرقه سنه لادریه دیرلر که
محسوسات و بدیهیات و نظریات مجموعنده توقف ایدوب بر طرفه
حکم ایتملر و معلوملر دکلدر دیرلر و بر کیمسه مثلاً بر مسئله ده خطا
و غلط ایلمسه اول کیمسه به دخی سوفسطائی دیرلر زیر زبان بونانده
سوف علم معناسنه و سطاغلط معناسنه اولوب سوفسطا علم غلط
معناسنه اولور و سوفسطائیه نیک بعضیلری اشباه حقیقت و ماهیت اثبات
ایتملر و استبعاد اولنان اشبابی تقریب ایدرلر و بیدار اولان کیمسنگ
حالی خفته و نائم اولانک حالی کییدر دیرلر و جاحظ ذکر ایدرکده
برکون نظام ایله طیره و نحوسته متعلق مباحثه و مذاکره اولوب واقع
و غیر واقع ایدر دیو استعلام ایلدیککده نظام یا جاحظ بر وقتده شول
رتبه فقر و فاقه مبتلا اولدیککه دفع جوع ایتمکه بر در همه مالک اولوب
ایا بر کیمسه بنی اطعام و سیر ایدرمی دیو کوشش ایلدم اولدخی و سیر

اولوب دفع کرسنگی ایچون کل و خاکسترا کل ایلدم و او زرمده برجبه
و بر پیراهن اولوب پیراهنی بیع و اهواز طرفه راهی اولمغه عزیمت
ایلدم و اهواز دخی راهی اولمق کال حیرتدن ایدی زیر اهوازده آشنامدن
بر کیمسه موجود دکل ایدی پس رو براه اولوب سا حلدده بر سفینه به
راکب و بحری عبور ایتمک مراد ایلدم سفینه دن نام و نشان
اولما مغله تطیر و تشاؤم ایدوب بر مقصدار زمان انتظار دنصکره
بر سفینه به دسترس اولدیککه باشی قبی شکسته و خراب بنه تطیر
ایلیوب ناچار راکب اولوب ناخدایه نامنی سؤال ایلدم دیودر دیوب
نام شیطان اولمغه انکله دخی تطیر ایلیوب اهواز جاننده لشکر انداز
اولوب لوازم ضروریه ماولان لحاف و پستر کهنه می خانه دک تحمیل
ایچون بر حاله ندا ایلدیککده یکچشم بر حال توجه ایلدیکده بنه
تطیر ایدوب اول ناحیه ده کاولره دخی بیاب تحمیل اولمق دأب
اولمغه بر کاو طلب ایلدم بونوزی شکست بر کاو احضار ایلدیلر اکا
دخی تشاؤم و خواه ناخواه پلاسری تحمیل و خانه واصل و بر حجره
خرابه به داخل و احوال پریشانده منحیر و بونحوست که بنده واردر
همان وطنه رجوع ایتمکدن اولی بوقدر لکن وطنه رجوع ایلم
بنه کل و خاکستراکل ایتمک اقتضایدر بودخی امر مشکل دیو تفکر
ایدرکن بر کیمسه در حجره بی قرع و دق ایلدیکده نفسمه مقدا ظهور
ایدن طیره و شامتلرک نتیجه و آخری ایشته بودر زیر غالباً دشمندر
یا خود سلطان طرفندن بنی احضاره کلیمش بر آدمدر ملا حظله سبله
مضطرب اولوب جواب و یرمدم لکن در حجره بی شکست ایله جک
رتبه دقه اغاز ایلدیکده الحکم لله دیوب کیمی طلب ایدر سن دیو
درون حجره دن ندا ایلدم اول شخص دخی سنی استرم طشره کل
دیدی بن کیم دیدم سن ابراهیم بن سیار نظام سن دیدکده بالضروره
در حجره بی کشاد و مرادن سؤال ایلدیککده ابراهیم بن عبد العزیز
کاتب نسکا سلام ایدوب اگر چه میا نمزده منازعات و مخالفات سبق
ایلشدر جمله سنی بر طرف و مقتضای اخلاق حیده و سیرت حسنه

ایله عامل اولغنی اختیار ایلدم زیرا سرایم طرفندن گذار ایدرکن
 کندونی پریشان حال و فقر و فاقه به ابتلا ایله بی مجال مشاهده ایلدم
 و بو طرفه کلوب ترک دار و دیار و عیال ایملک کمال مرتبه اضطرار
 و افتقارندن اولدیغنی ملاحظه ایلدم ایلمدی ~~اصکرا~~ هوازده اقامت
 مراد ایدرسه برایکی آی مکث و اقامت ایلسون مأمولدر که باقی قیلان
 عمرنده کندونک تعیشنه مدار اوله جق شی ظهور ایده و اگر علی جناح
 الاستعجال وطنه رجعت مراد ایدرسه بو اوتوز التونی اخذ و دیارنه
 عودت ایلسون و بومق دار عطیه کرچه قلیلدر لکن کندی قبول
 عذره اهل و احقر دیدی دیو تبلیغ کلام و دیناری اخذ و وطنه
 رجعتی اختیار ایلوب ظهور ایدن امور غریبه به مخیر اولدم بری
 بو که فی العمر اوتوز التونه دفعه مالک اولماشدم ایکنجی غریبده طول
 و دراز مکث اقتضا ایلمدی اوچنجی طیره و نحوست باطل اولدیغنه
 مطلع اولدم دیدی و نظام ایکوز یکرمی سنه سنده اوتوز التی یا شنده
 وفات ایلشدر و مز بورک اشعار لطیفه و کلام مرغوبی اولوب
 از جمله طلبه سنی علمه تحریر بص ایچون علم برشیدر که طالب اولان
 کیمسه به کندنن بر مقدارنی اعطا ایلر ما دامکه طالب علم
 کند بنک مجموعنی علمه و یرمیه طالب علم اولان کشتی کندینک
 مجموعنی علمه و بر دیک صورتده دخی علم بعضنی و یرمک احتمالی باقیدر
 یعنی علم شریفه طالب اولان کیمسه بالجمله اوقاتی تحصیل علمه صرف
 ایتمک محتاجدر که حتی بر مقدار علم تحصیل ایلر بو صورتده دخی
 بر مقدار علم تحصیلی متیقن دکلدر که هزار کیمسه عمرنی تحصیل علمه
 صرف ایدر وینه خائب و محروم اولور بلکه جهل مرکب اولمقلغه
 نتیجه پذیر اولور دیدی بودخی کلام نظامدندر که بروقتده آمالی
 تفکر و کرم پیشه لک کرم و احسان لریله کوکلمزی اکلندیرر دیک
 شمعی دنیاده اسخیا و جو مرده انقراض کلمک سیبیله تفکر
 آمال هموم و غومه منقلب و مبتدل اولدی بودخی کلام نظام مدر که
 همسایه کده جنازه واقع اولسه اگر تعیشنه کفایت ایدر شیشه مالک

ایسک جنازه صاحبیه و اربوب تعزیه ایله و اگر مدار معاش اوله جق
 بر شبتک اولوب فقردن مضطرب ایسک همسایه که تعزیه ایله زیبا
 سنک مصیبتک اندن اکثر واشد اولوب خانه کده ماتم و ماتم زیاده
 اولش اولور ابو العیناذ کرایدر که بر کون نظامه * اذاهم اندیم له بلحظ
 تمشت فی مفاصله الکلولوم * بیتنی انشاد ایتدی کیمده نظام ایلمدی اول
 محبوبک مصاحبی نابینا اولق لازمدر که متضرر اولیه دیدی کلوم
 ضم کاف ایله یاره لر معناسنه و مفردی کلام اولوب معنای بیت
 بجن ول محبوبه ندیم مصاحب اولان کیمسه طرف چشم ایله نگاه
 ایلیمک مراد ایلسه فرط حسندن اول کیمسه نک مفصلارنده جراحت
 و یاره لر پید ایاور دیمکدر (و جعلت لک کندی زسم استخرج به
 الدقایق) و کندی به بر رسم و اثر وضع و تحریر ایلدک که اول رسم
 ایله حقائق و دقایق استخراج ایلدی ظن ایلدم مومی ایله یعقوب بن
 اسحق بن الصباح الکندی در که اشعث بن قیس اولاندن اولوب
 زماننده فیلسوف اسلام دیمکله معروف ایدی و پدیری اسحق ایام
 مهدی ورشیده کوفه و اول حوالیده اولان بلدان وایلرندن بری
 وجدی اشعث رسول الله صلی الله تعالی علیه وسلم حضرت لرینک
 اصحاب کرامندن و مقدما جمیع کنده به ملک اولمشدی قیس دخی
 کنده دن بر ملک عظیم الشان اولوب اعشی بن قیس مزبور قصائد
 نفیسه ایله مدح و ثناء ایلشدی و مومی الیه کندی علماء متخریندن اولوب
 فلسفیات و منطقیات و حسابیات و کربیات و موسیقیات و نجومیات
 و هندسیات و فلکیات و طبیات و احکامیات وجدلیات و نفسیات
 و سیاسیات و احداثیات و ابعادیات و تقدسیات و انواعیات ده ایکوز
 یکرمی بر تألیفی وارددر که بعضی کتب و بعضی رسا ثلدر و فیلسوف
 لغت یونانده محب علم معناسنه در زابریل محب معنا سنه و سوف علم
 معناسنه در و تعریب اولوب فلسفه فیلسوف لفظندن مشتق
 اولشدر و مومی الیه کندینک نسبی مضبوط اولوب یعقوب بن اسحق
 بن صباح بن عمران بن اسمعیل بن محمد بن اشعث بن قیس بن معدی

کرب بن معاویه بن جله بن عدی بن ربیعہ بن معاویۃ الاکرمین
 بن الحرث الاصغرین بن معاویه بن حرث الاکبرین بن معاویه بن نور
 بن مرقع بن کنده بن غفر بن عدی بن الحرث بن مره بن ادبن
 زید بن یثحب بن عرب بن مہد بن کهلان بن سنان بن یثحب بن
 یعرب بن قطان ابی یوسف الکندی درکہ لغۃ اسلامیہ و فنون
 حکمت یونانیہ و فارسیہ و ہندیہ و متبحر و احکام نجوم و سائر علوم و
 یکانہ ایدی و علم ادبہ اشتغال و اتقان ایلوب مجموع فلسفہ بی تحصیل
 ایلہ صاحب کمال و مشہور افاق اولسی بغداد و اولمشر و کتب
 اوائلک غوامض و مشکلا تی حل و بیان ایدوب مذهب ارسطویہ
 ذاہب و اول وادی بہ سالک و ہر فندہ کتب کثیرہ تصنیف و نیچہ ارباب
 استعدادہ علوم حکمیہ تعلیم ایدوب ہر وجہلہ آثار و فوائدی بسیار
 و منتشر اولوب دولت معتصم کندینک ذات و آثار ایلہ افتخار
 و مباہات ایدردی و کتاب العقل الانسی و کتاب الجوامع الفکریہ
 و کتاب الفلسفیۃ الاولی موی الیہ یعقوب کندینک مؤلفات جلیلہ
 سندندر و موی الیہ اخبار حسنہ سی و نوادر غریبہ سی و اردر لکن
 کمال مرتبہ بخل و ضنتہ مبتلا ایدی از جملہ اخبار حسنہ سندن بری
 بودر کہ برکون احد بن معتصمک مجلسندہ جالس ایکن ابو تمام طائی
 کلوب مشہور اولان قصیدہ سنیہ سنی انشاد ایدوب * اقدام عمرو
 فی سماحۃ حاتم * فی حلم احنف فی زکاء ایاس * بدتہ
 واصل اولد قدہ یعقوب کندی یا با تمام ممدوحک اولان فرزند
 امیر المؤمنین خلقک مالنی غارت و فقرایہ بذل و انعام ایدن
 صعالیک عربہ تشبیہ ایلدیکنکدن ما عدا احربہ اقدام وصولندہ عمرو
 و سماحتہ حاتم و حلمہ احنفہ و زکادہ ایاسہ تشبیہ و تسویہ ایلدک
 شعراء زمانہ ایسہ ممدوح لرینی اسلافہ ترجیح ایدوب سنک کی تسویہ
 ایلر مسموعک اولمدی ابودلنی انای مدحدہ * رجل ابر علی شجاعۃ
 عام * باسا و غیر فی مجاہدات * دیمشدر یعنی ممدوحم اولان کپسہ شجاعت
 و حربہ شدت و اقدام جہتیلہ عامرہ غالب اولوب سخا و کرمدہ

روی حاتم غبارا حسان ایلہ ستر ایلدی دیومؤاخذہ ایلدکنہ ابوتمام
 بر مقدار زمان تفکر ایدوب بو بیتلری انشاد ایلدی * لانکر و اضرب
 لہ من دونہ * مثلا شرود فی الندی والباس * فاللہ قد ضرب الاقل انورہ *
 مثلا من المشکاة والنبراس * یعنی ای قوم سخا و شجاعتہ ممدوحدن
 دون اولانرہ تشبیہ و ایراد و مثل ایلدیکنی انکار ایلمک زریا باری تعالی
 اقل و ادنا اولان مشکاة و مصباح ایلہ منور اولدقلرینہ بناء ضرب مثل
 ایل یوب * اللہ نور السموات والارض مثل نورہ ککشکاة فیہا
 مصباح * پیوردی دیدی و بو بیتلر اصل قصیدہ سندہ اولوب فوری
 انشاد ایلدیکنہ ہر کس تعجبکنان تحسین ایلدیلمر (کل صعلوک جواد)
 امثالدن اولوب معناسی ہر کپسہ نک کہ سرمایہ بسیاری موجود اولیہ
 مالک اولدیغی مال اندک شمارک تلف اولسی اول کپسہ یہ اسانتر در
 دیمکدر پس ملوکہ نظر ایلہ صعالیکدن معدود اولق مدح اولور کان
 اد خار مالہ رغبت ایتوب برطر فدن مستحققرہ بذل و احسان ایتکلہ
 خزینہ سندہ مال فراوان بولمز دیمک اولور و ابوتمام جائزہ قصیدہ
 اولق اوزرہ برناجیہ و الیلکی طلب ایلوب حاضر بالمجلس اولانر
 بو تمام شاعر مقلوہ سی ہوا بی بر شخصصدر والی اولغہ شایان دکلدر
 دیومما نعت ایلدکلرندہ یعقوب کندی بلی و الیلکہ لایق دکلدر
 لکن عمری نہایتہ رسیدہ اولغہ چوق زمان قالمامشدر زراحدت طبع و فرط
 زکا صاحبی اولانلرک ذہنی قلبلرینہ دائمی ضعف و برمدہ در خصوص
 ابوتمامدہ بعض مرتبہ علایم موت مشاہدہ ایلدم توجیہ و لابتدہ
 بأس بو قدر دیدی فی الحقیقہ بر مقدار زمان مرورندہ ابوتمام وفات ایلدی
 و برکون بر کپسہ * وفی اربع منی حلت منک اربع * فما انا ادری ایہا
 ہاج لی کر بی * جالک فی عینی ام الذکر فی فی * ام النطق فی سمعی
 ام الحب فی قلبی * بیتلرینی انشاد ایدر یعنی محبوبنہ خطاب ایدوب
 سندن درت شی بندن درت شبثہ حلول ایلوب کرب و عشقمی قنغیسی
 تحریک ایدر معلوم دکلدر ایچشمندہ اولان جہا لکبدر یو خسہ
 دہانندہ ذکر کبدر یا خود کو شمدہ کی نکلمک میدر یو خسہ قلمبدہ کی

عشق محنت کیدر دیمک اولوب یعقوب استماع و تحسین ایدوب تمام
تقسیم فلسفی ایله تقسیم ایلدی دیدی و یعقوب کندی بر جاریه به
دلدا ده اولوب بر کون جاریه به * انی اری فرط الاعتیاضات
من المتوقعات علی طالب المودات مؤدیات بعدم المعقولات * دیدی
و یعقوب ریش راز صاحبی اولوب جاریه کلمات یعقوبی استماع و روینه
نظر انداز اولوب تخطئه و تحمیق ایچون * ان اللحنی المسترخیات علی
صدور اهل الکاکات محتاجات الی المواسی الخالقات * دیدی یعنی
یعقوب کندی بن وصاله منتظره لردن محبت طالی اولانلرله زیاده
امیرش واختلاطی فامعقول افعال قبیحه ار تکابنه مؤدی او اور
ملاحظه و ظن ایده رم دیدکده جاریه تحقیق عقلنده نقصان
اولانلرک سینه لری اوزرینه مسترخ وارسال اولنان ریشلری خلق
وتراش ایدیجی اوستریه محتاج در دیدی و مومی الیه یعقوبک بخله دائر
کلامنددر که شرف بخلمنددر که سائله ردایله جواب و بروب لادیدکده
بخیلک سری برهوی و مرفوع اولور اما جو مری دلک نعم دیوب مرام
سائله مساعده ایلدکده سری اسفل وزمین طرفنه مائل اولور و استماع
موسیقی مرض برسام حار در زیر انسان نعمات لطیفه استماعیله
طربناک اولوب بذل مال ده اسراف ایدوب فقیر اولور و فقره ابتلا سندن
غمناک و علیل اولوب هلاک اولور دیردی عروین میوندن مریویدر که
برکون یعقوب کندی ایله خانه سنده طعام اکل ایدرکن همسایه لردن
بری کلوب بن اول شخصی طعامه دعوت ایلدم اولدخی والله هنوز دفع
گر سنکی ایلشدم دیدی یعقوب بلکی تناوله رغبت ایده احتمالی ایله ذات
باری تعالی به یمیندن عالی برشی یوقدر اکر بوندن صکره تناول ایدر سه کافر
او اور دیدی و کندی فرزندینه نصیح ایدوب ای فرزند ارجند دسترس
اولدیغک مالی حفظده خلق ایله شطرنج باز معامله سی ایله معامله ایله که
کندی آلتی حفظ خصمک آلتی اخذه جد و جهد ایدر زیر ابرمال که سندن
آخره تجاوز ایده بردخی سکا و اصل اولماز و دراهم و دنانیر ملککده ایکن
محموم اولوب صرف ایلدکده وفات ایدر و دینار کسر و پریشان

اولندقدده و اوراق نشر اولندقدده فنا و هلاک قبول ایتمده سائر اشیا دن
اسرع و ازیددر و درهم مرغ کبی او اولوب یدکده اولدقده ملککدر
و طیران ایلدکده غیرک اولور و متمسک بو پیتلری معلومک اولسونکه
* قلیل المال نصلحه فیبقی * ولایبقی الکثیر مع الفساد * لحفظ المال
خیر من فناء * و سیر فی البلاد بغیر زاد * مالی مالک قلیل اولسه اعمال
و محافظه ایله ملککده باقی اولور اما اعمال ایتیموب صرف و اسراف
ایلسک نه مقدار بسیار ایدسه ده تلف و افنا ایدوب فقیر اولورسک
ایمدی حفظ مال فنا و هلاک کندن فقیر اولوب تحصیل ایچون سیاحت
بلدان ایتمدن خیر او در دیمک اولور و بر بیت معلومدر که اول بینی استماع
و مضمونیه عامل اولوب تحصیل مال قصدیله یوزیک آدم تارک دار
و دیار اولوب غربت و کربت اختیار ایلدی و اول بیت بودر * فسر
فی بلاد الله و التمس الغنی * تعش رئیساً او تموت قتعذراً * یعنی
باری تعالینک بلده لرینی کشت و کذار ایلدوب مالدار اولغی التماس
ایله که ماله دسترس اولورسک غنا و رفاهیت ایله تعیش ایدرسن یا خود
مالدار اوله میوب وفات ایدرسک معذور اولمش اولورسک که سعی
ایلدک اکن بسیار مقدر دکل ایمش دیرلر ایددی ای فرزند مال ایچون
دور بلاد ایدنلردن اولمدن حذر ایله دیدی و شطرنج بارنجله مناسب
مثل اولوب جقن بر کیمسه طعام اکل ایدرکن بر لقمه بی در دهان
و برینی در دست و برینی او کنده آماده ایدوب برینی دخی طبقده نشانسه
اول کیمسه به ظرفای عجم (فلان کس شطرنج باز است) دیرلر خوش
علف دخی یومعنا به در و مومی الیه کندی فلسفه اوج علمدن عبارتدر
اولی علم ریاضیدر که تعلیمده اول و طبعده اوسطدر ایکنجی علم
طبیعیاتدر که طبعده اسفلدر او چنجی علم ربویندر که طبعده جله دن
اعلادر و علم فلسفه علوم ثلاثه به منقسم اولسنه باعث معلوما نك
اوج قسم اولسیدر زیرا معلوم محسوس اولق وار اولماق وار ایددی
ذوات هیولی که محسوساتنددر که تعلق ایدن طبیعیدر و هیولی به
متصل اولانه تعلق ایدن علوم ریاضیات که علم عدد و هندسه و تهجیم

و تألفیدر وهیولی به متصل اولمیانہ تعلق ایدن ربوبیتدر دیو تفصیل
ایلمشدر و برکون بر شخص ربیعہ الزقینک بویتنی انشاد ایدردی *
لوقیل للعباس یا ابن محمد * قل لا وانت مخلد ما قانها * مآلی یا عباس اگر
بخل ایدوب سائل لا کلمه سبله رد ایدرسک دنیا ده مخلد و باقی اولورسن
دینلسه خلود دن بکوب رد سائله ایلمز دیمک اولوب مزبور کندی
استماع ایلدکده انسانک اوزرینه واجب دکلدر که هر طلب اولنان
شبهه مساعده ایدوب نعم دیسه بلکه کاهیجه رد ولا ایله استئنا
ایلمک مناصبدر دیوب بویتنی انشاد ایلدی * هجرت فی القول لا الا
لعارضه * تگون اولی بلا فی اللفظ من نعم * مآلی کلایم دن لاکله سنی
ترک ایلدم مکر مقتضی اوله اول وقتده کلمه لابی ایراد ایلمک نعم کلمه
سندن اولی در یعنی هر شبهه مساعده ممکن دکلدر کاهیجه رد ایله جواب
اقتضا ایدردیمک اولور (وان صناعة الالحان اختراعک و تألیف
الاورار و الانقار تولیدک و ابتداعک) صنعت پیشه معناسنه و الحان
لحنک جمعی و لحن حسن صوتله آوازہ ایتمک معناسنه و اختراع پیدا
ایتمک معناسنه و اورار و ترک جمعی اولوب زه معناسنه و انقار نقرک
جمعی اولوب نقرالات مطربه بی اوفور مکده دیرلر و تولید طوغر تمق
یعنی ایجاد معناسنه ابتداع شی بدیع اختراع معناسنه اولوب ماک
فقرات نغمات و مقامات سنک اختراع و ایجادک و آلات طرب سنک
حدات بدیعک ظن ایلدم دیمک اولور و الحان قواعد هندسه ایله
وضع و اختراع اولنوب بعضیلر الحانی قواعد عروض ایله وضع
اولنسنی زعم ایلنوب خاتمه المحققین اسحق موصلی قول اخیر ری دایدوب
علم موسیقی به عدم اطلا علربینه حمل ایلشدر و واضع موسیقیده
اختلاف اولنوب بعضیلر واضعی بطلمیوس در دیدیلر و بعضیلر غیر
اولسنه ذاهب اولشدر لکن قول اصح بودر که صنعت موسیقی
قدیمه و تعالیم فلسفه اولی ده موجود در و مشهور اولان مخترع
موسیقی بطلمیوس اولوب ابتدا اوضاع و القاب موسیقی مشتمل
کتاب اللحن الثانیه اسمیه مسمی کتابی تألیف ایلشدر و بطلمیوس

اشرف منطق الحاندر ز را نفوس جمیع اوازه دن زیاده نغماتدن
طربناک و ملنذ اولور نفوسک دخی اشرفی موسیقیدن زیاده متأثر
و ملنذ اولانیدر دیردی و موسیقی لفظ یونانی اولوب ایکی کلمه یونانیه دن
مربکدر که موسیقی و فی و موسی نغمات معناسنه و فی موزون
و ملنذ معناسنه اولوب موسیقی نغمات ملنذده و مؤذونه دیمک اولور
و صنعت موسیقی اشرف صناعاتدر ز را معرفت محسطی و علم حساب
و معرفت اوقلیدس و علم نجوم و علم طب معرفت موسیقی به موقوفدر
و موضوعات موسیقی جواهر روحانی اولمغله مستعانه تأثیر ایدر اما
سائر صناعات موضوعاتی اجسام طبیعی اولوب نفوس ایله علاقه سی
اولمغله تأثیر ایتمز پس موسیقی اشرف صناعات اولمش اولور و روایت
صحیحده واضع موسیقی حکماء الهیدر حتی فیثاغورث زیاده ریاضتکش
و محقق و مجاهد بر حکیم اولوب ریاضت ایله بر رنبه به رسیده اولدیکه
تلامذه سنه بنم حرکات افلاکدن چندین نغمات خیالده ممکن اولدی
دیوب قواعد موسیقی وضع ایلدی بعده افلاطون و ارسطو و بطلمیوس
موسیقیدن کندی مخترعاتلرین قواعد فیثاغورثه ضم و زیاده ایلنوب
صنعت موسیقی مشتهر اولدی و حکماء مزبوره نک استخراج موسیقیدن
غرضلری لهو و لعب اولنوب مراد لری عالم قدسه استیناس ارواح
و تألیف نفوس ایدی حتی آلات موسیقی بی صوامع و معابد لربنه وضع ایدوب
اول محله تخصیص ایلشدر و افلاطون (من سمع الغنا بکمال ادا به
مات طربا) دیمشدر و صنعت موسیقی حکماء یونانندن فرسه انلردن دخی
حکماء عربیه انتقال ایلشدر منقولدر که نغمات زبانک تکلمه عدم
قدرتدن بقیه اواز اولوب طبیعت الحان ایله بلا تقطیع ترجیع
طریقیه ادا ایلدیکی صدا اولمغله استماعبله نفوس انسانیه منبسط
اولور و ترجیع اوازی حلقومده الحان ایله دورایتدر مکله نغمات حصولنه
دیرلر و افلاطوندن مر ویدر که هر کپسه که محزون اوله طرب انکیز
اولان اصوات حسنه استماع ایلسون ز را نفس حزن آلوده اولسه
نوری منخمد و منطقی اولوب نغمات طرببخشی استماع ایلدکده

منور و شعله دار اولور و ابوسلیمان منطقیدن بر شخصک منظر
و قربیدن طبیعت متغیر و مبعوض ایکن الحان لطیفه و نغمات لذیذ
اجراسنه آغاز یا خود تحریک اوتار و ضرب نقرات دف ایله و لوله
انداز اولسه اول آن طبیعت شخص کریه المنظرک تقریبه میل
و منادمت و مقارنته طالب اولور طبیعتک موسیقی به احتیاجی نه وجهه
در ککه حتی متغیر اولدیغی شخصه بورتبه میلان ایده دیوسؤال
اولدقدده ابوسلیمان موسیقی به میل فی الحقیقه نفسکدر زیر طبیعت
نفسدن بر مرتبه دوندر بجن نفس نغمات لطیفه و نقرات ظریفه
استماع ایلمسه متلذذ اولوب طبیعت دخی قبول صالحه و مستعد
و نفسه منقادده اولدقدده نفس کندوده موجود اولان موسیقی بی
طبیعت اعطایا ایدوب طبیعتک کسب و تلذذی نفس واسطه سیله
اولوب موسیقی طبع مستعد شرف و یردیکی اجلدن واسطه ایله
میل و تحصیلنه رغبت ایدر دیو جواب و یردی و فقره مزبور ده
اوتار و انقار دن مراد طنبور و ششتار و کان و ساثر آلات مطربه در
مر و یدر که ابتدا آلت مطربه ملک بن متوشلخ ایچون پدری سرینی
کی ایجاد اولنوب بر بطن یعنی قبوز یا خود عود تسمیه اولندی لکن
بوروایت ضعیفه اولوب روایت صحیح ده موجود آلات مطربه
بطلمیوس در بعضیلر بوروایتی دخی انکار ایدوب حکماء فرسدن
برینک اختراعیدر دبدی و بر بطن باب التجات ایله تفسیر اولنوب معناسی
باب جنت صریرندن اخذ اولمشدر دیمک اولور و بر بطن چار اوتار
اوزرینه وضع اولنوب هر بری طبایع انسانییه دن برینه مقابل
و محاذیدر که تار زیر رقیق اولوب سودا مقابل و تار دوم دم مقابل
و تار سوم بلغم مقابل و تار چهارم که اوتار اربعه نک غلیظی اولوب
بسم تسمیه اولمشدر صفرا مقابل در و هر چند که چهار اوتارک صدازی
معتدل و سیراهنک اوله نفس انسانی ایله مجانست پیدا ایدوب طبیعت
مائل و طربناک اولوب نفس طبیعت ایله یک لخت اولور و دخی اوبابن
لک دخی اختراع ایلوب مزماری عرب ایجاد و صبح که فارسبسی زنجدر

زنج دخی ایکی قسم اولوب بری بین الناس زیل دیمکله معروفدر عرب
اختراع ایلمشدر بر قسمی دخی اوج تللی بر ساز در که عجم پیدا ایلدی
و تارلری اولان ساز لره پیرده تعبیر اولنان بندلر وضع اولنوب هر برده
بر مقام اجرا ایلدی بلر ابتدا عربده عود ایله الحان فریبی اجرا ایدن
نضر بن حارث بن کلدیه در که حیره به راهی و کسریه تقریب و ضرب
عودی الحان عجم اوزره تعلم بعدده مکة مکرمه به کلوب اهالی مکة به
تعلیم ایلدی بعدده اسلامده ابتدا الحان عجم ایله تغنی ایدن سعید بن
مسحج اولق اوزر روایت اولمشدر روایت اخرا ده شامت ایله معروف
اولان طویسدره ابن مسیحج الحان فرسی تعلیمه باعث بودر ککه
عبدالله بن زبیر حضرتلری بناء کعبه به دهن و ضعف کلمکله تجدید
و ترفیع ایلدیکی وقتده عمله نک بعضی اهل فرسدن اولوب الحان عجمله
نغمه پرداز اولدقلرند ابن مسیحج عربی نغمه ایله اجرای موسیقی
ایدردی بعدده شامه راهی و الحان رومی تعلم بعدده فارسه راهی
و الحان عجمی و ضرب عودی تعلم ایدوب بوسبب ایله میان عربده
الحان عجم منتشر اولدی منقولدر که ظهور موسیقی بطلمیوسدن
اولوب اسحق بن ابراهیم موصلی ده ختم اولمشدر مومی الیه اسحق
بن ابراهیم بن همام بن یمن که ابن ندیم الموصلی دیمکله معروفدر پدری
عجم و موصلده توطن ایتمکله موصلی دیمکله مشتهر اولوب فقیه و شاعر
و اخبار شعرا به واقف و علم کلام و حدیث شریفه ماهر اولوب علم
حدیث سفیان بن عیینه و مالک بن انسدن اخذ و علم ادبی اصمعیدن
و ابو عبیده دن تعلم ایدوب علم موسیقیده فرید و خوش صحبت
بر آدم ایدی حتی اگر اسحق الحانه توغل و اشتها یاری اولسه زماننده
عفت و صداقت و دیانت و حجت و امانت و فقاوته ده بی نظیر اولوب
قضایه اولی و احق ایدی دیو جمیع دهات اتفاق الیملر و موتندن ایکی
سنه مقدم عمی طاری اولوب سکسان بش یا شنده ایکی یوز اوتوز بش
سنه سی وفات ایلمشدر (وان عبد الحمید بن یحیی باری اقلامک)
بری یونقی و تراش ایتمک معناسنه اولوب مالک معنای فقره و عبد الحمید

بن یحیی سنک قلمریکی تراش ایدردی ظن ایلدم دیمک اولوب مومی الیه
 عبد الحمید بن یحیی بن سعید العامری بدرکه فن کتابتده یکانه وافصح
 کتاب و بلاغ و ادیب ایدی و کتابت عبد الحمیددن ظهور و ابن العمیدده
 ختم اولوب ابتدای زماندن کندی وقتنه کلنجه نظیری مشاهده
 اولما مشدی و اوائل حالنده کوفه ده معلم صبیان اولوب معرفتی
 واسطه سبیل مروان جعدی به خلیفه اولمازدن مقدم انتساب و سائرندن
 منقطع و مروانه منحصر و ندیم و مصاحب اولوب مروانه خلافت
 توجه ایلدکده مروان و اتباعی سجده شکر ایلوب عبد الحمید سجده
 ایلدکده مروان سبینه سؤال عبد الحمید دخی نیجه سجده ایده یمکه
 بروقتده سنکله هم صحبت اولوب ملاطفه او نوردی شمدی
 سن اوج اعلایه پرواز و مروانه رفیع ایلده سر افراز اولدک بن ایسه
 کا لاول پس پایه و دون رتبه قالدیم دیدکده مروان یا عبد الحمید
 سندخی بنمله پرواز و درجه علیایه واصل او اورسن دیدی عبد الحمید
 دخی او یله ایسه سجده شکر لازم اولدی دیوب سجده ایلدی مومی
 الیه مروانه مروان جعدی دید کارینه سبب بودرکه جعد بن
 درهم مومی البهک معلم و استادی اولوب هر امر ده جعدده اتباع
 ایلدیکندن مروان جعدی نسیمه اولمشدر و مزوره مروان حصار
 دخی دیرلر زرا محاربه ده ثبات و متانتی و ارایدی و مومی الیه آخر خلفاء
 بنی امیه در مروان مدت خلافتده عبد الحمیدی خدمت کتابتده
 استخدام و اکرام تام ایلدی و ابتداء مکاتیبه دیباجه و تحمیدی
 عبد الحمید اختراع ایلوب اقتضای حال اوزره مکاتیبی گاه ایجاز و گاه
 اطناب و فرط ایلده اطناب و تطویل ایدردی ایجاز ایلدیکی از جمله
 عمالندن بری مروانه بر عید زنی اهدا و مروان استقلال و استحقاق
 و عبد الحمیده مفید و موجز بر مکتوب تحریرینه امر ایلدکده عبد الحمید
 لسان مروانندن زنی طرفه واصل اولدی اگر سیاهدن شر و مکروه
 بر او نه و واحدندن اقل بر عده ظفر یاب اولق ممکن اولدی اتی اهدا
 ایدردک دیمک مضمونده تحریر ایلدی و ابو مسلم خراسانی ظهور و خلقی

بیعت بنی عباسیه دعوت و عباسیه به امداد و امیه بی افنا ایلدک
 قصد یله اوزرلرینه هجوم ایلدکده عبد الحمید بامروان ابو مسلم
 طرفکدن بر مفصل نامه تحریر ایده یمکه اگر قرأت ایدرسه طرفدار یمز
 اولوب عباسیه دن رجوع ایدر و لشکری میاننه اختلاف واقع و تدبیری
 باطل اولوب دولتک پایدار اولسنه تکفل ایدرم و العیا ذی الله التفات
 و قرأت ایلدکده بزم ایچون موت و هلاکدن غیریه احتمال بوقدر
 زیرا ابو مسلم صاحب خروجدر هر نه طرفه توجه ایدرسه نصر تقریر
 او اور دیوب طویل الذیل بر مکتوب تحریر ایلدیکه کبر حجمندن
 برشته تحمیل و ارسال اولندی و قناکه نامه ابو مسلم واصل اولدی قطعا
 التفات و نظرا بنیوب انش اماده و احراق ابتدا بروب متکبرانه و غالبانه
 معامله ایلده بویتی تحریر و ارسال ایلدی * محی السیف اسطار الالاعه
 و انتحی * علیه کابوت الغاب من کل جانب * یعنی سیف بلاغت
 سطرارینی محو و افنا ایلوب هر طرفدن سنک اوزر یکه مبدشه و غاب
 شیرلی میل و هجوم ایلدی دیمک اولور فی الحقیقه ابو مسلم عباسیه
 ایلده مروان اوزرلرینه هجوم و دفعات ایلده مروان منهزم
 اولوب کمال اضطرابندن یا عبد الحمید سنک ادب
 و معرفتک سببیه خلق سکا محتاجدر بناء علیه نافذ الکلم سن و معرفتک
 خلقی اعجاب ایتکله سکا حسن ظن و اعتماد ایلشدر ایددی دشمنک
 امانخواه اولوب عذرو ظلمی بکا اسناد و بنندن شکایت ایلوب ابو مسلمی
 مصالحه به ارضا ایلکده سحی ایلده ما مولدر که حیاتده بکا نافع
 و وفا نمده صکره اولاد و عیالده مفید اوله دیدکده عبد الحمید بویتی
 انشاد ایلدی * اسر و فاء ثم اظهر بغده * فن لی بعذر یوسع الناس ظاهره
 مائی فرض ایده یمکه سکا صداقت و وفای کتم و اخفا و غدیری اظهار
 ایتشم بنم چون خلقه کیم اشاعت عذر ایدر که خلق ظاهرینه فریفته
 اولوب اعتماد ایلده یا امیر المؤمنین بکا امر ایلدیکک خصوص ظهور
 ایده جک ایکی امرک سکا خیر لوسی و بکا اقبحدر همان چاره سی
 باری نه الی دشمنری اوزر یمزدن دفع ایدنجه صبر ایدر ز یا خود سنک

یولکه جان باش فدا ایدوب معاه سلاک اوانجه دشمنله مقاتله ایدره ز
دیوب مقاتله به اغاز وعاقبت ابو مسلم مر وانی قتل ودوانی ضبط
ایلیوب عبد الحمید یار قدیمی ومحب صادق اولان ابن المقفعک جزیره ده
خانه سنه فرار واختفا ایلوب بعض غم زخیردار وغمز وایوب مسلم طرفندن
آدملر تعیین وعلی الغفله خانه ابن مقفعه هجوم وایکبسی معاخذ
وعبد الحمید قنغیکز در دیو سوال ایلدکلرنده ابن المقفع عبد الحمیدی
تخلیص ایچون نفسی فدا ایدوب عبد الحمید بنم دیدی عبد الحمید دخی
ابن المقفع بنم خلاصم ایچون نفسی فدا ایلدی عبد الحمید بنم دیدکده
عسکر یار وایکبسی دخی احضار عبد الحمیدی یلمور آدملره اراءت ایدوب
عبد الحمید متعین اولدقده ابن المقفعی آزاد و عبد الحمیدی ابو مسلمک
عباسیه دن نصیه کرده سی اولان سفاح حضورینه احضار اولدخی
عسکرانه تسلیم و قتل ایله دیوار ایلدکده سر نه قزمش طاسلر وضع ایدره رک
قتل ایلدیلر و تاریخ وفاتی یوزاوتوز ایکی سنه سیدرمومی الیه ابو مسلمک اسمی
عبد الرحمن یا خود ابراهیم اولوب علی روایه بزجر نسلندن وعلی روایه
اسفند یار نسلندن برنوجوان در که * ان الله تعالى یبعث الهذه الامه
علی رأس کل مایه من یجدد لهادینهما حدیث شریفه مظهر اولوب
هجرتک یوزنجی سنه سی اصفهان ناحیه سنه برقریه ده تولد بعده
بصره ده نشو و نما واون طقوز یاشنده ایکن برخصوص ایچون اخذ
وکوفه زندانه حبس ویکرمی یاشنده اطلاق اولنوب ابراهیم عباسی
مجلسنه داخل و آخر کار خلقی بیعت عباسیانه دعوت ایتشد
ومزبور ابن المقفعک اسمی عبد الله وکنیده سی ابو محمد وفصح وبلغ
وکاتب مشهور ورسائل بدیع صاحبی اولوب اهل فارسدن و محوسی
بعده شرف اسلام ایله مشرف اولوب مصنفات کثیره و تألیفات
وفیره صاحبی در از جمله درة الیتیمه وکلبه ودمنه مومی الیهک مؤلفاتندن
اولوب روایت اخرا ده کلبه ودمنه بی زبان فارسیدن لسان عربی به
نقل ایلشدرو یوز قرق ایکی سنه سی بصره والبسی سفیان قتل ایلشد
وسبب قتلی برکون سفیان یا ابن المقفع قطعاً سکوتنه نام داوادم

دیدکده ابن المقفع تعبیره موفق اولوب سکوت سنی خطایه واقع اولدن
حفظ و حراست ایدر وسکا حسن ایراث ایدر نیجه نادم اولور سک
دیدی مرادی * المکثار کحاطب اللیل * مکثیر البینه خطا ایدر دیمک
ایدی لکن سفیان حق وجهلنه تعریض فهم ایدوب قتل ایلدی
روایت اخرا ده سبب قتلی برمکتوب تحریر ایدر وسفا حک برادری
ابو منصور مر وانیانک بزره غلبه و تفوق اوج کیمسه ایلددر که بری کاتبی
عبد الحمید وبری حجاج بن یوسف وبری مؤذن بعلمبکی در دیردی
وبرکون عبد الحمیده سنک بلاغت و فصاحتده کمالکه باعثنه اولدی
دیو سوال اولندقده اصلک یعنی علی کرم الله وجهه حضرتلرینک
کلام بلاغت اشتمالرینه توغل وحفظ ایلدیکمدر دیو جواب داده
اولدی و عبد الحمیده برادر بکه می زیاده محبت ایدر سک صدیقکه می
دیدیلر عبد الحمید دخی صدیق ودوست اولور سه برادریمه محبت ایدره رم
دیدی عبد الحمید خلقه نصیح اثناسنده ای قوم کتبه احترام ایدک زیرا
باری تعالی رزق کیری ایدی کتبه اجر ایلشدرو قلم بر شجره در که الفاظ
ثمره وباریدر دیردی و ابراهیم جمله نک خطی ردی وکریه اولوب عبد الحمید
یا ابراهیم قلمکی در ازوائلی تراش وجانب بمینی زیاده اولور وجهله محرف
قطع ایله دیو تعلیم وفی الحقیقه ابراهیمک خطی حسن ومقبول اولدی
وفقره مقدمه ده ابن زیدونک * و عبد الحمید باری اقلامک * ایله بوقصه به
اشارت ایدرو بروقتده هشامک سر یاسندن مقوله بر جاریه سی وفات
ایدوب عبد الحمید مر وان لسانندن برتعه زیه نامه نحر بر ایلشددر که
مفهومی باری تعالی امیر المؤمنینی برقرینه وانیسه نک اجل مسحا سی
اولان مدت تمامنه دک و صلیله متمتع وذوقیاب ایلشدی چونکه من طرف الله
اول انیسه موهوبه عارتیک مدتی تمام اولدی مقتضای عاریت اوزره
استر داد و قبض اولنوب مقابله سنده باری تعالی امیر المؤمنینه مواصلتی
شکر فی اتیان ومفسار قنده صبر ایلکز سبیله قریبا اندن انفس واعلا سنی
احسان وشکر وصبر ایله اجر جزیل اعطا ایدر والحمد لله رب العالمین
ان الله وانا الیه راجعون * دیوب ختم ایلدی واحسانندن برینه موصل

مکتوبی توصیه ایدوب موصل مکتوبک مر ائمه مساعدده بزم اوزریمزه
نه رتبه لازم ایسه سزه دخی لازمیدر براسعاف مر ائمه مراعات
ایلدک که بزدن مر اجعتی جنابکره ایصال ایلدیکی مکتوب ایدیکد
سزدن رجایه بزی اهل اعتقادیه طلب ایلمشدر ایددی سزدخی
اعتقادنی تصدیق و مر ائی حصول پذیر اولسنه همت پیور بلورسه
کرم انمش اولورسن دیونحر بر ایلدی واسوده ارسال ایلدیکی
مکتوبده بنوععباسک ظهور و هجوملرندن نکایه ایدوب یا اسود بر مقدر
صبرایله حتی سبیل زمینه ملاصق و مضمحمل اولوب علامت ظلمتی
باری تعالی محو و افنا ایلمه دیونحر بر ایلدی و عباس بیان ایله مروان
محراربه نه عاجز و منهزم اولدقدده عمدا حمید اهل و عیالنه بر مکتوب
ارسال ایلدیکه ماکی بودر بعد اداء الحمد معلومکز اولسونکه باری تعالی
دنیا بی غم و شادی مشتمل خلق ایدوب هر کیمسه که آسوده و امین
اوله دنیادن شا کر اولوب ستایش ایدر و شول کیمسه که غم و الم مستولی
اوله دنیای مذمت و احوالندن شکایت بلکه کمال غضبندن
کندویه مضرایکن نظام عالمک پریشان اولسنی تمنی ایدر مقدمادنیایزه
بر مقدار توجه و اقبال ایدوب لذائذیه متلذذ و نفا یسندن ذو قیاب ایلمشدی
لکن شمدی اسب سرکش و جوح کبی اورکوب لجام زمامی الدن
کیدوب دیلدیکی طرفه شتاب و بزی زمینه انداخته ایدوب عذب و شیرینی
ملح و تلخه و ملایم و لطیفی خشین و سرده متبدل و منقلب اولوب بزی
دارودیار دن دور و اقر با و اصدقادن مهجور ایدوب خانه لریمز صاحب لرندن
خالی و درونلری و حوش و طبور ایله مالی اولوب بو فرقت نامه بی تحریر
ایدرم حال بو که فلک بزی سزدن بته بهاد وجدایتمکده ترقی اوزره
ایدی اکر بو بلیه و مصیبت متمادی اولور سه سزک و بزم آخر و قنر
اولوب مواصلا روزستا خیره قالور و اکر من طرف الله و سمرزدن
خارج ظفرایله مظفر اولور سق اسر و فقر ذلی ایله ذلیل و حقیر اولدیغمر
حالده و طمئنه رجعت و سزله مواصلا مبسر اولور و مر ایدایلدیکی
ذیلی عز و عزیزی ذلیل ایدن باری تعالی دن رجامت اولدر که سزله

بزی بنه دارامنده عرض و دین و بدنلریمز سالم اولدیغی حالده جمع
ایدوب کلا ول الفت و صحبت ایده یوز و ما ذلک علی الله بعزیز فانه
رب العالمین وارحم الراحمین * دیوب اتمام ایلدی و خلفاء عباسیه
هجرتدن یوزیکرمی طقوز سنه سنده ظهور و التیوز قرق سنه سنده هلاکو
ظهور یله منقرض اولوب مدت خلافتلری بشیوز اون اوج سنه در
و سبب ظهورلری ابو مسلم خراسانی اولوب هنوز مر و انیان منقرض
اولزدن مقدم محمد بن علی بن عبد الله بن عباس خلیفه و بعد
وفاته اوغلی ابراهیم خلیفه اولوب مر و ان حجار ابراهیمی حبس
ایلدکده ابراهیم کندویه تابع اولان قومه برادری سفاحدن بیعت
و انبایع لینه وصیت و کندی خراسانده وفات ایلدکده خلق عبد الله بن
محمد ابو العباس سفاحه اتباع ایدوب سفاح برادری منصور ایله
ابو مسلم اعانیه مروانیانی مضمحمل و خلافتده مستقل اولوب ابتدا
دولت عباسیه سفاحدن معدود و عدد خلفا و توزیدی اولوب سفاح
قتل مروانده سکره یوزا و توز ایکی سنه سی ربیع الاولینک اون دردیجی
کونی خلیفه اولوب درت سنه سکرای خلافتدن سکره یوزا و توزالتی
سنه سی محرمنده وفات ایلدی بعده برادری جعفر منصور دن سفاحک
وفاتی کونی بیعت اولوب یکر می ایکی سنه خلافتدن سکره التمش
اوج یاشنده یوزاللی سکر سنه سی ذی الحجه سنده مکة مکرمه یه قریب
بر محله محرما وفات ایلدی و مومی الیه بانی بغداد اولوب ارض بلقاده
حمیمه نام موضعده طقسان بش سنه سی تولد ایلمشدر بعده محمد مهدی
ابن منصور دن بیعت اولوب اون سنه بر آی و برکون خلافتدن سکره
یوز التمش طقوز محرمنده قرق ایکی یچق یاشنده وفات ایلدی بعده
موسی الهادی بن مهدی بر سنه بر یچق آی خلیفه اولوب یکر می
درت یاشنده یوز التمش سنه سی ربیع الاولنده وفات ایدوب برینه برادری
هرون الرشید یکر می اوج سنه اون طقوز کون خلیفه
اولوب قرق بش یاشنده یوز طقسان اوج سنه سی جمادی الاخره سنده
وفات ایلدی و مومی الیه بلده ریده تولد ایلمشدر بعده محمد امین بن

هارون الرشید درت سنه یدى ای خلیفه اولوب خلع بعده یوز طقسان
سکر سنه سی محرمنده یکر می طقوز یاشنده قتل اولندی وتولدی رصافه
بغداد ده در بعده برادری عبدالله مأ مون امین قتل اولندیغی کون
خلیفه اولوب یکر می سنه بش ای خلافتد نصکره قرق سکر یاشنده
ایکی یوز اون سکر رجبنا ارض رومده وفات ایلدی بعده برادری معتصم
محرر سکر سنه سکر آی خلیفه اولوب قرق سکر یاشنده ایکی یوز یکر می
یدى سنه سی ربیع الاولنده وفات ایلدی بعده واثق بن معتصم
بش سنه طقوز آی خلیفه اولوب اوتوز التی یاشنده ایکی یوز اوتوز ایکی
سنه سی ذی الحجه سنده وفات ایلوب جعفر متوکل بن معتصم اون
درت سنه طقوز آی خلیفه اولوب فرزندی منتصر ایکی یوز قرق
یدى سنه سی شوالنده قرق بر یاشنده ایکن قتل ایلدی بعده مومی الیه
محمد منتصر پدرنی قتل ایلدیکی کوندن التی آی تمامه دك خلیفه اولوب
ایکی یوز قرق سکر سنه سی ربیع الاخرنده یکر می درت یاشنده وفات
ایلدی بعده مستعین احمد بن محمد معتصم اوج سنه طقوز آی
خلافتد نصکره ایکی یوز اللی سنه سی محرمنده کندی خلافتنی ترک
ایدوب ینه اول سنه ده اوتوز بر یاشنده قتل اولندی بعده محمد معتز
بن متوکل مستعینك خلاعی کونی خلیفه اولوب اوج سنه یدى آی
حلولنده ایکی یوز اللی بش شعبانده نفسنی خلع واول سنه ده یکر می
اوج یاشنده وفات ایلدی بعده محمد مهندی بن واثق اون بر آی خلیفه
اولوب ایکی یوز اللی التی سنه سی رجبك اون دردیجی ثلثا کونی قتل
اولندی و سنی اوتوز طقوز سنه اولوب عادل و داد کر ایدی بعده
معتد علی الله احمد بن متوکل عم زاده سی مهندی وفات ایلدیکی کون
خلیفه اولوب یکر می اوج سنه خلافتد نصکره اللی یاشنده ایکی یوز
تمش سنه سی وفات ایلدی و مومی الیه تصرفاتدن حجر و منع اولنان
خلفانك ابتدا سیدر بعده احمد المعتضد بن الموفق عمی معتد وفات
ایلدیکی کون خلیفه اولوب طقوز سنه طقوز آی خلافتد نصکره
ایکی یوز سکسان طقوز جاذی الاخره سنه قرق التی یاشنده وفات

ایلدی و خلفاء عباسیه میاننده متقی و مستقیم ایدی بعده علی مکتفی
بن معتضد پدری وفات ایلدیکی کون خلیفه اولوب ایکی سنه التی آی
خلافتد نصکره ایکی یوز طقسان سنه سی ذی القعدة سنده اوتوز
بر یاشنده وفات ایلدی بعده مقتدر جعفر بن معتضد برادر ینك وفات
کونی خلیفه اولوب یکر می درت سنه اون بر یجق آی خلافتد نصکره
اوج یوز یکر می سنه سی شوالنده اوتوز سکر یاشنده قتل اولندی و مومی الیه
خلفادن بیعت اولنان صبیانك ابتدا سیدر بعده قاهر محمد بن
معتضد برادری قتل اولندیغی کون خلیفه اولوب بر سنه التی آی
خلافتد نصکره اوج یوز یکر می ایکی سنه سی جاذی الاولیسنده خلع
و چشمانی میل الیه نابینا اولوب اوج یوز اوتوز طقوز سنه سی اللی
ایکی یاشنده وفات ایلدی بعده راضی محمد بن مقتدر دن عمی قاهر
خلع اولندیغی کون بیعت اولنوب التی سنه اون ای خلافتدن صکره
اوج یوز یکر می طقوز سنه سی ربیع الاولنده اوتوز ایکی یاشنده وفات
ایلدی بعده متقی ابراهیم بن مقتدر دن عمی راضی وفات ایلدیکی کون
بیعت اولنوب اوج سنه اون آی خلافتدن صکره اوج یوز اوتوز اوج
سنه سی صفرنده خلع و چشمانی اعدام و اوج یوز اللی یدى سنه سنده
التمش یاشنده وفات ایلدی بعده مستکفی عبدالله بن مکتفی دن متقی
خلع اولندیغی کون بیعت اولنوب بر سنه درت آی خلافتدن صکره
اوج یوز اوتوز درت جاذی الاخره سنده خلع اولنوب اوج یوز سکر
سنه سی قرق التی یاشنده وفات ایلدی بعده فضل مطیع بن مقتدر
مستکفینك خلاعی کونی خلیفه اولوب یکر می طقوز سنه درت آی
خلافتدن صکره اوج یوز التمش اوج سنه سی ذی القعدة سنده التمش
بش یاشنده وفات ایلدی بعده عبدالکریم طایع بن مطیع پدر ینك
خلاعی کونی خلیفه اولوب اون یدى سنه طقوز آی خلافتد نصکره
اوج یوز سکسان بر سنه سی نفسنی خلع اوج یوز طقسان اوج سنه سنده
وفات ایلدی بعده قادر بالله احمد بن امیر اسحق بن مقتدر دن اوج
یوز سکسان بر سنه سی رمضانده بیعت اولنوب قرق بر سنه اوج

آی خلافتد نصکره دور تیوز بکرمی ایکی سنه سی ذی الحجه سنه
 سکسانا لئی یاشنده وفات ایلدی بعده قائم باهر الله عبدالله بن قادر
 بالله دن بیعت اولنوب قرق درت سنه سکز آی خلافتدن صکره
 در تیوز التمش بدی شعبانده یمش الی یاشنده وفات ایلدی بعده
 مقتدی بالله عبدالله بن محمد بن قائم جدی وفات ایلدی کی کون خلیفه
 اولوب اون طقوز سنه بش آی خلافتدن صکره در تیوز سکسان
 یدی محر منده سکسان اوج یاشنده وفات ایلدی بعده مستظهر
 بالله احمد بن مقتدی پدری وفاتی کونی خلیفه اولوب بکرمی الی
 سنه خلافتد نصکره بشیوز اون بر سنه سی قرق درت یاشنده وفات
 ایلدی بعده مستر شد فضل بن مستظهر دن بیعت اولنوب اون یدی
 سنه خلافتدن صکره بشیوز بکرمی طقوز سنه سی قرق اوج یاشنده
 قتل اولندی بعده را شد بالله منصور بن مستر شد پدری قتل اولندی
 کون خلیفه اولوب بر سنه خلافتد نصکره خلع اولنوب بشیوز
 اوتوز ایکی سنه سنه وفات ایلدی بعده مقتدی لامر الله محمد بن
 مستظهر دن برادر زاده سی خلع اولندی کون بیعت اولنوب بکرمی
 بش سنه خلافت ایدوب بشیوز الی بش سنه سی التمش الی یاشنده
 وفات ایلدی بعده مستجد بالله یوسف بن مقتدی پدری وفات ایلدی کی
 کون خلیفه اولوب اون بر سنه خلافتد نصکره بشیوز التمش الی
 سنه سی قرق سکز یاشنده وفات ایلدی بعده مستضی بنور الله بن
 مستجد پدری وفات ایلدی کون خلیفه اولوب طقوز سنه خلافتدن
 صکره بشیوز التمش بش سنه سی قرق ایکی یاشنده وفات ایلدی
 ومومی الیه طرفندن صلاح الدین بن ایوب مصری وحجاز و شامی
 ضبط ایدوب ومومی الیه اسمنه خطبه قرأت ایتدر مشدر بعده ناصر
 احمد بن مستضی پدرینک وفاتی کونی خلیفه اولوب قرق بدی سنه
 خلافتدن صکره التیوز بکرمی ایکی سنه سی التمش طقوز یاشنده
 وفات ایلدی بعده ظاهر بن ناصر خلیفه اولوب اون یدی سنه
 خلافتد نصکره التیوز قرق ایکی سنه سی وفات ایلدی بعده مستنصر

ابن ظاهر اون الی سنه بر آی خلیفه اولدقد نصکره مستنصر بن مستنصر
 خلیفه اولوب بدی سنه خلافتدن صکره التیوز الی الی سنه سی
 هلا کو ظهور و مستنصر قتل ایدوب دولت عباسیه منقرض اولمشدر
 وهلا کونک ظهور و خروجنه سبب بودر که مستنصر بالله خلافتده
 خواجه نصیر طوسی علم هیئنده برکاب جلیل القدر تألیف و مستنصر
 استادی اولان ابن حاجبه عرض و ابن حاجب جواهر کلماتی
 رشته نظره کشیده ایدوب بر تألیف کامیاب اولدیغنه مطلع اولدقد
 اگر بو کتاب شهرتات اولور سنه زلز درجه اعتبار دن ساقط اولور
 دیو خوف و حسد اتمکله کابی دجله بغداده رمی والقا ایدوب اعجی
 طرنبه دیدی و بو کتاب غیره فید اولوب انجیق طرنبله ذوقیاب اولور
 دیمک مراد ایلدی و نصیره بلده سنی سوال نصیر دخی طوسی اولدیغن
 اعلام ایلد کده قنی بوینوز ک دیو تکدیر ایلدی ز بر ا طو سبیل محلسنده
 کا و مذکور اولسه منفعل اولور لر بعده نصیر بوینوزم شهرده قالدی
 واروب احضار ایده یم دیوب انفعال نام ایله رجعت واسطرلابه
 مراجعت ایدوب طوابع ملوکی تفقد و ما وراء النهرده جنکیر خان
 نسلندن هلا کونام بر پادشاهک طالعی سعید و قوی استخراج اکا انتساب
 وهلا کونی تحریک و بغداده هجوم ایتدیروب بعد الظفر ابن حاجبی دست
 کردن بسته احضار ایلد کلرنده نصیر ابن حاجبه سلام خوان اولوب
 معذور اوله بویتوزی هنوز کتوره بلدم دیوب ابن حاجبی قتل ایتدیروب
 کابی انداخته ایلدی کی محله ابن حاجبک سمرنی رمی ایدوب اعجی
 طرنبه دیدی * و سهل بن هارون مدون کلامک * و سهل بن هارون سنک
 بلاغت و فصاحتی مشتمل اولان کلامکی جمع و تألیف ایلدی ظن ایلدم
 مومی الیه سهل بن هارون بن ابی عمرو راهبون اهل نيسابور دن اولوب نشو
 و نماسی بصره ده اولمغله بصری اولمق اوزره شهر تشعارد و مذهب
 شعویه دن اولوب شعویه بفرقه در که عرب به بغض و عداوت و تعصب
 اوزره و فرسه طرفدار اولوب عربی فرسه ترجیح و تقدیم ایلزل و مومی
 الیه بلاغت و فصاحت و حکمتده زماننک فریدی و عصرینک یکانه

وحیدی اولوب کتب متقدمینه معارض نیجه کتب نفیسه تألیف
وندوین ایلوب کمال فضلنه بناء اهل اسلامک بزر جهری تسمیه
اولمشدی و بزر جهری باوزانک ضمیمه بزر ج و مهر دن مرکب
اولوب بزر ج بزرکک معربی اولو معنا سینه و مهر محبت معناسنه
اولوب اصلنده بزر جهر وصف ترکیبی اولغله اولو محبتلی معناسنه در
بعده و شیروان و زراسندن برینه علم خاص اولدی که مزبور
وزیر بختکان نامنده بر دیک فروشک فرزندی اولوب حکمت وزکاسنه
بناء پانزده ساله ایکن نو شیروان استوزار ایلشدی و مزبورک کلمات
حکمت آمیزی بسیار و مشهور اولوب از جمله ثمره القناعة الراحة التواضع
المحبة مومی الیهک کلامنددر و مدت وزارتی پرویزک زمانه دیک
مقامدی اولوب پرویز تخت نشین اولدقده مجوسیتی ترک و تنصرا بتدیکی
ایچون پرویز قتل ایلدی و مومی الیه سهلک مصنفاتدن بری کتاب
کلیله و دمنه نظیره ثعلبه و عفره نامنده بر تألیف جلیل در که حیرت ده
فضلا و الان متداول ایدی علمادر حتی قاضی فاضل کتاب مزبور
مد حنوده بر رساله تألیف وائشای وصفنده هر کیمسه که سهل بن
هارونک رتبه فضلنی یلک مراد ایده بو کتابی مطالعه ایلسونکه سحر ا
فریدر دیو ثنا ایلشددر و مومی الیه سهل نظم و نثرده ممتاز و مسلم
اولوب مقدمافضل بن سهله منسب و منتهی و متخصص ایدی بعده
مأمون خلیفه مجلسنه داخل و مأمون فضیلت باهره سنه مطلع و بلاغت
و عقل و فهمی مأمونی اعجاب ایتکله حکیمته یعنی فلسفه کابخانه سنه
کتاب تعیین ایلدی و مأمونک کتب مزبوره مالک اولسنه سبب
جزیره صفیه یا خود قبرس کفره سی ایله محاربه بی متار که به تبدیل
و میانلرنده صلح منعقد اولدقده مأمون مالک اولدیغیکر کتب فلسفه بی
طر فزه ارسال ایدک دیو تکلیف و کفره صفیه کتابی اولغله قطعاً
کتب فلسفه به التفات ایتوب مأمون کتب مزبوره بی طالب ایلدکده
ملک نصاری بطاننه دولت و صاحب رأی اولان کفره بی جمع و استشاره
ایلدکده جمله سی یلک رأی و یلک زبان اولوب ارسالی مناسب دکلدر که

ربع مسکونده نظیری نایاب اولان نسخه لری مالک اولمش ایصکن
اضاعت ایتش اولور سن دبیلر فقط میان کفره دن مطران جمله به
مخالفت وارسالنده استعجال و مسارعی استحسنان ایلوب علوم
عقلیه بر دوات صاحب شریعتنه داخل اولدی الاشر یعنی لری
افساد و علماسی میاننه اختلاف و خصوصت القا ایدوب تفرقه
و عداوتلرینه باعث اولشددر دیدکده ملک جزیره به مطرانک رأی
خوش کلوب مجموعنی ارسال و مأمون بر اقلیمه مالک اولمش قدر مسرور
و محظوظ اولمشدی چونکه مأمون اول خزینه کتب سهله تسلیم ایلدی
سهل مطالعه لری نه نیجه زمان توغل و کتب نفیسه تألیف ایلوب
فضل و کمالک مزداد اولسنه و اشتهارینه باعث اولدی و سهل افراط
ایله بخیل اولغله بخلی مدح جود و سخابی ذمی مشتمل بر کتاب تألیف
و حسن بن سهله عطیه اومید یله اهدا ایلوب حسن بعد المطالعه
یا سهل باری تعالیک مذمت ایلدیکنی مدحت و تقبیح ایلدیکنی تحسین
ایلمش سن و الفاظک فصاحت و صلاحی معنائک قباح و فسادنی
دفع و ازاله ایلز و بز دن عطیه اومید دنده اولور سن سکا عطیه من
ارسال ایلدیکنک کتاب ایله عامل اولوب بخل ایله من اولسون دیومکتوب
تحریر ایلدی و مومی الیه سهل انجل ناس اولغله بخله دائر حکایات
عجیبه سی اولوب از جمله جا حظ نقل ایدر که بر کون برفقیر سهله کلوب
سندن بر نیازم واردر که عندکده قطعاً وقع و اعتباری اولوب بر امر
خسبدر مساعده کز رجا ایدرم دیدی بعده سهل فقیری استنطاق
فقیر دخی بر درهم احسان بیورک دیو عرض مرام ایلدکده سهل
ای شخص قباح و ناهم بر درهمی تحقیر ایدر سن مع هذا درهمک
باری تعالی به عصیان اولوب دائماً ارض الله ده اطاعت اوزره
حرکت ایدر و بر درهم اون درهمک عشریدر و اون درهم یوز درهمک
و یوز درهم بیک درهمک و بیک درهم بر مسلمک دینی عشریدر معلومک
اولدیکی که تحقیر ایلدیکنک بر درهم بنه منتهی و مجموع خزاین بر درهم
بر درهم ضم اولغله مجتمع اولور دیدکده فقیر مایوسا حقیقوب کیندی

واگر بر مقدار دخی توقف آیدسه ایدی درهمک نیجه اوصاف جلیله سنی
تعداد ایتکه شمیر ساق ایلشدی و و عبل الخزاعی نقل ایدر که
بر کون سهل ایله هم صحبت اولوب مینمزد معارف و علومه متعلق
ابحاث طول و دراز و سهله کرسنکی عارض اولوب یا غلام هات الطعام
دیوب غلام برکاسه شور به احضار ایلدیکه ایچنده هرم کلمش بر خروس
وار ایدی بعده سهل ملحقه بی در دست و خروسک اعضاسنی
نجس ایدوب سرندن ماعدا اعضاسنی بو اوب خروسک سری نیجه
اولدی دیو سؤال غلام دخی رمی ایلدم دیدی نیچون رمی ایلدک دیدی
غلام دخی تناول ایلز سن ظن ایلدم دیدکده سهل غضب ایله نیچون
تناول ایلز ظن ایدرسن که والله بن خروسک پارینی دخی رمی ایدنه
عداوت ایدرم قنده قالدی که رأسی رمی اولنه زیر
رأس اعضاء ریشه دندر و رأس ایله تفاؤل اولنور و حواس
خسته ظاهره رأسه در و خروس رأسیله اوزه ایدر و سرنده تاج اعلین
لابس اولور که اول تاج ایله تبرک اولنور حتی شاعر * خروسوار سحر
خبر باش تاسروتن * بتاج اهل و قبای چکین بیالای * دیمشدر و صفوت
چشمائیه * اصفی من عین الدیک * دیو ضرب مثل ایدر لر و دماغی
وجع کلابه نافه در و رأسک استخوانی سائر اعضاسنده اولان استخواندن
رم و لطیفدر واکر سن تعظم و تکبر ایدوب اکل ایلز سنک بونده
اکل ایدر بولنوردی دیو تعریض ایلدی و یا غلام رأس خروس
نوک پرندن و ساق پرندن اعلا و خیر لو اولدیغی معلومک دکلیدر البته
هر نه طرفه القایلدکسه پیدا و تحصیل ایله دیدکده غلام رمی ایلدیکیم
نحل معلوم دکلدر دنیجه سهل یا غلام بنم معلومدر که سن خروسک سرنی
شکر که رمی ایلدک دیدی جا حظدن مر ویدر که بروقتده سهلدن معتزله
بصره نک شیخی اولان ابو هذیل احمد عیلاف فقر و فاقه به ابتلا کاله
رسیده اولدی کرم بیوروب حسن بن سهل بر شفاعت نامه احسان
ایله که بومضایقه دن خلاصه اعانت ایده دیو نیاز سهل دخی بر مکتوب
تحریر و ختم ایدوب ابو هذیل و یردی اول دخی حسن بن سهل ایصال

وحسن مهر نی فک و قرأت و در عقب خنده ایلوب ابو هذیل سبب
خنده دن سؤال حسن دخی مکتوبی اراءت ایلدیکه مکتوب بو ایاتدر
* ان الضمیر اذا سألتک حاجة * لابی الهذیل خلاف مابدی *
فامنع روح الیاس ثم امددله * حبیل الرجا بمخلف الوعد * حتی اذا طالت
شقاوة جده * و عناوه ناجیه بالرد * و ان استطعت له المضرة
فاجتهد * فمما یضر یا بلغ الجهد * ما ک معنای ایات معلومک اولسونکه
ابو هذیل حقنده ظاهر اسندن رجاده اولدیغی خصوصده دروغ
خلافنده در ایدی یأس راحتله مزبوری منع و خلاف وعدایله نیاز
رسمانی اطاله ایله واکر بوند نصکره ینه ابرام و الحاح شقاوتی زحقی
طول و دراز اولور سه قطعی ردایله جواب و پروا کر ابو هذیل ضرره
قادر اولور سک اجرا ایتده سعی و جهدایله که طرفکدن متضرر اوله
دیمک اولوب ابو هذیل مکتوبه واقف و حیران و نالان اولدقده
حسن بن سهل یا ابا هذیل غمناک اوله که سهل مقتضای طبعی اولان
خبائثی اجرا ایلش بنم مقتضای سیرتم سکا کرم ایتکدر دیوب احسان
فراوان ایلدی بعده ابو هذیل سهل بن هرونی مؤاخذه و عتاب
ایلدکده سهل خنده کان یا ابا هذیل قتی سنک فهم و دانیشک
کور دکی که مکتوبده دروغ اظهار ایلدیکیمک خلا فیدر دیو تحریر
ایلدم اگر دروغ سکاخیر اولسه ان الضمیر خلاف مابدی بیتنی تحریر
ایلز دم دیو مغالطه ایلدیکه سهلاک بلا غتندن معدود در و سهلاک
تعریضات لطیفه به متعلقه بعض حکایاتی اولوب از جمله بر کون امرادن
بر یله مکالمه اثنا سنده اول امیر سهله کذب ایدر سک دیدکده سهل یا امیر
روی که کذاب سکا مقابل اولز دیوب کذاب سن سک دیمکی تعریض
ایلدی زیر انسانک و جهی کندویه مقابل دکلدر مر ویدر که بروقتده
سهلدن روگردان و معرض اولوب آخر کاتبه توجه و سهلاک مقامه
اقامت ایتدیروب بر مقدار زمان مر ورند سهلاک مجلس مأمونه دخوله
فرجه بولوب یا امیر المؤمنین سن هم بکاوهم اول کاتبه غدر و ظلم ایلدک
دیدی مأمون و جهی ندر دیدکده سهل دخی زیر اول کاتبک استحقاق

و استعدادندن زیاده رتبه سنی ترفیع و اعلا و بنی لایق و سزا اولدیغهم
منزلندن تنزیل و تنذیل ایلدک و اول کاتبه اولان ظلمک بکا اولان حیفاکدن
اشد و ازیددر که مستحق اولدیغی درجهیه واصل اولمقله مجموع ارکان
دولت استکثار ایدوب هرل و سخنر به ایدرل و بنی رتبه دونه تنزیل
ایلدیکه هر حجت ایلدیلر زید کده مأمون خنده کنان قاتلک الله بزی
ضمنا هجو و مذمت ایلدک دیوبینه مظهر اکرامی ایلدی روایت اخرا ده
مأمونک سهلی عفو نه باعث بر کون ارکان دولت مجلس مأمونه حاضر
و بر خصوصه متعلق مأموندن بر کلام مستحسن صادر اولوب سهیل
ایستاده وای قوم امیر المؤمنینک کلامنی استماع و فهم ایدوب تعجب
و تحسین ایلدیکر که والله امیر المؤمنینک اقصر ایامدن بر کونده یشلدیکی
فعله و نفس الامر مطابق تکلمه بنو مروان مدت دولترنده
اول مقوله قول و فعله موفق اولما مشلر درید کده سهلاک بو تعبیری مأمونی
اعجاب ایتکله جر منی عفو و کالاول التفات و استخدام ایلدی
و سهلاک کلامندندر که هنوز حصول پذیر اولما مش نعمته تهنیه ظهور
ایدن مصیبتیه تعزیه دن اولی در و العباد بالله بر کیمسه مصیبت زده اولوب
اقر با و تعلقاتی صبر ایلله مثاب و مأجور اولمدن اقر با و تعلقات مصیبت
رسیده اولوب اول کیمسه صبر ایلله مأجور اولمق اولی در و کشتی هر کلامه
تصدی ایتمزدن مقدم تحمید ایلک لایق قدر نتکیم بر نعمته مستحق اولما زدن
مقدم من طرف الله متعم اولدی زبیرا باری تعالی نیک قوللرینه کرم
و احسانی مستحق اولدقلرندن زیاده در ایددی هر شبهه شر و عدن
مقدم لایق اولان باری تعالی به شکر و سپاس در دیردی و بروقتده سهلاک
اصداق سندن بری بر مقدار زمان بیمار بعده شفایاب اولوب سهل اظهار
سروری متضمن بر تذکره تحریر ایلدیکه ما لی انکسار و ضعف مزاجک
و بر مر ضلک ظهوری بعده انکشاف و زوالی رسیده سامعه مخلصی
اولوب ابتدا اشتدادنده بنی ازعاج و اضطرابی زوالیله حاصل اوله جق
سروردن مشغول و اول صورتده حیرت و الم نهایتده اوله جق حبور
و شادمانی بی منسی ایندیره جک مرتبه به رسیده اولمش ایدی و الحمد لله

تعالی ابتدا سنده نه رتبه اضطراب و تحیر ایرات ایلدیه شمعی اول رتبه
نشاط بخش اولمش در دیوب کلامن اتمام ایلدی و شداد الحارثی التونی
او صاف جلیله ایلله و صف ایدوب نظام دخی شبهه بی ذم
و قدح ایلدی سهل ایکسینه مخافت و آبکینه بی مدح و التونی
ذم ایدوب زجاج مجلا و نورانیدر و التون الدن اله انتقال ایدر بر متاع
بی وفادر و شراب بللورده سا رومعاندن احسن و مفرح مشاهده
اولنور و شبهه شراب ایلله مملو و سرشار ایکن ندیمکی مشاهده ایلدیکر
مانع اولمز و دردست اولمه ده ثقیل و سنگین دکلدن و کرانیها اولوب
تلمکی آساندر و التونک عربیده اسمی ذهب اولمقله ذهب کتمک معناسنه
اولوب اسمنده شامت وارد و التون اکثریائیم و خسپس اولنلره کیدوب
استخیا بی ترک ایدر و کندوبی حفظ و حراست ایدنلره مکر و آشوب
پیدا ایتمه دن خالی دکلدن و ابلدیس علیه اللعنه نک انسان فی صید ایلدیکی
داملردن بردا مدر و اسان عربده التونک بر اسمی دخی احرا اولوب
(اهلاک الرجال الاحمران) مثل اولمش در کرجه احمراندن مراد لجم
و خردن لکن لفظ احمر التونه دخی اطلاق اولنور و شبهه خس و اوث
قبول ایلز و رایحه کریمه مستقر اولمز و هر چند که آب صافی ایلله سوییده
اولنه جدید و جید اولور و معدنیاتده آب صافی به شبهه دن زیاده مشابه
برشی یوقدر حنی شبهه نک بر اسمی دخی زبان فارسیده آنخشکدر و بو ذکر
اولسان او صافی عجبیه اولدیغی کبی شبهه یا بمق دخی امر عجبیدر
و زبان فارسیده التونه زر دیرلر که اسان عربده زرا ترک معناسنه
امر در نتکیم مولا ناجامینک بو بیتندن فهم اولنور * زمعنی زرا ترک آمد
مقبلی کو برد بو * زامثال امر زر و دهر ترک بو زرست * یعنی قنی
برمقبل که دویه و امثال امر زر دنیایی ترک ایتده وقتک ابو زریدر و مدمت
التونده مولا نای مز بور بو بیتی انشا ایلشد * کرجه باشد زر خوش
ابراکن زر کا راست تاج * بر سر ابراهیم وزر نعلین پای ازارست *
لفظ ابراهیمک تاجی یعنی ابتداسی ابرالفظی و از ترک نعلینی یعنی آخری زر
لفظ ایدر دیوب ختم کلام ایلدی و سهلاک گفتار بند آمدندندر که تحصیل

علوم و معارفه کوشش ایدک زیر ازمانی سزله مذمت ایتلمری
سزله زمانی مذمت ایتلمردن خیرلودر یعنی بوزمانده ارباب معارف
و علمایه رغبت قالمدی دیتلمری زمانه اهل معارف و علمایه قالمدی دیتلمردن
خیرلودر و اوج نوع کیمسه مجانیدن معدوددر که بری غضبنک اولان
و بری غیر تکش قسغایج اولان و بری سرمست اولان دیردی و سهیلک
نعله و عفره نامنده اولان تألیفنده ای قوم حقوقدن اوزر بکره اداسی
واجب اولان حتی خلقه بذل و احسان ایده جکیکز عطیه به تقدیم
ایدک مثلاً مدیون اولان کیمسه هنوز اوزرینه فرض اولانی داده تکاسل
ایتک و اجبرد زرا بر کیمسه هنوز اوزرینه فرض اولانی داده تکاسل
و بطو اوزره اولوب نافله بی تقدیم ایلمسه اعتقادینک قصور و ذهنته
و نقصان رأینیه و سوء تدبیرینه شاهد درو بین الناس وقع و اعتبارینه
مخل اولوب کرمی سبیلله حاصل اولان محمدتی عدم مروت و حیثیتدن
نشأت ایدن فسادنی دفع و ازاله ایلز دیو تفصیل مقال ایلمشدر
(و عمرو بن بحر مستملک) و عمرو بن بحر سندن املا طلب ایلبوب تألیف
ایلدیکی کتب معتبره بی سندن تعلیم ایلدی ظن ایلدم مومی الیه عمرو بن
بحر بن محبوب ابو عثمان اولوب جا حظ دیمکله معروفدر حدیثی ایله
دخی ملقب اولوب جا حظ ایله اشتهاری غالبدر و علم و فضل و بلاغته
یکانه و بی همتا و فوائد نفیسه و آثار لطیفه صاحبی اولوب آفاقدیه نام آور
و مسلم فحول و پیشوای علمایه و لغله ساراً ممدن امت محمد علیه السلام
فضل و مزیتی عمر بن الخطاب رضی الله عنیهک حسن سیاحتی و جا حظک
بیان و بلاغتی ایله اولمق اوزره ارباب فضل و دانش اتفاق ایلمشدر
و بین العلماء معروفدر که ابو حنیفه فقهده و خلیل نخوده و جا حظ
تألیف کتیده و ابونعمان شعرده مسبق دکلدر و مومی الیه جا حظ بصیرده
تولد و بغدادده نشو و نما بولوب شیخ المعتزله اولان نظامدن تحصیل
علوم و کتب فلاسفه به توغل و اکثر مسائلنی تزویج و مذهب طبعیه به
میل و فصاحت و فضل ایله متکلمینه فایق مشایخ معتزله دن اولوب
مسائل عدیده ده تفرد ایلمشدر و اصل معتزله حسن بصری حضرت تریبک

مجلسندن قالقوب اعتزال ایدن و اصل بن عطانک اصحابی اولانلردر
و جا حظک تفرد ایلدیکی مسائلدن بری بودر که معارف مقتضای طبایع
و ضروری اولوب اراده عبادک قطع امدخلی بوفدر فقط ارادت کنیدی
فعلنه عالم و غیر ساهی اولسنده جریان ایدر وینه معرفته فی الحقیقه
فعل عبد اطلاق اولنور و عبادک جمیع افعالی کندویه نسبت اولنسی
اجسام ایچون طبایع مختلفه و هر طبیعتک کندویه مخصوص اثری
اولوب طبایع مختلفه دن آثار مختلفه صادر اولمغله طبایع صاحبیرینه
اول فعل نسبت اولنور و جائز دکلدر که بر کیمسه عاقل و ممیز اوله ده
باری تعالی به معرفتی اولیه و کفار معاند ایله عارف میانه در که
کندی مذهب باطلینه محبت و میلی و تعصبینه مستغرق اولوب کنیدی
اعتقادینک بطلانیه شاهد اولان مقتضای طبیعت اولان معرفتی
درک و شعور دن عاجز اولور دیردی و بونک امثالی نیجه مذا هب
باطله به ذاهب اولوب بر مقدار قوم مزبوره مسائل مزبوره ده اتباع
ایتر یله اول قومه جا حظیه نسیمه اولنمشدر و مومی الیه جا حظک
ادیات و کلام و فلسفه ده تألیفات کثیره سی اولوب از جمله
کتاب الحیوان و کتاب الامصار و کتاب البیان و التبیان مومی الیه کدر
و فوائد کثیره بی مشتمل نیجه رسائلی اولوب متداول ایدی علمادر
و مومی الیه جا حظ احمد بن ابی داوده منکسر و مجلسندن منقطع
و وزیر محمد بن عبد الملك بن زیات ایله موانست و مجلسنه ملازمت
ایدوب محمد بن عبد الملك وزارتدن عزل و نحاسدن بر تنوره وضع
اولنوب اشد عقوبت ایله قتل اولندقدیه جا حظ فرار ایلبوب باعث
هر بنیدن استعلام ایلد کلرنده تنوره وضع اولناتک ثانی سی او اورم
خوفیه فرار ایلدم دیدی لکن فرار ایلدیکی مجلسدن خبردار و اخذ
و ثاب بذله ایله در زنجیر ابن ابی داود حضورینه احضار اولندقدیه
ابن ابی داود یا جا حظ بن سنی یلدمکه کافر النعم و معدن مساوی
و مفسد و مضر بر کیمسه سن دیدکده یا امیر باری تعالی سنی هرا مرده
موفق و مؤید ایلمسون غضب ایله کندیکه زجت و یرمه والله سنک
بکا غالب اولوب مرادی بنده اجرا ایلک بنم سکا ظفر یاب و مرادی

اجرا ایلامدن خیرایدر و اگر بندن سکا اسامت واقعه اولدی ایسه
مقابلله سنده احسان ایلک بندن سکا احسان ظهور نده سنک بکا
اساءتک ظهور ایدوب مذمتله مذکور اولماکدن اولی واحسندر یعنی
ابن ابی داود جا حظک اساعتی مقابلله سنده کرم و عفو ایلدی
دیو مذکور اولق احسان مقابلله سنده جا حظم غدر و ظلم ایلدی دیو گفت
وگواولتمقدن اصوبدرو قدرتک حالنده اخذ انتقامدن عفو واجل واحسندر
دیدکده ابن ابی داودک شدت غضبی زائل اولوب قبحک الله یا جا حظ
حسن تعبیر و خوش ادایه موفق سن قباحتی عفو ایلدم دیوب
کرمابه یه ادخال و ثیاب فاخره اکسا و الباس ایدک دیو خدمه یه امر
بعده مجلسنده برکوستروب اکرام و اقبال تام ایلله یا اباعثمان کلمات
حکمت آمیز که آغاز ایلله دیوب کلامنه چشم و کوش اولدی و جا حظک
سنی طقسائی تجاوز و ایکیوز الی بش منه سنده وفات اید نیجه نیک
بخت و معزز و مکرّم تعبش ایلوب ابتداء ظهور زدن آخر عمرینه
وار نیجه درد فقره مبتلا اولوب متمول و مالدار ایدی جا حظک حکایات
غریبه و اخبار لطیفه سی و نثر طویلی و نظم ضعیفی اولوب از جمله
اخبارندن بری بودر که برکون احباسندن برینک خانه سنه واروب
دق باب ایلوب بر جاریه سندیه ظهور و مطلبندن سؤال جا حظ
دخی افندیکه جا حظ سنکله کورشمکه کلمش دیو افا ده ایلله دیدکده
جاریه سندی لثغ زبان ایلله جا حد بابده سکا منتظر در دیرم دیدی جا حظ
دخی تکلمه عدم اقتدارنی بیابوب حدقی کلمش سنکله ملاقات طلب
ایدر دیو افا ده ایلله دیدکده جاریه خلقی دیرم دیدی و جا حظ عاجز
اولوب برشی سوبله دیوب رجعت ایلدی و جا حظ بدن منقولدر که
فی العمر بنی ایکی زنک تحجیل ایلدیکی کی بر کیمسه تحجیل ایلامشدر که
برکون بر محله طعم تناول ایدرم بر سوری زنان جالس اولدیغ
نشینک مرتفع اولان طرفندن مرور ایدر لردی و میانلرنده سرو قامت
ولاله خد و خوش اندام برزن شوخ چشم مشاهده و مزاح و لطیفه
قصیده نازنین تنزل ایدوب بو محله نازل و بمنله اکل ایلستک اولمازمی

دیدم زن مستوره دخی ای بی خبر سن بنم نزوله تکلیف ایده جکیکه
چیفدیغمرتفع بره برکوه چیفستک دنیا نیجه در مشاهده ایدر دیک
دیدی دخی برکون در خانه ده ایستاده و اطرافه نکران ایکن برزن
بیدید و نزدیکه کلوب لطف ایلله بر مصحتم واردر که سن بمنله معاراهی
اولدیقه حصول پذیر اولماز دیدی بندخی مساعده و معاراهی اولوب
زن مکاره بنی برزر کر یهودینک دکانته کتوروب یهودی به بنی ارأت
وایشته بو آدم کی اولسون دیوب سمت آخره راهی اولدقده بن متحیر
اولوب قضیه بی یهودیدن سؤال یهودی دخی بو خاتون مقدم کلوب
بکار صحیفه به شیطان علیه اللعنه بی تصویر ایلله دیدی بندخی ای خاتون
شیطانی مشاهده ایلدم صورتی معلوم دکلدر سن بکا بر صورت
تعبین و ارأت ایلله که اکا کوره رسم ایده یم دیمشدم شمعی سنی احضار
ایدوب ایشه بویله اولسون دیدی که مراد ایلدیکی صورت شیطانی
تصویر ایده یم دیدی فی الحقیقه جا حظ زشت روی و قبیح المنظر
بر آدم ایدی لکن فصاحت و بلاغتی قباحت رو بیک هیبتی ستر ایلشدی
و جا حظ برکون چار سوده کشت و کذار ایدر کن بر محله بر قصه خوان
جالس و خلق کثیر اطرافنه مجتمع و چشم و کوش اولمشر که قصه
پردازی یه آغاز ایده جا حظ قصه خوانه رنگ ایچون ای قوم نیچون
تجمع یلش سبز بو آدم صلحادن متورع و اشتها ری سومر بر عابد و زاهد در
دیدکده هر کسک کلام جا حظ اعتمادی اولمغله پراکنده و پریشان
اولدق لرنده قصه خوان واله و حیران اولوب جا حظ باری تعالی
سنک دخی عاجلا بلاکی ویرسون دیدکده جا حظ خنده کنان سوی
مقصوده روان اولدی و برکون جا حظ ثقیل و کرانجیان بر شخص
یا جا حظ سن هزار جواب مسکت ییلورمش سن بکا بر مقدارنی تعلیم
ایلله که بعض وقتده اقتضا ایده یوردیدکده جا حظ ای کشی اول جوابلری
آخره تعلیم ممکن دکلدر دیدی لکن شخص ثقیل مجاب اولوب ابرام ایلدکده
جا حظ ای کشی نه کونه جواب مسکت استر سن نیجه اول شخص
یا جا حظ بکار کیمسه یا زوج القبحه یا ثقیل الروح دیر سه بن نه جواب

ویره یم دید کده اکا کلامکده صادق و راست کوسن دیو جواب و یریدی
 جاحظ روایت ایدر که بر کون بغداد ده کتاب دیوانک مجتمع اولدیغی
 دیوانخانه به داخل و کابی البسه فاخره لابس و صورتا هر برینی مأ مور
 اولد قلمی خدمتدن اعلا سینه شایان ظن اولوب هر بری مکلف
 و محتشم وقار و تعظیم و تکبر لری حددن افزون مشاهده ایلدی کده
 آبا ذات و حیثیت لری دخی ظاهر لری کبی مکمل و معمور میدر دیو
 هر برینی امتحان ایلدی کده بازی تعالینک باطل حقنده و اما از بد
 فیذهب جفاء بیور دیغی کبی ظاهر لری بن نظیف و پاک و باطن لری بنی
 مشوش و عقل و معرفتدن خالی بولدم حیف و دریغ اول کا تبلره که
 ظواهری نظیفه و بواطنی سخیفه اولوب اللرینک تحریر ایلد کلرندن
 جاهل و نادان اوله لر و تحصیل و کسب ایلد کلرینی عمل از مقابله سنده
 اجر تدر اعتقاد ایدر دیو دشنام ایلدی و تمام آیت کریمه (فاما از بد
 فیذهب جفاء و اما ما یمنفع الناس فیکت فی الارض) یعنی اما کف روی
 آب و خبث بالای فلز برود برحالی که مطروح و ساقط باشد اما آنچه سود
 رساند می دماز چون آب صافی یا فلز کذا خسته بی غش پس بماند در
 زمین تا بدان متفع شوند* و بروقتده جاحظ بر سیه طواشی اشتر
 ایلدی سببندن سؤال ایلد کلرنده زنکی اختیارم لواطه تمهیدن احتراز
 ایچون اولوب خصی اختیار ایلدی کیم علت معهوده ایله متهم اولماق
 ایچوندر دیو لطیفه آمیز جواب و یردی و جاحظ بصره ده جاز ایله
 هم صحبت اولوب جاز یا جاحظ نار لغتده قاج معنایه کلور دیو سؤال
 جاحظ دخی نار الشجر که شکوفه دن عبارتدر و نار الحرب که اشتداد
 مقاله دن عبارتدر و نار الحباحب که سم دایه سنکه ضرب ایدوب
 ظهور ایدن آتشدن عبارتدر و نار المعده که حرارت معده دن عبارتدر
 و معروف اولان آتش در دید کده جاز یا جاحظ نار لک زیاده حار
 و شدیدنی ذکر ایلدک دیدی جاحظ دخی ندر دیو سؤال ایلد کده
 مادر یکت کسینک آتشدن که هر نه مقدار شی رمی و القا و انسه خازن
 و حافظ لری زیاده طلب ایدر دیدی جاحظ دخی یا جاز مادر یکت

حر بنه خازنلر اثبات ایلدک لکن سنک مادر یکت حرینک نارنه بی نه ایله
 اشیا القا اولوب کفایت ایدر می دیو سؤال اولند قدده هل من مزید دیر
 دیو جواب و یردی و مومی الیهک لقبی جاز و نامی عمرو بن جاد بن عطا
 و کنبه سی ابو عبدالله اولوب نوادر و لطائفده ابو نواسه غالبدر
 و جاحظ بر بخیل کیمسه نک اسمی در که مسافر آتش مشاهده ایدرده بنم
 خانه مه کلور خوفیه سم اسبدن خروج ایدن آتش کی ضعیف و قلیل آتش
 ایقاد ایدر دی بعده بر شبتک قلدن کنایه ایدوب نار الحباحب
 دیرل مثل مشهور در و اهل عربیت ناری اصناف ار بعده به تقسیم
 ایدوب بر صنی که اکل ایدر شرب ایلمز نار دنیا در و بر صنی که شرب ایدر
 اکل ایلمز نار شجر اخضر در و بر صنی که اکل و شرب ایدر نار جهنم در
 و بر صنی که اکل شرب ایلمز نار موسی علیه السلام در دیدیلر کذلک
 تقسیم دیگر ایله درت نوعه تقسیم ایدوب بر نوع که نور و احراقی اولور
 نار دنیا در و بر نوع که نور و احراقی اولماز نار الاشجار در و بر نوع که
 نوری اولوب احراقی اولمیه نار موسی علیه السلام در و بر نوع که نوری
 اولوب احراقی اوله نار جهنم در دیدیلر و حافر دایه سنکه ضرب و قدح
 ایلد کده خروج ایدن شراره به لسان عربده جاحظ و زبان فارسیده
 بومه دید کلر ایدر شبح نظما مینک سلطان انبیا معراج شریفه خروج
 ایلد کده براق برق رو و صفنده* در شب تاریک بأن اتفاق* برق شده
 بومه پای براق* دیوانشا ایلدی کی بیتندن ظاهر در بر کیمسه جاحظدن
 بردوسنه شفاعت نامه طلب جاحظ دخی تحریر و ختم ایدوب و یرد کده
 اول شخص مجلس جاحظدن بیرون اولوب مهر نامه بی فک و قرأت
 ایلوب بوسه گونه تحریر ایلش که بعد السلام طرف کزدن شفاعت
 او انسان شخص که موصل ورقه در احوالی معلوم اولوب
 سز دن رجایی موجب اوزر مده برحق بو قدر مجرد ابرامندن
 تخلص کریان ایچون بر کاغد و یردم اکر مرانی اسعاف ایدر سک
 نمون و عدم مساعدده ایلدی ککر دن متالم اولسام دیو تحریر نه مطلع
 و جاحظه عودت و جاحظ شخص معهودی مشاهده ایلد کده غالباً

ورقه بی قرأت ایلش سک دیدی اول شخص دخی بلی قرأت ایلدم
 لکن بو گونه تحریر ایلکدن بنی رد ایتک اولی ایدی دیومواخذہ ایلدکده
 جاحظ ای کشتی تحریر ایلدیکیم کلماتک سکا قطعا ضرری یوقدر که بن
 بر کیمسه بی شفاعت و نائل مراد اولسنی مراد ایلسم بو گونه تحریر
 ایدرم و اصدقامک معلوملریدر که بو گونه تحریر عادتدر دیدکده اول
 شخص یا جاحظ الله تعالی لیتک لغتی سنک اوزریکه اولسون و باری تعالی
 سنک اللریکی ایاقلریکی قطع ایلسون و هزار بلایه گرفتار اوله سنک
 دیوب جاحظ ای کشتی بورتبه دشنامنه نه دن مستحق اولدم دیدکده
 اول شخص یا جاحظ بجن بی بر کیمسه به شکر و ثنا ایتک مراد ایلسم عادتدر
 ینه بو گونه ادا ایدرم ظاهر نظر ایدوب متألم اوله دیوب راهی اولدی
 جاحظ بر طرفه عزیمتده اصدقا سندن برینک خانه سنه نازل اولوب
 صاحب خانه اکرام و اطعام ایلدیوب لحمه متعلق طعام احضار ایلدکده
 جاحظ سببندن سؤال صاحب خانه دخی ای برادر (ان الله یکره البیت
 اللحم) حدیث شریفنی استماع ایلدن بری چندان لحم اکل ایتمز اولدم
 دیدی جاحظ دخی ای برادر بیت الحمدن مراد غیبت و مساوی ایله
 لحوم ناس اکل اولان یتدر دیدکده صاحب خانه کلام جاحظی قبول
 و اکل لحمه شروع ایلدی ابن ابی طاهر دن مرویدر که برکون
 جاحظ مسن و علبل اولدی دیو خاطرنی سؤال و تطیب ایچون جماعت
 ایله زیارتنه واروب دق باب ایلدم جاحظ قطعا جواب و یرمدی
 و مشاهده ایلشدمکه پنجره به قریب بر محله همسایه سی ابن حامان ایله
 جالس ایدی ینه دق ایلدیکیم پنجره دن بابن طاهر معلومک اولسونکه
 بن الان حوقله به مشغول و رمیح ابی سعدی تحمل ایلدم و عنزی
 سائق شمدن صکره بنمله صحبت نیمه قابلدن همان اول محلدن بکا
 سلام و وداع ایله سلام و بروب جمله کرصفاده اوله سز دیدی حوقله به
 مشغول دیدن مرادی پیر و مرضیم تمتد و مشند اولغله دائما (لاحوله
 ولا قوة الا بالله) دیرم دیمکدر و ابوسعیدک رمیحنی تحمل ایلدم دیمک
 ابوسعید عربدن بر پیر آدم اولوب ابتدا عصایه اتکائی ابوسعید اختراع

ایتمکله بر کیمسه پیر و علبل اولدی دیه جک محله عرب فلان اخذ رمیح
 ابی سعد ایله بیرلکندر کلاه ایدوب مثل اولشدر و سائق عز اولدم دیمک
 دخی پیر اولدم دیمکدن کلاه در حتی عرب فلان کیمسه پیر اولدی دیه
 جک محله ساق العز دیوب مثل اولشدر زراشوبان رعی ایدرکن سرنی
 عصا سنک اوچنه وضع و اتکا ایدر و عز دیشی کچی به دیرلر و جاحظک
 علبل اولسنه باعث بودر که برکون ابن داودک طعامنه حاضر و طعامده
 شیر و ماهی اولوب طیب ابن یحشیشوع دخی مجامعه حاضر اولغله
 ارباب مجامعه شیر و ماهی جمع اولسنی مضر در هر قنفسنه خواهش زیاده
 ایسه انی تناول و آخری اکل ایتمه کز اصابتدر دیدکده جاحظ طیبیه
 معارضه ایدوب چه منده نه باس واردرا کر هر برینک بر رجعتله مضرنی
 آخرک مضرته مقابل و معارض اولوب متساقط اولور لر واکر
 مضر تلوی جهت واحده ایله اولوب متساوی ایسه کان مضر واحد اکل
 اولنش اولور دیدکده طیب یا جاحظ بن حسن تعبیر یلم و علم طبعده
 توفیق فلسفی جریان ایلز اگر گفتارمک صدقنه مطلع و شیر و ماهی
 جمعده اولان مضرنی تجربه ایتک مراد ایدر ایسک اکل ایله دیدی جاحظ
 دخی بی پروا ایکبسندن اکل ایلدکده جانب راستنده تقریس و جانب
 چپنده فلج عظیم ظهور ایدوب صاحب فراش اولدی و احببا سندن
 بری زیارتنه واروب حالی سؤال ایلدکده جانب یسارمی شرحه شرحه
 اینسه لر خبردار و متأثر اولوب یمتمه بر مکس قونسه الم و وجعه طاقت
 کتوره مم و جله دن زیاده شکایت طقسا ننددر دیو جواب و یردی
 اینای برامکه دن بری نقل ایدر که طرفی خلیفه دن امارت سند بکاتوجیه
 و تقلید و وقت مقدره دك ضبط بعده عزل اولندیغمده او توز پیک
 دیناره مالک اولوب اون پیک دینار ینه اهللیج اشتراو بر سفینه به راکب
 و بصره به واصل و جاحظک علبل اولدیغندن خبردار و مزاجنی
 سؤال ایدوب وفاتندن مقدم بر کره باری کورمک قصد یله خانه سنه
 واروب دق باب ایلدم بر جاریه حبشیه کلوب مرادمدن استعلام بندخی
 غریب الدیارم جاحظی کورمک استرم دیدکده جاریه کلام جاحظه تبلیغ

ایلیوب مسموعم اولدی که بنم کی بر طرفی مفلوج ومائل و بزاقی سائل
ورنگ رویی زرد وهائل آدمی کورمکدن نه حاصل دیو ملاقاته مساعدده
ایلمدی وجاریه بنی دفع ایتک ایچون کلمات مذکوره بی سردایلمد که
بن الحاح و ابرام ایدوب البتده کورملی بم ملاقی اولدجه مندفع اولمام
دید که جاریه رجعت وعدم مراجمی حکایت ایلیوب جا حظ بو آدم
مسافر تله بصره به وارمشم و جا حظ هنوز وفات ایلمامشدی زیارته
واروب کورشم دیو احباسنه نقل ایتک استردیوب اذن داده اولدی
و مجلسنه داخل اولدیغمده لطف ایله معامله ایدوب سن کچسین دیو
سوال بن دخی اولاد برامکه دن اولدیغم افاده ایلمدی کمده عظیم محظوظ
واجدادیمه شاخوان اولوب سخا و کرملرین ذکر ایدوب انلرک زمانده
فقرا و محتاجین رفاهتله تعیش ایدرلردی جود و سخا انلرده ختم
اولمشر دیدی بن دخی جا حظ صحت و عافیتله دعا و بر ایکی بیت
انشاد ایلمسنی رجا ایلمدی کمده بو بیتلری انشاد ایلمدی * لئن قدمت
قبلی رجلا فطالما * مشیت علی رسلی و کنت المقدما * ولکن هذا الدهر
نأبی صروفه * فترم منقوصا و تنقص مبرما * مأل معنار و وقتده خلق
علم و فضیلتده بکا تقدم ایلمسه لر بنم حرکت و سعیم کالاول سهولت
و وقار ایله اولوب تبدیل حال ایتمدن اول علمایه تقدم و فضیلتده غالب
اولوردم لکن دنیا ک احوالی برقرار اولیوب صروف زمان احوال
ناسی تغییر ایدوب ضعیفی قوی و قوی اولانی ضعیف ایدوب الان بنی
علیل و پیر ایتکله فضل و کالده ناسه تفوقی ازاله ایلمدی دیمک اولوب
رسل کسررا ایله سهولت و وقار معناسنه اولوب افعول کذا علی رسلاک
علی هبتک و وقارک و علی سهوله ایله تفسیر اولنور و هیت سهولت
معناسنه در وزوجی وفات ایدن یاخود مطلقه اولان مراده که زوج آخر
ایچون کندوبی تزین و اول کیمسه به مر اسله ارسال ایدرا که
* مرأة المراسل * دید کلری بو معنادن اخذ اولنوب راجزک بو بیتندن
اول معنا فهم اولنور * یمشی هبیره بعدمقتل شیخه * مشی المراسل
اوزینت بطلاق * بعده جا حظی و داع و مجلسندن بیرون اولورکن

ای اوغل فلوچه اهلایح نافعدرسنک کتور دیکک اهلایحیدن برمهقدار
ارسال ایله دید که مر امنه مساعدده ایدوب ارسال ایلمدن لکن بن کتم
ایتمکن نه وجهله خبردار اولدیغمه متعجب و متحیر اولدم دیدی
و بعض احباسبی جا حظ مر یض ایکن دستنده دوا ایله مملو برقدح
مشاهده ایدوب ندر دیو سوال ایلمد که * اصیحت فی دار البلیات *
ادفع افات بافات * بینی ایله جواب داده اولدی مومی الیه جا حظک
کلامندندر که بخل ایله جبن ایکی طبیعتدر که باری تعالی به سوظندن
حاصل اولور و اسائن ایدن کیمسه به احسان ایله مقابله تد بیرنده باری
تعالی به مخالفت ایدوب کنینیک رحمتی باری تمالینک رجتمدن
زیاده ظن ایلمکدر و ناسک حدلرینی تجاوز ایتملری احسان اویمه بدیه
و عقاب خوفیه در پس اسائنلرینه عقاب و احسانلرینه احسان امیددی
یاخود بری بر طرف اولسه صغیر کبیر و وضع رفیعہ انقیاد ایتوب نظام
عالمه خلل طاری اولور و سکا حسد ایدن کیمسه به عقاب ایتکه قادر
اولورسک مستحق اولدیغی عقوبتک نصفی عفوایله زبراحسود اولان
کیمسه دائما معذبدر و جناب باری انسانی مایهونه مسخ ایلمد که بنه برمهقدار
انسانه مشابهنی ابقا ایلمدی لکن حالا اولدیغی زمانی مسخ ایدوب
ازمان سابقه به مشابه برنی ابقا ایلمدی و هر کس مالک اولدیغی شیئی
انفاق و احسان ایتک ضروری اولمغله نیک سیرت اول کیمسه دن خیر
ونفع صادر اولدیغی کی بد سیرتدن شر و فساد صادر اولور یعنی کل
اناء یترشح بمافیہ (و مالک بن انس مستفتیک) و مالک بن انس حضرتلری
سندن استفنا ایلمدی ظن ایلمدن مومی الیه مالک بن انس بن ابی عامر
تیمیدر که کتبه سی ابو عبد الله اولوب طقسان یدی سنه سی مدینه
منوره ده تولد ایدوب امام دارالهجرة و پیشوای امت اولوب شکم
مادرده اوج سنه مکث ایتک اوزره روایت اولنوب کندوری ولد بطن
مادرده اوج سنه اقامت ایتک جائزدر و بعضیلر اولمقدار اقامت
ایلمشر بیوروب کندوبی مراد ایدردی مومی الیه طویل القامه و شدید
البیاض و صاری به مائل مهیب الشکل و ثیاب و مجلسی نظیف و پاک

اولوب ع - لم فقهده ابتدا کتاب تألیفه مومی الیه موفق اولمشدر وهر
بار که پیغمبر علیه السلام دن حدیث شریف نقل وروایت ایتمک
مراد ایلیمه اغنسال و ثیاب و مجلسنی بهعطیر تبخیر ایدردی و مجلس
قرأت حدیث شریفده بری رفع صوت ایلیمه منع (وبسم الله الرحمن
الرحیم یا ایها الذین امنوا لا ترفعوا اصواتکم فوق صوت النبی) آیت
کریمه سنی تلاوت ایدوب هر کیمسه که پیغمبر علیه السلام حدیث
شریفی قرأت اولنور کن رفع صوت ایلیمه کان مجلس شریفلرنده
رفع صوت ایتمش اولور دیردی امام شافعی حضرت تدرندن مرویدر که
محمد بن حسن امام مالک می اعلمدر یوخسه ابوحنیفه رجه الله علیه
حضرت تدریمی اعلمدر دیوبندن سوال ایلدکه حق انصافی ادا وجهی
اوزره جوابه راضی مېسن دیدم بلی راضیم دیدکده یا محمد سن الله ایچون
سویله قرآن کریمه قنغیسی اعلمدر دیدم غالباً صاحبز امام مالک
اعلمدر دیدی یاسنت شریفه به قنغیسی اعلمدر دیدم غالباً مالک
اعلمدر دیدی یا اجماع امته قنغیسی اعلمدر دیدم غالباً مالک اعلمدر
دیدکده ایلدی قیاسدن غیری برشی قالمدی و قیاس ایلد حکم اولنماز
الامقدا ذکر اولنان اوج دلیلله قیاس اولنور یوند نصکره میا نلری
نیجه در معلومک اولسون دیدم یوردی لکن نفس الامر ده اما عمر
امام اعظم ابوحنیفه نعمان بن ثابت الکوفی حضرت تدرینک جمله به
راجع و فائق اولدیغی بی قیل و قالدر و اوصاف جمله سی تحریر
و بیاندن مستغنیدر عبادات و تقوایی خود بیرون حوصله تعبیر در
از جمله الی بش کره حج شریف و زیارت بیت منیف ایلمشدر
رجه الله علیه و مومی الیه ابو عبد الله محمد بن حسن بن فرقد
الشیبانیدر که ابوحنیفه نک صاحبی اولوب پدیری عراقه کلوب امام محمد
واسطده توالد و کوفه ده نشوونما اولوب ابوحنیفه دن و ثوریدن اخذ علم
وامام مالک و ابو یوسف و ابو عمرو و الاوزاعیدن کتب و بغداد ده اقامت
و نشر علوم ایلمشدر و امام شافعی مومی الیه سندن روایت ایلمشدر
و هارون الرشید مومی الیه قاضی نصب ایلوب خراسانه معاراهی

ویوز سکسان طقوز سنه سی الی سکر یاشنده بلده ریده وفات ایلمشدر
رجه الله علیه و زید بن داود ذکر ایدر که منامده قبر رسول الله
صلی الله علیه وسلم منشق اولوب رسول اکرم حضرت تدری قاعده
و اطرافنی صف صف جماعت کثیره احاطه ایلیمش مشاهده ایدوب
قنی مالک بن انس دیو بر ندا استماع ایلدم و مالک بن انس حاضر
اولوب رسول الله علیه السلامه نزدیک اولدقده مالک به بر قبضه شی
احسان و یا مالک بوشی ناسه تفریق ایلد بیوردیلر و احسان بیوردقلری
شیء مسک اولدیغنی بن مشاهده ایلدم دیدی و هب ذکر ایدر که بر منادی
ندا ایدر مشاهده ایلدمکه ای قوم اکاه اولک که امام مالک بن انس
ایلد ابن ابی دریدن ماعداد بر فرد افتا ایلسون دیردی و محمد بن جعفر دن
مرویدر که وقتا که امام مالک خلقی مذهبیه دعوت و اشارت ایلوب
بر مقدار کیمسه اجابت و قبول ایلدی بعض مفسدر مالک به حسد
و جعفر بن سلیمان والی مدینه اولدقده یا جعفر مالک بن انس سندن
بیعتی تجویز ایلدی و طلاق مکرهک عدم وقوعنده اخذک روایت
ایلدیکی حدیثی اخذ و عمل ایلدی دیو غنی ایلدی و جعفر اول حدیث
شریفی مجوز دکلدی بناء علیه مالکی احضار و سندن شومقوله قول
و فعل صدور ایلیمش دیو مواخذد و ثبایدن وجودنی تجرید و یتش
سوط ضرب ایلدی و ضرب ایدر کن اللری زور ایلد مدایتدیر و ب
دوشلرندن بازولری چیقدی جعفر مالک حضرت تدرینی بو رتبه تذلیل
و تألیم ایلدکده بین الناس وقع و اعتباری و علموشانی برتر و مترقی اولوب
ضرب اولنان سوط لکان مالک لباس فاخر لباس ایلد توقیر و اکرام اولنمش
مثابه سنده اولدی و بعض روایت سبب ضربی آخر کونه بیان ایدوب امام
مالک مغرب زمین حجاجندن اندلس جزیره سنه مالک و متصرف اولان
عبد الرحمن بن معاویه الاموینک سیرت و خلقنی سوال انلردخی مدح
و ثنا ایدوب زهد و ورهینی بیان ضمننده غداسی نان جو و لباسی صوف
و کاری جهاد فی سبیل الله در دیدک لرنده مالک حضرت تدری باری
تعالیدن رجا ایدر مکه بزم حرمری دخی عبد الرحمن مثالی بر خلیفه

ایله مشرف و مزین اید دیوب نبو عباس مالک عداوت ایدوب
مومی الیه جعفر اخذ انتقام ایلدی دیونقل ایدر لر و مالک حضرت تری نک
بوغنی سی عبد الرحمن اموی به واصل و فرخندک و مسرور اولوب
اهالی اندلسه مذهب امام مالکی اخذ ایله امر انلردخی امتثال
ایلمایله مغاربه بالجه مذهب مالکده اولمیرینه سبب اولمشدر مومی
لیله جعفر بن سلیمان بن علی بن عبدالله بن عباسدر که والی مدینه
منوره اولوب یوز قرقیدی سنه سنده وفات ایلمشدر و مالک حضرت تری نک
تولدی سلیمان بن عبد الملك خلافتده و وفاتلری رشید خلافتده
یوزیمشیدی سنه سی اولوب بقیعه دفن اولمشدر امام شافعی
حضرتلرندن مر ویدر که برکون امام مالک خانہ سی قیومند
خراسان اسبانی و مصر استرانی شول رتبه بسیار ایدیکه اولمقدار
جمعیتی نادر مشاهده ایتمشدم بناء علیه مالک کثرتدن تعجبمی افاده
ایلد یکمده مجموعی بندن سکا هدیه اولسون دیکده یا با عبدالله برینی
کندیك ایچون اختیار ایله که اقتضا ایتمکجه راکب اولورسن دیدم
جواننده برتر به ده که رسول الله صلی الله تعالی علیه وسلم حضرت تری
اوله اول تربیتی حافر دایله جکنه مدن استخیا ایدرم پیوردیلر و هارون
الرشید مالک حضرت تری نی کلسون کنیدن استماع احادیث شریفه
واخذ علوم نافعه ایدیم دیود عوت ایلوب امام مالک اجابت
ایتموب علمک اولدیغی محله واریلور علم بر کیمسه مجلسنه کتمز پیوروب
هارون الرشید مالک حضرت تری نک منزله واروب وساده به استاد
ایلد کده مالک یا امیر المؤمنین علم شریفه توقیر واجلال رسول الله
علیه السلامه تعظیم واحترامدر وساده به استاد ایله دیدم کده
رشید تعظیم واستادی ترک و سائر شاکردان کی پیش مالکده قاعد اولوب
استماع حدیث شریفه شروع ایلدی و رشید مقدما محمد بن سفیان
بن عیینه بن عمران الهلالی الکوفی بی اخذ حدیث شریف ایچون
دعوت و سفیان اجابت و حضور رشیدده شاکرد کی ادب ایله قاعد
و تعلیم ایلمشدی بناء علیه رشید مالک بز سنک علمکه تواضع ایلدی کمرزدن

مستفید و منتفع اولدق و سفیانک علمی اول بزه تواضع ایتمکله قطعاً
مستفید اوله مدق دیدی مر ویدر که امام یوسف مالک
حضرت تری نک زیارتنه واروب یا مالک انسان تارة یخطی و تارة لایصیب
قیلندندر دیوب امام مالک تعریض اولدخی لایصیبی بصبیب فهم
ایدوب بلی اویله درومش یا یخیزی دخی اویله مشاهده ایلدک دیدی
و بعضی اصحاب مجلس منتظن اولوب خنده ایلدیلر و امام ابو یوسف
مجلسدن قالقوب راهی اولدقده مالک اصحابی یا شیخ ابو یوسف
سکا شو مقوله سو یلدی د یوتفهم ایلد کمرزده مالک خجیل و شرمسار
اولوب یارب ابو یوسفک علمیه کیمسه منتفع اولسون دیوبدعا ایلوب
مقبول درگاه خدا اولوب تألیفاتی فی نفس الامر التفات و اعتباره
شایان ایکن معتبر اولماشدر مومی الیه ابو یوسف یعقوب بن ابراهیم بن
حبيب الامام الکوفیدر که زمان هادی ده قاضی اولوب بغدادده
ساکن ایدی و ابتدا مذهب ابی حنیفه ده تألیف کتاب ایلوب یوز بکرمی
اوج سنه سی تولدو یوز سکسان ایکی سنه سی وفات ایلمشدر و ابن جدون
تذکره سنه ذکر و بیان ایدر که حسن بن نعمان برکون مدینه منوره نک
محلاتی میاننده نصف نهارده بر طرفه راهی اولوردی اتفاق صواقا قلرده
بر فرد بولما یوب تنهار و اولدیغندن طبعی اغازه به میلان و ذویر نک
* مابال قومک یارباب * حوزا کانتهم غضاب * ییتی ایله نغمه پرداز
اولور کن بر روزن کشاد و لویه حرا ایله حسن الوجه بر شخص نمایان
اولوب حسنه یا فاسق اداء نغماتده قصور و خوابده اولانلری بیدار
و فحشی اظهار ایلدک دیوب روزنی سد و صوت حزین و لحن لذیذ ایله
نغمات محرقه به اغاز ایلدیکه فی العمر اویله مؤثر بر اواز کوشزدی
اولوب بر خطوه حرکتی بی مجال و متخیر اولدقده اول مغنی به بی
هلاک ایلدک دیوبو خوب و خوش نغماتی قنده تحصیل ایلدک امان بی اکاه
ایله دید کده ینه روزنه کلوب معلومک اولسونکه سنم صباوتی متجاوز
و حدر جوانیه رسیده اولدقده خوش اواز اولدیغندن تحصیل موسیقی به

هوسکار و ابابیل ابله کور یثوب بر مقدار تحصیل موسیقی ایلدم و بر کون
مادر مشفق م نصحه آغاز وای فرزند ارجمندم موسیقی هوسکار
اوله جق صنعت دکلدر که بر خواننده قبیح الوجه یعنی ریشدار
اوله انک نغماتی استماع اولنم یوب نظردن ساقط و متاعی کاسد اولوب
رونق و اعتباری پنج روز اولور ایلدی بوسودادن فارغ و تحصیل علوم
نافعه به ساعی اول که فوز و فلاح انده در دیدی بنسخی پند مادری
قرطه بنا کوش قبول ایدوب تحصیل علومه مشغول و باری تعالینک
عون و عنایتله علمه خلق معلومی اولان درجه به واصل اولدم
دید که حسن بن نعمان ای کشتی جانم سکا فدا اولسون لطف ایله
بر کره دخی نغمه سنج اول دیو نیاز ایلد که مالک اول بروجه لاه
ممکن دکلدر زیرا مرادک تکرار استماع و تعلم و میان فاسده افتخار
کنان اخذنه عن مالک بن انس دیمکدر دینجه حسن یلدی که مالک
بن انسدر مومی الیه مالک کلام نصح آمیزی بسیار اولوب
از جمله بر عالم خلق اسؤله سنده لایله جواب داده اولسه بین الناس
کلماتی مقبوله اولور و علم کثرت روایت و اخذ ایلد دکلدر بلکه بر نور در که
باری تعالی مراد ایلدی کی قولینک قلبنه القا ایدر دیردی و بر کون
بر شخص مالک حضر تکریدن (الرحمن علی العرش استوی) آیت
کریمه سنک معناسنی سؤال ایلوب مالک باری تعالینک عرشه استواسی
معقول و متصور در لکن کیفیتی مجهولدر و بوسؤالی صحیح الاعتقاد
اولان آدم سؤال ایلمز بلکه عقیده سی فاسده اولان سؤال ایدر
دیو جواب داده اولدی رحمه الله علیه (وانک الذی اقام البراهین و وضع
القوانین) تحقیق جمیع دلائلی سن اقامت ایلدک و قوانینی سن وضع ایلدک
ظن ایلدم برهان لغتده حجت و دلیلک بیان و ظهورینه دیر لر راغب
ذکر ایدر که برهان دلیلدن کذب غیر محتمل اولوب دائما صادق اولانه
دیرلر و سایر ادله نک بعضی صادق و بعضی کاذب اولور زیرا ادله
پنج قسم اولوب بری دائما صدق و افتضا ایدر دلالت ایلد دلالت ایدر که
برهاندر و بری دائما کذب افتضا ایدر دلالت ایلد دلالت ایدر که

مغالطه در و بری صدقه اقرب دلالت ایلد دلالت ایدر که
خطا ایدر و بری کذب اقرب دلالت ایلد دلالت ایدر که شعر در
و بری صدقه و کذب مساوی اولور وجهله دلالت ایدر که جدلدر
و بعض حکما مبادی برهان بش قسم اولوب بری اولیات و بری
مشاهدات و بری متواترات و بری مجربات و بری حدسیات در دیدی
و بعضا برهان بر حجتدر که یقینی نتیجه و بر دیو تعریف ایلدی و برهان
ایکی قسم اولوب بر قسمی اتی و قسم دیگر ی لمی در که اگر اژدن مؤثره
استدلال اولنورسه برهان اتی در مثلادخانندن ناره استدلال اولندی
کی و اگر مؤثردن اثره استدلال اولنورسه برهان لمی در مثلاناردن
دخانه استدلال اولندی کی و ابتدا منطقده تألیف کتباب ایدن
ارسطودر قوانین قانونک جمعی و قانون لفظی و می اولوب اصل قانون
و قاعده و ضابطه بر معنایه در و اصطلاح منطقده قانون بر صورت
کلیه در که جز ثباتک احوالی اول کلیدن معلوم اولور (وحد الماهیه
و بین الکفیه و الکیمه) و ماهیت اشیا ی سن تحدید و تعریف ایدوب
کیفیت و کیمیتی تبیین ایلدک ظن ایلدم هر شئیک ماهیتی حقیقی
و ذاتی اولوب ماهیتی ذهنده تصور و ملا حظله و نه کونه شیدر معلوم
ایدیوب مفهومی ذاتیاتی ایلد بیان ایلد تحدید و تعریف ایتش اولور
و حقیقت دیدیکمز ذهنده بر صورت کلیه حاصل اولور که اول شئیک
تشخیصندن قطع نظر اولنسه حاصل اولان صورت کلیه اول شئی
مطابق اولور و تعریف مذکور عنه بالحکما علمک تعریفدر ز بر
عند الحکما تعریف علم حصول صورة الشئی فی العقل اولوب
عند العقل ایلد تفسیر اولنشد و عند الحکما علم اوج قسمدر که علم ما
یعنی شئیک ذاتیه علم و علم کیف شئیک کیفیتیه علم و علم کم شئیک
مقدارینه علمدر و قسم اول که ماهیت و ذاته علمدر علم الهی تسمیه
اولندی و قسم ثانی که کیفیات اشیا به علمد و علم طبیعی تسمیه اولندی
و قسم ثالث که مقادیر اشیا به علمدر علم ریاضی تسمیه اولندی و کیمیت
و کیفیت کم و کیفه نسبت اولنوب کم نحاة عندد عدد دن عبارت
اولوب بعضی لر اسم ناقص و سکون اوزره منی قیلوب نسبت اولند قد

تخفیف ایلہ کبہ دبرلو و بعضیله اسم تام و آخرینی مشدد و منصرف
 قیلوب نسبتده تشدید ایلہ کبہ دبرلو و منطقین عندندہ اقسام اعراضدن
 برعرض اولوب ایکی قسمدر بری کم متصل و بری کم منفصل زیرا اجزاسی
 میانده برحد مشترک اولورسه کم متصلدر اگر حد مشترک اولماز سه
 کم منفصلدر و کم منفصل عدد در کم متصل دخی قارالذات اولورسه مقدار
 در اگر قارالذات اولماز سه زماندر و کیف اسم مبهم غیر متمکن اولوب
 التقاء ساکنین ایچون آخری تحریک اولنوب فتح اوزرینه مبنیدر راغب
 ذکر ایدر که کیف ایلہ سؤال شول زمان صحیح اولور که بو کیفیتک سببی
 نه در و نه دکلدر دیمک ممکن اوله مثلاً اسود و بیض و صحیح و سقیم کبی
 پس باری تعالی ده کیف ایلہ سؤال اولنمز و کیف بعض حکما عندندہ
 جسمده حاصله برهیت قاره و ثابته در که قسمت و نسبت قبول ایلن
 مثالی سواد و امثالیدر و قاره قیدیه تعریفدن زمان و عدم قبول قسمت
 ایلہ کم و عدم قبول نسبت ایلہ سائر اعراض خارج اولور (وناظر فی الجوهر
 والعرض و مبر بین الصحة والمرض) و تحقیق سن شول حکیم سنکه
 جوهر و عرضده مناظره و مباحثه و حقیقه تریبی اظهار ویان و صحت
 و مرض میاتی فرق و تمیز و صناعت طبی تحریر ایلدک ظن ایلدم کتب
 حکمیه ده ابیات جوهر و عرض طویل الذیل و صعب المدرك اولوب
 علی التفصیل ذکر و بیان بورساله غیر محمله اولغله برنبذه ذکر اولنوب
 اکتفا اولنق مناسب کورلشدر پس حکماک جوهر دید کلری جسمدر
 مثلاً انسان و فرس و حجر کبی و عرضدن مراد جوهرده حال و وصف اولان
 شیدر مثلاً سواد و حیرت و بیاض و حرکات مختلفه که قیام و قعود
 واضطجاع کبی حاصل جوهر دن ماعداسنه عرض اطلاق اولنور
 و جوهر جسمدر دیو حکم اولغله سبب بودر که قوم اختلاف ایدوب بعضی
 جسمه و غیره جوهر اطلاق ایلدی مثلاً عقل و نفس و جزء لایجزی
 جوهر در دیدی و بعض حکما جوهر جسمدر جسم اولیانه جوهر اطلاق
 اولنماز دیدی پس جسمک جوهر اولسی اتفاقی اولغله متفق علیه اولان
 اختیار اولندی و بعض حکما عندندہ جوهر پنج نوع اولوب ماده

متن

و صورت و جسم و نفس و عقله منحصر در زیر بر محمله حال اولورسه
 صورتدر و اگر حاله محل اولورسه ماده در و اگر حال و محل بدن مرکب
 اولورسه جسمدر و بومذکوردن بری اولماز سه جوهر مفارقدر و جوهر
 مفارق جسمه تعلق تدبیر ایلہ تعلق ایدر سه نفسدر ایتمز سه عقلدر
 و عرض اکثر قوم عندندہ یکرمی بر قسم اولوب بعضیله عندندہ یکرمی اوج
 قسم در و اقسام مزبوره نک اون قسمی احیا به منحصر و مخصوصدر که
 حیات و قدرت و شهوت و قوت و ارادت و کراهت و اعتقاد و ظن و نظر
 و المدر و اون بر قسمی احیا و غیر احیا به شاملدر از جمله کون که حرکت
 و سکون و اجتماع و افتراقدن عبارتدر حیات صاحبی اولانلرده بولندیغی
 کبی حیات صاحبی اولیانلرده دخی بو نور و تألیف و اعتماد و ثقل
 و خفت و برودت و بیبوست و رطوبت و لون و رایحه و طعمدر و اعراضک
 یکرمی اوج اولسنه ذاهب اولانلر مذکور یکرمی بر اقسامه بقا و موتی
 زیاده ایدوب یکرمی اوج قسمدر دیدیلر و صحتدن مراد انسانه
 مخصوص اولان اعتدالک وجودی اولوب سائر حیوانانده کبی اعتدال مزاجه
 صحت اطلاق انسانه تبعیت ایلہ استعاره اولنمشدر و مرصندن مراد مزاجک
 اعتدالندن خروجنه اطلاق اولنور و تمیز ایکی شیک بیننی فصله دبرلروان
 زیدونک جوهر و عرض عقینده علم طبعه متعلق اولان صحت و مرض ذکر
 مجسوع علوم عقلیه دن اولدیغنه اشارتدر یا خود مرادی اشیا نک
 صحت و مرضی میاتی تمیز ایتمکدر مثلاً حقایق و شکوک و فضائل
 و رذائل کبی و شکوک رذائلی مرضه تشبیه ایلسنه باعث بودر که مرض
 بدنی نصرف کاملی ادراکدن منع ایلدیکی کبی شکوک و رذائل دخی
 فضلیتی ادراک مانع اولور (وفک المعنی) و سن اول کیمسه سنکه معمای
 حل و بیان ایلدک ظن ایلدم معنی عمی دن مشتقدر بجن بر شیده
 التباس اولسه عمی الامر دبرلر و شاعر برینک معناسنی آشکار ایتیب
 اخفا ایلسه عمیت معنی الیه دبرلر لغز دخی بو قیلدندر و اصطلاحده
 معما بر کلامدر که وجه صحیح اوزره ایما و اشارت طریق ایلہ اسما دن
 براسمه دال اوله و معماک اصطلاحات کثیره سی و طرق و فیه سی اولوب

متن

استخراج مراده معین و وسیله در مثلاً اعمال معما تقسیم اولی ایلله درت
قسمه منقسمه در که تحصیل و تکمیلی و تسهیلی و تذیلی اولوب هر بری
قسام متعدد ده به منقسمه اولمغله مجموعی اوتوزیدی قسم اولمشر
و واضع معما عروضی وضع ایدن خلیل بن احمد عمر الفراهندی از دی
در که کتبه سی ابو عبد الرحمن اولوب یوز سنه سی بصره ده تولد
ونشو و غاب اولوب اوقاتی تحصیل علومه صرف و کتب کثیره تألیف
ایلمشر از جمله کتاب العین خلیلک تألیفی اولوب علم لغتده
تألیف اولنا و کتبک اقدم و ابدا سیدر بوندن مقدم علم لغتده کتاب
تألیف اولنا مشدر لکن کتاب مزبوری خلیل اتمام اتمک مبرسر
اولنا مشدر زیر اهل لغتدن جمهور کتاب مذکورک اکثر مواضعی
جرح و قدح ایتدیلر بنابرین اقتضایدر که کتاب مزبوری خلیل اتمام
ایتمه لکن خلیلک کعبی اول درجه دن عالیدر که اندن صدور ایدن
حرفه بر فرد انکشت اعتراضی دراز ایلله مکر جمع و تألیفی آخره
سیارش ایدوب خبط و خلل اول شخصدن صادر اولمش اوله
واکثر ناس کتاب العین خلیلک اولسنه ذاهیدر و بعضی علما
لیث بن نصر بن سیار خراسانی تألیفی اولمق اوزره قطع و جزم ایتدی
و لیث بر رجل صالح اولوب کاتبی ترویج و خانی مطالعه سنه ترغیب ایچون
خلیله نسبت ایتدی دیرلر و برار روایت دخی وارد که تحریری باعث
تطویل اولمغله ترک اولندی و خلیلک مؤلفاتندن بری دخی کتاب النقط
والشکل و بری کتاب النغم و بری کتاب الشواهد اولوب انفس کتبی
عروضدر که وضع عروضده خلیلی بر کیمسه سبق ایده مبوب شطرنج
وسائر مخترعات کبی علمایی اعجاب ایلمشر و علم عروضه خلق توغل
و اثر خلیله اقتفا و متابعت ایدوب بعضیلر بحر متقار بدن بحر مخبون
الاجرا استخراج ایلوب خبن تسمیه ایلدیلر و خبن حذف ثانی ساکنه
دینوب بحر رجز اخفشک اخترا عیدر و بحر مزبوره متدارک و محدث
و مخترع دخی تسمیه ایدرلر و فن عروض کیده رک ابونصر جوهری به
واصل اولوب جوهری علم عروضی اختصار و ایضاح و اخذ و تعلیم

سهل اولور وجه اوزره تنقیح ایلوب خلیله بعضی مرتبه اعتراض ایلمشدی
از جمله خلیل اجزاء شعریه که انکله اشعار وزن و تقطیع اولنور سکنز
جزء ایدوب ایکبسی نجاسیه که فعولن ایلله فاعلن در و انسی سباعیه که
متفا علن فاعلاتن مستفعلن متفا علن مفاعله تن مفعولات لکن
جوهری اجزاء شعریه نک سکنز اولسنی انکار و خلیلک مفعولات جزئی
مستقلا جزء اولمق اوزره تعداد ایلدیکنه اعتراض ایلوب مفعولات
مفروق الوند اولان مستفعلن دن منقولدر که زیرا مستفعلن ایکی سبب
خفیف ایلله پروتد مفروقدن مرکب اولوب کذلک مفعولات ایکی سبب
خفیف ایلله پروتد مفروقدن مرکبدر و مفعولات اگر سائر اجزای
جزء صحیح و مستقل اولسه فقط مفعولات دن مرکب بر بحر اولوردی
تکمیل سائر اجزای دن مرکب بحرلر موجوددر بر بحر یوقدر که مجموع
اجزایی مفعولات اوله دیوب اثبات مدعی ایلدی و سبب ایکی حرفلی
اولوب حرف ثانی ساکن اولور سه قد کبی سبب خفیف تسمیه اولنور
واگر ایکبسی دخی متحرک اولور سه لک کبی سبب ثقیل تسمیه اولنور
و سببه بر حرف دخی ضم اولنور سه و تسمیه اولنوب و تددخی ایکی
قسم اولوب و حرف اول و حرف ثانی متحرک و حرف ثالث ساکن اولور سه
و تدمجموع تسمیه اولنور علی و بیلی و کبی و اگر حرف اول متحرک
و حرف ثانی ساکن و حرف ثالث متحرک اولور سه و تدمفروق تسمیه اولنور
فعل کبی ایلدی مستفعلن ایکی سبب خفیف و پروتد مفروقدن مرکبدر که
مس سبب خفیف نف سبب خفیف علن لام ساکنه ایلله و تدمفروق
مفعولات دخی بویه در که مف عولاتندر لکن عند الخلیل مس سبب خفیف
نفع و تدمفروق لن سبب خفیف اولوب مفعولات فاع لاتن دن فرع
اولوب سبب و تدمفروقه متقدم اولمغله لاتن فاع اولور لاتن فاع ایسه
مفعولات وزنده در و خلیلک صنعت معمای اختراعنه سبب بودر که یوناندن
بری لغت یونانیه ایلله خلیله بر مکتوب ارسال ایدوب خلیل فهمندن
عاجز اولمغله کامل بر آی مطالعه سنه صرف اوقات و فراسته البته
اوائل مکاتیه بسمله تحریر اولنور دیو ابتدا بسمله بی استخراج بعده

قرائن ايله بقیه مکتوبی استخراج ایدوب اول مکتوبی اصل و اساس
وضع و علم معمایی اختراع و برکاب تألیف ایدوب صنعت مزبوره به
معمای اسمیه ایلدی و ابو عبیده نک شاکردی اولان کسان استخراج
معماده زمانک و حیددی اولوب خلقک تکلیفک خلافتی استماع
و استماعک خلافتی کتب و کتب ایلدیکنک خلافتی قرأت ایدردی
و نظام اصناف علومده ید طولاً صاحبی فرید و ممتاز ایکن معمائی
اسهل و اخفی استخراجده قادر اولوب جا حظ علم معمائی اولغده
صالح برفن دکلدر دیردی بعده خلیل حروف عربیه نک نجم ايله
اتفاقی استخراج ایدوب عدد حروف یکرمی سکر اولدیغی کبی عدد
منازل قمر دخی یکرمی سکر در دیدی و منازل مذکور نک اون دردی
قره فوق الارض مسیر اولوب اون دردی تحت الارض مسیر اولور
و برکلمه اسم اولدیغی صورتده غایت عدد و حروفی زوائد و اصلیه سیله
کواکب سبعة سیاره عددنجه اولوب زیاده اولماز مثلاً استخراج لفظی
یدی حرفدن مر کبدر و اليوم تنسأه حرفلینه حرف الحاق ايله حرف
تضعیفی زیاده ایدوب عدد حروف زوائد بروج اثنی عشره موافق
اولدیغی استخراج ایشدر و منازل قمرک اون دردی تحت الارض
مسیر و اون دردی فوق الارض مسیر اولدیغی کبی حروفک اون دردی
لام تعریف ايله تضعیف اولوب اون دردی تضعیف اولما دیغی
استخراج ایلدی یعنی التاء والتاء والذال والذال والراء والراء والسين
والسين والصاد والصاد والطاء والطاء والظاء والظاء والنون والنون واللام
تضعیف ايله قرأت اولوب باقی اون درت حرف لام تعریف ايله تضعیف اولماز
و خلیل شطرنجه آلت دخی ضم و حل و رقعه شطرنجی اون خانه به
طرح ایدوب نیجه زمان استعمال اولوب ینه ترک اولندی بعده
حسابده برنوع صنعت اختراع ایده یکه مر ایه حقاء برشی اشتراک مراد
ایلده کده اهل سوق اول مر ایه خدعه و مکر ايله ظلم و غدر ایتک ممکن
اولیه دیوب ملاحظه و تفکر ایده رک مسجدده داخل و اشتغال و تأملندن
کندوبی ستون مسجدده چار یوب اعضاری زیر زبر اولوب سبب موتی

اولدی و تاریخ وفاتی یوز الشمس سنه سیدر و موسی الیه علم و فضلده
یکانه اولدیغی کی عقل و زهدده دخی بیهمتا اولوب برکون ابن المقفع
ایله هم صحبت اولوب طول و دراز مباحثه و مناظره ایدوب خلیله
ابن المقفعی نیجه بولدک دیو سوال ایلدکرنده علمی عقلندن اکثر
مشاهده ایلدم دیوب ابن المقفعدن خلیلی استعمال ایتدکرنده عقل
وزکا سنی علمندن زیاده بولدم دیدی فی الحقیقه خلیلک حدت ذهن
و وفرت زکاسی کورله مشدی کذلک زهد و ورعده بی مثل اولوب وفات
ایدنجه فهم و دانشنه خلل طاری اولما مشدی و ابن المقفعک ترجمه سی
(وان عبد الحمید باری اقلامک) فقره سی شرحنده ذکر و بیان اولمشدی
و بروقتده سلیمان بن مهلب خلیله بیک دینار ارسال و طرفنه دعوت
ایدوب برید سلیمان دیناری خلیله عرض و دعوتی تبلیغ ایلده کده خلیل
نان یابس ايله نمک اکل ایدردی دیناری قبول ایتیبوب مادامکه شومقدار
طعامه دست رس اولورم سلیمان ايله کارم یوقدر دیوب صوب سلیمانه
راهی اولمادی و برغنی کیمسه خلیلدن نیجه زمان علم عروض تعلیمه جهد
وسعی ایدوب تحصیل و تعلم ایده میوب خلیلی اتعاب ایلده کده بارجل
شوبینی تقطیع ايله دیدی * اذالم تستطع شتاً فدعه * و جاوزه الی
ماستطیع * یعنی حق بر شیبی تحصیله عدم قدرتک نمایان اولدی
اول شیبی ترک ايله و قدرتک اولدیغی شیبیه مشغول اول دیمک اولوب
شخص معهود متفطن و تعلم عرو و ضدن فارغ اولدی و خلیلک
اصداقاسندن بری بیمار اولوب عیاده سنه وارد قده خسته نک قباحتی
نافهم بر برادری اولوب خسته یه ای برادر چشم کشا اولکه خلیل
زیارتکه کلدی دیدکده خلیل برادریکی بیمار ایدن سنک نایجا گفتارک
اولدیغنده شبهه قالمدی دیدی و برکون ثقلان بری خلیله حروف
مقطعه ايله بر معمائی تحریر و بو معمائی حل ایلسون دیوار سال ایلده کده
خلیل حل ایدوب بو بیت حاصل اولدی (انا ان لم یکن اهوک فرأسی
خراتی) هوا محبت معنا سنه و حرف فرج معنا سنه اولوب خلیله ذیل یتده
(وان هویت ایضا) یعنی محبت ایدر سکرده ینه دیدیکک کی اولسون دیو

تحریر و ارسال ایلدی و خلیفای کلامنددر که زاهد شول کیمسه در که
 موجود اولان نفقه سنی ضایع ایتدیکجه ضایعی طالب اولمید یعنی قدر
 کفایه رزقی موجود ایکن زیاده سنی تحصیله ساعی اولیه و بر کیمسه حرامی
 ارتکا بدن مستغنی اولدیغی حالده استعمال وار تکاب ایده محتاج اولدیغی
 وقتده استعمال حرامه حیلله جوا و لماز و بر کیمسه نک شر محض اولدیغنه
 دلالت ایدن شی بودر که رضاسیله کنسیدن شر و فساد ظهور ایده
 و بعد الظهور اول فسادک دفع و اصلاحنه قادر اولیه و هر کسکه تقسک
 فسادنی فرق و تمیز ایلله صلاحنه دخی عالمدر یعنی کنسیدن صادر
 اولان افعالک فحش درک ایدن حسنی دخی درک ایدر لکن مقتضای
 جبلت خبیثه قبیحه بی اختیار ایدر و بر قباحندن تخلیص ایچون قباح
 اخیری ارتکا بدن اشنع و الفحش شی بو قدر دبردی و بر مراد ایتسک کتبی
 بر مرتبه شرح و ابضاح ایدر درک که قوی و ضعیف فهملو و غبی فهم
 و تعلمده یکسان و مساوی اولوب هر کس منتفع اولوردی لکن از کما
 و اغبیای بی فرق و تمیز ایچون وادی متعارف اختیار اولمیدی دیدی
 (و فصل بین الاسم و المسمی) و سنی شول کیمسه سنکه اسم و مسمی میانی
 فرق و تمیز ایدوب هر بری بر امر آخر اولدیغنی بیان ایلدک ظن ایلدم اسم
 شول شیدر که ذات شبه علامت اولوب ذات انکله معلوم اوله
 و اشتقاقی سمودن ارتفاع معناسنه در و ذات شی اسم ایلله متعارف اولغله
 اسم ذاتک شعار و علامتیدر و اسم لفظنده درت اغت جریان ایدر اسم
 اسم سم سم و اسمک اصلنده بصیریون ایلله کوفیون اختلاف ایدوب مذهب
 بصیریونده سمو و مذهب کوفیونده سمه در و مسمی شول معنادر که
 از اسنه اسم وضع اولنوب اسم اول معنایه دلالت ایدوب اسم موضوع
 و دال و معنی موضوع له و مدلول در و قدماء قومک معنای اسم و مسماده
 مباحث طویلله سی اولوب بعضیلر عنندنه اسم مسمانک غیریدر
 و بوجهور مذهبیدر و بعضیلر قتنده اسم مسمانک عینیدر و بعضیلر
 مذهبنده عینیده دکل غیریده دکل در دیدیلر پس اسم مسمانک غیریدر دیدیلر

اسمندن تسمیه مراد ایدرلر مثلا بر شخص مجهوله اسمک ندر دیو سؤال
 اولسنه مراد ذات و ماهیتدن سؤال اولوب بلکه ذات اونکله تعبیر
 اولنان عبارات و الفاظدن سؤال مراد اولنور و مراد بو اولدیغنه دلیل
 (ولله الاسماء الحسنی) آیه کریمه سی * وان لله تعالی تسعة وتسعين
 اسما من احصاها دخل الجنة * حدیث شریفدر که حاشا اسماء الله
 ایلله ذات باری تعالی مراد اولسنه تعدد باری لازم کلور و بعض
 آخر که اسم عین مسمی اولسنه ذاهب اولشدر مرادی مثلا لفظ زید
 عین ذات زید در دیمک دکلدر بلکه اوج معنا نک بری ایلله اسم مسمانک
 عینیدر دیمشدر بری بودر که اسمک وضع اولنما سنه سبب سامعک
 اسمایی اسم سببیه تصور و ملاحظه ایدوب مسمی غائب اولد قده
 اسمی مسمی مقامنه اقامت ایتدیکر و چونکه مسمی غایب اولد قده اسم
 تصور و ملاحظه مسمی مقامنه قامت اولندی بو طریق ایلله اسم مسمانک
 عینیدر دیمک جائز اولدی معنای ثانی اکثر یا اسمده حاصل و اسم ایلله قائم
 اولان معنی مسمایه سرایت و تجاوز ایدر مثلا بر شیده حیات اولسنه
 اول شبه حی تسمیه اولنور و بوجهتله اسم مسمایه لازم و غیر منفک
 اولوب اسم مرتفع و زائل اولسنه مسماده مرتفع اولور و اسم موجود اولسنه
 مسماده موجود اولور زیرا حیای تک جسمدن وجودی باطل اولد قده
 اول جسمه حی اطلاق اولنماز و حی اطلاق اولمقد قده جسمده حیات
 بولنمایوب مسمی مرتفع اولور پس بوجهتله اسم مسمانک عینیدر
 دیمک جائز اولور که اسمک وجودیله موجود وعد میله معدوم اولور
 معنای ثالث بودر که دأب عرب اسم ذکر ایدوب مسمی مراد ایتدک
 اوز ره جریان ایلشدر مثلا بر رجله اشارت ایدوب هذا مسمی بزید
 یعنی بو شخص زاویا و الدن مرکب اولان لفظ زید ایلله تسمیه اولمشدر
 دیوب بو اسم زیدک اسمیدر دیرلر که زیدی مسمی مقامنه وضع ایتمش
 اولورلر پس بوجهتله اسم مسمانک عینیدر دیرلر لکن تحقیق بودر که
 نزاع زاع لفظیدر زیرا اسمندن مراد اگر لفظ اولور سنه مسمانک
 غیریدر زیرا لفظ اصوات مقطعه غیر قاره دن مرکب اولوب اختلاف
 اتم و اعصار ایلله مختلف اولغله کام متعدد و گاه متحد اولور و بو اختلاف

اسمايه عارض اولماز واکر اسمدن ذات شی مراد اولور سه اسم مسما نك
عینی اولور لکن بومر ادخلاف مشهور در و امام رازی اسم مسما نك
عینمیدر یو خسه غیر عیندر ترا عنده بر معتدیه امره ظفر یاب اولدم دیو
ذکر ایدر واکر اسمدن صفات مراد اولور سه شیخ ابو الحسن
الاشعری مذهبی در صفت اوج قسمه منقسم اولدیغی کی اسم اوج
قسم اولوب بانفس مسما در یا خود غیر مسما در یا خود نفسیده دکل
غیر یده دکلدر دینلور (وصرف و قسم و عدل و قوم) ابن نباته سجعین
بیننده معنای مرادی تحقیق ایده میوب بعض علمای اسلامدن سؤال
ایلدیم بو گونه حل و بیان ایلدی دیو بو یله ذکر ایدر که صرف معاوضه دن
بر قسم اولوب صرفه عوضلرک ایکیسی دخی نقد اولور مثلاً دیناری
در همه صرف و عوض ایلدکری کی و تقسیمدن مراد اموال مشترک بی
تقسیم ایتکدر و قسمتک صرفه مناسبتی کان مال مشترک دینار قلیل
اولوب شرکا میاننده تقسیمی متعذر اولمغله در همه صرف اولوب تقسیم
اولمقی ممکن اولمیدر و تعدیل و تقویمدن مراد کان مال مشترک جواهر
و نقود و بساط و بساتین و ثواب اولمغله قیمی اولانلری تقویم و بهارینی
تعین ایلمسی عدالت اوزره اولوب مجموعی نقد مثابه سنه وضع و مستحققلر
میاننده قرعه ایله حکمه حاکم ایله توزیع و تقسیم اولمقددر بومذکور اناک
مجموعی علم فقه مسائلند ندر مال معنای فقرتین سن شول کیمسه سنکه
صرف و عدالت ایله تقویم و تقسیم ایلدک ظن ایلدیم دیمک اولور
(وصنف الاسماء والافعال) واسم و فعلی تصنیف و اختراع ایدن سن سن
ظن ایلدیم اسم و فعلدن مراد اصطلاح نحو بین اوزره اولان اسم
و فعل اولوب اسم شول کلمه در که ازمنه ثلاثه دن برینه مقارن اولوب
کندی نفسنده اولیجی معنایه دلالت ایلیه و علامت اسمیت حرف
حر و حرف ندا و تنوین و لام تعریفک دخولی و مسند الیه اولمقد
راسم اصل و فعل فرعدرو بعض قدما اسمی او توز قسمه تقسیم ایلمشدر که
معرب و مبنی ظاهر و مکنی معرفه و نکره معین و مبهم عربی و عجمی
مذکر و مؤنث مقصور و ممدود و عامل و غیر عامل مشتق و غیر مشتق

متن

متن

مضارع و غیر مضارع معتل صحیح زائد و ناقص منصرف و غیر منصرف
مفرد و مضاف مدغم و مظهر در و فعل شول کلمه در که کندی نفسنده
حاصل بر معنایه دلالت ایدوب ازمنه ثلاثه دن برینه مقترن اوله و ازمنه
ثلاثه زمان ماضی و زمان حال و زمان مستقبل در و مستقبل زوائد اربعه
دن برینی قبول ایدر که همزه و یا و تا و نوندر تو حیددی ابو حفص
اشعری دن روایت ایدر که زمان حال اثباتی عیندر بلکه زمان ماضی
و مستقبلدن عبارتدر زیر زمان ماضینک انجائی مستقبلدر پس ماضی
ایله مستقبل میاننده واسطه بر زمان فرض و توهم محال و حال تخصیصی
باطلدر دیدی و ابو حفصک بو قولنی رد ایدوب حالی سکا ایضاح ایدن
شی اولدر که مثلاً بر شخص الان اداء صلاة ایده یور دیمک مراد ایلمسک
یصلی دیر سن و کلجکده اداء ایده جکدر دیمک مراد ایلمسک کلمه بی
مستقبله تخصیص ایچون سین ادخالیه سیصلی دیر سن ایلمدی یصلی کلمه
سینک حاله دلالتی و معنای استقبالی تضمنی اولوب تخصیص مراد ایچون سین
ادخال و کله جکده اداء صلاة ایدردی قصد ایدر سن اکر مضارعک
حاله دلالتی اولسه ادخال سینه محتاج اولماز دک دید کلر نده طریق
مکاره به سالک اولوب اکر بو کلام صحیح اولور سه فلاسفه نك ایکی شی
میانی فصل ایدن شی شی آخر اولوب کان شی اولک نها یتبله شی
ثانیکن بدایتندن مرکب برشی در دیدکری صحیح اولمق لازم کلور دید کده
ابو حفصه حکما نك بو قولی سینک مقدا مخالفت ایدوب بحاب اولدیغک
قول کی اولوب قول اول فلاسفه قولنه موافق و مطابق اولدیغنده دخی
جاهل سن و قول مختاره مخالفتک سببیه (اجهل من هره) مثلنه ماصدق
اولدک زیرا هره دیوار کنارنده کذران ایدر کن ثابت اوله میوب مقابلنده اولان
دیواره انتقال مراد ایلمد کده بر تا و ایدر زیر ایلور که ایکی دیوار میاننده
فاصله اولوب یور یسه بر نفس ثابت و پایدار اوله مز و کندونی امساک
ایده میوب زمینه ساقط اولور ایلمدی یا ابا حفص هره نك ذهنه لایح
و آشکار اولدیکه ایکی دیوارک میانی شی آخر دروسن بودقیقه دن ذهول
ماضی و مستقبل میاننده او حالی انکار ایلدک دید یلر و افعال دخی

افسام کثیره به منقسم اولور مثلا ماضی و مضارع و امر و متعدی و لازم
متعدی دخی بر مفعوله و ایکی مفعوله و اوج مفعوله تعدیه ایدر و تام
و ناقص و معلوم و مجهول و افعال قلوب و افعال مقاربه و افعال تعجب
و افعال مدح و ذم و غیر یلر و علم بحوک مخترع و واضعی ابوالاسود دؤلی
در ککه اسمی ظالم بن عمرو بن سفیان بصری در ککه افقه بلد و اعلم وقتی
و قاضی و تابعینک سادات و اعیانندن و علی کرم الله وجهه حضرت تلبینک
اتباعندن و عمر بن الخطاب رضی الله عنه حضرت تلبینک استماع حدیث
ایدوب علی رضی الله عنه حضرت تلبینک و قعه صفینده معا و ابوب سکسان
بش یا شنده الشمس بدی سنه سی بصره ده طاعوندن و فات ایلشدر
و دؤلی ضم دال و فتح همزه یا خود و او ایله دوله منسوب دیمک اولوب
دول ابوقبیلده در و صفین سجین و زننده شامدن فراتک جانب غربی
سنده بر موضعک اسمی اولوب علی کرم الله وجهه ایله معاویه رضی الله
عنه میاننده واقع اولان و قعه مشهوره او توز بدی سنه سی صفرینک
غره سنده اولشدر و صفر ایله تشأم اولمغه باعث بو و قعه اولمشدر
دیرلر و مومی الیه ابوالاسودک علم نحوی وضعنه سبب بودر که بر کون
دختری یا ابی ما اشد الحر دیوب اشدی مرفوع قرأت ایلدی پدری
ابوالاسود دخی ما اشد ده کی مایی استفهامیه به جل ایدوب ای دختر
بزم شهریمز سائر شهر لردن زیاده حار در دید کده دخترک مرادی ماء
نحیبیه ایله نه پک زیاده حرارت وار در دیمک اولمغه اشد منصوب
اوللی ایدی بناء علیه ای پدر بن سندن استفهام و استعلام ایلدم
بلکه اشتداد حرارته تعجبی بیان و اعلام ایلدم دید کده ابوالاسود
مجلس علی کرم الله وجهه به داخل و دختر یله گذشته بی نقل
و بامیر المؤمنین لغه عربیه ضایع و مضحک اولمغه قریب اولدی
دید کده حضرت علی رضی الله عنه قواعدی مشتمل بر کتاب تألیفته
امر ابوالاسود دخی اسم و فعل و حرفک احوالی متکفل و مبین
و مختصر بر کتاب تألیف ایدوب علی رضی الله عنه استفهان
و یا ابی الاسود بو نحوه یعنی بوجانبه قصد و میل و قصدیکی بو طرفه

حصرا یله بیور ملرینه بنه اول علمه نحو تسمیه اولندی روایت اخراده
معاویه رضی الله عنه زیاده فرزندیکی حضوریمه ارسال ایله دیوب
زیاد فرزندنی ارسال ایلدوب معاویه ابن زیادی غلط کرمشاهده ایتکله
بنه پدری زیاد طرفنه ارجاع و لحن و غلطنه لوم ایلد کده زیاد فرزندنی
ابوالاسود ارسال و نحوه بر کتاب تألیف و او غلنه تعلیم ایتسنی رجا
ایلدی ابوالاسود مساعده ایتدوب رد ایلد کده زیاد فرزندنه ابوالاسودک
کذر کاهنده بر محله جالس و عمدا قرآن کریمدن بر آیتی لحن ایله قرأت ایله
دیو تعلیم فرزند دخی (ان الله بری من المشرکین و رسوله) آیه شریفه سنی
تلاوت و رسوله بی مجرور قرأت و ابوالاسود استماع ایلد کده افصح ناس
اولمغه مضطرب و متألم و زیاده مر امکه مساعده ایده جک اولدم
دیو ارسال خبر ایلدوب نحوه قواعد عربیه بی مشتمل بر مختصر تألیف
و ابتداء باب نجی سبک بعده سائر اصول نحویه بی ترتیب ایلدی بعده عتبه
نحوه کتب عدیده تألیف بعده عمرو بن العلاء و سائر لری سبویه زمانه
کلیجه نیجه کتب تألیف اولنوب سبویه اسلافنه قائق و غالب و نحوک
حقایق و دقائقه مطلع و واقف اولوب فی الحقیقه علم نحوی سبویه
خارجه اخراج ایلدی مومی الیه ابوالاسود کرچه عالم و عاقل و شاعر
ایدی لکن غایت بخیل و شبی ایدی ابو عمرو نقل ایدر که ابوالاسود
بنوا قشیر ایله خیمه نشین و بوادیده مقیم اولوب بنوا قشیر ابوالاسود
نخالفت و طعن و تشنیع و کیجه لر ده تعجیر و تکدیر ایچون سنک انداز
اولورلدی و ابوالاسود سر کدشتندن شکایت و اظهار ملات
ایدردی بنه بر کیجه بنوا قشیر ابوالاسودی افراط ایله تعجیر ایدوب
صباح اولدقده سز لردن داد و فریاد دبو شکایت آغاز ایلد کده بنوا قشیر
یا ابوالاسود رمی بحجاره ده بزم صنمیز بو قدر باری تعالی طرفندندر
دیو سوء مذهبیه تعریض ایلد کدنده ابوالاسود ای قوم کذب و دروغ
ار تکاب ایدر سز اگر رمی اولنان اجمار من طرف الله اولسه بریسی
خطا ایتدوب اصابت ایدر دیو لطیفه امیر جواب داده اولدی و بنوا
قشیری تکدیر ایچون بانی قشیر سز لره هم صحبت و همسایه اولمغی سائر

سائر تر جیح ایلدیکمه باعث بود که هر امر که سزرا مبادرت و مباشرت
ایده سز معلوم اولور که اول خصوص خطای محضدر پس اول امره
عازم ایسه مده رجوع و ترک ایده رم و بر امر دنکه سزرا اجتناب ایده سز
اول امرک صواب و خیر محض اولدیغن بیلوب اقدام و مباشرت ایده رم
دیدی و قشیر ابو قبیله اولوب قشیر بن کعب بن ربیع بن عامر بن صعصعه
بن معاویه بن بکر بن هوازندرو بر شخص ابوالاسوده اگر بخیل اولسک
بو ظرافت و علم و حلم ایله بیهمتا اولوردک دیدکده ابوالاسود اگر بخیل
اولسم ظرافتک قطعاً خبر واطنی اولمازدی دیدی و بر کون
ابوالاسود پیشگاه منزلده رطب خوار ایکن اعرابدن بری کلوب السلام
علیک دیدکده ابوالاسود سلام و بریله کلمشدر بآس یوقدر دیدی بعده
اعرابی درون منزله دخوله اذن طلب ایلدکده ابوالاسود بیرون منزل
دها و سبع و فبجدر دیدی بعده اعرابی بن ابن حمامه یم دیدکده
ابوالاسود طبور دن مراد ایلدیکک طبرک اوغلی اول و بزی ترک و آخر
جانبه طبران ایله دیدی بعده اعرابی ابوالاسوده تناول ایلدیکک رطب دن
بکا احسان ایله دیدی ابوالاسود دخی عاجز اولوب اوج رطب وردی
وویرکن بری زمینه ساقط اولوب ابوالاسود زمیندن اخذ و غبار فی
دانی ایله ازاله ایلدکده اعرابی یا ابوالاسود رطبه آلوده اولان غبار
سنک لباسکدن پاکدر نه حاجت ازاله یم دیدی ابوالاسود دخی ایهمام
طریقله ساقط اولان رطبی اخذ ایلدکده شیطانیه نصب اولمیه
دیدکده اعرابی یا ابوالاسود مادامکه سنده بورتبه بخل موجوددر ملکه
دخی نصیب اولدن ضنت ایدرسک دیدی و بر کون ابوالاسود معاویه
حضر تریله نک و تنها مصاحبت ایدرکن ابوالاسود بی اختیار
تضرط ایلوب یا معاویه بوسری کتم و اخفا ایله دیور جامع معاویه
دخی رجاسنه مساعده کوسرتوب عمرو بن العاص رضی الله عنه
ایله مروان بن الحکم قصه بی نقل ایلوب ابرته سی عمرو بن العاص
یا ابوالاسود تضرطه باعث نه ایدی دیو لطفیه امیر استعمال ایلدکده
ابوالاسود با عمرو رجوع نمودن اولوب ضبطی ممکن اولماغله چکیلوب

کیندی و بر پیر که دهر اعضا و قوا سنه ضعف و استرخا و بروب بومقوله
سری کتم و حفظه قادر اوله میده امور مسلحینه تولی یم نیمه قادر
اولور دیدی و بر کون ابوالاسود معاویه رضی الله عنه حضر تریله
برسری تبلیغ ایچون تقرب و لب بلب افاده یم آغاز ایلدکده ابوالاسود
بخره مبتلا و کندیده دهان اولغله معاویه حضر تری رایحه سندن
متأذی اولوب یدلریله انفی قیایوب کلامنی استماع ایدردی هم اندم
ابوالاسود معاویه نک ایلنی یینی سندن چکوب والله سن امیر المؤمنین
اولماز سن مادامکه اذایه متحمل اولمیه سن زیرا سید قوم اولان کیمسه
خلفک جور و اذاسنه تحمل ایملیدر دیدی (و بوب الظرف و الحال)
وسن شول کیمسه سنکه ظرف و حالی مستقلا بر باب ایلدک ظن ایلدم
ظرف ایکی قسم اولوب بری ظرف زمان و بری ظرف مکاندر و قسمیندن
هر بری بجن بر شبنه محل قلنسه ظرف تسمیه اولور مثلاً عجینی الخروج اليوم
دینسه بوم خروجه محل اولوب ظرف تسمیه اولور اما عجینی اليوم
دینسه بوم ظرف اولماز زرا اعجاب ایدن یومده واقع اولان شی
اولوب بومک کیندی متعجب اولغله بر شبنه محل اولمادی ایددی ظرفک
خاصه سندنر که کنینک احوالی بیان اولمبوب کندیده واقع اولان
شبنک احوالی بیان اولنه وفی کلمه سنی تقدیر ممکن اوله مثلاً مثال اول
عجینی الخروج فی اليوم تقدیرنده در و ابتهدا و عاره یعنی کاسه و کوزه
وسبو مثلی قابله ظرف تسمیه ایدن خلیلدر و سبی هر بری بر شبنه محل
اولمیدر و حال اصطلاح نحوینده هیئت فاعلی یا خود هیئت مفعولی
یا خود ایکپسنی معامبین اولان وصفه دیرر اوله مثال جاء زید را کبا
اولوب را کبا فاعل اولان زیدک وقت مجیشنده هیئتی مبین در
ثانی یم مثال ضربت اللص قائماً اولوب دو کوب ضرب اولندیغی وقتده
هیئتی مبیندر ثانیه مثال زید لقینیه را کبین اولوب را کبین فاعل اولان
تاء متکلمک هیئته مفعول اولان هاء عاییه نک هیئتی مبیندر و حال
ایچون درت و صفدن لابد در که غالباً منتقله اوله و کاهیمجه ثابته اولور
مصدر دن مشتق اوله جامد اولور سه مشتق ایله تأویل اولنمق لازمدر

ونکره اوله معرفه اولور سه نکره ایله تأویل اولنق لازمدر و معنا جهتیله صاحبک نفسی اوله مثلاً جاء زید صاحبک دینلسه زید و صاحبک ایکجی بر شخص صدر بو دخی احوال حال دندر که اسم معرفه دن یا خود معرفه حکمنده اولان اسم نصکره کله یا خود کلام تامد نصکره کله و حال رقاج قسم اولوب حال مستصحبه و حال ساده و حال محکیه و حال موطئه و حال مؤکده و حال مؤسسه در (و بنی و عرب و نفی بما و عجب) و سن شول کیمسه سنکه کلمه بی مبنی و معرب قیلدک وادات نفی و تعجبی وضع و میا نلر بی فرق ایده جک قاعده وضع ایلدک ظن ایلدم مبنی شول کلمه در که اختلاف عوامل ایله آخری متغیر و مختلف اولیه و معرب عوامل اختلافیه آخری مختلف اوله و کلمه دن معرب اولان اسمیتده ممکن اولان اسم ایله فعل مضارع در و ما کلمه سنی اراد دن غرضی کاه نفی ایچون و کاه تعجب ایچون استعمال اولنور نخوده ماهر اولیا ن کیمسه اراد اولندیغی موضعه قنقی معنایی مراد اولندیغدن غفلت ایدوب اعرابده خطا و جهلی نمایان و مفتضح اولدیغنه اشارتدر مثلاً ما احسن زید دینوب زید مر فوع اولسه مانفی ایچون اولوب ما احسن زید دینوب زید منصوب اولسه ما تعجب ایچون اولوب احسن نک فاعلی مایه را جمع اولان ضمیر مستکن اولوب فی الاصل تصویر معنایی احسن زید اولور و مقدمات ذکر اولنمشد که ابوالاسودک عالم نحوی وضع و اختراعنه سبب مال فظی اولمشدر (و وصل و قطع و شی و جمع) و سن شول کیمسه سنکه همزه بی وصل ایده جک محله وصل و قطع ایده جک محله قطع و کلمه بی تنیه و جمع ایلدک ظن ایلدم مرادی مواقع همزه وصلی مواقع همزه قطعدن فرق ایلدک دیمکدر و رسول الله صلی الله علیه و سلم حضرت تلمینک نعت شریفی قضا اندندن برنده * و شق له من اسمه ایچله * فذوالعرش محمود و هذا محمد * بینه اثبات همزه ایله من اسمه قرأت اولنوب نظم زحافدن سالم اولدیغی کبی معنی اسمه وصل همزه ایله دخی قرأت اولنق جائز اولوب بیت مزبور بحر طویلدن اولغله جز ثانی سنه که مفاعیلن در

من

من

حذف یا ایله قبض داخل اولوب مفاعیلن اولور و زحاف سیلرک ایکجی حرفنی حذف ایله یا خود اسمکان ایله تغیره دیرلر و قبض خامس ساکنی حذفه دیرلر که مفاعیلنک یاسیدر و قبض بحر طویلده استعمال اولنان زحافندن اولوب قافیه قبض ایله کف میاننده واقع اولور و کف جزء دن سابع ساکنی حذفه دیرلر و کف قبضدن اخف و استعمالده اکثردر مثلاً مفاعیلنه قبض داخل اولسه مفاعیلن اولور و کف داخل اولسه مفاعیلن اولوب لام قبض ایله کف میاننده واقع اولور و حذف واقع اولدیغده مفاعی اولوب فعولنه نقل اولنوب کان نون فی الاصل لام اولغله قبض ایله کف میاننده واقع اولمش اولور و تنیه آخر کلمه یه بر الف ایله نون مکسوره یا خود ماقبلی مفتوح یا ایله نون مکسوره زیاده ایلمکدن حاصل اولور که حالت رفعنده بریدان و نصب و جرنده زیدین دینلور و جمع ایکی قسم اولوب بری صحیحدر که مفردینک صیغه سی سالم اوله بودخی ایکی قسم اولوب بری جمع مذکر در که حالت رفعنده آخرینه و او ایله نون مفتوحه زیاده اولنوب مثلاً زیدون دیرلر و حالت نصب و جرنده یا ایله نون مفتوحه زیاده اولنوب زیدین دیرلر و بری جمع مؤنث اولوب آخرینه الف و تاز یاده اولنوب رفعی ضمه ایله و نصب و جری کسره ایله در مثلاً مسلمات که مسئله نک جمعیدر جمع بر قسمی دخی جمع مکسر در که مفردینک بناسی سالم اولوب متغیر اوله مثلاً رجال ر جل جمعی در و اصحاب صاحبک جمعیدر (واظهر و اضمر و استفهم و اخبر) یعنی اظهار و ضمیر و استفهام و اخبار ایلدک ظن ایلدم اضمار کلمه ده ضمیر اتیانده دیرلر مثلاً متکلمه وضع اولنان ضمیر انا و مخاطبه وضع اولنان انت و غایبه وضع اولنان هو لفظیدر و بولفظلره ضمیر تسمیه سنه باعث کلمه نخسته مستتر و مخفی اولدیغیدر و بارز و اشکار اولان الفاظه ضمیر تسمیه اولنسی توسع و تبعیت طریق ایله در و اظهار لفظ ظاهر و اشکار اتیانده دیرلر که ضمائر دن ماعدا الفاظک مجموعی مظهر در و مظهر تسمیه اولنسنه سبب اشکار و واضح اولسیدر و استفهام مخا طیدن

برشی اخبار ایلمنی سؤال و طلبیدن عبارت در و با وضع استفهامه
 دلالت ایدن لفظ اسمیده اولور حرفده اولور مثلاً اسم اولانلر مالکمه
 سیدر که مالفرس دیو ماهیت فرسیدن سؤال اولور و کیف انت
 ایله حالکدن سؤال اولور و متی تقوم ایله زمان قیامکدن سؤال اولور
 و حرف استفهام همزه در که ازید قائم قیام زیددن سؤال اولور هل قام
 زید دخی دینلور و اخبار صدق و کذب متحمل اولان جمله لری ایتاندن
 عبارتدر که جمله اسمیه اولور زید قائم کی و جمله فعلیه اولور قام زید
 کی و بوجمله جزئی به نحو یون مبتدا و خبر و منطبقون قضیه اسمیه
 ایدرلر (واهمل و قید و ارسل و اسند) یعنی اهما و تقیید و ارسل و اسناد
 ایدن سن سن ظن ایلدم اهل ایله احتمال که نقطه و شکل ایله مقید
 اولیان حروفی مراد ایش اوله حتی خلیل حروف مهمله و حروف
 مقیده بانقطه و الشکل بیانده کتاب النقط و الشکل نامنده بر
 کتاب تألیف ایشدر و احتمال که مهملدن مرادی مطلق اوله
 بو تقدیرجه لفظ مطلق ذکر ایتوب اهل لفظی اختیارینه وجه
 فقره ثانیه ده ارسل سبجه رعايت ایچوندن و مطابق شول کلمه در که
 برشی ایله مقید اولیه و مطلق مقابلی مقید اولوب مقید برشی ایله قید
 و وصف اولنه تنکم کلام قدیمده واقعدر که (حرمت علیکم
 امهاتکم) ایت کریمه سندن و امهاتکم نسا تنکم آینه وارنجیه
 امه مطلق اولوب (ور با تنکم اللاتی فی محو رکمن نسا تنکم اللاتی دخلتم
 بهن) ایت کریمه سنده ربائب مدخول بها اولان نسا تنکم ربائبی اولمقلغله
 مقید در و ارسل و اسند ایله اصطلاح اصول حدیث شریفه اشارت
 ایدوب عندالمحدثین مرسل تسمیه ایلد کلری کبار تابعینک رسول الله علیه
 السلام شو بلدیوردی و شویله ایشلندی دیور رسول الله علیه السلام قول
 و فعلی ناطق اولان قوللریدر و کبار تابعینک ذکر اولندیغی وجه اوزره اولان
 قوللری مرسل اولدیغی متفق علیه اولوب صفارتابعینک قال رسول الله
 صلی الله علیه وسلم کذا و فعل کذا قوللری بعضیلر عندنده مرسل و
 بعضیلر عندنده منقطعدر زیر اصغارتابعینک اکثر و ابی تابعیندر و صفار

تابعیندن مراد تابع تابعیندر مثلاً زهری و امشالی و مسند تسمیه اولانان
 حدیث شریف عادل و ضابط اولان راوی کندی کی طائل و ضابطدن
 روایت ایدوب سندی مر فوعا پیغمبر علیه السلام متصل اولوب شد و
 و علتدن سالم اوله و شد و ذینه ثقاتک روایتدر لکن ناسک روایت ایلد کلرینه
 مخالف اولان حدیثه دیرلر و معتدل تسمیه اولانان حدیث شریف
 شول حدیثدر که انده صححه مانع و قاذح علل و اسبابه مطلع اولانه
 حال بو که ظاهری علامدن سالم اوله و حدیث حسن منجرجی معلوم و معروف
 و رجالی مشتهر اولاندر و بعضیلر عندنده حسن شول حدیث در که
 ضمه مختمل اولوب انکله عمل صحیح اوله و ضعیف شول حدیث
 در که حدیث صحیح ایله حسنک شروطی انده مجتمع ولییه و حدیث
 ضعیفک در جاتی متفاوتدر (و بحث و نظر) یعنی هر مسئله ده مباحثه
 و مناظره ایلد لکن ظن ایلدم بحث لغتده تفتیش و تفحص و برشی کشف و نظر
 چشم ایله مشاهده یه دیرلر و اصطلاحده مجهوله تأدی و وصول ایچون
 امور معلومه بی ترتیبه دیرلر و مباحثه و مناظره بر معنایه اولوب ایکی
 کیمسه بر شئتک نفس الامر ده واقع میدر غیر واقع میدر معلوملری اولمق
 ایچون یعنی صواب ظاهر اولمق ایچون محکوم علیه ایله محکوم به
 میاننده واقع اولان نسبت حکمیه یه بصیرت ایله نظر و مباحثه
 ایتلرینه تسمیه اولور و منظره نك قوا عد و آدابنه متکفل اولان
 علمه آداب البحث تسمیه اولمش (و تصفح الادیان) و سن شول کیمسه سنکه
 دینلرک شریعتلرینه و مذهبلرینه و هر برنده اولان فرقه لره مثلاً
 اهل اسلامک فرق مختلفه سنه امعان نظر ایدوب مطلع اولدک ظن
 ایلدم و بر شئتک صفحی عرضی اولوب تصفحت الکتاب کتابک صحیفه
 لرینی عرض ایدوب نظر ایلدم دیمکدر و اسلام ایکی قسم اولوب
 بر قسمی دون الایمان و بر قسمی فوق الایماندر و دون الایمان اولان
 اسلامکه فقط ایمان ایله اعترافدن عبارتدر یعنی بر کیمسه صور تا مسلم
 اولور و بوقوله کیمسه معصوم الدم اولوب قتل اولماز (ولکن قولوا
 اسلمنا) آیه کریمه سیله مراد بونلردر و فوق الایمان اولان اسلام

لسان ايله اعتراف و قلب ايله تصديق و اعتقاد دن عبارت اولوب
قول و فعلی مقتضای اسلام اوزره باری تعالیٰ کذا قضا و قدرنه ظاهر
و باطنا رضا و تسلیم اوزره اولمقدر که کلام قدیمه ابرهیم علیه السلام
قصه سنده (واسلمت لرب العالمین) وارد اولمشد و فرق اسلامیه
یتش اوج فرقه اولوب بر فرقه ناجیه و یتش ایکی فرقه سی غیر ناجیه
وضاله در که رسول الله صلی الله تعالی علیه وسلم حضرت تری
قبل الظهور * ستغترق امتی ثلثا و سبعین فرقه کلها فی النار الا واحدة
وهی ما انا علیه و اصحابی * بیور و ب خبر و یرد یکی کبی اولمغله معجزه
باهره اولمشد و یتش ایکی فرقه ضاله نک کباری یدی فرقه در که
معتزله و شیعه و خوارج و مر جئه و نجاریه و جبریه و مشبهه اولوب
التمش بش فرقه سی بونلردن منشعبه در و بر فرقه که ناجیه در
اشاعره و سلف محدثین و اهل السنه و الجماعه اولوب مذهبیری فرق
ضاله بدعتلردن خالیدر از جمله معتزله اصحاب و اصل بن عطا در که
مجلس حسن بصریدن اعتزال ایلشد و معتزله قدریه ايله دخی
ملقیدر بعده اصحاب و اصل یکریمی فرقه یه مغترق اونوب هر بری
آخری اکفار ایدر و اول یکریمی فرقه و اصلیه و عمرویه و هنزلیه و نظامیه
و اسودیه و اسکافیه و جعفریه و بشریه و مر داریه و هشامیه و صالحیه
و حابطیه و حدیه و معمریه و ثمامیه و خیاطیه و جا حظیه و کعبیه
و جباییه و بهشمیه در شیعه علی کرم الله وجهه حضرت تری نه تابع اولوب
بعد رسول الله علیه السلام امامت حضرت علی به منصو صدر دیرلر
و بونلر یکریمی ایکی فرقه اولوب بعضیسی بعضی آخری اکفار ایدر
و بر فرقه شیعه نک اصولی اوج فرقه اولوب غلاة و زیدیه و امامیه در
و غلاة اون سکر فرقه اولوب سباییه و کلامیه و بتانییه و جباییه
و منصوریه و خطاییه و غراییه و ذمیه و هشامیه و دزاریه و یونسیه
و شیطانییه و زرامیه و مفوضه و بداییه و نصریه و اسحاقیه و اسماعیلییه
در و اسماعیلییه به باطنیه و قرامطه و شیعیه و بابکیه و مخمره و حریمه
دخی دیرلر زیدیه دخی اوج فرقه اولوب حارودیه و سلجانییه و تبریه و امامیه

علی کرم الله وجهه نک نص جلی ايله امام اولمسنه معتقد در خوارج
یدی فرقه اولوب بری محکمه در که عند التحکیم المشهور علی رضی الله
عنه اوزرینه خروج ایلدیلر و اول وقتده اون ایکی یسک نفر ایلدیلر
و بهشیه و ازارقه و یخدرات و اصغریه و اباضیه بودخی درت فرقه
اولوب حفصیه و زیدیه و حارثیه در و در نجی فرقه سی بر کپسه عبادت
و طاعت ایدوب باری تعالی به مراد ایتسه جائز در دیرلر و خوارجک یدنجی
فرقه سی بجاریه اولوب اون فرقه یه مغترق اولمشد که ممونیه و خریه
و شعبیه و خادمیه و حنفیه و اطرافیه و معلومیه و مجهولیه و صلیبیه و ثعلبیه
در ثعلبیه و درت فرقه اولوب خنسیه و معبدیه و شبانییه و مکریمه در مر جئه
بش فرقه اولوب یونسیه و عنذیه و غسانیه و ثوبانییه و ثومنیه در نجاریه اوج
فرقه اولوب بر غوثیه و زعفرانییه و مستدر که در جبریه فعل عبیدی باری تعالییه
اسناد ایدرلر لکن بعضیسی اشعریه کبی هیده کسب اثبات ایدوب جبر متوسطه
قائل اولور و بعضیسی جبر خالصه ذاهبدر جهیمیه کبی یدنجی فرقه که
مشبهه در باری تعالی بی مخلوقانه تشبیه ایدرلر و طائفه یهود دخی بر قاج
فرقه اولوب عنانییه و موسکانیه و سامرییه و ربانییه و قرآنییه و اشعرییه
و اسم یهود رجوع و توبه معناسنه اولان هوددن مأخوذدر و تهود
توبه و عمل صالح معناسنه اولوب حضرت موسی علیه السلام (اناهدنا
البک) یعنی بزسکار رجوع ایلدک دیمه سی بنو اسرائیل یهود تسمیه
اولمسنه باعث اولوب شریعتلری نسخ اولمزدن مقدم مدحی
متضمن ایدی و بعد النسخ اول طائفه به اسم اولدی قائلهم الله
وادخلهم جهنم و یئس المصیر کذلک نصاری یتش ایکی فرقه
اولوب بر فرقه سی ناسوت و لاهوت شخص عبسی علیه السلامده
مجمع اولمشد درلر و بوفرقه سی یعقوبیه تسمیه اولنور و بر فرقه سی جناب
حق بطن مریمه حلول ایدوب عبسی علیه السلام حادث اولوب
ابن الله در دیرلر و بوفرقه ملکانه تسمیه اولنور و بر فرقه سی عبسی
علیه السلام مک شخصی محدث و روحی قدیمدر دیرلر و بوفرقه
نسطوریه تسمیه اولنور و بقیه فرقه در دخی ذکر اولسان کفریات امثالنه

ذاهلر درو بو طائفه نصاری اطلاق اولمسته باعث عیسی علیه
 السلام (کونوا انصار الله) کلامی اولوب شر بعتلری منسوخ
 اولدور نصکره اول طائفه ضلالت پدشه به اسم اولدی و بعضی
 طائفه مزبوره نصران نامنده برقریه به راهی اولمشلردر بناء علیه نصاری
 تسمیه اولمسته ذاهب اولمشدر خذلهم الله تعالی و دهر هم و اوصلهم
 لی نار جهنم کذلک مجوس برقاج فرقه اولوب کیو مرثیه و زردشینه
 و امثالی و ابن حزم رجه الله علیه مللک اصول و فروغنی و فرقنی
 علی التفصیل کتاب الملل والنحل نام تألیفنده سردو بیان ایلشدرد
 بورسالة صغیره ده بومر تبه بیان ایلده اکتفا اولندی (ورجیح بین مذهبی
 مانی و غیلان) و سن شول کیمسه سنکه تصفیح ملل و شرایع و مذاهب
 ایدوب مانی مذهبله غیلان مذهبی میاننی ترجیح و تمیز ایلدک ظن
 ایلدم مزبور مانی بن ماش الثاوی در که فرقه مانویه نکه نسبتی مزبوره اولوب
 بحرینده ساکن و نبوت مسیح عیسی علیه السلامی مقرر و معترف
 و اساقفه نصاری میانه موقر جله سنک بزرگ و کبری و نیک خصلت
 و رهبا نکه محسودی اولمقله کفره بی مانیدن تبرید ایچون دائما بر عیب
 و نقیصه صدورینه چشم کوش اولمشلردی عاقبت بر کون زنایی ارتکا به
 مطلع و تشهیره اشاعت ایلدکلرنده مانی رسوای عام اولوب میان
 نصارا ده درجه اعتبار دن ساقط و چرکاب زنا ایلده دامن الوده اولدقده
 ششنه ذیل عرض و ناموسه دامن در میان و بطارقه نکه سر راه سدادنه
 حفر جاه افک و نهمت زنا ایلده سنک انداز طعن اولملری مجرد حقد
 و حسد لرندن و مذهبلری اولان مسیح لاهوتی بی انکارلرینه و رسول
 شیطان علیه اللعنه دن اخذ شریعت ایتلریله مخالفت ایدوب کدیملری
 بوضلاتدن تخلیص و راه سدادی ارات ایلدیکلندرد دیو وافر هرزه
 کولک ایلدی و اساقفه اسقفک جمعی اولوب رؤسا معنسانه یعنی رهبان
 معنسانه که مفردی راهبرد و مزبور مانی مقدما مجوسی و مذهب مجوسه
 عارف اولوب وقعه مزبوره ظهورنده دین مسیحی دخی ترک و کندی
 بر دین باطل آخر اختراع و خلق دعوت و شاپور بن اردشیر زماننده مذهبک

متن

آشکار و مجوسدن خلق کثیر اتباع و مانیک نبوتنه ذاهب اولملریله
 اول قوم دوزخ مکانه مانویه و ثنویه تسمیه ایلدیلر و مانی بومذهب
 باطلی بهرام بن هرمز بن شاپور زماننده قتل اولنجه اشاعت و نشر اوزره
 ایدی مومی الیه بهرام بن هرمز بن شاپور آل ساسانیان دن حازم و مدبر
 و رعیه پرور به ملک اولوب مانی زندیقی و اتباعی حیره ده قتل و مذهبی ابطال
 ایلشدرد و نعمان بن منذر بهرامک زماننده ملک اولمسی اوج سنه اوج آی
 اولوب بعده هرمز بن بهرام تخت نشین اولمشدر نویجی ذکر ایدر که
 مزبور مانیک و کندی به اتباع ایدن کفره ضلالت پدشه نکه اعتقاد
 باطل و زعم فاسد لرنده حاشا صانع عالم ایکی اولوب بری نور که فاعل خیر
 و بری ظلمت ککه فاعل شر و قدیملردر و حاس و سمیع و بصیرلردر
 و نفس و صورتده متخالفلردر و فعل و تدبیرده متضادان اولوب جوهر نور
 فاضل و حسن و نیر و خیر و نفع و سرور و صلاح ایلده حاکم و قطعاً کندیده
 شرور دن برشی اولمسوب جوهر ظلمت اوصاف مذکوره ده جوهر
 نوره مضاد و مابین اولوب نور جانب شمالده مر تفع و ظلمت جانب جنوبده
 منکطدر و زعم باطللارنده نور ظلمتدن هر بری اجناس خسه دن مر کب
 اولوب دردی ابدان و بری روحدر و نورک ابدانی نار و نور و ریج و آب
 و روحی ابدان مذکوره ده متحرک اولان شیخ اولوب ظلمتک ابدانی حریق
 و ظلام و سموم و دومان و روحی د و خاندن و ابدان نوره ملائکه
 و ابدان ظلمته شیطین تسمیه ایدرلر و بوملرک بعضی ملائکه ابدان
 نوردن و شیطین ابدان ظلمتدن تواید ایدر دیرلر و نور شره قادر
 اولوب ظلمت خیره قادر دکلد دیرلر لعنه الله علیهم اجمعین و بعض
 متکلمیندن مرویدر که مزبور کافر لک بوا اعتقاد باطللرینه سبب عالمده
 شرور و اختلافات مشاهده ایدوب اصل واحد دن شیطان متخالفان
 صادر اولماز مثلاً نار دن حرارت و برودت صادر اولمدیغی کی دیوب
 العیاذ بالله الواحد بو ورطه به دوشرلر و بعض علما مانویه نکه
 مذهب باطلنی رد ایدوب حاشا صانع عالم ایکی اولمسه احتمالات ثلاثه دن
 خالی اولماز زیرا ایکه سی قادر اولمق و ارا یکسی ده عاجز اولمق و ارا خود

بری قادر و بری عاجز اولمق وار لکن احتمال ثانی ایله احتمال ثالث بین
البطلاندر زیر عجز صانع منافیدر ابدی احتمالی اولکه ایکبسی
معاقدر اولمقدربودخی باطلدردر زیر جسم واحدی بری تحریک مراد
و بری تسکین مراد ایلمسه آن واحدده دفعه حرکت وسکون محال
اولوب حرکت ایدرسه تسکین مراد ایدن مرادنی اجرادن عاجز
اولدینی کی ساکن اولورسه تحریک مراد ایدن مرادنی اجرادن
عاجز اولور و عجز ایله الوهیت جمع اولیوب متافیان اولدینی یاخود
معلوم واشکار در ابدی ایکی اولمق باطلدر دیو تحقیق مقام ایلدی
ومانویه نك فاعل خیر نور و فاعل شر ظلمتدر قوللرینه مجارات مع الخصم
طریق ایله علمادن بعضی ردایدوب ای قوم بی ادراک بر مظلوم بر ظالمک
ظلمتدن فرار و بر مظلوم محله اختفا ایلمسه ظلمت سبب ایله خلاص
اولسی محض خیر در که اعتقادیکزده ظلمتدن صادر اولور و متبیینک
یوقولندن بواعتراض منفهم اولور که * و کم لظلام اللیل عندی من ید
* نخبان المانویه تکذیب * دیمشدر مآلی بنم قتمده کیجه نك ظلامنک
نعمت و خیرندن چوق شی وار در که مانویه کذب و دروغ ایلدکلرین
خبر و بر یعنی ظلمتدن فقط شر ظهور ایدردیدکلری کذبدر نیجه خیرل
دخی ظهور ایدرنکه اربانه خفی دکلدر و جاحظ ذکر ایدر مانویه
زعنده عالم اجناس عشره دن مرکب اولد یغندن مثلاً بر شبنم نظر
مرحت ایله نظری نور و خیرک اثری و نظر قسوت و ظلم ایله نظری
شر و ظلمتک اثریدر و نظر بویله اولدینی کی حواس ظاهره و باطنه نك
بقیه سی دخی بویله در دیرل و مأمون خلیفه مانویه دن بر قومی
مجلسنه احضار و الزام و اسکات ایچون ای قوم سزه براییک کلمه سوال
ایدیم اولامسی و کنه کار اولان کیمسه اساتنه نادم اولور می دیدی مانویه
دخی بلی اکثر نادم اولور دیدی ابدی اساتنه ندامت اسات میدر
یوخسه احسانمیدر دیوب مانویه احساندر دیدی بعده مأمون نادم
اولان اساتی ارتکاب ایدنمیدر یوخسه آخر کیمسه میدر دیدی مانویه
دخی اسات ایدندر دیدکده مأمون ابدی معلوم اولدی شر صادر

اولاندن خیردخی صادر اولور مش پس سزک نظر و عید ایله نظر ایدن
نظر مرحت ایله نظر ایدک غیر یدر قولکز باطل و غیر واقعدر دیدکده
مانویه هذیان آغاز ایدوب بزظن ایدرز که اسات ایدن نادم اولانک
غیر یدر دیدکده مأمون طریق مجارانه سالك اولوب بوصورتده
نادم اولان کیمسه کندی فعلنه می نادم اولور یوخسه آخرک فعلنه می
نادم اولور دیوسوالنی تقویه ایتمکله قطعاً جواب ویره میوب سکوت
ایلمدیلر و مانی به مانی به تابع اولان ملاعینک نورک ظلمتله امتزاجده
و شمس و قمر و سایر نجومک حدوشده اقوال کثیره سی اولوب از جمله
نور ظلمت ایله امتزاجدن خلاص اولسه یعنی عالم فسادده منقلب
و سموات و ارضین مضمحل و نوع انسانک نسلی منقطع اولوب هرشی
شکل اصلیه نه رجوع ایدوب نور ظلمتدن خاص و صافی اولسه دیو تمی
ورجا ایدرلر دی حتی مناکه و زوجیتی منع و دفعه سعی ایدرلر دیکه نسل
منقطع و عالم سر به خراب و پریشان اولوب هر شکل شکل اصلی سنه رجوع
ایده و طائفه ملعونه یومافیه و مابسیار و شوکت و قوتلری مرداد اولوب عاقبت
بهرام بن شاپور مانی بی موبدمو بدانک رایتله قتل ایتمک مراد و احضار
و موبدمو بدان اولان اور یایه مانی ایله مباحثه و الزام ایله دیو امر اور یادخی
قطع نسل و تعجیل فراغ مسئله سننده مباحثه و اسکات قصد ایدوب یامانی
سن نکاحی تحریم و فنای عالمده استعجال و هرشی اصلنه رجوع ایلمسنه سعی
ایدر سن بونلر مذهبکده واجب میدر دیدکده مانی بلی واجبدر
زیر نورک ظلمتدن خلاص و صفوقی نسلارک انقطاعی و دنیا نك فنا
وزوالی ایله حاصل اولور و نورک امتزاج ظلمتدن خلاصنه اعانت
واجبدر دیدی اور یا دخی چونکه تخایص نور فنای عالم ایله در و فنای
عالم انقطاع نسل ایله در انقطاع نسله سندن بدأ و ابتدا ایلمک انساب
اولی در که مذموم اولان امتزاج زائل اوله دیدی مانی ساکت
و صامت اولوب بهرام صلب اولنسون دیو امر و عسسان سیاستگاهه
کتوروب بردار ایدک جکلری وقتده مذهب باطلنده معبودی اولان نوره
خطاب ایدوب سنک امرکی تبلیغ ایلمسه ده قصور ایلدم لکن بونلرک

عصیان عادی در سن حلیم سن ایشته سکا ملاقی اولیورم دبرکن
صلب اولوب دوزخکان اولدی لعنة الله علیه بعدده بوسنی سلخ
وصمان ایله مالا مال ایدوب نیجه زمان عبرت مجوسیان اولدی وموبد
ضمیم وفتح باوذا ل معجه ایله فقیه فرس وحا کم مجوس معناسنه
اولوب جمعی موایده کلور وزبان فارسیده دال مهمله ایله حکیم ودانا
معناسنه اولوب جمعی موبدان کلور وموبدحا کم واقتاب پرست
وجهودل قاضیه سنه دیرل وشول عالمه اطلاق اولنور که اندن روایتلرایدهل
وبهرام ابتدای امارت شده مانی به تبعیت کوستروب علی ماهو علیه
مذهب باطلنه مطلع اولوب بعدده قتل ایلدی وما نی به تابع اولانلرک
مجموعی قتل اولنسون دیوامر واکثری قتل اولنوب بر مقدار ظاهری
اسلامی قبول ایتمکله رها یاب و بعد زمانینه شروفسادری ظاهر
اولوب خلقی افساده اغاز ونیجهل ضلالتلرینه اتباع ایدوب عباسیه دن
مهری مجموعی قتل وروی زمینی ملعنلرندن تطهیر ایلدی وفقره
مزبورده ذکر اولن ان غیلان بن یونس القدریدر که دمشقده ظهور
ایدوب پدری یونس عثمان بن عفان رضی الله عنه حضر تلیزینک
معتقدرو ابتداء اسلامده مذهب قدریه به وخلق قرآن کریمه ذاهب
اولان غیلان ضلالت شعاردر روایت اخرا ده ابتدا قدریه اولان اهل
عراقدن بر کچسه در که مقدما نصرانی بعدده مسلم بعدده مر تدا ویشدر
وبومذهب باطله قدریه تسمیه اولنسنه باعث افعال عبادی کنندی
قدرتلیزینده اسناد و قدرت باری تعالی بی انکار ایتملریدر ومعتزله قدریدر
ومعبد جهنی وغیلان دمشق مذهب قدریه بی مزبور مرتد دن اخذ
ایلمشدر بر کون مکحول غیلانی ملامت ومواخذده ایدوب حیف سکا
یا غیلان بروقتده رمضان شریفده زنان ایله ملاعبه ایدردک بعدده حارث
کذابک مرأه سنه خدمت ایدوب ناسه بوامر آه ام المؤمنین در
دیوب حارثی اولمشدک شمعی اول قباحتلردن رجوع وافشنه شروع
ایدوب قدری وزندیق اولدک سن نه مقوله شخص سن دیم دیونقل
ایلدی مومی الیه ابو عبدالله مکحول بن عبدالله الشامی بر مرأه نک

معنی ومسنندی اوزاعینک اسنادی اولوب انس بن مالک حضر تلیزیندن
استماع حدیث شریف ایدوب یوزاون سکر سنه سی هشام زماننده
وفات ایلمشدر وسنه مزبوره ده ابن المسیب مدینه منوره ده وشعی
کوفه ده وحسن بصری بصره ده ومومی الیه مکحول شامده دارعقبایه
انتقال ایلمشدر وزندیق ثنویه دن یاخود نور وظلمته قائل یاخود آخرت
ور بوبیتی منکر یاخود اظهار اسلام ایدوب درونی کافر اولنه دیرل لفظ
زندیق فارسیدن معرب اولوب ودینک زندقه فقره سنده تفصیل اولنور
وغیلان زیاده خوف وخشیتک کچمدنر دیو سوال اولندقدده عمر بن
عبد العزیز دن خوفناکم زیرا کان من طرف السماء تکلم ایدردیدی ابن
مهاجر نقل ایدر که عمر بن عبدالعزیزه غیلان وفلان شخص قدری
اولوب قدره متعلق کلمات باطله تکلم ایدر لر دیو افاده اولندقدده ایکبسنی
دخی احضار وسرک تکلم ایلدیکن نه مقوله کلامدر دیو استنطاق غیلان
دخی کلام الله در دیوب عمر قرأت ایله دیوامر ایلدکده غیلان (بسم
الله الرحمن الرحیم هل اتی علی الانسان حین من الدهر لم یکن شیئا مذکورا
انا خلقنا الانسان من نطفة امشاج نبذلیه فجعلناه سمیعا بصیرا انا هدیناه
السبیل اما شا کرا واما کفورا * دیوب ساکت اولدقدده عمر بن عبدالعزیز
سوره تمام قرأت ایله دیوب غیلان * ان هذه تذکرة فمن شاء اتخذ
الی ربه سبیلا وما تشاؤن الا ان یشاء الله * آیتنی قرأت ایلدکده یا غیلان
قدرتدن فرع وتابع اولانی اخذواصل ومتبوع اولانی ترک ایدر سز دیو
الزام ایلدی زیرا انا هدیناه السبیل اما شا کرا واما کفورا * آیه کریمه سنک
معنای شریفی انسان شا کرا اولدیغی حالده وکفور اولدیغی حالده
بز انسانه نصب دلائل وانزال آیات ایله طریق مستقیمه هدایت ایلدک
دیمک اولوب انسانک شکور وکفور اولسی قدرت وارا ده ایله اولوب
غیلان قدرت انسانک اولدیغی اثبات ایلدکده عمر بن عبدالعزیز
الزام واسکات ایچون * فمن شاء اتخذالی ربه سبیلا وما تشاؤن
الا ان یشاء الله * آیتنه وارنجیه قرأت ایدر دی زیرا معنای شریفی
هر کچسه که مراد ایلیه طاعت ایله باری تعالی به تقرب ایدر وتقرب

الى اللهى مراد ايمز الابرارى تعالى انك مشيت واراد تلر بن مراد ايلديكى
 وقتد هيدر يعنى مشيت عبد مفيد اولماز مادامكه مشيت الله تعلق ايميه
 ديمك اولوب غيلان قدرتى عبده حصر ايلدى (واشار بذي
 الجعد) وخالده جعدى ذبح ايله اشارت ايدن سن سين ظن ايلدم موسى
 اليه جعد بن درهمدر كه بنو حكيمك معتقى ودمشقه ساكن و آخر خلفاء
 بنى اميه اولان مروان بن محمدك استادى اولغله مزبور مروان الجعدى
 نسميه اولمشيدى روايت اخراجه جعدى مروانك لام برادري اولوب
 ابتدا دمشقه خلق قرآن كريمه جعد ذاهب اولوب قتل ايمك مراد
 ايلدكلرنده فرار وكوفه يه نازل وفرقه جهيميه منسوب اولديغى جهيم
 ابن صفواندن خلق قرآنه متعلقه اقوال باطله بي تعلم ايلشدر روايت
 اخراجه ابان بن سماندن اخذ ايلشدر وابان طالوت بن اعصم يهوديدن
 اخذ ايلدى ومزبور طالوت يهودى رسول الله صلى الله تعالى عليه
 وسلم حضر تلرينه سحر ايدن ملعون اولوب خلق قرآن كريمه ذاهب
 وزنديقى اولوب مذهب زنادقه ده ابتدائا لىف كتاب ايلين مزبور ومذهب
 باطل آشكار ايدن جعد بن درهمدر كه بركون بهلول مجلس جعد
 دخل اولوب باشك صاغ اولسون ديوب جعد كيم وفات ايلدى
 ديدى سورة اخلاص ديوب جعد بونه يعنى كلامدر يا بهلول ديدكه
 يا جعد اعتقاد باطل كده كلام قديم مخلوقدر وهر مخلوق ايچون هلاك
 مقرر دريدكه جعد دمسته وساكت اولدى وجعد ضلالت پيشه بو اعتقاد
 باطله اصرار ايدوب والى كوفه اولان خالد بن عبدالله القسرى برعيد
 اضحى ده منبره صعود وادى قوم جمله كز خانه لريكره منصرف
 واضحه لريكرى ذبح وتقرب الى الله ساعى اولك بارى تعالى جمله كرك
 قربانى قبول ايله بن دخی بوكون جعد بن درهمى اضحيه ونحر مراد
 ايلدم زيرا اول كافر ما كلم الله موسى تكليم ولا اتخذ الله ابراهيم خليل
 ديوتكلم ايد بور تعالى الله عما يقول الجعد علوا كبيرا ديوب منبردن
 نزول وجعدى كندى ايله ذبح وقتل ايليوب مذهب جعد احدين
 ابى داود ظهورينه دكين زائل ومضمحل اولمشدر وموسى اليه خالد

ابن عبدالله بن زيد اسيد القسرى البجلي در كه ولات بنى اميه دن اولوب
 وايد بن عبدالله ملك طرفندن والى عراقين اولوب مال فراوانه مالك
 وشوكت وقوت وكثرت اعوان وانصارى رسیده كوش هشام اولغله
 عراقين دن عزل ايلشدر وخالدك ابن هبيرة ايله مكيدات غريبه
 وحكايات عجيبه سى بسيار اولوب از جمله وقتا كه ابن هبيرة خالدك مجلسندن
 فرار وهشامك كهف امانه داخل اولدى خالدا بن هبيرة نك خذلان
 وادبارنه حيله فكر وكندى اسلرينك اعلا وكزیده سندن يوزاسب تازى
 انتخاب وابن هبيرة يه ارسال ايليوب اسباني ايصاله مأمور اولان اتباعه
 بو اسلرى هشامك اولديغى محله ايصال وهشام اسب سوارو برطرفه
 كشت وكذار ايدى جكى وقتد مترصد اولوب حين بروزنده اسباني ارء
 وكيمكدر ديواستعلام ايلد كده ابن هبيرة نكدر ديواعلام ايدك ديوتنبه
 وتوصيه ايلدى وهشام افراط ايله اسبه مائل ومحب اولديغندن ماعدا
 كندندن غريده اعلا وممتاز اسب بولنديغنه منفعل ومكدر اولوردى
 وهشامك بومشربى خالدك معلومى اولغله بود سببه مبادرت ايلشدى
 چونكه اتباع خالدمأمور اولدقلى امرى ادا ايلديلر هشام غايت
 غضبناك وبكا بوندن برتر خيانت اولز كه حالابنده موجود اوليان
 اسبانه ابن هبيرة مالك اولوب بكا تفوق ايلديك سندن نفرت ايلدم
 بو آن حضور يه احضار ايدك ديوا امر ايلد كده اول وقتد
 ابن هبيرة نظام وترتيب عسكروه مشغول بولنوب قصه دن خبردار
 اولدقده شتابان حضور هشامك كلوب مقام مأمور يتده ايستاده اولدى
 هشام دخى عتاب آميز يا ابن هبيرة بو اسلرندر ديوسؤال ابن هبيرة دخى
 خالد طرفندن مكر وخديعه اولديغى اتفرس ايدوب يا امير المؤمنين
 بو اسلرك هر بر بنى برطرفدن تدارك وجمع ايلدمكه امير المؤمنين
 غبرى بر كيمسه سوار اولمق مناسب اولما مغله خاكيا يكره ارسال ايمك
 اوزره ايكن اتفاقى مصادفه بيورمش سزامر بيورك اصطل ايل المؤمنين
 ربط و بند ايلسونلر ديواقلانه جواب داده اولدقده هشام منبسط اولوب
 اسباني ضبط ايلدى وصورت حكايه خالده منعكس اولوب سكوت ايله

معامله ایلدی و خالد عراقدن عزل او لنجه ابن هبیره خالددن بومقوله
نیجه زجت و مشقت چکوب هزار تعب ایله مکرنی دفع ایدردی
و خالد عراقدن عزل اولندقدن صکره شامده ساکن او اوب خلافت
ولید بن یزیدده یوزیکرمی الی سنه سی و فات ایلشدر مومی الیه خالد کرچه
سخنی و فصیح و کبیر السهم ایدی لکن دینده مارق یعنی خارجی ایدی
و مرق خروج معناسنه اولدیغندن هدفه تیر اصابت ایدوب جانب
آخره تجاوز و خروج ایلسه مرق السهم من الرمية مر و قادیر لر یعنی
جانب آخره خروج ایلدی دیمک اولور بناء علیه خوارجه مارقه
تسمیه اولندی حتی حدیث شریفده (یمرقون من الدین کما یمرق السهم
من الرمية) وارد اولشدر و خالدک جود و کرمه متعلق حکایاتدن
بری بودر که برکون ابن حبص بیص دیمکه معروف برشا عر مجلس
خالده داخل اولوب یا امیر سنی ایکی بیت ایله مدح ایلدمکه اون بیک
درهم جائزه به منعمشدر دیدکده خالد انشا دنه امر شا عر دخی *
قد کان آدم قبل حین وفاته * اوصاک و هو یجود بالحوباء * یبینه
ان ترعاهم فرعتهم * و کفیت آدم عیلة الابناء * ینلرینی
انشاد ایلدکده خالد شاعره اون بیک درهمی احسان و ضرب ایده لر
دیو امر ایلوب انشای ضرب سیاطده برشا عر که شعرینک قیمتی
یوز بیک درهم ایکن ییلمیوب اون بیک درهم طلب ایلیمه جزاسی
بودر دیوندا ایندر دیکه غیره عبرت اوله مال بیتین آدم علیه السلام
وفاتی وقتندن مقدم زیاده سرعت ایله تنفس ایلدیکی خالده اولادنی
حفظ و حرامت ایدمه سن دیوسکا و صیت ایلدی سندخی حفظ و حراست
ایدوب آدم اولملارینک فقر و احتیاجلرینی دفع ایتمده کافی اولوب
زمانکده احواللری رفاهیت اوزره اولدی دیمک اولور (و قتل بشار بن
رد) و بشار بن بیک قتل اولمسنه اشارت ایدن سنسن ظن ایلدم مومی
الیه بشار بن برد بن رجوح درکه دولت بنی امیه ده ظهور و دولت
عباسیه ده مهدی زمانسه دک معمر اولشدر و جدی برجوحی مهلب
طهارستاندن سی و استرقاق ایلشدر لکن بشار جدم عتقای بنی

متن

عقیدندردیو ادعا ایدردی و برکون مهدی حضورینه حاضر اولوب
مهدی یا بشار قنغی صنفدن سن دیو سؤال ایلدکده یا امیر المؤمنین
اسام عربی و اصل محمدی حتی شعر مدیه مذکور در دیوب ایات آیه بی
انشاد ایلدی * نبئت قوما بهم جنه * یقولون من ذا و کنت العلم *
الا یه السائلی جاهلا * لیعرفنی انا انف الکرم * نمت فی الکرام بنو
عامر * فروعی واصلی قریش العجم * ما لایات شول قوم که مجنون
اولوب بن مشهور و معروف ایکن بو کیمدر دیو بنی سؤال ایدر لر دی
بن اول قومه خبر و یروب ای جاهل اولدیغنی خالده بنی ییلمک مراد
ایدن قوم بن کرم صاحب لارینک رئیس و ابتداسیم و فروعم کرام اولان
بنی عامر ده نشو و نما بولوب اصل قریش عجمدر دیمکدر وجدینک
معتقدند متلون و کلماتی متخالفه اولوب کاه قبس ایله و کاه غیر ایله
افتخار ایدردی و بشار مرعت ایله ملقب اولوب سبی عالم صباوتنده
کوشنه قرطه آویخته اولوب رعاع قرطه اطلاق اولمغله مزبوره
مرعت دینلدی و بشار ما درزا دنا یینا اولوب باهلی کندوبی بریت
ایله هجو واکه اولما سنک سینی ذکر ایلشدری هر بار بشار هجو
باهلی بنی غایت اعجاب ایلشدر زرا هجج بوندن اقبح و اخش هجو
اولر دیردی و اول بیت بودر * و عبدی فقا عینک فی الرحم ابره *
جئت ولم تعلم لعینک فاقئا * مألای عیدم سن رحم مادر ده ایکن
ابره ایله چشمه نکی کور ایلشدر لکن سن دنیایه کلوب چشمه نکی
کیم فقی و اخراج ایلدی معلومک اولدی دیمک اولور و بشار اشیا بی
ینسا و صاحب بصر اولانلردن زیاده تشبیه ایدوب کور مش کی
دقایق و حقایقنه مطلع ایدی و سبی کندیدن سؤال اولندقدنه عدم نظر
زکاء قلبی قوی ایدر و اشیا بی کور مکله حاصل اولان شغل ذهن
ناپساده موجود اولمغله حس و تفرسی زیاده اولور دیو جواب داده
اولدی ابو عبیده دن شعر ده بشار ایله مروان بن ابی خفصه دن
قنقسنی ترجیح ایدر سن دیو سؤال اولندقدنه بشار دن برحکایه
منقولدر که کندیدن غیری برشاعره مسموع و مشاهد کلدر که اوز

ایکی بیک بیت انشاد ایلدیمکه مسلم ارباب شعر و دانش در دیوب کیفی بنیدن
 سو ال اولندقدن اون ایکی بیک قصیده م اولوب هر برقصیده ده اگر
 بریت جید و مقبول موجود دکل ایسه یاری تعالینک ایتنی اول قصیده له
 و قائلنه اولسون دیمش دیو جواب و بریدی بشارک مذهب زندقه
 ایلدیم متهم اولوب بشارک اشعارندن اولق اوزره جا حظک روایت
 ایلدیمکی بیت دخی زندیق اولسنه شاهد در و اول بیت بودر * الارض
 مظلمة والنار مشرقه * والنار معبوده مذکانت النار * و بیت مذکور
 رئیس المعتزله اولان واصل بن عطاء نک بشاری اکفار ایتسنه و سبیل
 و سر رشته اولشدر سعید بن مسلمدن مرویدر که بصره ده علم کلامه
 عالم و عارف الی کیمسه موجود ایدی که بری عمرو بن عبید و بری واصل
 بن عطاء و بری مزبور بشار اعمی و بری عبدالکریم بن ابی العوجا
 و بری صالح بن عبدالقدوس و بری جریر بن حازم الازدی اولوب هر بار
 از دینک منزله تجمع و مباحثه و مناظره ایدرلردی بعده واصل ایلدیم عمرو
 مذهب اعتزله ذاهب و عبدالکریم ایلدیم صالح ثنوی اولوب ازدی
 مذاهب هنود دن مذهب سمنیه یه ذاهب اولوب بشار متخیر و متردد
 قالدی روایت اخرا ده بشار دخی ثنوی و منکر آخرت اولدی و سمنیه
 ضم سین و فتح میم ایلدیم هندده عبده اصنامدن بفرقه اولوب تناسخه
 قائل و اخبار ایلدیم وقوع علمی منکر در احمد بن خلاد دن مرویدر که
 بروقتده بشار ایلدیم مکالمه و مباحثه ایدوب ذاهب اولدیغی مذهبک
 بطلاتی و الحاده میلای ابراد ایلدیم بشار بکا جواب اولق زعمیه
 معاینه و مشاهده ایلدیمکدن ماعداسی معلوم دکلدر دیوب میانمزد
 منازعات کثیره دن صکره انصافه میل ایدوب یا بابا مخلد ظنم بو در که
 بو ذاهب اولدیغی مذهب باطلدر لکن چاره ندر دیوب بو ایاتی انشاد
 ایلدی * طبع علی مافی غیر مخیر * هوای و او خیرت کنت المهدیا
 * اربد فلا عطي واعطی فلم ارد * و غیب هنی ان انال المغیبا * و صرف
 عن علمی و علمی مبصر * فامسی و ما عقبب الا التمجبا * ما ل معنای
 ایات بنده اولان مذهبده مجبول اولوب بویه خلق اولندم و هوای

بطلانه میلندم مخیر اولوب اختیارم ایلدیم اولسه مذهب و پاک اعتقاد
 اولوردم و مراد ایلدیمکیم اعطا اولمیبوب خلاف مرادم ویرلدی
 و مغیباته اطلاع یوقدر که سببی معلوم اوله و طریق هدایت علمدن
 صرف اولندی حال بو که علم راه سدادی مبصر و مشاهد در و کیمه
 ادبک بکا حاصل اولماز الا تعجب حاصل اولور که مذهبک بطلانه
 عالم ایکن نه حالدر که ینه و رطدن همچون خلاص ممکن اولماز
 دیمک اولور مازنی روایت ایدر که بر شخص بشاره اکل لحم مذهبک
 مخالف ایکن نیچون اکل ایدرسن دیو سوال ایلدیم بشار ثوری
 ظلمندن تخلص قطع نسل ایلدیم حاصل اولور بناء علیه کانه سعی ده اوورم
 دیو جواب داده اولدی و بو مقوله اقوال باطله سی سبیل مذهبک
 و زیری یعقوب بشارک قتل اولمسنه ظفر یاب اولشدر ابن نصر دن
 مرویدر که بشار بصره دن بغداد ده کلوب برقصیده رایه ایلدیم
 مهدی بی مدح و قصیده بی حضور مهدیده انشاد ایلدیم بقصیده
 مهدیک پسندیده سی اولوب بشاره قصیده ک مقبول خلیفه اولدی
 دیدیلر بشار دخی المناسک اولوب والله مهدی بی برقصیده ایلدیم مدح
 ایلشدمکه حالده رده موجود اولان آدمیلر دن بفرق دکلدر که
 بو قصیده یه ماصدق اوله چونکه شعرم کاذب ایدی امل و کام دخی
 کاذب اولندی قیاحت بنمدر دیدی بعده وزیر مهدی اولان یعقوب بن
 داودی برقصیده ایلدیم مدح ایدوب یعقوب دخی عدم التفات ایلدیم جائزه
 احسان ایلدیم بشار نیجه زمان جائزه یه مترقب اولوب بر کون
 یعقوب بشارک توقف ایلدیمکی محلمدن بر جانب راهی اولور کن بشار
 صوت اعلا ایلدیم طال النواء علی رسول المنزل یعنی خاندن توقف و اقامتم
 طول و دراز اولدی دیدکده یعقوب فاذا تشاء ایا معاذ فار حل یعنی
 یا ایا معاذ مراد ایدرسک اقامت ایتیموب بو آن مکان آخره رحلت ایلدیم
 دیو تجا هل عارف طریقه جواب و یروب بشار عطیه دن مأیوس
 و غضبناک اولوب مهدی و یعقوب بی بویتلر ایلدیم هجو ایلدی * بنی امیه
 هیو اطال نومکم * ان الخلفه یعقوب بن داود * ضاعت خلافتکم باقوم

فالتسو * خلیفه الله بین النای والعود * هب فحها ایلله او یخودن او یائق
معنا سنه اولوب مأل معنی ای بنی امیه خواب ونومکر طول و درازا ولدی
بیدار و مستقیظ اولک که بحقیق خلیفه یعقوب بن داود اولوب خلافت
نااهله تجاوز ایلدی و حلافتک ز ضایع اولدی خلیفه بی نای و عود
میاننده طلب و التماس ایدیکز یعنی هوا و هوسه مائل و مشغول اولوب
تدبیر مملکتی ترک ایلدی دیمک اولور بعده بشار یونس نحوی مجلسنه
واروب یابونس مجلسده خلیفه و یعقوبه متعلق احتراز اولنه جق
کچمه وارمیدر دیو سؤال یونس دخی بر فرد موجود دکلدر دیدکده
هجو مهدی و یعقوبی انشاد و بوسر یعقوبه تجاوز ایلدی و اول
وقته مهدی بصره ده بوانوب یعقوب قتل بشاره نیت و مهدی به
بشارک زندیق اولدیغی متعین اولدیغندن ماعدا امیر المؤمنینی هجو
ومذمت و اظهار خبت و ملعنیت ایلدی بوندنصکره ینه جزا سی
رتیب و عقوبتی تعقیب اولمز سه ملامت ناسدن رهانیجه ممکن اولور
دیو مهدی بی اغصاب اولدخی سر عسسان اولان ابن نهیکه ترتیب
جزا ایتمسنه امر ایلدی و اوقعه مهذینک بغداده راهی اولسی وقتنه
مصادفه ایتمکله ابن نهیک را کب اولدیغی سفینه به بشاری احضار
و بس ایدوب بطیحه به وصولارنده یعقوب تکرار بشاری مهدی به
غمز و خبائثی تذکیر مهدی دخی ابن نهیکه بشارک ضرب و ایچاعنی
امر ایلوب ابن نهیک بشاری صدر زورقه القاص ضرب شدید و مولم
ایله ضرب ایدر کن بشار الم و وجعندن حس دیردی و کلمه مز بوره بی
عرب الم و وجع وقتنده تکلم ایدر مثلا رومی متألم اولسه وای و اف
وهای مدد دیدیکی قبیلندند و اول وقتنده بشاره بر کیمسه حس دیه جککه
حد و سپاس ایله سک اولمازی لکن زندیق سک دید کده بشار
اول ربه الم و وجعندن مضطرب ایکن ظرافت شاعری اجرا
ایدوب اسکال ایلدیکیم ترید دکلدر که شکر ایدم دیو جواب داده
اولدی و ضرب تیش سو طه باغ اولدقده بشار مونه مشرف
وسفینه نک بر طرفه القا ایلدیله و نیجه زمان بی هوش بعده کندویه

کلوب نه اولدی ابو شمعق بنی صدر سفینه ده بو حال ایله ملقی مشاهده
ایدیدی زیرانیجه زمان مقدم بنی هجو ایلدیکی یتنده نه تکلم ایلدی
ایسه اول کونه ظهور ایلدی دیوب تسلیم روح ایلدی و اول بیت بودر
* ان بشار بن بردیس اعنی فی سفینه * یعنی تحقیق بشار بن برد سفینه به
ملقی برتیس اعنی در دیمک اولور شمعق طویل معناسنه محروان بن
محمد نامنده بر شاعرک لقبدر بعده لاشه بشاری نهره القاص آب جاری
بصره به کتوروب اهل و عیالی اخذ و دفن ایلدیله بشارک قتل اولنسی
یوز التمش سنه سنده اولوب سنی طقسانه بالغ و لمشدی ابن خلادین
مر ویدر که بشار قتل اولند قدنصکره مهدی بطلان مذهبنه مطلع
اولقی ایچون بصره به آدم ارسال و کتب و شایسنی تفتیش و تجسس
ایتدیروب بر طوماره ظفر یاب اولدیله که (بسم الله الرحمن الرحیم تحقیق
آل سلیمان بن علیک هجونی قصدا یلشدم لکن پیغمبر صلی الله تعالی
علیه وسلم حضرت ترینه قرابت و اندسا بنی تفکر و تذکر ایدوب رسول
الله صلی الله تعالی علیه وسلم حضرت ترینه اجلالا و توقیر اترک ایلدم)
دیو تحریر ایلش وقتنا که مهدی طوماری قرأت ایلدی قتلنه نادم و پشیمان
اولوب کریمه کان باری تعالی یعقوبک بلا سنی و برسونه کندویه هجو
ایلدیکنه بناء بشاری زندقه مذهبله متهم ایدوب بی جرم بزه قتل
ایتدردی کرچه نادم لکن بی هنگام ندامتدن نه فائده دیوب تا سف
ایلدی مومی الیه بشار لطیفه کو و مصنون پرور بر شاعر سخنور و لطائف
ومستظرفاتی بسیار اولوب از جمله هلال بن عطیه نک صدیق اولمغله
بر کون بر بریله ملاطفه و تمنازه ایدر لکن هلال یا بشار باری تعالی
بر قولنک چشماتی ازاله و اعدام ایلز آلا عوض و احسان ایدر سکا
بصره بدل نه شی احسان ایلدی دیدکده بشار عرض و طویل برشی
احسان ایلدی سن و امثالک اولان ثقلایی مشاهده ایده مزل دیوب
ویا هلال اگر قبول ایدر سک سکا نصیح و پند ایده یم دیدی هلال دخی
قبول ایدر دیدکده یا هلال سن مقدما سارق چار ایدک بعده نائب اولوب
رافضی اولدک رافضی سارق چار دن العن و اخشدر ایددی توبه بی

شکست ایدوب رفضدن فارغ وینه سارق چار اولز یراسکاسرقه چار
 رفضدن انفعدر دیوب تحجیل ایلدی و برکون بشارک مربع نشین اولدیغی
 موضعدن برقاج زن شوخ طبع مریورایدکن لطیفه قصیدله یا بشار بزل
 سنک دخترانک اولمش اولساق محظوظ و مسرور اولور میدک دیدکلرنده
 بشارای والله والدین انکسروی دیوب بو کلامی ایلله بشاری اکفارا یلمشدر
 زیرا مرادی سزل دخترم اولد یغکز دن مسرور اولد یغم کی دین
 کسرادن دخی مسرور اولورم دیمکدر دیدیلر و برکون بشار کر مابه یه
 کبروب قتیبه اولادندن بری جامده بولنوب بشارک آل قتیبه بی هجو
 ایلدیکی معلومی اولغله یا بشارا کر سنکیچون بی جامده ثابدن مجرد
 مشاهده یتک ممکن اولیدی * علی استاده ساداتهم کتب * موالی عامر و سم بنار
 * یتنده کذبکه مطلع اولوردک دیدکده بشارای کج فهم کشتی سادات
 و کرامتک استی دیدم سن ایسه آل قتیبه نک ادنی ووضیعلرندن من
 دیو تحجیل ایلدی ما ک معنای یت آل قتیبه نک بز رکوارلری استلرنده
 اتش ایلله تمغا اولنوب عامرک ازاد کرده لریدر دیو کتب اولتمشدر
 دیمک اولور و برکون بشار مجلس مهدیده انشاد شعرایدکن مهدینک
 اقر باسندن راجق و ژار خوی مجلس مهدی به داخل اولوب یا بشار
 صنعتک ندر دیو سوال ناجیا ایلدکده بشار اعمی اولانده علم و دانشدن
 ماعدا صنعت و پیشه سوالندن حفته مطلع اولوب در سفته ایتکدر
 دیوب ایهام قبیح مراد ایلوب مهدی وار باب مجلس خنده ایلدیله
 و مهدی یا بشار خالی تحجیل ایلدک دیوب بشار یا امیرالمؤمنین مجلس
 شریفکزه اعمی اولوب شعر انشاد ایدن کیمسه به صنعتندن سوال
 ایدن نادانک جوابی بویله اولور دیدی و برکون بر شخص ثقیل الروح
 بشارک زیارتنه کلوب فوق القدر جالس اولوب بشارا استغاثلندن شرطه
 ایلوب شخص ثقیل خطا ایلله اولدی ملاحظه سبله قولاق و پرمدی
 بعده بردخی ایلدکده شخص ثقیل ندر بوقباحث یا بشار دیوب بشار
 دخی ای کشتی استماعی بو خسه معاینه می ایلدک دیدی شخص
 مزبور دخی کوردم لکن صوت قبیح استماع ایلدم دیدکده بشار

معاینه ایتدکجه تصدیق و اعتماد ایلله دیدکد شخص ثقیل بیرون اولوب
 بشار ثقلندن تخلیص نفس ایلدی ابو عبیده دن مرویدر که حجاد
 عجزد مذهب زندقه ایلله متهم ایکن بشاری قبیح الخلقه اولق اوزره
 بو یتلرله هجو ایلشلایدی * والله ما لخر برنی ننه * بر بعه فی النین
 او خسه * بل وجهه احسن من وجهه * ونفسه افضل من نفسه *
 مأل معنی والله خنزیرک رایحه کریمه سی بشارک رایحه کریمه سنک
 ربی بلکه خسی دکلدر وروی خنزیر روی بشاردن خوبدر
 ونفسی بشارک ذاتندن احسندر دیمک اولوب بشاره بالغ اولدقده حیف
 اول زندیقده که صدر وقلبنده اولان قباحتی اظهار وتکلم ایلوب قرآن
 کریمی منکر اولدیغن آشکار یلمش دیدی نه وجهله دیو استعلام اولندقده
 باری تعالی جل شانہ (لقد خلقنا الانسان فی احسن تقویم) پیوردی
 اول خبیث بی هجو صورتیله قرآن کریمی منکر اولدیغن اعلان ایلدی
 دیو جوابداده اولدی و بو کلامی بشارک خبیث وخیانتنه حلال ایلدیله
 سری بن صباح نقل ایدر برکون بصره ده بشاره واردم بکا بن سزک
 دوستکزان اولان عجزدی هجو و تنکدر ایلدم دیدی بندخی نه کونه دیو استنطاق
 ایلدیگنده بو یتلری انشاد ایلدی * یا ابن نهیارأس علی ثقیل * واحتمال
 الرأسین خطب جلیل * فادع غیری عبادة ربین * فانی بو احد مشغول
 * یعنی ای ابن نهیا بکا بررأس ثقیل ایکن ایکی رأسی تحمل امر عظیمدر
 پس ایکی ربه عبادت ایتکه بندن غیر یلری دعوت ایلله زیر ابن بر ربه
 عبادت ایلله مشغولم دیوب زندیق اولمسنه اشارت ایلش بندخی یا بشار
 بو یتلر حجاد واصل اولمش لکن یت ثانی بی بویله روایت ایلوب *
 فادع غیری عبادة ربین * فانی عن واحد مشغول * روایت ایلدی
 دیدکده بشار بر مقدار سرق و برده اندیشه اولوب حجاد جرح و شتم
 ایلدی بعده ناس هجو حجاد نیجه در دیو سوال ایلدکلرنده اول
 هجو بنم دکلدر دیو دفع ایدردی زیراعن واحد مشغول ربک برینه
 دخی عبادت ایتیم دیمکدر و برکون بشار انشاد شعر ایدرکن مبالا تسز
 بی ادب و بی پروا کیمسه ایستاده اولوب یا بشار ستر عورت ایلدی بکلک

کبی شعر یکی ستر ایلستک مناسبت ایدی دیوب ^{فخجیل} ایلایوب بشار
 غضبندن عادت اوز ره دست برهم زد اولوب چپ و راستنه تو کوروب
 شخص معهودی هجوا یتک مراد یلیوب ای کشی سن نه کونه شخص سن
 دیو استعلام ایلد کده شخص مزبور قبیله باهله دغم و خا للرم
 سلولی و تزوجم قبیله عکدن اولوب منزل نهر بلال کنارنده در دید کده
 بشار خنده کنان ای کشی سن کنیدی بر رتبه ملامت و رسوای ایلد کده
 سنی هجوا یلسم یومر تبه عیو بکی تعداد ایدمه مزدم وار تعداد ایلدی بک
 قبا یحک ازاد کرده سی اول دیدی زیرا قبائل مزبوره نک اها لپی
 عند العرب مذموم و دنی در و پستندیده جا حظ اولان بشارک کلام
 حکمت آمیزی بونلدر * لقد عشت فی زمان فادرکت اقواما لو اختلف
 الدنیا ما تجملت الایهم وانی فی زمان ماری فیه عافلا حصینا
 ولا جواد اشرفا ولا جلیب ساظر یفا * ومن یساوی علی الخیرة رغیفا *
 یعنی تحقیق بن بر زمانده تعیش ایلوب براز قومه یتشدم که لباس دنیا
 کهنه اولوب تزیین و تجمل مراد ایلسه اول قوم ایله تجمل ایدردی
 و تحقیق شمدی بر زمانده یمکه محکم عاقل و شریف سخنی و ظریف ندیم
 و رغیفا خیره مساوی و معادل ایدر کیسه بی کورم دیمک اولور
 اصمعی نقل ایدر که بر کون بشار ایله مذاکره شعریه ایدوب یا بشار خلق
 سنک مشورتدن ایا و امتناعکه و منعی حقنه انشاد ایلدی بک * فلا
 تجعل الشوری علیک غضاضة * فان الخوافی قوة للقوادم * یتکه تعجب
 ایدر لر دیدم بشار دخی یا اباسعید مشورتده مستشار اولانه خطر وارد که
 اکر اصابت ایدر سه ثمره سیله صاحبی فائز و سود مند اولور لکن خطا
 ایدر سه مشورت اولنان امر مکر و هده فاعلی ایله مشارک اولمش اولور
 دیدی مال معنای بیت ای کیسه مشورتی کندو که ذل و رذالت قیلحه
 زیر آری و تدبیرک اکر اندک و صغیر ایلسه ده مرغک پرند اولان کوچک
 تو یلرده یلکله قوت اولدیغی کبی سنک تدبیر کده دخی قوت و اعانت
 اولوب مستشر متضرر اولد قده سکا غضاضت و ذل ایراث ایدر دیمک
 اولور و بر وقته بشارک بر فرزند و فات ایدوب دوستانی یا بشار بور

اجر در که سنی تقدم ایلدی و نعمت مدخره در که احراز و حفظ ایلدک
 دیو تسلیم ایلد کلرنده بشار بلکه بر ولد در که دفن ایلدم و یاوی
 قلمش ولد در که اخذ اولمده سنده عجله ایلدم و غیب و بتی وعده ایدوب
 منتظر اولمشدم اکر نقصان و عدمنه جزع ایتسم زیاده وجودنه فرحناک
 اولمازدم دیو جواب داده اولدی و بشارک قتلنه اشارت ایدن یعقوب
 بن داود بن طهمان سلمی در که کنیدی و برادر لری زمان منصورده
 تغلب و بغی ایدن ابراهیم بن عبدالله بن حسنک کاتب لری اولوب ابراهیم
 قتل اولند قده اختفا ایلوب مهدی من و کرم و جرملرینی عفو ایدوب
 عفو بت اختفادن رهایاب اولدیرو یعقوب و پرا درانی ادیب وزی
 ولیب و صاحب معرفت اولمغه مهدی به تقرب ایلشردی و مهدی
 مزبور ابراهیمک فرزند حسنی طالب و تجسس اوزره اولوب وجداندن
 مأیوس ایکن یعقوب حضور مهدی به حسنی احضاره تکفل و عاقبت
 اختفا ایلدی بکی مکانه خبر دار و مهدیدن جرمنی عفو ایتک
 رجاستنده اولوب اولدخی قبول ایلد کده مکة مکرمه ده حسنی مجلس
 مهدی به احضار حسن دخی من بعد اطاعت مهدیده بولمخی عهد
 و گفت ایلوب امین و آسوده اولدیرو و موتی الیه یعقوبک مهدی قنده
 وقع و اعتباری بر تر و بر وزیر صاحب فر اولوب کندویه وزیر اعظم
 نصب و زمام امور دولتی دست یعقوبه تسلیم و تفویض ایدوب صورتا
 خلیفه مهدی و حقیقته یعقوب اولوب مهدی ذوق و صفایه اشتغال
 و امور خلافتی بالکلیه ترک و اهمال ایلدی و بوند نصکره دنیا یعقوبه
 کمال مرتبه توجه و اقبال و شوکت و عظمتی آفاقه منشرو بین الناس
 صاحب دوات اولدیغی بی قیل و قال اولدی بر کون مهدی حره سراده
 کندویه مخصوص اولان بر قصرده جالس ایکن یعقوبی مجلسنه دعوت
 ایدوب یعقوب بر دوحه بی مثل و سطنده قصر مزینده مهدی بی تخت
 نشین و مقام خدمتده نور سیده سر و قد بر محبوبه کنیزک ایستاده مشاهده
 ایلدی که بستان قصر و کنیزکک مماثلتی فی العمر دیده و شنیده اولما مشدر
 کمال حیرتندن شاخص البصر و منجیر اولد قده مهدی یعقوبی نزدیک

سریره تقریب و نظام مجلسیدن استعلام ایلوب یعقوب باری تعالی
امیر المؤمنین ذوق و صفاسنی زیاده و مکنش و شوکتی بالاتر و درونی
غبار کدورتان سالم و مراستی آماده ایل سو نکه فی العمر بویله برستان
جنت آسا و قصر فرحفرز او دلارام بی بها مشاهده ایلدم دید کده
مهدی یا یعقوب بو قصر بساطینه و بوجاریه ثیابینه و جواهر ایل
سنگ او لسون کده د و لتمدیه نشاط و سرور کهمواره
متر اید اوله دیوب بستان و قصر و جاریه بی احسان و یعقوب تقیل
ارض و اعاده دعایی کندویه فرض یلوب ادا ایلد کده مهدی یا یعقوب
بنم دخی سندن بر رجام وار در دیوب یعقوب زمین بوس و مقام
مأمور یتده پابرجا اولد کده مهدی یا یعقوب سرمد دستکی وضع و حلف
ایله که تکلیف ایده حکم امریه مخالفه ایتیه جکیکه و ثوق حاصل اوله
دید ی و یعقوب دست بر سر سو کند ایدوب مهدی یا یعقوب اولاد
فاطمه دن فلان کپسه مادامکی حیاته در بنم ایچون خلافتدن
حلاوت و صفای درون و استراحت متصور دکدر اید ی بو غا ثله بی
بندن بر طرف و رقبه دولتی ملحق بالسلف ایله دید کده یعقوب خواه
ناخواه اتمام مصلحت نشیر ساق اهتمام ایلوب آل حسن و یعقوب ک
بو فعل قبیحه تجاسر و مبا در تندن متکدر و مستوحش اولوب یعقوب
و آل حسن زمام دولتی قبضه تصرفه ایلور لسه زمانلرنده کندویه امن
و تحریر اولیه جغن فهم و ادراک ایلوب بعد الیوم البته بو نلر خلافتده
اولوب بغض و حسد بر اجرا و مهدی به بنی غمز و نکبت و خذلانیه
سعی بلکه اهلاک و افنا ایتدر لر دیو کندوی مکر اعدادن محافظه
ایدر ملاحظه سبله اسحق بن فضل هاشمی به میل و النجا و اتحاد
و اتفاقه سعی و تعاضد دن ابتعا ایلدی و مومی الیه اسحق مهدی بی
مجلس منصور دن تخلص ایتکله دولت مهیدیه جلیل القدر و رفیع
المنزله و عظیم المقدره اولوب یعقوب بر وزیر صاحب مکت او امله
اسحق دخی میل و محبت عرض و بر برینه سرا امور لر بی انها و افاده
و تعاون و تناصرا ایدوب متفق الکام و متحد الضمیر اولد قلمی معلوم

کبیر و صغیر اولد کده آل حسن راه مکر و خدیعتیه سالک و یعقوب بدن
اخذ انتقامه متهم الک و فرصت بین اولوب بر کون مهدی به یعقوب
جمع بلادی قبضه تصرفه آلوب حکام و ولاتی کنندی طرفتدن
نصب و جله سبله اتفاق ایدوب سکا عصبیان و خلعه که دامن در میان
اولوب فرصت باب اولور سه اوزر یکه هجوم و اقدام و اسحق
بن فضلی سر بر خلافت اجلال الیه اتمام مرام و تحصیل کام ایتک
قصصنده در و اسحق الیه اتفاق و بورتیه دولتیه تسلط و انهماکی
دلیل عیان و قطعی بر همان درد یوغز و مهدی بی اخافه
ایلد ککر نده مهدی یعقوب بی بر مقدار زمان اهمال و بعض
امورده نخطئه و اتهام ایله وضع زندان ایدوب قتلنی امهار ل ایلوب
نیجه زمان محبوس و عاقبت نابینا و نیل دولتدن مأیوس اولوب هارون
الرشید سر بر آرای خلافت اولد کده یعقوب زنداندن آزاد و مجلسنه
احضار ایلد کده یعقوب خلع و جلوسدن بی خبر اولمغله السلام علیک
یا امیر المؤمنین المهدی دیو سلام داده اولدی هارون دخی بن مهدی
دکلم دیوب یعقوب یا هادی دیدی هادی دکلم دینجه یارشید دیوب
هارون یعقوب ک حال و خاطرن سؤال و تطیب و نوازش ایله خوش
حال ایلوب یعقوب هاروندن استیذان و مکه ده عملری طرفنه راهی
و بر مقدار وقت گذران ایدوب زمان هارون رشیدده جان شیرین
سیرده خدای بی انبازا ایلدی (وانک لوشئت خرق العادات و خالفت
المعهودات) خرق بر شیتی تد بیر سن قطع و افساد طریق ایله تغییر
معناسنه اولوب خلقک ضدیدر زیر خلق بر فعلدر که تقدیر ایله اوله
و خرق تقدیر سر اولوب باری تعالینک و خرق و الیه بنین و بنات قول
شریفی حکمرا بدلت علی سبیل الخرق ایله تفسیر اولوب ذکر اولسان
قیلیدن اولدیغنی یهود غزیر ابن الله و نصاری مسیح ابن الله و عرب
ملائکه بنات الله در دیوب کلا ملرینک حقیقتنه عالم دکالر ایکن
بلادیل تد بیر خرق و نر ویر ایلدی لر و بر فعلی احکام و تد بیر سن ایشلین
رجله خرق و مرأه به خرقا دیرلر و عادت نکیر فعله دینلوب اعاد ایلدیندن

ما خود در یعنی کلامی تکرار ایلدی دیمک اولور پس خرق عادت
متکرر و معتاد اولان فعلی تغییر معناسنه اولور و معهوداته مخالفت
دخی بوقبیلدن اولوب معهود معروف معناسنه در و معنای فقره لر
بیانه محتاج اولدیغندن ماعداد افراط و مبالغه بی مشتمل اولمغله ترك
اولندی زیرا خارق عاده اولان افعال اقلی اولیاء الله دن صادر اولور
(فا حلت البحار عذبة واعدت السلامة رطبة) احواله وحواله تغییر و تبدیل
معناسنه و بحار بحرك جمعی و عذب شیرین معناسنه و عود برشیدن
بر حالت منصرف و ذاهب بعده ینہ رجوع اتمک معناسنه و سلام
کسر سین ایله مطلقا بحر معناسنه اولوب (اکم للسر من السلام)
امثال دندرو و بعض قوم زعمنده سلم صلابتلی بر جردر که طوفان نوح
علیه السلام دن مقدم لین و ملا یم اولوب بعد الطوفان صلابت و خشونت
پیدا اتمک اوزره در پس رطبت مرادی ملا یمت و ملا یندرو بوفقره لاله
فقرات آتیه خرق عادات و مخالفت معهوداتی بیاندرو اسم بحر هر واسع
و آبی بسیار و مالح و نمکین اولانه اطلاق اولنوب کثرت و وسعتنه بناء
نهر شیرینه بحر اطلاق توسع و تغلیب طریق ایله در تکیم شمس و قره
قران و ابو بکر و عمره عمران دیرلر و عدد بحارده اختلاف اولنوب بعضیلری
یدی و بعضیلر بش و بعضیلر درت اولم سنه ذاهب اولوب اصح
اقوال یدی اولم سیدر که * و البحر یمده من بعده سبعة البحر مانفدت
کلمات الله ان الله عز و ج حکیم * آیت کریمه سبله استدلال اولنمشدرو بعض
علماء بحارک یدی اولمسی سموات یدی و ارضین یدی و انسان یدی
شیدن خلق اولنمسی که * و لقد خلقنا الانسان من سلاله من طین
ثم جعلناه نطفه فی قرار مکین ثم خلقنا النطفه علقه فخلقنا العلقه
مضغه فخلقنا المضغه عظاما فکسونا العظام لحما ثم انشأناه خلقا
آخر فتبارک الله احسن الخالقین * آیت کریمه سبله میبندرو رزق
یدی اولمسی که * فلینظر الانسان الى طعامه انا صبینا الماء صبا
ثم شققنا الارض شقا فانبتنا فیها حبا و عنباً و قصباً و زیتونا و نخلاً
و احشائاً غلبا و فاکهة و ابا * آیت کریمه سبله ین اولمغله مناسب و ملا یمدر

دیو ذکر ایدر و جغرافیا ده بحار مختلفه الاشکال و المقادیر اولمق اوزره
بیان اولنوب بعضی بر دوش اولنوب طبلسان تسمیه اولنان معلوم
شکلنده بعضی سناک ساحلی مساوی اولوب معوج راست و چیده
میلان اوزره اولوب استقامتدن دور دروا کثری مدور اشکل در و مجموع
بحار بحر محیطدن منشعب و مستعد اولمغله بحر محیط سائر بحارک
ماده سیدر و بحر محیطک ساحل و عمقی باری تعالی دن غیر کیسه
نیز حتی بحر محیط اوزر ینہ سم اخیمه مثال اولوب ماوراسی افریده نک
معلومی دکلدر و بحر محیطدن منشعب اولان بحارک بری بحر شرقیدر که
اقصای مغربدن اقصای صین و هنده منتهی اولوب بحر مزبور دن
ارض حبشه به متصل اولور ایکی خلیج منشعب بری دخی بحر
غربیدر که بحر ظلمات دخی دیرلر کبیر و غلبط الماء و کدورت اوزره اولوب
تموجی افراط ایله اولمغله سفاین جریان ایلزبری دخی بحر صین و بحر
صیفیدر که بحر محیطدن صکره بحر مزبور دن اوسع و اکبر بحر اولوب
کثیر الموج و عظیم الاضطراب و عمیق اولوب بحر فارس کی جزر و مدی
اولور بری دخی بحر هند در که کبیر و واسع کثیر الخیر و المنافع اولوب بحر محیطه
کیفیت اتصالی کیسه نک معلومی اولوب بحر مزبور دن ایکی بحر منشعب
اولور که بری بحر فارس و بری قلزم در و بحر فارس بحر اخضر دخی تسمیه
اولنوب مبارک و کثیر الخیر و هیجان و تموجی سائر بحار دن اندک و قلیل
اولوب بو بحر ده لؤلؤ سائر بحار دن اخراج اولنان لؤلؤ دن اجود و اعلا در
و بحر قلزم بحر هندک جانب جنوبی بلادر برو حبشه دن مرور ایدوب
جانب شرقی سنده بلاد عرب و شمالی سنده بلاد یمندن بلدان کثیره
موجوده در قلزم مذکور بحارک ساحلنده بر بلده نک اسمی اولوب فرعون
بحر قلزمده اغراق اولنمشد بری دخی بحر مغربدر که بحر شام و بحر
قسططنیه تسمیه اولور و بحر مذکورک نخر جی بحر محیطک جانب
شرقی سندن اولوب شمال اندلسه و بلاد افرنجیه مرور ایدوب قسططنیه به
واصل اولور و جنوب طرفده سلاویه سبتیه و ارنجیه و طرابلس
واسکندریه به بعده سواحل شام و انطاکیه طرفه مرور ایدر و بر بحر

دخی اولوب بحر جزر دیرلر که جهة شمالدن جرجان و طبرستان طرفلرینه
 مرور ایدوب بحر مزبورک ساحل شمالیسی بلاد جزر و ساحل غربیسی
 لار و جبال قبه در که باب الابوابه متصل و بلاد رومه و ارنجه متمد و جزر
 ایله دایرانی حاجز در و جنوبیسی جبل دیم اولوب واسع و سائر بحار دن
 منفصل و صعب العبور بر بحر در واصل و مبدأ بحارده اختلاف
 اولوب بعضیلر باری تعالی سموات و ارضینی خلق ایلدیکی کون
 بحاری اسطقسات اربعه دن خلق و ایجاد ایلدی دیدی و بعضیلر
 بقیه طوفان نوح علیه السلام در دیدی و بعضیلر ارض حرارت شمسدن
 خویکرده اولغله بحار حاصل اولدی دیدی و بعضیلر ارضک میاهیی اولوب
 مالخ و شوره اولان بحار اما کن منخفزه یه منحدرونازل اولان آب اولوب
 فی الاصل مجموع میاه تلخ و مالحدر بعده روی زمینه قریب محلا ره صعود
 ایلدیکه حلو و شیرین اولوب انهار عذبه و شیرین حاصل اولور دیدی
 (ونقلت غذا فصار اما سوزدت فی العناصر فکانت خسا) غذا اصلنده غدو
 اولوب و او ی بلا عوض حذف اولمشدر و حذف اولمیب اصل اوزره
 استعمالی جائز در نکه لبیدک بویتنده مذکور در * وما الناس
 الا کالدیار و اهلها * بها یوم حلوها و غدوا بلاقع * و بلقع شول خالی
 و خراب مکاندر که انده برنسنه اولمیه حتی * منزل بلقع و دار بلقع دیرلر
 و النین الفاجرة تذر الدیار بلاقع * یعنی یمین کاذبه خانه لری خراب
 ایدر دیو ضرب مثل ایدرلر * الیمین الغموس تدع الدیار بلاقع * دخی
 مثلدر و غدیوم آیتک اسمی اولوب امس یوم سابقک اسمیدر و التقاء
 ساکنین سببیه مکسور قیلنوب منیدر و امس معرفه اولدیغی حالده
 اختلاف اولوب اکثر قوم کسر اوزره منی اولسنه ذاهب و بعض معرب
 اولسنه ذهاب اولمشدر لکن الف والام داخل اولسه یا خود نکره
 فیلسنه یا خود مضاف اولسه بالاتفاق معرب اولور (مضی الامسی
 لمیک و مضی امسا و کل غذا صار اما سا * کبی و غد تصغیر اولمیدیغی کبی امس
 دخی تصغیر التماز و عناصر اصول خلق اولوب آب و آتش و هوا و خاکدر
 آتش و هوایک حرکتی علوه اولوب طبیعت آتش حاره و یابسه و طبیعت

هو احاره و رطبه در و آب و خاکک حرکتی سفله اولوب آبک طبیعتی
 بارده و رطبه و خاکک طبیعتی بارده و یابسه در و فیثا غورثک
 (والذی وهب لنا الینبوع الاربع) قوائده ینبوعدن
 مراد عناصر در دیر دیر معنای فقرات سن اسکر مراد ایدیدک
 قدرت جهتیه یا خود تسمیه جهتیه اشیا بی تقلب و نقل
 ایدوب خلق سکا اتباع ایدردی ظن ایلدم دیمک اولور (وانک
 المقول فیه کل الصید فی جوف الفرا) یعنی مثل مزبور سنک
 حق کده ضرب اولمشدر ظن ایلدم فقره مزبوره مثل اولوب موردی
 بودر که اوج نفر کیمسه صید و شکار ایچون صحرا یه بروز ایدوب
 بری عزال و بری خرکوش و بری فرایغی حار و حشی اصطیاد ایلدکده
 غزال و ارنب اصطیاد ایدنلر صیاد فرایه نائل اولدقلری صیدایله بشیر
 و افتخار ایلدکارنده صیاد فرامز بورلر فضلنی بیان قصیدیه * کل
 الصید فی جوف الفرا * دیوب کلامی مثل اولدی یعنی بنم ظفر یاب
 و مرزوق اولدیغی سرنک مرزوق اولدیغی مری مشتملدر زیر اناسک اصطیاد
 ایلدکلری چرنده ده حار و حشیدن بزرکتر و اعظم اولماز و ابن زیدونک
 مثل مروری اراددن غرضی سننده شول رنبه کمال و محاسن
 موجوده در که سائر لرنده اولان محاسن بوکه نظرایله برشی دکلدر
 دیمک درو بعضیلر فرابر وادینک اسمی اولوب وادی مزبوره ده چرنده کان
 بسیار و بشمار اولوب مثل مذکورده فرادن مراد اول وادیدر
 زعم ایلشدر لکن قوللری مردود در و شاعریک (بجوف الحمار و بجوف العیر
 قولی بوقبیلدن اولمیب جوفدن مرادی ارض عاد دن پروادیدر که
 طولی برکونلک و عرضی درت فرسخ و ثمار و آب و گیاهی بسیار اولغله
 حار بن مو یلع نامنده بر شخص مسلم وادی مذکوری حمایه و حفظ
 و قبیله سببه کندویه مسکن اتخاذ ایتکله جوف حار دیمکله معروف
 اولوب حارک اون بش نفر اولادی برکون اصطیاد قصیدیه وادی بی
 کشت و کذار ایدرکن بامر الله تعالی صاعقه نازل اولوب مجموعی اهلک

ایلدکده چار اولادی صاعقه ایله اهلک ایدنه عبادت اینم دیوب کفر
شدید ایله کافر اولدی وقومنی و بندگانی کفره دعوت ایدوب کفری قبول
ایتمایتری قتل ایتمکله امر خدا ایله اسفل وادیدن برآتش ظهور ووادیده
اولان ثمار و مزروعات وکیاه وخیابانی احراق وآنخوشکوارى افنا واعدام
وچار وقومنی اهلک ووادبی انسدن اخلا و تخریب و مقرجن ایدوب
عرب چار مذبور ایله کفرده ضرب مثل ایلدیلر و شاعر حارثه هجوئده
یویتی انشا ایلمشدر * الم تر ان حارثه بن بدر * یصلی و هو کافر
من چار * وچن برکیمسه زیاده کافر و ملعون اولسه اکفر من چار دینلور
ویرمکان زیاده خراب اولسه اخرج من خوف چار دیرلر و بروقتده
ابوسفیان ابن حرب رسول الله صلی الله علیه وسلم حضرت تیرینک زیاره
شریفه رینه کلوب مجلس سعادت تیرینه دخوله مأذون ایدوب رخصتیاب
ولمغله وافر زمان منتظر اولدی و سفیاندن ماعد ابرقاج کیمسه دخی رؤیت
دیدار شریفله مشرف اولغه انتظارده اولوب بعد زمان جله سی
معامأذن و شرف دیداری احرار ایلد کلرنده ابوسفیان هنوز مسلم
اولماغله یار رسول الله اطراف وادینک حجر لینه اذن اولدقده بکادخی
دحواله اذن و برلدی دیوب مرادی بن کبار قومدن ایکن صفار قوم
ایله توقف و محاسن شریفکه داخل اولدم دیمک اولوب پیغمبر
علیه السلام ابوسفیان اسلامه تألیف قصه دله یا ابوسفیان کل الصید
فی جوف الفراء پیور دیلر ابن عباس رضی الله عنهما روایی اوزره معناسی
یا ابوسفیان سنی حجب و توقیف ایلدیکمده سائر توقیف اولنانلر مضطرب
اولوب منسلی وقانع اولورلر دیمک اولور و مثل مذکور اقران و امثالنه
شرف و رتبه ده فائق و فاضلتر اولان کیمسه حقنده ضرب اولنور (ولیس الله
بمسئکر ان یجمع العالم فی واحد) یعنی باری تعالینک عالمی شی واحدده
جمع ایتمک قدرتی مسئکر دکدر و ابن زیدونک مرادی ابن عبدوسی قواده
بو مقدار اوصاف جلیله ایله وصف ایلدیکی مبالغه دکدر که باری تع جمیع
فضائل و محاسنی بر شخصده جمع ایلمک قادر اولدیغی انکار اولماز دیمکدر
بیت مذکور ابونواسک هاروان الرشیده خط اب ایله فضل ابن یحییای

مدح ایلدیکی اییات جله سندن اولوب ابونواسک اسمی حسن بن
عبد الاول بن صباح بن جراح الحامی درکه یوز فرق بش سنه سی
بصره ده تولد و کوفه یه راهی بعده بغداد دارالسلامه واصل و ابو
نواس ایله تکی ایلدی زیرا مزبور قطانه منسوب اولوب ملوک قطان
ذو رعین و ذونواس ایله مکنی اولملر یله مزبور دخی کتبه مزبوره بی اختیار
ایلدی روایت اخرا ده یوز اوتوز بش سنه سی اهوازده تولد و بصره ده
نشوونما یولوب ابوزید و اخلف اچردن تحصیل علوم و کالات و کتاب
سیبویه اشتغال و اشعار انشاد ایلدوب خلفا و امرایی قصائد ایله مدح
ایلمشدر و مومی الیه ابوزید سعد بن اوس بن ثابت بن زید انصار بدرکه
بصره ده ظهور و علم ادب و لغتده امام و صاحب نوادر و روایت حدیث
شریفه ثقاتدن اولوب برکون اصمعی حلقه درسنه داخل و ابوزیدک
رأسی تقبیل و مجلسنه حاضر اولوب یا ابازیدسن بزم رئیس و سیدمزنسن
دیوثنایلدی ثوریدن منقولدر که احفظ ناس اصمعی و اجمع ناس ابو عبیده
و اوثق ناس مزبور ابوزید اولوب ادیده مصنفات کثیره صاحبیدر
از جمله کتاب اللغات و کتاب النوادر مومی الیه کدر و عمری یوز سنه یه
قریب اولدقده بصره ده ایکی یوز بش سنه سی وفات ایلمشدر و مزبور
ابونواس قدماده امری القیس نه رتبه شاعر و سخنور ایسه متأخرینده
اول مرتبه خوشلهجه و دانشور و بلیغ اولوب عتایی اگر زمان جاهلیته
ظهور ایدنلردن اولمش اولسیدی شعرده ابونواس شعرایه تفوق و غلبه
ایدردی دیوثنایلمشدر و مومی الیه ابونصر یا خود ابوالقاسم احمد بن محمد
بن عمر العتاییدر که علامه و زاهد اولوب کتاب از یادات مؤلفاتند و خلق
کثیر مومی الیه دن اخذ علوم ایلمشدر از جمله شمس الاثمه الکر دری
امز بورك تلامذه سندن اولوب ایکی یوز الی سنه سی دار بقایه ارتحال
ایلمشدر و مرزبایدن ابونواس ایله رقاشینک قنقی اشعر در دیو سؤال
ولندقده ابونواسک نائم ایکن هذیان ایلدیکی اشعار رقاشینک هزار
کدوسی ایله انشاد ایلدیکی شعر دن اجود و حسندر دیو جواب داده اولدی
و ابونواس امین بن رشیدی قصائد نفیسه ایله مدح و انتساب ایدوب

ندیم بزمی و انیس و همدی اولغله برادری مامون بر خلیفه نک که جلیس
 و مصاحبی ابونواس کبی خلیع الغدار بر کستاخ اولوب مجامعه فسق و کفری
 مشتمل اشعار انشاد ایلله اول شخصک خلافت ایلله مناسبتی اولور می
 خلعی لازم دکلیدر دیو برادرنی تعییر و تشنع ایدردی فی الحقیقه
 ابونواس بی مبالات و بی تحاشی اولان شعرانک اشنع و الخشی اولوب ایکیوز
 سنه سی بغدادده وفات ایدنجه اوقاتی ترهات و فحشیات ایلله کذران
 ایلشدی و ابونواس معروف کرخی انتقال دار قرار ایلدیک کی کونده
 وفات ایدوب معروف حضر تلرینک جنازه سیله اوجیوز بیک آدم مجتمع
 اولوب ابونواسک جنازه سنه بر فرد حاضر اولوب معروفک صلاتی
 ادا ایلدکلرند نصر کر بر آدم یامعشر المسلمین ابونواس اهل اسلامدر
 صلاتی ادا و دفنه بر فرد حاضر اولدی دیدکده معروفه مجتمع اولان
 اوجیوز بیک مسلم ابونواسک دخی صلاتی ادا و دفن ایلدیلر بر کیمسه
 ابونواسی خوابده مشاهده و جانندن استعلام ایلدکده باری تعالی
 معروفک صلاتی ادا ایدنلرک صلاتی حرمتنه بنی مغفرت ایلدی دیو
 جواب و یرمش و انک مزارینه بوقطعه نقش اولنق اوزره وصیت ایدوب
 نقش و رسم اولمشدر * وعظمتک اجدات صمت * و نعمتک ازمنه
 خفت * یاذا المنی یاذا المنی * عیش ما بیدالک ثم مت * و ابونواسک
 مزاج و لطائف اولق اوزره کفره قریب نوادری بسیار در لکن ذکر
 و بیانی مستهجن اولغله نمونه اولق ایچون بری ذکر اولوب ما عدا سی
 ترک اولندی مرویدر که بر رافضی برسنی ایلله پیغمبر علیه السلامدن
 صکره افضل ناس اولانده منازعه و مخاصمه ایدوب ابونواسی حکیم
 نضب و زرافعه حاضر اولدکلرند ابونواس مزاج قصیدله بعد رسول الله
 افضل ناس یزید بن فضالدر دیدکده سنی و رافضی یزید کیمدر دیو
 استعمال ایدوب ابونواس یزید بر شخصدر که هر سنه بکا بیک درهم
 احساب ایدردی دیو جواب داده اولدی (و المعنی بقول ابی تمام و لوصورت
 نفسک لم تردها علی ما فیک من کرم الطباع) و ابونواسک اگر نفسکی
 تصویر ایلدک سنه اولان کرم طباع و خصال حمیده به صکره

و شرفدن برشی زیاده ایدمه مر سن دیمکدن مرادی سن سن ظن ایلدم
 و مومی الیه ابونعام حبیب بن اوس بن حارث طائی در که شاعر سخنور
 و بلیغ هنر آور اولدیغی اشعارندن نمایان و تألیف حاسه دن آشکار و عیاندر
 و حوران قراسندن جاسم نام قریه ده یوز طفسان سنه سی تولد
 و مصرده نشو و نما اولوب ایکیوز بیکرمی الی سنه سی موصلمده وفات
 ایلشدی و پدیری نصرانی اولوب ابونعام حارث سنه سی مصرده جامع
 ازهرده سقا بده مجالس ادبیه حاضر و جالس و اخذ و تعلمه مشغول
 و صاحب ذکا و فطنت اولغله زمان اندکتر بند، علم ادبی تعلم و شعری
 تحصیل ایدوب اقران و ائمه انده تفوق ایلله صبت و صداسی آفاقه منشور
 و معتصم خلیفه به فرط ذکاسی وجودت شعری خبری رسیده اولوب
 معتصم ابونعامی مشاهده به خواهش کر ابونعام دخی سر من رأی نام
 بلده ده مجلس معتصمه داخل اولوب قصائد نفیسه سنی عرض و معتصم
 بسندیده و زمانی شعراسنه تقدیم و ترجیح ایلدی علی بن جهمدن
 مرویدر که جامع بغدادده شعرا به مخصوص برقبه اولوب هر شاعر
 جمعه کونلری ادای صلاه جمعه دن صکره بر هفته انشا ایلدکری اشعاری
 انشاد ایچون اول قبه ده مجتمع اولوب شعرلرینی بر برینه عرض
 و انشاد ایدوب کیمی استحسن و کیمی تخطئه اولوب مباحثات شعریه
 اولتوردی بینه بر جمعه موضع معهوده شعر اجتماع و هر کس شعرنی انشاد
 ایدوب بعضی مقبول دانشوران و بعضی مدخول اولوردی و اول
 مجلسده عبل بن ابی الشیص و ابن ابی فتن حاضر اولوب صف تعالده
 زی اعرابده اشعار شعرا به ایقاع سمع ایلله ساکت و صامت بر شاب نورسیده
 جالس مشاهده ایلشدیم وقتی که هر کس انشاد شعر ایدوب سخنی
 رسیده انجم و مجلس قرین اختتام اولدی اول برنای اعراب ای قوم
 سخن شناس هر بریکز انشاد شعر و اظهار معارف ایدوب بن استماع
 ایلدم سزده بنم شعری کوش ایدر سکدن دخی انبان استعدادده اولان
 درر و فراید اشعاری سلاک ادایه نظم و تبیین و بنا کوش مستعانه جواهر
 کلماتی کوشواره و تزیین ایلیم دیدکده شعر انشادنه منتظر و کلامنه

چشم و گوش اولد قده برنای اعراب * خوالک عین نجوالک یاندل * و حتام
لاینقضى قولک الخطل * قصیده سنی انشاده اغازو * اتغایر الشعر فیه
اذ سهرت له * حتی ظننت قوافیه ستقتل * بیتنه واصل اولد قده دعبل
بن ابی الشیخ عادت عرب اوزره انکشت کوچکنی عقد ایلدی لکن بیت
مزبور پسندیده سی اولدیغندمی عقد انکشت ایلدی یوخسه قوافیه
لفظنده یابی اسکان ایلشدی اکه اعتراض قصیده می عقد ایلدی
معلوم دکدر لکن بو مقوله اسکان ضروره جائز در بعده برقصیده
غرادخی انشاد ایدوب منشی قصیده استعمال اولد قده ابوتمام حضار
مجلسه انشاد ایدوب دیو تفاخر کنان اعلام ایلدوب شعر انام و شانی
سؤال اولدخی ابوتمام طائی اولدیغی افاده و تعریف ایلد کده شعرا اعزاز
و صدر مجلسه ترفیع و توقیر و اگر امده مبالغه ایلدیلر و اول مجلسه
ابو تمامک حسن خلق و سیرت حیده وحدت زکا وجودت شعری جله
معارف شناسانی اعجاب ایلدوب شاباش ایلدیلر و ابوتمام التفات خلیفه
و اعتبار کبار دولت ایلد مالدار و منتظم الحال اولوب مسقط رأسی اولان
جاسم رجعت و لب جویده مزین خیمه و خرگاه وضع و بساط فاخره
ایله فرش و اظهار حشمت ایلد بر مقدار آرام ایلد کده زنان جاسم بدن
بر قاج زن سب و بردوش نهره کلوب ابوتمامی حشمت و عظمت ایلد خیمه
و قار مشاهده و ایچلرندن بری رفیقہ سند کوردکی قریه مزده تولد ایدن
دونکی کل اوغلا نجفی مال قوتیلد آدم اولدم ظن ایدوب امیرانه خیمه
تشین اولوب اظهار دبدبه و حشمت ایدد یور دیو تحقیر نی ابوتمام
استماع و کدرندن اول آن محمل بند و مطیه سوار و موصله واصل
اولوب وفات ایدنجہ اقامت و قرار ایلدی بختی بر وقتده سعید بن مسلم
طائی مجلسه داخل اولدم و سعیدک مدحند برقصیده انشاد نه اغاز
و اتمام ایلدیکمده مجلسه مجهول برکیمه بکاتوجه و عتاب آمیز کلمات
ایله شرم و حیال از بسکی شعری سرقت و انحال و حضور مده کندی
شعرک اولدی اوزره انشاد ایدرسن دیوب اثبات مدعی ایچون بدایت
قصیده دن نهایتنه وارنجہ بلاتلعم انشاد ایلد کده سعیدک لونی متغیر

اولوب بکا ای برادر او بله اولور باس یوقدر کرمنز امید یله ارتکاب
سرقه شعر ایلش سن دیدی و بن ملول و محزون و نجیل مجلسدن بیرون
اولوب بو شخص مفتی کیمدر دیوسو ال ایلدم ابوتمام دیدکری شاعر
بی همتادر دیو خبر و یردیلو و بن هزار شرم و حزن ایلد منزله توجه
ایلدیکمده قفا مدن بوا باندن بری رسیده و بنی مجلس سعیده ار جاع
ایلدوب ابوتمام خنده کنان بنی استقبال ایدوب ای برادر و الله قصیده
سنکدر لکن برقصیده که بر کره قرأت اولنه بن حفظ ایدرم و بنم ایچون موت
قریب اولدی کرکدرز بر قبا ئل عربده ظهور ایدن دهات و ازکیا دن
برکیمه معلوم و مسموعم اولدی که طول عمر ایلد معمر اوله چو نکه
بندد بورته فطنت و زکا وارد بر بن دخی معمر اولام دید کده بکا حیرت
کلوب یا اباتمام بن سکا فدا اولوب باری تعالی سنی طول عمر ایلد معمر
ایلسون دیدم وفات ایدنجہ صحبت و منادمتدن منفک اولدم دیو نقل
ایلدی مومی الیه بحترینک اسمی ولید بن عبید و ککنیه سی ابو عباده
و نسبتی طیدن ابوحی اولان بخت بن عبود عنبر بن سلمان اولمغه بختی
دیمکله معروف و شعره مجد و مشغول بر شاعر مشهور اولوب خلفا
و امرابی قصائد غرا ایلد مدح و رؤسا و کبار خدمت ایدوب ظهور
و اشتهاری ایکیوز الی ایکی سنده سی که مستعین زمانی اولوب کوفه ده
تولد و بغدادده التمش اوج یاشنده وفات ایدوب ایکیوز پیراهن و ایکی
یوز طبلسان و الی عمامه و یوز سراویل ترک ایلدی و مومی الیه اخبار
و اشعار عربیه عالم ایدی و ابوتمامک یارا نندن برکیمه برایکی ساغر باده
نوش ایلدیه مست و سرگردان اولوب خواب غلبه ایدردی برکون اول
کیمه بی بزمنه دعوت ایچون برتذکره تحریر ایلدیکه مثالی اگر بزده خفته
اولمغه خواهشگر ایسه کر تشریف ایدد سز دیدی و مومی الیهک
مرتب دیوانی اولوب اشعاری معلوم دانشوران اولمغه بو مختصرده
سرد اولمندی * والمراد بقول ابی الطیب ذکر الانام لنا فکان قصیده
کنف البدیع الفرد من ابیاتها * طیب متنبینک جمیع خلقک اوصاف
جمله سی بزه ذکر اولوب برقصیده اولد قده سن ابیات قصیده دن

فرد بدیع واکل اولدک یعنی بیت القصیده سنک اوصافی جیلکدن
عبارت اولدی دیمکدن مرادی سن سن ظن ایلدم بیت مذکور ابویوب
احمد بن عمرانی مدح ایلدیکی قصیده سندن اولوب مومی الیه متنبینک
ترجه سی مقدما ذکر و بیان اولمشدی (فکدمت علی غیر مکدم
واستسمنت ذاورم و نفخت فی غیر ضررم) کدم عض و کزیدن معناسنه
و مکدم موضع عض معناسنه اولوب بر کیمسه نائل اولسی ممکن اولیان امرک
خصوصانه جدوسی ایل مرانی موضعک غیری سنده طلب ایلسه اول
کیمسه حقنده بو مثل ضرب اولنور پس قواده تحصیل ممکن اولیان
امر سعی ایلدی دیمک اولور و سمن شخم معناسنه و سمن مهر و لک ضدی
واستسمنت سمن و تنومند عدایک معناسنه و ورم انتفاخ و عات سببیه
اعضا نک کبری معناسنه اولوب معنای فقره قواده نک سو فیهنی بیان
ایدوب منتفخ و معاول و مر یضی سمن ظن و هر یلدن طلب سمانت
ایلدی دیمک اولور و فقره مذکوره متنبینک * اعیذها نظرات منک
صادقه * ان تحسب الشخم فیم لجه ورم * بیت سندن مأخوذ در مال
معنای بیت لخی منتفخ اولان شخصک ورمی شخم ظن ایلکدن صادق
اولان نظر لریکی اعانه یعنی خطا ایدوب خلاف نفس الامر نظر دن
اعانه ایده رم دیمک اولور و ضررم ضرامک جعی اولوب محترق و مشتعل
اولغله مستعد اولان هیزم پاردل بدر معنای فقره قواده اشتعالی ممکن اولیان
شیئه تفخ ایلوب سعی صبت اوله جق محله معاصره ایلدی دیمک اولوب
فقره مزبوره عمرو بن معدی کرب * ولونارا نفخت بها اضائت *
ولکن انت تنفخ فی رماد * بیت سندن مأخوذ اولوب معناسی اگر سن آتسه
نفخ ایدیک مشتعل و ضیا دار اولور دیکن خاکستره نفخ ایدوب اشتعال
مراد ایلدک بناء علیه اثر و ثمره ترتب ایلدی دیمکدر (ولم یجد الريح مهزنا
ولا شفرة محزا) هر تحریریک شدید معناسنه در مثلاً ریح شدید و زیده
اولوب درختانی شدت ایله تحریریک ایلسه * اهترت الشجرة * دیرل
و شفره کار دوسکین معناسنه و جز قطع معناسنه و اصل مثل * لم اجد
لشفرتی محزا * اولوب مراد بیک حصول متعذر اولدیغن بیان وقتنده

متن

متن

استعمال

استعمال ایدر لر معنای فقرتین ابن عبدوسه خطاب ایدوب ارسال
ایلدیک قواده نک ریح کلامی تحریریک و میل ایدیره جک برشی بولامدی
و کار و سخنی ایله قطع و تأثیر ایده جک برشی بولامدی دیمک اولور
(بل رضیت من الغنیمه بالایاب) بلکه قواده مأمور اولدیغی خدمتی
ادا ایله افتامدن و از کجوب تخلص نفس و سلامت ایله رجوعی غنیمت
عد ایدوب کاراضیه اولدی فقره من بوره امری القیسک * وقد طوفت
فی الافاق حتی * رضیت من الغنیمه بالایاب * بیت سندن مأخوذ اولوب
بر کیمسه بر امرک تحصیلنه هوسکار اولغله نفسی تهلاکه به القا بعده
تخلص نفسی تجارت راجحه عدایسه مثل مزبور ضرب اولنور و مومی الیه
امرئ القیس بن حجر بن حرث اولوب بنی اکل المرادند و اکل المرارک
ترجه سی مقدما ذکر اولمشدی و امرئ القیسک مادری فاطمه بنت
ربیع بنو اوائلدن کلب و مهلهک خواهر یدر و مزبور حجر تهامه
و حیره ده تخت نشین اولان ملوک عربدن بر ملک اولوب بنی اسد
و غطفانندن دخی عشر و سائر تکالیف اخذ ایدردی و حجر امرئ القیس
شعرانشاد ایدردی و زدن طرد و ابعاد ایدوب بهض دشمنی حجر اوزرینه
هجوم و قتل ایلدک لکنده مقدما سمول فقره سنده تفصیل اولمشدیغی
وجه اوزره امرئ القیس پدری ثارنی طلب و استمداد ایچون قیصر رومه
لاحق و طریقه مسموما وفات ایدوب پدر بیک ملکی اضلال ایلدیکنه
بناء ملک ضلیل و زهر دن وجودنده قروح پیدا اولغله ذوالقروح تسمیه
ایلدیله و شعرده امام متقدمین اولدیغی متفق علیه در (وتمنت الرجوع
بخفی حنین) و بلکه قواده اولان زن خفی حنین ایله عودتی تنی ایلدی
حنین مزبوره اختلاف اولوب بعضیلر حنین بنو اسد دن بن هاشم
بن عبد مناف اولمق اوزره ادعا ایدوب ایکی خف احرا ایله عبدالمطلب
حضورنده یا اباهر و بن اسد بن هاشم دیدکده عبدالمطلب بن سنده
علام و ثیاب بنی اسد دن برشی مشاهده ایلدم دیوب حنین انتسابدن
محروم و خفین احمر بن ایله خائب رجعت ایلدکده قول مذکور مثل اولوب
بر کیمسه مطلب سندن خائب رجوع ایلسه * رجع بخفی حنین * دیو ضرب

متن

متن

و ایراد اولنور و بعضیلر حنین اهلای حیره دن بر کفشکر اولوب بر اعرابی
حنیندن بر چفت خف اشترایتمک مراد ایدوب بازار ایدمه مد کرده حنین
غبط و اعراییدن اخذ انتقام قصد یله خفیندن برینی بر درخته تعلیق
واو یخته ایلوب کینکا هده اعرایینک تماشا سنه د یده دوز اولوب اعرابی
درخته تک خفی مشاهده و خف حنینه غایت مشایه بر خفدر اکر چفت
اولادی اخذنه تکلف ایدردم دیوب برمه دار قطع طریق ایلدکده
سر راهنده خف دیگری دخی مشاهده واشتردن نازل و بر درخته ربط
و خفی اخذ و شجره ده آویزه اولان خف دیگری اخذ عودت ایلدکده
حنین کیندن بروز و اعرایینک شترنی اخذ و فرار و اعرابی خفی حنین
ایله قبیله سنه رجعت ایلوب قول مذکور مثل اولدی و بعضیلر حنین
یهودی اولوب بر مسلمه زن خرسوار و بر جانبه راهی اولور کن حنین
مراه نک حمارنی چوب ایله ضرب و حمار پرتاب ایدوب زنی زمینه انداخته
و غلطان و چاری کشادوروی آشکار اولوب یهودینک پوشناعت
و فضا حتی عمر بن الخطاب رضی الله عنه حضرت تلرینه تحریر و اعلام
اولندقدن عمر رضی الله عنه بظا ثفته یهود ایله بومعا مله نک اوزرینه
مصالحه اولدق پس اول یهودی قلاده ذمتی کرد نندن خلع و ازاله
ایطش زنده ایکن صلب اولنسون دیو کتب و تحریر یوروب بردار
ایلد ککرنده خنینک زنی شوهرنی دارده مشا هده و سن
شمدن صکره بوداردن مراد اولدجه نازل اولما سن خفک اقتضاسی یوقدر
دیوب حنینک خفلرینی اخذ ایدوب بر طرفه توجه ایلدکده ناس * انقلاب
بخفی حنین * دیوب مثل اولدی (لانی قلت لقد ذل من باله علیه
الثعالب) فقره مزبوره * ارب یبول الثعلبان برأسه * لقد ذل من باله
علیه الثعالب * بیتندن مصراع ثانی اولوب غاوی بن عبد العزی بنوا
سلمک پرسنش ایلدکلی صمک خادمی و بتکده نک حافظی ایکن برکون
ایکی روه بتکده به توجه و عبادت ایلدکلی صمک تقرب و سرینه
شاشیده و تبول ایلدکده غاوی بیت مذکوری انشاد و بنوا سلمیه ای
قوم کراه یورب انخاز ایلدیکز صنم والله نافع وضار و مانع و معطی

دکدر دیوب بی کسر و شکست و فرار رسول الله صلی الله علیه و سلم
حضرت تلرینک بوس خاک پای ایله تحصیل شرف ایدوب رسول اکرم صلی الله
علیه وسلم حضرت تلری اسمنی سؤال یور دقلرنده غاوی بن عبد العزی در
دیدکده سنک اسمک راشدن عبدربه اولسون دیوار شادی یوروب شرف
اسلام ایله مشرف اولدی معنای بیت مذکور هیچ رب اولانک سرینه روه لر
تبول ایدرمی ایتمز تحقیق شول کچمه ذلیل و حقیر در که انک اوزرینه
رو بهمان تبول ایدمه دیمک اولوب فقره مزبوره نک معناسی یوقدر
منفهم اولور * و انشدت علی انها الایام قد صرن کلها عجایب حتی
لبس فیها عجایب * بیت مذبور ابونامک غالب سعدی مرثیه ایلدیکلی
ایاتندن اولوب ابن زیدونک مرادی وقتا که بن قواده به بر کچمه نک که
ثعالب سرینه تبول ایله یعنی اول رتبه حقیر و ذلیل اوله بنم و صلمته
نیجه طالب و راغب اولور دیدم و کمال تعجبمدن بیت مذکوری انشاد
ایلدم دیمک اولوب مأل معنای بیت ایامک مجموعی اعجاب ایدر اولوب
کنندورده امور معجبه قالمدی یعنی ایام معجبه به ظرف اولور کن یورته
حدنا شناسلق ایلمک ایامک نفسنی عجیب و غریب ایلدی دیمک اولور
* و نخرت و کفرت و عبست و بمرت * نخر انقدن شدت ایله خمره ج
ایدن نفس اولوب مافی الدار نخر خانه نک خلوندن کنایه اولنوب
تنفس ایدر فرد یوقدر معناسنه مثلدن و نخر اکثر یا غضب و قشده اولور
و کفر لغتده ستر معناسنه اولوب ایله کافر دیرل ظلمتله اشایی ساتر
اولدو غنیدن و نعمتی انکار ایدن کچمه به ساتر نعمت اولد یغیه بناء کافر
دیرل و بوضو رنده کفر شکرک ضدی اولوب پس کفر انکار نعمت
معناسنه اولمغه مطلقا انکار وجود معناسنه استعمال اولنوب وحدانیت
باری تعالی بی و انیدی و سائر احکام شریعت محمدیه بی انکار ایدن
کافر اولوب ضد الایمان معناسنه اولور و هر فعل مدح و محمود ایماندن
عدا اولندیغی کی هر فعل قبیح و مذموم کفردن عدا اولنور و کاهجه غضب
انسان مشدد اولوب فعل مذمومی اتیان ایدوب اول فعله کفر اطلاق
اولنور و برشیدن تبری دخی کفر ایله تعبیر اولندیغی (و یوم القیمه بکفر
بعضکم بعضا) آیه کریمه سندن مستفاد در پس ان زیدونک مرادی

سنگ بو کستا خلع کردن غضبناک اولوب شدت و عنف ایله تنفس و سکا
جواب ضمننده هزل و دشنام ایلیوب نفسی سندن تبری ایلدم دیمک
اولور و تعبس اظهار عبوس یعنی چین چین ایله معامله در که خصمه
طعن ایده جک برسوز تدارک ایده مبوب اضطرار بندن نه تکلم ایده جک
بله مکدن نشأت ایدر و یوم عبوس یوم شدید معناه سینه در و بسر
بر شبتک اواندن مقدم حصوله استعجال و مرانی وقتندن مقدم
طلب معناسنه اولوب خرمانک خامنه بسر دیرل و نظم کریمده (عبس
و بسر) اظهار العبوس قبل اوانه ایله تفسیر اولمشدر یعنی قوادیه
تعبس و ترتیب جزاسنی استعجال ایلدم دیمک اولور (و ابدات واعدت
و ابرقت و اعدت) فی الاصل برق سحابک لمعانی و رعد صوتی اولوب
بو محله تهدید و وعیددن کنایه در حتی فلان ارعد و برق و رعد و برق
دیسه لر حدت و شدت ایله اظهار غضب ایلدی دیمک مراد ایدرلر
یس ابن زیدون ترتیب جزا و تکذیره شروع و تکرار و اظهار غضب
ایلدم دیمک مراد ایدر * و (هممت ولم افعل و کدت و لیتنی * تقدیر کلام
هممت بقتل هذه المرأة اولوب حذف مذکور جا زدر زیر بعض کلام
بقیه محذوفه دلالت ایدر تنکم کلام قدیمده * ولو ان قرآناسیرت
به الجبال او قطعت به الارض او کلم به الموتی بل لله الامر جمیعاً *
آیه کریمه سنده لوک جوابی محذوف اولوب تقدیری لکان هذا القرآن
اولدی و بو حذف کلام عربده شایع اولوب حر و فده دخی
مستعملدر که درس المنا دیوب منازلدن ایکی حرف حذف ایدرلر
و ورق الحماد یوب جامدن میخی حذف ایدرلر و فقره آیه ذکر اولسان
تقدیر ده دلالت ایدوب معناسی بو مرأة قواده بی قتل ایتمک قصد ایلدم
ینه قتل ایلدم و قتل ایتمک قریب اولمشدم نه اولیدی قتل مانع اولمیدی که
مانع فقره آیه ده میبندر و فقره متقدمه ضای بن حرث ابن اوطاة
بر جیمینک اشعارند بر مصر اعدرو مذکور ضای بن کثیر الاتباع و و فیر الشعر
و صید و شکاره معتاد بر بدوی اولوب بر بی جرم صبی بی اسبیه جیکندوب
قتل ایلده کده و لیلری عثمان بن عفان رضی الله عنه حضرت تلرینه

من

من

تشکی

تشکی حضرت عثمان دخی مواخذة ایلیوب ضای ضعیف بصره ابتلا سیله
اعتذار ایلد کده حضرت عثمان تأدیب ایچون ضای بی حبس
و بر مقدار زمان مرورنده حبسدن اطلاق اولوب بعده ضای بی نهشلدن
اصطیاد ایچون بر کلب استعاره ایدوب کلبک صا حی استرداد مراد
ایلد کده روایتیوب تکرار الحاح و طلب ایتملر اینه بناء نهشلی مادر لری
کلب اولقی اوزره اتهام ایدوب بوا بیات ایله هجو ایلدی * و امکم
لا ترکوها و کلبکم * فان عقوب الامهات کبیر * اذا اکتفت
من آخر الدلیل شخصی * یظل له فوق الفراش هدیر * عقوب والده بی
رنجیده ایتمک معناسنه و اکتشاف احاطه معناسنه و هدیر صوت
معناسنه و بنو نهشل هجو ندن منکدر اولوب عثمان حضرت تلرینه تشکی
ایلده کلرنده حضرت عثمان بر کلب ایچون بر قومی هجو نهصدی
و مبادرت قباحت عظیمه در د یو ضای بی تکرار حبس بیوردیلر و نیجه
وقته نصکره حضرت عثمان محبوسلری تفتیش ایچون محبوسه واروب
ضای بی تیغ آتشبار آماده و حضرت عثمانی علی الغفله قتل ایتمک
مترصد اولدیغی مشاهده ایلد کارنده تیغی اخذ و ضای بی ضرب
وزند انده مرد اولنجی ترک وابقا ایدوب محبوس اولدیغی انشاده
حضرت عثمانی قتل ایده مبوب مانع ظهور ایلد یکنه تأسفنی مشعر
چندین آیات انشاد ایدوب بری * هممت ولم افعل و کدت و لیتنی *
ترکت علی عثمان تبکی حلالله * یتیدر و عثمان رضی الله عنه حضرت تلری
شهید اولد قده ضای بنک فرزند ی عمیر خبیث جسد شریفلرین
لکد کوب اولوب مبارک اضلاعندن بر ضلعنی کسر و شکست ایلدی
و حجاج عمیری کوفه ده قتل ایلمشدر (ولولا ان للجوار ذمة و للضیافة
حرمة لکان الجواب فی قذال الدمستق) یعنی اگر قواده مک منزله دخول
و بنله مؤاکله سببیه حاصل اولان ذمت و حرمت اولمیدی سیف
الدوله نک دمستقه ایلد یکنی قواده یه ایلدم دیمک اولور مزبور
دمستق بن نودس اعور بر بطریقدر که ملک روم اشکر بی پایانه
سمهسا لار تعیین و سیف الدوله ابن جدان اوزرینه ارسال و سمند

من

قريب بر محله سيف الدوله ايله محاربه و عاقبت سيف الدوله نصرت
 قرين دمستق منهنم و لشكري پریشان اولوب قيصروم سيف
 الدوله دن استپان و مسالمة به بيك جان ايله راغب اولديغنى ناطق نامه
 ارسال سيف الدوله دخى مساعده ايدوب متنبى سيف الدوله بى بر قصيده
 غرا ايله مدح و صورت محاربه و طلب مصالحه بى قصيده ده ذكر ايلدى
 و بوفقره لر قصيده معهوده دن بر ييتك معناسى اولوب مال معنای بيت
 سن دمستق هزم و پریشان ايلوب ملك روم دمستقك قفا سنده سنك
 اثار سيفكى و دمستقك ذل و هزيمتنى مشاهده و سنك شجاعت و صولاتكى
 قرأت ايلوب مصالحه به رغبت ايلدى ديمك اولور و اول بيت بودر
 * و كنت اذا كاتبتك قبل هذه * كتبت اليه في قدال الدمستق *
 بر روا يتده دمستق هر سر عسكر اولان بطريقه لقب اولوب مزبوره
 مخصوص اسم دكل در * و النعل حاضرة ان عادت العقب والعقوبة ممكنة
 ان اصرا المذنب * يعنى قواده يته كلور سه نعلين حاضر در ضرب ايدرم
 و كاهكار ذنبه اصرا ايدرسه اجرا ايلد يكم عقوبتى اجرا ايتك ممكندر
 فقره اولى مثل اولوب عقوبت اولنه جق شخص بعيد اولسه ضرب
 اولور فقره ثابته دخى مثل اولوب بر قبا حته مصر اولمق احتمالى
 اولان شخص حقه ضربه اولور و فقره اولى شعراى هاشميين دن
 فصيح و بايع فضل بن عباسك عقرب نامنده بر تاجر حقه ده
 انشا ايلدى بى ايتادن بر ييتك حلى مشتمل اولوب بيت بودر * ان عادت
 العقب عد نالها * و كانت النعل لها حاضره * مومى اليه فضل وليد
 بن عبد الملك خلافتنده وفات ايلشدر جاحظ نقل ايدر كه بر كون فضل
 ايله اولاد جعفر دن پرى بالاي سطح خانه ده شرب خرايدوب جعفر
 سرمست اولد قنده بن جنده ابن طيارم ديوب سطح دن
 كند و بى زمينه القا و مجروح اولوب فضل ديواره صاريلوب
 بن دوزخنده ابن مفضو ضم ديوب لطيفه ايلدى * و هيهها
 لم تلاحظك بعين كلبه عن عيوبك ملئها حبيباً حس
 فيها من تود * مال معناسن فرض ايله كه مراد و اصفه سنى

متن

متن

فضائل و محاسن ايله توصيف ايلد كده عيو بى سازه اولان عين ايله
 نظر ايلدى لكن سن كنديكى مشاهده ايد رسن منظر ك قبيح و كربه
 دكله بيدر بوند نصكره وصاله نيجه راغب و طالب اولور سن ديمك
 اولور فقره مزبوره ايسات ثلثه دن ما خود اولوب بيت اول
 هاشميك * و عين الرضا عن كل هيب كلبه * ولكن عين السخط
 تبدي المساويا * ييتدر يعنى رضا و محبت هر عيو مشاهده دن ضعيفه
 و بورلمش اولوب چشم عداوت و بغض عيو و دما يمي اظهار
 و آشكارايدوب و محبت و عداوته محل چشم اولغله * لحظ اصدق
 من لفظ * مثل اولشدر يعنى ارحب و بغض چشمده ظاهر اولوب
 اسانده معمول اولور مومى اليه هاشمى عبدالله بن معاويه بن عبدالله
 بن جعفر بن ابى طالبدر كه بنو هاشمك فصحا و اسخيا و اجوادندن بر شاعر
 سخنور و آخرايام بنى اميه ده خلافتنه مترب و ذكرى مشهور اولوب زندقه
 ايله نام آور اولان قوم ايله كثر صحنه بناء زنديق اولمق اوزره متهم
 ايلدى مدا بنى نقل ايدر كه مومى اليه عبدالله بن معاويه عبدالله بن عمر
 بن عبد العزيز كرم و عنايتى اميديله زيارتنه كلوب كوفه ده شرقى
 بن شيب بن ربيعك دخترنى تزوج و بر مقيد ارزمان اقامد نصكره
 وقعه مشهوره ظهور نده عبدالله بن معاويه بى اهل كوفه بنى اميه
 اوزر يته اخراج ايلدى يلى روايت اخرايه مزبورك خروجى بريد بن وليد
 زماننده اولوب آل محمد عليه السلام دن شريف رضادن بيعته خلقى
 دعوت ايلدى روايت اخرايه كندى نفسندن بيعته دعوت و صوف
 لا بس و سخا و عدل اظهار ايدوب كوفه دن بر مقدار قوم اجابت
 و بيعت ايلدى لکن اكثر اهل بلده اطاعت ايتدوب بزر دن سكا
 انقياد ايدر يوقدر زير اقمده ماسزلردن بيعت ايدنلرك مجوعى
 طعمه شمشير اولدى ايمدى سكا منقاد اولانلرله بلده مزده اقامت
 ايتدوب فارس جانبده توجه و مملكت فارسى ضبط ايله ديوب جواب
 داده اولدقلر نده عبدالله هاشمى نواحى كوفه دن اشكر فراوان جمع
 و بصره و كوفه بى ضبط و همدان و رى و قم و اصفهانه هجوم و تغلب

ایدوب اصفهانده سریر آرای حکومت اولدی و کوفه ده بیعت ایدنلرک
 بزکوارى محارب بن موسی السکری او اوب اصفهانده تخت نشین اولدقدن
 صکره عدل و داد و سماحت ایله خلقی کندویه میل ایندیروب مجموع
 قوم اصفهان بیعت ایدوب فرمان بری اولوب امصارو بلدانه مکاتیب
 ارسال و اهالی لرینی بیعتیه دعوت و برادرلرینی کرمان و شیرازه والی نصب
 و تعیین و اهالی امصار امثال ایدوب بنو هاشمدن سفاح و منصور و عبسی
 بن علی و برمقدار بنی امیه و وجوه قریش کلوب عبدالله بن معاویه دن
 بیعت ایدوب امارت و ولایت طلب ایدنلره برناحیه توجیه و کرم
 و صلح امیدنده اولانلره مال ایله اکرام ایلدی فی الحقیقه عبدالله حسن
 الخلق و کرم و سخاده عذیم النظیر ایدی حتی ابن هرم نقل ایدرکه برکون
 عبدالله بن معاویه نک زیارتنه واروب کثرت ناسدن سراینده دخول
 امر عسیر اولغله هزار مشقت ایله داخل و خدمه دن سبب ازدحامی
 استفسار ایلدم بوکون ارباب دیوانه کرم و بذل مال ایلدیکی ایامدر
 دیو افاده ایلدی بعده مجلسنه کوروب زیارتکزه بیوقت کلمشم دیدکده
 سکا کوره دکلدر بریت مناسب انشاد ایله دیدکده هر ارشرم ایله
 * ترى الخیر یجری فی اسره وجهه * کلا لا ت فی السیف بهجه رونق *
 یتنی انشاد ایلدی کیده بکاشول مرتبه مال احسان ایلدیکه فی العمر
 اول مقدار ماله مالک اولماشدم مال معنای بیت خیر خطوط وجهنده
 جریان ایدر مشاهده ایدرسن شمشیرک صیقل و صفوتدن تلاء او
 و لغاتی کی دیمک اولور و موی الیه عبدالله بن معاویه تغلباضبط ایلدیکی
 بلدانده بر مقدار وقت اجرای عدل و داد ایدوب خلافت مروان بن
 محمد الجعدی به انتقال ایلدکده عامر بن ضباعه بنی عسکر بنی پایان ایله
 مقاتله عبدالله هاشمی به تعیین و ارسال ایدوب عبدالله توجیه دشمندن
 خبر دار و عسکرینه خروج و مقاتله ایله امر ایلدکده عسکر عدم
 اطاعت اظهار و محاربه دن امتناع لرله عبدالله اصفهانده اقامت ایدمه میوب
 برادرلر یله خراسانه خوف ایله راهی و اول وقتده ابو مسلم ظهور و خروج
 ایتمکله ابو مسلمدن استعانت و استمداد ایلدکده ابو مسلم عبدالله بن معاویه بنی

زندانه وضع و محافظ لر تعیین ایلوب عبدالله تخلیص نفس ایدرم زنجیله
 محافظلره ای قوم دنباده اهالی خراساندن احق و بی شعور قوم
 مشاهده ایلد مکله ابو مسلم کی برادنا شخصه برشیده مرا جعتندن
 و سؤالدن مقدم اطاعت و انقیاد ایلدیله و الله ملائکه کرام امر آدمده
 باری تعالی به (انجعل فیها من یفسد فیها و یسفک الدماء) دیو
 مراجعت ایلوب باری جل شانہ (انی اعلم ما لا تعلمون) ایله خطاب
 پیور دی دیوب ایقاظ فتنه مراد ایلدی و ابو مسلم خبردار اولوب
 عبدالله تضرع و تشدید ایلوب عبدالله اضطراب مضایقه دن
 خلاص اولمق امید ایله بر مکتوب ارسال ایلدیکه * من الاسیر فی یدیه
 بغیر خلاف علیه * ایله معنون او اوب مقصوده شروع ایلدکده * اما
 بعد فانک مستودع و دائع و مولی ضایع وان الودایع مرعیه و الضایع
 عاریه فاذا کر الخلاص و اطلب القصاص فانک لاق ما اسلفت و غیر لاق
 ما خلفت و ففک الله لما ینجیک و الهکم شکر ما خولک * عبارتیه افاده مرام
 و توبیخ ایله ابو مسلمی الزام ایتمک قصد ایلدکده ابو مسلم غضبناک
 و متکدر و قتل و اهلاکنه متفکر ایکن بو مقوله تحریرینه متالم اولوب
 مکتوبی خرق و الفا ایدوب محبوس اولدیغی حالده حق ناشناس اولوب
 فتنه و فساد ساعی اولان شخص خلاص و آزاد اولسه بی ریب ایقاظ
 فتنه ایدر دیوب طعام مسموم ارسال عبدالله دخی اکرام ظنی ایله تناول
 ایدوب هلاک اولدقدن سرقطوعنی مروانه ارسال ایلدی و بیت
 ثانی مجنونک * اهابک اجلا لا و ما بک قدرة * علی و لکن ملی عینی حبیبها
 یتیدر مال معنا محبوبه سنه خطاب ایدوب سکا اجلال و توقیرم سببیه
 سندن خوف ایدرم حال بوکه بکا برشی ایتمکله قادر دکل سن لیکن
 چشم محبوبه سیله تمتع و منتفع اولغله مهابت و خشیت عارض اولور
 موی الیه مجنون بنی عامر بن صعصعه دن قیس بن ملوح بن مزاحم
 درکه شاعر و فاضل و سخنور بر مرد عاقل و مجنون ایلی دیمکله معروف
 او اوب فی الحقیقه مجنون دکل ایکن معشوقه سی لی مجنون اولمق
 اوزره تشهیر ایلشدرو مدت عمری بادیه ده گذران و آخر دولت بنی امیه ده

وفات ایلشدن این داب نقل ایدر که بنی عامر دن بر کچسه یه اشعار
مجنوندن بر مقدار شعر روایت ایدر مپسن دیدم اول شخص اشعار عقلا
وار ایکن شعر مجنون روایت اولنورمی و مجنون دنیاده بی شمار در دید کده
مجنوندن هر آدم بنی عامر دن لیلی یه دل داده و عشقندن هلاک اولان
مجنوندر دیدم شخص معهود دخی بنی عامر قوی القلب و غلیظ الا کباد
اولمغله درد عشقه مبتلا اولمازلرا کثیرا عاشق و مبتلا اولانلر یملردر که
قلبلری ضعیف و عقللری خفیفدر و قبیلله تزار بو قبیلدن دکلدر دیو
جواب داده اولدی کویا عشق مذموم اولمق اعتقاد یله کندیلردن دفع
ایلدی اصمعی ذکر ایدر که حق کلام بودر که بنو عامر دن اشعار و وجد
و عشق مجنونه مخصوص و مزبورده ختم اولوب قیس مجنون اولوب
عشق کندوده بر اوته احداث ایلشدی و دل داده اولدیغی دختر کنندی
قبیلله سندن لیلی بنت سعد اولوب ایکبسی دخی نار سیده طفل ایکن
کندی مواشیلرینی رعی ایدر کن الفت و بر برینه علاقه و محبت ایدوب
کیچمه لر فکر و خیال ایلله و کوندزلر دیدار و صحبت ایلله نائل وصال و نیجه
زمان بو صورت ایلله ارقانگذار اولوب وقتا که قیس نو جوان و برنا و لیلی چشم
جهان سوز ایلله صاحب قدبالا اولدی چشم مجنون دیدار ایلیدن محجوب
و مواصلتلری مفارقتیه مبدل اولوب بو بیتلری انشاد ایلشدر * تعشقت
لیلی و هی ذات ذوائبه * ولم یبدللا تراب من ثدیه * صغیرین زعی
البهم یالیت اننا * الی الان لم نکبر ولم تکبر البهم * ذوائبه زاف معناسنه
اراب هم سن و اقرا ن معناسنه و ثدی بستان معناسنه و حجیم یو مری
جشه معناسنه و بهم بیه نك جعی او اوب کوسفند بره معناسنه در
این عماره مری بر وقتیه ارض بنی عامر ده مجنونه ملاقی اولمق قصد یله
خر کاهلرینه واروب بر پیره ملاقی و مجنوندن سوال ایلدی یکمده پیر بن مجنونک
پدری و یونلر برادرلریدر و قیس جمله سندن اعقل و صاحب کمال بر شاعر
بی بدل ایدی قبیلله مزدن طمع و هوس اولمیه جق بر زنه عاشق و سری
اشکار و فاش و دخترک پدری متکدر و قیس ترویحیدن معرض اولوب
بر زشت و عریه تزویج ایلد کده قیس فرط عشقندن و حوشه ملحق

و مسکئی بوادی اولدی و قیسک لیلی یه دلر بوده اولدیغی اشکارا اولسنه
ابتدا سبب بر کون خر کاهمهزه علی الغفله برقاج مهمان کلوب مجبئلری بی
هنکام اولمغله طعام ایلده جک برشی تدارک ایلده میوب قیسله لیلینک پدری
سعدیه بندن سلام و محبی مسافری اعلام و ما حاضر هر نه ایسه بو کاسه
ایله طرفه ارسال ایلسنی التماس ایلله دیوب قیس سعدیه بیرون خر کاهدن
تبلیغ سلام و افاده مرام ایلوب سعد لیلی یه شوطلومده کی سمندن کاسه
قیسی ابریز ایلله دیوب لیلی زق سمنی اخذ و بیرون خیمه ده بر برینه ملاقی
و هر بری بی شعور و لیلی کاسه بی املا ایدر کن عرض محبت و اشتیاقه آغاز
و کفت و کوی و محادثه لری طول و دراز اولوب کاسه لبر یز و سرشار روزمینه
ریزان حتی پاری سمنده مستنقع اولدی و بویکی محنت زده فرقت ابتلادن
مدهوش و حیران اولمغله سیلان سمندن بی خبر و توقفلری حددن گذار
ایدوب پدر لیلی حاله واقف اولمغیچون شکاف خیمه دن نکران و روغنی
سیلوش روان و بر برینه نگاه عاشقانه نظر انداز و عرض تحسیر طاقته کدار
ایلد کلرین معاینه و لیلی یه دشنام و مخاشنه و من بعد لیلایی قیسدن سترو اخفا
ایدوب نقاب کشیده روی شاهد مقصود قیس اولوب بر خر طبع و سخن نافهم
عریه تزویج ایلد کده قیس آشفته و لیلی بی بخت فرصتیاب اولدیه اوزاقدن
طرف چشم ایلد نگاه و عاشقانه معامله ایلله ناله و آه ایدر اولمشلر کن روز کار
بدکار بوکا دخی مسا عد اولوب بر کون شوهر لیلی واقف و لیلایی
بروزدن منع ایدوب قیس دیدار ایلیدن کلیت ایلله محروم اولدقده هجر
و فرقتیه طاقت کتوره میوب دیوانه و تارک دیار و اغیار و ساکن بادیه
و البیف و حوش بی هوش و کیهان سیرا کل و تعیش و انسا ندن منقطع
واقربا سندن متنفر و متوحش اولدی دیو نقل ایلدی و بنو عامر دن قیسک
آشنا نندن بری قیسی آرزو و بادیه پیا اولوب قیسی پشته ریک اوزرنده
جالس و انکشتیلله ریکه رسم خطوط ایدر مشا هده ایلوب استعمال
حال ایچون توجه و نزدیک و مکالمه قصد نده اولدیغیمده بندن تنفر
و فرار ایلدی بن دخی کنندیمه تألیف ایتیک ایچون بر مقدار اعراض
و بر طرفه جالس اولدیغیمده قیس دخی قرار و اصابعی ایلله رسم خطوطه

آغاز و بن تأییس همچون شاعر شویتی نه کوزل انشاد ایلشدردیوب * وانی
 لمفن دمع عینی بالبا * حذر اللدی قدکان او هوکا ئن * یتنی انشاد
 ایلد یکمده قیس اول رتبه کریه وزاری ایلدیکه ریک بیا باند جریان
 ایلدی بعده بن اول شاهرم دیوب * وادیتنی حتی اذاماملکتی
 * بقول یحل العصم سهل الاباطح * نجافیت عنی حبث لالی حبله * و خلفت
 ما خلفت بین الجوانح * یتلر بنی انشاد ایلرکن برغزال پرتا و ایلدکده
 قیس غزاله متابعت و شتاب ایلله بر طرفه راهی اولدقده بن دخی در پی
 و سه روز جست وجو و سنکسار بر محله قیسی مشاهده ایدوب نزدیک
 اولدقده وفات ایتمش بولدم بعده قبیله سنی اکاه ایدوب اقر باسی
 جسدنی کتوروب بنو جعه و بنو الحریشک صغیر و کبیر و برنا و پیر
 و رجال و نسائی غری و فریاد و نوحه و محاسنی یاد اید رک غسل و دفن
 ایلدیلر دیونقل ایلدی اباطح اوفق طاشلو مسیل واسع معناسنه اولوب جمعی
 اباطح در و نجافیت تباعدت معناسنه و جوانح صدری ولی ایدن تائب
 تحتده اولان ضلعلر در و پشته ریک قوم تبه معناسنه اولوب خامه
 ریک دخی دید کلری آصفینک بویتندن فهم اولنور * خامه های
 ریک رامرگان مجنون خارشد * اشتران موج راخار و خس دریابس
 ست * اشتر دریا موج ایتدکده موجلرینه اطلاق اولندیغی دخی یت
 مزبور دن منفهمدر و حریش بنی عامردن بر قبیله در می ویدر که
 ملوک عربدن برینه بنو عامردن قیس نامنده بر پرنای دانشمند و شاعر
 سخن سنج عاقل و کامل کیمسه لیلی نامنده بر دخترک عاشق و اشفته سی
 اولوب عاقبت ترک عقل و عار و بوا دیده و حوش ایلله ایتلاف و قرار
 ایلش دیونقل ایلدکلرنده پادشاه مجنونی مجلسنه احضار و ملا متکلمان
 سنده پورته فضل و دانش موجود ایکن بر زنه ابتلا ایلله بومر تبه
 بریشان حال و حیران بی مجال اولوب بنی نوکی ترک و وحشیلرله الفت
 و صحبت ایلکم ندن اقتضا ایلدی دیو استطاق ایلدکده قیس
 * کاش انا که عیب من جوید * رویت ای داستان بدیدندی * ناجای
 ترخ در نظرت * بخیر دستهار بدیدی * و رب صدیق لانی فی و دادها

* الم برها یوما فتوضح لی عذری * یعنی اول کیمسه لر که بنم عیبی
 طاب ایلر نه او ایلدی ای داستان سنک رویکی مشاهده اید لر دی که
 سنک مواجهه کده ترخ برینه بی خبر اولوب دستلرینی بریده و قطع
 اید لر دی و نیجه دوست بنی لیلینک محبتله اوم و آزار ایلر عجب الیلی
 برکون کور مدعی تا کیم عذری ایضاح و اظهار ایلله دیدکده پادشاه
 جمال الیلی مشاهده و قیس بورتبه دل ر بوده و پریشان اولسنه تحملی
 وارمیدر دیو مطلع اولق ارزو سنده اولوب احضارینه امر و اطراف
 و اکشافه آدم لار سال و جست وجو و الیلی مجلس شاهه احضار ایلد کلرنده
 پادشاه لیلینک شکل و شمائلنه نظر ایدوب سیاه فام و ضعیف اندام
 بر دختر بی احتشام و حرمسرای پادشاه ده زروز پوره مستغرق حسن
 و جمال ایلله ممتاز هزار کنیزکان اولغله لیلی نظر شاهه حقیر و حسن
 و جمال دن بی بهره کلوب مجنون پادشاهک لیلایی تحقیرنه مطلع اولوب
 ای ملک لیلی به چشمان مجنون ایلله نظر انداز اولمایدر که جمالینک
 حقیقت و سرینه واقف اولنه دیوب بوقطعه بی انشاد و سمع یا بانه
 راهی اولدی * ترا بر در من رجت نیاید * رفیق من یکی همدر د باید
 * که با او قصه میگویم شب و روز * دوهیزم را بهم خوشتر بود سوز *
 بیت ثالث این ر بعه نک * ولقد قالت لجات لها * وتعت ذات بوم
 تنبر * اکما یذعنی ببصرتی * عمر کن الله ام لا یقتصد * فتضا حکن
 وقد قلن لها * حسن فی کل عین من تود * تعری تبایدن تجرد معناسنه
 و ابتزاد ماء بارد ایلله اغسال معناسنه و اقتضا و اعتدال معناسنه در
 و بعض نسخده فتضا حکن بدلی فتها مسن واقع اولوب فلسدی
 معناسنه در معنای بیت ثالث زنان خنده ایدوب یا فلسده شوب محبوبه مه
 محبت و علاقه اولنان شخص فی الحقیقه کریه المنظر و قبح الوجه
 ایسه ده هر دل داده نک چشمنده خو برو و حسندار اولور دیرلر پراکشینک
 محبت ایلدیکه نه رتبه زشت رو اولور سه ده ینه چشم عاشقده خو برو
 اولور * و حسن فی کل عین من تود * مصراعی مثل اولوب تودک فاعلی
 تحتده عینه راجع اولان ضمیر در مثل مذکور حبک الشئ یعنی و بصم

مثلنه قریبدر وموی الیه عمر بن عبداللہ بن ابی ربیعہ المخزومی القریشی
 وابوالخطاب ایله مکنی برشاعر ظریف زنیست اولغله مجموع اشعاری
 زنان وصفنده غزلیات اولوب رجال حقنده انشاد شعر ایلمشدر حتی
 سلیمان بن عبدالملک بزلی نیچون قصائد ایله مدح الیزسن دیواستنطاق
 ایلدکده مدح رجاله طبعهم منساق دگلدر دیدی وابن ابی ربیعہ به کلنجہ
 جمیع قبائل عرب قبیلہ قریش هروجهله بزلردن شریف وعالی رتبه در
 الاشعرده چله مز قریشہ غالب وفائق دبرل دی وقتا که ابن ابی ربیعہ
 ظهور ایلدی هرکس شعرینی پسند وتخصین ایلدی وموی الیه ابن ابی
 ربیعہ حضرت عمر بن الخطاب رضی الله عنه شهید اولدیغی کیچہ
 تولد وزنیستلکدن نائب اولدقدنصره سنی سکسنی منجاوز ایکن وفات
 ایلدی وزنان ایله کثرت معاشرتندن وانلرحقنده تغزلندن کنا به
 ایدوب احباسبی ای حق رفع وای باطل وضع دبرل دی یعنی نه کونا
 حق رفع ایتدی ونه کونا باطل وضع ایتدی دیمک اولور روایت اخراده
 قرق یا شنه وارنجہ عمری ارتکاب مناهی ایله کذر وسکسانه وارنجہ
 قرق سنه عمری عبادت وتقوی ایله هرور ایلمشدر رحمة الله تعالی
 علیه حرمی روایت ایدر که مزبور عمر بن ابی ربیعہ عبداللہ بن امیه
 الاصغرک دختری ثریا به دلدا ده اولوب ثریا کرما وقتنده طائفده تنزه
 واسایش ایتکله عمر هر سحر مکة مکرمه دن بیرون وسر راه حجازده توقف
 وطائفدن میوه کتورنلردن حوادث طائفی استنخبار ومعشوقه سندن
 استفسار ایدوب منسلی اولوردی ینه برکون برحسب طائفیلرک برندن
 استعلام وطائفی ثریا به دلر بوده اولوب استعلامی مجرد معشوقه سندن
 خبردار اولق ایچون اولدیغن بیلوب یا عمر طائفده ظهوراندن برشی
 یوقدر هرکس ذوق وصفایه مشغولدر لکن اشتراک بمنزه فواکه کونا کون
 تحمیل وبوطرفه عزم زحیل ایلدی کمزده معبره نزدیک برمز لده غری
 وفریاد وناله و داد صداسی آسمانه پیوسته اولوردی باعث کریه دن
 سوال اولاندقده نجوم سما دن برنجیم نام ایله نامدار بردختر ایچوندر دیو
 خبرو یردیله لکن اسم کوکب خاطرمدن کیتدی دیدکده عمر دیگرکون

حال اولوب ثریا می دبدیلر دنیجه میوه فروش بلی ثریا ایش خاطریمه
 کلدی دیدی وعمر مقدما ثریانک انحراف مزاجنی استماع ایلحسسه
 بناء علیه قریب میوه فروشه فریفته اولوب اول آناسب سوار
 وطائفک اقرب طرفی سنکبار وصعب المرور اولان کداد یتکلمه معروف
 راه کوه جابنده عطف عنان وهزار تعب ومشقتله شتابان واصل کوی
 جاتان اولوب ثریا بی قصر نشین وعافیت قرین بولدقده هزار بار شا کر
 وما جرایی نقل ایلدکده ریاضنده کنان بن اول میوه فروشه سنک
 سلامت وصحتکدن خبردار اولسنی سپارش ایلشدم الحق مرد صاحب
 اذعان ایش که خبر عافیتکه نگران ایکن بزده سنی ارمغان ایش دیوب
 خیر مقدم ایله نواز شکار وعمره مشقت راهی اونتدرمق ایچون بزم نشاط
 بخش ترتیب وذوق وصفایه اشتغال ایله وقتکدن ازار اولدیله
 مرویدر که ثریا عمره بوشب سنک زیارتکی آرزو ایلدم منتظر
 مقدم اول دیو وعد عمردخی قدوم ثریا به دیده دوز انتظار ایکن
 حسب الاقتضا جره سندن بیرون اولوب عمرک برادری حارث
 خفته ایکن ثریا کلوب تاریکی شبدہ عمر ظنبیله فراش حارثه
 کیردب وراغوش ایلدکده حارث ثریا بیلبوب ای فاسقه
 بن فاسق دیکلم دیدکده ثریا غلطندن اکاه وشر مسار رجعت
 ایلوب بعدہ عمر کلوب حارث عمره عتاب و ثریانک کند وی
 دراغوش ایلدیکنی نقل ایلدکده عمر حارثی مؤاخذه کنان نیچون
 ایقاد قندیل ایلدک مشعوقه نک تن ناز کترینی سنک کی
 تاتراش حریفک جسم خشینیه خراشیده اولمشدر دیدکده حارث
 ایکیکیزک دخی الله جزاسنی ویرسون * الصيد لمن اخذ * ایله معامله
 ایلدیکمه ثنا ایتیبوب اذا وتکدیر دعوی ایدردیدی وبروقتده
 عید الملک بن مروان مجلسنه کثیر عزه وجیل وعمر بن ابی ربیعہ
 حاضر اولوب عید الملک اسرج ورخت ایله مزینه برناقہ بی عدیل
 احضار ایدوب شعرای مزبورونه هر قنقیکز بیت جید انشاد ایدرسکز
 یونا قه بی اکا احسان ایدرم دیدکده جیل * ولوان راقی الموت یرقی

جنارتي * بمنطقها في الناطقين حيت * بيتي انشاد ايدوب كثير * وسعي
الى بعيب عزة نسوة * جعل الاله خد ودهن نعالها * بيتي انشاد ايدوب
عمر بن ابي ربيعة * فليت الثريافي المنام ضجيعتي * لدى الجنة الخضراء وفي
جهنم * بيتي انشاد ايلد كده عبد الملك يا صاحب جهنم ناقهيه مستحق
اولدك دايوب احسان ايلدي * وكانت انما حلتك بحلاك وو سمتك
بسمك ولم تعرك شهادة ولا تكلفت لك زيادة * وكانت قولي وهبها
قولنه معطوف در وحلي كان زينت معناسنه اولان حلي دن مأ خود
اولوب شول اوصاف معناسنه در كه انكاه بر كپسه تو صيف اولنه
وسما علامت معناسنه اولوب نظم كرميده * من الملائكة مسومين
علامت اولمق اوزره تفسير اولمشدر وعبر بر كپسه اوزرينه شئ مكره
ادخال ايتك معناسنه اولوب * فلان يعرقومه * يعني فلان قومنه مكره
ادخال وشررمي ايدر ديرلر وشهادة بر شئه علم واول شئي اقرار معناسنه در
مال فقرات وسن فرض ايله كه ارسال ايلديكك قواده سني نفس الامر ده
متصف اولديكك اوصاف ايله توصيف وعلامت ونشانكاه
علامت ايلوب شهادتنده سكا امر مكره ادخال وزياده ومبالغه ايتده
تكلف ايلدي ديمك اولور * بل صدقت سن بكرها فبما ذكرته عنك *
بكر بانك قحقي وكافك سكونيله دوه نك جوان اولتسه ديرلر يعني
قواده شهادتنده سكا ادخال مكره ايلمدى بلکه اوصاف جيله ايله توصيف
ايلوب بن سني مشاهده ايلديكمده سنده اولان محاسن قواده بي
تصديق ايلدي فرض ايله ديمك در فقره مزبوره مثل اولوب بر كلامك
صدقتي بر دليل تا يدايلسه * صدقت سن بكره * ديوب ضرب مثل اولور
اصلي بودر كه بر عرب هنوز تحصيل باره سز ابر كنج شترى بيعه عرض
وبر شخص اشتراسنه رغبت ايدوب عرب شترك فح يا شنده در
دبوسوال عرب دخي جواندرو هنوز سني فلان مقدار در ديوب شترى
استانته نظر ايتك مرادو شتر كردنكشلك ايلد كده صاحبي اهدع
هدع دنجه منقاد اولوب بولفظ ايله مسكته شتره امر ايتك شترانك
جوانانه مخصوص اولديغي شترينك معلومي وشتره مهود متاثر اولديغي

متن

متن

مشاهدي

مشاهدي اولدقده * صدقتي سن بكره اي عرفني سن بكره * ديوب
مثل اولدي يعني نفسنده اولاني صاحبي بكا خبر ووردى ديمك اولور
ولفظ سن مفعوليت اوزره منصوب اولوب حذف مضاف ايله صدقتي
خبر سن بكره تقدير ايتك يا خود رفع سن ايله صدقت سن ايچون اولوب
سني توسعا فاعل ايتك دخي جائز اولور سنك فاعل اولمسي محله ملايمدر
ومثل مذكورك على كرم الله وجهه دن مروى اولمسي ميداننده مذكوردر
* وضعت الهنا مواضع النقب بما نسبته اليك ولم تكن كاذبة فيما اثنت به
علاك * هنا قطران ونقب نقيبك جمعي ونقبه قرحه وجرب معناسنه
اولوب هر كس كه اموري محل مناسبتنه وضع ايليه وضع الهنا مواضع
النقب ديوب ضرب مثل ايدرلر يعني قواده سكا نسبت ايلديكي اوصاف
جيله بي محله نسبت ووضعت ايلوب مدح وثناسنده سنك اوزر يكه كذب
ارتكاب ايلمدى فرض ايله ديمك در واصل مثل مذكور بودر كه شتر هنوز
ايوز اولوب مقدمه جرب اولان نقب ظهور ايلد كده هاني يعني واضع
قطران اولان كپسه نقيب لري تجسس ايدوب ظفرياب اولدقده اوزر ينه
قطران وضع وطلا ايدر و بو مناسبت ايله براهرى محله وضع ايدن شخص
حقنده ضرب اولوب مثل اولمشدر مثل مذكور در يدين صمه نك صخر
بن عمروك خواهرى اولان خنسا حقنده انشاد ايلديكي ايتك بر ييتك
نصفي در مزبور در يدين صمه بن حارث الحشمي در كه بنو هوازن دن
وزمان جاهليتك فرسان شعر اسندن اولوب رأى وتدبير و محاربه ده
ظفر ونصرت ايله شهرت شعار ايدى ومادري ريحانه معدي كركك
دخترى وعمروك خواهرى اولوب رسول الله صلى الله تعالى عليه وسلم
حضرتلري هوازن اوزرينه غرابور دقلرنده دريد پيرنا توان ومحاربه
دن عاجز ايكن صاحب رأى وتدبير در ديوب هوازاني محاربه يه معا
كثوره شلردى وبارى جل شاناه رسول اكرم عليه السلام حضرتلرينه
نصرت احسان بيوروب هوازن منهزم وپريشان واكثري طعمه
شمشير اولوب در يدي مشرك اولديغي حالده اصحابدن ربيعة بن رفيع
الاسلمي سيف صارم ايله ضرب وقتل ايلوب اسبندن زمينه غلطان

متن

وسر نیلری منکشف اولوب مدت مدیده اسب سوار و جنگ ازما اولغله
 خشین سختیان کی سخت مشاهده اولندی اصمعدن مرویدر که در یدک
 برادری عبدالله بن صمه بنو غطفان ایله محاربه اثناسنده قتل اولندقدن
 والده سی ریحانه در یده غیرت و حجت القایتمک ایچون یادرید
 بنو غطفان دن برادرک عبدالله انتقامنی اخذدن عا جزایسک
 خالار کدن و عشرتکدن استمداد ایله که سنک ثاری اخذایدلر دیدکده
 درید متألم و متأثر اولوب ثار برادری بنو غطفاندن اخذ ایتمکجه
 اکل لحم و شرب خمر ایتمه یم دیو حلف و سوکند ایدوب فرصتلیرینه
 مترقب و برکون غطفاندن بر سر ذمه یمه مصادف و غیرت و حجت کندویه
 مدار اولوب مقاتله یمه اقدام و اکثرینی قتل و دواب ابن اسمایی اسیر و قبیله سنی
 دعوت و فناء مادرند بین رؤس الاشهاد قتل ایدوب مادر ی ریحانه
 فرح و سرورندن در یدک خون آلوده تیغنی اخذ و تفاخر کنان میان
 قبیله ده سینی اداره و ارأت ایلدی بعده در یدک اخذ انتقامنی ناطق
 بوقطعه بی انشاد ایلدی * جزینا بنی عبس جزاء موفرا * بمقتل عبدالله
 یوم الذنایب * قتلنا عبدالله خیر لدانه * دواب بن اسمان زید بن قارب *
 و یوم الذنایب بکر و تغلب میانتیده واقع اولان حر و بدن بحر بک کونی
 اولوب ایام عربدن معدود در ابو عبیده روایت ایدر که در ید بن صمه
 عبدالله بن جذعانی هجو ایلدی بروقتده عبدالله سوق عکاظده در یده
 تصادف و حال و خاطرن استعلامدن صکره مؤاخذه قصدیله یادر ید بنی
 یلمور مسین دیدی در یددخی معلوم اولان اشخاصدن دکل سن دیدکده
 در یدک عبدالله ایله معارفه سی اولماغله سن کیم سن دیوسؤال و عبدالله
 بکا ابن جذعان دیرل دیدکده در ید یا عبدالله سن کریم الطبع و حسب
 برامیر سن شعری موضعنه وضع ایتمک ایچون سنی هجو ایلدم دیو لطیفه
 آمیز جواب داده اولدقدن عبدالله یادر ید هجو ایلدی بنی مدح ایتمش اولسک
 مرادک ینه حاصل اولوردی دیوب برعبا کسا و برناقه احسان ایلدیوب
 در یدکال ممنونیتدن ابن جذعانی بوقطعه ایله مدح ایلدی * الیک
 ابن جذعان اعلمتها * مسومة للسری والنصب * فلاخف من حتی

تلاقی امرأ * جواد الرضی و حلیم الغضب * سیرت الايام فان اری * نسبة
 ابن جذعان وسط العرب * وفقره مزبوره نك ما خذی اولان یتقی
 انشا ایتمسنه باعث عمر بن ثریدک دختری خنسا کندی ناقه سنی قطران
 ایله طلا ایدرکن ثیاب و وجودی قطران ایله ملوث و آلوده اولغله
 بعدالانتمام ثیابدن تجرد و تن ناز کتر یئنی برهنه و اغنسال ایلدیوب خنساء
 غافله ایکن در ید و راه خارجیلاندن سیر و تماشا و حسن و جمالنه عاشق
 شیدا اولوب چندین ایات ایله خنسائی مدح ایلدی فی الحقیقه سیه چرده
 و کندمکون و جلوه و حرکاتی موزون سر و قد خوشخرام لاله خد و متناسب
 اندام پر دختر بک اخترایدی و اول یتلر بونلردر * ما ان رأیت ولا سمعت
 به * کال یوم هانی انیق جرب * متبذلاتبد و محاسنه * یضع الهنا مواضع
 النقب * ایتقی جمع ناقه واصلی اتوق اولوب و او او زربنه ضمه ثقیل
 اولغله و او تقدیم اولنوب اونق اولدی بعده و او ی یایه تبدیل ایدوب
 ایتقی دیدیلر مال معنای یتین بو کونکی کی محاسنی اظهار ایدر ساقنماچی
 او یوز شترله قطران طلا ایدچی و قطرانی مواضع قروح و وضع ایدچی
 برهانی مشاهده و استماع ایلدم دیمک اولور و نام خنساء تماضر اولوب
 خنساء لقبدر بعده در ید خنسائی تزوج مراد ایدوب در ید کبر السن
 بر شخص صدر دیو خنساء قبول ایلدی * فالعیدی تسمع به خیر من ان تراه *
 یعنی فرض ایلمکه قواده نك مدح و ثنای و اوصاف جیبیله ایله توصیفی
 نفس الامر مطابقی ایتمش اما معیدی بی کور مکدن استماع ایلمک خیر لو در
 فقره مذکور بر مثلد که نامی ذاته غالب اولوب منظرندن خبری
 خیر لو اولان کیمسه حقنه ضرب اولور و مثل مزبور * آوازدهل شنیدن
 ازدور خوششت * مثلی موافق و ملاعیدر مرویدر که شاهان عجمدن بی
 شرف الدین یزدینی برقاج کره دعوت ایدوب شرف اجابت ایتمدیکندن
 صکره برشاهک دعوتنه بورتیه مخالفت مناسب اولدی ملاحظه سیله
 آخر کار اجابتنه قصد و یزدی حرکت عازم اولدیغن شاه عجم استماع
 ایتدکده ابتدا عدم اجابتدن خاطر مانده اولغله بوییتی ارسال
 ایلدی * زنه ارشرف یزدی بیرون نشو * کا وازدهل شنیدن ازدور خوششت

فی الحقیقه شرف عظیم البطن اولغله جهة اخرا دن لطافتی شملدر
ومعیدی مثلنك ابتدا قائل کسری طرفندن حیره ده آخر ملوک نعمان
منذر بن عمرو اولوب تقولنه باعث شقه بن ضمره المعیدی مملکت نعماندن
نعمانده قطع طریق ونهب اموال ابنای سبیل ایله خلقي تضبیق ونعمانك
مالنی دخی غارت ایدر پردزد چالاک روش ظهور ایدوب نعمان دفع وازاله
سندن عاجز ونام وشانی مشهور آیندکانه رهن وعاجز اولوب بالا خره
نعمان شقه به امان داده وضرر وکزند ایتما سنی عهد واقاده ایلوب
شقه حضور نعمانه حاضر اولدقده حقیر المنظر وضمیم الشکل وضعیف
الجسم بر شخص اولغله نعمان بزم بر مقدار زمان محاربه واخذ و غلبه
ایتمدن فرومانده اولدیغیز بوشخص میدر نامی ذاته غالب ایمش دیو
استحقار ایله تسمع بالمعیدی خیر من ان تراه * دیدکده شقه ای ملک
انسان کوسفند وشر مقوله سی دکلدر که تنومند و بزرگی مقبول وکار
کذار اوله * انما یعیش المرء باصغریه قلبه ولسانه یاخود یستمع باصغریه
یعنی انسانده موجود اولانک املکی قلب ولسانی اولوب بونلره زندگانی
وافتخار ایدر دیوب نعمان جواب شقه به پسند وجرمنی عفو ورمه
خواصنه ادخال ودفات ایدنجه استخدام ایدوب ایکبسنک دخی کلاملری
برر مثل اولدی ومعید اسم قبیله اولوب شاعر (ستعلم مایغنی معید و معروض)
مصر اعنی قبیله من بوره حقنده انشاد ایلشدر و امثال میدانیده قصه
شقه منذر بن ماء السماء ایله اولق اوزره مذکور در وموی الیه نعمان
بن منذر بن نعمان بن عمروک حکایات عجیبه سی و اخبار غریبه سی اولوب
از جمله بروقتده کسرانک زیارتیه واروب مجلسنه دخولی روم وهند
وسائر اقالمدن ایلجیلر کلوب حاضر اولدقلمی وقته مصافحه وهربری
کندی شاه و طائفه سنی مدح و مباحات ایلدکدرنده نعمان نادره دان عربی
جیع طوائفه ترجیح و تفضیل ایلوب قطعاً بر طائفه استثنای ایلدکده
عرب فرسه دخی مرجع اولق لازم کلمکه کسری منقبض و متعصب
وطریق مکابره به سالک اولوب طائفه عربیه دخل و تعبیر و برفاج وجهله
جیع امی عربیه تفضیل ایدوب زازخوای اولدقده نعمان * اصلح الله الملك

بورتبه تعریف بادی اوله جق بندن کلام اصادر اولدی بن اهل فرس ایله
منازعه ایلیم زیرا نلرک عقل وحلم و بلاد بهسطه ایدر لینه و وسعت مملکتنه
قبیل وقال و چون و چرا اولملز لکن اهل فرسندن ما عدا بر قوم بوقدر که
عرب اول قومه ترجیح و تفضیل اولغله دیدکده کسری نه وجهله ترجیح
اولنوردیدر کده نعمان عزت و شرف و کثرت عساکرو باس و متانت و شجاعت
وسخا و کرم و حسن و جمال و فصاحت و بلاغت و وفا و صداقت و حسب
و نسب جهتیهلہ جمع امم راجح و فاضلتر دروسر اولنان اوصاف جبهله به
شاهد بودر که از جمله عزت و شرفی بلاد و امصاره قهر و غلبه ایله مالک
اولان ملوک دایما مقارن و مصاحب اولوب عسکر دشمنی هزم و پریشان
ایلدکدرنده قتال و محاربه بی ترک واخذ مال طمعنه دوشمنزه عربک قلاع
و حصونی پشت اسبان و پسترو با لینی روی زمین و سیفدر و دشمنه
ظفر لری کثرت ایله اولوب صبر و ثبات و متانت ایله در و ام سائر نک عزت
و شرفی حجاره و طین و جزایر بحار ایله یعنی قلعه و سرای و قصر و ایوان
ایله در اما سخای عرب شول رتبه به واصلدر که ادنی و فقیر بر عرب ایکی
شتره مالک و شیر و روغنندن تعبشی و بر منزلدن منزل آخره انتقال مراد
ایلدکده خرگاه و بساط و ثیابنی تحمیل اول اشتراکه منحصر و بر یله
تعیش امر عسیر ایکن بر کجسه حرارت بادیله بی تاب و کرسنکی
و تشنکیدن بی طاقت اولوب بر کبد پاره به پیک جان ایله راضی و بر قطره
آب نظر ندرنده حیات بخش عین الحیات ایکن افتان و خیران اول فقیر عربیه
مسافر اولسه شترک برینی ذبح و اطعام ایدر بلکه منقبه حسنه و افعال
مستحسنه ایله السنه ناسده مذکور اولسنه مدت عمر نده اکذساب
ایلدکی مالی بذل وفدا ایدر اما عربک حسن الوجه و صاحب
جمال اولدیغی بیاندن مستغنیدر که هند و کی محترق و سوخته و رومی
کی مقشور و مسلوخ و ترک کی قبیح الوجه و زشت روی دکلدر اما عربک
فصاحت لسانی لباس اشعار و رونق کلمات و حسن نظم و وزن و ضروب
امثالی و صفات ذمیمه و ممد و حه به حسن اشارت و ابهامی و سلاست
عبارات و تعبیراتی سائر السنه به رحبان جلی ایله راجح اولدیغی آشکار

و نماندند اما عربك وفاسی بر کچسه خصمندان فرار و بر قبیلله به
 دخیل اولوب اول کچسه نك طلیله عسکر فرا وان قبیلله به هجوم
 ایلسه مجموع قبیلله نفسلرینی فدا وتلف ایدوب افنا اولنجه مقاتله
 ایدرلر و بر کچسه دشمنان تخلص نفس ایچون برینك خرگاهنه
 داخل اولق قصدیله شتاب واحوالی بیانه عدم قدرتمندن خرگاه
 صا حینك بر چوینی اخذوارادت ایلسه صاحب خرگاه محافظه
 وتخلصنه جان و باش فدا ایدوب تخلص ایدر و شر یعتلرینه زیاده
 مراعات ایدرلر حتی اشهر حرمده جنك وجدالی ترك ونسك حجلرینی
 اجرا ایدوب اول ائشاده فرزند و برادر و پدرندن برینی قتل ایدن
 شخصه ظفریاب اولسه لراخذانتقامه قادر ایکن دین و مکرمتی مانع
 اولوب قتل ایلمزلر اعرابك حسب ونسبی عربدن ماعد ابرامت یوقدر که
 اجدادنه جاهل اولیه حتی بعضی پدینك پدینی بیلیوب بیللردن
 سؤال ایدرلکن عربدن بر فردیوقدر که اجدادنه عالم وعارف اولیه
 بناء علیه قبیلله رینه اجانب داخل اولیوب هر کس متمیز و معلوم ونسب
 وحسب اولورلر وای ملک عرب اوغلارینی حی ایکن دفن ایدر قولك
 خلاف واقعدر زیرا دفن ایلمک لری ابنای عرب اولیوب بعض عرب
 دخترانی زناخو قندن وشوهره و یرمه عارندن دفن ایدر و عربك اعلا
 وانفس اولان طعامی لحم ناقه و جلد دردیودخل ایلمك عربك
 کوسفند و معز و بقری دخی موجود درلکن اشته نظرایله مجموعی
 حقیر اولغله اکل ور کوبه لایق اولانی اختیار ایلملر در و شترك لحم
 وشحمی سائرندن اکثرو اوفر در و عرب محاربه دن خالی اولماز
 و بر پادشاهه انقیاد ایلمز دیو تعبیر ایلمك محاربه دن خالی اولمیلر ضعفادر که
 دشمنندن امین اولوب حرکت و قتال ایتمسه لردشمنلری ضعفنی
 مشاهد و هجوم و پریشان ایدر بناء علیه کندیلری مغلوب
 کوستر میوب نفسلرینی تخلص ومحافظه ایچون محاربه ایدرلر و بر حاکم
 و پادشاهه عدم انقیاد لری عربدن ماعد ائم حسب ونسب صاحبی
 اولیوب ایچلرندن بری غلبه وظهور ایلسه ساری اتباع و اول کچسه بی

کند و لره حاکم ایدوب عشر و خراج و یرلر اما عرب حسب ونسب
 اولغله هر بری ریاسته لایق و آخره اتباع عدن مستغنی اولوب
 بر برینه سر فروایلمزلر دید کده کسری جواب نعمانه پسند
 ونحسین و حیره مملکتی عهده سنده ابقا و مقرر و الباس خلعت
 ایلدی و مومی الیه نعمان ظهر کوفه شقایقنی حفظ و حراست ایدوب
 بر فرد اول حوالی به تجاوز ایده مزیدی حتی شقایق النعمان دیو ناسك
 شقایق نعمانه نسبتلرینه حفظ و حراستی سبب اولمشدر صاحب دیوان
 دیدیکه نعمان بن منذر شکوفه مزبوره به برادر لرینه محبت ایدر کی
 محبت ایندیکندن شقایق نعمانه مضاف قیلندی وشقایق جمع شقیق
 اولوب شقیق برادر معنانه در تعالی ذکر ایدر که نعمان بن منذر ایام
 بهارده نتره ایچون اطراف حیره بی کشت و کذار ایدر کن
 بر لاله زاره دو جار و حسن و لطافتنه متعجب اولوب حی وحفظ ایلمیه لردیو
 امر ایتمشدی لهذا شقایق نعمانه نسبت ومضاف ایلدی و بعض
 اهل لغه نعمان اسماء دمدن اولوب شقایق نعمان شقایق کالنعمان
 تقد برنده در یعنی قرمز یلقه ده قانه مشابه اولان شقایق دیمکدر
 دیدی وشاعرک * کان شقایق النعمان فیها * ثیاب قدروین
 من دماء * بیتنی معنای مذکور ملائم در و حجر الشقیق شقایق
 النعمانه اطلاق اولند یعنی شاعرک * و کان حجر الشقیق اذا تصوب
 اوتصعد * اعلام یا قوت نشرن علی رماح من زبرجد * بیتندن
 منفهمد رو بر کون نعمان بن منذر عسکرندن دور و نك و تنها حوالی
 کوفه ده کشت و کذار ایدر کن پرد ده بر پیره مصداق ایلدی بیکه
 پیرنعللرینی تعمیر ایدر دی پس نعمان بو محل جایه ایلدی بیکه امکانه دن
 ایکن بو پیرك قرار کا هی اولمسنه باعث نه اوله دیوب خبردار
 اولق ایچون ای پیر بو محله آرام واسایشك نه سببله در دیو استعلام
 پیردخی ملکمن اولان نعمانك جو رو ظلمندن رعایا پراکنده و پریشان
 و هر بری بر طرفه متوطن و شر ظلمندن سالم اولوب بن دخی بو وادی بی
 جای سلامت اتخاذ و خیلی دمدر که آسایش و راحت ایلوب کوسفند

و ناقه لرم تولد ایدوب عیالم ایله کفاف و تعیش ایدرم دیو اعلام ایلدی
بعده نعمان پیری ایخافه قصد یله یا نعمان خبردار اولوب سکا عقوبت
ایدربو خوف ایلمز مبسن دید کده دار و دیار زدن دور و جدا اولمغله
جکری سوزان اولان پیر نعمانه شتم و دستامه اغاز ایدوب بن نعمان دن
نیچون خشیت ایدرم بلکه بودستلم ایله نعمانک مادرینک عانه و سره سی
میاتی لمس و مسح ایلمش مدر دیوب نعمان استماع ایلد کده غضبناک
و غضبنی اجر ایه متصدی ورنک روی متغیر اولمغله پیر نعمان اولدیغ
تفرس و عقوبتدن تخرس ایچون ای ملک بنم خلط کلامه اعتباره
و اعتماد و اخذ انتقامه مبادرت ایتمه زیر بن معتوه و کذب و دروغی
مرتکب بر کیمسه یچو بو حوالیده اشتهارم عته و کذب ایله در فقط سن
واقف اولما مش ایدک شمدی سندخی واقف اولدک دیو اعتد ارایلد کده
نعمان کبر و عظمت صاحبی بر ملک ایکن پیرک کلمات اطاعت میزنه
خنده و جرمنی عفو ایلدی و نعمانک ملک پیکر بر دختری اولوب کسرایه
حسن و جمالی مدح و وصف اولنوب کسری نعمانه دختری بکاعقد
و انکاح ایلسون دیو آدمرا رسال ایلبوب نعمان تزه یچدن امتناع
و جوابنده * اما کان فی عین السواد ما یکنی الملك * دیو جواب داده
اولوب کسری معنای عبارت مذکوره بی عدم فهمندن وزیر عدی
بن زید دن مراد نعمانی سؤال و عدی نک نعمانه هداوتی و اجر اسنه
قدرتی و قوته مترصد اولمغله ای ملک سنک مصاهر تکی استکراه ایدوب
عراق قریه لرینک دختر لری کند ویه کفایت ایتمی بنم دختر مدندن
استدیمش دید کده کسری غضب ایدوب نعمانی احضار و مد اینده
فیلاره چکندوب قتل ایلدی و بر وایتده مداینده بلاس آباددن معرب
اولان ساباط نام موضعده مدت مدیده حبس ایدوب آخرالا هر زیر
پای فیلان طر ح و اهلاک ایلدی و این بدرون ذکر ایدر که عدی مزبور عدی
بن زید بن ابوب بن زید مناة بن تمیم نصرانی کسری پرویزک ترجمانی
و عربی کاتبی بر شاعر اولوب مقدمان نعمان عدی بی برست ایله اتهام
و حبس و قتل ایلمشدر بعده عدی نک فرزندی زید پرویزه اتساب و پدری کی
تقرب ایدوب نعمان دن پدرینک انتقامنی اخذده دیده دوز ترقب ایکن

تفصیل اولندیغی وجه اوزره قتل ایتمه دی * هجین القذال ارعن
السبال طویل العنق و العلاء مفرط الحق و الغباوة * هجین شول کیمسه
در که نسبنده هجنت و قبح اوله مقرف ابو بنندن بری عبودیتنه داخل
اولمش اوله روایت اخرا ده قبح پدری طرفندن اولانه مقرف و مادری
طرفندن اولانه هجین دیرلر و قذال قبح قاف ایله مؤخر رائس که
کوشلرمیانی اولان اکسه معناسنه اولوب عرب کیمسه نک بد اصل و فرومایه
اولدیغندن کنایه ایدوب فلان هجین القذال در یعنی فرومایه وائیم
النسب اولدیغندن استحبا و تذلل ایدوب سرفرو برده اولوب لومی
قفا سندن متبیین و آشکارا ولور دیمک مراد ایدر روایت اخرا ده حر و بده
کثرت انهر زامدن کنایه در که استحبا ایدوب سرفرو برده اولور و ارعن
وراعن احق معناسند در رعونت حقاقت معناسنه فحشین ایله استرخا
معناسنه اولان رعندن مأخوذ اولقی وار یا خود سکون عین ایله کوهک
ایلموسنده انف جبل معناسنه اولان رعندن مأخوذ اولقی وار زیر
جبلک بورنی بر طرفه مائل اولوب احق اولان کیمسه حقندن مائل
اولدیغنه بناء ارعن دیدیلر معنای اوله کوره استرخا صالقیلیق معناسنه
اولوب احق صالقی اولدیغندن ارعن دیدیلر و رجل ارعن و امرأه عناه
دییوب احق و حقاء مراد ایدرلر و سبال سبال نک جمعی اولوب سباله
شارب یعنی بروت معناسنه در و بر کیمسه نک بروتی بسیار و مسترخا اولسه
حقنه دلالت ایدر بناء علیه احق الشوارب دیمش اولدیکه مجازا حق
شواربه اسناد ایلدی و طویل العنق دراز کردن دیمک اولوب علاوه کسر
هین ایله انسانک سری کردنی اوزره اولد جقه علاوه تسمیه اولنوب
(ضربت علاوته) دیرلر یعنی رأسی قطع اولندی دیمک اولور و بر کیمسه نک
بیقلری صالقی و کردنی دراز و رأسی طویل اولسه احق و غبی اولور
مائل معنای فقرات اگر چه مرأه قواده بزه سنک اوصاف جمیله کی
اسماع ایلدی لکن حق سکا نظر و احوال کی اختیار ایلمس سنی بودا کر
اولان اوصاف ذمیمه و قبیحه ایله متصف بو اورم دیمک اولور * جانی
الطبع سی الجابة و السمع بغیض الهيئة سخیف الذهاب و الجینه

ظاهر الوسواس منتن الانفاس كثير المعايير مشهور المثلث * جفا فعل
خبردن تباعد و برامزاق معنا سنه اولوب اصلي فرسك ظهرندن اكر ك
كتمه سنه استعمال اولوب جفا السرج عن الفرس دیرلر وطبع سجبیه
وسیرت معنا سنه در كه انسانك سیرتی یا خلقت جهتیله اولور یا خود
عادت حیثیتی ایله اولور و طبع در همی بر صورت ایله طبع و نقش ایتمك
مأخوذ در وسیء الجابه دن مرادی جقندن یا خود صاغر افندن ناشی
کلامی حقیقتك خلافي استماع ایدوب جوانی و پردیمك در و بر شخص
کچ فهم و ابله و احمق اولسه اساء سمعافساء جابه یا خود ساء سمعافساء
اجابه دیوب ضرب مثل ایدرلر و بو موضعه ساء عمل بئس ایله عمل
ایدوب باری تعالینك (ساء مثلا) قول شریفی کیدر كه سمعافساء اولمق
اوزره منصوب اولور و اساء سمعافساء سمعافساء مفعول به اولمق اوزره
منصوب اولوب اساء القول و اساء العمل قولنده عمل و قول لفظلری
مفعول به اولدیغی کی وجابه اجابه معنا سنه در و مثل مذکورك قائل
سهیل بن عمر اولوب سبی بودر كه سهیل صفيه بنت ابی جهلی تزوج
و برولد تولد و انس تسمیه ایلشدی چونكه انس بش التي یاشند و اصل
اولدی بر کون پدری سهیل ایله بر طرفه راهی او اولردی اخنس
بن سریق مصادفه و اخنس سهیل فرزند سیوال اولدخی فرزند مدر
دیوب اخنس معصومه نظر و باری تعالی سنی معمر ایلسون دید كده
انس و الله مادر م خانه ده یوقدر دینجه پدری سهیل (ساء سمعافساء جابه)
دیوب مثل اولدی و مومی الیه سهیل سخنی و کریم الطبع بر مرد دلیر و فتح
مکه مکر مد نصره شرف اسلام ایله مشرف و وفاته دك بادیه نشین اولوب
وفاتی شام قرینه یرموك نام موضعه اولان وقعه مشهوره ده اولمشدر
و انشای مقالة ده زخم شدید ایله زخم دار و حیانتندن بر رمق قالدقده
رفقا سندن برینه امان بکار ایچم صودیوب رفیق برکاسه آب کتورب
و برکن سهیل حارث بن هشامی مجروح و آبه نکران مشا هده و کندی
کی لب تشنه اولدیغی اذعان ایدوب آبی نوش ایتوب هشامه ارسال
ایلدی هشام دخی نوش ایده جك و قنده عکرمه بی حالت زنده و عطشان

کوروب کندی نوش ایتوب عکرمه به ارسال ایلدی اول شخص
دخی آبی عکرمه به ایصال ایلد کده وفات ایتش بولوب ینه حارثه
کتوردی اولدخی وفات ایتش بعده ینه سهیل کتورب انی دخی وفات
ایتش بولدی رحمة الله علیهم اجمعین و وقعه یرموك اون اوج
سنه سی ابو بکر رضی الله عنه خلافتده و سر عسکر اسلام خالد
و ابو عبیده اولوب روم ایله محاربه و لشکر روم منهنم و بریشان
اولد قده هر قل حصه انهر زامی استماع و رها به فرار ایلشد و هیت
شکل و صورت معنا سنه و بغض عدوت و بغض مبعوض معنا سنه
و سخیف رقة عقل معنا سنه و سخیف رقیق العقل یعنی عقلی قلیل
معناسنه و ذهاب وجیهه کیدوب کلمك معنا سنه و وسواس افکار
فاسده و خطرات ر دیه معنا سنه اولوب فی الاصل ز نائك حلی
وزینت لری صدأ سنه دیرلر و منتن قوقش و انفاس نفسك جچی و معایب
عیوب معنا سنه و مثالب مثلبه نك جچی اولوب نقایص معنا سنه در
مال معنای فقرات سن فعل خبردن متباعد و بر امر طبیعتی و استماع
و اجابتی خطا و قبیح الشكل و خفیف العقل و خیالات باطله سی آشکار
و نفسی قوقش و عیبلری بسیار و نقایصی متعارف بر شخص سن دیمك او اور
* کلامك تتمه و حدیثك غمغه و بیانك فیهفه و ضحكك فیهفه *
تتمه تکلم تاده زجت جکوب ترد دایتکدر و غمغه مطلقا تکلمه زجت
جکوب ادای مر ام ایده میه حاصلی ایکسی دخی معایب تکلمندر
جا حظدن مرویدر كه تتمه تاللفظ ایدرکن ترد فاء فاء تکلم ایدرکن ترد
و عقله لسانك تکلمه عدم قدرتی اولوب اول شخصه معتقل اللسان دیرلر
و حبسه وقت اراده تکلمه تعذر کلامدر و لفف بر حرفی حرف آخره
ادخال ایدوب اداسی بر خوش منفهم اولیه و لغفه بر حرفدن حرف
آخره عدول ایلک مثلاً را بی یا تکلم ایتك ورثه صوتی خفی و توتغون
سویلك سویلد یکی فهم اولماز و غنه حرف بر مقدار خبشوم ایله ادا
اولنه و خبشوم ککز و بورنك نهایت بولد یغی محل كه دماغك بطن
مقد منه متصلدر و غنه غنه نك شدید یدر كه مجرد صوت خبشوم ایله

اد آولنه وكنه كلامه حرف اعجمي اوله وطمطمحه كلام اعجمي به مشابه اوله
 وفشفشه صوت مسموع اولوب حر حر وف فهم اولمبه وفهفهفه
 نكله عدم قدرت معنا سنه اولوب قهقهقه افراط ايله خنبدنه به ديرل
 ز برضا حكدن حين ضحكده قهقه صداسي ظهور ايدرو قهقهقه مده و مدر
 ماک معنای فقرات و سن تكلم و بيان قادر دكل سن و خنبدنه ك مضموم
 اولان قهقهقه در ديمك اولور * و مشيك هروله و غناك مسئله و ديك
 زندقه و غناك مخرفه * هروله سكرتك ايله مشي مياننده بر جنس سكرتك در
 و بو محله مضموم اولمق اوزره ابرادي مسئله به مقارنتله در ك و يا
 جرارلق همچون شتاب ايدرسن ديمك اولور و زندقه في الاصل ثوبه در كه
 زردشت مجوسي جانب مشرقده ظهور و خلقك اول اما كننده
 شدت سرما و كثر برف سبيله آتشف رغبته زياده اولديغن
 مشاهده اينكله آتش پرست و آزر كيشلكه دعوت و اكثر خلق تبعيت
 و آتشف پرستش ايلديلر و زردشت مزبور مكار و محيل و اسرار
 بر ملعون عيار اولوب شعيب عليه السلامه اتباع و حضرت شعيب
 زردشته ظهور ايدو چك وفا بعدن خبر و يرد كك لر بني ضبط و حفظ
 ايدوب بعده كفرودين باطلني ناطق بر كتابتاً ليف و التون ايله نحر بر
 و خالي ذهن اولان قومه بو بكانازل اولدي ديوب خلق فهمدن عاجز
 اولدقد بر شرح وضع و تصنيف و زند تسميه ايلدي بعده مزدك مجوسي
 ظهور و زردشتك شرحي حل و بيان ضمنده بر مقدار كلمات باطله
 دخي ضم و الحاق و اسم مسما به مطا بق اولسون همچون زنده ياء نسبت
 ايله نون تا كيد زياده ايدوب زندين تسميه ايلدي بعده تعريب اولوب زنديق
 دنيلدي هر كس كه بو مذهب باطله يا خود شرعيتدن خروجه
 بو مذهب قريه و مشابه بر مذهب باطله مائل و ذاهب
 اوله اول كيمسه به زنديق ديرل و اهل اسلامدن ايكن زنديق
 اولانلر اكثري جهيمه دن بر صنفدر و اصل مذهب
 زندقه بر كيمسه كندى نفسه رب اثبات ايتك لا يق دكلدر
 ز برار اثباتي ممكن اولماز الا چشم ايله يا خود سائر حواسدن

متن

بر يله ادراك ايتكله ممكن اولور و درك اولسان ايسه رب اولمغه
 صالح دكلدر درك اولمسان دخي رب اولمق اوزره اعتقاد و انيق لايق
 دكلدر ديرل لعنة الله عليهم اجمعين و طائفة ملعونه رب و خالق انكار
 ايتكله محرمات و منهيات اتيان و عباداتي اهمال و ترك و بعثت انبياء عليهم
 السلامي و شرابي انكار ايتكلدر و زندقه دن مردك و اول كافر
 اتباع ايدنلر زنان ناسه زناني اياحه ايدوب خلق زنانه مشتركدن ديرل
 و بر فاسق فسق و لعب و بطالتنه منهنمك اولسه عرب اول كيمسه به
 اطرف من زنديق ديوب عبادته عدم اشتغالندن كنياه ايدر و خلفاء
 عباسيه دن مهدي قوم مزبور دن خلق كثير قتلنه موفق اولمشدر
 و سبب توفيق بر كيجه خوابنده كعبه معظمه بي بر طرفه سافط اوله جق
 رتبه مائل مشاهده و بر شخص ظهور و مهدي به اعانت و بيت شريفي
 ايكي سي كالاول تسويه ايدوب مستقيم ايلدي و ايرته سي مهدي شوقيا فنده
 بر شخص معلوم كز مبددو ار ككان دولته شكل و شمائلني وصف
 و سؤال انلر دخي نجسس ايدو رك تعريف مهدي به مطابق بر زنديق
 احضار ايلديلر كه نامنه حمدون ديرلردي مهدي مشاهده ايدنجه خوابده
 كورد يكي شخص اولديغن ييلوب زندقه دن استابه حمدون دخي از دل
 و جان توبه و اسلامي قبول ايدوب مهدي حمدونه تتبع زندقه ايله امر
 حمدون دخي مجموع زندقه معلومي اولمغه سهوات ايله اخذ و احضار
 و مهدي بلا توقف قتل و روي زميني لوث زندقه دن تطهير و تنظيم
 ايلدي و مومي اليه مهدي صاحب فراست اولمغه بر وقتده زي
 صلحاده بر مؤذن (اشهدان محمد رسول الله) ديوب رسولي مرفوع قرأت
 ايتيوب منصوب قرأت ايلديكني استماع ايلد كده غالباً بومؤذن
 زنديقدر زير منصوب قرأتيله اعراب فاسد اولوب رسول اكرم صلى الله
 تعالى عليه وسلم حضرت تيرينه اثبات رسالت ايتامش اولور و بوجهل
 و خطا سندن اوليوب قصد يدر ديومؤذني اخذ و تفتيش ايلد كده
 في الحقيقه زنديق اولديغي ثابت اولدي و مهدي زندقه بي بحال سنه
 احضار ايلد كده قبل القتل بعض مسائل دينيه ايله امتحان ايدردى

واكثر منك اوزر نده بر رقه ده قیچ المنظر و غلیظ الشفتین زندیق
 مانینک صورتی بولوب مهدی اول زندیقده صورت مانی به تبریق
 و تبصیق ایله دیو امر ایدردی اول ملعون دخی قتلنی اختیار ایدوب
 نو کورمده قتل ایدردی و اکثر زندیقده مذهب ثویه ده در و مخرقه دن
 مرادی بر شخصدن مکروه ایله ایله خارق عاده اولان اشیا ظهور
 ایتکدر مثلاً شعبده باز صنعتنه مخرقه دیرلر زیر نفس الامرده واقع
 اولیانی واقع کوستر و مخرقه کلمه مواده در مخرق الرجال دیرلر که حق
 و صواب اولق اوزره ایهام ایلدی حال بو که خلاف صوابدیر دیمک مراد
 ایدرلر مال معنای فقرات سنک مشیک در یوزه ایچون شتابدرو تو انکر لکک
 جرار لقدر و دینک زندیقده در و فعلک فعل شعبده بازدر دیمک
 اولور * مساو لو قسمین علی العوانی لما مهن الابالطلاق * مساوی
 عیوب و قبایح معناسنه و غوانی غایبه نک جمعی اولوب غایبه شول عورتدر که
 عقیقه اولوب زوجیله قناعت ایلیم بیت مزبور ابوتماک خالد بن اعشی
 هجو ایلدیکی ایانیدن اولوب معناسنده موجوده و مجتمعه اولان اوصاف
 ذمیجه و قبیحه عقیقه شوهرلرینه قناعت ایدن زنانه توزیع و تقسیم اولنسه
 شوهرلری زنانه بغض ایدوب خلاصی ایچون طلاقدن غیری مهر و برمرلردی
 دیمک اولور * حتی ان باقلا موصوف بالبلاغه اذا قرن بك * بلاغت
 نطق و تکلمده درجه عالییه بالغ و واصل اولق معناسنه اولوب مال
 معنای فقره حتی باقل سکانسبت ایله بلیغ و منطبق قدر دیمک اولور
 مزبور باقل بن عمرو بن ثعلبه الا یایدیر که نطق و تکلمه عدم قدرنده
 مزبور ایله ضرب مثل اولوب فلان اعیامن باقل دیرلر که اعیان تکلمدن
 یا خود برشی ایشلمدن زیاده عاجز اولان کیمسه به دیرلر عی کسر ایله
 مصدر و قح ایله فاعلدر و ابو عبیده ذکر ایدر که برکون باقل اون بر
 درهمه بر غزال اشترای و مهارنی در دست ایدوب خانه سنه کیدر کن
 احباسبی یا باقل قاج درهمه اشترایلدک دیوسوال ایلدکلر نده باقل لسانیله
 جوابه عدم قدرندن لاری کشاد و انکشتلریله عشره یه وز بانی اخراج و بره
 اشارت ایدر کن آهویندن خلاص و جانب صحرا به توجه و فرار ایلدی

متن

متن

متن

متن

باقول جاهلی قدیمدر * وهبنقه مستو جب لاسم العقل اذا ضیف اليك *
 وهبنقه سکا اضافه و نسبت اولنسه عاقل دینلر که شایان و سزادر مزبور
 قبیله قیس بن ثعلبه دن یزید بن شروان و لقبی هبنقه و کنبه سی
 ابوالو دعات اولوب درازیش و حق و بلاهتله معروف بر شخص اولمغله
 بر کیمسه نک حق و بلاهتندن مبالغه قصد اولنسه * احق من هبنقه *
 دینوب مثل سائر اولمشدرو مزبور ابوالو دعات ایله مکنی اولمنسه باعث
 کندوبی بیلوب ضایع ایتماک ایچون بر رسته یه یله واستخوان و جوز نظم
 و قلا ده انخاز و کردنه آوزره ایلوب کندوبی آخر دن اول قلا ده ایله فرق
 و تمیز ایلردی حتی بر کیمجه خوابده ایکن برادری قلا ده بی هبنقه نک
 کردندن اخراج و کندی کردنه آویخته ایلوب هبنقه بیدار و قلا ده بی
 برادری کردنده مشاهده ایلدکده برادرینه * من منم کدوچه در کردن تو
 * من تو شدم پس من کو * یعنی سن بن سن اما بن کیم دیدی ورتبه
 حاقی شول رتبه ایدی که بروقتده شتری کم کشته اولوب هر کیم شتری
 بولدی اید کتور سون مرثدکانه ایکی ناقه احسان ایدیم دیوندا ایتدردکده
 آشکاری تخطأ و خسارت دو بالا اولسنی تفهیم قیدنده اولدکلر نده سز
 وجدان مفقوده اولان ذوقدن بی بهره سز و تفهیم ممکن دکلدر دیو
 ضلال قدیمنده پارجا اولدی وهبنقه شترو کوسفندر عی ایدوب سمین
 و فربه اولانلری آب و کباهی بسیار مر غزارده رعی و چرانیده ولاغر
 و مهزول اولانلری شوره زارده رعی ایتدیروب سببندن سوال اولندقدده
 باری تعالینک اصلاح ایلدیکنی افساد و افساد ایلدیکنی اصلاح ایتیم
 دیو جواب و یردی و بروقتده قبیله راسب ایله قبیله طفاوه بر شخصده
 نزاع و هر بری بزدندر دیو مخاصمه ایلدکلر نده اگر حکممه راضی اولور سکر
 اول شخصی بحره القايدک راسب یعنی قعر در یایه بتار سه بنور اسبنددر
 واکرطانی یعنی روی آیده شنور اولور سه بنو طفاوه دندر دیدی
 و راسب عربدن بر قبیله و طفاوه قبیله قیس غیلانندن بر بطنددر
 و بر سنه افراط ایله جراد ظهور ایدوب خلق المناک و مزروعات
 خراب اولدی دیو غنناک اولدقدده هبنقه ای قوم خوف ایتیمک

بو طیران ایدن جرادك اكثرى مرده در دیدی و بر وقتده برادری
بر قومدن دورت عنزه هبنقه ایچون برکا و اشترایدوب بیع منعقد
اولدقد نصکره هبنقه کاوی دمندن الجام وترس سوار وکا وک سرعت
مشى وشتابی هبنقه بی اعجاب و مسرورایتمکله برادرینه * زدهم هنزا * یعنی
کا و صاحبزاده برکچی دخی اعطا ایله زیرا بوکا و مقابله سنه ویریلان
عنزل بدل اولماز دیدی و هبنقه نك بو قولی مثل اولوب احقردن بری ثمن
متعین و بیع منعقد اولدقد نصکره میعدن محظوظ اولوب ثمنه زیاده
ایله دیو امر ایلسه * زدهم هنزا * قولی ضرب اولوب اعطا ایلدکده
زادعنا دیرل و عنز انشای معزدر بعده هبنقه کا و سوار عازم دار اولوب
انشای راهده بر درخت سایه سنده بر خرکوش مشاهده وار بدن خوف
و بقره بی ایقاف ایدوب بو بیعتی انشاد ایلدی * الله نجانی و نخی البقره *
* من جاحظ العينین تحت الشجره * یعنی یارب بنی و بقره بی سایه
درختده اولان بزرگ چشمانک شر و مضر بندن خلاص ایله دیدی
و جحظ کوزک مقله سنک عظمی و میدانی معنا سنه در مر ویدر که
برکون مالک بن مسمع احنف بن قیس ایله مزاح قصد ایدوب و احنفک
بنور یعه بی بنی مضر اوزرینه ترجیح ایدوب افتخار ایلدیکی معلومی
اولمغله یا احنف بکر بن واثلک احمقی یعنی هبنقه بن و تمیمک
سید و شریفندن اشهر در دیدی احنف دخی یا ابن مسمع ریهه نك
تیسى بکر بن واثلک سید و شریفندن اشهر در یعنی قبیله ریهه دن
منشعب اولان بنو حانک تیسى که * اعلم من تیس بنی حان * دیو ضرب
مثل اولمغله اشهر در دیدی زیر تیس که تکه دیدکلی ارکک یکیدر
ذبح اولوب شاه طمرلی قطع اولدقد نصکره یتش دیشی بکی به
سفاد ایدرمش دیو بنو حان زعم و افتخار ایدرمش بناء علیه * اعلم
من تیس بنی حان * دیرلر و ابو قبیله نك اسمی فید العزی بن سعد
ابن زید منات اولوب لبری اسود اولمغله حان ایله تلقیب اولندی
* و طویس ماثور عنه بمن الطائر اذا قبس عليك * ماثور عنه مخبر عنه
معنا سنه یعنی خلقک سلفندن نقل ایلدیکی کلام معنا سنه درو عن برکت

متن

معنا سنه اولوب حق مسافرك جانب یمنندن طیر طیران ایلسه عرب یمن و تبرک
ایدوب جانب شمالندن طیران ایدرسه تطیر ایدر و حدیث شریفده (اللهم
لا طیر الا طیرک) وارد اولمشدن مال معنی و طویس سکا نسبت اولدقد
بکامینت و برکت ایله ذکر اولندی دیمک اولوب اشاء من طویس
مثلنه تلخیص ایدرمز بورطویس بنو مخزومک معنی اولان عبس بن عبد
الله ابو عبد الله عیدر که رشیدن مبالات و تحاشی ایتیموب تخت و نظرف
ایدوب شامت ایله معروف و مدینه منوره ده ساکن اولوب ابتداف
ایله تغنی ایلین مزبور در و برکسمه نك زیاده مشوئم اولسنی بیان ایتک
مراد ایتسه لر مثل مذکور ضرب ایدر لرحتی طویس کندی شامتی
اعتراف ایدوب یا اهل مدینه مادامکه حیاتده یم خروج دجاله منتظر
اولک و اکروفات ایدر سم امین اولور سوزن را پیغمبر علیه السلام
حضر تلی دار بقایه رحلت بیورد قلی کون تولد ایلدیم و ابو بکر رضی
الله تعالی عنه انتقال ایلدیکی کون فطیم اولدم و عمر رضی الله عنه شهید
اولدیغی کون حمله بالغ اولدم و عثمان رضی الله عنه شهید اولدیغی کون
تروج ایلدیم و علی کرم الله وجهه شهید اولدیغی کون بر فرزندم تولد
ایلدی دیدی و اسمی قبل التخت طاوس اولمغله * انا طاوس الجحیم و انا
اشام من یمشی علی ظهر الخطیم * دیردی و تخت نکسر و انحناء معنا سنه
اولوب مخزوم بن یعطره بن کعب بن اوی بن غالب قریشدن ابو حنی در
و طویسک مادری نسوه انصار میاننده تمامه و غمازه و ساعیه بالفساد
ایدی ابو الفرج اصفهانی نقل ایدر که وقت ریهه برکون عبد الله بن
جعفر احباسیله بیرون مدینه ده تزهتگاهلری اولان عقیق نام موضعه
تفرج قصه دیله راهی و بر مقدار اسایش ایلد کلرنده باران ظهور
و راحتلرینه مانع اولمغله عبد الله بن جعفر ای باران تقاطر یاران ثباتمزی
آزده ایتندن طویسک خانه سی قریبدر وار یلوب هوا کشاده اولنجه انده
توقف و هم طویس مجلس ارا بر شخص صدر نوادر و اطایفی استماع ایلسک
مناسب اولوردی دیو احباسی استزاج ایلد کده عبد الرحمن بن حسان
یا عبد الله بنم جائم سکافدا اولسون طویس کی تخت و مشوئم بر حر یفک

خانه سنه وارمق رحمتدن فرار وغضب الله نازل اولديغي منزله التجا
ایتمک کبیر بهار بارانی مضر دکلدر دیوممانعت ایلدکده طویس بر محله
اختفا وعبدالله بن جعفرک خانه سنه تشریفه رغبتی وعبد الرحمن
بن حسـانک تنفیر ومنعنی استماع ایلوب شتاب ايله منزله رجعت
وزوجه سنه اکاه اولکه سیدناس اولان عبدالله خانه مرزی تشریف
ایده جکدر تدارک ايله دیدی زن طویس دخی خانه ده پرورده اولمش
برفر به زغاله ذبح وبرمقدار اطعمه نفیس طبخنه کوشش اوزره اولوب
طویس عبدالله بن جعفر مجلسنه وارب مر اسم تعظیمی ادادنصرکه
بوموضعه ثبا بکرز آزرده اولدن داعینک خانه بی قدومکرزه تشریف وبر
مقدار آرام ییوروب باران برطرف اولدقده یینه مسیره یه پیورسکرز
اولی اولوردی دیوجـله سنی دعوت انلردخی اجابت ومنزله طویسـه
واردقلرنده طویس لاغ ولطیفه یه اغاز ووقتک کذراتی اهل مجلسه
اونتدیروب ماحضراولمق اوزره وافرطعام وسماط کشیده واطعام ایلدکده
کثرت طعامه هرکس متعجب ومنبسط اولوب کمال شوقلرندن طویسـدن
تغنی رجاسنده اولدیله طویس دخی دفنی در دست ایدوب بو بیتله نغمه
سبح ولولوله انداز اولدی * یا خلیلی ناخی سهدی * لم تم عینی ولم تکد * کیف
تلومونی علی رجل * انس تلنذه کبدی * ماکل معنای یاربکاسهرو پیدارلق
اصابت ایدوب چشماتم بی خواب واونخو قصد ایلز اولدی وسز بنی
معشوقم ایچون نیجه ملامت ایدرسز که بنم انیسم اولوب انک محبتی ايله
جکرم یعنی قابم ذوقیاب ومنشرح اولور دیمک او اوب طویس فصلی انعام
ایلیوب ارباب بزمه نشاط بخش اولوب تحسین ایلدککلرنده طویس
یا عبدالله بو بیتلرک قائل معلومکرز میدر دیو استعلام عبدالله دخی
معلومدر فارغه بنت حارثکدر دیدی فارغه ایسه عبدالرحمن بن حسانک
معشوقه سی اولوب او بیتلری عبدالرحمن حقنده انشاد ایلشلردی
وطویسک غرضی عبد الرحمانی تخجیل ایدی فی الحقیقه عبدالرحمن
شرمنده وروی متغیر و سر فرو برده بحالت وارباب مجلس ساکت وصامت
اولوب عبد الرحمن وابن جعفر طویسک قصدنی نفرس واخذ انتقامنه

تعجب ایلدی مومی الیه ابو جعفر عبدالله بن جعفر بن ابی طالب بن عبد
المطلب الهاشمیدر که ارض حبشه ده تولد وسکسان سنه سی مدینه
منوره ده طقسان باشنده وفات ایدوب جواد و ظریف وعفیف وحلیم
بروجود محترم اولوب کمال جودندن بحر الجود دیرلایدی * فوجودک
عدم والاغتباط بک ندم والحبیه منک ظفرو الجنة معک سقر * وجودک
عدم قولی متنبینک * یا من یعز علینا ان نفارقهم * وجداننا کل شی
بعدم عدم * بیتندن مأخوذ در ماکل معنای بیت ای افتراقی بزه الم
وزجت ویرنرسزد نصرکه جـله شئی وجدانم عدم در دیمک اولور
وغبطه اسم اولوب حسن حال معناسنه در حدیث شریفده (اللهم
غبطنا لا هبطنا) وارد اولمشدر یعنی یارب سندن حسن حال طلب
ایده رز واولدیغمزدن تنزل وهبوطدن سکاصغینورز ومغبط مغبوط
معناسنه یعنی حالنه غبطه اولمش معناسنه اولوب اغتباط مغبوط اولان
کمپسه دن نائل اولدیغی نعمت زائل اولقسز کندی دخی اول نعمتی
تمنی ورجا ایلکدر وخیه مطلوب اولان شبتک فوت اولمشدر ظفر
مطلوبه نیل وفوزدر و جنت هر بستانکه اشجاری کثرته روی زمینی
سترایده جن الشیء دن مأخوذ اولوب شئی ستر ایلدی دیمک اولور
راغب دیدیکه فردوسه جنت تسمیه اولمش روی ارضده مرئی ومبصر
اولان بساتینه تشبیه طریقی ايله دریاخود (فلا تعلم نفس ما اخفی لهم
من قره اعین) آیه کریمه سیله مشار الیها اولان نعم مستوره اولدیغنه
بناء در وسقر اسم دوزخ اولوب سقرته الشمس قولندن مأخوذ در که
برشبتک رنگ ولوتی شمس تغیر وتبـدیل ایلدی دیمکدر جمیم مخلوقات
احراق ايله تغیر وتلو یح ایتکه سقراکاعلم وضع اولندی ونظم کریمده
(وما ادراک ما سقر) وارد اولمش سقر جهنم شمسدن معلوم اولان سقره
مخالف اولدیغی بیاندراک معنای فقرات سنک وجودک عدم منزله سنه در
وسنکله اغتباط پشمانلق در وسندن محروم اولمق عین ظفر در وسنکله
جنت دوز خدر دیمک اولور * کیف رأیت لوئمک اکرمی
کفاء وضعک لشر فی وفاه * لوئم نسب واخلاقه دنائت معناسنه

سند در یعنی فرومایه اولی و کرم لومک ضدی اولوب نسبده شرف
معناسنه در و کفو نظیر و مثل معناسنه اولوب منا کحه و محاربه ده معتبر در
وضعه رفعت مقابل اولوب (وضعت الشی) شبی و وضع و حط و تنزیل
ایلدن قولندن مأخوذ اولوب شرف علو و مقدار معناسنه اولوب شرف
المکان مکانک اعلاسی قراندن مأخوذ در مال معنی سنک بداصل و فرومایه
اولی بنم کرم و حسبی نیجه مماثل و نظیر عدایلدن یعنی سنک کی وضع
ودنی بنم کی شریفه و عالی مقداره کفو و معادل اولور می دیمک اولور
* وانی جهلت ان الاشياء انما تجذب الى اشكالها والطير انما تقع على
آلافها * مالی سن نیجه فهم ایلدن که بن میل و محبت ایلم الا کندی
مشاکل و مماثل و اقراغه میل ایدرم و سن بنم الیف و مشاکل دکل سن دیمک
اولور فقره اولی متباینک * شبهه الشی منجذب الیه * مصرعند و فقره ثانیه
بعض عربک * و علی آلفها الطیر تقع * قولندن مأخوذ در و اصمعی
مثل مذکوری استماع ایلبوب ذوق و لطفنه و اصل اوله مبوب متفکر ایکن
برکون صحرا ده و افراغ مشاهده ایلدن مکه بعضی پرواز و طیران و بعض
مرغزاده سیران ایدردی و پرواز ایدنلر زمینه نازل اولدغه زاغ زاغ
نزدیکنه و کلاجه کلاجه یانته نازل اولوب خلاف نوعی طرفنه میل
ایلدن حتی چنزارده پرواز و بالی شکسته برزاغ و ارایدی هوادنلنک برزاغ
انک یانته نازل اولوب الفت ایلدنلر حقیقت مثل مزبوره مطامع
اولدم دیونقل ایلدی و معنای مثل برشبهه مشابه اولان شیء البته اول
شبهه منجذب و مائلدر که * الجنس الى الجنس بمیل بیت (کنده همجنس
یا همجنس پرواز * کبوتر با کبوتر باز با باز * و هل لاعلمت ان الشرق والغرب
لا یجتمعان و شعرت ان المؤمن والكافر لا یتقاربان و قلت الخبیث والطیب
لا یتوبان * شعور علم دقیق ایله عالم اولغه دیرلر که دقت شعردن مأخوذ در
و فقره اولی علی کرم الله وجهه حضرت تیرینک * الدنیا و الاخره کالمشرق
و المغرب کما اردت من احدهما قر باز ددت من الاخر بعدا * کلامندن
مأخوذ در یعنی دنیا و آخرتک میانی مشرقه مغرب اراسی قدر و بعدا اولوب

متن

متن

بر کیمسه نک هر قنقیسنه تقری زیاد اولور سه آخردن بعدی اول مرتبه
زیاده اولور و فقره ثانیه رسول اکرم صلی الله تعالی علیه وسلم
حضرت تیرینک * المؤمن اطیب من علمه و الکافر خبیث من عمله *
حدیث شریفندن مأخوذ در یعنی مؤمنک طیب و حسن اولمی عملندن در
کافرک خبیث وردی اولمی عملندن در مال معنی سن بیلدکمی که شرق
و غرب بر مکانه مجمع اولماز و اذمان ایلدن کمی که مؤمن و کافر بر برینه
متقارب و نزدیک اولماز و کندیکه نصیح ایلدن کمی که خبیث و طیب
برابر اولماز عفتلک اولوب ملاحظه به قادر اولسک بو کستاخلغه مبادرت
ایلدنک دیمک اولور * و تمثلت ایها المنکح الثیاسه لا عمرک الله کیف
یلتقیان * ثیابدی کو کبدن عبارت برنجدر که اولکر دیرلر و سهیل
یمانی براق بر کو کبدن و عمرک فتح عین ایله قسمده مستعملدر و اصل عمر
عمارندن مأخوذ اولوب مراد حیات ایله عمارت بدندر و بیت مزبور ذکر
سبق ایدن عمر بن ابی ریهه نک معشوقه سی ثیابی شامدن طائفه
مسافرت طریق ایله کلن سهیل بن عبدالعزیز بن طلحه به تزویج ایلبوب
ثیابی شامه کو تورد کده انشاد ایلدنکی اییادن بریدر و معنای بیت
ای ثیابی سهیله انکاح ایلین کیمسه باری تعالینک بقاسنه اقرارک حقیقون
بری شامی و بری یمانی ایکن بونلر بر برینه نیجه ملاقی اولور لر دیمکدر
و ابن ریهه نک انشاد ایلدنکی بیت ثانی * هی شامیه اذا ما استقلت *
و سهیل اذا استقل یمانی * بیتدر و ابن زیدونک مرادی ای احق بیت
مذکور ایله تمثل ایلدن کمی که ثیابیله سهیلک میانی نه مقدار بعدا یسه
نخله سنک مناسبتر اول مقدار بعددر دیمکدر * و ذکرک انی علق لا یباع
فمن زاد و طائر لا یصیده من اراد و غرض لا یصیبه الا من اجاد * ذکرک
قولی هل لاعلمت قولنه معطوف اولوب علق کسر عین و سکون لام
ایله هر شیئک نفیس و اعلاسنه دیرلر که صاحبی علاقه و محبت ایدوب یسه
عرض ایلمه که زبان فارسیده مال کرانما به دیرلر و فقره مزبوره حرث
بن خفان تمیمینک سکاب نامنده اولان اسبنی ملوک یمندن بر ملک طلب ایلبوب
حرث و یرمبوب فرار ایلدن کده انشاد ایلدنکی بیتدن مأخوذ در که بیت

متن

مزبور در * ابیت اللعن ان سكاك علق * نفیس لایعار و لایباع * زمان
جاهلیته ملوک تخیل و تعظیم مراد ایلد کمرنده ابیت اللعن دیرل دی
معنای من لعن و شتم اولنجق اموری اتیاندن ابا و امتناع ایلدک
یعنی سندن فعل قبیح ظهور ایلز دیمکدر ابن الانباری شرح
المفصلاتنده ابیت اللعن دیمک لعن اولمغه سزا اخلاق ذمیه بی اتیاندن
ابا ایدر سن معناسنه اولوب حیره و اطراف حیره ده لعن و جور دن جد املک
اولانلره عرب تخیل مراد ایلد کده ابتداء کلامده ابیت اللعن دیوب
ادای مرامه شروع ایدر و ملاک غسانه اولان تخیل یا خیرالفتیان در
و مزبورلک منازلی شامدر دیو ذکر و بیان ایلدک در مآل معنای بیت
مزبورای کنیدین فعل قبیح صادر اولیان ملاک سكاك برشی نفیسدر که
نه اعاره اولنور و نه بیع اولنور دیمکدر و غرض فی الاصل رمی ایلد مقصود
اولان هدف اولوب بعده هر ادراک و نیلنه تحری و مراد اولنان مطلب
و غایتده استعمال اولندی مآل معنای فقرات سن تفکر و تذکر
ایلدک که بن برشی نفیس که مزادده بیع اولنام و مرغم که هر مراد
ایدن صید و شکار ایدر مزور نشانه یمکه ماهر و استاد اولیانلرا صابت
ایدر مز دیمک اولور * ما احسبك الا کنت قد تهیات للتهنیة و ترشحت
للترفیه * تهی برشیك حصوله طمع و انتظار و آماده اولق معناسنه
و تهنیة نائل مراد اولان کیمسه به مبارک اولسون دیمک معناسنه و ترشح
برشیة استعداد معناسنه اولوب ناقه نك کوچکی سوددن کسبلوب ناقه دن
ایر یلوب مشی و حرکت قادر و مستعد اولدقده عربک ترشح الفصیل
قولندن مأخوذ در و ترفیه و رفاهیت عیشده توسع و تنعم معناسنه در
و ترفیه متزوج اولان کیمسه به بارفاه و البنین دیمکدر و بومعنا محله مناسبدر
و ابن السکیت قولنده بارفاه و البنین بال سکون و الطمانینه معناسنه اولوب
ابوعبیده رفاء التحام و اتفاق معناسنه در دیدی تقدیری اعرسب بارفاه
و البنین در محصول ترکیب بن سنی ظن ایلدم الاوصال نائل اولغی طمع
ایدوب نیل مرامه آماده و تهی و ذوق و مسفایه مسعد و تبریکه حاضر
و ترفیه متزقب اولمشسک ظن ایلدم دیمک اولور * لولا جرح العجا جبار

من

من

للقیت

للقیت من الکواعب مالا فی یسار * جرح العجا جبار حدیث شریف
اولوب عجمه بهیمه معناسنه در ز پر بهیمه تکلمه قادر دکلدر
و هر کیمسه که تکلمه قادر اولیه مذکرینه اعجم و مؤنثنه عجم دیرل
و جباردی هدر معناسنه اولوب حدیث شریف جرح بهیمه ده قصاص
اولد یعنی افاده ایدوب بر کیمسه بی تحقیر مراد ایلدک حدیث مذکور
ایلد ضرب مثل اولنور و کواعب کا عجبک جمعی اولوب کا عجب هنوز
بستانلری ترنج مثال مرتفع اولان نور سیده دختره دیرل و یسار شتریان
بر عبد ز نکینک نامی اولوب یسار الکواعب دیمکله نام آورایدی و سببی
بودر که مزبور یسار قبیح الوجه و ذمیم الصورة عجیب الشكل و القیافه
بر شخص اولوب شا عرك * دهنی همچو دیک رنگ رزان * شب محنت
کمرفته رنگ ازان * ینیش د و خرده دیواری * دیده روی زمین
ازو باری * چولب کور هولناکش لب * حلقه ماری بز پر آن غیب *
چشم کرداب خون بی کهنان * سرخ کرد بخون خلق جهان *
ایاتنک ماصدق ایکن حالی بیلمیوب زن پرستلکه هوسکار و هر مشاهده
ایلد یکی پری پیکره نگاه و دلفکار و سوز دلی اشکار ایدردی زنان دخی
سخریه و قباح قیافته متعجبانه خنده ایلد کمرنده یسار طمعکار کندویه
میل و حسن بی بهاسنه فریفته اولدقلرندن اشعار علاقه ایچون خنده
ایدرلر ظن ایدردی و هر کیمسه که حقیقه بناء کند و به ظن ایلد حقیقه
یسار الکواعب دیو ضرب مثل اولنور و برکون کندی اغاسنک زنی
یسارک اعجوبه شکلنه نظرو بالضروره خنده ایلد کده یسار سیده سی
کندویه دلدادده اولوب علاقه سنی اظهار ایچون خنده ایلدی زعمیله
رفیق زنی به بوکون سیده بکا نگاه داده اولدی سار زنان کی آنی
آتش افتراق ایلد سوزان ایلک مرویدن دور در البته بوشب برضنه داخل
وصله نائل ایدوب کلزار حسندن کلچین و بستان جامدن بار چیده
و کامین ایدرم دید کده رفیق زنی * یا یسار اشرب ابن الشعار و کل من
لحم الخوار و ایاک و بنات الاحرار * دیو نصیح ایلدی یعنی ای یسار اون
آیده وضع حمل ایدن ناقه نك شیرنی نوش و شیر خواره اولان کوچک

لحمی اکل ایدوب بنات احراره تعرض ایلمه دیدی واصل اولدی یغک
نعمتک قدرنی ییلوب حدیکی تجاوز و زیاده طمع ایلمه دیه جک برده ضرب
اولنور مثلدلر لکن یسار منتصح اولوب ای رفیق شفیق نصیح و پند د
مقبولدر لکن بکا یسار الکواعب دیرلر هر کورن زن دلداده و محبتماله
آواره اولور انلره عدم مساعده م یرنده در اما سیده مک آشفته اولمسی
بروجهله مناسب دکلدر اشتلرم سکا امانت بن رجعت ایدنجه محافظه
ایله دیوب ظلام لیلده روپراه وسیده سی فراشته داخل اولوب در اغوش
ایلدکده زن تخلیص دامن ایچون نواز شکار اولوب یایسار سن اشتربان
اولمغله رایحه کر بهه دن خالی دکل سن بکا بر مقدار مسا عده ایله که سنی
عطر کونا کون ایله تعطیر ووصاله لایق ایده یم دیوب یسار مساعده
زن دخی عطر سا اولوب طیب ساییده اولور کن استره ایله انفی قطع ایلدی
روایت اخرا ده وجودیکی بخیرایده یم دیوب بر حجره وضع و بخیرایدر کن
مذاکیرنی بریده یعنی خصمین و آتئی قطع ایدوب یسار فریاد و فغانه آغاز
ایلدکده زن (صبر اعلی مجامر الکرام) دیوب کلامی مثل اولدی قچن
بر کیمسه به استکراه ایلدیکی خصوصه تهکمایه یعنی شدت و غضب ایله صبر
ایله دیو امر اولمق مراد اولنسه بو مثل ضرب اولنور و بر کیمسه حدنی
تجاوز و خیانته اقدام ایلوب ترتیب جزا اولنسه فلان یسار الکواعب
دیو ضرب مثل اولنور و بر روایتده من بوره زنک اسمی منشم اولوب اشأم
من عطر منشم دیو مرأه من بوره نک عطری ایله شأ منده ضرب مثل
اولنشدن محصول ترکیب اگر بهیمه نک جرحی هدر اولمسیدی دختران دن
یسارک ملاقی اولدی یغنه ملاقی اولوردک یعنی سنک بکا تعرض ایدوب وصاله
طالب اولمک قباحت عظیمه و جنایه کثیره اولوب بهایمیدن اولماسک
ترتیب جزایه مستحق اولوردک دیمک اولور * فاهم الابیعض ماهممت
ولا تعرض الا لیسر ما تعرضت * یعنی یسار سیده سنه قصد و تعرض
ایلمسی سنک بکا طلب و تعرض کردن دون و سهل تردد براسن یسار ردن
فرومایه و بن سیده سندن شریفه و عالی نژاد و هممت الشی دیرلر اول
شیک طلی نفسک هم و قصدی اولدیغی زمانده و بر شیک طریقه

متن

متن

متعرض اولدی یغک حالده واقف و ایستاده اولسک تعرضت الشی دیرسن *
این ادعاؤک روایه الاشعار و تعاطیک حفظ السیر و الاخبار اما ثاب الیک
قول الشاعر بنودارم اکفاؤهم آل مسمع * و تنکح فی اسکفاهم الحبطات *
یوب رجوع معناسنه اولوب قچن برشی ذهنکدن ذاهب اولدقد نصکره
ینه ذهنکه رجوع ایلمسه ثاب الیک دیرلر محصول ترکیب نیجه اولدی
سنک روایه اشعار ادعاؤک و حفظ سیر و اخباره خوض و تناولک و شاعریک
بنودارمک شرفده کفوری آل مسمعدر حبطات بنودارمه کفو و مماثل
اولوب ینه کندی کی وضع و دون رتبه اولانلره کفو در قولی خاطر که
عود و رجوع ایلدی یعنی اشعار متقدمین و سیر و اخباره اطلاع و شاعریک
بو قولنی استماع ایتش اولایدک کفو و مماثلک اولمسان زنه طالب اولمزدک
ایمدی جمله سی ادعائی و کذب ایتش دیمک اولور و بیت مذکور فرزدق
بنی حارث بن عمرو بن شمس بنودارم بدن بر دختری خطبه و تزوج مراد
ایلدکده انشاد ایلدیکی بیتدر و دارم ابن مالک بن زید منات بن تمیم
و کینه سی ابو مجاشع اولوب بیتی اکبریوت بنی تمیمدر و آل مسمع بکر بن
وائل بیتدن و بنی قیس بن تغلبندر حبطات دخی بنو حارث بن عمرو
ابن تمیم اولوب بنودارم ایله حبطاتی تمیم جمع ایدر لکن بنودارم شریف
و عالی رتبه و حبطات وضع و دون قدر اولوب نقصان قدرلر ینه شاعریک
* وجدنا البيت من شر المطايا * کما دار الحبطات شر بنی تمیم * قولی
شاهددر روحبط فی الاصل ابو قبیلہ اولان مذکور حارثک لقبی اولوب سببی
بودر که بروقتده حارث بر طرفه سفر ایدوب انشای راهده درق که زبان فارسیده
دیو سبست و ترکیده قره یونجه دیرلر برکیاهددر که حیوانات اکل ایلدکده
شکمی منتفخ اولور اول نبتادن اکل ایدوب بطنی منتفخ اولوب وفات
ایلدکده عرب حارثی تعبیر و تعیب و حبط اسمیه ایلدی و حبط لغتده
مواشیک در قدن افراط ایله اکل و بطنلری منتفخ اولمسنه دیرلر و حدیث
شریفده (ان مما یبذ الریغ ما یقتل حبطا و یلم) وارد اولمشددر یعنی
ریغک اثبات ایلدیکی نبأ تادنندر شول نبأ تکه انتفاخ جهتیله قتل
ایدر یا خود قتله قریب ایدر یلم یقرب من القتل ایله تفسیر اولمشددر
و حدیث مذکور صفت دنیایی بیان و دنیا به قلت رغبتک نافع اولدیغنه

اشارت در مومنی الیه فرزدق همام بن غالب بن صعصعة التیمی الدارمیدر که
شاعر مشهور و جریر ایل به هم عصر و همدم اولوب فرزدق اقبیله ملقب
اولسنه باعث جهامت وجه یعنی ترشرو و سخت پیشانی اولسیدر
زیرا فرزدقه خچ - یزدن ضخم و سخت اولان قطعه به دیرل و کنیه سی
ابو فوارس در مومنی الیه جریر بن عطیه بن حذیفه بن بدر بن سلمه
التیمی در که شاعر مشهور و شعرای اسلام خواندن و فرزدق ایل به
هم عصر و دأئاهم صحبت اولوب عیلمدن بعضی فرزدقی جریر به ترجیح
ایردی لکن اکثر معارف شناسان جریری فرزدقه ترجیح ایدر و یوزاون
سنه سی فرزدق بادیه ده وفات ایلد کده جریر متالم و معصوم اولوب
عاده الله بویله جاری اولمشدر که بر کیمسه نک دشمنی یا خود صدیقی وفات
ایله چوق زمان مر و رایتیوب اول کیمسه دخی وفات ایدر ایمدی بنم
موتم قریبدر دیدی فی الحقیقه سنه مزبوره ده جریر دخی وفات ایلدی
وسنی سکسنی فجاوز ایدی شریف مر تضادن مر و یدر که فرزدق
شعرده درجه علیایه واصل و امثاله فائق اولدیغی کی آبا و اجدادی
شریف و نسب و بیاتی اکرم بیوت ایدی لکن شیعی و بنو هاشمه مائل
ایدی و آخر عمرنده مقتضای شاعریت اولان فسق و اجرای هوادن
رجوع ایلشدر و ابن عمران نقل ایدر که بر کون فرزدق مجلسمره کلوب
باری تعالی نک وسعت رحمتی مذاکره اولوب فرزدق باری تعالی
کندویه مغفرت ایتسنه اظهار اعتماد ایلد کده ارباب مجلسدن بری
یا فرزدق بورتبه فسق و مناهی بی ارتکاب و مذهب شیعه به میلان ایدر کن
نه وجهله واثق بالله اولورسن دیومؤاخذ ایلد کده فرزدق ای کشی
والدینه بر خصوصده عصیان عظیمه و اسأت کبیره ایلسم بی رد و احراق
بالتار ایدر می دیدی بزخی پدر و مادرک شفقت و مرحمتی عقوبته مانع
اولوب عفو ایدر لر دیدک پس فرزدق ای یاران باری جل شانہ
ارحم الراحمین در و خدای متعاله اعتماد پدر و مادریمه اعتمادمدن از ید
و او فردر دیوب اسکات ایلدی و فرزدق شیعی اولدیغنه دلالت ایدن
حکایان بری بودر که هشام پدری عبدالملک خلافتنده زیارت

بیت الله ایدوب طواف ایدر کن زحام ناسدن حجر اسودی استلام بلکه
تقرب ممکن اولیوب اشارت ایلد اکتفا و کثرت ناس بر طرف او اور امید
ایله بر طرفده مکث ایدر کن علی بن حسین رضی الله عنهما بر ازار و بر
ردا ایلد کلوب طواف بیت شروعه و مقابله حجر الاسوده نزدیک و استلامه
عازم اولدقده خلق مهابت علی به طاقت کتوره میوب تعظیم و اجلال
ایله کیر و چکیلوب استلامه رخصت و مساعده ایللیوب هشام مشاهده
و کندویه تفضیل اولندیغنه متالم ایکن اهالی شامدن بری یاهشام
سن خلیفه زاده ایکن خلق سکا استلامه مساعده ایتلیوب بوشخصه
اکرام ایلد مساعده ایلدیلا ایا کیم اوله که بین الناس بورتبه موقر و محترم
اوله دیو استعلام هشام دخی تعریف و اعلام ایلسم جائز که اهالی شام
علی به رغبت و میل ایلد لر دیو معلوم دکدر دیدکده فرزدق حاضر
اولوب یاهشام سنک معلومک دکل ایسه بنم معلومدر دیوب بوقطعه بی
انشاد ایلدی * هذا ابن خیر عباد الله کلهم * هذا النبی النبی الطاهر
العلم * هذا الذی تعرف البطحاء و طئته * والبیث يعرفه والحل والحرم
یکاد یمسکه عرفان راحته * رکن الخطیم اذا جاء یستلم * وهشام فرزدقه
فضبتک اولوب بین الحرمین عسفان نام موضعه حبس ایللیوب
فرزدق محبوس ایکن بوقطعه بی انشاد ایلدی * تحبسنی بین المدینة
والنبی * البهار قباب الناس یهوی منبها * ثقلب رأسم یکن رأس
سید * وعیناله حول باد عبوبها * وبعض رواة علی مدحنده اولان
قطعه مذکوره بی ابو الطمخان العتبی نک اولمق اوزره روایت ایدوب
فرزدقه نسبت ایدنلر محبوس اولوب تحبسنی قطعه سنی انشاد ایلد سبله
استدلال ایدر مومنی الیه علی بن حسین بن علی رضی الله عنهم ابن
ابی طالب در و کثرت عبادتدن زین العابدین دیمکله معروف و ائمه
اثنی عشرک چهارمی اولوب امام حسین حضرت تیرینک مومنی الیهدن
غیری فرزند قالمشدر و هر کیمه بیک رکعت نماز ادا ایتک وردی
اولوب کثرت سجوددن سجاد تسمیه ایلشدر دی و اهل بیتک ساداتک
کبارندن و تابعینک اجل و اعلا سندن ایدی وزهری قریشدن علی بن

حسیندن افضل کور مدم دیردی طقسان دورت سنه سی اللی سکن
باشنده مدینه ده منوره وفات ایدوب بقیعه ده دفن اولندی وفرزدق برکون
والی بصره اولان بلال بن ابی برده نك مجلسنه داخل وار باب مجلس
اشای صحبتده بنو تمیمک نقایصنی و یمک فضا ئلنی ذکر وتعداد ایدر لکن
فرزدق یمنده ابوموسادن غیری بر فرد و ابو موسانك پیغمبر صلی الله
علیه وسلم حضرتلرینه اولان خدمتندن ماعدل بر فضیلت موجوده
اولسه کفایت ایدر دیوب بلال یافرزدق ابوموسانك اول جهت - له
فضائلی بسیار در قنق شرف و فضیلتنی مراد ایدر سن دیدکده فرزدق
پیغمبر علیه السلامی حجامت ایلدیکنی مراد ایدرم دینجه بلال تعریض
کونه بلی کلامك حقدر که ابوموسی مقدم وه و آخر بر کیمسه بی حجامت
ایلامشدی دیدکده فرزدق یا امیر حاشا که ابوموسی رسول اکرم صلی الله
علیه وسلم حضرتلرینه مصدق ومؤمن و چاکر مخالفت پیشه لری
ایکن ابتدا تجربه بی کند و افندیسنده ایتمده اللهه اتقا ایدر دیو جواب
ایله بلال ساکت و اهل مجلس جواب مسکته تحسین ایلدی * وهلا عشیبت
ولم تغترو ما لشک انک و افدو البراجم * عشی شرتک کیمجه او تلامسنه و تعشی
تشدید ایله کیمجه او تلامغه دیرلر و اغترار الدائمق معنا سنه اولوب فقره
اولی * عش ولا تغتر * مثلندن مأخوذدر و اصل مثل بودر که بر کیمسه
شب دیچورده شتری ایله مفازه یه داخل و کیه وجداننه اعتماد ایله مغرور
اولوب کم کشته راه و هزار مشقت ایله کیه اهدن خائب رجعت ایلدکده
عش ولا تغتر دیدیلر یعنی وجدان کیه هدیقین و جزمک یوفیکن
مجرد طمع ایله نجسس و طلب بی فائده در دیمک اولور روایت اخراده
ابن عمرو ابن عباس و ابن زبیر رضی الله عنهم حضرتلری مجلسنه
بر شخص کلوب شرتک ایله عمل خیر مفید اولمدیغی کی ایمان ایله ذنب
مضر دکلدر دیدکده جمله سی دفعه * عش ولا تغتر * یعنی مسلم
اولان کیمسه یه احتیاط و اعمال صالحه یه مداومت و مناهیدن اجتناب
لازم اولوب رخصت و وسعت اوزره عملده تفریط ایتموب اعمال صالحه ده
اوتق اموری اخذ ایلدردیمک اولور و شخص مزبورک بو اعتقادی

متن

فرق ضاله دن مذهب مرجیه در یقن بر کیمسه مایعنی اولان امری ترک
و حصولی متیقن اولیان مالا یعنی یه مشغول اولسه مثل مذکور ایراد اولنور
و فقره ثانیه * ان الشقی و افد البراجم * مثلندن مأخوذ اولوب اصل مثل
بودر که ملک عمرو بن هندك برادری سعد بن هندی بنی تمیمدن سوید
ابن ربیععه قتل و فرار ایدوب ملک عمرو برادرینك نارنی اخذ ایچون بنو
تمیمدن یوز نفر شخص قتل ایتمسنه حلف و سو کند ایدوب طقسان
ظقوزی بنی دارمدن قتل و ایقاد نارایتدیروب مرد لری احراق ایدر لکن
بر شخصه دخی ظفر یاب و تکمیل مأه ایله حشیدن رهایاب اولسم دیو
نجسس ایدر لکن اولاد حنظله دن بر اجم دیمکله معروف اولان بش نفر
برادران دن عمارنا منده اولان شخص بر طرفدن خرک اهلرینه راهی
اولور لکن احراق اولنان اشخاصك دخانی و آتشی مشاهده ایدوب غالباه ملک
عمروك عامه یه ضیافتی واردر بندخی دفع کرسنکی ایدرم طبعیله عطف
عنان و اتشکده یه شتابان و وصولنده قضیه کندویه نمایان اولدی لکن
فرار ممکن اولما مغله اتباع حضور ملک عمروه احضار و عمرو کیمسک دیو
استنطاق اولدخی حنظله اولادی بر اجدن عمار اولوب طعام امیدی ایله
وفودنی تقریر ایلدکده عمر و تکمیل مأه ایچون عماری اتشه رمی
و احراق ایدوب ان الشقی و افد البراجم دیوب کلامی مثل اولدی
و هر کیمسه که طمعدن نفسنی مهلکه یه القایده اول کیمسه حقنده مثل
مزبور ضرب اولوب و وقعه مزبوره دنصکره بنو تمیم حب طعام ایله تعبیر
اولندی و تمام حکایه و الله او کساک محرق البر دین فقره سنده تفصیل
اولنور و ملک عمرو بود دفعه دنصکره محرق دیمکله شهر تیاب اولدی و آل
جقنه دن ملک شام اولان حرث بن عمرو محرق لقیبه له ملقب ایلدی
زیرا ابتداء عربی دیارلنده تحریق ایدن حرثدر و امری القیس بن عمر
ابن عدی اللخمی دخی محرق دیمکله شهر تشعار ایلدی و فداغنده و رود
معنا سنه و افد وار دیمکی کلیمی و ایلمچی و رسول معنا سنه دروشقی
بدیختلو کیمسه معنا سدرنه و ابن زیدونک مال کلامی کندی حالکه
قانع اولوب غرور ایله حدی تجاوز ایله و الا بلا شبهه و افد البراجم کی

مصیبت رسیده اولوب هلاکی نیجه و برردیمک اولور * اوترجع بصحیفة
المتلمس * یعنی وافد البراجم کی متضرر اولور سن یا خود صحیفة المتلمس
ایله رجوع ایدرسن که انتفاعه جهد ایدرکن متضرر اولورسون دیمکدر
وفقره مزبوره مثل اولوب برکیمه خیر و نفعنه جهد و دوسعی ایدرکن
کندونک هلاکنه یا برنوع ضررینه سبب اولان شبنی حامل اولد یغنه
یا ارتکاب ایلدی یکی نسنه یه صحیفة المتلمس دیو ضرب مثل ایدرکن واصل
مثل بودر که مزبور متلمس شعرای جاهلیتدن شاعر بی نظیر و بی ضعیفدن
اسمی جریر بن عبدالسیح اولوب خواهرزاده سی طرفه بن العبد ایله
حیره ملکی اولان عمرو بن منذر بن امرئ القیس که مادری هند بنت
حارث بن عمرو الکندی اکل المزار اولغله مزبور عمرو بن الهمد دیمکله
معروف اولان همروک مصاحبنه خواهشکر و مطیبه سوار و داخل بزم
عمرو و زمره خواص ند ماسندن اولوب برکون عمروند ماسیله شرب خمر
و عشرت ایدرکن ملک عمروک مهباره پری پیکر برخواهری اولوب اتفاقی
بزمه کلوب بر مقدار حریفان باده یه نظر انداز اولوب توقف ایلد کده
طرفه نک دستنده لبریز بجام زرین کیتی نما بولنوب و طرفه زیاده جه نشوه
دار اولغله دختره نگاه روایت اخرا ده دخترک پر تور خسارنی جام زرینده
مشاهده و بوییتی انشاد ایلدی * الایابی الظبی الذی یبرق شغافه *
ولولا الملك القاعد قد الثنی فاء * یعنی ای یار پدرم سکافدا اولسون
شول آهو که کوشواره لری لمان ایدر اکر قاعد اولان ملک اولسه ایلدی
دهاتی بکا تقییل ایدر ردی دیوب عمر و استماع و کین و غضب و بعض
محدور ملاحظه سیله کتم و هضم ایدوب صحبته مشغول اولدی و برکون
ملک عمرو صید و شکار اچون عبد عمرو بن بشر ایله صحرا یه بروز و بر
فرا یه تیرانداز اولوب اصابت و فراقته اولد قدده عمرو یا عبد عمرو
اسیدن نازل و صید بمنز اولان جار و حشی بی ذبح ایله دیو امر عبد دخی
ذبحه مباشرت و ذبحدن عاجز اولد قدده ملک عمرو بی حضور او او ب
یا عبد طرفه سنک کار کذار اولوب هرامیده عاجز اولد یغنه عالم
اولغله * و لاخیر فی غمران له غنی * و ان له کشحا اذا قام اهضما *

یبتی ایله هجوند ه اصابت ایلشدر و کشخ بو کرک ایله قصیرا
کوکلرینک مابینی که میان تعبیر اولنور و هضم قریلق و کسر معناسنه
اولوب مال معنای بیت عبد عمروده خیر و منفعتنه متعلق غنادن غیری
برشی یوقدر و بر مو میانی واردر که قیام ایلدی کی وقتده کان منکسر اولور
دیمک اولغله عبد منفعل و متألم اولوب طرفه مقدم مالک عمروی دخی
برقیج بیت ایله هجو ایلدی کی معلومی اولغله یا عمر و طرفه نک سنی هجو
ایلدی کی ایات بوندن افیج و افحشدر دیوب ایات معهوده دن * فلیت
انامکان الملك عمرو * رغوثا حول قبنا * و * یبتی انشاد ایله اکتفا ایلدی
رغوث قحرا ایله هر شیردار و امزکلو اولان حیوان مرضعه معناسنه
و خوار خانک ضعی و و اوک فنی ایله صغر چا غرق معناسنه اولوب مال
معنای بیت نه اولایدی ملک عمرو برینه بزه ذات اللین برکا و اولیدی که
بیتن اطرافنده صحبه ایدوب برل شیر ندن انتفاع ایدیدک دیمک اولغله
عمرو درونی غایت غضبنک و متکدر اولدی لکن غضبم شایع اولوب
اخذ انتقام ایتکله شیوع مانع اولور خوفیله غضبنی کتم و اخفا و عبدی
تکذیب ایلدی و طرفه و متلمسی قتل ایتکله که وسیله جوی اولدی که
اشکاره قتل ایلسه قبیله لر یله حرب و قتال لازم کلمسندن خوف ایلدی
و برکون متلمسی و طرفه بی مجلسنه دعوت و نوازش و التفات ایله خبلی
دمدر که سز لر قبیله کزدن دور و اقر با کزدن مهجور سزا ککر رؤیت
و دیدار لری آرزو اولنور سیه بحرین و عمانده عاملم اولان مکبره سزه
اکرام و احسان اچون بررمکتوب اعطا ایلده یمکه ما مؤلکزدن زیاده
جائزه کزی و یروب قبیله کزه رجعت و اقر با کزه ملاقات ایله دفع تحسر
و اشتیاق ایدیکزدیوب بررمکتوب احسان ایلدی روایت اخرا ده عامل هجر
اولان ابو کر به ارسال ایلوب متلمس و طرفه حیره دن بیرون و سوی
عامله متوجه اولغله محمل بند عزیمت و نهر حیره جانبنده اولان طریقه
سالک اولوب بر پیر سر راهه جلوس و کشف عورت و قضای حاجت
ایدوب بو اثناده گاه نواله سنی اکل و گاه وجودندن کبک و سپس اخذ
و قتل ایدر دی متلمس مشاهده و تعجبیکنان طرفه یه اراءت ایدرکن

پیراوضاعنه تعجب بر نی تفرس ایدوب ای مستندان بنم اوضاعنه تعجب
اولنماز که در و نمدن خبثی اخراج و کلیبی ادخال و دشمنی قتل ایده یورم
لکن شول کپسه به تعجب اوانور که حتف و قتلنی ناطق مکتوبی
اخذ و مقتله ایاغی ایلده راهی اوله دید کده متلمس منبتسه اولوب ایا عمرو
مکتوبه بو کونه شی تحریر ایلدی می دیوا هالی حیره دن برنو جوانه
مکتوبی قرأت ایتدر کده اما بعد فاذا انک المتلمس فاقطع یدیه ورجلیه
واصلیه حیا * یعنی متلمس سکا و صولنده دست و پالین قطع و بریده ایدوب
زنده ایکن صلب ایلده دیو تحریرینه مطلع و نهره القا و طرفیه قضیه بی
افاده و سنک ورقه کی دخی قرأت ایتدیره لوم دیوارام ایلد کده طرفه
مغرو رانه معامله ایلده بروجمله عمروه اساء نم بوغیکن بومقوله امر کر بهمه
اقدام ایدرمی خصوصاً بی قتل ایتدر سه قبیله بکر و وائله جواب
و یرمیه جکی معلومیدر که مجموع قبیله فنا بو لنجه اخذ انتقام ایچون عمرو ایلده
مقاله ایدر لر دیو بند متلمسی اصفا ایلوب بحرین طرفه راهی اولدی
و متلمس جای سلامت شامدر دیوب دمشقده ملوک بنی جفته حایه سنه
داخل و ملک عمروی برقصیده ایلده هجو و هجوی عمروه واصل اولد قده
اخذ انتقامدن کوتاه دست اولغله عراقده تناول ایلدی کی نعم کندویه
حرام اولسون فرصتیاب اولورسم قتل ایدرم دیدی و طرفه مکعبه
مکتوب عمروی ایصال مکعبه دخی طرفه نک دست و پالین بریده و زنده
ایکن صلب ایلدی روایت اخرا ده مکتوبه وادفته حیاتحریر اولنوب
زنده ایکن دفن ایلدی و برروایتده عامل طرفه بی قتله تخیر اولدخی اکل
طمر لر بی قطع و خونی سیلان ایده رک هلاک اولسنی اختیار ایتکله عامل
قتله طرفه نک مرادنی اجرا ایلدی و شاعر تجری اهو ن شریخی اختیار
ایتمک خصوصنده بومعنا به تلخیص ایدوب دیدی * ولقد سکنت الی
الصدود من النوی * والشری اری عند طعم الخنظل * و کذاک طرفه
حین اوجس ضربه * فی الراس هان علیه قطع اکل * وهان علیه قطع
الاکل قولیه ضرب مثل اولور * و افعل بک فعل مافعله عقیل بن علفه
بالجهنی حین اته خاطبا فدهن استه بزیت وادناه من قریه النمل * یا خود
عقیل بن علفه قومشوسی جهنی خطبه نکاح ایچون کلد کده استنی زیت

ایله تدهین وقر نجه یواسنه تقریب ایلدی کی کبی بندخی سنی خانه مورانه
تقریب ایلده تعذیب ایدرم من بورعقیل بن علفه بن حارث الیربوعی
وابوالعالمس ایلده مکنی اولوب مادری عمروه بنت الحارث بن عوف المری
و مادرینک مادری بدر بن حصن بن حذیفه الفزارینک دختری اولوب
دولت بنی امیه شعرا سندن بر شاعر سخن سنج ایدی واکرجه طویل القامه
و سرعت و عجله صاحبی احق و شدید و غضوب و غیور و نسبیه مقتدر
ایدی و لکن فی الحقیقه پدر و مادری طرفندن عالی نسبت و بیت الشرفدن
اولغله قومی میاننده عقیده کفو و مماثل اولماق اعتقاد ایلشرایدی و قبیله
قریش عقیل ایلده مصاهرته راغب و امیه نک خلفا و اشرا فی دختران عقیلی
زوجه طالب اولور لیدی و عبد الملک بن مروان بعض بنات عقیلی بعض
اولادنه خطبه و طلب ایلد کده عقیل براز زمان سرفرو برده اندیشه
اولد قد نص کره یا امیر المؤمنین بو خصوصدن بنی عفو ایتمه و ب البتده
مرادم حصول پذیر اولمیدر دیوارام ایدرسن هجیه لر یکی یعنی بد اصل
اولان فرزندانکی بکارأت ایلده باری بر بنی اختیار ایده یم دید کده
عبد الملک خنده ایدوب عقیل کبر و عجبیه و بادیه نشین اولما دن خشونت
طبعیه تعجب ایلدی ویزید بن عبد الملک دختران عقیلدن بر بنی تزوج
ایدوب عقیل دختری هودجه سوار و مهار ناقه بی الوب یزیده یداید
تسلیم ایلدی و عقیل بروقتده امیر مدینه منوره اولان عثمان بن حیان
مجلسنه داخل اولوب عثمان یا عقیل دخترانکدن بر بنی تزوج ایده دید کده
عقیل یا امیر ناقه لرمدن بر ناقه بکره می مراد اید رسن عثمان
دخی مجنون مپسن بن سندن تزوجه دختر طلب ایلدم دیدی عقیل
دخی اکر ناقه طلب ایدرسن تسلیم ایده یم دید کده عثمان غضبناک
اتبا عنه لکد کوب اوله رق مجلسدن اخراج ایدک دیو امر و اتباع
ضرب ایده رک اخراج ایدر لر کن عقیل * لحاله دهر اذعذع المال
کله * و سود ابناء الاماء العوارک * بیتنی انشاد ایلدی لحواعن ایتک
معناسنه لحاه الله اعنه الله معناسنه در ذعذع تقریق ایتک معناسنه
وعروک مرأه نک حبض کورمسی و عارک مرأه حایض معناسنه و جعی

عوارك كلور مال معنای بیت باری تعالی دهره لعنت ایلسونکه حاض
 کنیز کارك اولادنه جیع مالی تفریق ایلوب شریف ایلدی دیمك
 اولور و فقره مزبوره مذکور اولان جهنی عقیلک همسایه سی اولغله
 دخترلندن برینی تزوجه خواهشکر اولوب عقیلدن طلب ایلدکده
 عقیل غضبندن جهننک دستلرین قفا سنه ربط و بند و شلوارینی
 کشاده و اسننه زیت طلا و موران مجتمع اولدیغی سوراخه تقریب
 ایدوب مورلرله جهننی به تجمع و مذاکیر و زله سنی اکل و زهر موراندن
 وجودی منتفخ اولدقده بندنی کشاد و بلبه دن آزاد ایدوب عبدالمک
 دخترانمندن برینی طلب و بن استحقار و تزویجندن امتناع و کلامی
 رد ایش ایکن سنک کی فرومایه حریف بندن دختر طلب و بیت الشرفه
 مصاهرت امیدنده اولق کی نا حد شناسلق اولور می دیوب شتم و دشنام
 ایلدی و جهنه ا بوقبیل اولوب نسبتی جهننی درمرویدر که عقیل
 بروقتده شامده بنومرواندن برینک تحت نکاحنده اولان دخترنی
 مشاهده به عزیمت و فرزند اندن جثامه و عملس و دختری حورایه
 معامطیه سواروراهی و انای طریقه عقیل * فضت و طرامن دیر
 سعد و طالما * علی غرض ناطحه با لجام * بیتنی انشاد و جثامه به
 سندخی بریت تکلم ایله دیوب جثامه * واصبحن بالموماة یحملن فینه
 تشاوی من الادلاج میل العیام * بیتنی انشاد بعده عملسه سندخی
 بریت تکلم ایله دیوب عملس * اذاعلم اغادره بنو فة * تذار عن
 بالایدی لاخر طاسم * بیتنی انشاد ایلدکده دختری حورایه تکلیف
 حورادخی * کان الکری اسقاهم صرخدیه * تدب دیبیا فی المطا
 والقوام * بیتنی انشاد ایلوب معناسی کویا اوینخویه واروب امر غمق
 برناره شامده صرخدنام بلده به مخصوص اولان باده بی اسقا ایلوب
 باده پشت و پالینه سریان ایدوب سکران و سرمست ایلدی دیمك
 اولغله عقیل حورایه عتاب ایله رب الکعبه سن شرب خمر ایلش
 سنکه بورتبه کینه و تأثیرندن کاه سن دیوب سل سیف و قتل حورایه
 میادرت ایلدکده دخترک برادرلی ای پدر همشیره مزاک جرمی ندر که

قتل مراد ایدرسن اشعارده حاضره سنوح ایدن معنی انشاد اولنور دیو
 دفع مراد ایلدکلرنده انلره دخی هجوم ایدنجه بری تیرجانکداز اندازیده
 وز خمدار و عقیل خون آلوده مطیه دن زمینه فتاده اولدقده
 ایکی برادر و برخواهر پدرلرینی انده مجروح ترک و سوی مقصوده توجه
 ایلوب بر مقدار طی بیابان و بنوقین نازل اولدیغی محله رسیده وای
 قوم بر شتریمز تعب سفره طاقت کتوره میوب بو محله قریب برمو ضعه
 فتاده اولوب قالدی اگر لحم شتره خواهشکر ایسه کز ذبح و اکل ایدک
 دیدیلر و قوم شتاب ایله واروب شتریرینه عقیلی بردابه به تحمیل
 و خرگاهلرنده زخنه تیار ایلوب بره تام تحصیل ایلدکده مطیه سوار
 و فرزندانه قفادار و رسیده اولدی و بعضی رواة فرزندینک بری مجروح
 اولق اوزره روایت ایلشدر و عقیلک یتنک مال معناسی ناقه لر مقدما
 تحصیل مرام ایچون دیر سعد نام محله سرکوب تعب اولدقکلرنده خائب
 اولشلر ایکن شمعی اول محلی عبور ایله حاجتلرین قضا ایلدیلر دیمك اولوب
 مال معنای بیت جثامه ناقه لر شاب و برناری منحمل اولدقکلری
 حالده مفازده صباحه داخل اولدیلر اول برنار شبر و و بی خواب اولملری
 سیبیه کان سکران کی تاجلری بر طرفه میل ایلدی دیمك اولوب مال
 معنای بیت عملس بادیه ده برجلی که ناقه تجاوز ایلیه بدلیله جبل
 آخر صعب المروره صعود ایتکه کوشش ایدرلر دی دیمك اولور مرویدر که
 امیر مدینه منوره اولان یحیی بن الحکم عقیلک دختری تزوج مراد
 ورنه حسن و جمالنه اطلاع ایچون بر جاریه ارسال و جاریه جمال
 دختری مشاهده ایتک مراد و دختر دخی دستی ایله روینی ستر ایدوب
 کنیزک جمال روینه نظر ایتک ایچون یازوی دختری غمز و اخذ
 و رویندن رفع ایتک مراد ایلدکده دختر عقیل کنیز که شدت ایله برسله
 عربی ضرب ایلدی که کنیزک ز بروز بروانفی زخمدار اولوب خونی ریزان
 اوله رق یحیی بن حکمه فغا نکلان بنی بر عرب بچه به ارسال ایلدک که
 سبلی زن اولوب بنی مجروح ایلدی دیوشکوه کراولدی بعده یحیی دختری
 تزوج و ملاقات ایله تحصیل کام ایلوب کنیز که اولان سبب معامله

در شنیدن استعلام دختر دخی فعل ناهمواره مباحث رویی
 سندن مقدم بر کیمسه مشاهده ایجاب اگر حسندار ایسم ابتدا سن
 مشاهده و پسند ایده سن واکر زشت رو و قبیح المنظر ایسم ینه ابتدا
 سن متغور و گردان اوله سن قصد ایلدم دیدی فی الحقیقه سیه چرده
 و خور و برد ختری عدیل ایدی و بروقتده عقیل مدینه منوره یه کلوب
 مسجد شریفه داخل وایکی خف و خشین و غلبه ایله بدوی یانه پای
 کوب اوله رق مشی و سیر ایلوب اهالی مدینه ضرب رجله متعجب
 و خنده ایلد کزنده عقیل دامادی بحیایه سبب خنده دن سؤال یچی
 دخی سنک خف خشین ایله پای کوب اولد یغکه خنده ایدر لر دید کده
 عقیل یا یچی انلر بنم مشیه خنده ایلر بلکه سنک امارت و ولایتکه خنده
 ایدر لر که خفلر دن اعجب در دیدی * ومتی کثرت لاقیتا و اتصال تراثنا فیدعونی
 الیک مادعا ابنة الخس الی عبدها من طول السواد و قرب الوساد * هر
 بار که سنکله ملاقاتن کثیر و کور شممن متصل و پیوسته اولوب شخصک
 شخصه قری و دائم مقارنتدن نشأت ایدن بنت خسی بنده سبله زنایه
 داعی اولان حالت بنی سنکله مواصلته داعی و ارتکاب زنایه باعث اولور
 یعنی سن رتبه ده ادنا و فرومایه و بن شریفه و عالی تبار ایسم ده ملاقات
 و لغت ارتکاب فسقه بادی اولور تنکه بنت الخس ایله عبدی میاننده
 واقع اولدی من بوره هند بنت الخس الیادی در که زمان جاهلیته ابتدا
 وصل و صیله و تسبیب سائبه ایدن حکام عربدن قلمس زمانه رسیده
 اولشدر بعض رواه من بوره نعمان بن منذر زمانه رسیده و نعمانک دختر ی
 هند یاننده وفات ایتک اوزره روایت ایلدی لکن بوروایت غیر صحیح در
 وزمان جاهلیته و صیله دید کوری شول معزدر که بدی کره ایکبشر عناق
 یعنی دیشی اوغلاق تولد ایلوب سکر نجیده بر جدی تولد ایلد کده اول
 قوم ضلالت یدشه پرسنش و آله اتحاد ایلد کوری صمده جدی ذبح ایدر لر دی
 اما جدی ایله عناق تولد ایلسمه قرینداشی عناقه و صیله اولدی دیوب جدی
 ذبح ایلر لر دی و اول معزک شیرنی زنان نوش ایتموب فقط رجال نوش ایدر دی
 و سائبه شول ناقه در که برنر ایچون مهار و بندنی کشاد و تسبیب ایدوب

متن

ناقه مراد ایلدیکی علفزارده چراینده اولوب من بعد اول ناقه بی استعمال
 ایلر لر دی روایت اخرا ده سائبه تسبیبه اولنان ناقه ام البحیره دید کوری
 ناقه در که اون صکره دیشی کو چک تولد ایلد کده تسبیب و ازاد
 ایدوب تحمیل ائصال ایلر لر و بر کیمسه را کب اولوب شیرنی
 کو چکندن و مسافردن غیری زنان و رجالدن بر فرد نوش ایلر و اول
 حال اوزره هلاک اولنج سیر زارده صکره و ب هلاک اولد قده لحسنی
 رجال و زنان اکل ایدوب اونجی کوچکی اولان ناقه نک و کوشلر نی
 قطع و بریده و بحیره تسبیبه و مادری مقامنه اقامت ایدوب
 انی دخی تسبیب ایدر لر دی و مزبوره هند بنت الخس کندی
 عبدی ایله زنایی ارتکاب و قوم و قبیله سی تعبیر و اوم ایدوب سن قومکک
 شریفه و سبده سی ایکن ناجیز و فرومایه بر عبدی ایله زنایی ارتکابکه
 داعی و باعث ندر دیوسوال ایلد کزنده (قرب الوساد و طول السواد) دیوب
 بو کلامی مثل اولدی جن بر کیمسه بی بر امر قبیح و کریمه اتیاننه بر شی
 داعی و باعث اولسه مثل مذکور ضرب اولور و ساد و اولک کسر یله
 یصدق معناسنه و سواد سنک کسر یله شخص شخصه قریب اولوب
 کیر لوسو یلمک معناسنه اولوب قرب و ساد و طول سواد ایکی کیمسه نک
 کثرت صحبتدن عبارتدر حتی حدیث شریفده (السواد من السهر) وارد
 اولشدر و رواتن بعضی مثل مزبوره بر کیمه دخی ضم ایدوب هند (قرب
 الوساد و طول السواد و حب السفاد) دیو جواب داده اولدی دیو روایت
 ایلدی حب السفاد محبت جماع معنا سنه در و هند ی پدر ی خس
 بر کیمسه تزویج ایتموب طول و در از مکت ایتمکله افراط ایله سفاده
 منشوقه ایدی و مزبوره نک اشعاری قلیل و مسجع کلامی کثیر اولوب
 سر راهده ایستاده و آیند کان ایله کلمات مسکه ایله و لطیفه بی متضمن
 کلام سویلشکه مائل ایدی و بو مقوله مکالمه به محاجات دیرل منلابری
 بر کیمه تکلم و آخر اول کلمه ایله ابتدا ایدوب بر کلام تام ایراد ایدر تکرار
 بر کیمه تکلم ایدن شخص ینه اول کلمه بی اعاده و شخص آخر ینه کلمه
 معهوده ابتدا و بر کلام تام دیگر تکلم ایدر ثم و ثم الزام ایدنجه مکالمه ایدر لر

حتی بر کون بر شخص می ورایدردی کل سنکله محاجات ایده لم
دیدي اول شخص دخی (کاد) دید کده هندی (کاد العروس یکون امیرا
دیدي عروس دختره وشوهره اطلاق اولوب بونده مراد شوهر در که
اولوقنده اقربا و قومی اعزاز و اکرام ایدوب کندي وقومی عنده ملاک
کبی اولوب عرب قول مزبوری شوهر حقنده مثل ایلشدر بعده اول
شخص کاد دیوب هندی کاد المنعزل یکون را کبا یعنی لابس نعال سوار اولغله
قرب اولدی دیدي ینه اول شخص کاد دیوب * هندی کاد البخیل یکون کبا
دید کده شخص معهود بخل ایله معروف اولغله خجیل اولوب یا هندی
سندخی برکه تکلم ایله دیوب هندی (عجبت) دیدي اول شخص دخی (عجبت
للسیخه لا یحفر ثراها ولا ینبت مرعاه) یعنی شوره زاره تعجب ایلد مکده دائما
نمناک اولوب مرعاسنده سبز و گیاه نابت اولماز دیدي بعده هندی عجبت دیوب
اول شخص (عجبت للحجاره لایکبر صغیرها ولا یهرم کبیرها) یعنی تعجب
ایدر مکده حجرک صغیری برزک و برزکی پیر اولماز بعده هندی (عجبت) دیوب اول
شخص (عجبت الحفیره بین فخذیک لا یملأ حفرها ولا یدرک قعرها) یعنی
تعجب ایدر مکده سرینلرک میاننده اولان جقور جیغه که نه جقورینی
املا ممکند رونه قعرینه اطلاع و وصول قابلدر دید کده هندی ملزم
و شرمسار اولدی و هندی اسبلردن قنقبسنی پسند ایدرسن دیو استعلام
اولند قده (ذوالمبعة الضنیع السلیط التلیع الایدی الضلیع الملهب السریع)
دیدي مبعده نشاط ایله اسبک ابتدا شتابنه دیرلر و ضنیع بتار اولمش اسبه
دیرلر و سلیط قوتلو و قهر ایدمی به دیرلر و تلیع کردنی دراز معناسنه
و ضلیع شول اسبه دیرلر که تام الخلق و غلیظ العظام و کثیر العصب اوله
والهلب اسب سکر درکن زیاده شوقه کلوب سرعت ایتسیدر و هندی
بارانک نه کونا سنی پسند ایدرسن دیو سؤال ایلد کلرنده (ذوالهلب
المتبع الاضخم الموتاق الضخیم المتیق) دیدي و مهبذب شول سحابدر که
یغور یا غمه باشلد قده اوزن ایل کبی مشاهده اولنه و تبعق یغور
سحابدن شدت ایله نازل اولغله دیرلر اضخم زیاده فرموده معناسنه در
ایتلاق شمسک یلدیره مقی و لمعان ایتک معناسنه اولوب ضخب صد الو یغور

معناسنه و ثیق کثرت باراندن حاصل اولان سبل زمینی شق و دریده
ایتک معناسنه در و هندی ایرلر قنقبسندن ذوقیاب اولورسن دیو سؤال
اولند قده (اذا حفر حفر و اذا اخطأ قشر و اذا اخرج عقر) یعنی طعن
و ضرب ایلد کده حفر ایده اصابت ایده کده قشرنی صویه و خارج
اولورکن جرح و ایلام ایده دیدي و هندی یوز عدد معز حقنده نه دیرسن
دیو سؤال اولند قده (موبلی یشف الفقر من وراثه مال الضعیف و حرفة
العاجز) یعنی برمالجوزدر که فقری ستر یسیر ایله ستر ایدوب ضعیفک مالی
و عاجزک صنعتدر دیو جواب داده اولدی و کوسفنددن یوز عدد حقنده
نه دیرسن دیدیلر (قرینه لاجی بها) یعنی قوری سبز برقریه در دیدي و شتردن
یوز عدد ایچون نه دیرسن دیدي (نخ جال و مال و منی الرجال) کلمه نخ
تحسین ایچون اولوب ایو جال و مالدر و دجالک مقصود لریدر دیدي
واسبدن یوز عدد حقنده نه دیرسن دید کلرنده (طخی من کانت له ولا
یوجد) یعنی هر کیم یوز عدد اسبه مالک اولورسه حدنی تجاوز ایدوب طغیان
ایدر لکن یوز اسبه مالک بو لغماز دیدي و چاردن یوز عدد حقنده نه دیرسن
دیدیلر (عاریة اللیل و خزی المجلس لالین فیحلب ولا صوف فیجزان ربط
علیها غیرها ولی وان ترک * یعنی چهار کشتنک کندي مالی اولوب برندن
بر کیمه انتفاع ایچون اخذ اولنان عاریت کبی قلیل النفع اولوب خور و ذایل
اولور و لبی بوقدر که حلب و دوشیده اولنه و موبی بوقدر که قطع و انتفاع
اولنه و جن خر خرز ماده له قریب ربط اولنسه نشرالت ایله ماده له
هجوم ایدر و اگر کشاده اولوب سبیلی تخلیه اولنسه ماده لرینه تقرب
و درکار اولمه دن غیری برکاره یاره مر دیدي و هندی نظر کرده اعظم ناس
کیمدر دیو استنطاق اولند قده اعظم ناس شول کیمسه در که اندز مر اجتم
اولوب حصول پذیرا و لمسی مأمول اوله دیدي و بو یتلر مزبوره هندی
اشعارنددر * اشم کنصیل السیف حجد مر جل * شفقت به اوکان
شیء مدانیا * واقسم لو خیرت بین لقائه * و بین ابی لا خیرت ان لا اباب *
(و هل فقت الا لاقم فانکم فی جنب او اعضانی همام بن مره فاقول زوج
من عود خیر من قعود) و قومدن شریف و سید اولانلری ضایع می

ایلد مکه سنک کی وضع و فرومایه به عقد و انکاح اولنه یا خود همام بن
 حمره طول و دراز بی تزو بچدن منعمی ایلد بیکه بی شوهر قعوددن اغاجدن
 شوهر خیر لیدر دیوب نفسی سکا تزویج ایلبه اراق بی تغلبیدن بر حی
 و جنب بمندن بر قبيله اولوب فقره اولی ذکر می متقدم مهلهل تغلبینک
 حرب البسوسدن فرار ایلد بیکه وقتیده انشاد ایلد بیکه بیتندن مأخوذ
 اولوب سبب انشاد بودر که وقتا بسوس سبی ایله حروب ظهور ایدوب
 متمادی اولدی مهلهل عاجز و فرومانده و بر طرفه توجه و فرار و سر راهی
 قبيله جنب منزل کاهنه منتهی اولوب اهالی جنب مهلهلک نسبی
 شریف و قومک سیدی اولدیغندن دختر بی تزوجه رغبت و طلب
 ایلد کلرنده مهلهل جنب قوم دنی اولغله تزوجدن ابا و امتناع ایلد کده
 اهالی جنب تجمع و مهر اولق اوزره بر مقدار چرم و سختیان احضار
 و مهلهله کیره و ابرام و مساعده ایتمسک سنی قتل ایده رز دیو ایخاف
 ایلد کلرنده مهلهل * انکجه افقده االراق من * جنب و کان الحباء من
 ادم * ییتنی انشاد ایلدی یعنی دختری جنب قبيله سنه اراق قبيله سنک
 فقدانی انکاح ایلدی حال بو که مهر و صدای ادم و سختیان اولدی حاصلی
 اگر قوم موجود اولایدی بویه مهر خسب ایله جنب کی قبيله دینه به
 تزویج ایتمیوب مقاتله ایدردم دیمکدر و عضل منع شدید ایله منع ایتمک
 معناسنه عضل الولی المرأة ولی دختری نکاحیدن شدت ایله منع
 ایلدی دیمک اولور (زوج من عود) همام بن مره نک دخترانندن
 برینک قوی دروسبی بودر که مزبور همامک درت دختری اولوب
 هر بری رسیده و بالغه و اطرافدن خلق تزوجه راغب و هر بار طالب
 ایکن همام غیرت جاهلیه ایله غیور و عقد و نکاح لرینه غیرت و عاری
 مانع اولوب مادر لری دائماً نصیح و الحاح ایدوب همام مساعده ایتمزدی
 بر کون درت همشیره بریره کلوب بر برینه غمکساری و درددلندن شکوی
 وزاری ایدر لری پدر لری همام بیرونندن دختراننه کونا مکالمه ایدر لری
 چشم و گوش اولمشدی ایچلرندن بری ای خواهران بی درمان شوهره
 وارمی لازم کلاسه نه کونا تزوجه رغبت ایدر دیکر کم ایتمیوب اظهار

ماقی البال ایدیکر دیوب استعلام ایلد کده دختر بزرک * الایت زوجی
 من اناس ذوی غنی * حدیث الشبیب طیب البشر و العطر * طیب باد واء
 النساء کانه * خلیفه جان لاییت علی وتر * دیدی مال معناسی اکاه
 اولک * نه اولیدی زوج غنا و ثروت صاحبی اولان ناسدن حسن
 الوجه خوش رایحه رشاب و برناور تانک دردلرینک مدا و اسنه عالم
 و حاذق اولوب کویا جن کی بی خواب و آرام دوا به مشغول اولوب یا بکر
 خفته اولماییدی دیمک اولغله خواهر لری سنک محبتک کندی قبيله کدن
 اولیان زوج در دیدیلر بعده دختر دوم * الایته بملی الحان بدیهه
 له جفته یسقی بها النیب و الجزر * له حکمات الدهر من غیر کبره *
 تشین فلادان و لا ضرع غمر * دیدی مال معناسی اکاه اولک که
 نه اولاییدی زوجم ابتدا کاسه لری لبریز ایدوب انکچون
 ناقه لری واکل ایچون پرورده اولان کو سفندانی اسقا و اروا ایده جک
 بر کاسه سی اولیدی و احوال و وقایع روز کاری
 مجرب و شان و یره جک مرتبه اولوب پیر ضعیف و عاجز و ذلیل و بی تجربه
 اولماییدی دیمک اولغله خواهر لری سن زوجی اشراف قومدن طلب
 ایدرسن دیدیلر بعده دختر سوم * الاهل تراها و ضجیعها * اشم کنصل
 السیف عین المهند * لصوق باکبا د النساء و رهطه * اذ اما انتی
 من اهل یبئی و محندی * دیدی مال معناسی اکاه اولک همشیره کزی و معا
 خفته اولانی کورمز مبرز که کسکین تیغ هندی کی بالاقد و مرتفعدر
 و زناتک کبدیلرینه ملاصق و قریب اولوب قومی منتمی و منسوب اولسه
 اهل بیتدن و اصلدن اوله یعنی کندی قبيله مزدن اوله دیمک اولغله
 خواهر لری سن زوجی کندی قبيله کدن طلب ایدرسن دیدیلر سیف
 مهندی هندی و جوهر دار و کسکین تیغه اطلاق اولوب زبان فارسیده
 اول قلیچه بلالک دیرلر که شیخ نظا مینک تیغ براق و صفنده اولان *
 چو بر در یازند برق بلالک * بماهی کاو کوید کیف حالک * بیتندن فهم
 اوانور و دختر چهارمه سن نه کونا تزوجه رفیت ایدرسن دیو استعلام
 ایلد کلرنده دختر کو جک بنم شوهره رغبت یوقدر دیو کتم سر ایلد کده

همیشه لری سن بزم سیر عیزه واقفه اولدک بزخی سنک ستر بکه مطالعه
اولمی یوز دیوا برام والاحاح ایلدک کرندہ دختر کوچک * زوج من عود خیر
من قعود * دیوب قولی مثل اولدی قجن برکیمسه مضطرب و عاجز اولوب
دفع ضرورت ایچون ادنی شبهه راضی اولسه ضرب اولنور و دخترانک
پدری انلرک ازدواجه رغبت و مکالمه لرینی استماع ایلدکده هر برینی
خواهش لری اوزره برکیمسه ترویج و بر مقدار زمان مرورنند نصکره دردی
دخی زیارت پدر قصیده خرگاهنه مجتمع اولوب پدر لری دختر بزرگوار
زوجی نیجه مشا هده ایلدک دیو کیفیت مواسسه لرندن استعلام
ایلدکده دختر خیر لوز و جدر که اهلانه اکرام ایدوب کرمنی امتنان ایلر
دیوب پدری مالکزنه در دیو سؤال دختر دخی شتر در دیوب پدری شترک
فائده سی نه در دیدکده دختر (ناکل لمانها مزعا و نشرب البانها جرعا
و تحملنا و ضیقنا معا) دیوب پدری (زوج کریم و مال عیم) دیدی لمان ضم
لام ایلدک جمعی اولوب کوشتها معناسنه و مزع کوشت پاره سی
معناسنه البان لبک جمعی اولوب و جرع یوتمق طریق ایلد سودی
نوش اتمک معناسنه و ضیف مهمان معناسنه در بعده دختر دو مدن
سؤال اولدخی حامله سنه اکرام و وسیله بی تقریب ایدر دیوب مالکزنه در
ونه فائده مندر دیو استعلام دختر دخی بقدر دیو بقدر فائده سنی
بیان ایدوب (تالف الفناء و تملاء الاناء و تودک السقاء و نساء مع نساء) دیدی
تالف الفت ایدر معناسنه و فناء جوانب خانه ده اولان میدان معناسنه
وانا و کاسه و امثالنه دیرلر که کاسه بی لبر یزاید دیمک اولور و و دمحبت
معناسنه و سقا آب و ابن ایچون اولو طلوم معناسنه و نساء اولی ابن
مخلوط معناسنه اولوب سقایه معطوفدر و نساء ثانیه حل معناسنه اولوب
پدری بورتبه تعیش رضاداده اولوب نصیبکی اخذ ایلدک دیدی بعده
دختر سومدن زوجنک احوالی سؤال دختر دخی (لا سمح بذر ولا بخیل
حکر) یعنی جوهر دو مسرف اولوب بخیل و محترک دخی دکلدر دیدک
پدری مالندن استعلام دختر دخی معز در دیوب پدری کجیلرک
منفعتندن سؤال ایلدکده دختر (لوکنا نولد هافطها و نسلحها ادما

لم نبغ بها نعما) تولید طوغر تمق معناسنه و فطم فطمک جمعی اولوب
فطم سوددن کسلن ولد معناسنه و سلخ جلدنی صویق معناسنه
وادم ادمک جمعی اولوب سختیان معناسنه و نبغ طلب معناسنه و نعم
نعمتک جمعی پدر بعده پدری (جزو مغنیه) یعنی اغنا ایدیچی بر قطعه
مالدر دیدی و دختر چهارمه زوجندن سؤال ایلدکده دختر (شرزوج
بکریم نفسه و یهین عرسه یعنی زوجک) شری اولوب نفسنه اکرام
وزجه سنه اهانت ایدر دیدکده پدری مالندن سؤال دختر دخی کوسفنددر
دیوب پدری منفعتندن استعلام ایلدکده (جوف لایشعن و هم لاینقن
وصم لایسمعن و امر مغوتین یبعن) دیدی جوف اجوفک جمعی
اولوب سیر شکم معنا سیر شبع سیه شدن معناسنه هم تشنه معناسنه
و تقع صویه قاتمق معناسنه و صم حاسه سمک فقداندن عبا رندر
و مغوی اغوا و اضلال ایدیچی معناسنه اولمغله پدری (اشبه امرؤ بعض
بزه) یعنی بعض متاعی صاحبنه مشایه اولمش دیدی علی بن عبدالله
بن عایشه دن کوسفندک اغوا ایدک امر نه متابعی نه معنایه در دیو
استعلام ایلدکده ابن عایشه مشا هده ایتیمی سن کوسفندان بر طرفه
راهی اولورلر کن ایچلرندن بری آبه یا خود و حله یا برغیری مهلاکده ساقط
اولسه مجموع کوسفندان تابع اولوب ساقط اولورلر دیدی و بعض رواه
حکایه مزبوره بی ذوالاصبع العبد وانی به عز و ایدر * ولعمری لو بلغت
هذا المبلغ لارتفعت عن هذه الخطه ولا رضیت بهذه الخطه * خط برشی
علودن ازال اتمک معناسنه و خطه مکان مخفض یعنی چقوره وضع
معناسنه و حظه نصیب و مقصد معناسنه اولوب مال معنایاری
تعالینک بقاسنه اقرارم حقیچون هند بنت الحس کی طول سوادم و اراقم
کی عونهم مفقود و همام کی تزوجدن منع ایدرم اولسه ینه سنکله اجتماع
ذلندن رفیع و بری و اول امر و مقصددن روگردان و غیر راضیه اولوب
تنزل اتمک اولور * والنار و لا العار و المنیة و لا الدینة و الحرة تجوع
ولا تأکل بشیئها * فقرات مذکورہ امثال ثلاثه اولوب حقنه ده
قیح حکایات و کریمه حوادث نقل مذمت اولمغله تلف نفسنی اختیار

ایدن کپسه ضرب و ایراد ایدر و عار عجب معناسنه و معنیه موت معناسنه
 و دینه خبیثه و رذیله معناسنه و جوع کر منگی معناسنه و ندی بستان
 معناسنه (والنار و لا العار و المنیة و لا الدینة) اختصار تقدیری ایله منصوب
 اولق جائز اولوب اختار النار و المنیة دیمک اولور و احب الی تقدیر
 اولوب مرفوع اولق دخی جائز در (المنیة یا الدنیا) دخی مستعملدر که
 موقی اختیار ایدرم عاری ارتکاب ایتم دیه جک برده ضرب اولور
 (و المنیة و لا الدینة) مثلی اوس بن حارثه نک اولق اوزره مرویدر که مال
 معناه تمام بن مره کی تزوجه مانع و دختر مهلهل کی قبیله مدن جدا
 اولوب ابن عبدوسه تزوج ایتمسک سنی قتل ایدرز دیوا گراه ایتسه لروهند
 بنت الخس کی شهوت غلبه ایلسه سنکله ازدواج دن نشأت ایدن عاری
 قبول ایتموب ناری و خساستی قبول ایتموب موقی اختیار ایدرم دیمک
 اولور عسکری ذکر ایدر که (لحرة نجوع و لا تأکل بشدتها) دیمکدن مراد
 حرة حسیه اولان زن نه مقدار فقر و جوع زحقی چکر سه ده بر کپسه به
 دایه اولوب بستانلر بله خلقک کودکانه شیر و یروب اجر تیله تعیش ایلر
 دیمکدر و مثل مز بورک قائلی حادث بن سلیل الازدی اولوب تقولنه باعث
 بودر که بروقتده حارث علتمه بن خصعة اطائی زیارتنه واروب علقمه نک
 دختری زبائی مشاهده و زبانه زمانی زاننک اجلی اولمغه دل داده
 اولوب پدر علقمه (اینتک خاطبا و قد ینکح الخاطب و یدرک الخطباء
 و ینکح الراغب) یعنی سکا خطبه نکاح ایدیچی اولد یغم حالده کلام و خطبه
 ایدیچی به نکاح اولوب طالب اولان مرامنه واصل اولور و رغبت ایدنه
 اعطا و احسان اولور دید که علقمه سن دخترم بمثل و کفو کریم سن
 و بر مقدار توقف و ارام ایله امر کرده ملاحظه و مشاوره ایده یم دیوب
 دخترک مادرنه حارث بن سلیل سید قوم و حبیب و منصب و بیت
 جهتله عالی و شریف اولوب دختر بمز زبائی تزوجه راغب اولدی
 و بزحارثی خائب و محروم ارجاع ایده موز دید که زن دختری استجواب
 ایدوب رجالدن کههل حجج احمال اولانی یعنی الی یاشنه قریب
 دوموی و میل ایده رک مشی ایدر سید و شریفه می رغبت ایدرسن

بوخسه شاب و بزنا و خوب رو قوی و توانا اولانه می خوا هسکرسن
 دید که زبانه شاب و بزنا استرم ز برایشخوخته قریب اولان زوج کنبجلمکی
 افنا و بیایمی تلویث ایدوب اقزان و اترایم بکا شماتت ایدر دیدی لکن
 مادری شابلری مذمت و شیختری مدحت و هزار تکلف و ابرام ایله زبانه بی
 ارضاو یوزاللی شتر و برخادم و بیک درهم مهر ایله حارثه تزویج اولوب
 حارث زبانه بی قبیله سنه کوتوروب بر مقدار زمان مرورنده بر کون ازبانه
 بیرون خرگاهده ایستاده و اطرافه نظر انداز اولور کن بنی اسد دن
 برخوب روشاب نو جوان ظهور و زبانه جوانی مشاهده ایلد کده
 نانه و آه ایدوب کریمه ایلدی و زوجی حارث واقف اولوب آه و بکایه
 سبب نه اوله دید که زبانه * مالی و لا شیوخ الناهضین کالفروخ * یعنی
 قوش یا ور یلری کی تو یلری یتیم بیرلره بنم ایشم نه در دید که حارث
 نکلتک امک دیدی و نکلت لغتده مرأة نک و لدنی ضایع ایتمسنه دینوب معناسی
 والده ک سنی ضایع ایلسون دیمک اولوب بددعا اولور حارثک بو قولی مثل
 اولوب تمامی * نکلتک امک ای جر درقع * در و جر داسکی ثوب و رقع
 کهنه ایله ثوبی یمامق معناسنه اولوب فن بر کپسه کندویه فائده
 و منفعتی اولیان شیء طلب ایلسه مثل مذکور ضرب اولور بغداد حارث
 * تجوع الحرة و لا تأکل بشدتها اما وایک لرب غارة شهیدتها و سبیته
 اردفتها و خرة شربتھا فالحنی باهلاک فلا حاجة لی فیک * یعنی
 خسبسن اولان مکاسب اموالندن نفسمنی صیانب ایدوب الم جوعه
 تحمل و صبر ایدرم پدرک حقیچون بن جوق غارت مشاهده ایدوب
 دشمنی سبی و اسیر و ظهر مه ارداف و شرب خیر ایتمدم می یعنی بنم
 کبی شجیع و سید قومک قدرنی بیلوب اجنبی به تحسیر ایدرسن
 پس قومکه لاحقه اولکه بنم سکا احتیاج یم یوقدر دیو تطلبیق ایلدی
 * فکیف و فی ابتاء قومی منکح و فنیان هر ان الطوال الغرافقة * یعنی
 بن سنکله ازدواج دلتی نیجه ارتکاب ایدرم که قومده کفو و مماثل نکاحه
 طالب اشراف و هران قبیله سنک حسن و جمال صاحبی بالاقد و دراز
 کردن شاب و بزنا ی بکار ایدر و فقره مزبوره ایشانک قبیله هرانی

وصف ایلدیکي ایباتک برندن مأ خوددر که اول بیت بودر * ولن تعدی
من الیمامة متکما * وفتیان هزان الطوال الغرائقة * ویت مزبوری
انشاسنه باعث قبیلہ عزه دن برزن تزوج ایدوب میانلرنده حسن زندگانی
ومعاشرت ممکن اولیوب تطلیق و برقاج بیت انشاد ایلدیکه بری بیت
مذکور درومز بوراعشی میمون بن قیس ابن جردل اولوب زمان جاهلیت
شعر اسنک فحول و کبارندن واعشای اکبر دیمکله معروف برشاعر سخن سحر
مرویدر امرؤ القیس را کب اولدقده اشعر ناس وزهیر خواهش ورغبتی
اولدقده اشعر ناس نابغه خوف و خشیتی اولدقده اشعر ناس واعشی طربناک
وسکران اولدقده اشعر ناس ایدی و بعض ادبا شعر ای مذکوره نک دخی
اشعر اعشی اولسنه ذاهب و جازم اولوب رسول اکرم صلی الله علیه وسلم
حضرت لری (ان امرئ القیس بیده لواء الشعرا) یوردی اعشی امری قیسه
نه وجهله ترجیح اولنوردیو اعتراض اولدقده ادیب مزبور اعشایک امری
القیس رجحانته دلیل ذکر ایلدیکر حدیث شریف در زیر علمداره امیر و
سیه سالار لازمدر امری القیس علمدار اولدقده امیری اعشی اولوردیو
جواب داده اولدی بدیع همدانی ابوعلی بن سیمجوری برقصیده غر ایله مدح
انشاسنده شعر ای مذکوره نک هر بری بروقتده اشعر ناس اولدقده
* هذا رکبته وذا رهبتہ وذا رغبتہ وذا اذا طربا * بیتیه اشارت
ایتمشدر و بعض ادبا بیت مذکوره دن معنای مراد امرؤ القیس وصف
خیلده اشعر ناسدر خصوصاً لامتین قصیده سنده خیلہ متعلق اولان
وصفی جمله به راجحدرو نابغه نک نعمان بن منذردن خوف و احتذاری
مشهور اولوب وقت خوفده انشاء شعری مسمدروزهیر بن ابی سلمی
عطا یای ملوک راغب واستماعه ایدوب سماحت و احسان ایلدکلرنده
قصائد غرا انشا ایلدیکي معروفدر واعشایک سرمست اولدقده اشعار
جیده انشا ایدوب خیری وصفی مشهور در عتی شارحی نجاشی
امرؤ القیس وصف خیلده ماهر ایدی و بو تصریح ایدر لکن بعضیلر
امرؤ القیس را کب اولدیغی وقتده اشعر ناس ایدی دیو ذکر ایدر اصمعدن
مرویدر که اعشی هر کیمسه بی که چندین ایات ایله مدح ایله اول کیمسه
مراتب علیابه واصل و رفیع القدر اولوردی و هر کیمسه بی که هجو ایله

درجه سندن ساقط و وضع و کیمایه اولوردی حتی بروقتده یمامه جانبته
راهی و محلق بن چشم الکلبی به نازل و محلق ناسک نظر و اعتبارندن
ساقط بر شخص اولوب دخترانسه کیمسه رغبت ایتوب سواکن بیوت
کبی قالمشرایدی و محلق اعشایک نطقنده تأثیر اولدیغنه واقف اولغله
فقیرو فقط برناقه به مالک ایکن ملک فدا ایدوب ناقه بی ذبح و بر مقدار
پاده تدارک واعشای اسقا و اطعام و قدرتی مرتبه صباحه دک اعزاز
واکرام ایدوب اعشی محلقک متداری اولغله یا محلق بر مرادک وارمیدر
دیو سوال محلق دخی یا اعشی بنی برقاج بیت ایله مدح ایله سنکله خلق
بکار رغبت و دخترلری طلب ایتک مأمول ایدی دیدی اعشی سوق عکاظه
واروب برقصیده ایله محلق مدح ایلدی که بو بیتلر اول قصیده دندر
* لعمری لقد لاحت عیون کثیر * الی ضوء نار بالبقاع یحرق * یشیب
لمغروب بن یسطلمیانها * و بات علی النار اندا و المحلق * و انشاد قصیده دن
برسنه کذران ایتوب دخترانی شوهره و یروب میان ناسده محلق
معتبر بر شخص اولدی واسود عیسی بی مدح ایدوب اسود سرورندن
اعشایه انعامات جزیه ایله مقابله ایلدی واعشای بلاد بنی عامره واروب
علقمه بن علائه هجو واعشایان خوفنه بناء زیارتنه واروب اعشی
یا علقمه بنی حفظ و جایه ایدر مسن دیوب علقمه و سعم مرتبه سی
جایه ایدرم دیدکده اعشی انس و جنیدن جایه ایدر مین دیوی
علقمه دخی ایدرم دیوب اعشی انس موتدن دخی جایه ایدر مین
دیدکده علقمه موتدن جایه و سعمدن خارجدر دیو جواب داده اولوب
عامر بن طفیل ملعون کلدکده اسئلہ مذکوره بی عامره دخی عرض
ایلیوب عامر موتدن جایه ایدرم دیدی واعشی کیفیت جایه سندن
استعلام ایلدکده عامر جوارمده ایکن وفات ایدر سن دیتی اهل و عیالکه
ارسال ایدرم دیدکده اعشی یا عامر بنی جایه ایله جکک معلوم اولدی
دیوب عامری برقاج بیت ایله مدح و علقمه بی * تبیتون فی المشتی ملاه
بطونکم * و جاراکم غرثی بیتن خایصا * مال معنا سنه لک شانه کزده
سیر اولوب بیتوتت و ذوق ایدوب مهمان و جایه کزده اولنلر بر صمان

ایله کرسنه و شکملری جوعدن صغیر اولمش عاجز قالورلر دیمک اولمغله
 بزر جایه مرده اولانلره بو گونه معامله می ایدرز دیوب منکسر و غمکین
 اولدی واعشی بسیار سیاحه اولوب بروقتده کسری مجلسنه داخل و بر
 قاج بدت ایله کسرای مدح ایدوب * ارقق و ماهذا السهاد المؤرق *
 و مابی من سقم و مابی معشق * بیتنه واصل اولدقده کسری معنای بیتی
 فهم ایده مدم مرادک ندر دیوسوال اعشی دخی عشقه و سائر مرضه
 ابتلام بوغیکن سهره مبتلا اولدم دیمک اولوردید کده کسری اوله ایسه
 بو آدم سارقدر مجلسمدن بیرون اولنسون دیوب اخراج ایلدیلر واعشی
 آخر عمرنده اسلامی قبول ایتک قصیده رسول اکرم صلی الله تعالی علیه وسلم
 حضرتلرینک زیارت شریفه لرینه توجه و مطیه سوار اولوب برقصیده
 ایله مدح ایلدیکه بو ایات اول قصیده ندر * فالیت لا ارقی لها
 من کلاله * و لامن وجی حتی تلاقی محمدا * متی ماتناخی عند باب ابن هاشم
 تراخی و تلقی من فواضله ندا * نبی برامالا ترون و ذکره * اغار لعمری
 فی البلاد و انجدا * واعشاک زیارت پیغمبر علیه السلامه عزیمتی و قصیده
 جیده ایله مدحی طائفه قریشه واصل اولوب قریش اسنشاره واعشی
 صناجه عربدر یعنی قدر شناس و مراتب ناسه عالم اولوب برکیمه بی مدح ایلز
 الارفع القدر اولور ایدم اعشای زیارت پیغمبر علیه السلامدن منع لازمدر
 دیور هکذارنده قدومنه منتظر واعشاکلده کده توجه و عزیمتدن سوال
 اعشی دخی رسول علیه السلامک مجلس شریفه قبول اسلامه متوجهم
 دید کده قریش یا ابانصیر اعتقاد کده حلال و طبعکه موافق اولان اشیانک
 مجمو عندن سنی منع ایدر دیدیلر واعشی دخی نه مقوله اشیا دن منع ایدر دیوب
 قریش اولانلار دن منع ایدر دیدیلر واعشی دخی بن زبانی ترک ایلدم لکن
 زبانی ترک ایلدی دیدی بعده قریش قاردن منع ایدر دیدیلر واعشی
 مأمولدر که قاره بدل بر شبنه اذن ویره که فی الحقیقه امر حسن اوله دیدی
 بعده قریش خردن منع ایدر دید کارنده و بو بر امر مشکدر باری
 مهرانده آماده باده وارد رانی نوش ایدوب بعده حضور عالیبرینه
 رویمال اوله یم دیوب راحله سنه رجعت و بر قاج کون مکث و اقامت

ایلیوب بر کون شتر اعشای زمیننه رمی و القا و اهلاک ایلدی بعض رواه
 اعشای زیارت رسول اکرم علیه السلامدن منع و رجعت ایتدیرن
 ابو جهل اولمق اوزره روایت ایلدی لکن غلطدر زیرا آخر رسول الله
 علیه السلام مدینه منوره یه هجرت ییوروب غزوه بدر و قو عندن صکره
 تحریم اولمشدر ابو جهل ملعون ایسه غزوه بدر کبراده قتل اولمشدر
 لعنة الله علیه و روایت صحیحه بودر که اعشای ار جاع ایدن عامر بن
 طفیل ملعوندر و بعض رواه اعشاک بعث و حسابیه مؤمن اولدین
 روایت ایدوب بو قطعه ایله استدلال ایدر * فایلی هیکل * بناصعب فیه
 و صار * باعظیم منک بقی الحساب * اذا النسمات تفض الغبار * ما کنت
 لا تخطی المنسک الی الرماد ولا امتطی الثور بعد الجواد * یعنی قومدن شاب
 و برنا محبوبلری ترک ایدوب سکار غبت ایدر اولمادم که سن انلره نسبت خاکستر
 و انلر مشکنا بدریس مشکی ترک ورماد تجاوز ایتیم امتطاء اتخاذه معنیه
 و ثور کا و معناسنه جواد اسب شیر مرددر یعنی بهادر و یورکن آت معناسنه
 اولوب اسب تکاوره سوار اولدقدن صکره کاوه سوار اولور اولمادم
 دیمک اولور فقره اولی مشک ورمادی ذکر ایلدیکنه اشارت اولوب
 فقره ثانیه متنبینک * و من ركب الثور بعد الجواد * انکر اظلافه و الغیب
 * بیتندن مأخوذدر یعنی هر کس که اسب شیر مرده سوار اولدقدن صکره
 کاوه سوار اوله چتال طرناقلرینی و زبر ذقنده صار قن دری بی انکار و امتکراه
 ایدر * فانما یتیم من لم یجد ماء و یرعی الهشیم من عدم الجحیم و یرکب
 الصعب من لا ذلول له * هشیم نبات خشک و منکسر و جحیم شول نبات
 طری و صبر که قدی اولوب هنوز نهایتنه رسیده اولیه که کیه نودمیده
 معناسنه و صعب اسب سرکش و غیر معمل و ذلول ملایم و مطیع اولان
 اسب معنا سنه اولوب مال معنا یتیم ایدن آبه ظفر یا ب
 اولیان کیمسه در و شکسته و خشک کیه هی اکل ایتک سیر
 و طری نباتی فقداندن اقتضا ایدر و سرکش دایه سوار اولان مطیع
 و منقاد اسبی اولمیدغندن سوار اولور دیمکدر حاصلی سندن مستغنی اولوب
 بروجهله سکا احتیاج بو قدر دیمش اولدی * و اعلک انما غرک من غمت

صبوقی الیه و شهادت مساعفتی له من اقرار العصر و یحان المصر
الذین هم الکواکب علوهم و الریاض طبیب شیم * عصر دهر معناسنه
و مصر شول بلده به دیرلر که محصور و محدود و محصور اوله اقمار فرق
جمعی و ریحان فسلکن معناسنه اولوب مرادی قومنی حسن و جوه
و اخلاق ایله وصف و مدح و صفات مذکوره ایله ابن عبدوسه
تعریض مراد ایدوب مال معنای فقرات غالباً سنی مغرور ایدوب
کستاخلغه مبادرت ایتدیرن بنم ابن زیدونه عشق و مبلحه علمک و موافقت
و انقیاد و مساعدیه می مشاهده ایتکدرلکن سن کنیدیکی **کانبجه**
قیاس ایدرسنکه ابن زیدون دهرک کواکب کی هنترلی عالی و روضد لکی
خوشبو ماهیگر لرندن و شهرک ریحان مثال طیب رایحه او حسن
و جمال و خصلت حمیده صاحبی محبو بلرندندر پس ابن زیدون و امثالی
انقیاد و مساعدیه سزادر سن کنیدیکی انلره قیاس ایله دیمک اولور
* من تلق منهم نقل لاقیت سیدهم مثل النجوم الی یسری بها الساری *
یعنی سن اول قومدن هر قنقه سنه ملاقی اولورسک سید قومده ملاقی
اولدم دیرسنکه مجموعی ساداتدر و مختارم اولان قوم شهر و اولانلره
رهنما اولان نجوم کبیدر که ساری نجومه اتباع ایله مقصدنه
واصل اولدیغی کی قوم مذکور سادات و مقتدی اولوب اتباعه شایاندر
و بیت مزبور بکرینی کلاب قبیله سندن عرندس نامنده برشا عرک
بنوعرومی مدح ایلدیکی قصیده دندر و بومضمونی ابو القحح البستی
بنو فریغون مدحنده انشاد ایلدیکی قصیده سنده بریتده
ادا ایشلدر که اول بیت بودر * من تلق منهم نقل هذا اجلهم * قدرا
اواسخاهم بالنفس و المال * فن قدح لبس منها مانت وهم و این
تقع منهم * قدح قداح مبسردن اولوب قداح سهام معناسنه در
وقداحی برخریطه به وضع و قرعه اولوب فن قداحدن برقدحک
ذات وجوهری قداح مبسره مغایر و غیری شجرندن اولسه مفیض
اولان کیمسه اجاله و تحریک ایلدکده حنین و صدامی سائر قداحه
مخالف و مغایر اولغله معلوم اولور که اول قدح قداح مبسردن دکلدر

متن

متن

و فقره مزبوره مثل اولوب بر شخص قبائل عربدن بریله افتخار و اول
قبیله دن اولسنی ادعا ایدوب غیر قبیله دن اولسه یا خود کندیده
اولیان اوصاف جملله ایله متصفم دیو دعوی ایلسه حقنه مثل
مذکور ضرب اولور حتی غزوه بدرده رسول الله صلی الله علیه
وسلم حضرتلری ولید بن ابی معیطی قتل ایلسونلر دیوامر بیورد قلرنده
ولید اقتل من بین قریش یعنی قریش میبانشدن بن قتل اولوریم
دیو قبیله قریشدن اولسنی ادعا ایلدکده عمر رضی الله عنه حضرتلری
(حن قدح لبس منها) بیوروب مثل مذکور ایراد بیورد قدح عنق ولید
ضرب اولندی و قدح حن نک فاعلی اولوب تمیز اولق اوزره حن
قدح ادخی مرویدر مال معنای فقره مزبوره سن بنم میل ایلدیکم
سادات و کباردن اولوب ادعا ایلدیکم فضل و کمال و اوصاف
مدوحه سنده موجوده دکلدر سن کیمسین انلر کیمدر پس سن انلردنم
دیونیمه دعوی ایدرسنکه بروجله انلره مناسبتک یوقدر دیمک اولور
معلوم اوله که قداح مبسر شجر نبقدن اولوب بری ضایع اولسه شجر
غربدن یعنی قواقدن یا غیری شجرندن پرداخته ایدرلر و محشی بیضاوی
اولان شیخ زاده صورت مبسری برکونا بیان ایدر که زمان جاهلیده
اون نفر کیمسه بر محله تجمع و بر شتر اشتراولمچی بکرمی سکر جزه تقسیم
ایدوب اون عدد قدح که سهام مبسر اولوب یدی سنک اسامیسی
قدتووم رقیب حلس نافس مسبل معلی در بونلر ایچون جزوردن
نصیب معین اولوب بقیه قداح اولان سفیح و نیج و و غدر بونلر
انصبادن بی بهره و محروم اولوب بکرمی سکر جزودن فنده بر سهم
تومه ایکی سهم رقیبه اوج سهم حلسه درت سهم نافسه بش سهم
مسبله الی سهم معلی به یدی سهم ویرلمک اوزره وضع و تعیین اولمغین
ازلامی برخریطه به وضع و بر کیمسه به و یروب تحریک و اجاله قار باز
اولان اون نفر کیمسه دن برینک اسمنه بر قدح اخراج ایدوب اگر اخراج
ایلدیکی قدح بی نصیب اولان قداحدن ایسه قار بازندن اول کیمسه
لحم جزوردن بر شیء الیحد یغندن ما عدد اثمن جزوری تماماً ضامن

اولور و انصبا جزوردن قمار بازار قطعا اکل ایتوب فقرایه توزیع
 واجب مذکور ایله افتخار ایدوب ملاعب اولیانلری مذمت ایتوب
 برم یعنی ائیم تسمیه ایدرل * و هـ ل انت الا و عمر و فیهـم * فقره
 مزبوره ابو نواسک السجیم سلمی هجونده انشاد ایلدیگی * انما انت
 من سلیم کواو * الحقت فی الهجاء ظلماء عمرو * یبتدن ما خوددر یعنی
 سنک قبیله سلیمم ادعا ایلک رسم خطده ظلماء عمرو و اولحاق
 وانما سی کبیر و بر کیمسه رؤیاسته ناخنی اوزره و اورسم اولمش
 مشاهده و معبره افاده ایلد کده نسبکده شرافت موجوده دکل ایکن
 عرای شرافت ایلش سن دیو تعبیر ایلدی مال معنا سن کبار عالی
 تباردن اولوب کباردن اولخی ادعا ایدرسن تنکه و او عمر کلمه دن
 اولوب رسم خطده ملحق اولدیگی کی دیمک اولور * و کالو شیظه
 فی العظم ینهم * و شیظه استخوان پاره در که اصل و خالص اولان
 استخوانلره زائد اولور چن بر کیمسه قومی میاندیه ردیل و حشوه و غیر موافق
 وزاید اولوب معتبر اولسه فلان و شیظه فی قومه دیوب مثل اولمش
 و فلان من حشوه قومه دخی دیور و مثل مذکور حسن بن علی رضی الله
 عنهما معاویه رضی الله عنه خلا فی خصوصینه عمر و بن العاص
 رضی الله عنهما ایراد ایلشدن مال معنای فقره مزبوره سن قوم میاندیه
 و شیظه کی زائد و اعتبار دن ساقط و ردیل بر شخص سن دیمک اولور
 * فان كنت انما بلغت قدر تابوتك و نجافيت عن قوتك و عطرت اردانك
 و جررت همیالك و اخلت فی مشیتك و خذفت فضول حیتك *
 مال معنا کباردن معدود اولقی امید ایله متر لکه ملازم و قوت و معاشکی
 خافه ضیافت و اظهار غنا و مکرمت و آستین اباسکی تعظیر ایدوب پاك
 و نظیف اولوب همیان و کیمسه کی نقددن تهی ایده جک رتبه بذل مال
 ایدرسن و مشی و حرکتکده خفت ایتوب کبر و وقار اظهار ایدرسن
 و نظیف اولورم زعمیه فضله ریشکی قطع و قص ایدرسن دیمک اولور
 * و اصلحت شاربك و مظهرت حاجك و رفقت خط عذارك و استأثقت
 عقد زارك رجاء الا کستان فیهم و طمعی فی الاعتداد منهم فظنت عجزا *

متن

متن

متن

مال معنا کبار قوم میانیه کبر و تستر حال امیدیه و کباردن معدود اولقی
 طمعیله برو تکی پرداخت و اصلاح و متکبرانه برور یکی مط و مد و خط
 عذار یکی اینجه ورقیق و کر بند چار کی مجدد اعقد و بند ایدر ایتوب
 ظن عاجز ایله ظن ایتوب اولور سن زیرا ممکن دکلدر و ظن عجز لفظی
 شواعر عربدن خنساء * و من ظن بمن یلاق الحروب بان * لایصاب
 فقد ظن عجزا * یبتدن ما خود درومز بوره نک اسمی نماضر بنت عمرو
 بن الشریک السلی و صخره خواهری اولوب زمان اسلامه رسیده و مسله
 اولمشدر اصمعدن مر ویدر که نابغه الجعدی موسمنده سوق عکاظده
 جالس و میان شعراده حکم اولوب تحاکم ایدردی و بروقتده سوق
 مزبوره ده نابغه ینه تحاکم ایدر کن خنساء مجلسنه داخله و برادری حقنده
 انشاد ایلدیگی * وان صخره التام السراجه * کانه علم فی رأسه نار *
 بیتنی انشاد ایلد کده نابغه پسند و تحسین ایدوب یا خنساء سن
 بستان صاحب یلک اشعری سن دید کده خنساء افتخار کنان بلکه
 هر خصیتین صا جندن اشعرم دیدی و بشار بن برد شواعر نسایی
 مذمت ایدوب زناندن برزن که شعرانشا ایلله البه شعرنده خلل وضعف
 موجود در دید کده شعر خنساء دخی بویه میدردیو سوال ایلدیله بشار
 خنساء درت خصیه لی رچلدردیو جوابد اده اولدی مرویدر که
 عمر بن الخطاب رضی الله عنه حضرتلری خنساء نک عذارنده رخنه
 و خطوط مشاهده و سپیدن استعلاام بیوردقلنده خنساء برادر لرم
 معاویه و صخره قتل اولوب مفارقتلرینه افراط کریمه و بکار و عده اثر
 ایلدی دیوب حضرت عمر یا خنساء برادر لک کفر اوزره مرد اولوب دوزخ
 مکان اولدیله بیوردقلنده خنساء بنم کریمه و حزنم دخی دو بالا اولوب
 افتراق و دوزخ اشیان اولدقلرینه کریمه و زاری ایدرم دیدی و عایشه
 رضی الله عنها حضرتلری خنسابی صدار تعبیر اولان جسدی لامس
 موبدن منسوج کوچک سینه بوش لایسه اولور مشاهده بیوروب
 یا خنساء صدار لابس اولدن رسول الله صلی الله تعالی علیه وسلم ناسی
 نهی ایلشدی سن نیجه لایسه اولور سن بیور دقلرنده خنساء صدار

پیغمبر علیه السلام نمی پیورد یغندن خبردار دگلدن لکن صد ارلابسه
 اولد یغمک سببی بود که پدرم بنی متلاف و اتلاف مالد اسراع
 و عجله ایدر بر رجله تزویج ایدوب زمان اند کترینه بی مال و تهی دست
 و بنم مالمه دست دراز اولوب انی دخی زمان یسیرده اتلاف و مدار
 تعبشه بدن استعطاف ایلدوب بالضروره زن و شوهر برادریم صخره
 واروب ماجرای افاده و جروسؤاله عرض حاجه ایلد یکمزد برادریم
 صخره مالی دو نیمه و تقسیم ایدوب قننی قسمتی تر جمیع ایدر سکر اخذ و دفع
 ضرورت ایدیکزدیو بزی تخیر ایلد که زوجه سی یا صخره مالی
 تقسیم ایلدیکک کفایت اینجی می که بودند نصکره تخیر ایدرسن دیو
 مؤاخذه ایلد کده برادریم * والله لامختها شرارها * وهی حصان
 قد کفتنی عارها * ولو اموت من قتل خاراها * وجهلت من شعر صدارها
 قطعه سنی انشاد ایلشدی بندخی برادریم صخره ظنی تصدیق اینچون
 صد ارلابسه اولدم و وفات اینجیمه جسد مدن نزاع و اخراج ایلدم
 دیدی مال معنای قطعه والله خنساء پرهیز کار ایکن اموالک خبیثی
 احسان ایلسم انک عیبی بکا کفایت ایدرو بن اگر مرد اولور سم
 خنساء چارنی مزق و دریده و سینه پوشنی مویدن ایدر دیمک اولور
 علقمه بن جرینقل ایدر که بروقتده برجاعت ایلد مجلس معاویه
 رضی الله عنهما دخوله استیذان و اذن و یریلوب جله می اجلاس
 و اطعام ایلد کد نصکره یا علقمه یادداشتک ده برحکا به نظر یقه و نادره
 عجیبه وارمیدر که استماعندن ذوقیاب اوله یوز پیوردی بندخی
 یا امیر المؤمنین سکا توجه مدن مقدم مسنه برناقعه می برقیله جوارنده
 ذبح و لحمی بیع اینک آرزوسیله ناقه بی سوق ایدرک بنوشرید
 خرکا هلری میباندده لیل بنی ادراک ایدوب انده بیتوت اقتضا اینکله
 خلال خرکا هلرده ناقه بی ربط و خنساء نک دختر ی اولان عمره بنت
 مرداسی عروس مشاهده ایلدم و اهالی قبیلله یه بوناقه بی ذبح و لحوه می
 بیع مراد ایدرم بکا اعانت ایدک دیدم انلردخی مساعده ایدوب قوم ایلد
 جالس اولدم و بر مقدار وقت کذراننده بزلی خرکا عروسه

دعوت بزل دخی اجابت ایدوب دختر خنساء اولان عمره * عروسی
 درخشنده چون افتاب * نهان روی در چادر مشکیناب * البسه
 فاخره ایلد مزینه اولوب بر طرفه جالسه و مادر خنساء فرتوت و پیرایکن
 سرخ کسوه ایلد ملتفه و دخترک مقابله میده مربع نشین اولوب
 عمره به نظر حقد و حسد ایلد نکران و چشم غیظ و غضبه نگاه کنان
 اظهار و بغض ایلدیکنی مشاهده ایلدیکمزد قوم بالله یا عمره مادریک
 سکا حسد ایدوب بغض و عداوتی اظهار ایلدیکنه مضطرب و متالمه
 دگلدن دیدن کمرنده عمره برایش اینچون قیام و نزدیک خنساء دن گذران
 ایدر کن شدت ایلد پای خنساء بی باصوب ایجاغ ایلد کده خنساء
 (حسن البک یا حقها والله لکانما تطئین امه و رهاء انا والله کنت اهرم
 هر سا و طیب و رسا و ذلک زمان اذکنت فتاة اعجب الفتيان لا ذنب
 السحيم ولا رعى البهم کالمهرة الصنيع لامضاعه ولا عند مضيع) یعنی
 الم و وجع سنگیچون اولسون یا حقها والله سن بنی امه حقایبه سنده عد
 ایدوب تحقیرانه یا مال ایدرسن والله بن نوجوان اولوب شاب و یرناری
 حسن و جمال اعجاب ایلدیکنی زمانده جوانلق حسنی نبات اصفیر
 طلا ایدوب ازاله و کندی می پیرهن صورتنده اراده ایدوب دوه به تابع
 و بره کوسفند انی راعی اولم یوب تیمار اولوب پرورده اولان کره اسب
 کبی نه ضایع اولدم و نه اضاعت ایدن کیمسه نک یانندیم دید کده خنساء نک
 دخترینه اولان بغض و حسدنه ارباب مجلس تعجب ایلدیلر دیونقل
 ایلد کده معاویه رضی الله عنه عظیم خنده ایلدی * و اخطاءت اسنک
 الحفره * و فقره مزبوره مثل اولوب فچن بر کیمسه برشی مطلب اتخاذ و برشی
 موضعنک غیری به وضع ایدوب نائل مر ام اولسه اول کیمسه حقنده
 ضرب اولنور مال معنای فقره کباردن معدود اولوب بنی طالب و وصالمه
 نیل امپندنده اولدیکده خطا ایدوب اسنک حفره به اصابت ایلدی دیمک
 اولور می ویدر که مختار بن ابی عبیده کوفه ده ایکن والله بصره به
 دخول و ضبط ایدوب ماورای بصره به کتاب تعبیر اولنان صبیانک
 رمی ایلدیکنی سهم صغیری انداز یله ایندن هندو سنده و قیحا ق کیمره

مالک اولورم ووالله خضرايه و بصره ده بيضا نامنده اولان خانه يه ومنبع
آب اولان مسجد ده مالک اولورم ديو حلف و سوکند ايلديکي سمع
حجاجه واصل اولدقده اخطأت است ابن ابی عبيدة الحفزة يعنى
انکيچون بلاد مذکوریه بي اخذ وضبط ممکن دکدر انلری بن ضبط
ايدرم ديدى (والله لوکساک محرق البردين) والله محرق سکا ايکي برد
الباس ايلسه يعنى عمره محرقدن بردين اخذ ايدن عامر رتبه سنده
عز و شرفک اولسه مزبور محرق عمرو بن المنذر بن ماء السمار که مادر يله
معروف اولوب عمرو بن هند ديرلور مزبوره هند آکل المار ديمکله معروف
اولان حارث بن جحرک دختری در و عمرو محرق شديد و غضوب و بهادر
اولغله مضطرب الحجاره ايله تلقیب ايلشله دی و عمرو محرق تسميه
اولمسنک سببى ابوالفرج کتاب الاغانیده بوکونا ذکر وتفصيل ايدر که عمرو
قبيله طي دن بر حيه هجو و غارت ايتامک اوزره عهد و میثاق ايتش
ايکن بروقده بمامه يه هجوم و اموال و اشيا سني نهب و غارتد نصکره رجعت
اثناسنده سر راهی قبيله طي منزلكاهنه رسیده اولدقده کندويه
اختصاصی اولان کبار طبدن زراره بن عدس تمیمی عمروه تأکید انساب
ايچون ايت اللعن يا عمرو قبيله طي دن دخي بر مقدار شي غارت ايله ديو
ترغيب عمرو دخي بازراه حيف سکا بن انله عهد کفت و عقد مسالمه
و غارت ايتامکه سوکند و حلف ايلدم ديدى لکن زراره ابرام و عاقبت
عمروى غارته ميل ايتديروب بر مقدار زنان و زادلر بن غارت ايلدکده
قبس بن وجرة الطائي * اراک ابن هند لم تعقک امانه * وما المرء الا
عهده و موافقه * فاقسمت جهدا بالا باطع من مني * و ما خب في بطحاء
عين درارقه * لئن لم تغير بعض ما قدرتم * لا یجن للعظيم ذوانت
عارقه * ايتانی ايله هجوم ايلبوب عمرو و خبردار اولدقده قبسک عم زاده سني
اولان رمیل بن سعاره عم زادهک بنی هجومی ايلش والله بن اتی قتل ايدرم
ديدى رمیل دخي مهيا ممکن هجومی انکار ايلدى لکن قبس عمروک قتل
ايدرم کلامنی استماع و تکرار بوایات ايله هجو ايلدى * ابوعدنی و الرمیل
بنی وینه * تبين رویدا امامه من هند * غدرت بعهد کنت انت

اخذت * عليه و شر الشیمة الغدر بالعهد * وقد يترك الغدر الفتي
وطعامه * اذا هو امسى جله من دم الفصد * و عمرو ايات مزبوره بي
استماع ايلدکده غضبناک اولوب طي قبيله سنه هجوم ورهط حاتم اولان
بنی عدی بن احزندن خلق کثیری اسير و اموالنی نهب و غارت ايدوب
حاتم عمروه کلوب اطلاقلر بن نیاز اولدخی ازاد ايلدى و مقدما عمروک
پدری منذر بن ماء السماء مالک نامنده بر فرزندنی زراره بن عدسک حجر
تريسه سنه وضع و ابداع ايلشدى برکون مالک صيد و شکار قصديه
اسب سوار و دشت و يابانی کشت و کذار ايدوب چرندکاندن بر شبنه
ظفر ياب اوله ميبوب منزلكاهنه رجعت اثناسنده بنو عبدالله بن دارمدن
زراره نک دامادی سویدک منزله نازل و سوید خفته ايکن شتر لردن
بر بنی نحر ايدوب طيخ اولنورکن سوید بيدار و مالکک نافه سني زنجندن
غضبناک اولوب عمرو برادری مالک اوزرينده چوب ايله هجوم و ضرب
ايدره رک قتل و فرار و مکة مکرمه يه داخل و کندويه مکر اعدادن امن
حاصل اولوب اسایش ايلدى و بو طرفده زراره نک دختری سویددن
تولد ايلديکي بر برندن صغير ايدى يتيم غلامی ايله مضطر الحال بی شوهر
وبی مال قالوب سویدک قوم و قبيله سني زراره يه و پدرينک قومنه
پوفتنه و فساد سز سبب اولديکز البته سویدی سزدن طلب ايدرز ديو
تعجيز ايدرکن سویدک مالکی قتل و مکة يه فرار ايلديکي معلو ملری اولوب
ثعلبه بن عمرو الطائي سویدی تخلص و زراره مالک عمرو دن رخنه دار
و آزرده اولق قصديه مالکه مرثیه بوایاتی انشاد ايلدى * من مبلغ
عمرو بان المرء لم یخلق صباره * و حوادث الايام لا یبقی لها الا الحجاره
ان ابن عمرة امه بالسبح اسفل من اواره * تسنى الرياح خلال کشه
وقد سلبوا ازاره * فاقتل زراره لاری فی القوم اوفی من زراره * وقتا که بو شعر
عمرو بن هنده واصل اولدی برادرينک هلاکنه غمناک و ناینا اوله جق
رتبه کريه و زاری ايدوب عسکر فراوان ايله زراره بی قتله راهی زراره
دخی اکاه و بر طرفه فرار ايلبوب عمرو بن هند زراره يه ظفر ياب اوله مدقده
زوجه سني اخذ ايلدى وزن زراره دن حامل بولينوب عمرو وزن

زراره به حلاك پسر می بوخسه دختر میدردیو سؤال زن دخی العلم عند الله
ایله جواب داده اولد قد زنی کنهک بطن شق ودریده اهلک ایلد کده قوم
زراره عموک بوغدرندن هر اسان اولوب یازاره عموک برادری مالکی سن
قتل ایلدک نیچون فرار وقوم وقبیلہ صکی اهلک وافتا بتدبر رسن
البته عموه واروب وقعہ بی تفهیم ایلوب وقاتل مالک سوید اولدیغن
تعلیم ایلوب نفسکی ویزلی تخلیص ایله دیو ابرام زراره دخی حضور
عمو بن هنده واروب قضیه بی تبیین وتفصیل ایلد کده عمو یازاره
سویدک زوجه وفرزند اتی احضار ایله دیوب زراره زوجه سوید اولان
کندی دخترینی یدی اولادیلہ حضور عموه احضار و عمر وهنوز
نابالغ ومعصوم الدم اولان غلامک قتلنه امر وعسسان برینی قتل ایلد کده
بقیه الی غلام جدلی اولان زراره نک اینه صار یلوب فریادوزاری
ایلد کلرند زرارہ کریمه کنان (یا بعضی دع بعضا) دیوب زراره نک
قولی مثل اولوب بر کیمسه عجزی حالده ذوی الارحامنه تعاطف وترحمی
اظهار ایلک مراد ایلسه ضرب و ایراد ایدرو ابو عبیده مثل مذکورک
معناستی حل و بیانده یا بعضی فرزندان دختریمک جزو و بعضی
ودختر بنم جزو و بعضی دریمک اولوب دع بعضان مرادی کندی
نفسی در یعنی ای جزلم کرجه سزه می حجت وشفقتم واردلکن بندخی
سزاکی قتلہ مشرف و تخلیص کردن عاجز میس دامنه تعلق کر مفید کلدر
دیو کلدر دیدی فی الحقیقه عمر و مجموعی قتل و بنی حفظله دن یوز
نفر شخص قتل و احراق ایتکه حلف و سو کند ایدوب بنی حفظله بی
جست وجویه عطف عنان و عمرو بن ثعلبه الطائی بی مقدم حبش
ایدوب ارسال و ابن ثعلبه بحرین ناحیه سنده قبیلہ مز بوره دن طقسان
سکر نفر شخص اخذ و حبس و عمرو بن هند کلد کده تسلیم ایدوب
عمرو مجموعی قتل و نار نمرد مثال آتش ابقاد و لاشه لری احراق
ایلوب راجه و شراره و زبانہ سی اطرافه منتشر اولوب بنو حفظله دن
بر بطن اولان براجدن بری اسب سوار و وقعہ دن غافل بر طرفدن
کلور کن راجه لیم استشمام و آتشی مشاهده و شتاب ایله عمو و آرامگاهنه

کلد کده مقدما ذکر اولندیغی وجه اوزره انی دخی احراق و طقسان
طقوزی احراق ایلدم مأیة کامله اولقلفله بر شخصه محتاجم دیوب
هر چند که تفقد اولندی وجدانی ممکن اولوب اتبعی یا عمرو بن
ایله مرادک حاصل اولورسه حفظله دن برزنه دست رس اولق ممکندر
دید کلرند عمو و رضاداده واحضار نه امر و اتباع عمرو برزن اخذ
واحضار ایلوب عمرو زندن نامنی سؤال زن دخی حرا بلیت ضمره بن
جابر دیوب عمرو ظم بودر که اعجمیه سن دید کده دکلم و بنی اعجمی
تولد ایلدی * انی لبنت ضمره بن جابر * سادمه ادا کا براغن کابر * یعنی
تحقیق بن ضمره بن جابرک دختری اولوب ضمره واجدادی کبار قومدن
اولدیغی حالده معد قبیلہ سندن اولق جهنیلہ سید و شریف اولدی
دیوب عمرو شوهرنی سؤال زن دخی هوزه بن جرول در دید کده عمرو والله
اگر سندن پدر و برادر و شوهرک کی جری و غبور و فرزندان تولد ایتدن
خوف اولسه سنی آتسه رمی ایتدیوب ازاد ایدردم دید کده حرا * اما
والذی اسأله ان يضع وسادک و یخفف عمادک ما قتلت الانساء اما لیها
ندی واسفلها خلی * یعنی شول الله حقیم چون که اندن سنک دولتی محو
وازاله و رذیل ایلسون دیو دعا ایدرم اعالبسی بستان و اسافل خالی
ورجولیتدن بری اولان زنان ناتوان قتل ایتکه برادرک مالک انتقامنی
اخذ و عاری اوزر کردن دفع ایده مدک عمرو حرا بی احراق ایلک دیو امر
عسسان حرا بی آتسه تقریب ایلد کده حرا * الافتی مکان عجوز * دیوب
قولی مثل اولدی یعنی بنم کی زن عجوز برینه بر شاب و برنا یوقیدر که احراق
ایده سز کان قومزدن اخذ انتقامه عدم قدر نگزدن بنم کی عاجزه بی
احراق ایدرسک مراد ایلدی بچن بر کیمسه اقویادن اخذ انتقامه قادر
اولوب ضعفا و دردمندانی تکدر ایلسه مثل مذکور ضرب اولور بعده
حرا بی آتشد کده به قذف والقا ایدرلکن * هیهات صارت الفئیان
حما * دیوب بو کلامی دخی مثل اولدی یعنی بزم کی دردمندان زنان
واطفه الی اهلک و احراق ایدرسک و شاب و بهادر لریمزه دست رس

اولیوب انلرخا کستر اولدن بعید اولدیله دیدکده جرای بی احراق
ایلیوب عمروی محرق لقبیله تلقیب ایلدیلر و آل جفته ملوکندن
عمرو دن ماعدا محرق ایله ملقب ملک واردلر لکن صاحب البردین دکلدر
ومر بور صاحب البردین تسمیه اولمشنه باعث بودر که بروقتده
اطراف و اکنا فدن عمرو بن هند مجلسنده قبائل عدیده دن اشخاص
که شیره مجتمع اولوب عمرو اول قومک نسب و حسب و شرف
ودنائت و شجاعت و جبارین امتحان و اختیار ایچون دوشندن ایکی برده
اخراج ایدوب ای قوم میانکزه قبائل عربدن اشرف و اعزنی موجود ایسه
بردنی اخذ ایلسون دیدکده عامر بن اخیم معدی ایستاده و ردینک برنی
رداو برنی ازار ایلیوب عمره یا عامر سن اعز قبائل عربدن مپسن دیدکده
عامر بلی اعز ندنم زیرا عزت و کثرت ابتداء معدی ایچون بعده نزار بعده
مضر بعده خندف بعده تمیم بعده سعد بعده کعب بعده بهدله ایچوندر
اگر بود عوامی انکار ایدر وار ایسه بنمله منافره و مباحثه ایده لم دیدکده
حضار مجلس سکوت ایدوب بر فرد مقابله و معارضه ایده مد کلرنده
عمرو یا عامر ادا ایلدیکل شرف قبیلکه ایچوندر کندی نفسکده باعث افتخار
اوله جق شیندر دیدکده عامر یا عمرو بن ابو عشیره و اخو عشیره
عم رجال و خال رجال اولوب شکل و شمائل و قیافه دن عز و شرف
مشاهده ایدنلره خنی دکلدر دیوب پانی زمین و وضع ایدوب هر کیم پایی
تحریک ایده یلورسه یوز شتر احسان ایده یم دیدی بر کپسه ایستاده
ورفع پانسه مبادرت ایده مدی بعده بردنی اخذ و قبیله سنه راهی
اولوب عزت پردین ایله ضرب مثل اولندی * و حاتک ماریه بالقرطین *
و اگر ماریه در یکتا اولان کوشواره لیل سنی تزیین ایلسه مومی البها
ماریه بنت ظالم بن وهب الکندی در که شامده ملوک عربدن حارث
اکبر غسانینک زوجه سی و حارث اصغرک مادری اولوب مزبوره نک
مادری اکل المارک زوجه سی اولان هند الهنود در روایت اخرا ده
ماریه عمرو محرق بن امری القیسک مادر بدر و قرطه لری بیضه کبوتر
جرمنده ایکی درنایاب اولوب بی مثل و نایاب اوله ده قرطه ماریه دیو

متن

ضرب

ضرب مثل اولنور و پدری ظالم ملوک یمندن بر یله مقاتله و غلبه و اخذ غنائم
ایلدکده اول قرطینه مالک اولمشدی بعده قرطه لری میانده توارث طریق ایله
ملکدن ملکه انتقال و آخر کار عبدالملک بن مروانه واصل اولوب دختری
فاطمه بی عمر بن عبدالعزیزه عقد و تزویج ایلدکده فاطمه به هبه
و احسان ایدوب عمر بن عبدالعزیز سر برارای خلافت اولدقده یا فاطمه
اگر بنمله اسایش و زندگانی ایتمک مراد ایدرسک قرطه لری و سائر جواهر کی
یت الماله وضع ایله دیدکده فاطمه هر بار حلی و جواهر سکا فدا در دیوب
یت الماله وضع ایلمشدی وقتا که عمر بن عبدالعزیز و فاطمه نک
برادری یزید بن عبدالملک تخت نشین اولدی مجموع حلی و کوشواره لری
همشیره سی فاطمه به ارسال ایلوب فاطمه والله شوهرم عمره حیاتنده
اطاعت ایلدیکم کی نمائنده دخی انقیاد ایدوب مخالفت ایتم دیوب قبول
ایلدی * و قللک عمرو الصمصامه * و اگر شمشیر صمصامه بی کردنکه
تقلید و آویخته ایلسه مومی الیه عمرو بن معدی کرب بن عبدالله الزبیدی
و کینه سی ابو ثور الفارسی اولوب زمان جاهلیت و اسلامده غارات کثیره
و وقایع و فیره صاحبی اولوب نیچه محاربه و رنده بولنوب شجاعت
و قوت و متانت ایله مشهور بر مر دلدیردر و رسول اکرم صلی الله
تعالی علیه وسلم حضرت لرینک خاکبای سعادت اثر لینه رو یمال و تحصیل
فلاح ایله صاحب کمال اولدیغی هجرتک اونجی سنه سی اولوب عمرو مومی
الیله نقل ایدر که وقتا که پیغمبر علیه السلام حضرت لرینک زیارت
شریفه لرینه قصد و مدینه منوره به عزیمت وطی مر احل ایده رک
واصل اولدم و صولم غزوه نبوکدن عودت یوردقلری وقتسه تصادف
ایدوب اثنای راهده رومال خاکبای عزتقریناری اولقی مر ادا ایلدیکمده
کرد و اطرافنی احاطه ایدن اصحاب کرام رضی الله عنهم حضرتانی بنی
منع مراد ایلدکلرنده رسول الله علیه السلام زیارتدن مانع اولمیک
یوروب اصحاب کرام مدافعه می ترک ایلیوب بن دخی رکاب شریفقرینه
قرب و رومال اولوب اکثساب شرف ایدوب * انعم صبا حاییت
اللحن * ایله ادای تحیت ایلدیکمده رسول علیه السلام * یا عمر و اسلم
تسلم و یومنک الله من الفزع الاکبر * یعنی اسلامی قبول ایله سلامته

متن

اولورسن و باری تعالی سنی خوف اکبردن امین ایدر بیورد قلزنده بن دخی
اسلامی قبول ایلدم دیونقل ایلدی و موی الیه عمروررضی الله عنه
حضرت عثمان رضی الله عنه زمانه ده مکرم و غزوات کثیره ده
بولوب اهل اسلامک نصرتنه باعث اولمشدر از جمله کوفه قریبنده
وقعه قادیسیه ده فیلک خرطومنی سیف ایله ضرب و دونجه ایدوب فیل
منهزم اولدقده لشکر عجم پریشان اولدی کذلک اون اوج سنه سی خلافت
ابی بکر رضی الله عنه ده وقعه یرموکده لشکر رومک انهر زمانه باعث اولوب
هر قل حصدن رها یه فرار ایلشدر حتی خثعمی وقعه یرموکده
بر کیمسه مشاهده ایلدمکه فی العمر اندن شجیع بر کیمسه مشاهده
ایلدمکه اثنای محاربه ده رومیلردن بر ملعون اول کیمسه به مقابل اولوب
قتلنه اقدام ایلدکده بلا تکلف رومی پی قتل ایلوب ایکی رومی دخی
مبارزه و انلری دخی قتل ایدوب لشکر رومه هجوم و رومیلر منهزم و مدبر
فرار ایلد کلزنده قفالینه دوشوب نیجه سنی قتل و اهلاک و منصور
عودت و خیمه سنه نزول و سمات ککشدیه و خوان نعمتی مبدول
و حوالی خیمه ده موجود اولان مسلمانانی دعوت و اطعام ایلوب
بومر دلیر سخاوت پیشه کیمدر دیوسؤال ایلدم عمرو بن معدی کر بدر
دید یلر دیونقل ایلدی و ابن ابی حاتم وقعه قادیسیه ده عمرو بن معدی
کرب صف مسلمانان ایله صف دشمن میانه بروز ایدوب ای قوم متین
و محاربه یه مقدم اولک که اعاجم جبان و خائف بر قومدر
دیو اهل اسلامی قتاله تحریش و ترغیب ایدر کن اعاجدن بر ملعون
میدانه آت سوروب عمره مقابل اولوب بر تیر جانکداز رمی ایلوب
تیر عمره اصابت ایلوب خطا ایلدکده عمر و عجمه هجوم و کردنی
صیقوب ضبط و اسبندن آبروب کندی اسبنه آلوب صف مسلمانانه
کلدکده زور باز و ایله کردنی شکست و صمصامه ایله سرنی قطع
والات و اشیا سنی اخذ ایدوب ای مسلمانان سزلردخی بنم کبی دشمندن
اخذ انتقام ایلدک دیدکده یا عمرو بزر سنک کبی قوت و صولت صاحبی
دکلوز که سنک فعلکی اجرا ایده یوز دیوب آفرین خوان اولدی یلر دیونقل

ایلدی ابو عبیده نقل ایدر که چونکه قادیسیه فتحی بوسرا وادی مسلمانانه
اموال کثیره اصابت ایدوب سرعسکر یمن اولان سعد بن ابی وقاص
خمس غنایمی افراز و اجاس اربعه بی مسلمانانه توزیع و تقسیم و هر فارسه
التبشیر بیک درهم اعطا ایدوب بر مقدار مال باقی قالدقه سعد رضی الله
عنه عمر بن الخطاب رضی الله عنه حضرت تلرینه صورت تقسیم
و بقیه بی اعلام ایلوب عمر رضی الله عنه بقیه اولان خمس غنایمی
دخی مسلمینه تقسیم و محاربه دن صدکره سکالاحق اولان مسلمانلره
احسان ایله دیونخر بر و امر بیوروب سعد حضرت تلری امرینه امثال
و جمله ید بر مقدار مال احسان ایدوب تکرار عمر رضی الله عنه بقیه دن
جمله قرآن کریم اولانلره دخی بر مقدار مال احسان ایله دیونخر بر
بیوروب سعد حضرت تلری عمرو بن معدی کر به قرآندن حفظک
وارمیدر دیوسؤال عمرو دخی وقت اسلامدن بوآنه کلنجیه غزوات
و محاربات ایله اشتغال حفظ قرآن کریمه مانع اولدی دیدی بعده
بشر بن ربیع دن استعلام ایلدکده بشر دعوای حفظ ایلوب
بسمله خوان اولدقده قوم خنده ایلدی و سعد یا بشر بو مال دن
سکا نصیب اولماز دیدکده عمرو * و اذا قتلنا ولا یبکی لنا احد * قالت
قریش الا تلك المقادیر * تعطی السویه من طعن له نعمد * ولا سویه
اذ تعطی الدنانیر * قطع سنی انشاد بشر دخی بر قی بیت انشاد ایدوب
سعد رضی الله عنه عمرو و بشر حصه طلبنده اولوب تعریضانه انشاد
ایلدکلری ایاتی حضرت عمره اعلام ایدوب عمر رضی الله عنه انلره دخی
احسان و تطیب ایله دیو کتب و نخر بر بیوروب سعد رضی الله عنه
ایکدسنه قرق بیک درهم احسان ایلدی مداینی ذکر ایدر که عمرو بن
معدی کرب بر سریه ایله غزواتدن برینه راهی و اول سریه نک رئیس
و سپهسالاری سلمان بن ربیع اولوب بر کون عمروک اسبنی مشاهده
و یا عمرو بواسب هجین در یعنی مادر و پدرندن بری اسب تازی اولوب جواد
دکلدر دیدی عمرو دخی نسبی معلوم اسب عتیق و تازیدر دیدکده
سلمان بن ربیع هجیننی اثبات ایچون بر سپه احضار و جوفنی آب ایله
املا و سرشار ابتدا یروب بر قاج عتیق اسبه سپر ایله آبی عرض ایلدکلزنده

اسبان بلا توقف نوش ایلدیلر بعده عمروك اسبنه سپری ارات ایلدکلرنده
اورکوب پالز بن زمینه ضرب بعده نوش ایلدکده سلمان یا عمرو هجین
اولان اسب بوکونا حرکت ایدردیوب اثبات مدعا ایلدکده عمروه نفع
اولغله بلی هجیندر وهجین بیلور دیوب سلمان بن ربیعہ بی تکدیر
ایدوب بو قصه عمر بن الخطاب رضی الله عنه حضرت تارینک سمعنه
واصل اولدقده عمره بر مکتوب تحریر بیور دیلرکه مآلی بو در امیر
حبش اسلامه اطاله ایلدیكك و مصاصمه نامنده اولان سیفکه مغرور
اولدیغكك مسموع و معلوم اولدی لکن بنم سیفم مؤید من طرف
الله دراکر فرق سربکه وضع ایدرسم کربند که وارنجه دونیمه ایدرم و بو
قول صادق اولدیغنه مطلع اولق استرک تکلم ایلدیكك کلامی اعاده ایله
بیوردی و عتیق شول اسبدر که طرفینی عربی و عی و بدن بری و ازاد
و نقصانندن عاری اوله و بوسیلله عتیق نسیمه اولندی زنجشیری سوره انفال
تفسیرنده روایت ایتدیکه بیهم بر علیه السلام (ان الشیطان لا یقرب صاحب
الفرس العتیق ولا دار فیها الفرس العتیق) بیوردی و عبدالبر تمهیدده
فرس عتیق بزمن عنده مزده فرس فاره یعنی یکله نازدر دیدی و صاحب
العین فرس عتیق فرس سابقدر دیدی مرویدر که عمر بن الخطاب
رضی الله عیا عمرو و حرب و قتالی تعریف ایله بیوردقده عمرو وقت اشتدادنده
مر المذاق و تلخ طعمدر هر کیمسه که صبر و متانت ایده غالب و میان
ناسده نام آورا و لوروا کر هر اسان اولوب دشمنه ضعف اظهار ایدر سه هلاک
و بدنام اولوردیدی و آلات حربی سؤال بیوروب نیره نیجه در بیور دقده
نیره یار و دوستدر کاهیجه خیانت ایدر دیوب نیر نیجه در بیوردی عمرو
دخی تیرمی اولنان دشمن حقنده برمنیه در که کاه اصابت و کاه خطا ایدر
دیوب سیف نیجه در بیوردی عمرو دخی سیف ایله ضرب اولنان
کیمسه بی مادر و پدری ضایع ایدر دیوب جمیع آلاته ترجیح ایلدی
بعده سیر نیجه در بیوردیلر عمرو و اثر حرب سیر اوزرینه دورد ایدر
دیولزومنی بیان ایلدی مرویدر که برکون عمرو بن معدی کرب اسب
سوار اولوب مرید تعبیر اولنان اصطبل پیشنده واقف ایکن بر شخص
کلوب عمرو پیر اولدی اولکی کی قوت و متانتی بو قدر عجبا زور بازو ایله

اسبندن زمینه غلطان ایده ییلور میم دیوب عمروك زیر سرینه
دستی ادخال و پائی قالدیروب جانب آخره انداخته ایتک مراد ایلدیوب
عمرو مرادنه مطلع و سریننی زینه محکم صیقوب اسبه مهماز و شتاب
ایلدکده شخص مزبورك دستی ز برزانوی عمروده قالب اخراج و تخلیصی
بر وجهله و سعنده اولیوب اسب ایله معا بر مقدار تکاپوی و شتاب و بی
تاب اولوب بالضروره امانخواه اولدقده عمرو تجاهل و طرف چشم ایله
نظرو فریادندن سؤال و بوکونا حرکتیه تبسم کنان اسبنه کشاد و یروب
* ان فی عمک بقیه بعد * یعنی عمکده قوندن هنوز بقیه موجوده در
دیدی و اصطبل اخور معناسنه اولوب عربیدر فارصیده آخته خانه
دیرلر که آخته اکدیج آت معناسنه اولوب تقدیر کلام خانه آخته در
واخوره سبس خانه دخی دیرلر بار کیره سبس خانه دیدکلری غلطات
عوامدندر و آخوره شیخ عطسارک بو بیتنده ظاهر در * زآب و نان
تالب شکم رابر مساز * همچو حیوان بهر خود آخور مساز * مرویدر که
یروقتده عمرو و مجاشع بن مسعود زیارتنه واروب یا مجاشع وجودمه مناسب
سندن بر فرس و سلاح طلب ایدرم دیدی مجاشع دخی بر فرس جواد
و بر سیف صارم و یکر می یک درهم احسان ایدوب عمرو رجعت و اثنای
طریقده بنو حنظله منزله کاهنه مرور ایلدیوب بنو حنظله یا اباثور صاحبک
مجاشعی نیجه بولدک دیدکلرنده عمرو * الله بنو مجاشع ما شد فی الحرب
لقاها * و اجزل فی الکریات عطاها * و احسن فی المکر مات ثاها * والله
لقد تاملتها فاذا جبتها * و هجوتها فاذا حمتها * دیدی یعنی الله حق بیچون بنو
مجاشعك رزم و پر خاشده ملاقی اولسی یک شدید و مشکلتدر و شدت
و مضائقه عطا سی زیاده سبله عظیمدر و اخلاق حیدده ایله متصف
اولده شناسی زیاده حسندر و والله بنو مجاشعی تفکر و ملاحظه ایلدیوب
محبیب ایلدم و سؤالده بنو مجاشعه بخل ایلدیوب اکثار و انلری هجو ایلدم
وردیه فکر ایله هجو ایدوب غدر ایلدم دیدی و مومی الیه عمروك مصاصمه
نامنده اولان سینی عبدالملک بن عمر روایتی اوزره بلقبسک سلیمان علیه
السلامه اهدا ایلدیکی بش سیفك بری اولوب اول سیفک ذو الفقار

وذوالنون و مخدوم و رسوب و مصاصمه در و ذوالفقار پیغمبر علیه السلام
اولوب غزوه بدره منبه بن حجاجدن اخذ بیوردیلر و مخدوم و رسوب حارث
بن جبلة الغسانی به انتقال و ذوالنون و مصاصمه عمرو بن معدی کربه
انتقال ایلدی مرویدر که عمر رضی الله عنه حضرتلری عمرو دن
مصاصمه بی کورمه طلب عمرو دخی ارسال و حضرت عمر مصاصمه بی
وصف ایلد کلمی کی مشاهده بیورمبوب یا عمرو مصاصمه بی خلق مدح
ایلدی کی بولدم بیورد قیلنده عمرو یا امیر المؤمنین حضور شریف یکره
مصاصمه بی ارسال ایلدم مصاصمه بی استعمال ایدن دستی ارسال ایتدم
دیدى ابو عبیده ذکر ایدر که مصاصمه عمرو دن خالد بن سعید بن العاصه
انتقال ایلوب سبی بودر که خالد بن ولید بنی زبیده هجوم ایلد کده
خالد بن سعید جله امر اسندن اولقله اثنای غارتده عمرو بن معدی کربک
خواهری ریحانه بی اسیر عمرو دخی همشیره سنی تخلص ایچون مراجهت
مصاصمه بی و یروب خواهر بی اخذ ایلدی بعده یوم داردیمکله معروف
اولان عثمان رضی الله عنه حضرتلری کندى دارند محصور و شهید
اولد قلمی کون مصاصمه ضایع اولوب بعده یوانوب بنوعاص یکنده
قالوب هارون الرشیدک پدری مهدى سر بر آرای خلافت و بصره به
عزیمت و واسطه و اصل اولد قده بنوعاصه مصاصمه بی طرفه ارسال
ایلس و نلرد یوم مکتوب ارسال بنوعاص فی سبیل الله غزا ایچون یا غزده
مخفوظدر دیو جواب و یروب مهدى اللى عدد سیف کرانبهها ارسال
و برسیف ایله غزا ایتدن شمشیر بنجاء ایله غزا اولی دردیو تکرار طلب
ایلد کده بنوعاص سیفله مصاصمه بی استبدال ایلدیله بعده هارونک
برادری موسی الهادی تخت نشین اولوب مصاصمه بی خزینه دن اخراج
و شعرایه مدح مصاصمه ده انشاء شعر امر ایدوب شعرادن هر بری چندین
ایات ایله مدح ایلدیله که شعرادن بری بویتلری انشاد ایلشدر * حاز
مصاصمه الزبیدی عمرو * من جیع الانام موسی الامین * مایالی من انتضاء
لضرب * اشمال سبط به امین * ما لی عمرو زیدینک سیف مصاصمه سنی
جیع ناسدن موسی نفسه ضم ایدوب مالک اولدی و مصاصمه شول

سیفدر که هر کیمسه که نیامدن قتل دشمن ایچون اخراج ایلده چپ و راست
میدردیو قایرمبوب هر جانبدن ضرب ایدرسه قطع و بریده ایدردیمک
اولور بعده مصاصمه متوکل و اصل اولوب یا غزنامه زکی بر غلامه
احسان غلام دخی مصاصمه ایله متوکل قتل ایدوب بوند نصکره
مصاصمه کیمه ایدیکی معلوم دکلدر * و حلالک الحارث علی النعمانه * و اگر
حارث سنی نعمانه نامنده اولان اسبه سوار ایلسه موسی الیه حارث بن عباد
التغلبیدر که بنو وائلک اکبر ساداتی اولوب ذکرى متقدم حرب البسوسدن
اعتزال ایدوب * لانا فیه ولاجل * دیوب کلامی مثل اولشدر
چن بر کیمسه بر ظلم و فساددن تبریه ذمت ایتک و مدخل یوقدر دیمک مراد
ایلسه مثل مزبوری ضرب ایدر مرویدر که مقدمانعمانه جریر بن لودانک
فرسی اولوب بعضیلر حرزک فرسیدر دیدى لکن یوروايت ضعیفه اولوب
بعضیلر حرز فرس نعمانه به حارث نصکره مالک اولدی دیدى و عمر بدن
یدی کیمسه نک فرسلرینک اسمی نعمانه در * ماشککت فیک و ماسترت
اباک ولا کنت الا ذاک * یعنی عمرو محرق سکا بردنی الباس و ماریه قرطین
ایله تر بین و عمرو بن معدی کرب مصاصمه بی تقلید و حارث فرس نعمانه به
سوار ایدوب زى سادات و اشراف ایله تر بی ایلوب بنی تغلبه ایچون
تبدیل شکل ایلست مفید اولوب سنده شک ایلیم و بداصل و فرومایه
اولدیغکی بندن ستر و اخفا ایده مبوب هر نه قیافه کرسک بنده سن
بنم یلدیکم دنی کپایه سن * و هبک سامیتهم فی ذروه المجد و الحسب
و جاریتهم فی غایة الظرف و الادب * مساماة علو و رفعة مماله
معناسنه و ذروه هر شبنک اعلا سنه اطلاق اولوب ذروه بام و ذروه سنم
دیرلر و مجد کرم و جلالتده توسع و مجید کریم معناسنه اولوب کشبک
مجد و شرفی پدری طرفندن اولور حتی بر کیمسه نک پدر وجدی اشراف
قومدن اواسه عرب * رجل شریف ماجد * دیرو حسب کندى
ذاتنده اولان کرم و شرف معنا سنه اولوب رجل حسب دیرلر
آبا و جدادی شریف اولمق لازم دکلدر و جاریه دختر نور سیده معناسنه
اولوب بو محله مجاراة یعنی مصاحبت معناسنه در و ظرف حقک

صدی کبس و ذکا معناسنه اولوب (رجل ظریف و کبس دیرل و ادب
فی الاصل طعام دعوت معناسنه و مأدبه طعام معناسنه اولوب بعده جمع
انواع محامده حقیقت عرفیه اوله رقی استعمال اولندی و فنون عدیده
و محامدی جامع اولان کیمسه به ادیب دیرل و اصمعی ایدر که ظریف
بلیغ و جید الکلام اولان کیمسه در ظرافت اسانده اولدیغنه عمر بن الخطاب
رضی الله عنہک * اذا كان الله ظریف عالم بقطع * یعنی اگر
دزد بلیغ و جید الکلام اولور سه کند بدن حدی اسقاط ایده جک
کلام فصیح تکلم اتمکله قطع بددن خلاص بولور قوی ايله استدلال
ایلدی و بعض اهل لغه عندنده ظریف شول کیمسه در که وجه و هیئت
حسن اوله کسائی دید یکه ظرافت وجه و لسانده اولوب وجه ظریف
ولسان ظریف دیرل استفهام طریق ايله ماظرف زید زیدک وجهی می
حسن در یو خسه لسانی می حسن در معناسنه استعمال جائز در مال معنای
فقرتین سن فرض ايله که حسب و کریم اولان قومه هزار تکلفات ايله
مماثل اولدم زعمیله انلرک سامیه لری ذروه مجد و حسیده اولوب
مصاحبت لری غایت ظرف و ادبه و اصل اولش در دیمک اولور * الست
تاوی الی بیت قعیده لکاع اذ کلهم عزب خالی الذراع * اوی همزه نک
ضمی و واوک **ک** سر یله منزله رجوع معناسنه و قعیده زوجه معناسنه
همدم معناسندن مأخوذ در و زوجنی خانه ده افعاد ایلدیکی ایچون قعیده
دیرل قعاد دخی دیرل و لکاع لثیمه النفس و دینه معناسنه اولوب عزب
زوجه دن بعید یعنی زنی اولیان کیمسه به دیرل فی الاصل طلب کباهدن
متباعد معناسنه در و خالی تهی معناسنه و ذراع ساعد و بازو معناسنه
اولوب خالی البید **ک** بی فراغ و تخریددن کنایه در مال فقرتین سن
فرض ايله که بکار غبت ایدن قومده موجوده اولان محاسنی جمع ایلوب
شرف و کرمده انلرک مماثل اولش سن اول شخص دگلی سنکه
قعیده سی لثیمه اولان بینه رجوع ایدر سن یعنی سن متزوج اولوب
بکا طالب اولانلرک مجموعی مجرد و بی زندر سنی انلره بیجه ترجیح ایدرم
دیمک در و فقره اولی خطبته نک * اطوف ما اطوف ثم آوی * الی بیت قعیده

لکاع * یستندن مأخوذ در یعنی سیر و گذشت ایلدیکم محاریر سیر ایدرم
بعده قعیده سی لثیمه اولان خانه به رجعت و التجا ایدرم دیمک در و مزبور
خطبته اسمی جرول بن اوس بن مالک العبسی در که شعرای محضر مینک
بزرگواری و جاهلیت و اسلامه رسیده و د فی النفس والهجم کدا چشم
و بی مروه و اکثر اشعاری هجو اولوب بر مرد خیانت شعار در و بروقتده
مدینه منوره به کلد کده اعیان و اشراف بر برینی قدوم خطبته دن اکاه
ایدوب بوشخص شاعر در و شاعر انشاد ایلدیکی قصائد و ابیات
صله سنده هزار فکر فاسد و طمع ايله زیاده شی مأول ایدر و فکری تحقیق
ایدرم زعمیله بریمزه کلوب انشاد شعر ایلد کده مأمولی مرتبه عطیه
ایلمک مشکل اتمسه هجو ایدر و شعرایی ارضابر و جهله ممکن دکلدر همان
اصوب و اولی اولان بودر که هر بریمز بر مقدمارشی اخراج و جمع و زیارتنه
واروب یا خطبته جله مزدن سکاعطیه در دیوب اعطا و دفع ایده رز
دیو اتفاق و در تیز دینار جمع ایدوب یا خطبته بوصله سکا آل فلان و فلان
طرف لرنند در دیدیلر خطبته دخی اخذ ایلوب اوزر لرندن ثقلنی دفع ایلدک
ظن ایلدیلر لکن خطبته بی جمعه کونی معبر ناس اولان موضعه هر کیم
بکار چفت نعل احسان ایدر سه باری تعالی اتی عذاب دوزخدن امین
ایلیه دیو جر و سؤال ایدر مشاهده ایلد کلرنده طمعنه تعجب ایلدیلر
ابوعبیده ذکر ایدر که بروقتده خطبته عبید بن نهاسک زیارتنه واروب
لباس طلب ایلدی عبید دخی بن الان بر خدمنده مستخدم دکلر و عیال
و اتباعه اتفاق ایده حکمدن فضله ماله مالک دکلر دیور دایدوب
مأبوسا بیرون اولد قده اتباعندن بری مناسب ایلدیکز زرا بوشخصه
خطبته دیرل سنی و اتباعکی هجو ایلر سوا ایدر دید کده ارجاع و عودتنه آدم
ارسال ایدوب کلد کده یا خطبته معذور اوله سنی بتلدم سن دخی کندیکی بزه
تدریف ایلدک سنی مسرور ایده جک شبهه دسترس اولور ز دیوب نوازش
و اجلاس ایلوب یا خطبته حالا شاعر ناس کیمدر دیوب خطبته بوشعری
انشاد ایدندر دیوب محله مناسب کندی اشعارندن * ومن يجعل المعروف
من دون عرضه * یصنه ومن لا ینق الشتم یشتم * یتنی انشاد ایلدی

ماک معنی شول کیمسه که عرضنی صیانت ایچون کرم واحسان ایده
 شتمدن مصون اولور وشول کیمسه که شتم و دشنامدن خوف ایتمه اول
 کیمسه به شتم اولور دیمک الموفله عیدیا خطیئه بوبیت سنک افعال ربکک
 مقدمه سیدردیوب اتبا عندن برینه خطیئه بی بازاره کتوروب
 رغبت ایلدیکی البسه دن برینی اشترایله دیو امر ایدوب خادم خطیئه
 ایله بازاره واروب حریردن منسوج البسه نفیسه ورقیقه عرض ایلد کده
 قبول ایتمیوب خشین جامه لره اظهار رغبت و اخذ ایدوب راهی اولدی
 مرویدر که بروقتده زبرقان بن بدر کندی قومندن اخذ صدقانه عامل
 و مباشر اولوب برسنه افراط خط اولمغله ممکن اولدیغی مرتبه مال صدقاتی
 جمع و عمر رضی الله عنه حاضر تلبینه ایصال ایچون مطیبه سوار و انشای راهده
 زوجه و بنائی ایله خطیئه به دوچار و خطیئه اولد یغنه عالم اولوب خطیئه
 زبرقانی بلدیکنه بناء زبرقان یارجل هریمتک نه طرفه دردیو سوال خطیئه
 دخی یا امیر خط و غلا سبیلله تعیشدن عاجز اولوب عیالیه کفاف تحصیلنه
 عراقه توجه ایلدم مأمولدر که استخدادن بری بر مقدار شی احسان ایده
 بندخی اول جو مردی قصائد ایله مدح ایده بم دید کده زبرقان استرمیسن که
 سنی بر کیمسه منزله الوب خط من دفع اولجده اولاد و عیالکله عمر و ابن ایله
 اطعام و اکرام ایده دیدی خطیئه دخی یا امیر انجق مطلبیم بودر لکن قنی او یله
 بر مرد سخا پیشه دید کده زبرقان بن سنی کندیمه هجوار و اطعام ایدرم
 دیدی خطیئه دخی محظوظ اولوب فانی سوال اولدخی زبرقان بن بدر در
 یا خطیئه بو شتره راکب اول و فلان جانبه توجه ایلوب زوجه م اولان
 ام هند بنت صعصعه بی اهالی قبیله مدن استفسار و خرگاهیده اقامت
 و قرار ایله دیوب راهی اولدی خطیئه دخی زبرقان زوجه سنی بولوب
 ام هند خطیئه بی خرگاهلرینه اجلاس و اطعام و اکرامنده قصور ایتمیوب
 خطیئه و اصل اولدیغی نعمته حمد و سپاس ایلدی و خطیئه نک زبرقانه
 مسافرتی قومنک ربیسی اولان بغیض بن عامر بن شماسک معلومی اولمغله
 ام هنده دسبسه ایدوب یا ام هند اکرام ایلد دیکک مسافرتک د خیزک

ملیکه بی زوجک زبرقان تزوج ایده جکدر بناء علیه خرگاهکه مهمان ایلدی
 دید کده ملیکه حسن و جمال صاحبه سی ردختری مثل اولمغله ام هند اعتماد
 ایتمیوب و اظهار انفعال ایدوب خطیئه نک اکرامنده قصور و بعض مرتبه
 استئصال صورتن کویستر کده خطیئه بد خلق ادم اولمغله خرگاه زبرقانی ترک
 و بنی شماس طرفنه توجه و انتقال ایلد کده بغیض زبرقانه رغما خطیئه به
 مخصوص ضرب خرگاه و طناب لرینه حله لر آویخته و شترلرین مبرکارینه
 چو کروب کندی به و اولاد و زوجه سنه کسوه لرا کسا و الباس ایلدیلر
 و بر مقدار وقت مرورنده زبرقان منز لکاهنده رجعت و بنی شماسه مهمانمی
 طرفه ارجاع ایدیکر دیوب بنو شماس ممانعت و میانلرنده منازعه و حرب
 و قتاله باعث اوله حق مرتبه به رسیده اولدقده دفع شر ایچون بعض قوم
 خطیئه تحبیر اولنسون قننی طرفی ترجیح و اختیار ایدرسه انده اقامت
 ایلسون دیوب طرفین بورایه رضاداده اولدقده خطیئه بغیضی اختیار
 و قصائد ایله مدح ایلوب بنو شماس زبرقانک هجو فی طلب ایتملر یله خطیئه
 زبرقانی برفاج بیت ایله هجو ایلوب عمر بن الخطاب رضی الله عنه
 حضرت تبری استماع و کبار فاسی بومر تبیه هجو ایدن شخصی تأدیب
 لازمدر دیو احضار و تحویف ایچون زبانکی قطع ایدرم دیو مؤاخذه
 یورد قلرنده خطیئه یا امیر المؤمنین عفو بیورک بن بدر و مادر و جهمی
 و کندی نفسمی هجو ایلدم دید کده عمر رضی الله عنه حضرت تبری تبسم
 بیوروب نه کونا هجو ایلدک بیور دقده خطیئه پدر و مادری * ولقد رأیتک
 فی النساء فسوتی * و انانیتک فسانی فی المجلس * بیتله هجو ایدوب
 زوجه می * اطوف ما اطوف ثم آوی * الی بیت فعبده لکاع * بیتله هجو
 ایدوب کندیمی * اری لی وجهها فبح منظره * ففیح من وجهه و فیح حامله
 * بیتله هجو ایلدم دید کده حضرت عمر رضی الله عنه تأدیب احبس
 ایلوب بر مقدار زماندن نصره محبسدن اخراج بیوروب بعد الیوم بر فردی
 هجو ایلد دیو امر و تنبیه یورد قلرنده خطیئه یا امیر المؤمنین هجو دن
 فارغ اولور سم اولاد و عیال کرسیکندن هلاک اولور زبرامدح ایله کیمسه
 احسان ایتمیوب هجو مدن خوفلرندن عرضلرینی بدن خربدار اولور
 اید کده حضرت عمر رضی الله عنه خطیئه دن مسلمانلرک عرضنی اوج یلک

در همه اشترای یوروب خطبه با دبه راهی و عمر بن الخطاب رضی الله
عنه زمان سعادت لرند و فاتی ایلدی * و این من انفر دبه بمن لا اغلب
الاعلی الاقل الاخس منه * انفر ادتهها و بالکزا و لمق و اغلب استیلا معناسنه
واخس ادنی معناسنه و یوفقره فقرات سابقه بی تفسیر اولوب مال معنی
بنم انکله منفرد و بکا مخصوص اولان کیمسه زده اندن اقل و ادنی
فائده به استیلا و حصه یاب اولدیغم کیمسه زده یعنی سن زوجة اثیمه
صاحبی اولوب بکله معامله کزوجہ کدن فضل و بقیه قوت ایله اولوب قوم
ایسه مجرد لر و بکا منحصر لر ایکن ذوقیاب اولده سنکله انلر کله مناسبتی
وارد ردیمک اولور * و کم بین من یعمدن بالی قوة الظلمة و الشهوة
الوافرة و النفس المصروفة الى واللذة الموقوفة علی و بین آخر قد انضب
غديره و تزحت بیره و ذهب نشاطه و لم یبق الا ضراطه * الفاظ مذکورہ
و بین آخر فقره سنه کلیمه زناتی معجب اولان کثرت جاعدن کنایه
و بین آخر دن آخر فقرانه وار بجه انسان شیخوخت و ضعف سبیلله
جاعدن عاجز اولدیغدن کنایه اولوب مال معنی قوت ظاهره و شهوت
وافره ایله بی قصدایدن کیمسه که نفسی فقط بکا صرف ایدوب لذتی بکا
موقوفه و منحصره ایدن ایله سنک کی نهرینک آبی قعر زمینه چکلمش
و چاهنک آبی نزاع اولوب نشاط و جنبشی زائل اولوب ضراطدن غیر
برشبی قالمیان شخص ایله مناسبتی ندر هیچ مجرد و برنا ایله متزوج و ببرک
مجامعتده نسبتی اولور می پس بنم بویله طالبرم و ارایکن سنک اکی
بی طاقت عمل مانده حریفه رغبت ایدرمیم دیمک اولور مرویدر که قتیبه
بلدان رومدن برینی فتح و بر عرب بهادری رومی برزن سبی و اسیر ایدوب
اول شب بدی کره جاع ایلوب زن نشاطندن طائفه عربک مجموعی سنک
کی قوت باه صاحبی میدر دیو سوال عرب دخی جله مز بویله قوت لیدر
دید کده زن راست سوبلرسن اگر سزده بورتبه قوت اولسه بلده مزی فتح
ایده مز دیکز بدی و نضب غدیره فقره سی بعض عربک قولندن
ما خود اولوب اصلی بودر که بر پیره احوالندن سوال اوانوب پیرذهب
الاطیبان و بقی الاخیان یعنی پیرک سبیلله نوم و جاعه قدرت زائل

اولوب سعال و ضراط قالدی دیدی * و هل یجتمع لی فیک الا الخشف
وسؤال کبله * خشف خرما می بدو ناماً کول معناسنه و کبله کیلدندر که
هیئت و حاله دلالت ایدوب جلسہ ورکه کیدر اولجک معناسنه و فقره
مز بوره * اخشفا و سؤال کبله * مثلندن ما خود اولوب تقدیری انجم
التمار ردی و الکیل المطفف اولمغله انتصاب خشفا اضممار فعل ایلدر
و معنای مثل ردی و ذماً کول خرما ایله اکسک کبله بی جمع ایدرمیمسن
دیمک اولوب بر کیمسه ده ایکی سو خلق جمع اولسه مثل مذکور
اول کیمسه به ضرب اوانور و ابتدا قائلی عمرو بن معدی کرب اولق اوزره
روایت اولمشدر و ابن زیدونک مرادی بن سنکله ازدواج ایلسم سنده
مجمع اولان قبح منظر و بخرا یله متأذی اولدن غیر فائده مندا اولمام
دیمکدر * و یفتن علیک الا الغدة و الموت فی بیت سلولیه * غده لحم و شحم
و میانشده اولان بزید ککری شیر و شترطا عونہ سیدر لکن بونده
مراد طاعوندر و سلول اسم قبیله اولوب قومی قلیل و ذلیل اولمغله بیان
عربانده مذموم در و فقره مز بوره غده کغده البعیر و موت فی بیت سلولیه
مثلندن ما خود اولوب اخشفا مثل کی بر کیمسه ده بر برندن زیاده سو ایکی
خصالت ذمیه جمع ایلسم اول کیمسه حقنده ضرب اوانور و قائلی عامر
بن طفیل ملعون اولوب لیدن ربيعة العامرینک برادری اربد ایله
رسول الله صلی الله تعالی علیه وسلم حضر تلرینک مجلس شریف لرینه
داخل و زار خواهی اولدقلرنده پیغمبر علیه السلام حضر تلری ایکنسنه
دخی بد دعا یوروب اربده صاعقه نازله اولوب مرد و عامر ملعون قبیله
سلولدن برزنک متزلنده مطعون اولدقده مثل مذکور نکلم ایلوب
مرد اولدی لعنه الله علیه و علی اربد و عامر کاحوالی مقدمات فیصل
اولمشدی پس مال معنای فقره مز بوره سنک مواصلت کدن بکا برشی
مقارن اولمز الاطاعون و بیت سلولیه ده موت مقارن اولور یعنی سنکله
اجتماع شر و ضرر دن غیری تحصیل ایلز دیمک * تعالی الله یاسلم بن عمر *
اذل الحرص اعناق الرجال * باری تعالی علو کبر ایله عالی اولندی یاسلم
بن عمر و رجالک کردن لرینی حرص و طمع ذلیل و حقیر ایلدی یعنی سنک

بکا موصلت طمعه نده اولمک سنی حقیر و ذلیل ایلدی بیت مزبور
 ابو العتاهیه اسمعیل بن قاسم بن سوبک اولوب مزبورک نشوونما می
 کوفه ده در و ابو العتاهیه اشعار کثیره انشاد ایدوب کثر تنیدن تدوین
 وجعی ممکن اولیان اوج شاعرک بریدر که ایکبسی بشار بن برد و سید
 حیر پدر و ابو العتاهیه ابتدای حالده کوزه فروش اولوب بعده شعره
 توخل و اشتغال و بالبدیهه انشاد شعر ایدوب بر کون بر شاعر سخنور ظهور
 ایتکله اندن انشاء شعر تفکر سز زجت چکلرمی دیو استعلام ایلد کلرنده
 بن تکلم ایتک مراد ایللم همان بر مقدار مضامین و آیات ذهنيه سنوح
 و تمثیل ایدوب مراد ایلد یکمی اخذ و ماعد ای ترک ایدرم دیدی ابونواس
 ابو العتاهیه بی مشاهده ایلدم لکن او یله ملاحظه ایلدم که ابو العتاهیه
 سماوی و بن ارضی بم دیدی و ابو العتاهیه نک اکثر اشعاری زهد و تقوا به
 متعلق اولوب آخر عمر ینه دک زهد ایلشدر احد بن حارثدن مر ویدر که
 ابو العتاهیه تو حیده قائل و ذاهب اولوب باری جل شانہ ایکی
 جوهر متضاد بن خلق و اول جوهر لر دن بو صورتده عالمی ایجاد ایلدوب
 عالم حادث و محدث فقط باری تعالی در و اعیان فنا بولمزدن مقدم قریبا
 عالمی ینه اول ایکی جوهر متضاد ینه اعاده و ارجاع ایدردی و وعید
 و عذاب بی مقرومکاسلوق محرم اولوب مذهب زیدیه بی تشنیع و سلطنتان
 اوزر ینه خروجی منع و نهی ایدردی جاحظدن مر ویدر که بر کون
 مجلس مأمونده ابو العتاهیه ثمامه بن اشرسه یا ثمامه سکا بر مسئله عرض
 ایدم بم دید کده مأمون رضاداده اولوب یا ابوالعتاهیه سن شعره مشغول
 اول و مباحثه و معارضه بی ترک ایلد دیدی زرا اکثر یا ثمامه ابو العتاهیه نک
 نقل ایلدی کی اخبار و حکایاتی نقض و رد ایلد تخجیل ایتکله اجوبه مسکته به
 قادر اولد بی مأمونک معلومی ایدی تکرار ابو العتاهیه ایراد مسئله به
 اظهار خواهش ایدوب اگر امیر المؤمنین ایراد مسئله به اذن داده
 و ثمامه به جواب ویردیو امر بیوسه ایراد سؤال ایدردم دید کده مأمون
 یا ثمامه اگر سؤال ایدرسه جواب داده اول دیوب مساعده و مناظره لر ینه
 چشم و گوش اولد قدده ابو العتاهیه به تقریر مسئله به شروع ایدوب

یا ثمامه بنم اعتقاد مده هر فعل خیر و شر که عباد الله دن صادر اولور
 فی الحقیقه اول فعل الله تعالی دن صادر اولور و سن بو اعتقاد دن ابایدوب
 قائل اولماز سک دیدی و تحریرک بد ایلدوب بود ستمی تحریرک ایدن
 کیم بدر دیو اعتقاد بی تمثیل ایلد تحقیق مراد ایلد کده ثمامه
 * حرکه امن امه زانیه * یعنی دستی مادری زانیه اولان کیم سحریرک
 ایلدی دیدی ابو العتاهیه یا امیر المؤمنین و الله ثمامه بکا قذف ایلدی دیو
 داد خواه اولد قدده ثمامه ابو العتاهیه بی کندی قولیه الزام و قذف
 ایچون * ناقض الماص بظرامه * یعنی مادر ینک خروسه بضعی مص
 ایدن تناقض ایلدی زرا خیر و شر باری تعالی دن صادر دیر کن بکا شتم
 ایلدی دیو شمدی بکا شکایت ایلدوب خلاف مدعاسنی اعتراف ایلش
 اولدی دید کده مأمون خنده کنان بن سکا کندی شعر کله مشغول اولوب
 بو مقوله مسائله قارشمه دیدم اصفا ایچوب شرمسار اولدک دیدی
 و ثمامه برمدتد نصکره ابو العتاهیه بکا مصادفه ایدوب یا ابامعن سقا هت
 ایلد ویردیکک جواب سنی اغنا ایلدی می دیو موأخذ قصدا ایلد کده
 یا ابوالعتاهیه اتم کلام خصمک حجت و دلیلنی قطع و اسائه معاقبه
 و درونده اولان غبظی دفع و ازاله ایدوب جا هله غالب اولد نصرت
 ایدم بدر دیو جواب ویردم دیدی ابو شعیب ابو العتاهیه به قرآن
 کریم اعتقادنده مخلوق می غیر مخلوق میدردیو سؤال ایلدم ابو العتاهیه
 بکا یا اباشعیب الله تعالی دغی سؤال ایدرسن بو خسه باری تعالی جل
 شانہ نک غیری سندن می سؤال ایدرسک دیدی بن دخی سوالمی بر قاج کره
 تکرار ایلدم اولدخی استنفهامی اعاده ایلدوب یا ابوالعتاهیه بیچون
 سؤاله جواب ویرمیبوب نجاهل ایدرسک دید کده یا اباشعیب بن سکا
 ابتدای امر ده جواب ویردم لکن سن حارسک دیدی دیو نقل ایلدی
 و ابو العتاهیه انحال ناس ایکن ثمامه به ذم بخلد بر قاج بیت انشاد ایلدیکندن
 بری بو بیتدر * الا انما مالی الذی انما نفق * و لبس لی من المال الذی
 اناتار که * یعنی آگاه اولکه مالک اولدیغم مال صرف و انفاق ایلدیکده
 وفات ایلدوب ترک ایلدیکم مال کان ملکم دکدر دید کده ثمامه
 یا ابوالعتاهیه سن انحال ناس ایکن بو قولی ندن اخذ ایلدک دیدم ابو العتاهیه

دخی رسول الله صلی الله تعالی علیه وسلم حضر تریسک (لبس لك
من مالک الاما اکت فا فبت او لبست فابلیت او اعطیت فامضبت
حدیث شریفین اخذ ایلدم دیدی یعنی مالک اولد یغک مال فقط
اکل وافنا ایلد یغک یا خود لابس اولوب کهنه ایلد یغک یا خود بذل
واحسان ایله کچور دیکک مال اولوب بونلردن ماعد ترک ایلد یغک
مال کو یاسنک دکلدر دید کده تمامه یا ابا العتاهیه قول مذکور تحقیق حق
وصوابدراکن سن یو قوله مؤمن مپسک دید کده بلی ایمانم بونک اوزر بنه در
دیدی یا ابا العتاهیه چونکه بو حدیث شریفه مؤمن سک الان یکر می
بدره دن زیاده دیناره مالک سنکه نه اکل ایدرسک ونه اتفاق ایدرسک
ادخار ایدوب زیاده ایتکه کوشش ایدرسک دید کده یا ابا معن والله
کلامک راست وحقدر لکن فقره ابتلا ایله ادائی ناسه محتاج اولورم
دیو خوف ایدرم دید کده یا ابا العتاهیه چونکه بو اعتقاد ده سن سنک
حالك ایله فقیر محتاجک حالنک فرقی ندرکه حرص دائه مبتلا وجع
ماله مقدم وفسکه دخی بخل ایله زحمت و مشقت ویرمه که مداوم اولوب
عید دن عیده لحم اشترا ایدرسک دید یگمه جوابم بدن عاجز اولوب
والله یا ابا تمامه یوم عاشوراده درت دهمک لحم ومو مبار وشکنه اشترا
ایلدم دید کده بنی اضحاک ایلوب معلوم اولدیکه بونک ایچون سخایه
صدری منشرح اولق محصل دکلدر دیو نقل ایلدی مزبور ابو العتاهیه
وابراهیم الموصلی وابو عمرو الشیبانی ایکیبوز اون اوج منه سی بغدادده
یوم واحده ده وفات ایلدیلر * ماکان اخلقک ان تقدیر بذرعک وزرع
علی ظلعک * ما اخلقک معناسی یعنی فلان شی سکا نه یک اولی در
دیمک اولوب * فلان خلق یکذا * دیوب فلان کیمسه فلان شبه
مخلوق و مجبولدر دیمک مراد ایدرلر وتقدير قیاس ایتک معناسنه اولوب
تقدیر بذرعک دیمک برکاره مباشرت ایتزدن مقدم طاقتکه قیاس
ایله دیمک معناسنه در ورع مکث واقامت معناسنه و ظلعک
یعنی شترک ضعفندن بار کرانه تحمل ایده مبوب مشبنده غمزی وایکی
طرفه میلان ایله لنک کی حرکت اطلاق اوانوب غیر یلر استعاره طریقی

ایله غیر یلرده استعمال اولندقدده * اربع ظلعک * دیو ضرب مثل
ایدر که معناسی ضعفکله اقامت وفسکه رفق ایله دیمک اولوب وسع
وطاقتدن خارج وعهده سندن بیر ون اولوب عاجز اولدیغی امره
مباشرت و تحصیلنه اقدام ایدن کیمسه حقنه ضرب اولنور * ارق
علی ظلعک * ایله دخی ضرب مثل ایدرلر و معناسی وسعکده اوایان
خصوصک تحصیلنه تکلف ایله وطوباللغکه کوره رفق ایله راقی اول
دیمک درز یرا کوهه یا خود سلمه یا برغیری مرتفع موضعه صعود و عروج
ایدن کیمسه کندی نفسنه رفق ایدوب قدرتی مرتبه تانی ایله حرکت
ایدرس رقی رفیدن مأخوذ اولوب ترقی معناسنه اولور * قی علی
ظلعک * عبارتیه دخی روایت اولنور معناسی طوباللغکی تحافظه ایله
دیمک اولوب وقی بقی دن مأخوذ درجن بر کیمسه وعید ایلکده حدی
تجاوز ایلسه ضرب اولنور یعنی کندی حد که کوره وعید ایله و عجز کی
فهم ایدوب خلایق بومرتبه اور کیمه دیمکدر * وارفا علی ظلعک * عبارتیه
دخی روایت اولندیکه ارفأت الشی دن مأخوذ در اصلحت معناسنه یعنی
اول طوباللغکه علاج ایله بعده وعید ایله کسان دیدی که جمله روایاتک
معناسی کندی عیبکی فکر ایدوب سکوت ایله دیمکدر و بعضیلر اربع
علی ظلعک عبارتک معناسی قدرتک مرتبه سی حجاره تحمل ایدوب
وسعکدن زیاده تحمل ایله دیمکدر دیدی زیر اجمک براسمی دخی
ریعه در * واقصد بذرعک * دخی مثل اولوب وسعنده اولیان شترک
حصولنه سعی ایدن کیمسه حقنه ضرب اولنور معناسی کلف نفسک
ما تطبیق یعنی نفسکه تحت قدر تکده اولان شی تکلیف ایله دیمک
اولوب ذرع استطاعت و قدرت معناسنه در کان اقصد الامر بماتملکه
قدرتک ولا تطلب فوق ذلک دیمکدر یعنی وسعکده اولان امره
طالب اولوب وسع و قدرتکدن خارج اولانی طلب ایله واربع علی
ظلعک ابق علی غمک معناسنه اولوب طوباللغکه ابقا ایدوب حد کی
تجاوز ایله دیو تفسیر اولندیکه مالی هب بردر پس بونقدیرلر دن
ابن زیدونک مرادی معلوم اولدیکه سکا اولی والبق اولان بنم وصالم

خصوصی قدرت و طاقت که قیاس ایدوب حدی تجاوزه و وسعده
اولیان امره مباشرت ایتیمک ایدی دیمکدر * ولاتکن براقش الدالة
علی اهلها * فقره مزبوره علی اهلها دات براقش مثلندن مأ خود
اولوب برکیمسه برکاره مباشرت وانجامنده کندی متضرر اولسه مثل
مذکور ضرب اولنور واصل نموده اختلاف اولنوب بعضیلر براقش
برقومک کلبنک اسمی اولوب قوم مزبوره دشمنلری برشب دیجورده
هجوم و غارت قصدیه اولدقلری محله توجه و اثنای راهده مکراه اولوب
نه طرفه راهی اوله جقلرنده متحیرلر ایکن غارت ایده جکلری قوم غافلک
براقش نامنده اولان کلپی نباحه باشلیوب دشمن صدای کلب طرفه
توجه و قومک خرگاهنه ظفر یاب و نهب و غارت ایدوب کندی کلبلری
صوتی ایله دشمنه دلالت و قومنه جنایت ایتیمکه مثل مذکور ایراد اولندی
و کلب مزبور ایله تشاؤم اولنور * اشأم من براقش * دخی دیرلر و یونس
بن حبیب ابو عمرو بن العلاء روایت ایدر که براقش ملوکدن برینک
زنی اولوب شوهری برطرفه راهی وزنی براقشی استخلاف ایلدی و جن
بر دشمن طرفندن خوف یا خود برطرفه سفر مراد ایلسه عسکرینی جمع
ایتیمک ایچون بر موضع معینه ایقاد نار ایدوب دخانی ایله عسکره خبر
ایتیمک ملک مزبورک عادت قدیمه سی اولمغله هر بار که آتش اشعال
اولنه عسکر تختگاه ملکه مجتمع اولوردی چونکه براقش خلیفه ملک
اولدی اجرای حکومت ایله وقتگذار ایکن جوار یسی خیانت قصدیه
برکیمه موضع معهوده ایقاد نار ایدوب لشکری دود و آتشی مشاهده
و تختگاهه مجتمع و براقش بیوجه اجتماعلرندن پریشان حال و متحیر
اولدقده ندماسی ای ملک لشکر بلامقتضی جمع اولدی اشتعال ناردن
خبردار دکلدم دیو جواب داده اول سک وقت احتیاجده دخی لشکر دود
آتش اعتماد ایتیمک مجتمع اولمازلر پس نظام دولته خلل طاری اولوب
دشمن ظهورنده بی لشکر متضرر اولق محتملدر بونلری خیانت جوار ی به
واقف ایتیمک بر خدمته استخدام ایلمکه امر که ایقاد نار اولمش ظن
ایلسونلر دیو پند ایلدکلرنده براقش برخانه بنا ایتلرینه امر تمام و تکمیلدن

صکره زوجی ملک کلوب سببندن استعلام ارکان دولتی دخی صورت
حکایه بی نقل و اعلام ایلدکلرنده ملک * علی اهلها نجی براقش * دیوب
مثل اولدی و شرقی بن القطامی دیدیکه براقش لقمان بن عادک زوجہ سی
اولوب اهلای قبیله لقمان لحوم اکل ایتلردی برکون براقش دن تولد
ایدن لقمانک بر فرزند مادری براقشک پدری قبیله سنه راهی اولوب
فرزند لقمانه خالری اکر ام ایچون بر شتر ذبح و اطعام ایلدوب غلام قبیله سنه
رجعت و پدری لقمانه لحم شتر دن برپاره کوشت کتوروب لقمان تناول
ولذتیاب اولوب بونه کونا شیر دیو سوال غلام دخی لحم شتر در خالرم
بنم ایچون ذبح و اطعام ایلدوب ذقیاب اولدیغمدن بر مقدارنی سه کا
کتوردم دیدکده لقمان لحوم شتر عایت لذتدار ایش بزچون نخرواکل ایتیموز
دیدکده براقش دخی اکل لحومه خواهشکرا اولوب بالقمان * جلنا واجتمل
* دیوب کلای هم سن جبلی نفسکه اطعام هم بز ی جبیل ایله اطعام ایله
دیه جک برده ضرب مثل اولنور اولدی و براقشک شتری بسیار اولوب
لقمان ذبح و اکل ایدوب شتر لری افنا بولدقده قومنک شترانی اکل ایدوب
براقش و اهلایک شتر لری بر طرفدن ذبح اولنوب افنا اولمغله براقش
کندی به و اهلای قبیله به خیانت ایدوب مثل مزبور ایراد اولندی مال
معنای فقره براقش کی اهلکه و نفسکه مضر اوله یعنی بی طلب ایلکدن
کندک و انبا عک متضرر اولور سکر دیمکدر * وعن السؤ المستثيرة علی
حتفها * یعنی و عز کی موت و هلاککه سعی ایله فقره مزبوره مثل
اولوب اصلی بودر که برکیمسه بر بظاله به ظفر یاب اولوب ذبح ایتیمکه
سکینی اولوب ایا برکارده نه کونا دست رسیده اولورم دیو تفقد
وجدانندن مأیوس ایکن جدی جبلا یوب ناخنی ایله زیر خاکدن برکار
و اخراج ایدوب اول کیمسه عزیزی کندی پابی ایله اخراج ایلدیکه بیچاق
ایله ذبح ایلدوب بزغاله نک حرکت واضطرابی هلاکنه باعث اولوب
برکیمسه نک کندی فعلی تلف و مضرته باعث اولسه اول کیمسه
حقننده مثل مذکور ایراد اولنور (کالباحث عن المدیه) یا خود عن الشفره
دخی مثل اولوب مدیه و شفره بیوک بیچاق معناسنه درمضرب و معنای

مثل مقدما تفصیل اولند یعنی وجه اوزره در * کاشاء بحث عن سکین
جزار * دخی مثل اولوب مورد و مضربی ذکر اولندی و هلاکو بغدادی
ضبط ایلد کده ملک حلبه نصیر طوسی انشاسی ایله بر مکتوب ارسال
ایلدیکه بودر * اما بعد فقد نزلنا بغداد سنة خمس وخمسين وستمائة
فساء صباح المنذرین فدعونا مالکها الی طاعتنا فابی فحق علیه القول
فاخذناه اخذا و بیلا فدعونا الی طاعتنا فان اتیت فروح وریحان
وجنة نعیم وایت فلا سلطان منک علیک فلا تکن کالباحث عن حفته
بظلمفه و القاطع ما رن انفسه بکفه * بحث تفتیش معناسنه حتف
موت معناسنه و ظلف شاة و عز و بقر مقوله سنک طرناغی معناسنه
وما رن انفسک ملایم یری که قصبة انف معناسنه در و بویکی مثاک
مضربی امثال متقدمه کی فعلی کندی نفسنه مضراولان کیمسه حقنه
اولوب قطع مارن انف جذیمة الابرشک اتباعندن قصیر در که
زبان جذیمة نک انتقامنی اخذ ایچون کندی الیه مارن انفی قطع
ایلد بر تفصیلی * و بلفیس غایت زباء علیک * فقره سنده ذکر اولمشدر
* فإراک الا سقط بک العشاء علی سرحان * مثلندن مأخوذ اولوب
قچن بر کیمسه کندی نک هلاک و تلفنه باعث اوله جق امری اتخاذ
کام و مرام و حصوله سعی و اهتمام ایلسه اول کیمسه حقنه مثل مزبور
ضرب اولنور مال معنای فقره پس فهم و دانشم بودر که بنم و صالمه
طالب اولمق سنک هلاک و تلفنه باعث اولور دیمکدر و ابو عبیده
روایتنده مثل مذکور ک اصلی بودر که بر کیمسه دفع کر سنکی ایچون
تحصیل عشایه بیرون اولوب اثای التماسده بر کرک کر سنه به مصادفه
ایدوب کرک او کیمسه بی هلاک واکل ایلیوب عرب قول مزبوری اراد
و مثل ایلدی و اصمعی روایتنده بر دابه کیه طلب ایدرک صحرا به روز
ایدوب بر ذنب اکل ایلدی و ابن اعرابی روایتنده قبیله غنی دن سرحان
بن هزله نامنده قتال و خوزیز بر کیمسه بر مرعای حفظ و حراست
ایدوب آب و کیه هندن بر فردک دابه سنه برک سبیز و یرزدی بر کون
عوف الاسدی دعوی مر دانه کی ایدوب شتر می سرحانک چراگاهنده

متن

رعی ایدرم و منعنه تصدی ایدر سه قتل ایدرم دیوب شتر می
مرعای سرحانه ارسال ایلد کده سرحان عوفی قتل و شتر می
اخذ ایلدی * و بک لا بطی اعفر * ظی اعفر لونی تراب کپی
اولان آهود و وفقره مزبوره * لا بطی اعفر * مثلندن مأخوذ اولوب
شخص مصیبت رسیده به شمانت ایچون ضرب اولنور یعنی امر مکروه سکا
نازل اولسون ظیبه نازل اولسنکه عنایت و مر حتم آهویه در سکا دکلدر
و حیوانندن آهواختیار اولمنسنه سبب آهوا دنی شیدن متضرر
ورخنه دار اولور مثلا و ثب و پرتا و ایدر کن پاری سهولت ایله شکست
اولدیغنه بناء یا خود بر مرض اصابت ایلسه سر یعاهلاک اولدیغنه بناء در
و مثل مذکوری فرزدق زیاد بن ایبهک موتی خبری کلد کده انشا ایلدی کی
پتنده تکلم ایلمشدر که اول بیت بودر * اقول له لما اتانی نعیه * به لا بطی
الصریحه اعفر * نعی بر کیمسه نک موتی خبری کلمسی معناسنه در
(به لا بکلب نابج) دخی مثل مذکور معناسنه در مال معنای فقره عنده
بر آهوه مقداری حیرک اولوب قطع عاجزیمده دکل سین پس امر مکروه
سکا اصابت ایلسون ظیبه ایلسون دیمک اولور * اعذرت لو اغتیت شیا
واسمعت لو نادیت حیا * یعنی سنک نصیحت کده معذور اولمق رتبه سنه
بالغ اولدم اگر قبول ایدوب بکا تعرضی ترک ایدر سنک و سکا نصیحتی اسماع
ایدردم اگر سن حیاتده اولمش اولسک و فقره اولی (اعذر من انذر)
مثلندن مأخوذ اولوب معنای مثل سکا نازل اوله جق مصیبتیدن سنی
تخذ بر ایدن کیمسه سنک عنده کده معذور اولدی یعنی بر رتبه تحذیر
ایلدیکه بوند نصکره قبول ایلمز سنک محذرم معذور اولوب مصیبت رسیده
اولور سن دیمک اولور و فقره ثانیه دخی مثل اولوب کندویه نصیح
و وعظ اولنوب قبول و فهم ایتمین کیمسه حقنه ضرب اولنور و مثل
مذکوری عمرو بن معدی کرب یا خود در ید بن صمه بر پتنده ذکر
ایلمشدر که اول بیت بودر * لقد اسمعت لو نادیت حیا * ولکن لا حیاة
لن تنادی * یعنی اگر حیاتده اولان کیمسه به ندایدیک تحقیق اسماع
ایدردک لکن سنک ندا ایلدیک کیمسه ده حیات یوقدر عمرو بیت

متن

من پور در نصیره بر بیت دخی انشاد ایلشد رکه بیت مذکورک مضمونتی
 ناید ایدر * ولونار انفتخت بهااضاءت * ولکن انت تنفخ فی رماد * یعنی اگر نفخ
 ایلد دیکک آتش اولیدی مشتعل اولوردی لکن سن آتسه نفخ ایتموب
 خا کستره نفخ ایدر سک و بیت ثانیه دن و نفخت فی غیر ضررم فقره سی اخذ
 اولندیغی مقدم اذکر اولمشدی * وان العصار عت لذی حلم والشیء
 تحقره وقد ینتاء * فقرتین مثل اولوب ان العصار مثلی بر کیمسه
 نصیح ایله متنصح و تنبیه ایله منبیه اولماز الا عاقل اولان کیمسه متنبیه
 اولور دیه جک موضعده ضرب اولنور و حلم عقل معنا سنه در والشیء
 تحقره مثلی برشی فی حد ذاته عظیم ایکن بر شخص اول شیبی تحقیر و تذلیل
 ایلسه اول شخص حقنده ضرب اولنور و ینتاء یرتفع معناسنه اولوب
 و احوالیه در و مالک معنای فقرتین عصا ایله نصیح و تنبیه عاقل ایچوند
 سن ایسه عقلادن دکل سک و بنم واصلتم برامر خطیر و عظیم ایکن
 سن طلب ایله تحقیر ایدر سک دیمک اولوب مرادی تحذیر در وابتدا قرع
 عصا و ضرب مثل اولنا نده اختلاف اولنوب روایت اعرابیده ابتدا
 تنبیه ایچون عصا ضرب اولنان حکام عربدن عامر بن ظرب بن عباد
 البشکری اولوب ذی الحلمدن مراد عامر در و ذوالاصبع عامر حقنده
 * و منا حکم یقضی فلا تدفع ما یقضی * دیمشد و حدیث سننده زکی
 و فهم و حکومنده بی نظیر اولوب پیر اولدقده فهم و ادراکی خبردار
 اولغله فرزندلرینه بنم فهم و ادراکه خلل طاری اولوب حکومنده خطا
 ایدر اولدم بن بیرون حیمه ده انشای حکومنده خطا ایدر سم سز
 اندرونده عصا ایله برکاسه به ضرب و قرع ایدیکز که متنبیه اولوب
 خطادن رجوع و ره راسته سالک اوله یم دیو تنبیه ایلوب فرزندانی
 وقت خطاده قرع عصا ایدر لدی و روایت اخراده عامر حصیه
 نامنده بر جاریه سنه قرع عصا ایچون تنبیه ایدوب حصیه قرع عصا
 ایدردی و خنیه ابتدا من پور عامر حکومت ایلشد و حکایه سی
 بودر که بر کون بر قوم بر شخصی عامر حضور ینده احضار ایدوب
 یا عامر بوشخصده آله رجل و آله مرأه مجتمع اولمش مرأه میدر یو خسه

رجل میدر قضا حل اشکال ایله دیدکرنده عامر متحیر و حکومته دن
 عاجز اولوب ای قوم بکا مهل و یروب تأخیر ایدک بو کیجه تفکر ایده یم
 دیو دفع مجلس ایدوب اول کون اخشامه دک و شب تاب سحر بی خواب
 و راحت تفکر و تأمل ایدوب عقد و اشکالی حکمدن عاجز و غمگین اولدی
 و جاریه سی سحیل عامرک کوسفنداتی رعی ایتمکله هر بار سحیل
 عتاب ایدوب کوسفنداتی رعیده تأخیر ایلدک صباح اولدی
 و کج کتوردک اخشام اولدی دیو مؤاخذه ایدردی اول کون غمندن
 قطع عتاب ایتموب سحیل رعی تأخیر و عتابه منتظر اولوب عامری
 المناک و پرفکره مشاهده ایلدکده یا عامر غمناک اولمکک سبی ندر دیو
 سؤال عامر دخی جواب داده اولوب سحیل ابرام و عاقبت عامر خنیه قصه سی
 اظهار ایلدکده سحیل لا ابالک یا عامر خنیا بی اقعاد ایدوب تبول ایلسون
 آله رجلدن تبول ایدر سه رجلدر آله مرأه دن تبول ایدر سه مرأه در
 دیدکده عامر مسرور اولوب * مسی سحیل بعدها و صبحی * یعنی
 بومستله نک جوابند نصیره کرک صباحله کرک اخشامله کیمسه سی
 مؤاخذه ایده مز زبانی بو ورطه دن اخراج ایلدک دیوب بر کیمسه
 برامره مباشرت ایلدکده امر کده مستقل سک و سکا کیمسه اعتراض
 و مدخله ایده مز دیه جک یرده ضرب اولنور مثلدن بعده عامر سحیلک
 تعلیمی اوزره تجربه و قضا ایلدی و سهیلی علامه مذکور شرعده دخی
 باب استدلال و علاماندن معدود اولوب معتبردر دیدی مومی الیه عامر
 بن ظرب او جیوز سنه معمر اولق اوزره مروی اولوب کندی ایستاده
 دخی مصر حدر * تقول ابنتی لما را تاتی کاتی * سلیم افاع ایله غیر مودع
 و مالک افغانی ولکن تابعت * علی سنون من مصیف و مربع
 فاصحبت مثل النسر طارت فراخه * اذارام تطیار اقباله قع * اخیر
 اخبار القرون الی مضت * ولا بدیوما ان یطار بمصرع * روایت
 اخراده ابتدا قرع عصا ایله خطاسنه تنبیه اولنان سعد بن مالک کنایه
 برادری عمرو بن مالک بن صبیحه اولوب سبی بودر که بروقتده سعد نعمان
 بن منذر زیارتیه کلوب نعمان سعدده دیاری احوالنده سؤال ایدوب

سعد بارانی عزیز و نباتی هنوز رسیده اولوب مر غزار لر بمن شمعی سبز
و طریدر دید کده نعمان یا سعد سن منطبق و حاضر جواب سک لکن
مراد ایلمسم سکا بر شخص تسلط ایدرمکه جوابدن عی و عاجز اولور سک
دیدي سعد دخی اولیه در دید کده نعمان خدمندن برینه سعه سبلی
زن اول دیو اشارت خادم دخی بر سه سخت ضرب ایلیوب نعمان
یا سعد بوکا جواب ندر دیدي سعد دخی غلام سقیه و مأمور در دیدي
نعمان غلامه تکرار اشارت و غلامی بر سه دخی ضرب ایدوب نعمان
سعد دن جواب طلب ایلد کده سعد ابتدای قبا حتمه مؤاخذه و عتاب
اولمش اولسه تکرار بو فعل قبیحه مبادرت ایتمز دی دیدي و نعمان
ینه اشارت و غلام بر سه دخی ضرب ایلیوب سعد دن جوابخواه اولد کده
سعد باری تعالی قوای تأدیب ایده یوردیدی و نعمانک مرادی سعد غضب
ایله جوابده حدنی تجاوز ایدوب قتل ایتمک ایدی چونکه طورنی تغییر
ایلیوب عافلانہ اجوبه مسکته سرد ایلدی نعمان تعجب و عقلمه پسند
و سعدی کندویه ندیم ایدوب بر مدت مرورنده نعمان اطراف مر غزار رنده
سبز و کباهک و فرت و قلته اطلاع ایچون سعدک برادری عمروی ارسال
و عمرو بطو اوزره حرکت و نعمانک قومنه انتظاری حدی تجاوز ایدوب
نعمان غضبناک اولغله یا سعد برادرک عمرو کلوب کثره کاه ایله خبر و پر رسده
قتل ایدرم قلت و عز نیله خبر و پر رسده قتل ایدرم دیو حلف و سو کند
ایلیوب عمرو کلد کده سعد نعمان برادر یمه برکله تکلمه سندن استیذان
ایدرم دید کده نعمان اسانکی قطع ایدرم دیدي باری اشارت ایده یم دیدي
دستی بریده ایدرم دیوب سعد یا امیر قرع عصا ایده یم دیو نیاز و نعمان
مساعده ایلد کده سعد جلبسک عصا سنی اخذ و بر کره قرع عصا
ایلد کده برادری عمروک معلومی اولدیکه محاکمه توقف ایله سکا افاده سی
مهم شی ظهور ایلدی دیمکدر بعد سعه متوالیه اوج کره قرع عصا ایدوب
عصایی جانب سمایه رفع و دست چپ ایله مسح ایلد کده عمرو مرعار کباهدن
خالدردیو قلت سز و اتدن تشکی ایله دیمک اولدیغن فهم ایلدی
سعد بر قاج کره قرع عصا ایدوب عصایی بر مقدار رفع بعده زمینہ اقا

ایلیوب عمرو فهم ایلدیکه کثر کباه ایله دخی مدح ایله دیمکدر بعد
بر کره قرع عصا ایدوب نعمانه توجه ایلد کده عمروک معلومی
اولدیکه تکلمه اذن داده اولدی کاوب حضور نعمانده ایستاده نعمان
دخی استعلاام ایلیوب عمرو یا ملک مدح اولنه جق رتبه بسیار و زم
اولنه جق مرتبه اندک و قلیل اولیوب ارض احوالنه اطلاع مشکل نه
و فرت نباتاته مغرور و مسرور اوللی و نه قلته مغموم و مأیوس اولماید
دیو جوابدا ده اولد کده نعمان عمروک فهم و دانشنه پسند ایدوب
اکرام ایلدی روایت اخرا ده قرع عصا دن مراد وقتا که جذبه زبانه
طرفنه مطیه سوار اولدی اتباعندن قصیر یا جذبه نهمله عامل اولیوب
نفسکی مهملکه به القایده یور سک لکن زبانهک عسکری نمایان اولوب
خیالته لرینی نفرس ایدر سم سنی آگاه ایتمک ایچون عصا نامنده اولان فرسکی
تاز یانه ایله قرع و ضرب ایده رم سن اول آن سوار اولوب فرار ایله دیدي
وفی الحقیقه لشکر زبانهک قصیر سو فصدل ینه واقف اولد کده قرع
عصا ایلدی لکن جذبه قصیرک خوف و همنه حل ایدوب التفات
ایلد کده قصیر عصایه سوار و جای سلامته رسیده اولد کده * ان العصا
قرعت لذي الحلم * دیوب کلامی مثل اولدی و ریه روایتنده ابتدا قرع
عصا اولنان قبس بن خالد بن ذی الجذین اولوب تمیم روایتند و ریه بن
محاشن و یم روایتند عمرو بن ختمه الدوسی اولی اوزره در و زمان
جاهلیته بنو تمیمک حکامی اکثم بن صیفی و حاجب بن زراره و اقرع
بن حابس و ریه بن محاسن و ضمیره بن ضمیره در لکن ضمیره رشوت اخذ
و ناسه عدرایتمکله مذموم و بنو قبسک حکامی عامر بن ظرب و غیلان
بن سلمه اشقی اولوب مزبور غیلان بر کوتی میان ناسده حکومته و بر کوتی
شعری انشاد و بر کوتی شترل ینه نظارته تخصیص و تعیین ایلشدی
و غیلان اسلامی قبول ایلد کده اون زنی بوالنبوب رسول اکرم صلی الله
تعالی علیه وسلم حضرت لری یا غیلان دور دنی ترجیح و اختیار ایله
بیوروب غیلان دور دنی اختیار ایدوب عدد مزبور سنت اولدی و حکام
قریش عبدالمطلب و ابوطالب و عاص بن واثلدر و زنان عربدن حاکمه

اولان بحر بنت لقمان و هند بنت الخس که ذکر می تقدیم ایلدی وجهه
بنت حابس و عامر ابن ظربك دختر پدر * وان بادت بالندامة و رجعت
على نفسك باللامه كنت قد اشتريت العافية لك بالعافية منك *
يعني اقدام ايلديك قباخته نادم اولوب ترك و نفسكه لوم ايدرسك بندين
انقطاع ايله نفسكه راحت بخش اولوب بزی دخی اراحه ایتش اولورسك
* وان قلت جمعة و لا طحن و رب صلف تحت الراعدة * فقرتين
ایکی مثل اولوب جمعة صوت آسیاب و طحن مطحون معنایه دقیق در
چن بر کیمسه وعدنه وفا ایتسه * جمعة و لا یری طحنا * دیو ضرب
مثل ایدرل و جمعة مفعولیت اوزره منصوب اولوب تقدیری اسمع
جمعة در یعنی صدای آسیابی اسمع ایدرم لکن دقیقی مشاهده ایتیم
دیمکدر و صلف قلة نزول و خیره اطلاق اولوب راعده سخاب کثیر الرعد
و قلیل المطر معنایه در مالدار و بخیل اولان کیمسه حفته * رب
صلف تحت الراعدة * مثلی ضرب اولور یعنی رعدلی اولان سخابدن
باران نزول ایلز دیمک اولوب مال معنای فقرتین تکلم ایلدیکی تهدیداتی
ایقاع و اجر ایلوب مجرد بنی تخویف ایدرسك دیمکدر * و انشدت
لابؤسك من مخدرة قول تغلظه وان جرحا * و اگر مخدرة نك غلیظ
و مکدر اولان قوی کولکلی جرح ایدرسده وصال و اجتماعدن سنی
مایوس ایلسون که زناتك خشونتته اعتبار اولوب ابرام ايله تحصیل مرام
ایدرم دیو طمعکار اولوب بیت مذکوری انشاد ایدرسك بیت مزبور
بشار بن بردك اولوب شاعر ابو شمعق مهران بن محمد بر کون بشارك
زیارتنه واردم پیشنده یوز دینار اولوب قدومدن آگاه و بکایا ایا شمعق
بودینارک بر مقدار بنی اخذ ايله که قصه سنی سکا نقل ایدهیم دیدی بندخی
بر مقدارنی اخذ و حکایه سنی چشم کوش اولد قده بشار یا ایا شمعق بو کون
تک و نهها جالس ایکن مالدار برنوجوان سلام داده اولوب یا ایا معاذ سکا
نذر ایلشدم شودینارلری قبول ايله دیو پیشمه وضع ایلد کده سبب
نذری سؤال ایلدم نوجوان دخی یا بشار برزن جور پیشه به دل داده
اولدمکه دعوی مستور یتده رابعه زمان و عصمت و عفته بکانه دوران

متن

متن

متن

کجنوب بر وجهه نائل و صالی اولق ممکن اولد قده مایوس و طلبندن
فارغ اولمشیکن سنك * لا يؤسك من مخدرة * قول تغلظه وان جرحا * یتکی
تذکر و تکرار تحصیلنه دامن در میان و جور و جفا سینه صبر فراوان
ایدوب عاقبت نائل بکام اولوب سکیوز دینار اعطا ایتکه نذر
ایلشدم در دیونقل ایلدی دیدی * فعدت لما نهيت عنه و راجعت ما استعفيت
منه بعثت من يزجك الى الخضراء دفعا و يستحكك نحوها و كرا و صفعا *
از حاج بر شتی موضعندن قلع و اخراج و عدم استقرار معنایه اولوب
بر مره خانه سنده قرار ایتوب هر بار کشت و کذار ایلسه مزعاج دیرل
و خضر بیرون بلدانده اولان مزعه طرفنه اطلاق اولوب و کز
بر کیمسه بی دفع و اخراج ایدرکن پشتنه مشت ايله ضربه دیرل
و صفع قفایه سبلی زن اولغسه دیرل مال معنا اگر بنم و عید و ایخافدن
خوف و کلامی تصدیق ایتوب نهی و منع ایلدیکم خصوصه بینه مباردت
و عفو ایلدیکم امره تکرار مباردت ایدرسك سنی قرا و مزاعه ازعاج
ونفی و سله و مشت ايله ضرب و دفع ایده جك آدم تعیین و ارسال
ایده رم دیمک اولور * فاذا وصلت عبثا کارون نهها بک و تسلط نواطیرها
علیک * کارون زارعون معنایه کارون اگرک جعی اولوب اگر
برز کرد و اگر اکر اتدن مأخوذ اولوب اگره خضره معنایه و عبث لعب
ایله تخیبط کار معنایه اولوب طعام مخلوطه عبث دیرل و سلاطه قهر
و غلبه به تمکن و قدرت معنایه اولدیغندن پادشاه سلطان نسیمه
اولمشدر و نواطیر ناطورك جعی اولوب ناطوری حافظ کروم و دشمنان
معنایه در مال معنایه چنگه خضرایه و اصل اوله سك دهقان
و بز کرل سنی مخیره و دشمنان راوز ریکه مسلط اولوب تعذیب
و تعجیر ایدرل دیمک اولور * فن قرعة معوجة تقوم في قفاك و من جفلة
مننة یری بها تحت خصاك * یعنی چوب کج و عصای معوج مستقیم
اولنجه قفا که ضرب ایدرل چوب کج ایلسه مستقیم اولق ممکن اولوب
دائم سنی ضرب ایدرل دیمه دن کایه ایتش اولور و مکروه و منن
طوری ز برمذا کبر که رمی ایدرل دیمک استکه ادخال ایدرل دیمکدن

متن

متن

کایه در * ذلك بما قدمت يدك لتذوق وبال امرک وتری میزان قدرتک *
یعنی بوخیزی و تعذیب سبب حدکی تجز او زو بنم کی شریفه نک وصالته
تعرض ایله کسب واقف ایلدیکلک شیر و جن برکیمسه بر امر
مکروهه مبادرت ایله معاقب اوله دن متضجر اولسه هداما کسبت
یدک دیو ضرب مثل ایدرا کر چه فی الحقیقه فعل صاحب یددن صادر در
لکن مجازا انده اسناد اولنور و لذوقه لام تعلیل ایچون و ذوق فی الاصل
دهانده حاصل طعمه اطلاق و بعده برشی امتحان و تجربه به نقل اولنوب
قلیل و کثیرده استعمال اولنور مثلاً بر شیک نمونه سنه نظر کی و وبال
شول امر ثقیل و کریه در که ضررند ن خوف اولنه و میزان بر شیک
مقدار و حدنی معرفته دیرل پس مال معنا سکا ایده جکیم تعذیب نابجا
اولیوب کسب یدک اولوب مبادرت ایلدیکلک امر قبحک جزاسنی
تجربه ایتمکله حدکی ییلوب بعدالبوم حدنا شناس اوله دیمک اولور
* فن جهلت نفسه قدره یری غیره منه مالابری * پس برکیمسه نک که
نفسی کنندی حد و مقدار نه جاهل اوله سائر ناس اول کیمسه نک حدینی
ییلوب کندویه نمایان اولمایان هیب غیر یله آشکار و نمایان اولور
بیت مذکور متنیبتک اولوب صده مناسب اولغله ایراد ایلدی و اکثر
ادبا و بلغا رساله زینی بر آیه کریمه یا خود بر مثل سائر یا خود بر بیت معتبر
ایله ختم ایدوب رونق رساله به مزیت و یرملری دیدن قدیم و متنبی
بیت مذکورک مضمونی کلنک یعنی طوریه حکایه سندن اخذ و سرقه
ایلمشدر و اصلی بودر که بر قصار کنار دجله ده قصارت ایدردی و هر کون
بر کرکی پرواز ایدرک زمینه نازل و لب جویده کله قونوب بوجکلر
دوشیروب تعیش و انکله قناعت ایدردی ینه بر کون کلنک عادت مالوفه سی
اوزره بوجکلرله تعیش ایدرکن بر صقر جق سمداده رمه کبوترانه هجوم
و برینی شکار و تغذی ایلدیکنی مشاهده و کندویه ملامت ایدوب
سن صقردن بزرگ اندام و عالی پرواز و پرزور ایکن بویله مضائقه ایله
تعیش ایدرک زهی دون همت دیوب بر کبوتره دیده دوز و بعد المشاهده
صقره تقلید ایله پرواز و کبوتره هجوم ایلوب کبوتره راست

کتوره میوب فرط هجومندن کندوی ضبط ایده میوب بوجکلر
صید ایلدیکنی کله ساقط و سری بالغه باتوب قالدقده مزبور قصار
کرکی شکار و خانه سنه ایصال ایدرکن بر آشنایه دوجار اولوب بوند
دبو سوال ایلدکده قصار (کرکی بتصفر) دیدی یعنی بر کلنکدر که حد
ناشناس اولوب نائل اولدیغی نعمته قانع اولیوب وسع و اقتدارندن
خارج امره مبادرت ایله مصاب اولسه ضرب اولنور و صقر معروف
برقوشدر که ترکیده جاجر تعبیر اولنور اجدل و قطامی دخی صقره
اطلاق اولنور و اول صقر که قناتلری اوزون اوله مصرخی دیرل و هر
قوش که مرغانی صید ایده باز و شاهین کی اکا صقر تسمیه اولنور
و جعی اصقر و صفور و صفار و صفوره و صفاره و صقر کلور بومثللی
چمک آخرینه ها الحاقی توکید ایچون درو مؤثی صقره درو صقره لفظی
شدت ضرب معنا سنه اولان صقر دن مأخوذدر که معول ایله حجره
ضرب اولنسه (صقر الصخرة بالصاقور) دیرل و صقرک کنیه سی
ابوشجاع و ابو الاصبع و ابو الحمراء و ابو عور و ابو عمر اندر و صقرک
صادنه کاهی زا و کاهی سین بدل اولنوب زقرو صقر دیرل زیر کلمه که
انده صاد ایله قاف جمع اوله لغات ثلث مذکور جائزدر بصاق و بزاق
و بساق کی توکرک معنا سنه و عرب نسر و عقابدن غیره هر صید
ایدن قوشه صقر اطلاق ایدوب جاقره اکدر واجدل لفظ لری
تخصیص ایدر و جوارح اربع که صقر و شاهین و عقاب و بازی در
انلره سباع و ضواری و کواسر اطلاق اولنور و جوارح مذکوره میانده
صقر دواب میانده استر مثابه سنده در زیر صقر شده صبر و عذابک
غلیظنی هضم و هر قوشه حله ایدر و غزال و خرکوش صید نه ممارسه
و اعتیادی طبور صیدنه ممارسه سندن زیاده درز بر امر ناجی باردور طب
اولغله چوق مدت صوابنجر بناء علیه بچرده مثل اولوب انجر من الصقر
دیرل و میدانی انجر من اسد و من صقر مثلنده دیدیکه وله لحیه تیس وله
منقار نسر وله نکهه لبت خالطت نکهه صقر و صقر و صاقر دیرل

حديد البصر معنا سنه والله اعلم بالصواب واليه المرجع

والمساب تمت الرسالة وتحتها والحمد لله

رب العالمين والصلوة والسلام

على سيدنا محمد وآله

وصحبه اجمعين

آمين

بلاطفه تعالى اشبوكتاب بلاغتصايبك طبع وتمثيلي * سلطان

سلاطين زمان * وخاقان خواقين جهان * السلطان عبدالمجيد خان *

صنعت سلطنته الى نهاية الدوران * افنديمير حضرتلرينك سايبه

شوكتوايه ملوكانه لرنده * من غير استحقاق تقويم وقايع نظارتيله

كسب نضارت ايلمش اولان بندكان دولت

عليه نك بي نامي * سيد مصطفى سامينك

معرفت كترانه سياله بيوسته

حسن ختام اولمشدر

اواخر صفر الخير

سنه

١٢٥٧



